




# 叢書集成續編 第一六六冊目錄

文學類



## 詩別集——宋

涉齋集十八卷	宋 許及之撰	敬鄉樓	一
棟華館小集一卷	宋 楊甲撰	宋人集	九三
自鳴集六卷附校勘記一卷	宋 章甫撰	豫章	一〇一
竹齋先生詩集四卷	民 胡思敬撰	宋人集	一四五
華亭百詠一卷	宋 許尚撰	宋人集	一八三
二薇亭詩集一卷補一卷(存卷上)	宋 徐璣撰	敬鄉樓	一九三
芳蘭軒詩集三卷補一卷	宋 徐照撰	敬鄉樓	二一一
東山詩選二卷	宋 葛紹體撰	宋人集	二三五
安晚堂詩集六十卷(原缺卷一至卷五、卷十三至卷六十)	宋 鄭清之撰	四明	二五九
附補遺一卷補編二卷	宋 陳起輯		三〇一
附輯補一卷	清 李之鼎輯		三二六
雁山吟一卷說劍吟一卷	宋 呂定撰	宋人集	三三五
玉楮集八卷附錄一卷	宋 岳珂撰	三怡堂	三四九
藝居乙稿一卷補遺一卷附錄一卷	宋 陳起撰	武林往哲	四〇三
漁溪詩稿二卷乙稿一卷補遺一卷	宋 俞桂撰	武林往哲	四二一
石屏詩集十卷	宋 戴復古撰	台州	四三三
癖齋小集一卷	宋 杜旃撰	續金華	五七三



蘭泉集二卷·····	宋 吳錫疇撰	宋人集	五七九
西陸稿一卷續稿一卷海陵稿一卷·····	宋 宋伯仁撰	宋人集	五九九
指南後錄三卷·····	宋 文天祥撰	正覺樓	六一九
須溪先生四景詩集四卷補一卷·····	宋 劉辰翁撰	宋人集	六五九
學詩初稿一卷·····	宋 王同祖撰	續金華	六八三
西麓詩稿一卷西麓繼周集一卷附校記日湖漁唱一卷附校記·····	宋 陳允平撰 民 朱孝臧撰	四 明	六九一
柳塘外集二卷·····	宋 釋道璨撰	宋人集	七四五
橘潭詩稿一卷·····	宋 何應龍撰	武林往哲	七六三
蒙隱集二卷·····	宋 陳棣撰	宋人集	七六九

wt 94/06

涉齋集

涉齋集

敬鄉樓叢書



民國十有七年  
永嘉黃氏校印

涉齋集卷一

五言古詩

許及之 深甫

新晴

連旬困梅霖接夏潦乘海泄雲渙新霽遊興難管束出關便航  
湖停篙葑蒲綠漁歌入浦激沙禽亂驚浴昏霏送霞落依稀辨  
林谷初更電輝搖輕雷忽相續蛙聲雜猛雨波瀾碎鳴玉何能  
足清睡快舉卮酒沃明朝看晨光未必非所欲

次韻葉德友苦熱吟

避暑本無法有法心可移達尊迫人事盛服嚴天威六月厲戈  
甲百鍊親鎗鏖前驅上峻坂後鞭禁長吁正午萬竈增尅暑千  
夫炊帳門待排結軍令無徐舒陸渾救急燎燦巴稽嘆霏期以  
涉 齋 集 卷一 敬鄉樓叢書

片時減不許一草萎曠賞激勇往畢力爭忘疲不計揮汗雨寧  
思濯風漪當其用力所豈復知熱時萬事心地存百年火宅馳  
四時更代謝二至爭愆逾積陰理必復大夏陽常居及此當歎  
絕豈得懷鬱紆杜願踏層冰幾欲投清池韓思坐深飯爲說亦  
豈疎極知隸元氣孰與逃象滋聊用供嘲咏且以相戲娛吾儕  
幸安適家食饗委蛇念彼方熱耘焉能思逃虛靜勝昔人心屢  
空斯晏如况予負深譴省咎闔重扉友朋相急難往復通有無  
每懷子葉子久與期襟期有此苦熱吟句韻兩崛奇

喜雨次韻翁常之苦熱吟

羲和不弭馭炎帝方秉機孰不愛趙衰誰肯觸武威豈知鑠金  
石乃得齊璿璣鹿角甫云解葵箴無停揮萬寶成南訛一枕安  
北扉殿閣施餘薰才茨溥增輝鼎鼎百年內咄咄七十稀臨流

抒我懷新浴振我衣雷雨急生涼天恩覺淪肌詩來取靜勝句  
到不吾欺盛服思客位重鎧念邊陲當暑如懷秋秋至忽興悲

再酬常之

理極終必復孰逃造化機司夏流中氣執衡振嚴威有懷渴雲  
霓不願雨珠璣油然起峻嶒閃若驚霍揮嘉澤徹中宵涼颺入  
重扉良苗固懷新治葉亦生輝從欲天匪私屢豐古實稀垂老  
藉香火凌晨肅裳衣百拜屈我躬萬感銘我肌茲生每有逢未  
路敢爲欺正爾飽邱壑及此軫疆陲念終抱媿耻已矣徒傷悲

中秋見懷

明月出海底先照形庭墀正以合德故爭效朝宗馳須臾散精  
彩普率揚明輝常時或顯晦所歷隨茫瀾及茲秋中氣燎然光  
滿規豈但碧漢澄無復宿露披如坐水晶宮更泛碧琉璃凜凜  
涉 齋 集 卷一 敬鄉樓叢書

栗膚髮凋剝析毫釐竟欲乘浮槎試與窮垠涯或擬斫却桂或  
云生桂枝蟾宮到者折不生豈不稀玉斧修何事倒即無倒期  
沉吟自絕倒痛飲忘傾斂茲辰病因仍良行覺支離始行浮雲  
多猶欲一口吹東牀念齋夕妙語寄相思詞到律自協意古趣  
更奇今雖減冰輪猶照蘸甲危寄聲街南翁斯辰可無詩我欲  
資雋永庶以得自頤

侍南軒先生卷雲亭望嶽麓積雪分韻得初作二字 案此脫去

詩一首

新元既涉九臘尾春未初司寒勵餘職飛雪來庭除因風稀復  
密潛陰慘還舒瑞色入隴麥祥膏潤園蔬未足映書讀已寬帶  
經鈕和氣融比屋所積惟林慮悵焉起遐觀未知問所如南軒  
笑領客操已敢作疎豈無門下生不肯升簾輿泥按徐繡秀



句生蹇驢卷雲畢清集湖上沙開予婉婉翠籠中萬瓦參瓊瑤  
急掃供茗事隔江竟煩渠終日樂未央不爲食有魚十韻分九  
人其一固閏餘併以屬汰礫敢下馮婦車屯雲方雜沓二白難  
躊躇須公專吟筆載賡仍屢書

張時可席上喜雪分韻得水字時予後至周希稷期而不  
集

寒威逼重幃皓彩墮庭祀不謂晦日愁乃有豐年喜更長要深  
盃客緩媿停七後來固自佳不至猶可紀傳香共分題索笑驚  
落紙摩抄玉梅瓶凍合西湖水

次韻黎師侯登王叔武文昌閣看雪

春雪如過客所止留莫住但見空中馳機心逐鷗鷺度臘凜餘  
寒同雲忽朝聚乍看皎泣珠漸覺柳飄絮少焉有矜色瓊枝鬪  
涉齋集卷一三敬鄉樓叢書

玉樹登臨須勝流著我覺形汗北山鮮明姿愛客急修具坐間  
兩荆州翛然隱風度更著老彌明清談屋領注客醉主亦歎主  
醉客即去剝啄鳳沼來忽得石鼎句便可當畫圖却將醒眼覷  
次韻轉庵用山谷半字韻見寄

居閑數相過每話夜參半稍作一日疎已起三秋歎老去惜光  
陰歡來猶把玩去年摻袂別轉看搏沙散恍思麋鹿侶豈是鶴  
鷗伴拂龜信逢辰聽鷄虞失且再冉金塔趨穆穆玉皇案端笏  
儼一變曳履儀十亂咸德足享天旅薦潔初盥疲鷺亦自鞭百  
駕祇恐緩以茲故山夢縈縈若珠貫佳句自山來居然起衰懦  
平生錦繡腸不復置冰炭室邇猶遠思迢迢況閩館加意松栢  
姿聊逐桑榆暖歸投玉女壺天當一笑粲

次韻書懷

世味真嚼蠟閑趣覺雋永閉門讀舊書拓蕭豁微罔闕道忘一  
斑反身得三省佳人不可招妙處誰與領未別聊晨門已獻那  
泣郢向來真左計只合事幽屏感君汪洋波洗我榮辱境逢原  
得新功餘潤及古井筆端有轆轤句法見馳騁梅花動鄉思霜  
風吹鬢影言歸日在念未策心已警咫尺看白雲祇隔馮公嶺

次韻酬徐居厚寺簿

友言按此以山陵  
事至紹興時作

渡江見三白飛雪爲誰妍因山行畢役憂國且願年眷言靈駕  
發綿延屬車駢陽侯既効職膝六敢自賢閨陰不忍下竣事即  
隨前山林亦縞衣揮灑紛素筵似與孤臣淚同作珠貝編豈無  
訪戴舟拘文不容牽感君相料理語妙堪流涎奈何補天手袖  
此鑑湖壞不受鄰僧米顏公合憂煎按掌映雪眼聳臆吟詩肩  
同時天下名一日方九遷君不策高足餘子煩後鞭

涉齋集卷一四敬鄉樓叢書

再用韻

正士如正色耻與俗競妍老成信遲鈍阿婆曾少年斯人寄閑  
地宇宙豈贅駢向來馳天壤誰者相愚賢我欲從之游每恨不  
得前茲行本尸祝代庖誤當筵高軒旣枉過妙語亦盈編受施  
不知報力疾可復牽風雪久爲虐江湖長蛟涎天豈困男兒地  
關東南壞惟有皎潔姿不受寒暑煎勉子加殫飯行行盍仔肩  
時哉有通塞道豈隨變遷願將釣竿手一爲公執鞭

王弱翁同年以多病故人陳韻五詩爲惠次韻奉酬

王君圭璋姿宜在條理科妙語天發成瑩徹非礪磨宗廟要琬  
琰世豈無卞和顧恐太分明頗覺瓦礫多  
斯文萬金藥不救俗儒病虛生誰云邪夫子未出正羊腸駕簡  
輪鯨瀾泝孤榜噫乎吾道窮自古關衰盛



江水日萬折哀望東注饑禽無停飛不足了雖哺君看青紫  
綬但供折腰具物理信如此焉敢辭世故

葉脫秋色靜水落洲渚陳文昌易為月翩翩欲相親蟬聲老逾  
夏乍聽意覺新此時酒一尊不可無此人

心競事未已趣了計有餘彭澤八十日便可膏我車趨時方枘  
拙涉世孤舟虛君無攻我短政爾吾太疎

直舍考校次弱翁再用前韻

胸中無涓涇筆下安詮科糊名疆別白朱丹困研磨傳詩得建  
安妙畫追永和快讀沈我懷珠璣拾何多

我句蕪陋質聊學捧心病君詩婉變容毅然色更正唱歎朱絃  
音流唱清池榜足亢江西宗它年耳孫盛

官冷得酒錢便欲精床注不管門東兒張頤須咽哺堪笑布裙  
涉齋集卷一五 敬鄉樓叢書

婦遮藏備修具君自不計珍何止傾蓋故

夜讀舉子語夏夏務去陳喚起場屋夢倍覺燈火親科第計謂  
了癡兒事方新寄言山內友勿念塵中人

堆案即姑道棲息萬籟餘塔除勃率行兩脚當我車徑欲煩客  
卿相從賦子虛翹生不可招坐令此計疎

轉庵集客分韻得作字見示次韻奉酬

轉庵詩老手久不見近作尙友喜文會分韻得真樂聯翩來巨  
軸淋漓想酬酌異味非五鯖良裘豈一貉有如得良劑居然起

深漠雖微與茲集所得良不薄山王果爲累竹林誠可略何妨  
贅賡酬聊復資戲謔永言相忘友久要欣有託後當不如今

可不晤昨亦欲見真率正須先宿諾少待天氣涼偉觀灑高閣  
轉庵再用作字韻見酬有著蔡休咎之語復韻爲答

步蹇無良行思苦乏新作盡聲徒自切我病有何樂言寫紆短  
懷深汲難遠酌敢嗟鳳兮鳳正慙絡非絡詩家有醫王同社求  
句瘼固不相短長祇恐自鄙薄胡爲作蟻夢乃欲談豹略此意  
誠起懦斯言喜善謔天幸吾已數人生歸有託居然成老醜何  
者裨畫諾知予與罪予併束春秋閣

次韻滕丞以古風爲贊

松柏覆高岡根株滲七澤雪霜有古今柯葉無改易上干青雲  
霄下庇神龍宅嘖嘖朝陽鳴杳杳蓬堵跡五色絢文章八音諧

金石羣飛競婆娑爭附第充斥匠石既罕遇社稷顧何益伶倫  
不雌雄嶰竹雜蟻蠅藍田驚世瑞造物等兒劇昨曾闕爛斑今

猶眩朱碧居然獲徑寸幾欲按三尺久之置懷袖尙爾除踧踖  
姑憑副墨子往備庚桑役

涉齋集卷一六

陳西老詠楹古風次韻

古井千尺深而無一寸波古和陰其旁惜惜長銅柯明堂一柱  
難如此樑棟何匠石久袖手高岑鬱峨峨天風一披拂劍佩相

戛磨不願爲阿房千門貯秦娥願作寒士庇渠渠共婆娑吁嗟  
不相貸飛輪迫義和誰爲

次韻陳大用分韻得對字

離羣易興懷會面即忻對茲豈非人情况復是吾輩稍稍不晤  
語望翠已心憤世態炎復涼畫事素先績餘子祇砥砭良友抵

珍珠仲方真小難煮糜是所愛有作窺古淡如女洗妝黛亦嘗  
和宮徵惜不聽環佩是舉終當了此事可使廢轉庵傳分韻容

成憶同載肝膽徒輪困醪醉任瑕類

洞詩中屢見皆今縣城東南地潘德  
久似亦在近鄰也 小難猶言難弟



次韻陳大用

林巒迢搖落青木見槎梗物當各歸根人盡思退省我今幸投  
閑日方競俄頃闔戶思寡過出戶忘造請第知龜藏穴大似蛙  
坎井佳客車枉門好語裘挈領遠發醯鷄覆如脫孤狔穿見道  
乏新礪導竅味微繁元方擅能事轉庵互規警倡酬傳五字翫  
味消百嘗盤殮共麤糲軒窗臨閨靜恨方厲霜風惜不行蔗境  
何當歷金岑相與忘吟町江山開偉觀華蓋登絕頂

與同社遊山園次翁常之韻

眷言太玉峯本是仙佛宅端視儼若屏側睨展如翼洞府何渺  
茫傳聞見圖畫疆理雖東顧題品經謝客至今味篇咏當時想  
遊歷顧我本萍泛買鄰寓棲息江山自星霜卉木因種植鑿巖  
得香泉拓戶見山色佳客入庭戶英氣來几席幽葩芬石根好  
涉齋集卷一七

卷一

七

敬鄉樓叢書

鳥絃坐側拄笏山之西擊舟江以北明月浮可捉疎星掛堪摘  
拂晨天宇淨出海陽烏赤修嵐燦紫翠遠目眩朱碧峻嶒雙塔  
影突兀古殿脊媚川溟渤寬絕境天地窄前賢未嘗忘勝趣何  
有極茲時屆清和同社共推激肯為終日留喜免重城隔長歌  
響林垌妙語出金石爾汝合忘形拘攣非遠識莫噴驚着汝試  
問今何夕曹劉堪可短丘崖肩可拍却笑山陰會翻悲昔人迹  
喻指就非是計馬誰失得明當新詩來勿憚難韻迫趣歸不忽  
忙餘興猶發積感君吐瓊瑰為我寫胸臆

六日十五日西湖夜泛高炳如集客趙臨安蟠老致餉同

遊者陳可行楊少雲李元德王順伯何紹彭張宗尹楊氏

子弟寺僧方與焉次炳如韻

西湖著明月萬象各偃伏夙昔湖上遊賡酬動盈束未有夜泛

詩此諸吾屢宿剝啄聞招呼管束戒行速讀君紙三過洗我愁  
萬斛行行正作意在在堪刮目山光真起予過雨儼新浴精藍  
甜深幽疎篁庇修綠棋聲節風颯參差自成曲睡乍味覺甜語  
軟氣能馥老僧與客忘諦細楞嚴軸小立水花淨一堤良意足  
方舟曉興動篙人聽回復薰風散金波心境兩愁獨是有妙  
句萬古無管屬詩家高書記前趙今鮑叔歸來要推敲遺餉到  
林谷陳榻初解懸膺門契仍篤不遺太學蕃王陽共高躡陸笑  
阿戎談足以侍几牘支郎更可人啖蔬如啖肉而我廁髻張形  
骸愧珠玉敢逃青白眼僅免朱丹毅明朝軟紅中清游夢應續  
未歎終滯淹湖山已收錄

次韻薛子明由羅浮登富覽

衣曹按薛子明瓜盧薛師石之弟

羅浮映掛綵富覽由茲亭地非南海嶠山結北斗城雙鼉插奔  
涉齋集卷一八

卷一

八

敬鄉樓叢書

瀾萬峯若屯營往復信湖汐日夜歸滄溟沙漲陵谷移水落洲  
渚橫謝客紆目力郭公參地形夫君有心哉象緯羅中局

次韻薛子明賦雪洲寒瀑

南山阻且秀三峯屹而挺差跨夜鶴聲松納古潭景珍潛滌無  
朕樵涉深及脰星娥閱靈蹤月卿探幽屏同氣想飛霞相過談  
倒影儻遇蓮葉舟定自太華井

游石梁

天柱昔飽觀石梁今創見愧此又枒姿空費輪困薦安得愚公  
移往作靈光獻突兀千萬間普適寒士願

沈丈察院次遊鳳山韻見示再次韻奉酬

短思如枯枿不忘雨露滋一朝得甘露牙蘂紛差差向來圯上  
編沈丈傳惠致孤老人期至今山篋中常覺律呂隨風骨自難

蛻寸心恐終違苦語迫應酬如醉多傾欵擬求風斤斲麻使膠  
柱移遺以五色篇服之欲生輩東隅縱已失南車足占迷堂堂  
豸冠老偉論堪扶危不妨似嫵媚正爾煩逶迤餘事出長技傳  
玩爭矜持高吟有催和好雨誠知時疲驚懼難駕馭驥思脫羈  
行當逐遠放雁伴聊同棲

游道林嶽麓寺詩

幕府日多暇而無簿書勞喚渡涉湘西鼓枻歌離騷今日湖南  
山領覽歸我曹頗覺葉舟穩夷塗自風濤

道林訪幽棲羈懷愜所向嶽麓振前策盤紆得夷曠向來北山  
移無物辭嘲謗見此意豁然泉聲助悲壯

從昔遊山人留題盡名字壁昏暮鴉棲石賦羣鴻戲今人來更  
多後觀復長喟吾儕幸聞健拄笏致爽氣

涉齋集

卷一

九

歌鄉樓叢書

名山喻名理妙處須獨到提耳從百聞豈盡歷歷告茲游太清  
絕足以償宿好相期寒歲姿對此松栢操



涉齋集卷二

五言古詩

許及之 深甫

曾主管由宜春道中得遺棄小兒囑余收養道間寄詩紀

實次韻奉酬

日月被八極覆盆自無明陽春嫗萬物孤翰有悲鳴所以聖明  
治要燭幽隱情一早出料外誰與填饑坑豪家亦何心閉羅門  
忍橫指困寬嗷嗷凜若臨大兵兩餘百憂洗痛定猶忡怔今代  
子曾子贊畫外臺清高軒昨過我絕塵不容瞠歸途出城闌岸  
潄聞啼嬰下車非內交一念千金輕摩挲脫九死感慨恩更生  
抱持涉數舍見我託此婢再拜敢有渝鞠養專廂榮嗟予何爲  
者世故亦飽更識君千萬間胸次久已成所饑非一兒公乎勉

涉齋集

卷二

敬鄉樓叢書

功名

曾主管專介取棄兒再次前韻

自別心耿耿奈此秋月明晨興洗我耳鵲鵲枝間鳴踵門得緘  
翰中有惻怛情眷彼水際兒感公脫危坑傳之邑父老相語涕  
泗橫鄭重煩取將摩挲付老兵忌飽體未充憤拊心無任應答  
已如響炯炯雙眸清試問父母誰情恍目屢瞭微公父母恩何  
以活此嬰兒生未有知陰報已不輕公猶不自德安得名許生  
共惟仁聖朝發政先鯨鱗吾儕值款乏詎敢孤官榮二星妙宣  
指悉數僕屢更三接尚須臾一路當生成况乃幕中畫實負當

世名

以許生

湖上錢沈與國分韻得二字

衣言案沈持要編常守  
溫州守與國殆其子也

赤驥見已罕名駒更兼值吾鄉推賢侯逢人話詹事訟簡古風

還心清民業遂江山妙主盟景物恢位置如何柱石姿尚以牧

伯寄北關別經年南薰動離思居然軟紅中見此清白似松筠

儼長身雲霄舒直氣寵光竹使符假借玉塔地餉計曾入幕軍

容有竝議恭聞天語溫喜見家學粹它時課最騰看即璽書被

今晨欣壽節輕陰遞涼吹三呼禮云畢一笑天所施榴花染白

雲游儵苾青芝畫舸得夷猶名園隨造次懷綬却羨君戲綵且

歸侍不繇雁蕩山即過石門寺永嘉政久成謝公蹟重記剩有

名詩章因來寄一二

送蓋總領上計三首

絕代有佳人岑樓碧岩巖即之起幽芬可慕不可招風雨二十  
年寒榮簪高標置之白玉堂致主軒與堯胡爲枉襍被江干駕  
輕輶施物功方成丹砂夜生苗披腹吐琳琅碧簡趨丹霄

涉齋集

卷二

二

敬鄉樓叢書

昔者云夙駕楊柳方依依今其望來思兩見秋風吹前乎已勞

還後此亦云歸丹筆映螭坳祥風動紫微豈不念歸美正爾畏

簡書不見居官樂惟憂士卒饑昔人無遺孔後來補深瘼炯炯

心獨苦所貴知者希

熠熠飛者螢變化自衰草時至能晶熒翕張合吾道微光苦不

息豈足神穹昊迢迢風雨夕耿耿祇自保苟無車先生分合委

枯槁乾死誠未悔藥籠資探討

送孫會之縣尉秩滿歸廬陵

衣言按玩屈賈二  
句亦當在湖南作

人生貴相知不在相逢早廬陵說三孫修名愜諸老伯也吾同

年久別心杲杲季也真可人一見顏色好金石出几杖握手屢

傾倒屈魂雖尙醒賈骨久云槁微君寫窮愁何以慰懷抱再見

一尉更取別何草草回視徒四壁蟬聲綴吟囊向來雕斲工見



輒迹如掃汲深無新泉送子慚涸潦珍重皎潔姿相期在斯道

送趙倅滿秩東歸分韵得念字

衣言案吾里句趙倅嘗亦溫人

官閒頗成習懶積懷歡古井無復波寒灰豈能爛苟且信自  
慚奔競亦良厭學道無新功但覺益友欠夫君珪璋姿表裏絕  
瑕玷瓦礫誠可羞溫潤得漸染向來三語稱吾里懷關規名談  
造根柢高文在鉛槧轉首十五年天庭久宜揆胡然慰窮愁相  
逢古天塹治中員外置縮手靳鞴翰從容國醫旁出語即中砭  
選迨秩云滿蕭條理琴劍炯幽者蘭林深守孤艷寧受蕭艾  
欺忍使資菴借誰歎功名塗由已拯昏墊小草非遠志臭味真  
有黍羞殺東方生饑死更求贖因君動行李令我起歸念西山  
有石田努力事耕畝

乞補外出江皋待命泊偉觀二首

涉齋集

卷二

三

敬鄉樓叢書

經年充拾遺一字無所補豈不懷故鄉念方事新主一朝冒超  
遷循墻不遠處寧離人間世亦戀行在所有親方賴祿有子方  
應舉守道在守官奈當事斯語

欲去不得遂正如太廟羊登俎分所宜得去喜可量聖度真如

天不妨且翺翔扶老復携幼遷居大江傍居然得偉觀悵焉渺

遐荒潮頭來如山親樂想未央

據名偉觀衣言案深夫未非與母見張宣公思終堂記此蓋

以奉其父

題解舍壁二首

明時有何遺亦復許撥拾大言得面陳小言可封入有時効疎  
愚豈是當務急每蒙天下施聽之恐不及退思自生慚黃卷常  
在執舊田雖甚蕪新井尚可汲勉哉競斯辰萬一如有立  
本不事贈弋未免執矢疑客來非不多益友每遠之薰風時一

願素抱誰與期久要竹居叟談詩能解頤兩頰貯微笑徑造觀  
我私請解襦衣相與舉近詩

綸子效靖節止酒體賦筠齋余亦和而勉之

綸以筠名齋種筠當掩關愛筠栽竹易見竹知筠難竹以筠爲  
本筠居竹之間希筠歲寒操追筠古風還筠中聽琴瑟筠外瀉  
潺潺人與筠俱勝筠隨境共閒

重題陳漢卿貧亦好齋

古人重安貧未若貧而樂豈不愛膏粱顧乃嗜藜藿我聞首陽  
餓榮名千駟作况乃陋巷子篋瓢殊不惡刀頭得幾何蝸角戰  
方虐以茲悟生理貧中始澹泊陳侯清時英廊廟宜着脚丰寶  
勢豈容貧齋意聊託蒼生方飢渴未可去盤礴且來祿萬鍾脫  
粟躬自薄

涉齋集

卷二

四

敬鄉樓叢書

次韻常之松廬有感

衣言案翁常之居樂清柳市集中屢見

年少愛節序老大感歲時亦知夜漏短自喜書景遲懷人笏頻  
拄矯首帽屢欹至情何慘愴同氣相因依君家說大難心胸蘊  
多奇永歡思伐木長歌倚式微眷言無雁地渴想前鴻俱一別  
如昨日二年忽今茲數傳龜組解備著鱸風詞寒鄉少瑞應遠  
覽期長離解纜辭江臯反袂接水湄無從猶出涕有弟應垂淚  
今見松廬作可勝薤露悲憐君抱苦節愛兄見哀詩無復逝水  
回當有高山知老慙無領解久約同襟期勉和吹篪章聊慰深  
長思

周時仲提幹求二親墓亭扁答以攀柏因爲著語

掃松拜親墓攀柏念親泣相露滴兒衣兒淚和露濕五鼎縱可

陳三釜嗟何及墳前白頸鴉終日聲枯槎



跋宋朝老再和陶淵明歸去來辭

吾鄉說三宋伯也抱奇偉太學三十年不作舉子語晚當拜特  
恩青衫送還官開口論世事有舌不可捫吾皇開壽域汪濊澤  
萬國勉公俯而就如女有正色翻然感際會千載今一時誰歎  
俾宿留再和歸來辭淵明歸有田公歸徒四壁姑奉祝融祠勝  
煮南山石公乎未得第我輩慚登科空餐了無補奈此歸來何

次韻題吳無過所藏張無垢難老堂詩軸

養親感臥冰慕親悲履霜慈母孫情胚胎炳前光先生一獎  
勵吳氏增激昂至今諸孫行如立嚴師傍躬行斯入室言辭特  
濫觴當時五子名佩服詎可忘省也滋拳拳何止升其堂

次韻廖端叟求墨

憶昨同舍時愛子志尚堅研窮非口耳點勘分烏焉讀聲鏘金

涉齋集

卷二

五

敬鄉樓叢書

石筆思湧漪漣合并幾寒暑分散如雲煙家雖才咫尺見且無  
黃緣甥館聞徙居我屋欣接椽乃以隨吏鞅而歎拘遺編嗟哉  
燕鴻隔漫爾變蚊憐三年閱黃榜萬選遺青錢祗擅文場聲不  
上吏部詮儒冠未為誤洛誦方流傳夏課煩送似唐律仍燦然  
為墨貽古作如珠出深淵書生均老醜嗜好相後先亦有大禹  
圭未許蒲氏賢何惜遺久交相得真忘年久知鐵為研更以心  
自鞭矧古傳毛穎端合遺陳玄落筆看餘萬斗酒須十千雖無  
蘭亭蘭願助章郎賤古今一俛仰人墨相磨研有無要相通唱  
和聊成篇我今關三徑門面西一偏已過中秋月皆為晚涼天  
何妨對花下取笑同樽前第慚葵衛足欲愈猶聯拳

次韻德友惠黃雀

興來把酒杯徑欲連臺拗聊用資吟哦豈謂貪醉飽晨起秋思

清茶罷詩腸攪筠齋貯遠思詩筍馳速巧餉我晚田雀如鷹初  
脫爪惠我長城句如棟略無燒雀命雖甚微飢驅亦良撓何異  
不農耕而乃竊祿稍哦詩思陶謝論交懷管鮑只消寄詩篇斷  
不厭煮開本炒

次再大用韻賦梅花

暖律回枯菱春陽發寒梗梅根有特操花事每先省分苗本十  
洲孕玉可千頃松篁納新交桃李絕奇請冬居姑射山下陰太  
華井幽棲有心賞巡簷常笑領相對各忘言豈但無機弄詩雖  
道未尊技可造經繁孤標固洗凡累句自無警轉庵詩家醫妙  
劑即甦售元方詩家禪默參惟打靜欲離香色想恐墮人我境  
昨夜來朔風吹香過南町小解作淺語醒朗欣灌頂

再次轉庵用梗字韻賦梅

見梅思洛陽何愁道路梗見雪憶灞橋便可心思省仙家種玉  
成造化炊梁頃凜然孤高標敢以塵涸請將軍有傳令濺成臨  
渴井王言惟作命查作調開本羹領香色歸本根滋味豈機弄  
自非泯全牛安得試嘗繁轉庵句中畫梅詩言外警難韻有轉  
轉妙語壓舊昔昨夜垂垂雨一洗娟娟靜但覺容成圃真是太  
玉境朝來知見香墮在區別町不如兩忘言搔首孤山頂

園丁以菊為船為屏轉庵竹院誦賞不足分題得塔字

眷彼東籬花忽作西靈塔又如船子泛復似南屏園翁起童  
心須彌欣芥納分題要鏗鏘秋振蕭颯我合浮屠尖工須畫  
開本漢罽帳增玉崔嵬團欒金匱匪儼然香色俱閒彼青黃雜  
天成具體相人事因假合願修衣被供用作布地蹋那將有漏  
身久實無縫合轉庵曾着語竹院嘗掛搭我有一句子無問亦

涉齋集

卷二

六

敬鄉樓叢書



無答

德友惠竹栽甚富而又得佳篇既種復喜兩次韻謝之

嗜酒愛風竹種竹涓日醉小園窘邊幅雜芳紛位置此君何可  
無野卉開之易畝許得滋曠千個栽不翅故人雖借居愛竹有  
幽致肯割鍾山青分植容成地移來天亦喜涼生兼雨值既免  
躬抱瓮何惜親閱視颯爽已可人能同聽秋思

轉庵觀趙十一聖花

有藝者趙生雜出逞活法飛走異族類指教各馴狎黍戲竿欲  
摧險弄首將壓當場等嬉笑旁觀舉震響其間聖花術殆是天  
下甲出沒鬼物驚變幻風雨雲靄面喚名葩信手如素插洞視  
空樊籠赤立卻巾帽居然詭亂兒恍出虎兕押脫索婦更神倒  
雖目不眨穿楊百步間設的兩口夾一箭中關捩四坐駭汗洽

涉齋集

卷二

七

敬鄉樓叢書

或馳若轉輪或舞若揮箠機緘執主張造化在噓呶技進無萬  
殊妙用纔一指儻然自胡越誰能會鄒郊

次轉庵聖花韻

轉庵詩三昧仍嗜書八法寫出金彈句可玩不可狎近觀聖花  
作險若君獨壓壯如錢唐潮清若茗溪雲僚丸同妙手痾蠅真  
脫甲庖刀方奏耒鄂風復運雲文章特小技聖處奚假插得趣  
堪獻佛高吟岸烏帽達者越拘繫迷者泥檢押豈知造化機目  
擊不容吃哀哀萬馬奔翼翼兩攻夾靈根有變通時兩自決治  
意輕秦趙壁價重蒲葵筵記舟何用痕印錢偶因摺於道得達  
尊問鼎不問郊

案此首亦次前韻原  
本脫去呶字韻二句

范武子挽詞

嗚呼吾武子天乎奪何速瀟瀟錦繡場秀潤環玕腹出口論世

事好語驚拙目孝友式里閭急難駭僮僕爨於建業都共比主

人屬但不同姓氏何翅如手足一日不晤對尺簡頻往復中夜  
懷清姿有夢墮修竹時予悼伉儷感爾念鰥獨別去幾歲華亦  
聞悲盡淑同病心相憐異縣情愈篤我欲託以妹子不鄙其族  
兩窮忽相值一家有餘睦去作建安縣振彼七閩俗豈不化彊  
梗元不用鞭朴邑人歌載途當路薦聯席彼守何堅忍於民能  
迫促二年甘不考百謫寧忍辱子方困吏鞅妹忽淪鬼籙入戶  
悲方纏出門濕加束駸足不受羈鹽車宜折軸計來忽收書痛  
甚不容讀未令吾母知可聞爾母哭人生會有終汝死冤乎毒  
吁嗟先大夫艱難脫荒服衣鉢自桐鄉生涯去巴蜀清德誠可  
種石田不能粟爾母今在堂何以供水菽爾弟獨當戶何以資  
耕築三兒須教訓一女待鞠育自愧貧多累未能分薄祿近擬

涉齋集

卷二

八

敬鄉樓叢書

乞州麾因用致家塾此願未吾遂有身莫渠贖所居讀書巖旁  
依紫邏曲憶昔曾同登相期共結屋今晨何爲者昨夢不可續  
平生樂哉邱終焉埋此玉雖遺奠芻陳不及墓草宿嗚呼吾武  
子臨風淚盈掬

涉齋集卷二



七言古詩

許及之 深甫

應致遠以百韻古詩見示推許過當病中姑借放翁韻奉

酬

我詩何敢希楊公况復進之陸放翁煩君妙語相縱吏控地豈  
得追培風兩翁齊名家異縣歎惜餘年能幾見斯人不上甘泉  
班我輩先之覲顏面君到靈山親得語切莫提撕落言句恨君  
相見一年遲不同薊北燕南路衣言按深甫先一年使金故云  
有得於詩  
家三昧矣

胡伯暉有詩訓豚兒輩次韻以廣其意

金風著露驚新秋銀河搖落光飛浮天籟既息蟲聲啾書生白

涉齋集

卷三

一

敬鄉樓叢書

髮不解愁挑燈夜誦疾於流人生在勤業箕裘少不努力進厥  
修老將噬臍孰怨尤悠悠天壤卑微休安得獨歎命不猶昔人  
忘食兼忘憂何適非學息與遊道不敢徑川不游朝吟暮諷夜  
校讐至理漸漬如膏油好處心會非力求不特祇爲科第謀正  
使積書如鄴侯手尚不觸讀豈周張口雲霧正自羞學與不學  
人焉度汝曹曾念及此不賢師學到無全牛乃翁爲汝相延留  
一官爲援乏蚍蜉欲鋤汝口違松楸敢辭折腰向督郵賦歸無  
地堪耕收勉旃汲古到索邱困來時復措雙眸

次德友韻

憶昨得君和陶詩牀頭細讀人謂癡二南固自立墻面十駕亦  
欲鞭駑疲退慙作吏了無補正使得句安得奇有時拈筆弄紙  
墨大似臨敵收槍旗投老且願共詩社鬪健聊欲爲兒嬉恨子

寓舍苦迢遞有僧借屋無奔馳乞米不須煩送似無儲自足常  
晏如轉庵與爲方外舊僕也何翅管中窺豈有修竹真可欸曷  
不宿霧及早披來詩廢酬特未已追逐登臨隨所之

得趙昌甫詩集轉呈轉庵却以謝夢得詩見示有詩次韻

我饒嗜詩欣染指但見其長有誰毀早年遊方識趙謝如魯逢  
掖宋章甫謝詩淵翻豪且古趙句清癯澹而苦學力到後成一  
家渠自不知爲孰使天各一方費渴思想見冰增寒似水居然  
老手研方圓出戶中規還中矩轉庵活法已參過何止得心仍  
得髓我如無寶窮波斯望著是珍先自喜忽得趙璧急呈似示  
以謝草如寄取自憐老去無長進努力唵哦訓兒子

再次轉庵韻

能詩何殊臂使指得句不愁人背毀詩何緣瘦道自肥誰嘲飯

涉齋集

卷三

一

敬鄉樓叢書

穎山前甫誓不驚人死不休言是良工心獨苦曠黃牝牡元不  
問智詐勇貪俱可使合時端如錐畫沙悟處快於飯建水趙詩  
平澹謝奇古所以吾儕誇絜矩轉庵更是可憐人詩眼既高窺  
字髓我生何能補一字君美非溢私兩喜更須傳抄及同社定  
不驚嗟斯是取騷壇摩壘真幾人安能碌碌數餘子

次韻才叔分韻得七字

竹院主人新築室消吉上梁辰取乙鳩工度材合忙冗分韻題  
詩能暇逸獨憐久不到容成片語全無課秋律自傷病足轉拘  
攀不復拋磚爲倡率轉庵忽傳七字作頓墀陳言洗凡質剩喜  
金風入詩思定挽銀河洗唵筆鼓宮宮動妙入神上醫醫國愈  
吾疾聯翩急墀煩寄似已負今年七月七

次陳伯壽分韻得者字



南浦家庖亦烟火何事胸中太瀟灑少提筆力老更堅不信昏  
金徒巧瓦一官姑混錄錄中三生豈是悠悠者秋燈夜課阿戎  
讀高築詩壇潔蓮社人傳繡口仍錦心我詫瓊杯并玉罍阿戎  
官學兩俱長金固在銘非躍治轉庵忽傳分韻作咳唾珠璣來  
筆下挽回巫峽使倒流快注銀河見高瀉敢陪驛騎策疲驚絕  
喜風檣追陣馬愛詩未足老猶貪染指更嘗猶斬舍祇慙狗尾  
聊續貂安得曲終仍奏雅噫哦未了忽開予擬約憑高共紆寫

次轉庵用坡公韻併簡洪樗野

短日馳驅駒一罇百刻六旬分卜夜殘年餘力秉燭吟所冀二  
中并四下敢多奇疾希虛扁祗是寒溫隨補瀉轉庵著眼從昔  
高伯仲古人相匹亞細哦纖巧天許覩硬語峻嶒神所借窠臼  
已脫卑晉宋真淳更擬出陶謝近驚樗野輕千里遠自鄱陽踰  
涉齋集 卷三 三 敬鄉樓叢書

百合舉似詩家說中蜜更引禪宗談倒蔗老夫病後已云怯餘  
子聽詩應轉怕那令勉繼坡公韻預恐難逃灌夫罵

送蔡駿叟往金陵見留守李尚書

蔡郎百戰吞賢關彤庭射策誰其班桂枝第一幾得攀一官去  
糾纒與蠻留臺友第季孟閒吟詩遠過陳後山使覓仙山大藥  
還歸來五色應爛斑因聲爲語大匠般君何不來予汗顏

邵廷評供職未閱月乞爲淮南檢法官以歸賦長句見志

次韻爲饒

聖朝亦知賤士醜尚許追隨牛馬走固空幸免彈拙心材散那  
能呈好手萬里歸來塵拂面一夢驚回柳生肘同僚未至得斯  
人眼底輪困曾有否青雲直上氣如虹要津立登棧犯斗惠文  
安得事仁堯吏酷自應嗤小苟相從幾何突未黔掉頭歸去依

巖藪拄笏聊看卷畫山岸巾且飲淮南酒夫君自是皎潔姿不  
用滄浪濯纓垢正恐功名自逼人更向王畿重結綬

送趙推官持檄之興國

趙君派是天源來細考衡茅無此才文章決科特餘事幕府官  
業何壯哉論事不愁開口屢直道馳驅羞詭遇尺伸如可寸枉  
施甯脫青衫故園去宗廟之寶森瓊璠諸公爭欲出我門極知  
胸中有定力未肯叱馭隨王尊楚狂涼涼莫宜世一笑相逢有  
初契尊酒論文情益親但不同姓實兄弟文昌堂前汝水東萬  
頃烟雨時濛濛向來簇坐覓新句多少行人圖畫中君今胡爲  
事行李着身翻在圖畫裡捧檄王事不可遲何況堂中老親喜  
喜君問道康廬旁過家上冢還不妨再拜松楸有心事孟母卜  
鄰今更良了却癡兒紛案牘回首廬山真面目喚起三年夢中  
涉齋集 卷三 四 敬鄉樓叢書

意想見詩成清可掬

崧高行上周密使壽

銀潢快瀉天無聲秋光漾出圓蟾明玉關晏眠柝不驚籌帷坐  
見萬里情健兒飯食細柳營猛將思奮撫劍鳴摘試一二來帝  
京表裏百萬皆精兵此時崧嶽風更清壽酒消得如灑傾天子  
神武恢八紘一賢制難真長城鴻鈞對幹三塔平珠連五緯薦  
璣衡天開地闢霖雨成中書之考遠作程回視萬卷紛拏撐一  
編自足垂勳名書生腦脂味短檠莫邪掛壁吼長鯨相公辦取  
崧高行不惜攜之上崢嶸

崧高齊上施參政壽

靈山鍾秀崧高齊鹿苑名勝神所棲水晶玉扎銀成泥無論粉  
綠丹黃驚文星相望直斗奎出藩入從黃金闥誰坐廊廟廣鳧



警山經地志古有稽我公閒氣今其繁資兼文武雙印提十年  
太學甘朝蠶吐光萬丈騰虹霓鷄林傳誦爭航梯至今威名響  
羌氏張旂朔庭撫遺黎鼓舞雄豪泣旄旆折衝樽俎眠鼓鼙屯  
雲萬里行春犁五風十雨無苦凄此疆爾界誰町畦不須京觀  
封鯨鯢混一少忍矜扶藜從容論道開端倪一語折衷溫如綈  
鑿裁不閱黃與驪流品自成桃李蹊琴音八極回薰兮長庚夜  
明玉繩低韶璫曉馳建章西黃封九醞天處題壽以一飲千玻  
璃公開壽域民同躋龜文燕頰額插犀中書之考米一稊葛仙  
鍊丹舊有溪從公擬欲求刀圭散作人間刮膜篋盡洗凡骨開  
塵迷

雲龍歌上周丞相壽

萬化哀哀相乘除循環甲子如數珠甲子既周理當復豈有潤

涉齋集

卷三

五

敬鄉樓叢書

澤瀾焦枯丞相補天祇衰職閱雨憂民見顏色雲龍契合此其  
時能費天公幾多力明當月色圓如秋書生徒倚生暮愁欲攀  
斗柄酌河漢一滴變化為萬流憶得去年曾拜月此日團圓仍  
皎潔極知有藥自長生更願長圓渾不缺今年拜月去年同却  
欲屏翳驅雲蒙久占月角如張弓兩月少雨惟多風昨夜占風  
忽離畢定自滂沱灑手疾今朝四郊已沾濡丞相明朝是生日  
書生喜極欲起舞急買香茅葺庭宇公不見崧嶽降神生甫申  
山川出雲作時雨

上南軒先生壽

岷峨一綫江濫觴意行萬里無留藏五湖洞庭汎熊湘衡嶽巋  
然鎖其旁離堆砥柱屹相望流橫潰不得狂挽回斷港濟絕  
航一齊衆楚勢莫當三芝五餌別有方狂簡痼疾滯膏盲天遣

奔波赴泗漙回視坎井足跳梁三浴蒸之驚望洋一語咽口成  
周章昨夜太白垂光芒皎然松柏凌雪霜向來十襲一瓣香再  
拜斯文壽無央願回希力超羲皇無懷大庭還我鄉

次韻何起巖喜雨

龜坼高田畦渴雨何取尸臣守茲土抽毫灑髮控深衷羽衣拜  
章夜當午天門岩曉洞九重玉几哀矜迴三拊守臣有罪固合  
誅農夫在勤亦良苦去年旱荒有積倉今年饑歉將空輿通宵  
灑潤祇若絲明發屯雲儼安堵初驚大點來莫當俄即翻盆流  
孰禦奮雨相過憶去年坐視排簷亦如許我慚歷歷洗心源君  
喜津津見眉宇瑰章傑句助歡呼石燕商羊俱歌舞急須似吸  
舉深杯莫負如灑寫甘澍

次徐漕韻賀留守劉觀文禱雪感應

雪霜之忍有至慈一片到地五穀滋所以臘中重三白史譏失  
時書其作本辭我公臥護北門北百姓愛公如愛日及冬禱雪  
乃愛民若有鬼神宜率職要晴要雨天必從玉山何獨闕燭龍  
一夜風師擊冰絮坐使東國成雪宮曉起清愁無復有如在春  
風飲醇酒欲歌零雨勞公歸正爾補天須妙手

再次韻呈徐漕

留臺心與天等慈違春覓雪回象滋計臺心與留臺似賀版趨  
遺瓊瑰辭白戰場前受降北筆補造化戈却日郢中之曲信寡  
和鼓宮宮動能者職吾欲十駕期相從今見老子其猶龍徑須  
乞公玉藥瑤珞去上絕頂瑤臺宮下視塵寰一何有天地交光落  
吾酒酌公雲夢公莫辭能費公吟幾叉手

次韻程判院喜雪

涉齋集

卷三

六

敬鄉樓叢書



帝心端與天心合務本先農斥浮末冬溫禱雪響交孚急霰先  
聲如撒潑獻花女兒弄璫瑣剪裁楚水煩湘妃東郭先生不敢  
出南枝烏鵲空驚飛高臥從教深沒屋此是天公真雨粟但願  
四海大有年無田可耕甯已獨詩翁愛日親年高時時夢裡見  
三刀男兒盍泊千鍾養蹴踏起舞聽雞號動業欺人頭已雪化  
工於汝難私變滿酌長歌白雪吟下里陽春詎有別

雪再作山甫約遊雨花臺不遂聞與諸公登鳳凰臺次韻  
送似

騷屑寒威逼重幕衲被蒙頭慵蚤作不知一夜雪花飛但訝五  
更風力惡摩抄病眼試憑陵把酒清詩何灑落好語自足驅瘧  
瘧嘉祥况乃銷離漢絕憐冰筋墮修簷撥觸風琴響朱箔一冬  
溫暖憂麥登萬事乘除等鷓鴣爲言三鳳今河東曾約連騶出  
涉齋集 卷三 七 敬鄉樓叢書

南郭山陰回舟雖興盡巫峽雲歸終倖薄方擬再往成渺茫已  
拉羣公遡寥邈九萬扶搖不可希隨分榆枋吾亦樂

次韻蘇伯茂立春日雪

從事青州初入幕子墨梁園新有作春工試手欲成妍滕六飛  
英良不惡初看到地潤却無 喜積威乾更落舖簷幕砌遍匿  
瑕壓瘴埋蝗廣求瘼藍田種玉夜生苗吳娃孽爾朝盈箔認巢  
無處疑昏鴉欲翅有蹤驚瘦鶴一夜開本柳絮漾東風千樹梨  
花醉西郭犯寒覓句覺詩清賈勇行杯疑酒薄頗煩造物相料  
理頓使幽懷渺綿邈回看稚子失啼饑想見田家爾應樂

登偉觀因誦老杜道林嶽麓詩用其韻

立秋三日天氣殊涼風渺渺舒籌紆少日第挂西山笏暇時惟  
汎會昌湖投老身登華蓋頂度堂面直蓮峯鑑長江回抱若襄

玉明月蕩漾如懷珠楠溪大源小源出樟浦早潮晚潮俱凌空  
筆架呈掛綵出海金輪看浴烏中川蚌胎非嫵媚港口螺浮疑  
虛無何以得此江山偉若有相者神明扶了知無一可云補其  
敢有二當何誅故人相逢笑頭錯生涯不解元膏腴且同野叟  
共爾汝免以前銜相喚呼看山未覺迷老眼報國終愧全微軀  
斫竹特爲三益徑把釣倦作扁舟圖乃知絕境真妙絕強名孤  
嶼何管孤凭欄聊欲須欵欵飛帆正爾來于明朝此興定不  
淺但恐勞苦肩輿夫

雅師求開名既爲作扁榜仍賦娛客雜句

妙景非聲亦非色非色豈應容粉飾東坡妙用偏虛空大地山  
河等兒劇簡齋有句添地足兩抹晴粧要娛客黃妃塔邊淨相  
寺破屋荆榛十年事雅師辦得一片心化出寶坊全體備傑閣  
涉齋集 卷三 八 敬鄉樓叢書

巍巍尊大士我欲名之無盡意更拈蛇足扁東偏與師餉客爲  
客地東坡仙去可無詩客來了此一段奇未雨未晴煩舉似非  
鬼非仙竟是誰咸淳臨安志豈應作不應偏  
作去我欲作我已煩作還

王宣甫求崇齋扁榜仍索詩轉庵之作先成即次韻爲寄

聖門教人亦多術由也升堂未入室顏雖在寢猶仰高火就水  
流隨燥濕但見終日不違忠豈知庶幾介如石陶溪昨以崇名  
齋欲予隸古詩記實今晨忽見轉庵作名與詩高同起日崇齋  
少學用心苦晚乃一掃科舉習霜降自然知水落道損都忘爲  
學益一從崇卑悟師說心已沈酣全體易書扁外和轉庵詩不  
待形容有潤色憶昨尊公期類予似我頗愚有何獲老慙才衰  
惟鈍遲感君肯赴同襟期閉關卻掃門植榆不妨唱和來堞堯  
涉齋集卷三



涉齋集卷四

許及之 深甫

七言古詩

次韻轉庵讀中興碑

千秋金鏡唐元龜苞桑鏡見龜灼知女主爲禍已云慘天寶之  
亂尤危疑九齡早悟綱繆詩其奈哥奴基莽絲外人何得與家  
事旋聞潛納河洲睢席誇祿兒李裴和助桀爲虐幾乘危趣之  
使亂果爲誰張巡廟哭祇涕垂高將軍固非遠慮掉頭肯和金  
刀麓四鎮休罪高仙芝張垧早措平章辭望賢宮中例忍饑金  
刀胡餅方効奇事有至難已言之賊心包藏久竊窺春秋知我  
盍罪我監國引嫌孰維持顏筆勁節霜筠似元文秋月華星如

次韻袁尙書同年巫山之什

涉齋集

卷四

一

敬鄉樓叢書

我本山澤之雁姿出處相較點與癡生當浙東巖壑地閒覺壺  
中光景遲井蛙敢從海若語雁蕩斷謂天下奇一從天柱想突  
兀便覺屏嶂排參差盍歸乎來歸未得今吾非故吾何之南宮  
祝融常在望北征太行長相隨幾欲拓開令混一雖媿力乏猶  
忘疲故人將指鎮巴蜀大江揚旛張虹旗經行先須拭石鏡本閱  
作實及境方要塞赤帷陽侯似知公得句吳榜自舞山折枝有容  
忽傳巫山高長安不復紙償低陽臺從昔誇詞賦大夫無乃姑  
戲嬉山川合因雲雨祀神明何得藝瀆爲牽牛織女誇自古小  
姑彭郎訛一時三復新詩有如此盡洗遺恨從今茲蜀道誰云  
在天上政譽已遂詩聲馳世情嚮背南北阮人物好醜東西施願  
君滄溟恢宇量聽彼餅器居井涓己爲下戶蠲逋賦更要全蜀俱  
信眉長安父老久延頸關外饑餓本閱寬張頤寂寞恐有玄尚白流

落得無素染緇規撫久矣欣濟濟民俗定爾臻嘻嘻公歸得政  
公何疑勿爲風月鐫峨岷歸來要續晤溪頌已賦中和宣布詩

聽劉念九丈二姬歌所和醉時歌明日亦次韻送似時已

三鼓

邊頭幕府文書省功名之心灰似冷老去英雄髀生肉功名之  
心死未足中原有土尙淪金中原有民惟戴宋天開地闢會有  
日竹頭木屑寧無用男兒信命人見嗤命輕於山重於絲未肯  
身同草木腐徑欲名與天壤期行藏吾何有交友勿復疑躬行  
即吾道歸求有餘師和氣冲融自斟酌榮枯不逐花開落物理  
天時信有終雲雖出岫終歸壑未須高臥百尺樓未須緊束春  
秋關夫子適去還適來無波古井生青苔我獨不歸何爲哉渴  
心已覺飛黃埃長鯨未騎且捫蝨不妨隨意分本閱浮杯

涉齋集

卷四

一一

敬鄉樓叢書

田家秋日詞

晚禾未割雲樣黃蕎麥花開雪能白田家秋日勝春時原隰高  
低分景色寒栗挂籬實藥菜角田已收枯豆莢芋魁切玉和作  
糜香過隣牆滑流匙牧童牧童罷吹笛領牛下山急歸喫菜本  
未移麥未種爾與耕牛閑未得

晚田黃雀詞

黃雀不知來處所或云海化或蟄土秋至晚田拾禾黍投身不  
知入罔罟十中八九不計數黃雀之死孰憐汝汝不如搏黍并  
布穀又不能快活催麥熟農夫辛苦耕無功食其祿無功尙可  
那無厭腹飽果然猶不足嗚呼一年三百六日常時安在今  
時出安得山間野穀生石田與汝飽死終天年黃色雀還可憐  
次韻陳伯壽食黃雀有感



嗟哉黃雀力命微譬彼食言安能肥乃欲身與天壤期物穆造化闕絨機以時啟蟄安居卑蟄久啟晚見者稀不耕而食乘三時晚禾欲熟堆農扉就田恣啄充久饑來時千百漫天飛惟欲蔽翳朝陽晞似雨霏微疑復非此時得計壓稻枝腹飽果然不思歸

案下一首次韻轉庵此脫去

豈知時與命相違投身入網分所宜雞肋猶怯尊拳揮汝輩么麼將安之螟螣害稼古實譏嗟哉黃雀全無知大似燭火凌朝暉炙之醢之爭稱奇誰念物命聊依依黃雀何責復何悲夷齊餓采西山薇不爾吸風何活爲顏子簞食其庶幾祇令瓢飲將誰欺霜露舒慘相恩威螳蟬大小遂黠癡人爲物靈賢則希比物醜類姑釋疑蠢斯豈得比后妃鈞之三成君父師法當授命寧避危有益於國身何虧我欲與雀排重圍

涉齋集

卷四

三

敬鄉樓叢書

次韻酬轉庵

南浦太邱潛少微非隱非吏嘉遁肥轉庵相與菊花期黃雀乃得詩發機詩則高矣物甚卑物惟所遇知音稀黃雀幸甚逢斯時菊因東籬桃左扉吟成雖佳不療饑黃雀頭顛萬里飛兩羽和露蒙晨晞後人往往悟昨非轉庵識破花拈枝勸遍諸方漳南歸愛詩愛字淪膚肌知我愈覺成相違同病亦謂投閑宜老婆心切一手揮長篇險韻鑄出之涉齋自訟識評去譏不待見聞方覺知覆盆一旦遭赫暉平生此段誠大奇願言稽首長歸依爲能忍辱偏慈悲東山久別思薔薇生處放熟非過爲豈須圍圍才見幾寧受校人當面欺詩壇受降曾怖威牀頭置易甘成癡雖匪顏徒竊願希今見菊花更不疑牽連黃雀爲匹妃南浦柏梁一字師轉庵撥動關振危琴鼓不鼓無成虧前言戲解

小郎圍

德久送沙嶼信筆爲謝

海物爲錯群分命並海饑涎爲物病采拾烹煮如擲蔬豈念含靈鈞佛性就中水母爲最蠢以蝦作眼資汲引蝦入罔罟自不知水母浮悠亦良窘其間墨魚工吐墨以墨自蔽潮水黑潮來舟人如拾塊販者填街賣烏賊沙嶼嶼沙巧藏身伸縮自如故納新穴居浮沫兒童識採取粟粟如有神鈞之並海無所聞吾鄉專美獨擅羣外脆中膏美無度調之滑甘至芳辛年來都下爲魚圍獨此相忘最云久轉庵何自得此奇惠我百輩急呼酒人生有欲被舌隔齒亦有難具論忻茲脆美一餉許懺悔未已滋念根擬問轉庵所從得訪尋不惜百金直豈非近悟聖花詩望茲尤物令人識綠衣在旁忽悵然蟪蛄取笑却可憐

涉齋集

卷四

四

敬鄉樓叢書

再用韻謝德久見和

人爲萬靈鈞受命物本於人無詎病聖遠庖厨存此心詩詠蟲魚明物性沙嶼入詠誠蠢蠢因之演雅聊援引此輩已分泥塗辱吾儕忍加湯火箝烏郎自烏墨魚墨如蝨處髮不知黑鎖管寄車墨者流書契豈皆能作賊吐礪分房巧茁身雉始移種陳接新蟻君孕玉自撐柱蟻氏采月爲精神西施有舌話前聞老婆之牙豈同羣螿屬黃中膏具美螺族青出味作辛覩蟻蚶蛤殼爲圍相濡以沫期耐久自爲鍋釜使受烹寧落提攜死於酒子產校人從肆瞞流水長者功難論寄聲海上釣鯨客龍動恐傷大地根滿船月明何所得意不在魚鈞自直潮來忽見鷺山來箇解吞舟人不識有客聞之爲駭然人魚更擅將誰憐

次韻監簿弟惠烏髮藥有詩



漆城容可爲陰室髮白何由黑於漆但聞拔白成斑句安得反  
老還童術嗟予同氣仍同心憐我年侵雪更侵爾年少我尙餘  
紀我髮縱禿當投簪頂如赤壺已無二君有良方誠已試正使  
緇髮猶能華未免種髮逢見戲我髮非病心合醫心白髮白無  
已時欲將心來煩汝黑且圖百問百不知

再次韻酬答

弟官璧應鄰歲室膚如凝脂眼如漆人言自是仙人何乃反  
求還白術少年苦學知苦心心爲髮根宜早侵黑間見白猶堪  
鑷白既還短難勝簪我老閉門師不二病足攀拳百藥試草玄  
尙白從容嘲撻尾奮鱗任賓戲我聞醫國爲上醫子方誠良盍  
濟時百二之名散函固誰與問津君當知

楊似勤許惠丹砂

涉齋集

卷四

五

敬鄉樓叢書

雙瞳炯炯朱成碧兩鬢星星玄尙白丹砂入地長黃牙蒼顏幻  
得嬰兒色知了色相無定形造化於人亦兒劇蓬萊三山何渺  
茫內景黃庭猶準的懷璧其罪彼何辜竇盜以糧渠自賊西州  
九轉得奇功媿我聞名未曾識小人有母垂八十步履輕便自  
嚙昔今年一病起衰容分明只得丹砂力九頓首拜三歎息什  
襲藏之願無數日引月長餘幾何神奪鬼偷疑暗擲閉者從公  
有天相啟闕抽關話奇特便祈公賜公許之歸語老親感填臆  
膝行欲請還踉蹌盛事不應相趣迫三沐三熏課長句句豈能  
神公自德

楊丈既惠丹砂數種再用韻敬酬

鵲鶴飛來動林碧喜聲楂楂鵲頸白宗伯憐予反哺情遺贈金  
丹光五色先生上醫已醫國敵國長城賢季劇胸次經綸有準

繩壺中消息有端的地行在在即神仙世上營營自蓋賊一編  
黃石豈容窺九籥丹經應默識未許騎鯨游汗漫已約據龜論  
夙昔嗟予聞道了無功粗識事親惟竭力苦乏大藥從人覓數  
涵寧能無厭敬先生藥施微少靳變化丹砂猶米擲得隴望蜀  
安敢料和章更任璋璋特名臣奏議得精本併與寒窗資省臆  
有親可誤書可讀歸養可期非怵迫媿無好語酬少分昨夜春  
宮長陰德

以端研送鄭景元同年

貴公寶例如寶璧書生磨墨但磨石有文無研正不妨有研無  
文正堪惜漸老祇愁才力盡片欵拳端寧不靳吾家面樣什襲  
珍色如馬肝腐理潤昔言眼爲石之病此論不公吾有證星辰  
在天珠在淵此石晴光鵲瑩瑩文字之祥吾敢願鄭侯一見心

涉齋集

卷四

六

敬鄉樓叢書

拳拳百年石交吾與汝更有甚者吾當捐兒曹旁觀俱唧唧兒  
曹莫癡翁豈失鄭侯自有無價珍持獻於人吾慚慚願侯珍研  
如所有少時光芒須逼斗會看落筆中書堂印試玉堂揮翰手  
又次韻轉庵用食黃雀韻贊歎鄧長孺獎得予端研鄧爲  
轉庵甥方在疚

論研當考石精微觀人豈計體瘠肥歛溪入浙無淹期刷絲羅  
紋如出機比並端坑終品卑就中古端見尤稀難得已歎承平  
時長繩束腰下巖扉宿糧腰畔不救饑瘡深泉眼迸若飛浸淫  
竟日無光啼輕生重石不悟非石工傳業猶孫枝我售古璞千  
金歸璞雖云石玉爲肌信手得墨無拒違事忙行草取宜次才  
衰筆老無發揮頃見鄧友輟贈之質粹才美不可護契家有子  
吾所知文章光焰期騰暉不妨怪怪仍奇奇酷似牢之惟舅依



嗟嗟尙怵霜露悲循陔自苦躬采薇讀禮以外將何爲力學報  
親其殆幾案食黃雀韻此下尙有學非有厭書非癡有志於上  
皆可希形庭對策決大疑制草說命周南妃玉堂從容有餘師  
古來孽子操心危勉旃無令一簣虧萬釘要看黃金圍

### 馴熊歎

獸名曰熊本逸才尙夫教之馴若孩開檻當街作險戲尋種旋  
筵能千回負戴踳踖時貼睽忽然逸出渠亦敢尙夫當之作人  
立嗟爾勇氣終壞坎問云初教本無法祇是豚蹄趁饑乏說似  
連營飽食人努力邊頭厲戈甲

### 射鷹行

聖作桑弧男子志矢人傷人豈吾事五陵年少狹斜遊柘彈金  
丸矜聖鼻一朝折節臂良弓腰身不動馬如風背彎團月無留  
涉齋集卷四七敬鄉樓書

意禿鶴老鷹應絃墮書生忍饑猶努力夜夜孤燈腕寒石等閒  
拓手石五餘真是無心事書策詩書豈不關時須寄語悠悠年  
少兒一鷹一兔尋常事正要尺筆鞭光夷

### 憫牛行

牢牛得肉那忍喫匪論陽報談陰德憶牛初生成犢時隨母耕  
田眼先識藟粟漸長初勝犁脫軛項間染能赤一行錯誤隨後  
鞭習得犁行如界直耕來耕去禾稻成得閑放食行田陸稻種  
掠嘴不敢食自齧枯草甘如錫馬終蒙帷犬蒙蓋牛豈無功遭  
橫害

### 昇石行

沙河塘路飛晴泥夾道睨立如鳧鷖千夫昇石自何所相以柝  
節當鼓鼙一夫流唱相和答聲與步應如采齊觀者踟躕汗通

下彼獨閒暇輕如攜此石非是裝玉砌此石非是築金堤不爲  
文陛儀禁衛定作潤礎承樓題儼然一柱方峙立何者假植爲  
拱榭嗚呼自昔良工心獨苦大材小用俱難取

### 素絲行

冰盆綠絲千尺長雪花玉色無晶光機聲扎扎逐機御百裏一  
一輪文章素姿已是隨時貶妖蒞嬌藍還點染東鄰巧婦鬪癡  
研對刺文禽相掩冉衣裳顛倒那得知但見新行勝舊時倡優  
却得被后飾漢庭只集書囊餘君不見古來志士多慘戚古貌  
古心少顏色

### 觀奕篇

秉燭隨者明奕棋觀者精觀者未必高於奕只是不與黑白同  
死生天上神仙何所爭亦復於此未忘情樵夫柯爛忽猛省却  
涉齋集卷四八敬鄉樓書

與棋仙作機警千古未盡一局閑巖草巖花自凄冷嗚呼聖主  
不棄對堯言奕秋復出亦必資旁觀

### 古栢行

太華山頭有古栢宿柯成銅根化石自從出地受雪霜直到於  
今幾千尺向來移種向中州挽之不動艱萬牛根連玄圃滲七  
澤鳳凰將雛鳴上頭春草寒花幾衰歇枯蔓朽株風屢拔歸然  
此栢安如山匝地清陰覆傲懣不辭孤立成大厦匠石躊躇少  
須暇

### 賣花行

細桃緋杏琴心疊睡起海棠收醉頰麝煤輪徹錦薰籠金脂染  
就來禽帖姚家魏家苦留春花信未先紅一捻賣花老翁正自  
癡預喜荷錢出小池却恨身非股七七一日之中成四時不念



書生抱孤節昨夜東風長華髮

涉 齋 集

卷四

九

敬 德 樓 叢 書

涉齋集卷四

涉齋集卷五

七言古詩

次轉庵寄用坡公賦梅韻

一夜酸風驚拉槁雪壓茅簷欲倒孰知寒谷自能春  
鬪圻瓊林故相惱兩年舊隱住容成耐冷衝寒起常早  
透窻疎影眠未佳擁被孤唵詩易好別來問訊迥相忘  
養就苦文從不墜詩人云遠歲云暮自插一枝憐髮老  
孤山在望不可到惆悵餘香委芳草誰邀配食水仙人  
長笛橫吹倚蒼昊

次韻胡伯暉喜主簿移梅

水南梅花光似雪撲地香風噴鼻裂詩人不來歲華晚  
寂寞巖扁那忍折一朝移向凌風前雕欄碧甃生寒烟  
聘以新詩壽芳涉齋集卷五

卷五

一

敬鄉樓叢書

酒洗空遺恨春濺濺住山多時識幽潔行到臺邊忽  
嗟咽故園專緣正相思冷却東臯半犁鐵

仇香種梅已開而出鄉未歸再次伯暉韻

憶醉江南枝上雪愛詞人把羅巾裂篇成皓齒發瓊  
姿酒盡貂裘堪當折如今消得督郵前期會紛來鬧似  
烟故人一枝久寂寂新愁萬斛誰洗濺仇香有意移  
芳潔素笑不來空哽咽幸自花開君不歸一夜孤根  
冷如鐵

欲雪懷度雲新種梅三次伯暉韻

朔風動地天欲雪潤底孤松定皴裂憶梅已覺腸九  
回賦詩敢愛肱三折簾疎香細度雲前想見娟娟晚烟  
主人吟哦伴幽獨醉墨不惜花袍灑人與寒枝共修  
潔未遣調羹笛休咽騎馬江頭得句回踏碎蟾光敲  
鐙鐵

次韻誠齋醉臥海棠圖之什放翁醉

海棠寧莫種種須千萬株濯錦江頭錦漫谷斧斤不  
赦如薪枯乍逢采樵人莫逢楊氏女遺恨年年泣朝  
露楊氏自媚昭陽宮海棠自映扶桑樹山城獨逢坡  
翁一洗千載塵埃蒙張園錦障人所惜醉裏看花盡  
英特酒滿衣襟花滿裳只許茶鑪近筆牀顧影驚  
醒還臥烏巾正堪灑白墮只恐明朝雨霏霏花雨  
征帆各自飛休論長篇與短韻且與春風寫音問  
此人此句皆可圖底須紫鳳并天吳

次韻誠齋飲張園放翁醉酒海棠花下

九霞鶴翻濕雲幄羣仙戟指嫌輕薄海棠枝上管  
春晴醉魂未醒來層城風姨妬吹銀燭滅明月飛  
來更奇絕急須巢飲添燭光今日綺霞明日雪濯  
錦江頭識放翁翁今對花羣玉叢試澆涉齋集  
卷五

卷五

一

敬鄉樓叢書

以酒添花暈是酒是花君試問

次轉庵榴花韻

良辰競渡常催指愛花頌花奚誇毀年年五月見  
紅榴重着賜衣憐杜甫佳節有名名不去問甫逢  
辰何自苦薄俗傳訛成力競作戲輕生爲酒使  
惆悵劉郎擊節詞招屈亭前但流水明當鍊鏡  
非常規我輩持觴寧越矩只爲榴花飲亦佳况  
是轉庵吟入髓浮花浪藥竟何爲禮艷芳心誠  
可喜不應寂寞負澄鮮同社聯翩須記取相期  
竟到無何鄉徒倚更約憑虛子

再次轉庵韻

安石移根煩使指花燈紅綃誰擊毀封姨妬作  
阿醋呼同調何殊申及甫肯憐顛倒落絳英祇  
覺韓公用心苦流傳午節遂成例萱草戎葵併  
驅使真能染却白雲股靈園鮮繁金谷水詩人



愛節因愛花射團點綴追前矩炎官鍊丹成絳雪瀨膽分杯凝  
赤髓誰言不似舞裙紅色相異觀特私喜點化精神欲然句晉  
宋風流坡獨取鄙哉摘實兒女見却要瓶罌結多子

再次轉庵催結局韻

賦花必花指喻指花若堪諛亦堪毀轉庵賦梅工賦影祇竟呂  
刑元是甫節逢五日賦榴花擬別甘酸亦良苦猶之論畫先論  
形形似丹青誰不使豈知雪裡有芭蕉滿壁滄溟本非水方皋  
相馬羣自空梓匠揮斤風即矩續絃何處覓驚膠起死底須來  
鳳髓榴花可翫不可食昌歎無甜人自喜肯將粉淚匹紅巾眼  
高一世坡仙取花事方殷催結局還許殿後吟些子

同轉庵諸人筠齋賞荷花次轉庵韻

一笑筠齋同集客眼見荷花笑中坵未說賞花先賞葉破曉清  
涉 齋 集 卷五 二 敬鄉樓叢書

香晨竟夕了知出水非雕飾乍覺臨流似塗澤多情落日助酣  
紅爭媚清漪動寒碧其間得意誰最多幾箇文禽不容隻錦鱗  
似梭躍流黃雨蓋如鎔傾大白同社持觴聊破戒行令傳花非  
俚畫昆明排舟真錦渡太華如船儼仙藉明朝定爾有新篇今  
日褒然有詩伯詩來忽起西湖思我輩已覺蓬萊隔憶曾畫船  
昨夜遊親聽羨歌和露摘南高北高祇在眼長橋短橋頻泛宅  
掛冠神武吾盍歸奏篇未央君盍適便應獻策取貂蟬焉用孤  
吟和螻蟻功成五湖有成例全賜西湖底分擘回視筠齋乃坵  
堂豈須更許漁爭席紅蓮綠水姑相娛明月夜光成浪獲當暑  
清風誦三過真是雙清泯心迹

再次韻

急雨撒珠泣淵客疾風捲荷波濤坵須臾雨過即風休但有水

香浮月夕水到飛霞幾斷港安得紅雲藏蔽澤兒曹問津本何  
有菱葑蒙茸填淤著劃開天宇鏡面平蕩漾漁舟自隻隻老慙  
數涸煩鑿鮮筠外栽蓮共醉白客來意坐夜沉沉境以客重聲  
籍籍清輝濁足隨去取水寬地窄易區畫轉庵夙昔董詩盟同  
社歌呼劇劇歡伯婆娑得句俄朗吟欸乃答聲非曾隔乃知神語  
天亦相仍使菱歌夜猶摘著身勝處即水壺混俗靜中無火宅  
我雖愛吟無好句其奈處閑聊自適未能汗漫據龜蛤何補官  
私響蛙烟天籟自鳴忽聞蟬衆作俱暗推巨擘恍思南塘香百  
里擬汎日共區帆一席更吟賞實起饒涎細刺蓮蓬珠貝獲不如  
藏六守筠齋水落霜枯且投迹

次韻才叔賦菊屏

賓主鑑三生成三丁以菊分題君得屏兩屏夾立君中坐君其吉  
涉 齋 集 卷五 四 敬鄉樓叢書

兆當屏日星化工開花等兒戲園子結花象物形宗英乘船正蕩  
漾而我對塔方岩亭人幸似花同臭味花亦與人共芳馨菊潭  
之水明且清楚晚之英駐爾齡細思杜老看誰健爭似劉伶終  
不醒男兒元聞健且飲酒良辰莫作癡凍蠅

五言律詩

紹熙改元早起

元日好一天氣侵晨供佛燈生逢大庭氏閑作小乘僧報主須身  
健動家且夙興一貧容易飽四海願豐登

元日

新受開禧歲難逢慶會辰感恩淪骨髓無力報埃塵抱甕供春  
事加餐作幸民屠蘇須滿引且願病離身

元日簡轉庵



遙想潘夫子元正免立墀已傾新歲酒未和隔年詩老色長欺  
鬢春風不肯絲人言金可作寧惜草堂資

次宣甫用轉庵韻賦惜春懷轉庵

氣合桑輿友才推屈宋衙留春無上策作意惜殘花霞倚終慙  
玉蓬生正倚麻陶溪人遠室漳浦客思家

次韻轉庵書懷

應節何妨俗傷春已是翁百年諸社酒萬里憶郵筒話舊肱堪  
折追歡袖略通潘郎久不見妙語想蘋鴻

秋思

秋色已彊半秋光纔較清卷簾爲月地入戶得潮聲螢度催兒  
課蛩吟覺婦驚起看河漢畔星象濕晶瑩

次韻常之秋日郊居十首

涉齋集

卷五

五

秋鄉樓叢書

秋日郊居好風光屬散人雍容觀物化瀟灑任天真菊好美投

老楊疎柳效颯飛翻看兩蝶喜得自由身

田里逢年歲江山淨物華棲糧供野雀輸賦答官蛙殼棘眠穰

圃龍鍾臥酒家不須聽擊壤平世此何加

年光本剋期秋閏似移時斷雁餘新綆殘蟬泥舊枝黃華隨露

展烏帽受風欹預有登高興秋風入夢思

窮巷家何隘秋郊景自舒草塗飛炸蟻蓼岸點春鋤蝦菜通潮

信魚蒲傍海居飯廉稱柳市別業計非疎

寄種儕孫稻株欲競齊年豐催釀蠶夜半想聞鷄野老同杯

酌忘形絕町畦雖無花泛水終恐世人迷

涉世味何疎師心道與俱古風詩入律遠景句成圖一語中標

的千篇徒嘯嘯秋光照軒豁我輩未囚拘

學閭難優入詩堂僅許升百年從皓首一盡愛秋鐙次第掛冠  
老晨昏有髮僧未能逃兀兀祇欲任騰騰

龍翔江上水萬折只朝宗依倚惟危檻扶持有短筇秋山成自

獻落日爲誰容臨眺餘嘉菊重陽酒自供

詩分綠稼穡別墅故人多又過中秋閏無如明月何遠離增寂

寞衰疾廢吟哦十首撩人甚重翻古井波

覓句無新語懷人有故情歸音蘇酒渴詩法釀秋清近種芙蓉

發低鋪錦繡成雖除新變熟臘醒待同傾

次韻吳季行秋懷

彈冠驚野馬束帶響吳鉤意遠秋多思詩清語過愁君當儀省  
戶我合老林邱何日茗溪上相從不繫舟

冬日邀友同賞

涉齋集

卷五

六

秋鄉樓叢書

令溫風有信林靜葉無譁別種桃舒萼先期梅着花成蹊餘展

齒索笑見簷牙未飲朝來酒何妨飯後茶

念九日早聞雷

去歲一冬暖開春逾月晴伸眉來雨意變色起雷聲搖動園林  
喜驢呼鳥雀鳴閑中多感激詩句亦生成

歲除日見白髮

四十明朝是俄驚白髮新舊詩曾探借今語遂爲真不恨身將  
老惟憐學轉貧婆娑花縣裏誰復念安仁

除夜齋宿

老境慙年長齋居惜歲徂難分阿戎炬只擁玉川爐夜雨知時  
落朝陽謫見無君王素修德安意飲屠蘇

新晴二首



入院餘旬決今朝始快晴  
纔聞烏鵲語已有蜜蜂聲  
到眼花枝暖粘柳絮  
輕重門無個事詩意正關情  
宿雨居然開頂雲  
掃似開嵐光湖上出  
霽色柳邊來鈴鷓搏風  
轉筆畫擊線回修廊  
閉勃窣花影上蒼苔

禱雨有喜

已用計然策猶煩傅說霖  
綿延三日往慰籍九重  
深柱礎收餘潤摩園散  
薄陰何庸尸祝力聖主自誠心

次韻轉庵喜雨二首

通夕聞鳴雷凌晨起炷薰  
映山高見雨隔塢遠留雲  
虛橋明金彈安榴染絳裙  
樓居堪護足終羨蝶飛紛

榴綻千重束葵開一丈紅  
爲憐花寂寞却念雨溟溟  
此去須時若相將喜屢豐  
閑中有忙事祇得攪鄰翁

涉齋集

卷五

七

敬鄉樓叢書

再次韻酬轉庵

經梅多過溥轉蕙擬吹薰  
山脚昏酣日簷牙曉墮雲  
病忪添御袂筆懶習書  
看那得驚人句聊將絕世紛

萬木稠新綠孤花委晚紅  
山容隨隱見雲影度空濛  
農老無嫌問人言不害  
豐破愁還作喜結句答鄰翁

德久雨遷魚莊賦詩縱臆

漫雪蝸爭席翻泥蚓近床  
不堪聽鶴埤應喜得魚莊  
帶雨移行李携孥問野航  
西湖第一義佳句已難忘

再用韻答轉庵

嵐光趨澤笏波影漾湖床  
借竹欣移宅看花擬宴莊  
鐘聲來佛屋鏡面濟慈航  
莫便疎城市詩盟未可忘

再和二首

晴日烘船屋薰風傍筆床  
未穿三益徑已想百花莊  
野火明僧寺樵歌度客航  
山頭明月上酒興故難忘

城市從疎出何人獨拜床  
不辭乘下澤久已厭康莊  
借屋欣憑閣臨湖似樓航  
風波無用避端與世相忘

鄉會游湖懷南床復次韻

名園鄉黨敬莫可致南床  
盛事聯千佛諸公競一莊  
建侯期朔漢駐蹕尙餘航  
報國平生志他年幸勿忘

再戲和轉庵

孰裏經旬飯誰同夜雨床  
何妨散花女聊伴食魚莊  
擬喚桃根渡還思范蠡航  
江湖真落手身世可兼忘

寓居

野水生洲面閑雲傍屋顛  
鐘鳴人已定月滿句初圓  
花徑經過涉齋集

卷五

八

敬鄉樓叢書

少苔文長養便行藏隨處是  
安用買山錢

得東山居主人戀家不出因借戴希周漁鄉居賦雜興六首

借得漁鄉住分明似水仙  
好山排座右明月到尊前  
掛綵迎朝日飛霞帶晚烟  
往來真自在易覓釣魚船

借得漁鄉住蟾光忽滿輪  
金波隨短棹銀漢有通津  
幾度中秋月今宵自在身  
一尊消得醉眼底欠詩人

借得漁鄉住心安即在家  
客來時舉酒飯後定分茶  
野老從爭席山童解獻花  
扁舟隨意坐不羨斗邊槎

借得漁鄉住閑居氣味長  
新霜濃淡白早橘淺深黃  
勳業錦囊句光陰寶篆香  
故人如訪問宛在水中央

借得漁鄉住詩家物色宜  
葦聲魚潑刺竹影月參差  
風鐸時成

曲山童解答詩閑居多樂事惟有此心知

借得漁鄉住清霜已著秋丹楓如錦幃黃菊似錢流物理觀諸  
妄吾生等一漚得閑聞健好隨寓且夷猶

次韻石謙伯山居

地僻人爲勝居閑樂自知書聲山響亮琴韻水透遲爲藥藤修  
架因花槿結籬藍田冷松竹那得久怡怡

涉齋集

卷五

九

歌鄉樓叢書

涉齋集卷五



涉齋集卷六

五言律詩

許及之 深甫

次韻潘德久借居西湖張氏園詩

竹居元爲竹聞借籌湖陰齊物千言就巢枝一徑深  
嵐光開句眼虛籟試禪心廣得西湖韻何須更姓林

木瓜園并序

木瓜園創寄樂亭之外有浮香亭度錦橋吹雲嶺合肥

求紀其事作五字律刻之柱

近郭梅根古臨流野興長結亭從寄樂隔塢得浮香  
度錦趨蓮渚吹雲映柳莊棠陰無可紀題作小河陽

次韻木蓮之題挹爽書院

涉齋集

卷六

一

敬鄉樓叢書

歲月多歧路生涯幾短亭歸來故人眼相對舊時青  
詩帶煙霞寄園知杖履經預愁逃社去湖外渺滄溟

題江心寺

屹立中川嶼江行結斗城千灘界巖下兩塔湧波擎  
布地有沙漲中天惟月明清宵撓禪定端是棹歌聲

舟行過沛城

人日晴還睜遊絲舞復翻湖平開鏡面岸靜見蘆根  
舟昔幾番過地今何處村沛城多美酒強權一開樽

羅舟泊高沙爲境內所逐却泊天長

官簿謀先拙才疎食更浮抱關從委吏貨粟向河侯  
退羅還逾境迎風更泝流百年俱逆旅處順一虛舟

江行次外舅吾字韻

鱸滑誰催汝山迎似喚吾意行從改岸暝坐得還珠  
黃卷真如爛騷經未可奴罪微隔江雨昨夜濕菰蒲

阻風泊塘陰寨登四望山用前韻

行藏端在我富貴本非吾不是迷邦寶休云被褐珠  
官方鄰所役賢有隱備奴所至何妨樂車輪未朽蒲

舟行得順風再次韻

抱關真漫仕所好合從吾易乞高霞珮難投明月珠  
飄蓬諧歲月泛宅挈僮奴萬事乘流耳殷勤十幅蒲

入淮

淮水限南北舟行洛水濱底須分爾界何處不吾民  
好在關河舊期來日月新片雲無可翳豈待淨妖塵

端午日過左蠡

涉齋集

卷六

一一

敬鄉樓叢書

未識康廬面惟聞左蠡名一朝窺壯觀五節記經行  
細把離騷讀時將濁酒傾波濤元不惡風力更生成

諸暨道中早行

飛雪夜無聲窓虛倍得明司晨鷄有誤破夢蝶先驚  
何處炊煙濕誰行馬跡輕籃輿吾未穩愧爾僕夫征

雪霽早行

葺食挑燈量籃輿破曉氛雪開千嶂日水合一溪雲  
久客年華度求官道力分還鄉定春及物意覺欣欣

括蒼道中次陳頤剛韻

山色隨詩瘦波光際野空行裝秋思裏情話雨聲中  
無補身如贅多愁髮似蓬惟餘滄海興酒後憶郵筒

酬居甫登後山



人老東山隱春歸北斗城精廬青嶂合華蓋碧雲擊落日不愁  
晚半蟾方接明端能數過訪無惜夜車聲

送錢大受帥廣東

妙算無遺策私憂有劇談豐功期漠北小試見湖南煖席君何  
暇妨賢我甚慚詔將頒尺一象可應魁三  
淮甸爲寮日私錢奉令時同拚軟弱罷爭忍碎煩爲報國存忠  
赤逢人惜髮絲相從又相別勸業迫男兒

送才叔宰烏程

鑑坐螢窗夜肩隨鸚鵡年科名雖獨後官業更無前劇縣三千  
水修門尺五天秋風滿孤嶼難駐處州船

送劉茂實赴連江丞二首

三山七閩右千竹二松間官地今爲樂官名丞更閑此一聯不  
對官地今爲

涉齋集

卷六

三

敬鄉樓叢書

樂句疑有誤離支明夏格磔響秋山收拾吟哦課湘中寄一斑

奕以旁觀審書難掣肘繩一同兼利害二邑易聲稱但使知賢  
令端爲不負丞茲行子餘事著語我何能

送潘才叔赴合肥錄事二首

燈火寒窗夜聲名弱冠年撥科君恨晚用世我奚先餉道曾爭  
辟公車合薦賢團扉聊草幕府且依蓮

官業盤根見生涯破甑輕才堪當一面句可敵長城親待平反  
笑時須慷慨清十連籌正遠三語意猶傾

送張說道縣尉之官襄陽

一尉襄陽去三年別舊游煩君登峴首拭淚望神州勸業男兒  
事依違我輩羞爲言賢府帥問訊橋卿侯

送薛子明赴歙縣尉二首

家世聯三鳳才名擅一夔詩章謝池草經術董生帷雁塔題名  
近龍門點額遲一官聊一尉民事是良醫

新安今太守癸未昔同年老手親師範良規得吏筌徑須如渭  
尉切勿效梅仙閒暇何妨學科名是世傳

送陳伯壽之子仲至迎侍赴嘉興秋官

構李官爲李春風饒此行義方非祿養祖武是家聲畫諾須三  
語哀矜在一成黃堂應坐歎執別寸心傾

潘茂和才叔遠訪雨後餞別

連壁遠相訪斷金情有加不因魚撫缺自是客思家好雨知人  
意深杯艷燭花今宵真語別孤嶼在天涯

許種飛霞竹仍求甌浦梅思鄉常夢寐報國乏涓埃玉葉裁雲  
膾榴花染雪酷朝三吾已定謫百便歸來

涉齋集

卷六

四

敬鄉樓叢書

送術士吳國材詩并序

國材本名家子以術行於都下縣從之據縣從之句難  
解疑有脫誤  
國博同年有詩送其行亦次韻

自昔名家子于今賣卜翁親逢黃石老曾驗黑頭公無術自醫  
命有奇祇墮空吹噓吾豈敢憐子又西東

次韻洪莘之太社真率之集三首

噶昔三洪並聲名四海知靈光一老在鸞鷲九成儀近有同朝  
喜今無遠室思雙瞻最良譽合瑞聖明時

鼎來那有說鑑坐太無譁擊缶聊三奏吹堦信一家勸時幾禮  
醴真率勝蓬加老媿詩無律新篇極歎嗟

詩翁甘獨殿我輩豈其班燭火自不息斤風祇似閒秋谷蟾桂  
裏歸夢雁美同物理因詩悟新來豹一斑



和人見寄

一別三年久無書堪往還自憐供吏役長羨似僧閒契闊詩情  
在提撕鬢影斑敲門湖上寺居士已開山

和才叔次韻

閑中宜可樂病臥作本復何愁塊坐疑三朋朋來散百憂琴彈  
欣改調餅馨喜歸謀豈復行藏計終朝只倚樓

詩社久疎索吟陵殊澀慳遙憐宜落落近喜復斑斑柳密鶯酬  
答花深蝶往還春光頓如許人事苦相關

次韻甄念八丈監簿詩

憶昔忘年舊惟公不我遺分攜頻問訊握手屢哦詩塵世千年  
夢仙家一局棋得閒聞健好振古只如茲

次韻廣文鎖試出院寄似

涉齋集

卷六

五

敬鄉樓叢書

校文花事過無句到蒼苔芍藥翻新砌醅醱浸古疊竹枝歌喚  
起春草夢驚回亦許山中老相容和竭來

同年會拜三茅不及與呈袁侍郎同年

地秘三茅勝班高玉筍明昔年同日喜共拜一陽生造化何勞  
補彌文竟自成梅花開句眼爭得不關情

寄潘德久

新雨不可待故人猶作疎有方能煮字無策與脂車灑地親霜  
簾敲冰想玉壺端能乘月過重賦碧芙蓉

懷鄭仁叔

近有河魚疾曾煩舊雨來又成三日別未覺百懷開氣合嗟同  
病情親憶把杯西湖荷蓋底誰遣畫船回

斗大樓居窄林深客思長雨涼欣破飯風急凜垂堂倚綠生涯

拙憂時鬢髮蒼向來遮日手祇合釣滄浪

病足少蘇次常之韻三首

攀拳尊足苦伸縮楚囚聲藥甲新條在醫科舊貫盈百年雙脚  
健萬事一漚輕獨恨忘形友終然少合并

休將詹尹卜數亦不難通寄祿逾三品論才祇下中器款終必  
覆藥裹漫成叢痼疾元來有惟知酒有功

藍田紆古句令我好懷開未敢為瓊報何從引玉來蒲萄江漲  
酸桑落雙留醅柳市人歸未隨潮早晚催

三次澄鱗韻喜聞捷音

昨夜燈花喜今朝吉語新犁庭真破竹入境若無人何力裨洪  
造擊拳熱寶薰從今願諸將獻捷日頻頻

四次聞捷韻

涉齋集

卷六

六

敬鄉樓叢書

身閑偏蚤起邊報逐朝新諸將追殘敵中原復漢關本作人莫  
教遺種孽安得不關本作雜蕪薰祇媿渾無補空歌捷詠頻

聞捷五次轉庵韻

周歷綿綿遠湯盤日日新恭聞哀痛詔憤激老癯人報答帶仍  
礪英雄沐更薰衰年扶杖聽折屐敢辭頻

轉庵催結局六次韻

漢儀重親舊秦暴盡更新應是天亡敵從知國有人乾坤大開  
闢華夏一陶薰收到崑崙北詩應快李頻案聞捷詩應有六首  
今遺脫第一第二首  
首四

和轉庵與洪共之說詩談禪之什

鑄坐聽清語鼎來宜笑譁詩談五字律禪說一枝花未肯傳衣  
鉢先須借齒牙老婆心更切黃蘗正栽茶

又再和轉庵日置詩話聊答說禪之什

見性元非說傳心豈得講三更親受法五葉自開花雖遇奪衣  
嶺終搖度勝牙要知觀自在不異鳩槃茶

又復次韻爲酬答說禪偈言

密傳當正受諦聽勿高譁要結菩提果須開頓悟花祖師禪上  
陣大將擄高牙赴了齋時飯大家同喫茶

次外舅遣侍人韻

衣言案深甫妾  
文安公適女

關中蕭相國江左管夷吾人仰南山石心宜赤水珠登臨相妓  
女書扎付官奴妙得安心法繩床底用蒲

再次外舅韻戲呈舍人叔丈

接棟兄過弟忘懷汝與吾纏頭新辦錦買笑近量珠怒釋泥中  
婢歡全膝下奴使無驅豆法亦合賭樗蒲

涉齋集 卷六 七

敬鄉樓叢書

次外舅聞字即事韻

遽瓊行年化宣尼耳順聞聲名昭白日富貴薄浮雲天子方嘗  
膽中原未靜氣加餐爲時起禮樂不徒云

再次韻并呈舍人叔丈

過訪鄰壙近歌呼隔屋聞江收梅熟雨川映藥紅雲把燭杯仍  
艷交談篆接氛盤洲餘醉墨吾亦欲云云

再次聞字韻

船屋香留潤衣簪冷却聞晚山新見月別浦宿藏雲歲月催人  
老江湖淨世氣望中愁不極收拾費詩云

次韻德久

熟關齊物論懶賦伴牢愁浮世夢槐國虛名種橘侯有身俱有  
患無累即無求不啻如今足何如取次休

次轉庵韻

節中期樂事座上欠嘉賓雨帽何妨濕雲山自帶翠午晴開喜  
色歸月入懷新有菊皆重九無須更卜辰

再次韻

有約惟真率相忘任主賓拒霜方送喜疎柳不爭翠近復關原  
舊頻看邸報新吾儕何幸甚投老得逢辰

三次轉庵韻仍招小飯

有逕望三益杜門無雜賓只逢開口笑絕勝捧心顰一色黃華  
在雙投白醞新速宜相爾汝元不闕參辰

金魚久不浮遊喜而有作

買得黃金鯽投將白玉池久晴虞涸轍轉壑深陂每施龜魚  
食偏懷網罟疑今晨水澄澈影泛琉璃

涉齋集 卷六 八

敬鄉樓叢書

喜閣本作  
有真愛亭梅花開走筆呈轉庵

小園饒勝事僮僕競誰譁梅綻凌寒樹枝繁照水花病身俄勿  
藥詩思頓萌芽急報南鄰友新茗可當茶

白山茶

白茶誠異品天賦玉玲瓏不作燒燈焰深明繡幃功易容非世  
力幻質本春工皓皓知難汚塵飛漫自紅

和轉庵白蓮

虛籟一聲蟬通宵月正懸亭亭承露掌歷歷涉波仙夜色起香  
霧曉光收玉烟層冰不可致清賦憶前年

諸葛忠叟初建家塾池中產雙蓮求予扁榜併作五言勉

諸甥

我愛濂溪說君能喜種蓮一經初建塾雙實遠呈川和氣壘荒



應榮名桂專聯勉旃成宅相學也是家傳

麝香膏

南薰吹麝馥背樹染鵝黃裏許香爲德中央色自莊洛津行夕  
佩仙掌洗晨粧眞爲忘憂賞看雲戀故鄉

煮茗

止酒身多病添書日正長睡魔推不去茗怨熟難忘鵲過飛樵  
墮蜂喧落粉香靜中觀物理此樂未渠央  
煮茗鴉闌井哦詩蝶過垣笋高垂籜瘦梅落墮枝繁白晝重闌  
靜新晴遠市喧境緣看漸熟吾亦欲忘言

顯庵餉伊蒲索著語代簡

卻掃消長夏來薰傍曲肱轆轤金水井沈瀝玉壺水避暑元無  
法安心却粗能破除香積飯供給在家僧

涉齋集

卷六

九

敬鄉樓叢書

晚故丈母萊國夫人沈氏三首

北使復南遷尙書大節全長公身致相冢婦世稱賢象服宜偕  
老魚軒濞溢先哀傷動行路謝傳况中年  
林泉富絲竹丞相巧安貧珍重承夫意清修報主身指千隨嗜  
好體一寫姻親更有銜恩者妻孥寄食煩  
愛女終身託嬰兒半路遺訃音非不達憂思恐難支已及黃泉  
見應憐白首期愛恩均罔極淚盡輓歌詞

涉齋集卷七

七言律詩

許及之 深甫

元日登天長縣城

元日登臨一腐儒感今懷昔媿微軀此城曾是千秋縣有水呼  
爲萬歲湖南渡向來紆翠駕北征何日會京都祖功宗德無邊  
際可聽長淮限一隅

次常之元日復用韻

椒花祝處羽觴飛第一春光勿願違已是浹旬彈指過可堪維  
暮轉頭非詩箋絡繹須盈袖酒蒸淋漓聽滿衣老去寸陰尤愛  
惜久拚帶減沈郎圍

人日用常之韻奇才叔居甫

涉齋集

卷七

一

敬鄉樓叢書

斷腸梅作雪紛飛似與金花巧勝違此日共憐人日是今春誰  
道我春非閑中風月爲蓮社醉裏鶯花即錦衣題寄草堂須記  
取莫孤綠繞惜紅圍

人日

明當春日今人日身到故鄉勝異鄉巧勝耐寒元故事青絲傳  
菜舊風光只將柏葉聊隨酒莫爲梅花苦斷腸南北兩園多種  
接閉居從此有閒忙

次韻宣甫約元宵入城不至

春已兼旬未脫綿積陰頓掃柳條煙兒童戲放搏風鴿老子惟  
看點水鳶剪綵試燈新樂事逢場作戲舊豐年詩翁不離陶溪  
隱可是公房戀屋仙

王宣甫以燈夕入城而予偶無佳思阻同遊有詩爲寒食

之約次韻奉酬

落梅聲裏惜餘芳孤負燈光與月光偶以催租敗佳思阻隨執  
事佐顏行春風已入青絲鞵好句終歸古錦囊能踐清明重約  
否須知歲月去堂堂

元夕之明日久陰乍晴月色皎然

連陰乍霽自新元細雨梅花自可憐天意肯教人悵望燈宵終  
放月團圓兒童歌舞幾通夕我輩歡呼竟不眠老少相懸均此  
樂去秋無此大豐年

次韻程判院春日

催得冬殘是野梅依然春榜柳邊回不知鬢影星星去只道年  
光恰恰來喜爲農占秋有廩懶于僧問劫經灰曆頭且復從今  
數笑口都能幾度開

涉齋集

卷七

二

敬鄉樓叢書

二月晦日遊木瓜園

亭成寄樂小裴回野水鄰鄰傍酒杯未有政聲追召杜敢將詩  
律繼歐梅春風已辦催花絮夜雨惟憐老菜臺百二十春今恰  
半不須扁榜記曾來

次韻謝余伯益節推

鵲喜聲頻去復回亭成報我趣銜杯春風得意矜新柳野水留  
春戀落梅何處笙歌催院落一時車馬走輿臺攬先但得邦人  
樂待約爲花殿後來

次韻謝劉太丞

世事羊腸有幾回功名隨意芥爲杯放教春色歸繁杏禁得東  
風是落梅天上有人調玉燭邊頭何地築金臺朝廷仄席思耆  
舊詔遂陽和早晚來



寒食日宿蕪湖縣齋

今年歧路足生涯寒食蕪湖感物華少爲顏公成且住絕憐杜  
老嘆無家風光不禁吹香草薄霧無端霧晚華已是惜春那惜  
別無多酌我怕周遮

感春呈同社

靜處聊將物理推鳥啼花發苦因誰留連春事惟紅藥管當行  
人是子規莫道柳綿無住相也爲萍絮媚清漪如何飽食閑終  
日不課離騷不賦詩

四月晦日袁起歲同年雨中集聚景園

湖上名園屬內家湖邊有客誤乘槎風餐歷歷秦宮樹雨立亭  
亭漢節花樂事坐來添晷刻題名貼後帶煙霞春衫濕却他年  
話合有新詩記物華

涉齋

集

卷七

三

敬鄉樓叢書

次韻常之五日禁競渡

仍年此足爲吾病舉世誰人似我閑思遠樓前重禁渡谷成洞  
裏獨看山交遊雨絕梅還海廣倡星分橐自刪賴有松廬相慰  
藉新篇時復到榆關

閩上浣同德久子姪輩避暑退居即事

說著退居心已愜湖山何况傍繩床雖無瑟瑟松杉韻自覺惜  
情枕簟涼茗盃親來詩有思藕花多處語猶香一句一日思休  
沐今日思關本隨日更長

再賦紀實

官身不辦遊山具只有茶鐺與筆床旋買鱸魚供箸美却携玉  
友待樽涼同來稚子聽情話更有幽僧炷妙香遙望畫船雲錦  
外好風吹到笛聲長

次韻酬張巖卿七夕

星文人事古難磨女織男耕力最多河鼓有神司帶犢天孫垂  
象驗飛梭因依鴻烈成橋語泛濫長生舊殿歌伉儷流傳鈞是  
夔玉川無賴太風波

次韻王宣甫秋夜書懷

靜聽高梧落葉聲遙聞叢雀轉秋更星隨斗極看時改露濕天  
河徹底清老去心情惟藥裏病蘇燈火愜書檠故人忽起關河  
思觸撥深愁怒癢生

次韻陳仲全秋懷

一夜炎歊破甌空蕭然秋思雨聲中江湖兩鬢驚飛葉歲月一  
身俱轉蓬我自由來爲性僻子今無乃坐詩窮男兒窮達終相  
似却是難教繫柁同

涉齋

集

卷七

四

敬鄉樓叢書

九日次常之柳市秋懷韻

柳市留連愛別垌歸來詩與字俱清閑居擊斂全生理老境行  
藏見物情眼把菊花隨雨過醉敲瓦缶作雷鳴千年張翰風流  
句却是生前不願名

次韻才叔九日家宴阻訪媚川

一秋天氣屬唼家九日風光愛物華對婦舉杯勝俗客逢辰得  
酒值黃花大難富有成糜季集大難富有成糜季句難考世說陳  
太邱與客談令子元方季方炊飯二子  
成糜似用此事謹識於此小異誰知落帽嘉獨坐媚川空悵望  
半蟾分挂夕陽斜衣言案成糜事深父凡兩用前云小難此云大  
難大難蓋云元方此謂有是兄又有是弟耳

次才叔和龔司令九日韻

滿院西風把菊天官身閑暇亦悠然恍思杜老浮舟日絕勝彭  
城戲馬年豈待白衣開笑口不妨烏帽比華顛却愁明發還多



事詩在龍山落照邊

九日簡德久

登高每恨尊無酒近節今欣菊遶籬風日正佳關氣數心情不分減年時愛持雪鬢欲紗帽愜把霜螿對酒卮意到潘郎寧易敗催租端自不妨詩

次轉庵九日韻

窓前白白黃黃菊門外疎疎短短籬擇勝任從追賞日有年即是太平時呼鷹戲馬人千古綴席浮舟酒一卮五百年間張翰句風流猶待謫仙詩

九日小飲用後山居士韻簡轉庵

連日欣晴卜暮霞晨曦閃閃舞羣鴉時豐都市人多醉節近重陽菊有花萬事悠然山正好三杯可以我何加自憐猶有童心涉齋集卷七五敬鄉樓叢書

在愛把茱萸繫絳紗

再用後山韻

懶情無心賦落霞醉餘吟筆大如鴉但欣有酒酬佳節猶勝無錢對菊花小異孟嘉今老去知非遽瑗歎年加登臨無奈秋光好歸傍窓前月印紗

九日同從班諸公自南山過蘇堤登寶叔塔

柳下芙蓉錦作裳畫船波底見秋光登高自昔須吾輩戲馬從人上寶坊白髮未嫌紗帽黑紫萸偏稱菊花黃常年風日無如此爭不從容入醉鄉

次韻解頤叟九日登樓唐律二首

詩翁九日獨登樓悵望當年淺碧洲菊徑全稀虛過節橘鄉無術敢當侯漢廷非晚否良策邊算于今待遠籌曾得合肥家信

否未應胡越可同舟

規樞器業足資身合是蘭宮第一人風月難兄居半刺文章經國肯全貧身丁近免家家喜首述長謠句句新預兆閣本伺時康濟事定應不負白綸巾

三月二十七日玉堂夜宿

以玉爲堂未足閣本誇金林禽謝有金沙案金林禽係花名別見湖泉集稍傳禁漏提初點旋聽周應遞晚衙春盡猶寒欺夢草晴多未雨渴簷花自憐雖是文章力肯把凡鷲汚白麻

玉堂宿直次高內翰九日前一日草妃子麻畢題案上韻歲稔時和庶事康未央稱壽捧瑤觴宣將鑾殿金爲炬草就麻詞玉作堂自是關雎思淑女不同飛燕在昭陽儒臣信得文章力捧賜看花一樣黃

涉齋集

卷七

六

敬鄉樓叢書

宿社祭齋宮與張野夫解舍爲隣信筆代簡

經時不見小于湖已覺心源少轆轤漫道齋宮鄰解字何殊弱水隔蓬壺清談每想追前輩快觀何從換故吾大阮端憂更堪憶平安曾得近書無

九月十一日龍華寺齋宿禮部陳同年見余鬼字韻詩寵

和惠示復用韻奉酬

雁塔同登驚歲月龍華共事陟崔嵬詩從瑞錦窠中出人是黃花節後來顧我何堪毘右府如公端合上東臺清時勝日入兼美平步功名不用催

陳同年再次韻爲謝而王才叔判院和篇繼至復用韻併

謝

端坐齋宮喜敬陪高軒二妙屹崔嵬舊時古廟香爐去新句風



檣陣馬來但有黃花堪落帽不應白髮怕登臺留連月色須明  
發未受秋更密點催

酬才叔再用韻

三日齋餘過九日今朝方得上崔嵬日隨鴻影翩翩去句逐潮  
聲滾滾來肯爲龍華留勝蹟何須戲馬上開本高臺黃花未必  
相欺得正要詩翁着句催

致齋禱雨次轉庵韻

夏中春閏合炎蒸何事涼風日夜清大旱望霓如許切密雲不  
雨太無情何妨閉閣齋三日有媿聞蟬第一聲遙想轉庵同此  
際苦辭猶作渴蛙鳴

祭龍前一日致齋雨大作邑人以爲數年未之有也作此

呈養正明府

涉齋集

卷七

七

七

敬鄉樓叢書

齋宿臨場早有期邑官齊出去陪祠祇因日脚埋雲處便是山  
頭戴帽時此雨近來都未有豐年向去更無疑諸公買取千鍾  
酒從此琴堂日展眉

次韻廣文賀太守祈雨感應

天上爲霖正玉衡農家占雨驗書篋黃堂懇惻煩精禱綠野歡  
呼得遍耕束耜未游猶要雨蘇端好過莫教晴廣文飯足渾閑  
事吉語時聞更動情

驟雨忽至

未茨山宇趣儲材展齒憐穿稱意苔礎石潤時雲氣動茶烟凝  
處雨聲來翫家次第三眠柳江國淒涼五月梅電脚未收雷殷  
殷老農爭不笑顏開五月梅李白句

舟中喜雨

驟雨颼風趁急雷畫船繫纜小裴回隔簾大點欺窗紙入戶微  
篩供酒杯一夏屢憂無計奈半秋頻喜悵懷來世間好事無全  
美濡首奉天可念哉

積雨簡百七丈郎中二首

鄉里從游不乏賢薛侯令我自拳拳筆端有力能扛鼎飲量無  
涯可吸川甯屈乘軺紆郡紱豈容謝事引官年皇天有眼難從  
欲慙許祠庭作散仙

社中真率數追陪合有閑緣帶得來十日頓踈新舊雨百年猶  
負淺深杯護持廣橘黃金實準擬榴花絳雪醅但有萑蒲皆是  
節不須端午始歡哈

新晴

兩旬衰病與陰霖徒有幽園日涉心曉色半窗驚睡起鳥聲叢

涉齋集

卷七

八

敬鄉樓叢書

樹索詩尋熙怡意象池亭滿履歷工夫杖屨深掉脫烏巾向人  
說市朝不樂似山林

次韻劉參議喜得雪

初回義取感蒼蒼醞釀風成鏢夜紅才喜簡寒初集霰已憐灑  
急正聞窻忘年有約將尋戴好語先施今拜塵不惜登臨矜共  
賞萬妃正舞玉幃幢

次韻謝傅公謀賀雪

寒入冰絲響玉琴燎爐空火費添薰夢驚窻眼疑留月起看簷  
牙有墮雲三白預知開棧棧一杯聊敢破朝醺踵門佳士欣相  
顧袖出名章過所聞

喜雪

靜聽微雨落乾聲曉見丁簷粉似勻去歲鴛鴦何苦熱今朝鷗

野太無塵眼空色界聊矜富酒極詩豪自覺神踏破瓊瑤無過  
棹虛教新釀熟經旬  
擁火觀書硯不冰梅將雪訪有交情一寒依倚回春谷三白牽  
連不夜城玉燭試於調鼎見金穰安待翦幡迎代耕無補妨賢  
甚歸去容成小築成

立春前一日喜雪

司寒顛帝職云虔肯許勾神撓雪權雙勝迎春猶卜夜六花殿  
臘已書年太陽更不虧元日聖德由來格上天慙媿小臣無補  
報巴歌敢共郢爭研

涉齋集

卷七

九

敬鄉樓叢書

涉齋集卷七



涉齋集卷八

七言律詩

和袁同年接伴謁洪澤鎮龍祠韻

鬼神爲德著冥冥不在牲牲只在誠  
護客往來今九度感神昭  
假等三成長安妥帖平於席畫  
舫夷猶穩作程應鑿微衷有孤  
憤中原却隔泗洲城

觀新堡寨因登平山堂次接伴袁同年韻

換得玻璃千頃湖醉翁遺勝在江都  
登臨山色依然在拂略秋  
容澹欲無新堡似雲屯戍久舊臣  
何日策勳殊王人按壘非尋  
勝歸報前遊有遠圖

訪舊隱

涉齋集

卷八

一

敬鄉樓叢書

自知樛櫟任天材閑愛浮萍靜愛苔  
歸有幽棲鄰佛住時因佳  
客下山來青雲乳酒聊傾尾白雪  
形隨旋摘梅有月有琴君勿  
去百年懷抱待君開

買山石航海有懷故園

它山移却伴疏篁磊砢堅於百鍊剛  
剛地尙餘蒼蘚篆傍欄遍  
映紫荷囊濕雲矯矯飛還凝輝鳳  
亭亭舞復翔竹弟石兄應共  
語故園那得負風光

益老過靈巖看築塘因慰藉小隱索詩

孤雲一片自由身古刹隨緣有夙因  
小隱未容蠶作繭靈巖要  
看海揚塵築塘衣鉢時時唱信筆  
詩篇句句新畫繡不須歸相  
里聞師自是雁山人

題州宅安航

以涉名齋敢自違謁來何事得安航  
極知平地風波少得似閑  
居氣味長旋了兒癡便退食聊爲  
僧坐靜焚香君恩未報空華  
髮孤嶼扁舟隱閣本故鄉

潘德久將出疆之前三日移居作詩奉邀

久住京華似故卿遷居又復一番忙  
此非子坐爭懸榻何以家  
爲便出疆屋下已聽湖水過樓頭  
不奈柳梢黃今朝元已伴天  
氣試撥忙來共一觴

喜聞轉庵新結暖閣因賦

老來百事一無能寒暖隨宜護寢興  
小院回廊容閣本勃率圍  
爐暖閣便曹騰向陽挾策明開牖  
隱几聽歌厚覆凭聞道轉庵  
新結束宛同臭味我良朋

次韻轉庵步城南有卜居依壑意乃古巽吉庵之傍

涉齋集

卷八

二

敬鄉樓叢書

出郊緩步當乘流依壑尋幽小  
饒秋水過斗門知浦口庵當巽  
地見峯頭賞心便擬爲鄰卜志  
喜姑先著句留祇恐據鞍方嬰  
鑠未容此處就菟裘

適庵

庵居奚以適爲名瘠處能爬是適  
情社後有誰留去燕春來何  
處不遷鶯物情雅與閑相會酒  
興酣時句自成要識適庵同一  
切客來無用舉深觥

淨光丈室開小窻頗得江山之勝次壁老壁間韻

車馬憧憧走皂臺面皮三寸積黃埃  
禪房永日窻開闔天際孤  
帆潮往回二月風光供遠眺十  
年羈旅愜重來現前一宿圓成  
案懶向胡僧問劫灰

益老於雁山築庵名曰東風小隱來求詩且約相見



師住靈巖飽看山結茅猶欲老山間懸知客路紅塵軟輪與禪  
房白日閑蔬筍忘來詩格瘦梧楓落後髮絲斑煩師護取龍湫  
水待覓涓涓洗我頑

未終棋局爛腰柯繫日長繩竟若何報國有心祇皎潔效忠無  
力恐蹉跎秋懷向擬樽前遣歸夢偏於馬上多八月錢塘江上  
景可能作意莫相過

被旨祈禱數至天竺珪僧錄求白雲堂詩為賦唐律一首  
白雲峯下白雲堂堂上高人一瓣香繞殿持經山四合繚繚行  
道木千章衆生未免嬰時苦大士甯能與世忘祈雨祈晴來復  
去此身却似白雲忙

邀德久兄靈芝納涼  
曾許西湖三百首官身其奈苦相妨追陪歲月多遺策零落風  
涉 齋 集 卷八 敬鄉樓叢書

烟有斷章人道拾遺無好句天教老監學清狂且邀海內忘形  
友領攬招提半日涼

高峯寺  
四面峯巒玉斲成團圓真是梵王城名山勝絕茲為冠墨客冥  
搜遠作程清酌獻茶修薄供攝心歸敬誓餘生全家飽煖君恩  
重佛日光中祝聖明

袁性之自號為湖山遺老叢和予北征絕句因與其族人  
赴舉復見訪坐間求書湖山隱居扁榜因為著語

湖山本為吾儕設家世今為隱者居歲檢石田猶可餉詩成霜  
葉正堪書因觀後進舉劾啟肯訪閑人欵敞廬醉覓扁顏吾敢  
靳和篇曾枉百碑碑

隱居卽事有懷湖州三首

屋後如屏掛碧岑愛山疊石尚同心肩輿不解勞人力振策惟  
便助足音未擲裏巾行曉色不眠乘月坐秋陰幽憂莫道都無  
景十月移春要滿林

載花航石自都城慚媿波神每不驚官職有何消得處園池亦  
只信緣成賞心擇勝難標榜信口哦詩莫主名無奈新開城上  
路江山如畫總相迎

忘形海內鮑湖州暹次天教得共遊行李未還長問訊扶藜纔  
過許廣酬湖光催我頻攜酒花影何時傍結樓昨夜滿庭秋月  
色一年無此亦知不

為季和弟作溪堂扁榜賦唐律一首紀實  
鴿原分派住松山溪繞山圍屋數間今少蓬成今宅相舊將軍  
寫舊堂顏移來城市真堪貴纔混露庫便等閑教子教孫風月  
涉 齋 集 卷八 敬鄉樓叢書

夜琴書聲裡水淅淅衣言案宋人以秘書少監為小蓬蓋謂秘書省  
為蓬萊也季和之甥不知何人  
清卿求作混碧樓額因賦唐律

三十聲名晚合酬前銜久自是湖州尚須漢吏二千石聊臥元  
龍百尺樓混碧繆書波畫去醉紅憶與閣本海棠留從今只願  
搏扶上還許澄鮮守舍不

款乃聲中自答酬湖山迴闊冠吾州際天野色青環坐照水嵐  
光翠擁樓蓮浦渺瀾無路到松亭依約有船留澄鮮近市翻堪  
恨混碧能容數過不

袁起巖侍郎采予無盡意詩語以一段奇為淨相別室扁  
榜有詩次韻

一段奇中無盡意西湖風月契三生只今扁榜成佳說它日尋  
詩有舊盟得失鷄蟲何日了衣言案成淳臨安去來鳧雁逐時  
志作鷄豚隨日了



更疑兒尙欠梅花句已擬長歌出塞行方有襄陽之請

高秀才紳十年前有同邸之舊以劍名堂求詩

沙河燈火閣殘更客舍猶聞諷誦聲科舉累人須要了詞章似  
子豈無成勳名合是男兒事通塞能忘造化情莫向斗牛占氣  
采夜深只願少微明

范湘潭岸花樓詩

杜若青青湘水深長官爲政見瑤琴飛花幾度春來去行客自  
如人古今天地百年供旅寓江山一色費登臨楚峯驛畔湘中  
館更有高樓待賞心

侶鷗亭

世態浮雲轉首非孰於靜處見天機愛憎隨俗鳥本圖能好爵

祿無心牛自肥此樂尙憂兒輩覺斯人休祝我公歸公如略起

涉齋集卷八五敬鄉樓叢書

功名念鷗鳥驚人已浪飛

題富覽亭

萬峯如鴛萬波同壁浪雙鼉躍勢雄山過江來垂斗柄水朝宗  
去換文風家家洙泗弦歌裡處處蓬瀛圖畫中莫笑先生徒壁  
立一番登覽興無窮

登憶謝亭併呈賓弟

爭不遊山憶謝公亭成孤嶼恰當中山低山仰今朝異潮落潮  
生自古同幾欲弄舟移白日何當把釣待秋風惠連幸自還鄉  
里獨恨池塘句不工

題春風亭

亭成秋日榜春風歲稔時和荷化工佳事感傷多白髮壯懷突  
兀祇孤忠漢興即有中天運吏情元無闕地功閑把春風宣聖

化物華都在發生中

題外祖母夫人李氏陟吧亭

陟吧哀哀八十親消陽念母我傷情等爲孝子終身慕最慘嬰  
兒半路聲已把山光占熟教底須宅相寫亭名登亭更望芙蓉  
頂吹棘風前淚併傾衣言按樓攻媿集禮部侍郎許及之該輩  
恩封贈有故母安人呂氏贈令人制則李  
氏乃呂夫  
人母也

春晚登鈞岡

簿書拋罷一登臨恰有黃鸝送好音溪漲未消知雨近疎林頓  
密見春深詩源久廢如枯井宦况多磨似鍊金手種故園三四  
竹新梢拂拂想成陰

游金山寺

何年浮玉奠中川潮去潮來故屹然世事只隨波上過佛身元

涉齋集卷八六敬鄉樓叢書

向定中圓妙高得月天無際雄跨看雲雨帶烟孤嶼扁舟無活  
計又擎揚子渡頭船

登江山偉觀

江山如抱畫難加偉觀標名似太誇千古雲烟無盡藏百年登  
覽足生涯詩情與客來天際潮汎邀人上斗槎自是皇恩聊許  
借兒童莫便認吾家

題石乳洞

山前老石碧嶺岼山後紫紆洞府寬妙處通行隨步武到頭平  
坦上團變寶鐘池秘金爲奏甘井天成玉作欄古怪洪陽清石  
乳平章留與後人看

游仙都

我來古括經行熟欲到仙都有底難漫道蓬萊環弱水始知方

丈近三韓千山開闔神仙迥一柱峒曉宇宙寒信有真人足官  
府不妨容我暫鞭鸞

初入雁山見雙峯

鐘鼎山林昔罕兼久汚清貫大傷廉移文謝客頗誠厚彈劾歸  
耕喜屬鑿纒下盤山爲邑里已排勝境入詩籤年來百慮銷磨  
盡只有雙峯不退尖

再游雁蕩見本雙峯

不到雙峯一紀年夢隨清磬上高圓重來慣識羊腸路兀坐慵  
談兔角禪欲割舊題無好語差將華髮照清泉男兒問學全無  
用愧爾耕夫墾石田

游南明山

路上崔嵬斷復連危亭却立虎溪邊石梁架广疑無地巖竇梯  
涉齋集卷八七敬鄉樓叢書

雲欲近天客子詩情真物色老僧禪悅解行纏亦知太與塵凡  
隔時遺鐘聲落市塵

下四十九盤時年四十九

了知四十九年非七七盤中共一機世路險夷行處是身名榮  
耀眼前稀此生待足何時足平日思歸今得歸厚祿故人誰問  
訊爲言留得故山薇

春園

用世無功孰取材誅茅作計別蒼苔花隨淺綠流春去山擁新  
青入座來寬闢軒窗便過夏高藏書畫待經梅菊苗先晚丁寧  
種更更秋花次第開

喜子儀侍郎同游

擬訪南山自北山長隄信馬只如閒畫船瞥見矜紅粉紫燕驚

飛透白鷗三過名園成選勝再臨高閣似知還茲遊不負花時  
節寡和陽春更許攀

題洪陽洞

劃開靈怪幾多本年傳與洪陽二老仙石室盡頭真境秘天  
窓明處光圓乳泉暖滴燒丹井芝徑畦分種玉田不是到來  
須束火故應名勝限羈塵

聞轉鹿游西湖奉寄

馬上春光過若馳不須紀歷校花時青於前日新本街柳白  
似去年雙鬢絲強學後生須藉酒苦邀同社索題詩朝回要使  
西湖去輪與安仁尙黑髭

酬常之換韻和江心寺詩

千峯屏繞浪還鋪莫金焦作對呼絕境誰關全體現小亭人  
涉齋集卷八八敬鄉樓叢書

號姬川圖市聲非遠塵難到塔影雖雙嶼只孤大似橋州浮不  
去嶽根元插赤沙湖

再次常之換韻題江心寺詩

山川如畫鐘長鋪每坐危亭謂笑呼大揚帆飛路約巨鼉出  
水戴浮圖錦袍仙想前古飯順神遊絕境孤不是謝公親歷  
覽相忘祗竟渺江湖

姬川圖亭上觀江心寺詩

三山海上失雙峯插作中川鎮水龍高出赭垣尊御寢長拖粉  
塵過僧第夜敲圖繞千燈曙曉擊聲聞兩岸鐘莫無緣隨展  
鉢時來亭上足從容

某題姬川圖江心寺晚荷仲歸兄依韻寵和至再愈工

勉酬厚意終慚辭費



孤亭面直海壇峯真觀龍翔瑞應龍長羨僧行圖上境不勞杯  
渡水邊筇推移日月東西塔透徹天淵昏曉鐘妙處難將聲相  
見吟摹終恐費形容

酬翁常之和媚川圖上觀江心寺詩

江北屯雲翳列峯江心靈雨走神龍已拚阮子一生屐更倚仙  
人九節筇曉靄孤帆昏野渡霏微兩塔濕疎鐘何須小米模糊  
筆潘令新詩足寫容

涉齋集

卷八

九

敬鄉樓遺書

涉齋集卷八

涉齋集卷九

許及之 深甫

七言律詩

送吳待制安撫襄陽

天借球琅鎮上流西風作意送行舟去看峴首何因感遙見長  
安却是愁平昔勳名期帶礪向來談笑飽貔貅輕裘少展籌邊  
略歸問君王覓鄭侯

如君自是急難材牛斗光芒未燭台何以家為人咄咄維其時  
矣詔來來臨河盡去封侯橘度地先栽調鼎梅惡語流傳真引  
玉滿懷明月向人開

送何正言持節湖南

山莊寂寞信驚猿鴉鷺行疎亦斷魂持節過家天借便引嫌得

涉齋集

卷九

一

敬鄉樓叢書

請帝疏恩湘雲開處峯峯好諫紙藏來字字溫只恐夜深思賈  
傅長沙甯久駐輶軒

送趙端明帥蜀

謀深無位可騰功端殿幾廷禮數同盡以四川歸節制重乘九  
折見精忠平生清白天垂相簡在登庸帝降衷萬里橋頭莫言  
遠恩波只在大江通

送鄒國遂武博知濠州二首

長髯如戟氣如虹只欠吾曹抹額紅右序談兵領建水上前論  
事殿生風懇辭射策登賓閣乞許分符立戰功他日濠梁真得  
意要看魚水得君同

孤嶼秋風憶釣蓑因君理櫂起勞歌分留鄉思從茲始報答君  
恩奈若何陶令籬旁猶有菊伯齡石上若無禾問言何補青蒲

事爲道新來白髮多

送毛監丞知漳州

參神不解力吹嘘摻別何勞嘆素居子去定爲慈父母邦人應  
得樂田廬臨漳從此無苛吏嚴瀨曾聞治猾胥暇日若親橫槩  
賦爲言珍重百碑礫

送胡司諫同年赴湖北漕

洞庭青草碧相連使節經行別有天又輟諫官湖外去要蘇民  
力未央前一枝臘雪江邊驛百丈春潮上水船小住輶軒私雨  
露司存及早侍甘泉

送潘德久都幹爲賀生辰使屬

迺翁舊取燕山第子恰從人去使燕孽子孤臣應有淚祖功宗  
德本無邊離離故國搖鞭影耿耿新詩貯腹便父老相逢勤勞

涉齋集

卷九

一

敬鄉樓叢書

苦爲言咫尺中興年

送張子儀尙書鎮福州

暫違天陛星辰履便上春風李郭船兩地逼人真勇退三山去  
路儼登仙循環花甲趨庭日遺笏棠陰在鎮年盛事相望已無  
匹寶奎新賜更光前

送直院樓尙書同年以閣學知婺州二首

受敵詞章八面全慶元書詔四方傳星辰聽履聊紆步筆墨論  
功卽化權將母願爲符竹計投誠徑繳冕旒前暫煩明月雙溪  
照兩兩台星尺五天

興隆最盛初元榜當日曾推第一人出世經綸知幾佛看君意  
度不無神居然勇退非驚俗行矣追隨亦爲親只恐苦無明月  
句經行難作隱侯賓



送禹之皋之舅赴調二首

我是次公門下客登龍因許與乘龍只今擊柝從關吏漸可扶  
犁作老農莫報黃墟埋白玉滿看清廟列金鐘二南自是從來  
譽勉事功名定亢宗

九年清夢落鳴珂尊酒相逢奈樂何但恨醉人成謬誤莫曠驚  
汝感摩挲行裝忽指吳門道別意今隨楚水波若訪水仙逢處  
士爲言新句苦無多

用樓尚書韻餞同年曾寺丞守溫州

三十三年同日喜憶曾書札問淮堧造朝合究三千牘出守聊  
違尺五天官舍君應思繫馬家山我亦念斜川政成的有天官  
列不擬攀轅擬執鞭

送劉東玉提幹之官茂苑

涉齋集

卷九

三

敬鄉樓叢書

共論隸古弄文漪酌別寧忘載酒卮去去臺中據苑畫行行篋  
裏富新詩向來閱閱多丹禁豈有人門後白眉九萬扶搖從此  
始他年書劄問茅茨

送石謙伯就許襄陽辟

襄陽耆舊風流在幕府文書併省餘勿以修塗愁泛宅不妨勝  
處慰安輿碑存峴首堪懷古詩憶槎頭匪爲魚萬里功名從此  
始勉旃聲價百碑礫

送鄭仁叔宰長溪

清於道骨澹於僧海內忘形得此朋作縣只如詩思苦能官已  
被薦書騰下車搏虎真堪笑入境無蝗定有稱我亦孤愚諳此  
味願言加飯履春冰

黃叔萬知縣以魯名齋求詩將赴公安併以爲餞

堂堂張也竟難爲一唯功夫魯得之得免故應忘百慮亡羊正

爾失多歧千林搖落青還在孤月當空影自隨昔日校官今作  
縣魯齋行處卽吾師

送王子大知縣

金闈通籍箱銅章荔子黃時恰到鄉僧夏相期塵外住官期將  
趣橐中裝傾心棲棘仇香地側耳鳴絃單父堂說著江西如故  
里南城春色勝河陽

送余伯益知縣

建章萬戶及千門博物如君自不羣入幕向來爭論薦鳴琴此  
去定知聞官惟作縣堪行志闕獨於鹽害未分割竹乘輶同吳  
味願求長策獻吾君

送鄭節卿赴新喻丞併呈李諫議

涉齋集

卷九

四

敬鄉樓叢書

南漳撫字溢三年當路文章喜薦賢鶴髮有親須祿養鸚鵡書無  
地足常員爲丞盍過滕王閣詣府欣依刺史天諫議恩深曾一  
顧煩君爲我道拳拳

送鄭廷玉教授之官邵武

太學聲名十五年鷄林副墨競流傳諸生定滿升堂履獨冷何  
愁坐客氈預恐上方催給劄便應西笑去朝天君王若問安邊  
策上藥良醫有十全

沈架閣席上送沈教授之官邵陽二首

祝融七十二峯尊諸老相望古道存二邵人才元有種三湘風  
物向曾論先生此去行師說弟子從今記善言爲訪衡山戴監  
獄可能略不傍華軒

那侯名字祖鞭先郡倅風流世有傳更著廣文鑑脚坐亦憐委



吏鼎科年江山莫道非吾土官舍曾無有此賢自是蓬萊山上  
客枉教予作送行篇

送簡壽王主簿之官番禺

住久江西近物情聞名雖舊蓋初傾未聽健論掀髯喜况有新  
詩出袖清爲簿免從高十例飲泉要改昔人名爲言牧伯乘馳  
舊愧爾傳家折檻聲

次韻臨川傅簿經過道舊之什

傾蓋臨川卜再逢歲華飄忽老秋風汗顏何補千人聚過眼還  
驚萬馬空今子所淹棲棘地曩予曾掌采芹宮種松已長煩公  
問梁棟如今中未中

送鮑清卿運幹調官還里二首

筆端有印印金坭榜榜名高米樣齊兩郡漫游官似水七階懶  
步齋集卷九五敬鄉樓叢書

覓薦爲梯登瀛已近帆驚轉入幕雖卑首願低舉士引嫌堪自  
媿眼看湖海放鳧鷖

家住城南水竹村羨君月榭與風軒頭顛已料書生骨言語難  
酬明主恩何日致還歸里社也教依樣買山村彈邊求炙君憐  
我許種名葩寄後園

送范南宮守彭歸蜀

起草南宮著作庭歷階亦合侍承明乞身只擬分符去持節何  
妨衣錦行道在不孤知己舊路開本難偏愴語離情極知便下  
思賢詔其奈巴江白髮生

送黃元章秘書還餘杭待次荆門

蓬萊雲色正飛浮猛乞分符向玉州抵鵲信嫌三獻辱如虹肯  
要萬金酬動名不朽山爲礪軒冕隨緣芥作舟却恨渥注求汗

血不如天底出驂騑

送鄭節推勝乘職歸省

慷慨中原泣夜闌一門忠孝只南冠來歸九死賒猶易就養一  
官輕底難幕府禮羅留莫住清時長缺惜休彈男兒富貴尋常  
事要取功名與世看

送鄧南秀解秩東歸

小麥苒苒短覆泥如何熟得濟民饑青黃未接我狼顧黑白既  
分君解龜已拜一言真苦口極知三折是良醫從今洗眼看華  
要書札無忘慰夢思

送穀仲歸謙謝以詩次韻奉酬

一樂長存抵萬金百年誰肯放愁侵飯疏飲水真吾事懷寶迷  
邦豈本心桑戶琴歌奚此極孔門弦誦有遺音新詩當暑時時  
涉齋集卷九六敬鄉樓叢書

至每讀清風自滿襟

送解省元赴南宮

過庭有子即同登學圃成家豈足稱刻畫無鹽容更醜龍光蕙  
草句全勝名場自此一投足宦路不須三折肱累月答兒吾豈  
敢短檠猶可課秋燈

送林定國赴秋試

讀却床頭滿架書時文元不費工夫向來點額關奇數今日焚  
舟合壯圖去去秋風趨北極行行春色滿西湖癡兒未了書生  
事珍重青衫報國軀

送劉守之上舍赴試

廼翁壯舉動賢關晚把州麾苦要閑細字尙陪燈火課淡書端  
要姓名攀扶搖穩泛魚三級文采曾闕豹一斑舍弟若爲同日



喜兩家親老想開顏

次韻錢振之之行

半生經史競分陰奏牘三千幾汗青技到屠龍從俗笑志存流水有人聽故園動業千株橘世路生涯一草亭卻笑劉商長得醉爲無管屬愛浮萍

送安福劉秀才謀卿仍簡分宜傅公謀

昨夜西風入楚扉登臨游子勸將歸壁雕未頓新書筍錦里還尋舊釣磯平世動名賒馬革男兒貧賤且牛衣傅巖詞客如相問說是今非昨更非

送德友之長沙章貢併懷薛葉二兄

篇章足可慕淵明其奈田無二頃耕鋤館久居誰厭汝客途遠問我憐生湘山物色留新句使節綈袍有故情併語籌孤東道涉齋集卷九七敬鄉樓叢書

主春風吹夢到容成

送陳西老西上併簡張功甫

二月春光韻管絃琴書獨上館頭船篋中未有西湖句闕下曾傳樂府篇名勝難逢分手易游從雖晚服膺先有如尙待金門詔須訪南湖桂隱僊

中川席上送陳同甫

眼底男兒隘六區似君豪氣有誰如中原赤子頭今白天下蒼生力未紓北闕有書流涕上西山無地帶經鋤共談世事何時了勸子加餐反故廬

送俊老再住惠因

天台自是金仙窟而况師曾住惠因祖令全提餘作略舊營重按想精神絕憐老宿參辰象何限名藍甲乙人若遇毒龍師攝

取經行杯渡熟知津

送清監寺往平陽化緣清乃王詹事女

詹事家中靈照女月圓開本作月會下祖師禪一條見地如絲直百架修廊尙結緣飛錫先從坳裏去擲盃聊當渡頭船更於何處求真佛說似檀那領現前

喜德久從人使北來歸

詩翁萬里洽歸來滌面那無一點埃生馬語騎便武事故京熟覽動詩才別來我已成炊夢此去君應悟劫灰見說北庭猶假息可無樽酒沃崔嵬

和袁同年接伴賡從客陸成文韻

雁塔題名不記年相從淮海喜蹇然了知鵬鷲懸微分祇覺夔蛟有故憐共泛仙舟凌浩渺賡吟醉墨墮芳鮮少遊陳迹無尋涉齋集卷九八敬鄉樓叢書

處小五湖中水拍天

和袁同年接伴賡從客霍希文過楚州韻

一水分流西復東畫船隨水去忽忽曉開本風鼓角增悲壯高壘營屯足長雄糧道已無清口應舟師會把朔庭空眼中方略全圖在未肯輕將屬畫工

次韻袁同年回程見示

秋風日日動詩情人與詩篇一樣清歸去星辰添秀潤經行草木倍精明河山未闕功名志歲月徒催鬢髮生送客微言何足錄便將佳句榻前呈

吳門次韻頤剛嚴陵留別過新安

功名破甑等虛空身世隨緣邛曼容行色過于秋澹薄離情恰似酒醇濃想君時看水西景願我方聽夜半鐘莫計升沉須強

飯男兒愛惜髮星鬆

因振之之行過新昌懷鮑清卿

新昌令尹鮑參軍中的聲名孰似君未免徒勞紆墨綬不教平  
步上青雲句如冰柱當庚伏心似秋空納世氛豈爲求齊工鼓  
瑟知音合遣九霄聞

懷轉庵錢客

一水經行昔飽諳故鄉真似是淮南杏花巖畔春攜酒楊柳堂  
前夜駐驂隣境不停科甲馬吾民尙喜足田蠶風謠物色堪詩  
句錢客歸時問轉庵

涉齋集

卷九

九

敬鄉樓叢書

涉齋集卷九



涉齋集卷十

許及之 深甫

七言律詩

南省簾外唱和五首

句讀江西獨亢宗筆裨造化蚤論功相逢客已傳何尹未見天  
教憶戴公歎訝鯁鸞仙尙散猶憐小草味能同明朝遣客方公  
事醉墨何妨落暮鴻

寒似西來不立宗酒兵屢敵故難功詩成染筆能忙事勘罷糊  
名也自公細雨燒燈驚節過清尊華髮與君同故園花訊新來  
少欲問平安無過鴻

畫史何人更姓吳梁園重與續成圖晴泥正好一犁雨歸思還  
先六幅蒲院鎖餘寒春力峭書殘午後客情孤新詩剩喜相料  
步 齋 集 卷十 敬鄉樓叢書

理已覺胸中隘五湖

桃李枝頭鎖五寒天工一笑發嫣然喚回雪苑陽春脚幻出瓊  
壺小有天歛看南圖羊角上恍思西抹阿婆年政須點勘頻呵  
護準擬開函近御筵

不同呵手軸書簾韻帝司寒盍解嚴已放官梅揀杜老更堪園  
柳憶陶潛定無裁鑿追王謝敢別妍媸擗爨鹽爾許空餐已知  
愧底須自喜作沾沾

次韻留守劉觀文鹿鳴之什

一時天府姓名登三載文翁禮俗型已著衰衣親勸駕更施燕  
席共談經杏園路逐三春暖星漢槎通八月靈聖策若詢黃髮  
老爲言輕重繫朝廷

劉正言講筵視職初直玉堂見案上所和高紫薇陽字詩

寵和二章見示因用韻答以一首深愧短拙

措世規模豈小康八荒壽域萬年觴諫行膏澤若溪水講勸淵  
源養浩堂遇合共欣魚縱壑闢希真見鳳朝陽簷花細雨金鑿  
直爲卜爲霖喜色黃

次韻常之歲晚督才叔詩課

流年舍我疾於飛受歲於予孰敢違有愧淵明新覺是自憐伯  
玉舊知非盍簪列炬昏騎馬博塞相歡夜倒衣豈復少年豪氣  
事詩壇聊爲解堅圍

次韻盧次夔直學投贈二首盧之父有師法方訓長孫鑄  
而次夔近繹子屈致教參孫發蒙

大難過訪憶曾酬謁入徒慙刺字留惠我新詩堪照夜喜君逸  
氣正橫秋時哉好去陳三策老者那能畫一籌暇日太邱如共  
涉 齋 集 卷十 敬鄉樓叢書

歎忘炊肯更作糜不

老眼青燈字字愁猶能宅勝復棲幽要追野叟田夫輩願作漁  
鄉橋里侯蚤取科名辭舉業來陪散吏入詩流小孫勤苦童蒙  
訓未解知名杜若洲

約轉庵

半夜月明晨起風不眠附火鬢搔蓬窓虛灑急疑霰集閣暖香  
微知菊叢便擬南枝開摘索只愁卯酒醉冬烘行吟眞愛亭前  
路梅藥已如椒子紅

百七丈和篇有盡道溫柔別有鄉誰知絳闕水茫茫之句

意有屬也再用韻奉酬

仙凡從昔各爲鄉弱水蓬萊隔混茫不見麻姑呈狡獪空教賀  
老號清狂兩奩心事無人共萬點花飛有底忙說與東風須作



主莫教癡白妬嬌黃公家寵妓張氏者善弄

休厭黃鸝百轉聲詩翁亦是不平鳴  
中年懷抱愁離別暇日親朋好會并踏損落紅無錦襪吟成白雪有朱英欄杆徙倚空三歎雨後斜陽寫不成

百七丈寒食扁舟之盟遠寒姚黃恐成輕負輒賦二篇復

以醑醑爲約

閑中直指醉爲鄉寒食扁舟竟渺茫可惜海棠隨雨過猶憐粉蝶伴醒狂游人靜後西山好春事深來老圃忙未必煩公頻折簡花時還是負姚黃

連夕驚頭非惡聲池塘閣閣幾蛙鳴春程尙有三之一樂事那能四者并養得苦錢教滿砌足爲花地藉殘英聞閑不惜衝泥過架上醑醑玉已成

步齋集

卷十

三

敬鄉樓叢書

謝觀復長髯垂膝儼然山澤之癯棄去儒業從皇甫道士

於塵阜余見之三茅以所編老君實錄見贈賦此奉酬  
真是儒仙藪澤姿長髯合住謝家池香爐峯下看雲坐碧玉壺中倒景窺妙旨五千歸日用篆言十萬見宗師故交幡起逃儒恨不值青藜夜訪時

酬劉孝若二首

春去堂堂已決句幽花耿耿尙能春細思造物尤恩我晚著家山剩庇身客至情親惟話舊詩成意足不求新長年道路多疎隔如子相過正要頻

回首城南同舍時參辰相望更爲誰杜門正愧衰兼懶枉句多慙頌不規新竹篩金鳴粉籜初荷擎蓋弄紋漪小園景物堪供給剝啄何時共說詩

次韻酬王宣甫

老去才衰非昔時如今何處有新詩陶溪已過黃初作漳浦曾同鄭老期近喜高軒能肯顧翻催歸棹起相思杖藜固有慙慙約逸駕愁難十駕隨

奉酬沈仲歸

劉墀屈壘敵金湯合纒蒸風寫拒陽久住揚州詩富艷覽歸孤嶼句清涼簷聲疊喜隨花落野色方期共竹光偶苦河魚今少愈不應樽酒負鵝黃

次韻酬才叔仍送酒

逸駕翩翩莫可攀飛騰豈久住鄉間秋風便起東西玉郢雪姑吟大小山僮喜借居鄰竹院能無持酒到松關樓成約共魚軒過急遣關本雙壺且破顏

步齋集

卷十

四

敬鄉樓叢書

再用韻酬才叔

試聽剝啄莫尋推竹院來過更有誰紫鳳迎門披短褐小龍入白破新規映空白鷺排青障照水黃鸝點碧漪春去自應留物色眼前何事不供詩

融州和孝若韻見寄併謝眞愛賞梅之什復次韻奉酬

城南家訓不藏金曾共青燈課夜吟往行二劉元作則後人六藝盡師心經傳鄉派源流遠詩到孫枝志思深玉潤風流今鮑叔卜鄰佳處到于今

同病齊年各老成喜君勿藥近安平簾與不惜尋梅過藜杖何妨倒屣迎潘令劇談聽至夜劉郎新句和來清疾行每愧穿楊手金榜君居第十名

次韻酬石謙伯二首



拂雲著句未能奇聊爲溪山且發微過矣瓊瑤煩答贈居然懷  
袖有光輝經時苦雨無佳思幾日占晴望落暉石友不來春自  
老登山臨水送春歸  
石兄兄石不凡錢卜築山邊復水邊位置亭臺依茂密別疎巖  
壑聽潺湲拂雲修竹還通月擎蓋高松不記年預恐陶君回俗  
駕擬乘下澤疾驅前

酬木伯初簡才叔常之

惠我詩章有珠磨傳家學力見功多恍驚社裏攜文手奪得天  
邊織錦梭競約方州容與戲預欣清夜醉時歌熏蒸浪泊看鳶  
墮不念垂垂老伏波

次韻酬潘才叔

杜老添愁憐晦日閔仙不睡惜殘春閨餘寬我花枝眼年事逾  
涉齋集卷十 五 敬鄉樓叢書

君卦氣身架上醱醺香已歇階前芍藥色方新新晴肯訪山園  
否聞健聞閑莫厭煩

再酬同社

殷勤春事尙彌旬豈是檢錢買得春映水殘陽開句眼滿園新  
綠庇花身論文把酒交情舊對奕忘機局面新信筆題詩無好  
語多情鳥鵲喜聲頻

酬沈仲歸

曾倚平山望遠峯橋過眞主昔回龍詞繚十事溫卿閱句敵三  
都蜀嶺筇置驛家風羅四面揮毫帥守角千鍾來歸肯作蕭閑  
伴一誦詩篇一起容

田家渴雨望雲峰掣電驅雷起蟄龍喜極三農俱合爪爭扶百  
拜各拋筇先生不用愁經筇老子惟須辦飲鍾換韻題詩應有

句何人起舞爲予容

次韻酬梅南壽舊曾和予梅花詞

衣鉢歐梅無別峯天慳發處妙屠龍瓊瑤有句傳商鼎金石留  
聲在蜀笥三歎少曾廣俚曲五音全得列編鐘末章壓倒君餘  
事不道承家有媿容

自和與樂翁

淨盡繁紅但碧峯藥欄猶有綠盤龍風光何限供吟筆霜鬢儘  
添宜老筇豈必愁來方酌酒底須句到始撞鐘閑中作樂眞吾  
事多謝天工久見容

用韻酬常之才叔

西山爽氣挾蓮峰礙眼何嘗忍籜龍近種貓頭未成竹擬求人  
面替扶筇春歸意緒愁千斛病起情悰酒一鍾莫聽朝雞  
涉齋集卷十 六 敬鄉樓叢書

萌妄想形骸老醜若爲容

酬翁常之才叔

雲間聲價仰高峯今向詩中識七龍傳誦廢餐惟閉筆行吟須  
杖轉思筇晚欣鄉里才華盛故是江山秀氣鍾竹院過從煩答  
似坐來起敬有羞容

再酬梅南壽

看雲注日愛奇峯撼壁魚梭欲化龍鳳沼催詩欣在手驪珠奪  
目急扶筇老慙尙竊祠庭祿閑覺驚聞夜漏鐘報答一春無好  
語更憐同社曲優容

用韻酬常之

老慙匿影愛嵐峯已愧家聲昔二龍琴井得泉思種橘尋河知  
路記因筇加餐漫說囊中法應俗多違飯後鐘同社朋來欣已



諾何時倒屣却從容

疊用韻酬常之

迢迢起頓兩三峯石窟門邊有斷龍致爽君能豪拄笏策疲我  
媿老指筇論詩句句諸唐律舉酒時時敵漢鍾謝客分留餘物  
色可能無意更形容

用韻酬侯居甫

玉樹風前映玉峯吾家安得此乘龍書林未照青藜杖甥館肯  
陪高節筇歸棹喜聞明月載哦詩想帶夕陽鐘從今社裏添光  
寵咳唾珠璣有仲容

再用韻酬侯居甫

凌雲健筆畫雲峯奪得標歸信是龍官似梅仙非素隱山經謝  
展伴棲筇柳邊待起明光草花外要聞長樂鐘暫肯聞閑入詩  
涉齋集卷十 七 敬鄉樓叢書

社來篇三復歎南容

酬鄭千之

契託尊公千佛名思瞻生氣屬丹青愛君克肖充眉宇將母通  
家過里亭難韻更能陪我和苦吟想見微鄰聽勉傳衣鉢窮年  
計入學元非一仲丁

自和

擾擾人生漫百營思量兩柳豈長青四時代謝真郵傳百歲光  
陰寄客亭底浮華非我有靜中真樂要人聽故吾不惜全還  
我二十三前是白丁

和居甫仍喜其得雄

歸巢勸鷺底須營家近容成取次青竿我崎嶇山上路羨君瀟  
灑竹間亭弄璋已覺門闌喜引玉尤驚里街聽得子且欣容易

養庚壬乙丙况藏丁

德久寄南游詩卷內和丁字韻凡九因次韻寄酬

三逕雖荒可更營歸來因得課樵青巖棲寧着高低屐世路怕  
過長短亭厚祿故人新枉句高山流水舊知聽案頭展卷勤收  
拾却恐天官勅六丁

酬常之

連朝晴霽有何營靜對修篁照眼青旌節花迎門外客發揚荷  
傍水邊亭雙呼鳩語元無據一箇蟬聲已可聽鵲鵲飛來還送  
喜吉丁新句遣家丁

奉酬常之仙藥課時丁之什

在勤生計合勤營手劓山園藥甲青首辨君臣嚴位置次看炎  
冷各調亭有身為患那能見未說能仙自喜聽肘後傳來須記  
涉齋集卷十 八 敬鄉樓叢書

取種時端是戊銜丁

酬孝若

自笑求田了不營竭資結屋爲山青尙憐遠岫光傾座猶欲平  
崖穩著亭同里開本唱酬雖數至扣門剝啄未嘗聽故交要識  
今吾面不是遺民即隱丁

酬南壽挾策方勤而二詩至

窮當堅似亞夫營誰似任安事衛青欲使威儀還漢舊未傷風  
景隔新亭功名薄處書備讀志節高邊我愛聽過午尙思茶一  
盃休將後蔡比前丁

身世悠悠莫苦營是他松柏只長青寬於爾窳茨爲舍大似雞  
棲草作亭蟲臂鼠肝元自定龜毛兔角慣曾聽臚傳天語君須  
記第四科名合是丁



仲歸以結局丁字韻二詩七夕乃連和四篇至如數奉酬  
年衰病眩作本思怔營惟見詩箒眼便青連和舊篇纔結局高  
吟新月恰當亭敢輕勅敵嬰生力正恐陳言厭熟聽入社莫言  
詩殿後此時孤律夢方丁

君詩紀律似堅營氣王東南幟赤青勇思急於流峽水疾馳快  
似速郵亭想當愜意須頻讀說與齊眉更喜聽擊鉢功夫勝刻  
楮賣文却笑隱吾丁

年逾卦氣易身營除一君猶鬢髮青豈但文章難匹敵只量筋  
力敢評亭詩如博奕聊賢已調似渝歌且易聽除却吟哦無一  
事齋心惟敬六神丁

聘錢猶欠入驅營野語傳訛亂史清河鼓牛郎隔河漢成橋烏  
鵲爲津亭隨緣樂事從心賞妄想佳期莫耳聽見說老人星合  
涉齋集卷十九歌鄉樓叢書

見更占秋丙看春丁

次韻湘西許老

困倚床頭未當癡結廬取次不塗茨常留真火添丹竈任使清  
霜上兩眉入市有錢時施藥還家無藥自吟詩不因乘興來過  
我老子姓名誰得知

次韻王宣甫

佳句馳來合斬關家童豈得嫉渠頑好懷偶苦催租至厚意虛  
教垂橐還近社磨酬幾寂寞舊時塗改屋爛斑轉庵方示維摩  
病猶望崇齋大小山

次韻孝若謝報謁二首

訪舊論交憶斷金閉門宣想日高唵應思后牧長回首更學陰  
何苦用心願我自知經世淺如君何苦愛人深相逢休說東山

話已覺昨非猶至今

如懸夜雨潤冬晴菜本朝來翠浪平菊老容成宜退聽梅開真  
愛欲相迎擁爐靜坐心非想把筆題詩思過清寫寄城西老朋  
友數能過訪不無名

次韻康伯別家塾後示惠二詩

投老投閑袖久通何妨搔首鬢如蓬故人索我形骸外春事開  
予笑語中別去未幾情似濶詩成倏至福何洪倦從遠役甯株  
守人訝相從臭味同

如君摸索不難知匡鼎來時解說詩莫作瓜分甜後蒂已拚樗  
散髮成絲聞閑歲月壺中永取靜光陰隙外馳莫道廣平心似  
鐵知心猶有賦梅詩

次諫長韻

涉齋集卷十

十

歌鄉樓叢書

繚垣虛書靜沉沉兩行槐陰一徑深細雨入簾供潤溥清談參  
坐共蕭森柳邊花底隨官事綠暗紅稀惜壯心正以頭風無藉  
在詩翁佳句敵陳琳

簷溜涓涓響澗潄濕飛胡蝶見深深乳鴉雛雀自醺答老柳古  
槐惟蔚森同省三人慙未至許身一字愧初心好風隔院動修  
竹隨意題詩傾碧琳

再次仲歸臨池韻

聖時下士若卷阿鴻筆詞源走萬波南省只教韓愈到北飛猶  
障禹門過男兒器業偏成晚夫子才名獨患多地關天開知有  
日中興宜頌更宜歌

次韻劉孝若二首

每思忝竊長知愧何有行藏可待明壯不如人祇錄錄老將及



老更平平故交契予情文厚佳句馳來格律清擬策疲驚追逸  
步却愁重野趣修程

宜男草長欲忘憂含笑花開却似羞轉蕙有風涼意動重梅過  
雨漲痕留幽閑歲月難消受香火朝昏未答酬珍重友朋相慰  
藉鼎來廣和得因由

次韻轉庵幽禽到研邊之什

梅風拂拂動薰絃久雨休疑是漏天有客方懷噏澤畔無樓那  
得住山邊添香遺日愁難破換韻傳詩喜欲顛犯戒成章賢博  
奕門人已廢蓼莪篇

次潘茂和韻

久向竹林聞小院恨無此客豈無此文章未可爲餘事子弟何  
妨自太鮮老去癩兼衰作病傳來詩與月俱圓瓣香合爲床頭  
涉 齋 集 卷十 十一 敬鄉樓叢書

易答風鞭驚不是仙

袁同年過揚州遞書并詩再次韻約同留維揚觀春色

一緘書札故人情中有新詩字字清郵置傳來心已醒秋燈讀  
處眼偏明揚州路近帆能疾瓜渚潮來水似生少駐星軺問遺  
俗春風生帳有詩呈

再次韻仲歸

身名已媿鳳巢阿世念難教古井波老覺病時終是懶話當情  
處愛相過聞閑莫惜朋簪盍服義相將戶履多意到會能拚劇  
飲與君同賦醉時歌

席上次劉振之賢良韻

眼底扶疎綠漸稠傍林軒檻轉清幽空餐敢擬過僧夏閑雨猶  
憐近麥秋客有好懷雁鳳駕袖將佳句豁牢愁焚香餉客無多

景靜聽呼雛鳥鵲啁

子儀侍郎欲携家泛湖不及踐旬休之約再次韻

案頭故紙積如山春去能無半日閑已約休旬同此集預愁陰  
雨在其間時清不禁無何飲畫永從教竟日還只恐扁舟成拔  
宅同遊無路可追攀

再次韻子儀侍郎用沈察院韻

杜宇來時憶故山簿書叢裡且聞閑流傳舊體湖山外廣唱新  
聲伯仲間雨霽園林爲亦喜風輕簾幕燕知還蘇公堤上明寒  
食逸駕翩翩不可攀

次王宣甫韻

一春無計接茵蕘野草閑花漫自榮留在小欄紅藥在待看新  
徑綠陰成亦憐酒盡陳談柄肯寄詩笥督課程多病感君勤問  
涉 齋 集 卷十 十一 敬鄉樓叢書

勞肱三折後萬緣輕

重陽前兩日集轉庵同社而今日忽雨次轉庵韻

撓先登眺高爲節片段芙蓉錦作花賴得前朝會此集有如今  
兩欲何加歡濃未分玄成白客醉猶憐酒勝茶獨恨媚川無好  
句更須君賦爲傳誇

次常之韻

身閑城市即郊坰况是秋高氣倍清酬唱篇章驚句眼往來節  
物見交情重陽檻菊明朝摘細雨簷花昨夜鳴晚霽嘉賓不重  
賞靈山室自愛光明

涉齋集卷十



涉齋集卷十一

許及之 深甫

七言律詩

寄陳頤剛

眼見交遊半陸沈可無百丈引清深注成兵法有奇志閑過壯  
年應苦心幾度梅花開悵望有時楊葉夢追尋男兒機會何終  
極莫遺愁將髮髮侵

簡轉庵

扣門有礙我何適排戶頓疎君作難不對桃花傾社酒誰憐燕  
子怯春寒便過熟食過元已尙看醅醖看牡丹却笑今年詩厄  
閨略無好語入毫端

簡才叔

涉齋集

卷十一

一

敬鄉樓叢書

坐看母竹長龍材衣上新痕染碧苔杜宇不隨春老去黃鸝偏  
傍水光來搖搖書帶連香草冉冉凌霄上古梅此意轉庵同領  
解更須潘令好懷開

寄洪州新建知縣

遠聽絃歌樂部封放衙乘醉半疎傭家辭南越無千里縣管西  
山有幾峰人望廢田禾影合吏愁空獄薛痕重孺亭應更悲前  
事煙草萋萋叫夜蛩

入南鄉檢旱紀所見

分宜南北兩鄉分路入南鄉過所聞蕎麥滿山明積雪晚禾匝  
野漲黃雲寸田必墾憐農父五斗空餐愧令君惜許早田成旱  
損不成樂歲答民勤

紀所見

百年厦屋盡良材客位經年長紫苔失馬塞翁翻有得撫松陶  
令盍歸來門前婀娜千行柳塔角輪囷一樹梅滿壁圖書非詫  
事錦囊成篋未曾開

夜渡分宜水南

一水灣環抱縣流水南物色總清幽案頭故紙看成業眼底青  
山見即愁夜喚扁舟乘月渡靜聽魚網瀝波收忽思孤嶼中川  
畔滿意秋風落釣鈎

括蒼道中次陳頤剛韻

詩翁四十九行年說着行邊喜欲顛介婦灘頭隨水宿馮公嶺  
上伴雲眠趨時萍實甜于蜜閱世匏壺老更堅冀北須君空一  
洗眼前駑馬太勞鞭

宿建德驛追次張于湖壁間韻

涉齋集

卷十一

二

敬鄉樓叢書

此驛閱人多似我于湖去後有誰來詩留版壁經年在門對巖  
扁盡日開天上有文修白玉人間無句對蒼苔相逢莫問滔滔  
事荷蕢曾過有意哉

舟行早起處州溪上

溪容霧氣撲清芬野色微兼曉色分橋表已迎山背日纔端猶  
繫石根雲打頭風信看來轉當面灘聲語不聞遙喚漁舟勸回  
首人鷗那得更同羣

早起

歸來百事盡摧藏卦氣行年分所當未曉不眠真是老纔明便  
起有何忙移山種石愚翁癖遇酒逢歌楚客狂此外胸中無箇  
事有詩信口作篇章

睡起



飯了晴窗睡足時杖藜徐步出荆扉若無俗事關人意只有楊  
花點客衣黃鳥怨春渾不住杜鵑知我亦思歸隣家酒熟容除  
買竹筍初生韭菜肥

書債山積久逋余丞相報緘連發二書畢喜作口號

自思堪笑亦堪憐與項兼不可鐫兩紙書成大功業三杯酒  
罷小神仙每當靜處常追悔何似閑時旋補填害性苦心從古  
病不如歸去樂殘年

湯晉卿善談命求詩紀實

已近無聞半百年枉煩明鏡照華顛淮河驛馬妨乘鄆氏宿蒼  
龍分委天告我三陽聞好語驗君三命有真傳預愁一字終無  
補何日歸歟阿對泉

德久和韻以予請外之力預爲悵然再用前韻

涉齋集

卷十一

三

敬鄉樓叢書

已是于思去復來自漸無補効涓埃蘆官只合供煩使昭代惟  
須急異才名士不應詩作崇諸公方擬管吹灰且容一舸江湖  
去蘆阜煙蘿鎖碧嵬廟堂許以江西清節

才叔調倅歸報謁不值訪松廬留別拙語併呈

五月征行思竹院半年賡唱負松廬水西風月公歸後街北交  
朋過訪餘攜具洗泥曾醉否逃禪得句定真如涉齋終日攢眉  
坐止賴清新爲起予

鮑融州病足叩謁適遇孝若示融州菊詩和篇次韻呈

不見融州夏涉秋居然欵對豁羈愁猶存尊足憐同病不繫虛  
舟任打頭久待一州當歛惠終煩諸野要營求我今不啻便應  
足獨恨於君百未酬

病赤目從薛山甫借荷葉巾

赤目朝來勢轉加病身觀妄有生涯火平文武寬心地酒遠聖  
賢疎肺家虛白已能生暗宅空青不用點昏花小冠預擬更名  
字借與團團藕葉紗

次韻仲歸病中垂問

痼疾多年久一翁醫方驗後自難功已慙兀者猶尊足敢企冷  
然欲御風覓句未能生處熟論交正要苦辭攻憑君莫話沙堤  
事此語終諛不是公

次韻陳支茂先賢良

煙蓑不盡四山青古道長將古意評辟穀久知疎藥裹纂言今  
見滿書檠堯年請祝新拋隱宋範爭抄近薦名聖世埋光那可  
得清臺恰奏少微明

喜宣甫至戲呈

涉齋集

卷十一

四

敬鄉樓叢書

陶溪路遠強躋攀猶得詩筒暫往還有便催租俄敗意無心聽  
鶻忽承顏菊花滿逕成三老梅尋穿林見一斑肯爲轉庵聊且  
住預愁約束裏糧慳

次王宣甫題媚川圖韻

底須屏障寫天吳絕境橫前與畫俱兩塔屹波流不去千帆破  
浪遠如無空明月光爭媚開闔雲山妙莫摹扁榜首蒙摩詰  
句小亭從此有詩圖

韓幹四馬詩戲贈世京

吾聞北馬來西極躡首躡雲無定姿俯視雙瞳真皎鏡遙憐一  
骨獨權奇何年慘澹經營處此日飛揚奔放時把玩不須嗟歲  
晚會看天厩着金羈

謝鮑潮州惠歸正李媪所作外國圖因題卷後二首



兩年一郡半專州  
濠上魚涵惠澤游  
慨念中原變荆棘  
圖成外國別冠裘  
故宮禾黍悲清汴  
落日風沙慘白溝  
漢節提携曾記別  
居然展卷淚橫流

開本橫流

健婦真能勝丈夫  
丹青人物妙難摹  
百年畫手承平久  
萬折歸心守節孤  
輒此珍藏爲我有  
從渠遠致更能無  
傷心故國流風在  
題作華戎服飾圖

### 題元祐諸公跋寶三川詩卷後

門前流水古猶今  
不見鍾期但苦心  
每憶承平愛人物  
有誰埋沒河山林  
一官黃綬甘肥遜  
百首新詩共賞音  
自笑抱關人錄錄  
亦將名字託碑陰

### 次韻仲歸漁父

風靜波恬沒是非  
雨蓑煙笠當冠衣  
移將蘭棹垂綸去  
釣得金

涉齋集

卷十一

五

歌鄉樓叢書

鱗帶月歸到處  
茅柴除可準  
有時蓴菜滑仍肥  
旁人道是忘機叟  
到底從來不識機

王宣甫以新婦魚能鬥爲勝負魚有詩釋其訛謬次韻戲

答

爛斑紅黛鬥芳塘  
新婦魚兒著底忙  
豈爲長陵矜先後  
不知濠上樂  
彷彿詩來解辨吾  
伊謬我欲兼將勝負忘  
蚌鵲相持堪惜許  
須知旁有謝三郎

聞砧

秋來風物自凄清  
葉葉枝枝策策鳴  
近砌不堪催織語  
遠砧更送斷腸聲  
苦心且作丁當和  
積恨終憑慰帖平  
寒女終身無褐彩  
綺羅通夕課寒檠

觀郭殿巖打毬於沖天觀旁

峯頂毬場剪似平  
汾陽號令素精明  
萬蹄攢逐一星過  
兩隊騷呼衆樂鳴  
靜看穿楊矜妙手  
醉觀過翼覺身輕  
摩抄亭下排衙石  
擬賦將軍射虎行

### 聽轉庵彈琴

競春人去客苔侵  
喜對安仁理玉琴  
百尺游絲非助我  
一聲啼鴉是知音  
湘桃作意紅兼白  
碧柳隨宜淺更深  
昨日胭脂今日雪  
可憐墻角兩來禽

### 次韻仲歸觀奕

綠陰晝靜熟觀棋  
橫出甯分正與奇  
要處不容留活眼  
忙時翻笑歛愁眉  
手談大似銜枚戰  
坐隱幾同過枕師  
著罷了然無勝負  
機心却許白鷗知

### 酬轉庵畏酒之什

絕境資緣有路攀  
隔波樓影塔中間  
纔收梅海經旬雨  
已放蓮峯幾朶山  
勝處得閑真箇苑  
醉餘忘世卽函關  
詩高不飲妨何事  
恐對湖光自忸顏

### 謝鮑潮州送新酒

濁醪青藥作重陽  
纔入開爐月果良  
佳釀遺銷彭澤恨  
好懷肯對馬軍嘗  
清新有句須留待  
風味如君不可忘  
只俟高軒共杯酌  
四時巖桂尙能香

### 還杜叔高詩卷送酒

三衢王杜人能說  
我亦曾聞仲叔閒  
軟語接來真有味  
好詩吟到祇如閑  
名場偃仄雲垂翅  
澤國冥濛雨蔽山  
不有客樓何地著  
可無尊酒破天慳

### 次韻酬顯庵寄茶

顯庵多別又多年小草蠅頭越瞭然竟句不爲禪所縛住山長  
是佛相憐無從飲酒過蓮社尙肯分茶到玉川肉食正慚無補  
報歸心已駛不須鞭

鄭文之許惠烏髻方戲簡

墮頰功名久任緣形骸老醜孰蚩妍了知白髮關吾事敢學烏  
髻趁少年人謂黃金容可作君藏鴻寶乃能鉛一罇正博妻孥  
笑惠許良方試與傳

王宣甫以予有詩求鄭文之染髻法與其舊作暗合因錄

示次韻酬之

細看綠繞與紅圍此地何曾著白髻願我全驚緇髮改羨君猶  
有黑絲垂一罇博笑幾同調兩靦相看莫欲眉正使醉中巾幘  
墜不妨齊唱赤壺詞

涉齋集

卷十一

七

敬鄉樓叢書

戲贈

不鼓君家爨下材渴心古井欲生苔柳枝未放行雲去巫峽又  
還爲雨來似染霜髭欺黑漆尙禁醋齒試青梅不妨雨過同心  
賞一架醪醖花正開

三賡許令姪硯之什

轉庵著硯有奇材受墨逡巡落海苔異品已堪相甲乙餘波足  
可界雲來許分元姪邀金竹預想將軍慰渴梅尤物匪珍才可  
惜芝蘭正要滿庭開

次韻王宣甫謝筆

筆塚前頭幾泣魚筆耕無獲匪才疎寄將毛穎煩爲傳恰值虞  
卿正著書千盈難酬終送似兩家託契更誰如詞章老去輪豪  
放瓊玉從君要珮琚

謝益老寄英石

澹交如水足生平晚歲煩師託石兄曾解點頭聽半偈定能發  
笑驗三生業林住漏歸來好長物分將過去輕聞道肯爲隣舍  
佛錦衣只在雁山行

舊藏英石沈儉夫族人處謝儉夫轉爲取還

百好殘年心已灰石君久去絕嫌猜故人諾重金難比族里言  
溫璧徑迴曾與話禪聽翠竹亦資醒酒臥青苔如今相見休相  
欺各是因人歸去來

濟叔轍案上石菖蒲爲惠石與菖蒲俱佳拙語奉酬

蒼然拳石具林巒上有菖蒲八節灘洛浦麩餘玉珮藍田拂  
拂長琅玕著身便恐移天姥濯髮還疑借消盤割愛贈予銘座  
右爛斑鬢影照應難

涉齋集

卷十一

八

敬鄉樓叢書

涉齋集卷十一



許及之 深甫

七言律詩

賀太廟產芝草 太祖夾室

太室晶瑩粲玉芝，慈闈恰遇未央時。  
兩宮喜色騰堯采，萬歲歡聲動漢卮。  
發祉有來增裔葉，產祥方至在孫枝。  
從今慶事頻頻有，準擬賡歌剩賦詩。

得禁中花喜而有作

階前紅少綠多時，尚有名花巨壓枝。  
珠璧直疑天上得，瓊瑤難報世間奇。  
懸知丹禁鶯花繞，始覺仙家日月遲。  
珍重十洲蓬島客，津津喜色見雙眉。

再次韻宣甫探梅

姑射山頭冰雪姿，自應不負歲寒期。  
一枝已共巡簷笑，半樹寧忘欲雪時。  
未許佳人和月摘，且容老子受風吹。  
城中詩社新年落，絕喜陶山慰所思。

次韻王宣甫催梅

搖落馳驅自歲年，今年慚愧得身安。  
小園亦有先春意，短思惟知着句難。  
看水看山從昔好，愛風愛雪待今寒。  
故人遠寄催梅作，喚起新愁有萬端。

再次王宣甫韻

江南春訊漫年年，月下推敲句未安。  
好語得來元不易，愛花開後却無難。  
霜晴屋角偏先雪，色枝頭已破寒。  
爲向催梅居士語，杖藜肯復過蘇端。

次韻王宣甫催梅

犯寒時訪歲寒姿，經閨何緣却後期。  
珍重故人勤問訊，剪裁新意作催詩。  
一陽潛與飛灰動，九奏深憑畫角吹。  
莫遣詩筒成斷絕，日來頻爲起愁思。

初得梅花呈似參議劉二十九丈

江南驛使是知津，剪送瓊枝裹綠筠。  
觸發家山春意思，喚回天地雪精神。  
護持惟有壺瓶水，映帶全無几案塵。  
一夜梅坡清入夢，不妨持惱謝巖人。

張舍人惠古梅酬以拙言

孤標耻付壽陽粧，薜荔爲衣薜作裳。  
映竹蒙茸初破白，倚松鱗甲亦生香。  
分無疎影追同輩，肯逐羣英殿後芳。  
珍重折枝煩寄與，恍思千樹故山旁。

再用韻奉酬

涉齋集 卷十二 一 敬鄉樓叢書

未信時新有儉粧，綺衣趺坐赤帷裳。  
已甘槁項終肥遯，無奈酸風發暗香。  
心苦故應如貌古，林深正不爲人芳。  
須知已是丈人行，領略羣英顧在旁。

同寮約過包山因問訊玉津牡丹再次韻呈子儀侍郎

傳聞有約過包山，節過天祺過暫閑。  
便有流鶯迎柳外，不妨飛蝶導花間。  
東吳壯觀隨潮長，西洛風光指日還。  
獨恨微臣無補報，動名分寸盍躋攀。

謝惠牡丹

未歎春光去有涯，詩翁時爲送名葩。  
倡條冶葉從過眼，魏紫姚黃始是花。  
洗滌壺瓶晨井水，護持風雨夜窓紗。  
十眉已覺成羞澀，且向樽前領物華。

趙漕從善送吳門牡丹

看花檐上眼長寒  
慚媿鄰翁送牡丹  
和露擎來香可染  
籠雲爭插玉成團  
傳聞西洛名千變  
排釋東風恨萬端  
茂苑去天真尺五  
羨君花信報平安

芍藥

揚州千葉舊生涯  
詩到坡仙正復葩  
喜見故家翻瑞藥  
送將新句續名花  
日高髮鬢醺含露  
時樣梳粧肉映紗  
窈窕留春春不住  
詩翁留得鬢邊華

再用韻

莫問無涯及有涯  
眼前萬綠替千葩  
故人訪我登然喜  
小閣留春聖得花  
美酒急傾門候鑰  
清歌未徹燭籠紗  
匆匆似此頻能過  
猶勝逢人說夢華

三用韻

涉齋集 卷十二 三 敬鄉樓叢書

綠遍山顛與水涯  
苦吟且不到春葩  
新篁已接三竿日  
紅藥猶開四月花  
好句更煩銜兩袖  
嫩寒猶覺怯重紗  
留連少飲無須醉  
明月翩翩扈翠華

花藥相接可觀復用韻

淨盡天香溢夏寒  
滿奮誰擲狡仙丹  
洛花不逐林花老  
禁藥猶堪木藥團  
試問丁香和恨結  
何如萱草破憂端  
翠屏紅粉腰如束  
我是村中老謝安

傳芍藥復用韻

階藥留春逗晚寒  
鬢絲敢傍臉霞丹  
肯分騎鶴紅千葉  
喜見盤龍綠一團  
妖格流傳如有恨  
狂香橫出亦無端  
慙慙爲換瓶中水  
排比窓前兩行安

和人惠白蓮花

碧蓮花發夢灣磯  
鶴骨難教厚祿肥  
夜月擎來雙掌露  
曉風拂動六銖衣  
漁歌過後香猶濕  
鷺影移時雪欲霏  
風月既爲專一壑  
茅茨何自有光輝

池蓮

一灣清碧繞中阿  
萬柄香紅映颯波  
不道龜魚長受庇  
只欣鷗鷺數相過  
機心久與塵俱息  
警句元無趣自多  
病起情悰聊徙倚  
何人解唱野塘歌

鑿池添種荷花

柔石防花拾棄材  
鑿池種藕白餘苔  
按白餘苔三字難解疑有誤  
遊儵剩喜波光闊  
飛鷺似知人意來  
已見圓荷浮小葉  
正須細雨熟黃梅  
莫言舊隱無多景  
一派清泉手自開

玉簪花

涉齋集 卷十二 四 敬鄉樓叢書

玻璃布地綠情情  
苗長藍田夜照林  
雪色能香開有璞  
玉光未折盡成簪  
不登雲鬢尤孤潔  
長浸銅壺更久禁  
梅與水仙流品外  
幽蘭相友是同心

秋萱

說著宜男已可羞  
移栽老圃且忘憂  
傳爲麝種生來別  
喚作鹿蔥元是愁  
幸脫炎威纔過夏  
何緣冷落尙宜秋  
國香天且難拘管  
過眼空花一笑休

雁來紅

非花非葉艷茸茸  
雁未來時已自紅  
多是錦衣明畫繡  
好同旌節種秋風  
雞冠蘆俗難爭長  
金鳳低徊漫作叢  
誰道後庭遺恨曲  
龍蟠王氣正豪雄

李若兄菊詩同社久已嗟賞賸和屬蒙寫寄仍用韻以致



予奉祠之喜予兩年從金陵覓菊栽而一種至今著藥  
未開豈所謂晚節香者也次韻奉酬

滿地金錢買斷秋晚年安得有窮愁小園不負長寒眼佳客自  
疎新白頭一種最開陶逕晚兩年曾向蔣山求肯能過訪同心  
賞猶勝傳聲互答酬

四體支吾兩鬢秋一生知足百無愁洞霄香火手加額太玉山  
園茅蓋頭歸去來兮交未息不知我者謂何求若人共說無生  
話一句拋來一句酬

次韻章君濟黃元章二廣文種竹建康學宮

城雲一塢碧雲深亦許分青到泮林移去檢書涓醉日種來挾  
策較分陰細看直節難教改設有繁霜不受侵二妙育才如此  
竹惜無健筆與長吟

涉齋集

卷十二

五

敬鄉樓叢書

即事併寫和質弟詩呈似

新綠惜惜長茂材嫩流漠漠養深苔一梭金影縉蠻過半纈花  
光剝啄來檻竹鳴邊垂粉穉池萍缺處落肥梅閑中偏得園林  
趣更覺清和意象開

檢校園課濟叔又送花栽欣然有作

兩餘扶杖入蒼苔檢校園工有品裁緩引瓜苗教傍架旋齊菊  
杪要平臺出墻新竹矜施粉立水高荷勸把杯莫訝小園饒勝  
事故人續續送花栽

蔣肖李潘才叔和檢校園課之什再用韻爲謝

隨意篇章落海苔瓊瑤欲報不知裁青蒲細草來齋几白雪陽  
春走皂臺夢裏動名槐是國閑中活計芥爲杯吟哦將徑潘江  
句淺白深紅手自栽

肖李才叔和篇末章有青蒲自是公家物之語再用韻爲  
謝

踏破先生客位苔詩仙鳳沼得重裁連城更枉捐雙壁二妙真  
堪共一臺蠅到成時元誤筆蛇因添後失持杯勸君休話青蒲  
事妄想根苗莫更栽

次韻毛漳州遣价爲壽二首

漳州遠爲故人東問訊深憐臭味同喜可寒冬耕瀟灑吟堪小  
麥熟崆峒賤生已覺年駸暮遠祝應難日再中願老洞霄香火  
吏餘齡猶得効呼嵩

充位無功得放歸淵明若在耻吾師舊交動色知毛檄故里分  
甘到董帷願我已淪詞譴域如君合建太平基競傳報政趨嚴  
召遠業真堪濟此時

涉齋集

卷十二

六

敬鄉樓叢書

爲轉庵壽二首

却喜漳南解秩歸天教慰藉老朋知巷南巷北游從舊浙右浙  
東慶唱詩上閣有題皆得和西湖無路可陪時年顏相去追隨  
得難老如公壽更頌

歲歲新陽喜仲旬兩家兒輩作生辰下生彌勒遲三日共約梅  
花作故人未許同龕供佛事只須共載接車茵相先壽語須齊  
和滿酌吾家太玉春

高少卿輓詞

剖竹乘輅課最多班高惟月正透迤千齡聖主難逢際九秩慈  
親奈老何尙擬鳴珂還里街俄傷埋玉向山阿宣仁忠節平生  
願有子巍登進士科

蔡知閣輓詞



抱負平生是樸忠發揮不盡古人風名藩多歷爲民福上閣頻  
輪在帝衷勳業有期方感會哀榮不恨劇初終靈峯樹杪龜趺  
出無媿銘辭屬蔡公

親家張舍人輓詞

忍看丹旄引靈輻尙想祥華進止時無復短檠親教子空餘滿  
篋舊題詩陰功會卽佳城兆顯刻猶須幼婦碑小殯西湖湖上  
寺冷雲秋露不勝悲

憶曾伯仲共論文迭和堯篋自不羣尙以竹林憐小阮首令新  
婦配參軍登樓無計追王粲載酒空煩過子雲幸有諸郎傳素  
業勉旃猶足振前聞

執承事黃公詞

膠庠衣鉢是青氈付與兒曹自勉旃鼎級科名彰父教著庭勳

涉齋集

卷十二

七

敬鄉樓叢書

續見家傳千鍾合使榮三釜一品終當貴九泉留却無窮風木  
恨悲笳嗚咽晚春天

錢致政輓詞

教子全功次第成吾鄉錢氏寶家聲善根植得橋梁固心地均  
教役使平銅墨遠從欣養志銀緋勇返了餘開本榮哀榮壽考  
無堪恨行道稱嗟淚自傾

劉和州輓詞

風姿醜藉發陽和議論崢嶸砥柱波先見不爲時宰信孤忠惟  
是聖心多兩州惠愛逢人說萬里功名奈病何期待自慚無補  
報忍親埋玉北山阿

鄭通判同年輓詞

人物吾鄉行秘書功名末路坐題輿只教副墨傳蠻徽不得雌

黃到石渠臨事孰如仁者勇著書猶是道之餘推尊父行銘辭  
好無愧當年歎起予

驚心同榜涉參辰回首龍飛四十春不慙此翁天實惜欲論心  
事我誰親百年風月歸唵筆一代儀型落後塵正是棘心吹淚  
苦石塘東望更沾巾

鄭光宗節使輓詞

孝廟祥刑首選掄行藏何媿百年身共知草木威名舊親見旌  
麾號令新登陸政成俄告老建旄好在奄歸真傳家有子無遺  
恨千古佳城澤後人

陳紫微輓詞

三生竹素一臞仙六藝波瀾萬口傳能使聲名垂宇內不教官  
職副生前松階顯揭新旣表宣室深知舊學賢憶賦桐君贈予

涉齋集

卷十二

八

敬鄉樓叢書

別忍吟薤露輓公篇

侯機宜輓詞三首

世取名科耀故鄉君家顯祖屹相望將雛近喜重借計有子先  
登服義方着從事衫元漫仕入元戎幕已交章頭風正待陳琳  
檄熟路輕車痛折箱

豈以姻親篤故情最憐意氣感平生身居城市如專壑家蓄圖  
書得主名滿擬歸田諳笑語何期中路隔幽明有兒萬事無堪  
恨待勒銘詩作世程

掀髯握手話心期錄錄儻中獨見知官職有慚公過許行藏無  
據我何爲直書實行人能讀厚德深功世莫窺有子傳家吾不  
恨西風吹袂涕垂頤

周和叔輓詞



不須月旦課鄉評少日聲名老更成百里恩波東瀾水兩州遺  
愛蜀江城操持堅徹神明懼精爽全歸父母生子有筆端公不  
死故交零落我傷情

轉庵輓詞

無復從容唱和詩忍爲惻愴輓歌詞生前秋月春花了身後高  
山流水知小阮竹林思步武仲方蒿里得追隨腰金鳴玉終塵  
土萬卷千篇倚二兒

善士嚴明仲輓詞

清風元在釣臺邊分派東嘉世有傳教子以經無盡藏活人爲  
德不唐捐年登九九方開秩心契三三即了禪壽得考終稱善  
士合將哀些表新阡

萬侍郎母夫人錢氏輓詞

涉齋集

集

卷十二

九

敬鄉樓叢書

親歸兒住可勝悲兒第親存各不知一世苦心天乞與百年榮  
養聖垂慈共傳義激投簪語合見恩除從棗時不及聯書朱氏  
母可憐惟賦輓歌詞

夫人滕氏輓詞

升堂憶昨拜慈容京兆平反一笑中可但三從多懿範了知百  
念積陰功松階猛乞榮歸養吉國眞如擅考終千古難消吹棘  
恨可堪丹旆卷春風

涉齋集卷十三

許及之 深甫

五言排律

代上皇太子壽二十韻

闔闢乾坤迴胚暉歷數長較論今鮮儷詣絕古非常八秩尊堯  
 典千齡格舜裳孫枝綿奕葉國本係元良南極昭穹覆東儲應  
 壽昌九秋開令節五日屆重陽照耀辰儀滿氤氳甲觀祥玉卮  
 傳錫嘏瑤樂奏稱觴茅土仙潢潤芝蘭寶砌芳元勳來閱閱嘉  
 耦奏尊章慶事川方至驩呼殿未央恭惟天繼體仰止日重光  
 擬把涓埃報難將算數量皇圖恢遠馭壽域振遐荒寢事龍樓  
 問班陪虎肖行神明推大尹惠養式羣方朝夕淵中地闕瞻簡  
 樂堂不能鞭朽鈍何物介陵岡再拜占霄象千門祝夜香兩宮  
 涉齋集 卷十三 一 敬鄉樓叢書

千萬歲三聖共無疆

又代賀十韻

南極昭穹象東儲應壽昌千秋符季月五日近重陽銀榜辰儀  
 肅銅吹甲觀祥兩宮開燕喜萬國慶元良競指椿爲算爭持菊  
 泛觴恭惟天廣大仰止日輝光繼體觀行健重輪耀有常自然  
 高宇宙何物介陵岡監古慙能讀分僚忝接行三王真有道更  
 欲祝綿長

上左丞相壽二十韻

闔闢乾坤迥甄陶物象新舜絃薰入治商鼎味還淳天貺方垂  
 節崧高已降神清明開造化精祲下星辰謙損祗縱掖尊嚴絕  
 縉紳怯惟聞已過勇豈遜師仁補袞工夫細垂裳寵渥頻熱官  
 無倖位寒士有通津水旱猶親奏封章要廣陳棟梁須偃植海

岳待消塵自昔觀前輩于今邁等倫調和全玉燭鼓舞在洪鈞  
 北敵歸巢穴中原望帝宸兩宮三聖日四海一家春少倚遐衝  
 折重看壽域均無官酬竹帛有節擬松筠曉日馳中使流霞出  
 九爰敬爲丞相壽恭上太夫人盛德寧無種長年宛似親小人  
 因有母慙愧器輪困

上梁丞相壽二十韻

千載風雲會三生柱石緣罕聞流渚且同在降崧年天意開皇  
 極神謀屬鉅賢中和垂節後嗜欲兆開先象應魁三近聲蜚第  
 一傳十年登鼎鉉四海入陶甄輕重朝廷寄安危將相權朔方  
 頻借問南國小回旋再入儀刑肅周詢眷倚專折衝聲色外燮  
 理冤旒前照曜冰山泮調和玉燭圓敵方驚厄運天欲靖烽煙  
 機會寧容髮功成即濟川長城端有託壽域定無邊不用霞觴  
 涉齋集 卷十三 一一 敬鄉樓叢書

祝唯應寶札編昇平天下宰陰德地行仙霽色歸桃李韶光並  
 管絃深爲修禊日全似浴沂天但樂垂裳化難酬補袞妍清風  
 時入抱聊寫穆如篇

上安撫程給事十六韻

臺省儀型舊垣扉龍渥新詞章關造化議論蘊經綸去國悲風  
 木流年感隙塵未教居鼎鼐亦合上星辰何自日本占雙使從  
 誰問大鈞熊湘辰告入牛斗夜光陳禮樂須賢帥湖山要主人  
 一言九重寤八縣十州春拾穗歌時熟投醪味德醇燕閒與畫  
 鼓談笑且綸巾早晚登黃閣聲猷動紫宸有儒嗟漫落無路話  
 遺迹憶拜編書賜祗憐負弩身或疑千里馬曾遇九方歎北斗  
 言瞻切西山入夢頻登臨冀軒豁未敢歎輪困

上辛安撫二十韻



開闢重華且胚胎開世賢雲龍時際會星鳳睹爭先天授歸三  
傑神謀効一編宏謨驅固陋餘論細雕鐫詔旨傾臚句山呼動  
奏篇千霄須造化惟月進班聯有客占星次逢人問日邊江湖  
煩鎮撫壤地屈盤旋談笑潢池淨生成壁壘堅丈夫真細事餘  
子敢差肩黃屋深知切青雲寵渥駢即歸調鼎鉉少駐斷龍泉  
更治今馮翊重歸舊穎川載塗明積雪嗣歲卜豐年封植棠陰  
盛歡迎竹馬鮮恩波行處足威譽向來傳此獨瘡痍甚方疑雨  
露偏禁通鄰邑粟費減月椿錢齋戒逾三日遭逢有二天執鞭  
吾所慕負弩敢驅前

上周尚書內翰承旨二十韻

弱水蓬萊遠羣山岱嶽高塵埃千障隔景行寸心勞摸索知何  
自樞趨苦未遭銅章披宿霧藻鑑炳秋毫穹壤懸鵬鷲篇章抵  
涉齋集卷十三 敬鄉樓叢書

雁羔斯文標正脈輿論深時髦勇退關吾道留行切帝褒風雲  
開壯觀舟楫際洪濤劍履昭魁象詞淵卷巨鼇合宮陳縟典華  
蓋衆星旄纛日明黃道祥風動絳袍恩波榮枚草顏咫醉仙桃  
麻册追盤詰詩歌逼頌嘯人方期補袞功豈在揮毫地禁承中  
旨天官冠列曹儀型喜頗牧步武接燮皋蚤晚登三事乾坤倚  
一陶途長須驥足用拙匪牛刀造請神先索推敲養莫搔未嗟  
聞道晚終待郢斤操

上運使蘇大卿十六韻

當代推先正斯文倚廢興表章迄聖主衣鉢見孫曾操履渾圭  
璧行藏動準繩太羹元薄味積水自增冰洛誦傳瑰墨雞林織  
寶繪六卿聊率屬三事即延登一自雙星出重煩四牡乘周知  
民疾苦密訪吏賢能已見江西化都爲道院稱夷塗終妥帖接

路始飛騰後進思親炙今吾有服膺百年能幾見一語願師承  
令弩方危脫公堂許驟升暗中慙摸索胸次漫唼嚼末俗惟同  
調初心只自憎可能憐鷓鴣隨意亦鯢鵬

見提刑鞏大監三十韻

夙借屏星映曾憐坐客寒扁舟違逆水方丈渺三韓分隔懸穹  
壤心馳乏羽翰煒煌長在望歲月凜奔湍凡骨思佗訣師資待  
郢境把文留篋笥洗眼誦琅玕轍敢窮途慟冠期結綬彈苦無  
蒼玉佩絕憶紫金丹往絕修門入爭先要路看飛騰寧有策遇  
合自相歡獻納君王問施行宇宙寬前星開尹幕列宿炳朝端  
賀老聊爲監嚴公合從官調官因有便典謁亦曾干不得瞻丰  
采無由出肺肝姓名煩摸索踪跡自蹢躅未有三千牘那能九  
萬摺抱關從宛候失步向邯鄲繼憶專城去俱興歎惠嘆第聞  
涉齋集卷十三 敬鄉樓叢書

盤錯舊不見剗裁難帝眷從更治民風要飽觀甫傳光禮樂已  
著畫衣冠浙水東西接恩波晝夜瀾去天鄰杜曲近日即長安  
儒腐真堪厭才優特未殫少遲調鼎鉉即合侍金鑾餘子甘留  
落遺編守故殘若爲百里宰已判一生酸蜀道游雖勸山陰興  
未闌猶能風雪裏作意駐征鞍

別毛質夫省宣撫丘同知訪都督張知院十韻代簡

交契三生在遠離百念休杜門煩枉駕力疾喜登樓擊節聽高  
論持杯散暮愁諸公爭屈致故里可淹留科第休云晚行藏却  
自由安邊須遠略待前籌雨泊中川嶼風帆古括州知津  
君已熟惜別我何憂京口留青眼澄江正白頭或紆知己問已  
負殺身酬

五言絕句



太上皇后閣春帖子

壽擬南山祝春從北斗回物華欣向泰厚德發生來  
母道齊皇極韶光傍壽觴徽音家慶集隨葦奉尊章  
風簾回翡翠冰研伴蟾蜍親寫迎春帖真符太上書

太上閣端午帖子

自得廣成道長居不老天底須桃辟惡何用朮延年  
人艾休教采仙丹久養成六宮爭結縷再拜學長生  
梓獻千年實杯行九節蒲至尊親上壽家慶列成圖

聖壽閣端午帖子

有德天同壽無爲日更長每逢重午節雙上萬年觴  
畫扇迎雙鳳輕衣拂六銖太清元有錄抱朴不須符  
繞臂長生纓當門五色絲榴花看結子葉葉在孫枝

涉齋集

卷十三

五

敬鄉樓叢書

題惠崇小景

寒林幾吹折凍柳不勝垂老去機心熟鷺鷥莫浪疑  
崔嵬吾肺腑面目似廬山江上風濤稔開本扁舟得往還

舒徐春晝永取次小桃紅獨爵把枝穩矜呼立晚風  
兩蛙隨步武先後得位置不作渴雨鳴豈不賢鼓吹

題文與可山水

疎篠寒林手文家富韞材片縑雲氣足彷彿認蓬萊

題洪子恂所畫盤洲圖

林塘天遺得花木地宜栽細記平泉咏揮毫落海苔

題盤車圖

牛磨人俱轉車旋水即流爭如霖雨足所至息人牛

歸牧圖

爵祿不入心牛肥了耕稼綠陰生晚烟歸來兩閒暇

題水石翎毛

此君已可人更着水石映水禽穿林來相呼復相應

題邊魯生花木翎毛四首

魯生往金陵招諫死節故詩意及之

緣垂朱雀柳雙燕不勝春泥落空梁語之人竟殺身  
南國枇杷熟卑枝結子多一雙拖白練飛墮綠林阿  
小樹生荆棘棠梨結子幽白頭雙野鳥相對菊花愁  
夢斷江南信空憐鐵石腸綠么何處去二鳥獨悲傷

趙昌芍藥

風雨藥欄西殘紅落錦溪明窗時展卷春色任提携

醒酒石

澤畔三生魄花間獨醒窠摩挲苔上醉驅遣睡中魔

步齋集

卷十三

六

敬鄉樓叢書

小垂手

九曲二石

醉裡忘形容山中化石仙翻同醒酒伴作對媚平泉

雲葉

何年老講師跌坐貝樹根落雲化爲石亦得無上尊

蜂窠石

水石兩相激成形不自藏終慙爲兔窟僅喜作蜂房

彩鷓鴣

意適舟輕颺夷猶雜雁鳧不須凌弱水樂地即蓬壺

採蓮舟

擬倩誰家女相呼去採蓮丁甯欸乃曲隨意媚晴川

雙溪堂

境與人俱勝心無水共流奇奇仍怪怪莫莫更休休



綠野堂

山坪紫霧草湖濼漾烟蘆野色誰延入陰晴足畫圖  
洗心閣

與物風迎浪澄心月印湖床頭不須易本自一塵無  
客膝齋

心胸包天地人亦天地物莫笑容膝齋空洞足伸屈  
樣齋

心起五湖興身輕一葉舟箇中風雨夜不用轉船頭  
楚望樓

楚東雄地望勝槩屬名流共俟謝安石難追馬少游  
題有竹軒

家世豈孤竹夷齊真一難清風與直節一一簞高寒  
涉齋 集 卷十三 七 敬鄉樓叢書

題隱霧軒

豹變知非虎礪溪若是班當年謝安石只合住東山

題巢雲軒

楚望巢雲處長懷曩寓居飄飄欲仙去渺渺復愁予

芥納寮詩

踞龜說漫游視螳談綺夢芥內取須彌撐橋尋月洞

灌園亭

植蔬常匝圃釀酒仍滿甕便覺三公輕更將德本種

次韻拔葵亭

拔葵固佳節灌園寧素餐公歸客無歸長缺且莫彈

題飯牛亭

好手聊飯牛不將笏插插所以百里奚牛肥不枯乏

花信亭

播物潛施令司花暗弄粧封姨偏漏洩預報信前香  
蘭甕亭

有家堪作蘭學圃甘抱甕此生足三眠以外均一夢  
林珍亭

團坐聽情語移杯就果根分甘新更美敲打任諸孫  
題索笑亭

江南氣候宜冷藥破寒枝能共巡簷笑何妨受雪吹  
又用前韻

六出雪中宜春藏向北枝巡簷時一笑玉笛且休吹  
橘友亭

梅海香蒸玉霜晴珠照林封君休偕擬得此足投簪  
涉齋 集 卷十三 八 敬鄉樓叢書

題雲起亭

雲起有真意水窮無盡心盤洲寧涸澤天下要甘霖

欣對亭詩

萬象盡森著所觀皆所欣誰能忘愛惡達觀足超羣

既醉亭和韻

泛觴有何心罰爵不為耻流行固自佳坎止何妨醉

題可止亭

澗壘裴公石杯形鷗子船乘流欣遇坎結網勝臨淵

美可茹亭

盤洲比盤谷釣水鮮可烹采山獨為樂頗勝懲沸羹

瓊報亭

園丁採時果足以供嗜好眷言無盡藏孰盡瓊玖報

題睡足亭

唐皇溺太真愛心苦未足因人憶海棠何如悟秉燭

題詠亭

無塵元不禊有酒即為春一詠得真趣四時俱可人

樓亭

剝椽堪覆宇代瓦勝誅茅有酒論奇字無心賦解嘲



涉齋集卷十四

許及之 深甫

五言絕句

西戶詩

勳業鏡成斑光陰箭能疾明時賞此翁不須繩繫日

月娥留照

長圓宜有缺久暈訝無風留此一輪滿須知萬古同

松陰澗瀑

松風翳漫漫澗水聲潺潺中有無塵公飛鳴相往還

池塘小景

昨夜春水生垂楊蘸波碧湖中相忘友兩兩有鷓鴣

綠沈谷

涉齋

集

卷十四

一

敬鄉樓叢書

黃塵滿金谷山陰尚修竹所以盤洲景未足趣已足

嘯風巖

人言風從虎風豈虎所出吹萬生一虛石兄故無物

泛盃巖

境佳因得水洲竒故名盤引作流觴飲巖邊聽激湍

題豹巖

奇峯疑地勝勒駕恐山靈何止管中見全闕文豹形

柞林

蓬蓬新葉盛柞拔備分行甯作非材櫟羞爲傍路楊

芝徑

辟穀幾經塵如芝今有神更開三益徑似恐太無鄰

棠林徑

弟兄爲師友晚歲共三徑室邇佇遠思東風吹鬢影

沃桑陌

種桑思采桑蠶饑那可忍日暮寒女心無衣猶反本

碧蘆步

霜葉彫殘芰寒花發蘆葦一秋明眼處落雁惠崇圖

蓼岸

落水浮寒石看痕記舊汀更尋紅蓼岸都有幾鷓鴣

上闕本湖

湖上闕本遠鐘鼎往往屬田舍公自得盤洲湖上闕本買無價

九曲

九轉多洄泐觴行得演迤休將比金谷除此只東籬

芝泉

涉齋

集

卷十四

一一

敬鄉樓叢書

人但千筒汲誰知一線通泉今人惜重走卒與兒童

瀑布

循崖瀑布懸遇坎茶鑪沸水哉斯何取本者固如是

濟萄澗

結實黃金包開花寒水玉香色俱可憐采澗勿盈湫

濠上

觀魚要水清愛魚嫌芰刺能了濠上樂處世何必避

魚臺

忍口嫌去乙蓄池憐所丁故應濠上樂不羨此湖醒

盤磯

新月當沈鈎香芹抵垂餌磯上坐移時水清魚自戲

鷓鴣瀨

打鴨驚鴛起忘鷗得洲世間能去我物外總輸人

芡曲

湖邊誰摘芡輕度藕花風貪得鴻頭去驚他雁序空

菱灣

根隨波共蔓花更水相親魚躍翻成出微光解照人

柳橋

眉展愁難畫腰纖怯繫書過時低拂袖誰遣颯輕裾

兌橋步洪韻

橋上所經過秋成正樂郊兒童驚衰繡丞相只衡茅

墨沼

杜詩中郎石經後八分蓋類類

積功墨成池價增蒲爲扇不作新樣脚一洗類類面

龜巢

涉齋集

卷十四

三

敬鄉樓叢書

歲六自爲巢集蓮歲久交支床猶耐辱曳尾敢辭嘲

夢窟

枕上蘧蘧夢胸中拍拍春從它身化蝶誰復蝶爲身

題柴桑園孤松

耻封秦爵五逃辱苦逃著孤立柴桑園出羣誰敢伍

詠槐

槐綠復槐綠時來人自忙處陰聊避影歲月去堂堂

竹屋

愛苔無愛竹戒勿長兒孫竹屋偏宜雪何妨種滿園

人面竹

共識此君面誰知面目真清風猶立端奇節仰先民

貓頭竹

迸穴穿籬出狸奴知幾頭真能參玉版足可當珍羞

慈竹

母子惟慈孝心胸無棘荆斑衣供穉子深覺負平生

木竹

品殊名亦殊此君隨藻鑑盤洲有木竹收拾無一欠

斑竹

自得湘江種禽棲不敢彈怕搖枝上露猶是淚琅玕

方竹

峭節虛容物清標直中繩杖有削圓厄提携先模稜

石竹

幹無節九節葉類柳三眠介若此君操不因霜雪驚

題筍

涉齋集

卷十四

四

敬鄉樓叢書

阿戎勝此君解頤須折角玉版得細參渭川成浪謔

割髮

赤身猶幹固禿節尙毛垂木也乃如此人焉胡可窺

綠苔

土衣圓綠孕展齒孔方留莫掃錢留地應嫌惹苴秋

蘆花

見鷓恬徐退看鳶喜詎飛飛蘆欲何迢繞綠打紅圍

食蕨

撥芽無掘根掘根芽必空烏糲亦彊名安得隳農功

仙茅

旌陽仙去後服餌有仙茅絕笑拖腸鼠餐餘不繫庖

黃精



白髮終煩掃黃精莫認花葉疑新竹箭根類老薑芽

芷

銀箸有生香葉排元紫房更名歌九畹課効萬金方

藥畹

種藥憐苗潤分畦成蔓滋休藏肘後法醫國是良圖

對花果子

野華復結實同在一枝上了知色即空聊作因果相

朝天李

耻爲鑽核種肯向道旁生中立不阿倚惟存戀闕名

破核李

採實傍春山成蹊鄰露井和嶠難責錢計核破莫整

嘉慶子

使北帶核歸種

涉齋集

卷十四

五

歌

歌

名好實亦好氈車自北來流傳今轉盛見者莫驚猜

櫻桃

苦笋恰相逢勻圓得許紅薦新存古意驅鳥念園公

葡萄

架竹引龍鬚時攀頷下珠欲求西域種北使昔同符

繡橘

頌橘固多品其賢知若干后皇偏著意許爾繡團團

金橘

金橘大爲貴春陵價培增盤洲移得種風味聖全能

羅柑

織文充革見霧靄入懷香亦喚羅敷種曾聞湘水鄉

雪梨

似雪味能珍肌膚雪後身花香還勝雪未信雪如人

鵝梨

大谷固絕品鵝梨亦遺味名園見似人神皋花濺淚

綠萼梅

魂清萼綠華望極江南使天寒倚竹時風標略相似

紅梅

梅格依然在詩家莫認桃縱煩金井水經近楚人騷

黃香梅

多葉似太繁淺裝還越樣格韻細題評遠出紅梅上

長春花

平分爲四序長得作春看二友誠高品茲花一歲寒

百結

涉齋集

卷十四

六

歌

歌

丁香從百結限只滿東風未必愁能解虛傳酒有功

荳蔻花

二月坼芳苞凡心比並交丁香多意緒和月墮林梢

岷崙桃

蟠桃微具體一歲一番開喚作岷崙種疑從金母來

矮桃

花葉自低昂攀折人不捨偷實定短人朔辯媿黃馬

垂絲海棠

遊絲颺晴空垂楊曳平地中有海洲仙學舞金鈿墜

綉帶

天巧寧容覩春丁豈待描繡將花作帶舞襯柳垂腰

剪春羅

天亦費機功紅燕剪似勻丁寧弄刀女故故莫爭新

黃薔薇

佳色光浮額微香露著衣枝條還更好花品世間稀

杜鵑花

鳥啼從澱血花發亦同心三月春光老映山花照林

水榭

占香名梵苑住託淨心根家住魚千里斷橋流水村

牡丹

衆卉從爭媚花開始是春一年春富貴造物太於人

芍藥

春與花垂盡惟餘九一分留春有紅藥只此自超羣

玉蝴蝶花

涉齋集

卷十四

七

敬鄉樓叢書

玉蝶正開時綠稠紅漸稀移將永嘉種夢逐漆園飛

玉繡毬花

平泉珍簇蝶道是永嘉花玉繡名吾里瑤垠不浪誇

含笑花

微折香噴鼻低垂羞傍人花中如此粲未笑已生春

白石榴

花開水晶瓶葉排青鎖臆枝紅立白幟蝶陣垂翅降

凌霄

羊角連蜷上青霄便許凌絕憐香草色莫遺逐浮萍

聚八仙

高可儕瓊樹低聊擬聚仙親看臨汝種見此不生年

虞美人草

劉項英雄志爭如溺愛何寧無戚姬草賴有大風歌

罌粟

采苗能勝芹摘實可當粟瓶罌罌未羞難貯杯中醪

米囊花

御米具體微有罌無儲粟妖艷耿春光名佳不翅足

瑞香

紫裳蒼玉佩乞與碧紗籠怕作行雲去人間瑞靄空

麝香萱

香客忽破鼻從事宜到臍憂端集無所醉倒休扶携

紫薇花

手植盤洲圃心懷西掖垣至今花萼上雨露有深恩

素馨

涉齋集

卷十四

八

敬鄉樓叢書

輕素梅留魄重開六月天南人雖慣見北客但垂涎

玉簪

昔見茅連茹今看花盞簪若爲驚作客故有蝶相尋

紅蓮

葉側臨粧鏡波搖濯髮盤盤點數多葉落日更凭欄

諸葛忠史初建家塾池中產雙蓮求予扁榜併作五言勉

諸甥

淤坭生淨質妙觀起凡心少見人間瑞誰栽滿澗潯

木芙蓉

津陸元殊種名稱偶爾同秋光波底見堤上憶蘇公

眞珠花

花發蛟人泣春歸赤子還三株原有樹疑是海中仙



佛桑花

乍作槿花看榮枯漫自繁謂桑來佛土何補一絲寒

茉莉菊

皎皎凌三夏闌城第二花秋魂憑楚些黃額訪仙家

鬪日紅一名落  
地錦

暮色曉還開殘紅委地堆道如西蜀錦何似北山萊

金鳳花

葉不類堯莢花疑來舜楹風枝吹彩羽如雜九韶鳴

文冠花

厭綠不嫌紅奪朱非惡紫了知色即空色空奚慕蟻

鷄冠

晦雨難渝操朝陽易染殷來從紀渚宅不鬪但峨冠

涉齋集

卷十四

九

敬鄉樓叢書

山茶

老枝葉梗葉殷色吐肥花却是凌寒意無人為賞嗟

水仙

璧琮行浴佩雨約過陽臺正使枝難好風標故似梅

蠟梅

司花工剪蠟墨客巧抽脾醞藉無梅操生香認得知

顯庵許轉竟紅蕉未至絕句奉簡

鏡中曾見畫雪裏故依然展盡衷惟赤須輸九萬牋

後庭花

葉如花傍砌往事遂浮華舊曲惟傳恨人間復見花

逸曠

一株志千里我欲乘騰驤困人不在側勇氣聊頡頏

驊騮

驊騮絕代無晚去猶見畫蕭然千里姿豈立亦閒暇

馴鹿

長見幽萃食誰分野草眠隨行能緩步相對可忘年

錦雞

豈以多文累輕身蹈巧機樊籠莫惆悵為汝護毛衣

黃鶯兒

鶯雛初出谷遷木寄晴花不解如簧語猶疑度柳斜

白龜

物有為身累龜靈却受潛毛公今放汝珍重保身安

綠毛龜

五色曾呈瑞綠毛從古稀碧潭凝染色逐藻長毛衣

涉齋集

卷十四

十

敬鄉樓叢書

涉齋集卷十四

涉齋集卷十五

七言絕句

許及之 深甫

太上皇帝閣作閣本春帖子

底須東海貢三山一片仁心壽八寰  
天上有天長不老每將春色施人間

一聲清蹕乘輿來來獻雙親  
萬壽杯相見瑤池同宴處要花開  
後便作閣本花開

仙家樂事有常程不寫義經即道經  
春日漸和風漸暖不妨排比冷泉亭

太上皇后閣作閣本春帖子

補天立極奇何言媿德同歸太極尊  
德壽宮中康壽殿春來別涉齋集

有一乾坤

廣成得道自崆峒少廣功成出苑中  
自是仙家春不老蟠桃枝上又春風

金花綵勝一番新白玉卮旁祝聖人  
聞道瑤臺花有信宜春更有八千春

皇帝閣作閣本春帖子

紫宸殿下迎春仗德壽宮中家慶圖  
帝有雙親齊萬壽天教五嶽總三呼

協風初轉斗杓旋即是流虹紀瑞年  
甲子一週天啟運威儀重見漢中天

清臺方奏五星明又見春盤憶兩京  
見說黃河方混混翠華來復始教清

皇后閣作閣本春帖子

雪融鳩鵲金鋪暖冰泮蟾蜍玉漏遲  
壽却兩宮春日酒自書卷耳進賢詩

龍樓問寢正雞鳴玉佩丁東曉氣清  
春入椒房偏起早三茅觀裏未鐘聲

不要梅花比玉容柔桑枝上要春風  
聖人見說常躬儉擬助君王賞戰功

太上閣作閣本端午帖子

久瞻黃屋見堯心盡把薰風入舜琴  
至樂殿中香一炷靜看周易對槐陰

艾枝簇虎鬪時新荷葉集龜薦瑞頰  
自是仙家多樂事天中佳節近天申

涉齋集

傍階葵萼傾紅日映水榴花染絳雲  
魚戲亦知天意樂行行吹起碧波紋

聖壽閣作閣本端午帖子

宮人晨起靚粧梳艾葉菖花獻頌餘  
團扇裁成留不畫展時只乞聖人書

陰陰密葉韻黃鸝樂事宮中聖得知  
永日留連惟史帙薰風拂掠到琴絲

駕言康壽殿中來排備涼亭與月臺  
此去天中纔半月從今日日要花開

皇帝致齋

聖主憂勤二紀年宸心久已格皇天  
五風十雨如何報八陛圓壇具告虔



一夜飛花滿帝城曉看玉殿月輪閣本明紫宸拜舞山呼了都道郊天管定晴

丁當玉佩趣班齊山立千官請致齋見說內家清似水多時排當不曾排

奉引靈駕至陵所方雪

禹穴如今卽舜梧攀搖誰識小臣孤雲頭閣雪不忍下知道孤臣淚已無

上黃參政壽七首

人間元自有三山不在虛無縹緲間山上仙人圯上老一編親輔漢龍顏

誰識金仙抱送時年年惟有半梅知只今不負調羹信造化工深物自私

涉齋

集

卷十五

二

敬鄉樓叢書

諫紙臺評字字溫補天勳業妙誰論風相却是爲手桃李恩

深更不言

涉五經旬一風雨三邊安帖屢年豐但知風虎雲龍會不見滿綠輔贊功

補良工夫日線長天教嶽降傍新陽都人擬看貂蟬出親受君王飲福賜

自有中興太學來我公今始拜公臺胚胎元氣真難事五百年間命世才

度量汪汪見古風袞衣祇與布衣同定知耐老耐官職幾個中書郭令公

又上梁丞相壽口號十首

恭惟炎運恰中天閒氣真成五百年以舜繼堯方誕聖維申及

甫卽生賢

石筍金雞傳地讖鳳池虎榜屬誰真向來再世方稽驗今日兼榮孰比倫

往分南國戎夷問再入中台宇宙和狡兔漫爲三窟計長城祇倚一賢多

慶成禮就端成殿上壽儀陳德壽宮霽日祥雲回頃刻變調妙用不言功

天數已周花甲子中原合見漢威儀極知廟略歸樽俎倚看元勳上鼎彝

真人得道自崆峒萬國同歸壽域中致却升平更何事朱顏綠髮侍重瞳

殿家前日中和節相府今朝嶽降辰勅遣韶璫宣賜酒黃封題涉齋

集

卷十五

四

敬鄉樓叢書

作百千春

萬里雲霄行白日八荒桃李自春風不須更棄人間事一轉鈞陶九轉功

曉來微雨弄新晴晚看蟾光一指明學語小兒爭祝頌相公長似月初生

乾坤長物門闌客會計業中委吏身擬算中書都幾考直須東海看揚塵

勸農口號十首

一勸農家莫情農春來雨水已流通有男有女勤耕績必定時和更歲豐

二勸農家奉二親爺娘養爾望終身但行孝順勤耕種天不虧人不到貧

三勸農家敬主人種它田土耐辛勤若圖借貸相憐恤禮數須  
教上下分

四勸農家勸主家去年早稻失收多未還舊欠無從出隨力周  
旋更借它

五勸農家勸善良冒耕逃絕更思量官司既許從今首好與兒  
孫做久長

六勸農家勸北鄉北鄉田少盡茅岡早禾有種何妨種勝似閑  
教滿地荒

七勸農家趁雨時陂塘蓄水是便宜衆人殖利還他殖自餉須  
知別箇饑

八勸農家莫鬪爭到官寧免廢農耕欺公畢竟添煩惱作善安  
平過一生

涉齋

集

卷十五

五

敬鄉樓叢書

九勸農家納稅租莫教縣吏更追呼只催常賦他無擾合體公

家有與無

十勸農家各力田長官無補近三年民淳訟簡因藏拙謝汝分

宜父老賢

勸農畢事

閣本作  
事畢

呈同官

偶遵令甲

閣本作  
甲令

得劭農詞鄙唯期與俗通乍可催科成政拙

且須憂國願年豐

與民三載幸相親試邑何功得庇身它日去思無可紀較量惟

祇有清貧

扶犁感爾隴頭人自古民生合在勤五斗空餐慙令尹可憐無

補及毫分

艱難功業屬皇家每爲農桑下詔多濫撫一同何補報祇先勸

課未遑他

次韻才叔初春絕句

柳眼雖舒未展眉逗寒陰雨故透遲潘郎袖却春風手正想經  
營得句時

帶圍過膝杖過眉曲廡尋詩得步遲舊日春風應笑我鬢邊殘  
雪沒消時

次常之暑中即事韻五首

自庇槐陰影更重悠揚午夢半醒中已看新綠看濃綠不愛深  
紅愛淺紅

破暑薰風吹

閣本  
作破

飯輕井泉新汲濯新清亂蟬爲我翻多事時

有黃鸝一箇鳴

涉齋

集

卷十五

六

敬鄉樓叢書

省約望舒

勸駕歸來足退藏卑飛決起自回翔昨宵妙處無人領不是風

涼是月涼

晚雲蔽月氣微清假寐齣鼻自鳴起看青天淨如拭月明於

我不無情

次韻才叔和陳大用七夕絕句

百兩新迎碧漢車半奩舊照古銅塵蟬虧既望圓時數鵲別經  
年恨處多

小說無端漫五車流傳妙處盡刊磨杜陵堪學還堪惜吟到佳  
期奏雅多

甯少公榮莫少車良辰僧坐笑碑磨詩翁不至惟詩至好句雖

多恨亦多



入秋逢節重星車今閨中秋有折磨夜夜銀河映牛女稍涼相  
過望君多

中山九日

戀闕懷親一性成車夫解事趣歸程松醪菊芋中山驛薊北江  
南萬里情

將十一丈以重九兩昨有詩約問九二首次韻

風雨滿城佳節休詩翁強項竟因由不須問九方爲節眼底黃  
花即醉遊

誰念淵明載酒過杜陵愁思只悲歌催租豈敢潘郎意語到愁  
邊自不多

冬至早起

千梳短髮儼如霜起坐中宵待一陽人道陽生少災障才無襪

涉齋

集

卷十五

七

敬鄉樓叢書

線敢迎長

百念消亡聞本不動灰猶憐雪物擬登臺今秋幸自豐登其底

事終朝隱隱雷

百里雷聲足震驚地溫春近易敷榮故人新有催梅句催得陽

和大半生

曉起

晚霽花房露霏霏曉綉初脫笋芽肥海棠已退來禽舍滴滴

脂正滿枝

莫想思想表動庵村佳處正相親花時不醉聊中酒慮過清

明簪莫人

案著莫未詳疑即建莫者莫之意當時方言傳寫之異也

新月

碧漢新磨印甲痕山頭忽墮玉鈎寒澄江只在青山外憶得垂

綸七里灘

燕賓館值雨

飽死株儒便兩立安知更有漢官儀諸生未免誤綿絕從俗從  
宜我自嗤

已晴復陰

漠漠輕陰養絮天長空跼跼飛鸞東風吹得浮雲綻一片斜  
陽在晚川

弄晴斜日展仍收一向寒雲凝不流次第今宵還是雨自添香

施煖衣箒

讀了殘書不奈閑按抄老眼傍欄干吟成白雪知何補未有功

名與世看

到京城日積雨欣齋

涉齋

集

卷十五

八

敬鄉樓叢書

驅車日日望京師冷雨蕭蕭共淚垂一掃頑陰朝故關天開地

關亦如斯

新晴

昨日烘晴麥正秋麥田高下五分收稍蘇凋瘵天之力賑糶新

來減幾籌

午暑睡起忽懷范武子走筆當簡

讀書巖中范武子爾有此地何時歸巖邊有石不可煮世間萬

事巧相違

火雲爍石畏出戶正似雪深堅臥時吾甘饑凍死即死觸熱生

慚襪襪兒

爾近添丁亦可喜丁多何補於明時除却操戈與執耒此外文

墨徒爾爲

暑風翕翕樹頭動吹過井梧方是涼拂拭桃笙陰處臥誰知我亦出羲皇

睡來只有茶一盃共啜何人眼翫明忽憶都錢范監庫種來修竹似渠清

爾家阿換秀而溫三歲知音可共論唱得癡頑三昧曲新來何似許監門

次常之韻

清徹郊原帶遠洲霏微小雨勿供愁重陽已近休仍例今歲豐登別是秋

呈張功甫

乞得雲臺散吏歸園亭物物有光輝臨湖更要波光闊付與沙鷗自在飛

涉齋

集

卷十五

九

敬鄉樓叢書

插來楊柳已梳風乞與漁師泊短篷歲晚蘆林總搖落隔湖認得老鄰翁

籃輿軋軋上梅橋玉照峻嶒入望遙梅與主人俱舊識一年詩興又相撩

次韻居甫六絕句

君居開本城市儼山家翠竹疎松靚物華月桂似知新有句封姨怡獻旋開花

自入春來少見晴雨愁花思共冥冥浮紅吹却渾閒事正要秧鍼出水青

際天空翠滴人衣泊岸波紋泛渺瀰有意雨聲停白晝無端草色上朱扉

雨飛蝴蝶盡爭高映水垂楊拂小橋乍覺烟村風景別突看林

外出細桃

夕陽綻處動歸舟照眼明邊是白鷗只聽前湖歌欸乃不知風雨轉船頭

西湖弭棹曲廊腰忽憶長橋復斷橋隨意吾鄉度寒食登臨不費酒旗招

次諫長韻贈嚴處士

鳶在青天魚在川馬牛誰絡更誰穿過來敢問君平卜只問皇家一統年

喻工部追和王詹事游東坡十一絕亦次韻

宇宙聲名字宙容豈無湖北著元龍黃州詩興椎輪耳詩到儋州興更濃

賢者行藏只委天山川却自以人傳幾年茨棘東坡地不祗人涉齋

集

卷十五

十

敬鄉樓叢書

賢地亦賢

護持風物感波神翁去如今隔幾塵海上跨龍時一到雪堂炯炯見斯人

明月清風轉棹樓武昌樊口直黃州天公不借蘇仙便兩賦那成赤壁游

海棠一樹立山村桃李場中合斷魂從我東坡三子在休悲六客更誰存

故人相戒莫吟詩那免斑斑露一奇無奈西湖頻入夢果然吳餉却來時

男兒何苦自拘囚六合無非汗漫游喚取東軒同抱素瀟瀟風雨正筠州

見慣沙鷗已不飛旁人相見莫相疑無端却為魚蠻子又著危



言感望時

海內傾心雨露詞種松爭忍十年期臨泉五見分新火祇比先生睡覺時

歸來宣室恰新年筆下生成又補天喚作玉堂堂喚雪不知若佞若為賢

腐儒珍重百年身眼見白頭無數新晚歲江山縱搖落平生出處長精神

懷德久仍調爽約

南北峯高金突兀短長橋遠碧琉璃轉庵好借魚莊住處士仙來剩欠詩

葵萼已傾朝霽日榴花猶染晚歸雲不知荷蓋添多少定自湖光減幾分

涉齋

集 卷十五 十一 敬鄉樓叢書

得句甯如餐玉秘食言可似雨梅肥暑中縱愛持竿手夜後何如載月歸

嘲少年

守舍看家老者便少年爭逐艷陽天新花日買添新水肯信翁心尙少年

外舅嫁遣二侍兒有詩次韻

詩翁學力有長成笑語叢中漫鼓行出水芙蓉寧受汗鉛華洗盡見真清

江西劉謀卿秀才以火焚其居諫長序其事以告袁吉故

因題其後

祝融回祿愛君深却以吾家到武林諫議一篇如見面故人爭不動仁心

讀王文公詩

文章與世爲師範經術於時起世仇少讀公詩頭已白祇因無奈句風流

再讀雪谿志詩

誰無胸次著林邱脚底黃塵到白頭不羨雪谿成卜築羨他卜築備歸休

纔啞盤谷還思隱試說柴桑便憶歸何處山人高索價老腰猶要萬釘圍

萬古功名米一稊此身只合把鋤犁可憐歲晚鄱江畔再讀前賢志雪谿

淨慈致齋侍者求三教贊

休問船來與陸來桃源到處即天台雙林做底須知會認着形

骸亦苦哉

集 卷十五 十一 敬鄉樓叢書

涉齋集卷十五

涉齋集卷十六

七言絕句

許及之 深甫

題所藏二修禊帖後

昭陵脫手已非真石本流傳喜似人淡墨似肥濃似瘦麤黃不見見精神

契師欲予隸書爲此以贈

契師畫得梅中趣急水溪頭印月時昨夜臥披今起看自宜重  
垢向南枝

次韻薛奉常以詩送瑞荷花并圖而花與圖俱不至

並目蓮房併根藕流傳樂府已稀奇平分葉葉紅兼白絕憶公  
家瑞綠漪

涉齋

集

卷十六

一

敬鄉樓叢書

昨夢前塵假合來刻舟求劍記蓮栽花圖書卷聞烏有猶望荷  
花舊處開

題畫卷

平坡軟草細芊芊碧樹遙枝綠陰圓羊豕自如知飽後牧兒箕  
坐得安眠

巖壑林坳景趣幽等閒鷗鷺亦夷猶承平人物佳公子游戲丹  
青翰墨侯

著莫池塘浩蕩秋露荷風秋冷颼颼雙鳧乘雁自尋伴孤鷺無  
塵不解愁

弄色階前各一家賓秋餞著度年華道人落墨聊游戲認得真  
爲金鳳花

擊水端如治大兵兒曹何事解關情等閑戲劇休成惡兩箇俱

雙莫撓清

鈞有嬰兒伉儷情山川其奈險難平如何一得戎衣俗長使中  
原不用兵

諫長之門人曾君三異作招隱圖并賦二詩以招諫長之

歸亦賦二首

謝公雅志在東山其奈蒼生債未還寄語故人專一壑不妨清

夢到沙灣

閣本作  
落浪灣

能畫能詩亦可人迷途前畔更知津眼看益友如君少我亦歸  
心動白蘋

王晦叔惠聽雨圖次蔡韻奉寄并序

丙申仲冬予以告羅至天長令君王晦叔出所藏書畫  
有蔡公天啟聽雨圖予擊節愛之蓋蔡所畫者平岡老

涉齋

集

卷十六

一一

敬鄉樓叢書

木遠水歸雁作蔡臥小舟兩者膝公令哉筆也蔡又以  
二絕句作小楷凡二百五十七字跋其上以遺其叔祖

王公彥舟皆精絕海叔作字有徐季海風氣暇日從予  
假金石刻酒行謂予曰予絕愛子唐開河碑顧未有以

博此者予戲指屏間聽雨圖曰此足以當之晦叔笑曰  
非吾家舊物直不斬於子矣後月十三日晦叔自淮陰

濱頭頓所苦暴下予是日亦往高沙轉粟以書告別且  
日開河碑或果欲之第意所欲捐者得一種足矣繼有

皂衣乘急騎追予舟至五里許出臥披畫軸則聽雨圖  
也予既嘆晦叔能割愛以取好明日舟行過五小湖水

天相接雪意垂垂孤雁叫羣洪濤拍枕因感蔡跋語有  
自作詩畫今六年而終踐之語紹聖丙子至今復八十



年矣而予既得畫苑如所更感慨久之乃次蔡韻以寄  
晦叔且爲佐書蔡跋以當畫記云永嘉許某深父

拂拭滄波遠接天摩沙喬木老生烟題書作畫人何在萬古蓬  
窓一覺眠

常日京華藪澤思六年身悟畫中詩須知妙處無今古得畫還  
如聽雨時

題張野夫所藏顏持約大招圖

顏君思似龍眠苦賈賦傷於宋玉悲萬古忠魂元不沒今人惆  
悵大招詞

題洪子恂所畫盤洲圖三首

昔見園成今創始今爲圖就有聞孫長松鉅竹知無恙直節清  
標想故存

涉齋

集

卷十六

二

敬鄉樓畫書

摩挲指點經行處盡和詩篇二百餘已是步趨瞳若後或看晚  
節在歸歎

有筆堪耕須苦志無田可種莫憂貧細推方寸餘闊本寬地有  
作遺此孫枝亦可人

題活溪圖

山川自昔因人勝豈愛活溪愛漫郎不得中興據老筆兩章秋  
月漫爭光

跋諫長畫軸後五王按樂圖

玉笛牀頭取次橫自吹頭管按新聲梨園舊譜今何在一段風  
流畫得成

題曉蓮圖

生綃未展已生涼白白紅紅映兩廂賴得轉庵先著語幾成虛

度許文昌

關蓬圖

楊子長條玉作葩花光凍棘眩冰花短篷幾見空相似捕影圖  
成試吃茶

游條圖

碧草差差泛綠漪未施魚影樂先知遙憐盤礴明窓下便是濠  
梁得意時

題瑞甯草蟲

候蟲微細欲何爲却與鵬搏共一機須信人間闊本關造化蜻  
作心蜓能點蝶能飛

題潘德久所藏楊補之竹梅

竹弟梅兄亦可人老楊刀筆更精神轉庵不用持相惱買得梅

涉齋

集

卷十六

四

敬鄉樓畫書

坡入夢頻

明日欲對通夕不成寐枕上賦墨梅詩還契師宿逋

師住一庵幾何年山深更過靈隱前遺我江南幾張紙中有寒  
枝真契禪

蒼顏祇沒黃塵裏清夢忽墮孤山涯處士橋邊卷篷相癡兒莫  
迂得香遲

昔看灘頭印明月今觀海底拾玄珠自從迦葉天機淺不但花  
無筆亦無

春風不逐花光老心印自傳圓契師師能寫出夢中夢我却吟  
成詩外詩

聽湘西許老彈琴

顏裡長闊本春髮已秋抱琴時與破牢愁自言舊曲多忘却彈  
作常

未終時且罷休

聽德久彈秋思詩

潘郎胸次有經綸指下聲如筆下真已是不禁秋意思更彈秋  
思苦撩人

十四絃

馬上征人濕擁氈猶將愁思曲中傳向來有句真成讖小雨斜  
風十四絃

次韻才叔聞笛試燈二絕

疊石爲山漫崛奇玉峯相對似相知梅梢頂上吹霜笛却惜流  
香過別池

相逢一笑即銜杯梅與詩懷得共開但有燈光并月色不須元  
夕始重來

涉齋集

卷十六

五

歌鄉樓叢書

馬上口占詠席帽

本是田間荷笠身不堪重戴壓烏巾苦無諫語遮羞得其奈旁  
觀冷笑人

送越賤與才叔次韻

剡藤分送意何如擊鉢聊供腕脫書飛動要觀廉藹氣此賤斷  
不與曹蜍

銅雀臺瓦硯

千年銅雀陰歌塵張老澄泥解逼真我有古端鈞玉德中涵雨  
露炳星辰

和人惠詩併素馨油

萬桂叢中不記年行藏極處只由天朝回若問南湖叟依舊山  
邊復水邊

晴窗一縷海南雲徹骨風流自可人由作桂油膏面樣不妨粉  
念混天真

劉知監端午前一日以詩送甜苦筍末章有謝絕香蒲與  
酒壺之句以五絕句送酒

感君親與愛相兼世味諳來已屬厭惠我西湖甜苦筍爲言無  
苦只知甜

經月梅林掃迹晴照人湖水拍堤平軟紅塵裏偷閒客處士橋  
邊取次行

新來懷抱少人知自入修門未有詩鳩自呼晴蛙喚雨羨君湖  
上看西施

一沐未還旬日謁片言敢折累年囚杜門莫羨過僧夏多雨方  
愁損麥秋

涉齋集

卷十六

六

歌鄉樓叢書

湖光可吸太清孤漁父鳴鞭少得無幸自有詩酬午節不應無  
酒住西湖

中山酒

中山一醉百經旬魯酒千盃不醉人莫怪近來風味薄中山久  
已雜邊塵

次韻才叔屠蘇絕句

底須却鬼寫靈符一盞侵晨不可無老覺東坡翻倒置奚爲後  
我酌屠蘇

望商山

符離東望即商山畫出江南見一斑社稷未能還漢舊豈容四  
老老其間

入泗州



越境張旂入泗州  
隔簾翁媪拜含愁  
可憐萬折朝宗意  
誤爾尸臣死亦羞

靈璧壩

入泗行來汴似渠  
壩成靈璧水前枯  
汴流可過從渠過  
思漢人心過得無

臨淮望龜山塔

幾共浮圖管送迎  
今朝喜見不勝情  
如何抖得紅塵去  
且挽清淮濯我纓

渡淮

照眼清淮笑力微  
家人應喜近庭闈  
茲行莫道無勳績  
帶得星

星白髮歸

次韻德久舟行阻風

昨日顛風鳥雀喧  
牽夫寸步不能前  
今朝收纜張帆坐  
世事乘除只偶然

渡江

時禮物  
船被風

揚子江頭渡曉風  
一舟掀舞浪花中  
江神似恨煩將幣  
不許和戎出漢宮

題金山寺

水月光中全體現  
波濤湧處定珠圓  
每因王事參差過  
更羨仙山掩靄邊

宿南京

詞訪實有戊  
兵三千人

虛說營屯五萬兵  
淒涼無復舊南京  
中天王氣終當復  
千古封疆只宋城  
釣臺

敢將出處較秋毫  
未報君恩感二毛  
七里灘頭停短棹  
細看漁父亦清高

過馬當山

彭郎磯頭晚更涼  
扁舟瞥過紫魚香  
買舟斫鱸初傳酒  
頃刻風帆過馬當

登第一山

登臨休作楚囚悲  
遮莫人心知漢思  
疇昔百聞今一見  
勉旃報國在男兒

幾因護客數登臨  
悵望神州久陸沉  
今日登臨身是客  
經行應切此時心

淨社山中即事二首

拾得閒身傍佛廬  
吟邊不解着工夫  
晚來好處無人領  
淨社山

中聞鷓鴣

家僮裹飯就僧家  
飯了僧來共點茶  
聽雨軒中無一事  
薔薇却有旋開花

遊三茅忽得佳處留贈鄉黃冠師

三茅觀裏仙爲宅  
七竇山頭玉作堆  
不盡經行奇特處  
只教留作等閒來

爲山

疊石爲山底用高  
經邱巖嶺欲平橋  
青林屈曲崎嶇過  
疑有碧花無數桃

次韻薛奉常清涼山靈潭寒瀑二絕句

清涼山中冷難宅  
中有靈淵人莫測  
劃開神秘奉常君  
萬丈寒泉貯穹壁

田家要雨隨即雨豈識潛珍在中止霏微不絕自成霖萬古禾頭不生耳

再和奉常靈潭寒瀑韻甚有同遊之意

奉常如僧逃火宅天與淵泉誰識測我今亦是閒散人何日躋

攀靈峭壁

對床盍聽風雨情同胞兄弟亦何止試於如夢境中聽雨聲水

聲風過耳

次韻誠齋寒食日雨中游上天竺

詩翁作意與春期寒食翁來春合知不是春工渾忘却好題詩

是雨游時

晴即飛塵雨即泥乍晴開本作教泥滑得行遲貪看花處籃輿舞靜

得句時流水知

涉齋集

卷十六

九

九

敬鄉樓叢書

可是前身住持僧未經行處恰如曾松杉夾徑當前導莫惜綸

巾冒雨行

驚人詩句任人嫌詩得春來思轉添莫道詩翁太奇崛思如春

溜寫層簷

天竺精廬掩靄中籃輿初歇袖初通回時管勝來時節屋角微

微轉相風

不比尋常夢阿連山中經過開本作真箇著行纏野花已放名花未

回施風光與少年

山花壓溜水通池時有幽禽自在飛日脚忽隨雲脚露鐘聲恰

與梵聲齊

溪流來自寶峯頭流到欄邊不復流拔開放泉聊戲劇怒而平

後一齊休

老僧雪頂接霜髭並日楞嚴手自題見得眉間多喜色定應行處有新詩

布地黃金閒碧疏歸依大士攝心初功名骨相元何有身口業

中除得無

晴嵐霽霽水濕游歸步花光夾道間中竺已游游下竺冷泉亭

畔更登山

紅滿園庭開本作亭綠滿郊愁風愁雨豈天教留將畫舫臨湖側認

取青帘出杏梢

不枉皇都九十春春行樂有誰貪休論舊雨兼新雨何限今

人念昔人

詩句纔成雨又催酬時只倚十分杯誠齋筆下詩何數不祇晴

來雨又來

涉齋集

卷十六

十

十

敬鄉樓叢書

明時與物總為春樂處陶陶即是真勝賞不妨閑信馬名園莫

問屬何人

玉勒金裝開本作鞍閒寶裝少年有意競春忙不妨繫日寬門禁安

得長繩爾許長

涉齋集卷十六



涉齋集卷十七

許及之 深甫

七言絕句

車行詩

穩如江海迎潮上險似虛空逐電行縱使中原平似掌我車只作不平鳴

陳留道中

雍邱紆路到陳留積雨瀾漫漲畎疇道左流民形似鬼能無百里爲分憂

靈璧道傍石

花石網成國蠹閣本盈賊臣賣國果連城陵遷谷變猶橫道反作傍人座右銘

涉齋集

卷十七

敬鄉樓叢書

朝歌城

魯塔絲竹千年在寂寞朝歌莽一邱突有浮屠延望眼何因駐得墨家流

姜里城

至今城中草不生

扁公墓下艾猶榮姜里城中草不生豈是聖賢遺恨在只應天自不能平

趙故城

叢臺意氣俄銷歇故壘歌鐘幾劫塵只有藺卿生氣在墳前衰草鎮如新

涿州

蔣直中原掌似平范陽巢穴奈天成未能太古全無事黃帝如何不治兵

衛州

河決從來國隱憂衛州那在水邊頭傷心中土淪胥久可但堪嗟一衛州

欒城縣

寂寞欒城頓食遲令君跪告簿猶危固非鸞綬身棲棘可忍鴟巾首告笞

慶都縣

慶都將過過唐河欲訪靈臺去路賒試問車夫能指點好峯無數碧蓮華

栢鄉縣

昔賢不肯入朝歌况乃軍中忌諱多咄咄衣冠俱左袵迫於人處竟成訛

涉齋集

卷十七

敬鄉樓叢書

淮陰縣

甘羅古篆婆羅刻豈但淮陰妙二羅胯下橋邊有男子追亡擬問漢蕭和

和袁同年接伴賡從容陸成父至淮陰縣韻

日月光中盡徹侯獨全終始是封留可憐胯下奇男子雖嫌淮陰不媿劉

和袁同年接伴賡從容陸成父至寶應縣韻

兩洗秋光滴夜涼斗牛河漢絢文章明時不寶埋光瑞應有真賢爲發祥

過相臺

夜深吹笛醉秦樓月白風輕只共愁魏國九京如可作錦衣能復故鄉留月白風輕亦樓名

過陳橋見太行

驅車夜半出都城策馬陳橋已半程回首白雲南颯下太行何  
事馬前迎

過龍德宮

龍德宮中舊御園綠堦栽柳儼然存秋光更向墻頭發似與行  
人澱淚痕

過常山村店中見菊

黃菊娟娟媚晚秋等閒野店亦藏幽國香何恨成淪落秋月春  
風不解愁

過趙州石橋

橋梁題刻認中朝仙跡遺風不可招喚作沃州人不識今朝只  
過趙州橋

涉齋

集

卷十七

三

敬鄉樓叢書

奪玉石橋

輦却民財積上京民貧政自不關情瓊臺要築猶餘事何況橋  
成奪玉名

漳河

出郭安陽漾碧波黃河汨汨泛漳河河濱飲水令人癯岸石其  
如腹疾何

琉璃河

黃流九曲固難窮六里琉璃未長雄眼底坳堂君勿詫使華來  
自水晶宮

護龍河

門題善利過朝宗一水何從更護龍菱角雞頭教偏仄可堪遊  
女折芙蓉

此水門名善利  
過此則為護龍

魏河

過却黃河又魏河燕山直下有通波不須圖寫山川勢他日因  
糧省橐駝

易河

車轆轉逐馬蕭蕭易水無聲瀉沱寥只聽琴聲已蕭瑟更行霜  
月更聞簫

白溝河

藝祖懷柔不耀兵白溝如帶作長城太平自是難忘戰休恨中  
間太太平

泚沱河

通誅狂寇釜中魚未免真人駕六飛千古石人雖暖昧一時河  
伯太機微

涉齋

集

卷十七

四

敬鄉樓叢書

歸途觀蘆溝橋

歸虹如玉跨長川下馬摩挲得細看他日燕郊如舊識蘆溝橋  
下古桑乾

歸途感河南父老語

河南民力已無堪泣訴王人語再三勤苦遺黎姑少忍北人何  
止棄河南

有感

宋衛綿延接趙燕古來征戰可勝論細思醉把乾坤擲蠻觸區  
區匪大言

文王廟

聖賢多難古來同易數身更羨里中甲子既周屯既復不應天  
數竟終窮



光武廟

真人祠殿柏鄉邊下馬焚香拜謁虔思漢民心今戴宋秘祈興  
運早中天

題蕭相國廟

古廟淒涼古鎮邊鄴陽戶口更淒然封侯當日如今日越使蕭  
公利買田

題曹娥廟

當日曹娥念父心千年江水有哀音可憐七尺奇男子忍使神  
州半陸沈

謁曹娥祠時積雨後

昔因淑節歎男兒今媿男兒節開本亦未奇攜累乞靈無可禱只  
求晴霽樂豐時子舊時有可憐七尺奇男

涉齋

集

卷十七

五

敬鄉樓叢書

避雨漁陽太守廟

拂面秋風雲漠漠傷心古汴黍離離不因避雨漁陽廟爭見元  
豐大觀碑

曹操冢

舜葬蒼梧的可知九疑猶是後人思阿瞞不作瞞心事何用累  
纍多冢爲

寓居發伴廳秋夜觀書有感四首

虛庭撼撼撼梧楸黃卷青燈字字愁說與西風莫蕭瑟年來詩  
思不禁秋

每當劇暑憶秋期暑退涼生喜可知不奈寒蛩促機杼等閒催  
得鬢成絲

子城高處易爲秋密點催燈響更幽掩卷不眠塔下坐淡雲東

去月西流

四十男兒不自憐求田問舍計茫然一官未辦君親報縱有田  
園亦舍旃

戊申歲題玉牒所壁

擔上看梅不是梅孤山消息限蓬萊仙源圃裡逢人日雪色憐  
隨霽色開

雪塢霜窗合斷魂仙姿元住水邊村園丁莫訝盆池小留得疎  
疎澹月痕

空殞無補愧株儒若然香爐細讀書還被梅花勾引破又哦新  
句步庭除

冷藥疎疎開可數香風冪冪遠能聞不因修竹遮攔得一夜清  
寒定憶君

涉齋

集

卷十七

六

敬鄉樓叢書

涉齋

集

卷十七

六

敬鄉樓叢書

數日清寒不肯開枝頭閣雪冷燈暗霜禽飛去花身動一片清  
香在綠苔

直舍孤吟未過清梅花相與有詩情寒鴉爭似誰人好寫就新  
詩啼數聲

書潘德久版壁

故人有詩仍有屋困裏無禾鼎無肉可憐驅去傍人門階下蒼  
苔孕寒玉

山房

山城久埃鞠榛埃三徑新成手自開何用誅茅卜鄰並好風良  
月便應來

去盡陳言掃盡埃詩清心與眼俱開由來野服關吾事暇日能  
同竹院來

同竹院來

同竹院來

同竹院來

徑掃蒼苔磴拂埃山房今日爲君開  
丁寧杜宇莫飛去正要青山歌  
竭來

風掃飛花雨濯埃錦葵將發  
麝香開思量造物恩何厚看  
取南薰入抱來

### 西山爽氣

負墻結椽太麓疎真得西山爽氣  
無他日棠陰無可紀負喧曾  
此鑷髭鬚

### 金果園

整拋汴岸入斜坳金果園中  
信馬行滿目桑麻俱沃壤可  
憐持節看春耕

### 柳溪

通衢緩轡出邢臺突有池臺號  
柳溪自過淮來無此趣千年  
華涉齋集

### 屋但雞栖

### 望平山堂

霏微晚雨濕疎鐘彷彿浮圖出  
半空回首江南春色遠平山  
却在有無中

### 蜀山堂

已把堂名占蜀山愛山猶疊石  
屏顏世間何事非兒戲了得  
兒癡趁得閒

### 蜀山亭

千里肥川掌似平崔嵬只有蜀  
山青茲亭巧與山相對不惜  
名堂更揭亭

### 題忠孝亭

白石陂頭斬逆蘇士行却是晉  
夷吾功成不掩窺窬志忠孝  
何

如下大夫

### 浮槎亭

浮圖立處認槎峰曾說浮槎是  
醉翁亦似平山堂上看陰晴  
山色有無中

### 題正字貧亦好四首

陋巷當年一窶人尊瓢樂處有  
經綸居然更起爲邦問豈是  
先

生亦厭貧只教求食傍人門彭  
澤何妨作令君鄉里小兒真  
解事歸來草

木亦欣欣

腸日九迴語世路肱今三折晤  
良醫戎郎何自知貧好却是  
歸來遠客知

正字如何例姓陳饑來一字不  
資身更將長技爲扁榜肯信  
吾涉齋集

家亦有貧

### 題漕司涉齋

涉世渾如涉大川風波過却愈  
拳拳朱簾畫舫非吾事只合  
扁舟聽雨眠

### 茅齋

市近吾營地亦幽身閑何羨水  
中鷗因思客路竿遮日得似  
君家茅葺頭

### 梅坡

買得梅坡與衆看折花教折莫  
催殘蚪枝裏蘚能炊玉留與  
梅枝伴歲寒

### 松林

蒼髯老氣已雄豪偃蹇連綆結  
虹橋富暑含颺時瑟瑟底須  
屋



角相風招

涉齋集



卷十七

九

敬鄉樓叢書

涉齋集卷十七

涉齋集卷十八

許及之 深甫

七言絕句

信筆戒子種花木

君恩未許乞分符三徑無資地亦無或借或資分養種閑時趁  
早着功夫

迺翁未遂投閒計吾子宜殫幹盡才已辦一區供戲綵更營三  
徑待歸來

一年活計在春初處世光陰不可虛莫謂窺園全廢學昔人猶  
有帶經鋤

栽種成陰動十年風流遺恨憶蘇仙開本作宜西園近有移園法大  
樹盤根只儼然

涉齋

集

卷十八

一

敬鄉樓叢書

買宅慙慙爲海棠却因改築遂遺將前園徧小鄰遷次好補覓

裳斷續行

池妨屋地故應填取土成池却自然愛惜清漪添淤壤買根歸

種撫池蓮

買石雖非自鬱林窠窠盡費俸餘金傍人應笑謀生拙航海梯

山枉費心

買石爲山任笑癡癡翁真箇是童兒奇峯峭石勤收拾莫使他

年一簣虧

我山紫土仍栽石下有嵌巖上有亭石少缺邊添種樹種時須

要樹長青

水仙繡菊麝香萱久種成畦長養便分向北堂三益近邊墻秋

色要爭妍

種樹還如種善根自須積累付兒孫從人覓得栽培法綠葉成  
陰便滿園

莫將桃李等閒看栽接名窠有幾般爲是開花仍結實花供賞  
玩果供餐

飛霞園地固無多我愛他時號繭窩若繚城跟疎織竹錦屏環  
列繡成窠

金沙安敢齒餘醲白白紅紅閒却宜但得籬邊多種取他年步  
障要相隨

梅花十首

每憶山居氣味長梅花時節只清狂若教玉鑑堂前看認得花  
光是玉光

詩到西湖更不疑西湖以外可無詩孤山水月無邊思開本作際只  
涉齋

集

卷十八

一

敬鄉樓叢書

在清香不在枝

一頃園池半種梅更將窠石傍梅栽愛風愛月隨宜看合是詩

家帶得來

隔水尋幽妙莫傳一年勝處是春前縱饒爛熳春吹却猶有殘

香伴鶴眠

玉川夢是不紛紜一樹相思正憶君君若移舟來問訊莫教驚

動一溪雲

爲愛林林次第開却須雪壓與霜摧歲寒偃蹇非無意破冷衝

寒來幾回

去歲來時恰犯寒枝頭未放雪漫漫一年鞭影紅塵裏猶得西

湖立馬看

湖上歸鴉落照昏一聲漁唱與招魂級蘭餐菊生平事沙冷月



寒何處村

醉餘看字眼麻茶佳句拈來似隔紗讀去讀來元有味南湖從此說梅花

老去哦詩懶解工筆端隨分有春風旁人若問梅花句盡在西湖風雪中

次韻常之用前人韻賦梅花詩十絕

老來爲圃萬緣輕一見梅花眼倍明所恨平生無句眼其誰本關

如作相與有詩情

淵明豈獨愛東籬便愛東籬亦匪私耐雪耐霜同臭味佳花尤愛夾花枝

風靜得香多醞藉雪殘觀色轉精神不教翠竹疎松伴清殺天

寒日暮人

涉齋

集

卷十八

三

敬鄉樓叢書

拙速誠難語巧遲誰知先進野人爲絕憐飯顆山頭老江路聞

香有喜詞

每愛孤山靜思凝歲寒不脫柏青青暗中參得橫斜趣不費陶

潛影對形

玉川清苦更清狂一夜相思不可當解道是君看亦好不然白

地斷人腸

未點蒼苔已點衣遽辭修竹翠相依若教笛怨歌催盡寧受風

吹雨打稀

浮玉飄香別緒多緩流溪水浸銅柯先春有意春無意春奈千

紅百紫何

殘雪溶溶斷送春明朝波面受春風北園幾樹紅苞坼只合吹

將酒盞中

桃縱天天杏縱繁衰翁其奈眼尤寒自知不是尋芳伴且把寒

枝子細看

次韻古梅二首予近得鄉中賦梅坡皆老梅

綠苔枝上玉疎疎折贈詩人意不孤惱殺渠儂歸未得梅坡千

樹有如無

玉鑑堂前跡已疎殘香應伴鶴身孤郎潛桂隱身藏却新爲梅

花着句無

直舍紫薇花身可以題字因作一絕書其上

赤立嚴霜如槁木爛開炎日似紅霞耐寒耐暑真能事豈是人

間怕瘞花

揚州席上次蔣右衛韻賦白牡丹二絕

秋思憑高不易裁陽和喚得故人來自憐梅萼成孤絕借與春

涉齋

集

卷十八

四

敬鄉樓叢書

風一色開

玉斝銀瓶千尺清喚回玉色謫仙人沈香亭畔無消息付與揚

州十月春

北方館驛屏風皆畫落墨牡丹

停車京洛淨風沙幾見屏開落墨花故國似人猶可喜穠肌何

况謝鉛華

池荷

高高碧蓋擁紅衣拍拍方塘漾渺瀾前竹後松相映帶香風何

自透禪扉

次韻方叔媚川園亭上觀芙蓉

篩霞擘錦炫晴空碧玉芙蓉晚更紅只道商秋爲素景也教春

色艷秋風

顯庵許轉覓紅蕉未至絕句奉簡

過眼浮華擲錦梭聞閑習氣種花窠蕉中得鹿元鳥有雪裡看  
蕉竟若何

從潘濟叔覓花得紅蕉鳳仙大蓼謂水榭僅有一窠寒窗

不可無戲作二絕

幽人憐我學鋤穉寄與花栽一一收莫道芭蕉失寒暑鳳仙宜  
夏蓼宜秋

聞說君家有水榭虬枝怪石眼前稀何如借與消長夏待得寒  
窓却送歸

和袁同年接伴賡從客陸成父玉簪花韻

玉長藍田潔更芳盞簪如待紫陽裝仙人尙欠頭冠在好種黃  
葵阿那旁

涉齋

集

卷十八

五

敬鄉樓叢書

次韻木伯初秋蘭

堪嗟堪惜是懷沙占得秋蘭作楚花世莫我知方是足底將逝  
水送韶華

方潔清幽隱操中蘭兮消得小山叢略無蘊藉惟嚴桂滿院秋  
香一樹風

萬藥千葩角富豪秋蘭無處却爲高蚤知捷徑終南是招隱當  
時不入囑

月桂

案月桂應  
作月桂

春來花事各名家肯許常春擅物華雪裏香紅更清絕只應名  
作歲寒花

相臺得菊本名之曰繡菊

非紅非紫煜茸茸依舊黃流美在中漢使攜將名繡菊要同丹

桂種蟾宮

次木伯初蠟梅二絕

格韻評量故是梅採薪叢裡凍花開蜂衙不逐飄零盡真是天  
工蠟綴來

蜂薰脾密麝薰臍香染薔薇色染梔大似幽蘭懷隱操有心聞  
處得香遲

氣稟中央色自莊丹心展盡只輸香自知不結和羹實合作山  
家澹泊裝

六言詩

成德堂

帝謨亦言九德父教等謂三成茲堂不媿扁榜公家有賢弟兄  
思賢堂

涉齋

集

卷十八

六

敬鄉樓叢書

取善乃與爲善見賢合思齊賢公平何若愛士富者惟欲求田

題北山軒詩

鵬鷗逍遙各適猿鶴驚怨何知有瓜得東陵種無文煩北山移  
用山谷韻題洪子恂所藏山谷六言詩

逢源妙處何如水到自然成渠信手拈來都是彈圓頌印泥書  
次韻周畏知用南軒聞說城東梅十里句爲韻六言七首

湘西山亦既見城東梅所未聞急須盍簪共賞可惜委地餘芬  
廣平心腸鐵石姑射肌膚冰雪共令索笑求詩未免嬰情駕說

故人馳一枝使詩翁築五言城須邀從事入幕休喚孔方作兄  
夢蝶驅除枕上驚鴻約略墻東石裂巖前積雪角咽城頭曉風

意了無東閣興句不到西湖梅非公安得聞此欲往何其快哉  
松逕晴泥欲乾茅簷宿雪猶濕滿枝空懷杜二夜聽誰得記十



行歌已聞落梅寡和猶傳下里好步故難卒行迅雷那及掩耳

周畏知遺二毫筆雖舊猶耐書戲作六言奉簡

我媿不能扛鼎君安得此如椽拔羊兔豪以利較夔虻足相憐  
不肯羊質欺世甯作兔園隱居令尹雖舊令尹中書今尙中書

補遺

湯婆子東臨詩  
續集二

一冬專寵道人房不藉華清賜浴湯燂腹卻無璋瓦分矮身難  
稱綺羅妝春生蝴蝶半床夢暖逼梅花一帳香醉倚肉屏君莫

羨北邙多少黑頭郎

廢塚東臨詩  
續集二

石人猶自立蒿萊佛讀殘碑字字哀鄰塚已澆寒食酒野風分

送紙錢來

涉齋集

卷十八

七

敬鄉樓叢書

涉齋集卷十八

四庫全書總目一百五十九涉齋集十八卷永樂大典本案涉齋集永樂大典原題許綸撰案集中王晦叔惠聽兩圖詩序自稱永嘉人字深父而諸書不載其人攷宋史許及之傳云及之字深甫温州永嘉人隆興元年進士累官至知樞密院事與自序永嘉人合執文志載許及之文集三十卷涉齋課藁九卷與今本涉齋之名合然竝經籍志載許右府涉齋集三十卷宋人稱樞密爲右府與及之本傳官知樞密院又合則此集當爲及之所撰又宋史寧宗本紀紹熙四年六月遣許及之賀金主生辰金史交聘表亦同今集中使金之詩一具在本傳稱及之嘗爲宗正簿今集中亦有題玉牒所壁間詩則此集出於及之尤證佐鑿然永樂大典所題不知何據或及之初名綸史偶未載更名事歟此集世無傳本今摭拾

涉齋集

跋

敬鄉樓叢書

殘牘編爲十八卷觀其讀王文公詩絕句曰文章與世爲師範經術於時起世譽少讀公詩頭已白只應無奈句風流知其瓣香在王安石安石之文平挹歐蘇而詩在北宋諸家之中其名稍亞然早年鍛鍊鑄工力至深瀛奎律髓引司馬光之言稱其晚年諸作華妙精深殆非虛譽是集雖下筆稍易未能青出於藍而氣體高亮要自琅琅盈耳較宋末江湖詩派刻畫瑣屑者過之遠矣

瑞安孫琴西先生衣言跋許深甫涉齋集十八卷四庫全書據永樂大典舊題許綸考定爲及之作援據甚確而疑及之初名綸其後更名或史未及詳今按集中有綸子以筠名齋詩又有與虞次夔直學投贈詩云虛之父有師法方訓長孫鑄而次夔近釋子屈致教參孫發蒙綸繹皆從采旁蓋以偏

旁聯名則綸固及之子也宋元人編輯文集往往但題某官某先生集而繫編者姓名於其次此集必許綸所編明人錄詩時未及深考因以爲綸作而校修四庫書者亦沿其誤耳四庫書目言宋執文志涉齋集三十卷涉齋課藁九卷然竝經籍志許右府涉齋集三十卷此必宋刻今摭拾殘牘編爲十八卷蓋視執文志所載已佚其半然在南宋吾鄉諸先輩中傳詩之多亦無過於深父者矣四庫書目又言其爲詩瓣香王安石氣體高亮遠過江湖詩派之刻畫瑣碎今按其所作七言古詩用意妙遠者幾非後人所能驟然領略其他古詩亦皆排鼻峭厲在南宋詩人中當爲健者不但超越江湖一派惟近體詩篇幅淺狹殊乏深意則所謂下筆稍易者耳此集僅有四庫本今年余在京師居南橫街同年袁筱陽學士

涉齋集

跋

敬鄉樓叢書

所與翁叔平庶子同巷偶屬庶子覓鄉先生集庶子以此集見示蓋法時帆祭酒詩龕所藏四庫副本既命友人錄副復爲校勘所疑者仍以歸之庶子深父依附韓平原宋史所載頗爲可醜然頗記周密齊東野語言趙師舜許及之諂媚佞胄之事皆怨家誣之不足深信但佞胄盛時吾鄉諸正人如徐子宜陳止齋薛象先陳壽南輩皆遭貶斥而深父乃反擢官至知樞密院則附託實所不免意文士急功近名亦如柳子厚之於王叔文特宋史言之太甚耳予以其爲鄉先生書甚喜得之而其詩用功之深尤有令予不能漠然者然則文字之託亦惡可已哉同治七年八月二十四日臨清舟中書溫州經籍志二十涉齋許樞密及之宋史三百九十四萬歷溫州府志宦業傳並有傳涉齋集永樂大典本誤題許綸四



庫提要及家大人跋攷之詳矣集卷十七有題漕司涉齋詩攷宋史本傳紹熙元年除淮南運判兼淮東提刑則涉齋當即為淮南運判時官解齋額後遂以名集也集十一和潘龜職官門亦無疑初有是議後又改除也涉齋少歷清要與同時名流文燕最盛如與楊萬里袁說友諸人酬贈諸詩今並見集中永嘉詩人則與潘轉菴檉倡和尤夥其次韵至六七疊不已足見一時文字之樂徒以晚節依阿遂蒙大詆然其文采富豔自不可掩其卒時水心葉忠定公為作輓詩兩章亦深致推挹見水心集八許相國輓詞蓋非徒鄉曲之私矣又宋史藝文志載許及之文集三十卷焦氏經籍志及千頃堂書目並作許右府涉齋詩集三十卷攷文淵閣書目十載許涉齋詩集一部七册殘缺是明時所傳涉齋集確係詩集

涉齋集

跋

三

敬鄉樓叢書

故永樂大典所錄亦有詩無文宋志所載未足據也

許及之涉齋集十八卷據假瑞安孫氏玉海樓所藏鈔本重鈔其時原鈔本第一卷卷首已佚數葉重鈔自五言古詩第七首起且有詩無題今自第七首詩題以上皆從文淵閣鈔本逐寫補足之全集并以閣本校勘一過集外遺詩二首據東甌詩續集明弘治時人趙謙補錄於卷末又及之文集無傳而散見於各選本及他書者慎江文徵有儒志編序一首永嘉集內篇有節孝先生語錄跋一首嘉泰三年幸學詔跋一首宋尚書右僕射觀文殿學士正議大夫贈特進洪公行狀一首此文並見洪適盤洲集卷末東甌先正文錄永嘉縣志有儒志先生像贊一首此首據海峽關二冊係偽作附著其目於此民國十七年五月黃羣記

涉齋集

葉	行	字	誤	正
卷二	二二四	十三	璧	壁
二	六十四	五	梁	梁
五	三十六	十六	籍	籍
五	七六	十七	籍	籍
六	三二三	十五	卿	鄉
六	七十六	九	文	丈
十一	五七	三	祐	祐

敬鄉樓叢書

正誤表

永嘉黃氏校印

棟

華

館

小

集

一

卷

謝佩  
玉書



乙卯八月

據金陵朱氏

開晉益壘戲

鈔本校槧

曹庭棟宋百家詩存小傳

楊甲字鼎卿重慶昌州人大觀時遊京師頗有聲望嘗仕於蜀旋以事去官寓居靈泉山中故其詩有微官也適居之句棣華館小集一卷多遊覽弔古之作其詩天矯脫俗孤光冷豔不著色相如遊長松寺云青山有驕色斯客不能旬宿安靜觀云石泉瀉幽潔意寂不肯喧俱不食人間煙火語也厲鶚宋詩紀事

楊甲字鼎卿乾道二年進士仕不顯

棣華館小集

宋 楊 甲 撰

出東郭見山

二年不見山見之喜不休舉手三揖之山遠不領頭疑我墮塵土已與俗同儔稍稍望雲脚下見八九邱近前與之笑顏色漸和柔迎我以松風與我相獻酬憐我不識路導以溪水流豈其終愛余爲此世所仇一官最下策包裹辱與羞百年在平地亦有一日憂誰能無饑渴往與肉食謀

合江汎舟

莫踏街頭塵盍飲城東水江頭放船去葦間問樵子岸深魚有家鳧雁在中泚得酒可以歌得樹可以艤年年舟中客顏色不相似風波無前期遊者亦如此短篙醉時策遠山卧後几老我不耐醒日落西風起

遊長松寺宿石門僧舍得露字

疾風吹輕衣駕我雲脊路人間一回首驚絕不敢顧鳥投虛無底森森不知處蜂窠螻邱垤與世同所驚試看一若茫誰有不平慮尙憐野僧屋佛而荒苔盡斷崖劃呀吻洶洶巨石怒我來得奇觀拄杖叩巖樹青山有驕色斯客不能旬平生二三子慰我一相遇



娟娟松間月幽絕亦可度夜闌更小語風逼遺響去  
酌君無多酒繼以木蘭露

宿安靜觀

青山轉龍脊矯首西南天上有仙人祠臺殿飛後前  
下見雲雨興樹色暗平川仙人兩黃鵠乍去無歸年  
向來道上履人着幾何錢一朝聞羽化悵望空流涎  
卻揮囊中金瓦礫來投捐巖巖化金碧香火通雲烟  
人間萬事爾且暮有愚賢而況爭奪場轉手分嬖妍  
仙人一回首破隴與荒阡紛紛不足道哀此區中緣  
石泉瀉幽潔意寂不肯喧夜聞松風露起坐心寥然

樵華館小集

二直 秋 節

與客遊滄浪亭

露回林蒼黃漲落水寒碧西郊好風景曉霽千里色  
相從二三子掃酒溪上石主人信愛客沽酒炊玉粒  
揮觴一再行弄此竹間日跳波醉中舞野唱寒外急  
牛羊歸匆匆鳧雁來一一頽然倚天放不受世褊迫  
永懷堂中翁回首千歲跡豈無獨往願乃爲饑凍逼  
霜空洞庭野天濶雲夢澤欲窮扶桑杖尙挂滄海席  
何當從此去旦暮生羽翼

靈泉道中

荒雞不知林落日明鴉背山行曲折盡稍出喬木外

前峯近相向禿闕不可蓋泉石微續斷渚澤亦多深  
牛羊深墟落稚子翳蓬艾稻秧碧剌剌遮隴無疆界  
今年田夫喜飽飯我亦快猶慙食無功舉箸再三餽  
何當磨腰鎌助爾芟稊稗

寒食遊學射山

疾風吹沙天茫茫日落未落原野黃山空無人石碌  
碌路長馬饑石齧足荒苔古林翳雲族何人剝巖縛  
層屋當時萬騎填山谷至今拾寶多遺鏃故國山川  
愁遠目人世悲歡風雨速凌高舉酒天爲蹙手攀巖  
樹叩雲木何人唱我淒涼曲興亡一眼冥冥綠塗水

樵華館小集

三直 秋 節

平蕪飛雁驚

臘日遊梅壠得樹字

年年看梅水西路白頭溪翁眼如故重來攀髯老不  
死我亦風埃憶歸去酒酣百怪入我腸夜半恍惚與  
龍遇醉騎一尾天上歸陳迹江頭不知處梅花勸汝  
一杯酒千歲寒凝眞旦暮欲將老大傲風雪穴蟻窠  
蟲已無數成都萬事更奇古石筍猶疑前代墓孔明  
廟前柏千尺神物脩脩泣幽樹他時滅壞亦同歸人  
生誰能一長願

庚寅再遊



馬踏山郊鞭影西欲尋遠梅無舊蹊但聞草木皆有  
香未到已識花前溪艤舟登岸入梅處竹樹烟火苑  
茨低百年死樹蟲蘚暗鱗甲漠漠僵橫霓老翁鼻祖  
頭雪白下見兒女方勝筭數株無力已仆地強起放  
春花滿畦瘦龍天矯欲仙去春尾一半埋沙泥雷公  
幾時獵幽蟄夜半刀斧來剝判野人往往多再拜疑  
有鬼物憑其栖問樵訪牧不知幾齟齬已見今旄倪  
故人同遊六七輩或似醉阮林中稽繞樹覓花不識  
路東邊犬吠西號鷄榼中但有酒清濁寒具野擔勤  
提携誰言猶是蜀梅苑破邱斷壟山蒿藜種花滿地

棣華館小集

四宜秋館

作癡計隨手變化空塵鬢只餘老樹香不滅力戰風  
雨猶墜犀何時江村一曲路與子共賦歸來兮

靈泉山中

小縣相籠合濛濛數百家果蔬爭晚市樵牧亂晴沙  
落日平江迥青山細路賒偶居無事在隨意問桑麻  
又

野色山圍盡風烟更可憐客情牛鐸外農事藕花前  
聚汲松根井寬愁石底泉窻須計升斗詩興亦超然

又

勝地仙靈宅微官也謫居焚香他日夢隱几向來書

小睡便山雨長齋稱野蔬逢人問無恙滿意說樵漁

又

日下溪林薄芊芊蕭晚暉閉門成石隱小水亦生肥  
醉着谿藤杖歸來木葉衣狂歌有虎兕吾道只應非

又

何處長松寺雨花雲外臺山從百曲轉路入九關回  
老檜成龍盡殘柯借鶴來人間斤斧亂風壑夜聲哀

靈泉山上晚望

野曠樹還亂林深烟更微天隨殘日盡雲掣斷山飛  
玉壘風烟闊秦城草木非憑高無限事今夜客裳衣

棣華館小集

五宜秋館

又

遠目昏難盡青山濶展圍眼花隨處亂雲樹一時飛  
秋至客愁遠路難心事違更憐人北望不見雁南歸

登待鶴亭

橫峰亂嶺如奔蛇前者欲起後驅呵危亭獨立一回  
首天罅雲隙皆收羅手攀落日意不盡目送歸鴻愁  
更多風吹衣裳客未冷我欲飲酒君當歌

謁朱真人祠

一濯巖下溪再拜巖中庭清風肅然來吹我衣上腥  
仙人芙蓉冠乘月下雲駟山空雜佩響靜夜朝百靈



似聞客欲去小語猶丁寧肅肅上松柏急以兩耳聽  
寂寥古壇外但見斗與星天明恐是夢恍惚遺心形  
去飲石上水再讀幽人銘青山無行跡霧雨松冥冥  
楊甲字鼎卿重慶昌州人大觀世遊京師頗有聲  
望嘗仕於蜀旋以事去官寓居靈泉山中有棣華  
館小集一卷

補輯

遊山上廢寺有段文昌種松石刻云乾坤毀則  
無以見寺寺不可毀四松其遠乎寺今廢木  
亦亡矣感而賦之

棣華館小集

六首 林 傳

木落石出荒山臺上有佛寺孤崔嵬斷椽朽瓦無四  
壁古佛已倒何人摧野蜂占窠挾肩背山鼠出穴銜  
髯頤老僧見我欲愁哭野葛蔽路官能來文昌種松  
有斷刻石柱半裂荒莓苔老翁鼻祖無一在獨樹晚  
出非耆鮑乾坤未變已先滅幾見石火翻狂雷至今  
野叟鑿山破石窟尚有龍筋骸當時手種意已遠欲  
與草木爲渠魁 曹庭棟宋百家詩存

登安福浮圖以高標跨蒼穹爲韻得跨字

誰能於虛空千仞權修架層梯高寥寥可歷不可跨  
疑從地上涌幻手聊一化飛龍送千柱雷雨天一借

巍巍大勝妙突兀此其亞道人豈澄觀佛事了閑暇  
指揮三百尺斤斧隨叱咤當時奮赤手意濶已遭罵  
後來見奇特世眼一驚詫塹山作平地海濶梁可駕  
哀哉耳目陋未信猶疑赫凌高更回首落日在雲罅  
蒼蒼野浮樹漠漠水分汊悲涼豪傑窟野冢埋王伯  
百年眼前是俛仰閱榮謝惟當快飲酒醉聽風鈴夜  
厲鶚宋詩紀事

棣華館小集

七首 林 傳

棣華館小集終

臨川雷鳳鼎菊農校

跋

余既刊潘音之待清軒遺稿呂大亨之雁山吟呂定之說劍吟宋伯仁之西塋稿三種是金陵朱述之藏鈔六宋人集已刊其四矣至於此集及張堯同之嘉禾百詠獨付闕如何也嘉禾百詠近年湘中葉煥彬君已刊入叢書此集亦因選入曹庭棟宋百家詩存及曹石倉宋詩選中故擬別刊海內希見之本友人云六宋人集既刊其四似宜補刊兩種以還廬山面目勉徇其請前既付嘉禾百詠於手民讀此集冷豔逋峭詩境甚高雷君菊農代為詳校集後補輯詩兩首餘則一仍其舊并付剞劂焉乙卯六月六日南城李之鼎振唐揮汗書

棧華館小集

校誤表

棧華館小集校誤表  
曹庭棟宋百家詩存簡稱詩存曹石倉宋詩選簡稱詩選兩選簡稱二選

一葉		九行	肉食	詩選作青山
二葉		十一行	放	原作沈據詩選改
三葉		十五行	得露字	詩存作石門
		十七行	同	原作無據二選改
		十八行	茫	二選均作莽
		十九行	巨	二選均作壯
		一行	絕	二選均作夕
		五行	乍去	詩存作一去
		八行	間	原作事據二選改
		十一行	滄浪亭下	詩存有一字三字
		十三行	掃酒	詩存作灑掃
		十四行	寒外急	原作急據二選改
		十八行	此	二選均作茲
		廿行	明	原作鳴據詩存改
		一行	續斷	詩存作斷續
		三行	夫	原作大詩選同據詩存改
		七行	吾	原作壘據宋詩紀事改
		八行	國	原作園據二選及紀事改
		十二行	壘	二選均作龍

棧華館小集校誤表

宜秋館





白鳩集

刻  
也  
珠  
書  
瑞



己未仲夏

刊於退廬

欽命四庫全書總目卷一百六十 集部 別集類

自鳴集六卷 永樂大典本

宋章甫撰考宋有二章甫一字端叔浦城人熙寧三年進士官至都官郎中著有孟子解義十四卷楊時為作墓誌其文今載龜山集中一字冠之鄱陽人徙居真州自號易足居士即撰此集者也甫行事不概見惟張端義貴耳集有云張冠之名甫有文集十卷少從于湖交遊湖乃張孝祥之別號家放飄蕩不受拘羈淳熙間淮有三士舒之張用晦和之張進卿真之張冠之也據其

自鳴集總目

一 豫章叢書

所述可略見其為人其以章為張蓋刊本字謬耳又陸游入蜀記稱乾道六年八月二十八日同章冠之秀才甫登石鏡亭訪黃鶴樓故址則甫蓋舉秀才矣其集不見於宋史藝文志文淵閣書目雖有其名而傳本久絕其得見於世者惟名賢小集拾遺所載湖上吟一首詩家鼎鑪所載寄荆南故人一首而已今檢永樂大典所收自鳴集詩句頗多其格律雖稍近江湖一派而骨力蒼秀亦具有研鍛之功觀其別陸游詩有人生相知貴知心道同何必問升沈之句謝

韓元吉寄茶詩有別公宛陵今五春渴心何啻生埃塵之句次韻呂祖謙見寄詩有山林舊約都茫茫憶君著書看屋梁之句是其所與酬贈者皆一時俊傑之士故耳濡目染尚能脫化町畦自成杼軸頗為不墜雅音謹哀次釐訂析為六卷至雜說三篇以禪家機鋒論道德仁義之旨援儒入墨是殆不得志於時者之肆志放言然其害理已甚今故附其說於集末而特加糾正以著其失焉

自鳴集總目

二



自鳴集目錄

卷一

五言古體詩五十七首

卷二

七言古體詩三十四首

卷三

七言古體詩三十五首

卷四

五言今體詩九十六首

卷五

七言今體詩四十八首

卷六

五言絕句二十首

六言詩十四首

七言絕句九首

雜說三首

自鳴集目錄

一 錄章叢書

自鳴集卷一

送馮圓仲入蜀

宋 章甫 撰

我本山中人早信雲無心卷舒隨清風或作三日霖  
十年江湖游復識水之性東西因地形圓折初無定  
卻來閱世人惟公多古風用舍不繫懷畧與雲水同  
還乘明月舟西泝弄流水雲水遠送迎鷗鷺皆知已  
我今與公別亦若雲水然相望渺江湖萬里同青天

送張寺丞

知己不易得相知貴知心我行遍四方公獨知我深

自鳴集卷一

豫章叢書

公如千丈松凜凜有直氣我如松下草亦有傲霜意  
公分刺史符揭來淮上州而我倦遊者振衣從公遊  
花月醉管絃江山隨杖履激水湔窮愁逢人賞佳句  
政成公入覲酒盡客語離登鼓催發船不顧邦人悲  
邦人勿深悲宣室定前席公必念爾民還陳治安策  
吾君自神聖事君公不欺祝公但加餐慰此邦人思

送孫文輔尉新城

我來淮上居忽忽歲月過定交誰最久有唱君必和  
棊枰角勝負文字工切磋雲山結伴遊風雨對牀卧  
那知世途隘但喜客愁破出處方乃殊離別情無那

江城失益友山縣得良佐平生愛圖史晚歲職警邏  
袍鼓常不驚雞犬亦相賀強飯君勉旃功名看老大

隱靜分題得靜字

平生苦愛閒多病復便靜每為林下遊忽若醉而醒  
茲山昔曾登當暑毛骨冷碧霄環珮聲古木旌幢影  
五峯如高人一一各秀穎俗駕難久留佇立但俄頃  
別來三十載往往夢清境從公得再來共此春日永  
憑高愜幽思卽事發深省然燈戰枯棋臨水淪新茗  
興闌下山去妙處心已領曉雨濕籃輿衝泥度前嶺

古洗

自鳴集卷一

二

古人不可見古物亦無幾今朝雙眼明乃識漢時洗  
規模簡而質彷彿古君子年深土銷蝕薄處僅如紙  
篆名可意逆依稀辨雙鯉傳寶今幾代是閱人多矣  
我生頗好古摩挲不能已悠然起遐思俗物一何鄙

納涼

大熱金石流日色赤可畏鄙夫先多病喘息僅存氣  
飲冰不救渴膚汗那容睡秋風幾時來不問黑貂敝  
林梢墮斜陽涼颼颼然至呼童吸井泉洒掃庭中地  
胡牀得露坐始覺有生意老妻破甘瓜兒女膝下戲  
鳴蟬雖強聒亦足代鼓吹坐久月照入金燈正澄霽



惜哉疲甚杯酒未敢置浮生能幾何荏苒忽中歲  
四時更代謝寒暑不可避幻身豈長存中有不遷義  
且享今夕涼百年安用計

和仲韓見簡韻

野人不愛名中歲益安命辛苦營一區婆娑只三徑  
那知錢有神但喜酒能聖翩翩趙公子時時在軒乘  
詩詞既清婉筆力亦端勁傳家堅素守從仕傷直性  
語言生風波道路足機弄君猶沉下僚我亦抱多病  
時偷半日閒樂此一室靜賞月已失期登高况當令  
風物漸淒紫江山更幽夏何時城南樓曳杖可乘興

自鳴集卷一

三

和韓文奇匡簿大雅并見簡韻

故鄉未可歸異縣難久留海深蛟鱷怒安得乘桴遊  
貧賤豈天意自下曲如鈞吾道未全窮三歲依賢侯  
小雞隨孔鸞願影良可羞所喜臭味同潔已從清修  
邇來苦多病頗厭淮南州援琴操土風大類南冠囚  
今辰天氣佳和風吹散桃李競顏色誰能分劣優  
空攪遊子心浩蕩生春愁新詩忽到手盛意知難酬  
材生天地間小大固不侔詞鋒未易當如以楚伐鄒  
玉李更多文情義還相投他年內集時尙記野人不  
他年內集應呼我  
東坡與康國詩也

雷

三伏久不雨今辰忽聞雷殷殷地中出轟轟空際來  
電光倏先馳掩耳恐不及陰雲勢相交銷鑠畏毒日  
上天行號令君子敬天威端坐每深省整冠仍斂衣  
蒼生苦炎熱喘汗不可過寄聲謝豐隆爲起神龍卧  
秋雨未已客懷不佳夜誦少陵遺興詩至生涯

能幾何常在羈旅中三復感喟增感每字賦

一詩

日月無停輪歲律今呼噤夜長客無睡打窗秋雨鳴  
早寒逼衾裯兒女聲伊嚶令人愧老屨團樂話平生

自鳴集卷一

四

借屋與僧隣局促僅如蝸悲秋懷抱惡頭緒如亂麻  
老來怕讀書隙風燈影斜感時思弟妹哀淚落天涯  
饑寒傍人門面目自可憎爲善得長貧天理疑難憑  
狂談取富貴易若階而升吾實畏鬼神勿謂吾無能  
愁陰錯昏曉北風振葭葦關塞來悲鴻戰場多哭鬼  
人生真幻歲歸盡同螻蝻食夫患得失達者今無幾  
逆旅故人少今秋風雨多禾頭欲生耳農夫空悲歌  
饑腸望一飽蒼蒼同雁鴒臨風不把酒奈此菊花何  
門庭久沮洳蚯蚓升吾堂夜寒人闕寥蟋蟀鳴吾床  
屋頭兩株樹葉落滿借廊騷人不須悲榮悴理之常



詩吟不必工酒實性所愛少年少拘束日與尊罍對  
沉酣相呼亦有益康羣會合不可常故人今好在  
貧窮束縛人知慧無所施文籍紛滿前不救寒與饑  
佳哉江上山歸隱寧無期青山若有言塵土君自羈  
憶買京口船飄飄適荆楚覽古弔興亡亦有會心侶  
歲月能幾何已作幽明阻筋骸幸無恙未害且逆旅  
今晨氣候佳萬里來西風舉頭看浮雲已歸天漢東  
野人還負道帝澤流無窮心隨鴻雁飛不離霄壤中  
簡王潛左司

白鳴集卷一

五

士子文字間亦各從所愛取舍未必同於道均無害  
我生才甚下志與俗子殊思賢怒如饑覓句聊自娛  
惟公盛德人居今乃行古富貴等雲烟詞翰敏風雨  
荆湖十五州玉節何煌煌門庭無雜賓讀書清晝長  
振衣願從遊自視亦何有未知函丈地能着野人否  
公誠一顧之足以爲我榮淮南有石田歸趁春雨耕  
分題得草果飲子

神農書本草有美生南州春華穗端垂彷彿芙蓉秋  
青囊貯嘉賓璀璨安石榴香味極辛烈果中第一流  
磊落入盤旬和羹充肴脩温中與下氣功用亦罕儔

苞苴走四海藥籠必見收吾老苦病暍淡味時空投  
作飲近得此選擇知獨優碧井沈銀瓶斟酌得自由  
蔗漿已覺俗茗粥良可羞乃知古聖人收拾靡不周  
口遇七十毒縱死夫何憂但吾赤子多疾苦庶有瘳  
大哉仁者心當與天地侔

同張季子遊琅琊

枯藤久靠壁雙脚殊踈踈日長無往還午醉歷初熟  
誰與來剝啄一馬挾兩僕翩翩張公子得得訪茅屋  
別來今十年高誼驚絕俗功名付兄弟冠裳畏羈束  
多君殊不凡愛我常易足呼兒取酒斟草草具肴蔬

白鳴集卷一

本

劇談連晝夜何止伴幽獨結爲山水遊策蹇相追逐  
滁陽三日程山路頗詰曲好風吹雨霽發輒自幽谷  
早乾禱輒應雲雨手翻覆路轉醉翁亭釀泉漱寒玉  
堂堂四公像再拜敢不肅雖云斗大州盛德繼來辱  
凜然生氣在遺澤被草木梵宮最高處俯視山轟轟  
境聖人乃凡野僧才五六碑崖爛文字驪珠混魚目  
老眼眩生花往往難盡讀吾能領其要正自非匆促  
回途遂南首夜就湯泉浴清曠舊書房懷人今鬼錄  
人生貴適意百城風中燭所恨多別離安能似麋鹿  
茲遊倘難再後會尙可卜紀行因贈行歸裝慰羞縮



題玲瓏

江月不受塵風竹儼相倚窗間讀書人日用亦如是  
涇渭豈同流天地果一指客來問如何南山有雲起

鹿角

呦呦鳴鹿羣適意在林藪泉甘草豐茂多力故能走  
一朝觸禍機竟死誰人手割鮮登鼎俎刺血置杯酒  
犄角未易棄煮膠方術有汲江為浸漬七日去麤垢  
火候三伏時煎熬必嬰缶色作琥珀紅堅重如瓊玖  
補陽遂強骨輕健還堪久殺身雖可憐仁實存身後  
功能利生人死且垂不朽悠悠肉食輩亦愧此鹿否

自鳴集卷一

七

慈湖磯

峭壁激湍流湍流作洄洑初無一响風飽我蒲帆腹  
長筴倚怪石招呼爭挽牽艱難僅寸進何啻如登天  
及磯日猶高過磯日曛黑依約見漁村燈火照初夕  
舟師告疲勞夜泊投人家驚犬吠籬落寒生蘆荻花

雨中舟出湖廂

官吏急星火驅民疏漕河城中三尺泥歲晚風雨多  
雨聲來未已清湖幽人耳曲肱篷底眠船隨夜潮起

卜宅

卜宅定何好廬山泉石奇夜夢五老人問我歸何時

山中有厥菴可以療子饑束書早歸來長歌歌紫芝

次高若虛韻

時事口慵說性虛詩可陶客中三日陰江頭風浪高  
六年寄此邦鷗鷺皆心交烟波迥自如應笑吾生勞  
世路轉偏仄旅鬢空蕭騷既往若電夢所得真毫毛  
歲月解欺人木落江之皐勿謂吾甚衰得酒猶能豪  
舊遊固可戀歸盟那得逃負暄依茆簷兒輩供爬搔  
歸自真州道中用前韻簡諸故人

自鳴集卷一

八

辯論雜朝諱詩詞兼雅騷人生幾何時容易生二毛  
方今天子聖登用皆夔臯願君各努力去矣追羣豪  
我生若畏事屏處如通逃縱復技癢存敢念麻姑搔  
俞廣文以詩定交次韻奉答

惛慢易招咎貧賤難相知客歸二十年破屋臨江湄  
遺闕豈無酒寄懷徒有詩慷慨思古人恨不生同時  
去秋君始來雲霧容一披別去肯朔雪歸來迎南屣  
載登君子堂爽氣生芝眉劇談兩無礙並駕行通達  
省闈冠多士泮宮聊養頤霄漢自茲始羽翮隨所之  
門闌謝俗子遊戲惟毛錐高吟起我病意欲相箴規

琢句要須工一字亦有師逢迎君忽倦追逐吾敢辭  
人生俱寄耳况乃多別離

曾仲恭侍郎惠酒以倘有名酒無夕不飲爲韻

謝之

窮居少人事落落仍寡偶晨曦入茆簷和氣生戶牖  
擁褐還負暄看雲更搔首閒哦陶令詩饑腸作雷吼  
力耕不逢年歲月百無有小雨肥麥根何時得餽口  
百年倏一半辛勤爲升斗賴古多若人千載可尙友  
古來稱達人願身後名豈其未忘世隳然聊遣情  
我生本衰憊於時淡無營但得秫可釀何勞詩有聲

白鳴集卷一

九

烹魚多素書問字誰識酒寂寞淮鄉居歲月亦已久  
敢希陋巷樂但覺貧士魄知音幸有人此事可不朽  
丹陽賢使君高誼今所無鈴齋有餘閒遙憶耕田夫  
滿船送美酒盛事驚道途客來卽留醉不用倩行酤  
一杯復一杯今夕如何夕葦屋發光怪尊罍盈四壁  
老益還舊觀寒燈起佳色旣醉使君酒亦飽使君德  
逢人說項斯此道今則不使君如古人薦善惟恐後  
願君登廊廟搜羅到岩藪使我擊壤歌投老安隴畝  
使君開府來京口酒可飲公才真麴蘖留滯已再稔  
江山助詩興草木入題品冰霜寒正嚴爲國護養寢

陪韓子雲弔張安國舍人墓

頃從武昌守來哭清果墓老淚濕征衫傷心不忍去  
焉知五載後重到山崔嵬松柏倏已拱宿草纏餘哀  
公乘使者車忠厚神所賚遠懷平生親斗酒相沃酌  
曩以門下故獲登君子堂招呼連屋居此意詎可忘  
青春閉佳城榮華竟消歇空餘千古名不隨世磨滅  
蓬萊定何處神仙知有無徘徊重徘徊悲風生坐隅  
同張伯子威子季子雉子聞子陸及之時子政  
家弟輔小子樂過馬清輿摘櫻桃以萬顆勻  
圓訝許同分賦得許字

白鳴集卷一

十

南城有隱居靜退我所與兩窮成邂逅一笑同出處  
儵然五畝園耕種了寒暑朱櫻前日栽茂密已如許  
今歲風雨時高枝墊難舉喜我領客來柴關不我拒  
倒衣出逢迎掃地容燕醕童奴罷守衛徒馭先含咀  
肴核旣雜陳少長咸以序堆檠火齊紅磊落照尊俎  
眼明愛勻圓酒興孰能禦吾儔旣屬屢亦欲相就語  
西鄰老禪伯攜茗復來煮放懷誰主賓劇論忘爾汝  
題名污牆壁分韻索毫楮月出未忍還不記城闔阻  
懼呼重攀折璀璨滿筐筥行歌驚路人歸遺詫兒女  
明年更強健載酒豈無侶但恐座上客相望各吳楚



落葉

青青池邊樹歲久獨婆娑鳴蟬炎暑時愛此清陰多  
西風一披拂顏色已非故朝看一葉飛暮落渾無數  
葉落畢歸根明年發陽春人生豈長好日月如飛輪

壽王真州

陽春耀桃李松柏不動心歲暮霜霰寒松柏猶翠陰  
物生天地間均此一氣爾小大有不齊乘除亦常理  
使君盛德後清白由家傳平生功名心不作世態妍  
公爲人所難天念公所獨黃屋結深知青鵝行可復  
致遠要自近試公先一州生朝善載臨頌聲滿江頭

自鳴集卷一

十一

仁者壽固宜富貴公自有作詩祝東風爲勸杯中酒

送陳彌高

憶昨歲云徂艤舟岳陽樓獲見故人面使我明雙眸  
今年風露涼君亦來荊州笑語倍疇昔舉杯相勸酬  
詞鋒一當百鵬鷲橫高秋春風待變化勇往不可留  
看花得意時豈獨爲身謀伊予坐懶慢行矣歸林邱  
世故百念冷潛魚畏吞鈎出處雖異途十載契分投  
肉食與藜藿未用分劣優出門天地寬鷓鴣逍遙遊

寄上曾仲恭侍郎借淨香寮詩韻

官酒味甚薄客懷愁正濃節物苦催人木葉鳴西風

覓句了無得寂寞誰與同憑高望京口佳氣何蔥蔥  
中有賢府主堂堂冰雪客家學傳正派政聲摩秋空  
聞哦燕寢詩香篆紫房權別來未兼旬頃夜夢見公  
白沙距西津片帆可即通會當滌場圃還奉杖履從  
只恐趨召還接武夔與龍

題王履方畫漁樵扇

山深多虎狼腰斧老無力豈惟身上衣渾家口中食  
水澗蛟龍怒魚鼈不易求雖無租賦迫長有風波憂  
偶來蒼江頭落日相勞苦斗米今幾錢粗免寒飢否  
形役乃如此人生真可憐五陵美少年寶馬珊瑚鞭

自鳴集卷一

十二

贈葉伯永

憶昨辛巳秋張帆過儀真別君適荆楚瘴癘懷故人  
敵國初敗盟道路多紛紜思君不可見疑君墮邊塵  
寄君無處所消息何時聞去年我東來泊船舊江津  
始遣訪生死戎馬乃駭駭倉皇徑南渡憂畏損精神  
仲冬丹陽館驚喜忽見君執手兩無語老淚欲沾巾  
嗟予漫奔走萬里長酸辛念君兩鬢白依然生理貧  
開口論兵勢直氣摩青雲長指動卿相囊封登帝閣  
當路頗知己擬活西江鱗鯨波泛大海去結山東民  
誓將三寸舌成此百世勲艱難得生還和議已復伸

智略無所施短褐遠遊巡藏名酒肆中悲歌闕芳辰  
興闌却顧我相對南風薰苑城昔別地倏然今四春  
江山不改舊世事凡幾新是非既未定涇渭何當分  
餘生各加餐此外不須云

喜晴

連山春雨來徑滑不容足行人相攀援泥濘及馬腹  
欲往不得前野店可投宿朝來天宇佳笑語聞童僕  
宣城半程耳山路聽詰曲自別賢主人三歲如轉燭  
應煩倒屣迎喜氣見眉日新堂幾日成春酒此時熟  
珠璣傾錦囊塵埃拂楸局上饒千里遠策蹇許追逐

印鳴集卷一

十三

北歸預可料詩作牛腰束

履方攜姜坦道詩卷相過爲書其後

姜侯同鄉并憶昨初見時春風頭陀菴快作六字詩  
一別十五年漂流各萍轉君攜此軸來如覩故人面  
淤泥青蓮花本自不受塵得錢付酒保往往遭謗嘆  
眷言方遐思相從問消息清狂猶曩時鬢髮幸未白  
我貧過孟郊何敢以詩鳴擬辦黃篋舫去尋白鷗盟  
懷人暮雲碧憂國寸心折安得癯仙來共醉望沙月  
代呼延信夫以符乞貓於韓子雲

官居城一隅屋漏如野處辛勤補綠蘿僅可待風雨

移家幸亡恙所苦多碩鼠齧衣費緜縫盜肉恣含咀  
引子動成羣啾啾疑爾汝晝曾無覩顏入暮誰能禦  
窺燈彈膏油驚夢闕倚侶主人非昔人爲態尙如許  
飽食詎可常潛踪豈無所灌穴惡盡殺具磔難悉舉  
墻東吏部家兩貓將十子往往感仁惠相乳忘彼此  
花塾夜不眠衛寢如馴虎願分俊逸姿庶以鎮衡宇  
穿魚聘街蟬於君諒無取丁寧玉板師委曲致斯語  
妻孥仍有言乞貓宜乞女他時遂生育隣里轉相予

簡查仲明

佛法若大海我生猶蚊虻飲少腹已滿鼓翅作微鳴

自鳴集卷一

十四

查侯飽禪學如說且能行有如遼天鶴豈受網罟嬰  
有身未免俗時時還入城籃輿過茅屋無異同條生  
相見非何事說法俱縱橫妙處固不二其實無所爭  
願君更方便除我疑惑情要如兩圓鏡相照交光明

題王朝英歛驢圖

天寒山路長年荒蹇驢瘦風松適相遭金石方互奏  
是中有佳趣捨鞍聊杖藜童奴難與言得句忘吾饑  
懷遠空暮雲憂時富肉食市朝塵泥人歸歟北山北  
送鄉人宗旨上坐

久客不忘歸相逢喜鄉曲杖藜時過門軟語伴幽獨



翩翩別我去芒鞋踏清秋二浙富山水令人懷昔遊  
我今齒髮衰聞道不加進羨君方妙齡六翻宜自振  
未法日頽弊叢林魔說多願君擇師友金玉須琢磨  
他時重逢迎洗耳聽高論豈惟慰相思亦以警老鈍  
與常不輕奕輸松枝筆一篇

南山蒼髯翁閱世幾千秋終以明白煎晚爲松滋侯  
孫枝後來秀勁直餘風流亦學管城子來從毛穎遊  
故人使江南江北停蹄騎詩贈此歲寒厚意豈賄投  
形貌若黃鶴風度猶清修輕健殊可人不作繞指柔  
我貧得長閑造物因冥搜詩成呼使前脫帽明窗幽

自鳴集卷一

十五

旁無賞音人賴爾能點頭無論及錢神政恐爲爾羞

繡觀音

蜀人多巧思組繡用功深生綉三尺餘成此觀世音  
慈悲歡喜容如出海檀林蓮花隨步武纓絡縵衣襟  
手中楊柳枝時布慈雲陰誓度諸有情能以音聲尋  
山茲善幻力使我生恭欽仰瞻大自在本以一寸針  
眾生與諸佛其實同此心願學聞思修苦海脫浮沉

紫蘇

吾家大江南生長慣卑濕早衰坐辛勤寒氣得相襲  
每愁春夏交兩脚難行立貧窮醫藥少未易辦芝朮

人言常食飲蔬茹不可忽紫蘇品之中功具神農述  
爲湯益廣庭調度宜同橘結子最甘香要待秋霜實  
作腐罌粟然加點須薑蜜由茲頗知味每就睡丁乞  
飄流無定居借屋少容膝何當廣種藝歲晚愈吾疾

答權幹用命字韻見惠

峩峩儒衣冠所貴知義命大道若坦途狂夫蹈邪徑  
惟君異流俗學古師往聖窮居飲一瓢輕視車千乘  
粹然白玉溫卓爾青松勁風流入蓮幕忠恕自天性  
愛賢易好色避利如深穽時邀野人語亦說禪家病  
不辭王事勞益知仁者靜兼旬當閩別強飯遵時令

自鳴集卷一

十六

邊城霜露寒淮鄉道里寬事物多感懷篇章應萬興

連屋

十年誦公詩正自識孫楚一日從公遊如入圖書府  
登門跡已熟入室心相予及觀連屋處益知用意苦  
巖巖中書君正色元祐年文章照今古神物護簡編  
盛德宜有後諸孫如彼賢鞞鞞常棣華相戒南陔篇

自鳴集卷一

宋 章甫 撰

驄馬

門前驄馬無人騎北風落日長聲嘶細看毛骨獨殊  
眾或言來自流沙西伏櫪忍遭奴隸辱立仗難貪五  
品粟將軍邊塞敢橫行願同生死俱馳逐

次韓中父送行韻

素琴橫牀巾澆酒千載斯人吾尚友祇今與世已相  
違再見喜君真耐久笑我生緣良易足畚田新燒屋  
新築飯牛政自不須歌失馬焉知未爲福百里未容

自鳴集卷二

豫章叢書

君疾驅朝廷用才當不拘他年得意輦轂下莫忘詩  
篇寄田舍

送王純仲

客裏因依三日語爽氣津津見眉宇自云縱酒少年  
場拋擲黃金如糞土倏焉四十髮斑斑手板青衫才  
一官江湖陳迹不復夢食貧月俸仍酸寒別去不勞  
重歎息富貴有時君努力青春難再却堪憐恨不相  
逢十載前

別陸務觀

江南江北雖一水欲濟無由若千里那知奔走避邊

塵邂逅西津見君子一飯三間同野僧花前把酒看  
張燈醉吟落紙筆不停留客夜闌雙眼青才氣如公  
端有幾半刺江城聊復爾新年華省用名郎謂韓巢無咎  
征公合聯翩起人生相知貴知心道同何必問升沉  
客袂此時成暫別詩盟他日會重尋

采石

江行十日風打頭采石江邊還小留龍宮煌煌俯湍  
流樞衣再拜祈神麻出門逕作蕭寺遊危亭縹緲臨  
金牛江南江北蒼烟收日落未落雙蛾愁尙書麗句  
世罕儔惜哉度曲無歌喉折梅置酒齋堂幽黃冠不

自鳴集卷二

二

飲空夷猶野僧舉觴橫青眸更得大斗償香羞興闌  
山下却登舟使君愛客方綢繆夜深杖藜弔荒邱列  
炬照野經厓溝居人竊視聲伊嚶好事從來無與伴  
促坐款語相答酬傷今懷古風颼颼泊渚高吟聊寫  
憂然犀照怪知何求醉狂夜披紫綺裘騎鯨入海窮  
冥搜聖賢寂寞江悠悠人在天地真蜉蝣况我此身  
如贅疣從公行善臭味投有酒如川容拍浮但願早  
登黃鶴樓痛飲浩歌更勸酬一弔彌衡鸚鵡洲答酬當作

訓答

益睡



主人頽然腰十圍一官會計同遊嬉開軒環坐只圍  
尺錦囊富有驚人詩邇來萬事不挂口世情盡付鼻  
中吼便腹無妨弟子嘲着鞭未落少陵後紛紛逐臭  
皆羣兒我正黑甜曾未知雞蟲得失何足較是身且  
臥黃琉璃博山生雲香斷續當午清風度修竹叫前  
更立雁鶯行童奴揺手眠方熟夢中了了欲何鄉寧  
復遠遠樹樹忙寒泉洗耳石礪齒主人家住廬山傍  
他時但取青蓮舊歸作春秋同社友北窗槃礴上羲  
皇秫田多種釀壺酒奉太夫人千百年兄弟對牀聽  
雨眠

自鳴集卷二

三

送楊德雋赴漕司試

木食草衣吾計決三釜養親君不闕胡爲亦趁槐花  
忙不共中秋醉明月君言時世炫虛名才見頭銜分  
重輕一第如君當俯拾卜鄰他日莫寒盟

寄題郭侯至喜堂

岷江西來會眾水峽東奔湍吁可畏長年三老更相  
賀舟到夷陵若平地寧知市朝車馬塵仕路風波尤  
畏人急流往往捷有神豔瀕瞿唐何足云祇今四海  
滔滔是未省幾人知此理君侯不與世沉浮家有新  
堂名至喜武昌重鎮居上游雲屯禁旅皆貔貅君侯

智略誰與儔天子久寬西顧憂令嚴將士無驕色玉  
帳晝閒人語寂中齋一榻淨無塵自炷爐香讀周易  
有時領客尊酒同雅歌投壺雙頰紅門前官柳搖春  
風想應目送天邊鴻狐兔中原須盡掃功成身退天  
之道角巾歸路颺輕舟童僕懽迎人未老

種基祖蔡仲逸孫祖顯一時宦遊荊州官閒無

事五日一宴集使僕持鉢其間念既飽食不

可無語

君不聞藺孝廉日飯二十家一朝拂袖去京國追之  
不可空咨嗟又不聞賓頭盧應供四天下神通妙用

自鳴集卷二

四

固非難中有巍然不動者今年有客來荊州半世生  
涯一敝裘仙風道骨媿二士諸公亦許相追遊邇來  
傳食初無問醉飽無勞主人勸絕勝詩人杜拾遺所  
歷諸家纔一飯

芍藥呈韓丈

妖氛深蔽洛陽縣我生不識姚花面揚州風物舊曾  
遊佳種年深亦多變去冬淮上起邊塵不謂見花當  
此辰眼明忽憶往時事世間尤物能移人公詩寄興  
多高遠早悟色空香不染飽聞嘗醉洛陽春試比姚  
花定褒貶

韓使君分送詩藥索詩因憶舊遊

憶向西津棹酒船維揚去結看花綠杖藜到處花輒  
好天紅豔紫相留連散盡黃金攜酒友夜乘明月還  
京口中流擊楫來悲風天濶參橫移北斗俯仰光陰  
恰十春二十四橋經戰塵眼明忽見揚州種衰病無  
因賈餘勇

寄題極星亭 並序

大庾三年少陵先生下瞿唐適江陵晚泊松  
滋江亭賦詩卒章有今宵南極外甘作老人  
星之語杜詩紗帽隨鷗鳥扁舟繫此亭江湖  
深更自松竹遠還青一柱全應近高

自鳴集卷二

五

唐莫再經今宵南極興癸未代都王履方客  
極外甘作老人星

食是邑以書問亭之名於番陽章甫請榜之

曰極星并作古風寄題亭上

杜陵白首尚書郎三見瀼西春草長忽思蒼梧叫虞  
舜翩然短棹下瞿塘晚泊江亭生暝色野服出船鳥  
帽側南極一星落江湖戰塵蔽天兵未息閩閩惡少  
印纍纍不夢周孔嗟吾衰機心去盡魚鳥狎在處詩  
篇神護持四百年間一彈指當時松竹今餘幾南望  
水魂不可招波翻落日愁雲起

寄趙鄂州

田家禾黍方登場枯桑索索天雨霜黃花籬落尙可  
醉今我不樂思武昌武昌使君半年別前日書來慰  
愁絕相思爲我作西亭徙倚闌干只明月大材開府  
何優游政聲日隨江水流賜金增秩未爲寵咫尺丹  
詔催歸轉燈前春雨同揮翰南風吹船着淮岸雲間  
過雁喚愁生短褐飯牛歌夜半

以王通一所畫小舟橫截春江圖爲韓無咎壽

江上春風花滿樹春水才平舊痕處何人笑傲一扁  
舟橫截千波萬波去王郎有句藏毫端寫出生絹半  
幅間明窗供我時展玩彷彿羅帶縈烟鬟緘題請壽

自鳴集卷二

六

黃華使如公福祿川方至吾君願治正思賢舟楫期

公濟大川

簡張安國

南北東西厭問津四海忘形今幾人惟公名譽一世  
重雖不吾與吾當親氣吞雲夢并餘子深厚文章六  
經似昂霄聳壑正當時發策決科餘事耳上方憂顧  
大江東虎踞龍盤氣象雄却袖玉堂揮翰手來成方  
面保釐功西風澹日邊雲碧歲晚軍情猶未得不應  
矯首送飛鴻想得攢眉正憂國雅聞一諾值千金推  
挽尤多樂善心坐上能容野人否試聽客裏短長吟



張使君以畫屏求題

西湖景物天與齊歲晚春風常採支水邊竹外更幽  
絕一夜花開南北枝何處飛來兩灘鵝影碎晴波蕩  
春碧荷蓋凋零荇帶寒徘徊如與花相識短屏畫手  
豈無心待公歸赴西湖春年年春色花照席應念揮  
毫老賓客

臨江何氏結亭松間名曰彈秋因王通一來乞

詩

萬籟從風俱發聲唯松得之尤善鳴五聲不亂無虧  
成藤橫三尺秋月明君家江南一茆屋直幹森森伴

自鳴集卷二

七

幽獨人言絲竹不如肉曲肱聽度無絃曲故山偃蓋  
未十圍猿驚鶴怨吾當歸聊憑東風寄君詩風鳴松  
鳴吾不知

送李文授還越上

舊歲見君殊草草懷抱今來各傾倒新涼正好數相  
辱束裝却向山陰道千巖萬壑秋更奇候門兒女望  
君歸扁舟此去來何時莫待梅花開北枝故人問我  
憑君說滿目窮愁生事拙秋禾未得補饑瘡萬一飛  
蝗作檀越

簡熊帥景瞻

槐柳陰中數間屋麤飯濁醪羹朶菊過門問字久無

人只有圖書伴幽獨剝啄是誰來叩肩手持扎翰趨  
吾庭風采九州安撫使得得遣騎相招迎我願識公  
從宿昔貴賤殊途那易得親染雲箋賁草廬驚喜盈  
懷仍歎息折節下士古所稀豈意於公今見之况公  
位貌已崇重英聲凜凜威羌夷滿堂賓客皆豪傑從  
容何止談風月野人自視殊缺然或可為詩紀勲業

早涼

江頭雨過涼風早落葉紛紛費人掃鈎簾日暮無所  
為把酒悠然送歸鳥佳人可望不可親草根唧唧秋

自鳴集卷二

八

蟲吟家本江南客江北鬚髮新添數莖白

次沈商卿見懷韻

歌喉宛轉變鳴禽載酒會同花下吟寒潮不應宿漁  
浦挑燈還憶夜深語十載故人誰似君便擬卜隣桑  
柘村青錢未辦歸期遠滿目春山空秀婉有酒何須  
身後名高山未必如徒行朝看桃杏發紅萼晚來風  
雨嗟零落尋幽選勝不應遲百歲光陰能幾時問君  
何日憩奔走忍令春色成烏有

寄淮東總領許叔庸

太平寺裏留詩別江北江南幾秋月那知未嘗侍臣

冠坐總軍儲持使節平生一飯不忘君蟠胸萬卷皆  
經綸聞說別來頭更白憂國祇今能幾人憶昨同傾  
京口酒笑我凋零已蒲柳曉驅黃犢破荒烟留眼看  
公印如斗短篇自昔蒙品題老矣無復能新奇樂府  
流傳妙天下小晉鈔寄定何時

移家謝趙再可

病眼不禁黃土眯塵纓屢費滄浪水曉窗笑語鏡中  
人但可置之岩穴裏縣官有田容我耕收身已是太  
遲生醉眠牛背自安穩山鳥慣聽哦詩聲經營小築  
幽深處借車歡喜移家去非公誰寄草堂資知我舊

自鳴集卷二

九

諸茆屋趣此心此地俱寬閒從渠曠野多風寒燈前  
兒女話團樂廣厦期公千萬間

謝張倅惠茶

病軀倦甚不舉酒便腹枵然尤愛茶淮鄉久住已成  
俗客至亦復研芝麻稱重緇隱還入手知公與我詩  
情厚解無俗駕叩柴關急遣僧坊借茶臼易足堂中  
晝倍長一杯涼餅補饑腸世間萬事不挂口齒頰盡  
日留甘香青奴可憐姑少却睡魔退舍詩魔作詩成  
吟罷來清風秋意拂拂生梧桐

謝韓無咎寄新茶

武夷仙翁冰雪顏建寧府中春晝閒揮毫醉寫烏絲  
欄新茗續煎扶玉山應念窮愁坐空谷頭白眼眇書  
懶讀殷勤題裏寄春風澆我從來藜藿腹別公宛陵  
今五春渴心何啻生埃塵平生不識七閩路夢魂欲  
往山無數

簡李牧之

落日還家脚面壁剝啄誰來破幽寂語音相似桑梓  
同風骨軒然雙頰紅壘壘清談霏玉屑多說東湖與  
霜傑江西故老已凋零聽君論詩猶典型君今人占  
宣城籍我是江湖未歸客客愁時事兩茫然一醉邀

自鳴集卷二

十

君君莫惜

張君明昆仲袖唱和詩見過

村東主客羣飛鴻月明霜重聲摩空村西老人如瘦  
馬伏櫪倦嘶西北風村東村西無百步杖履相尋還  
有數兒啼妻病不出門羞見梅花無好句雪晴日出  
天無埃故人躡屣聯廟來明珠白璧滿襟袖使我一  
見雙眸開文章雖云一小技妙處非難亦非易染絲  
織錦未足工點鐵成金始爲貴我窮半世坐吟詩詩  
成不救寒與饑亦知造物厭嘲弄有手只堪持酒卮  
願君少吟詩幾首請君多辦百壺酒但得新詩勝舊



年爲君醉倒春風前

元川見過誦詩劇談因成古風以戒戲惱兼簡

若晦唐卿

有口只可飲醕酒世事令人三日嘔有耳只可對詩  
翁俗語令人三日聾平生嗜酒耽佳句此外自知無  
用處東風吹我墮江邊歲晚知音罕相遇誅茅蓋頭  
無少閒數日不到諸君間塵土眯眼鬚鬢斑誰賦淮  
南大小山怪底晴簷靈鶴巢籃輿相尋談絕倒恨君  
無乃酒量窄愛君豈獨詩格老開尊喚客知何時坐  
上可無俞與韋更長不怕杯行遲願見春風楊柳枝

白鳴集卷二

十一

用前韻贈高持一

全身當作冥飛鴻無心要似雲行空逢人未用青白  
眼與世不妨牛馬風暇日出門聊散步雪晴愛此山  
無數骨寒那得使鬼錢腸枯漫索驚人句邇來筆硯  
欲生埃舊雨來人今不來百歲光陰能幾許一春懷  
抱未曾開古人元不貴多技大道由來常簡易隨時  
之義復何憂知我者希方足貴華陽道士亦能詩不  
覺冷霞坐忍饑高山流水琴三弄明月清風酒一卮  
相思不見頻搔首幾欲招呼無斗酒從今與子遂忘  
年有懷欲語子來前

次呂伯恭見寄韻

魯鈍不知錐處囊嗜好鑿圓投柘方鏡中鬚髮今蒼  
浪多病年來疏酒腸山林舊約都茫茫局促何由心  
臆張半生恍墮水中央疾呼四顧無舟航客舍雨餘  
梅杏黃憶君著書看屋梁緘題到手伸讀忙亦知別  
後遙相望我猶駑馬遭絆韉君若鷹鷂之老蒼見義  
勇往柔而剛君不求名名自彰行須正色肅鶴行不  
容燕雀高飛翔辱詩敢忘什襲藏報章勉率聊寄將  
廣厦他時客幾房種成桃李滿江鄉忍使故人趨道  
傍

白鳴集卷二

十二

濡須道中

今年淮西旱城市無米糶所至蕭條童僕饑手持楮  
幣無人要行不擇日糧不齎恨身不生太平時還家  
從頭語兒輩山中寂寞猶可耐

白露行

今歲淮南雨仍缺官府祈求已踰月城中又復閉南  
門移市向北人紛紛州前結壇聚巫覡頭冠神衣競  
跳擲縛草爲籠置壇側童子繞壇呼蜥蜴簫鼓迎神  
來不來早風終日吹黃埃寧知白露只數日稻苗焦  
枯恐不及

送王道士

華陽洞天昔曾遊華陽道士今相訪江頭倦客老更  
拙山中故人喜無恙晴沙喚渡何匆匆鴻飛冥冥天  
北風他日希虛如語我憑君一一謝諸公



自鳴集卷三

督祖顯和章

宋 章甫 撰

孫侯二尺短檠前何翅頌詩三百篇金鑿玉堂未歸  
去聊結江湖山水緣官閑不復弄朱墨勝日過門無  
惡客春風快馬紫遊韁花底黃鸝盡相識酒酬談辯  
翻波瀾得句全勝得好官我亦從來有詩癖撚髭一  
字吟難安不知辛苦竟何益聞道何妨死今夕他年  
儻使無知音盈編不作一錢直日來頗怪詩筒遲恐  
君豫辨磨厓詩中原窟穴尚狐兔未應便草閒居賦

自鳴集卷三

豫章叢書

放歌招孫祖訓俞國寶飲

兒時望春春不來春衣隔年催剪裁平明出遊薄暮  
回惟恐雲氣興風雷豈知樂極還悲哀十年黃塵洗  
青鞋管領鶯花已無意感時念舊足傷懷去年寒食  
丹徒縣家寄毗陵不相見今年寒食江陵府妻子相  
看淚如雨迂儒憂國更憂家枉殺清明不見花無端  
柳絮攪愁思一徑漫漫春日斜主人知我坐憔悴故  
遣斗酒來相慰呼妻安穩置牀頭箇是家貧一祥瑞  
牀頭三日未開嘗耿耿憂心自如醉朝來忽覺體中  
佳吻角流涎已難制細君平日但濡唇瓦盆對酌可

無人招朋一飯舒清興要須脫畧任天真高郵孫夫  
子相逢不作扇上語臨川俞先生客裏傷春作詩苦  
二公問學該今古曾吞雲夢輕阿堵我酒雖不多酒  
行詩可歌杖藜乘興速來過不來吟醉奈春何

聞鶉鳴

陰雲欲暗江頭樹屋角先聞鶉鳴語瀟瀟漸作打窗  
聲誰道巢居不知雨雨晴喚婦卻同飛須知此物心  
無機豈比人間情義變銜冤誓死不相見

題九歌圖

大夫放逐沅湘濱嘗作九歌祠鬼神鬼神幽遠不可

自鳴集卷三

二

見有酒芬芳猶福人食菊佩蘭君不識從彼讒人爲  
鬼蜮楚江嗚咽楚雲愁坐對此圖三歎息

題郭無邪九華圖

雲錦僊翁人不識多生九華茹芝客少年登覽妙形  
容三十七峯俱改色手提高士淡墨圖烟雲到處隨  
卷舒珠璣袞袞入題詠縑素往往爭臨摹雪潭四時  
濺飛雪歎我幻軀方病渴何山得共山中人腳踏寒  
流弄明月

王夢得捕蝗二首

相逢每歎俱飄流尊酒作意同新秋蝗蟲日來復滿

府府帖夜下還呼舟江天尚黑客騎馬草露未晞人  
牧牛路長遙想兀殘夢家在風烟蘭杜洲

江頭曉日方瞳瞳僕夫喘汗天無風茅簷汲井洗塵  
土野寺煮餅燒油蒸平生憂國寸心亦在處哦詩雙  
鬢蓬村民喜識長官面樹陰可坐毋匆匆

分蝗食

田園政爾無多子連歲早荒饑欲死今年何幸風雨  
時豈意蝗蟲乃如此麥秋飛從淮北過遺子滿野何  
其多撲滅焚瘞能幾何羽翼已長如飛蛾天公生爾  
爲民害爾如不食焉逃罪老夫寒餓悲惱纏分而食

自鳴集卷三

三

之天或憐

憫農

前村後村水車聲咿咿軋軋終夜鳴皇天不雨四十  
日高田何止龜兆出田家眼穿望早禾早禾不熟奈  
饑何今年神祠禱不應沽酒買牛空費多天公高居  
民父母有耳應聞下民語乞我滂沱半朝雨免遭縣  
吏鞭笞苦

田家苦

何處行商因問路歇肩聽說田家苦今年麥熟勝去  
年賤價還人如糞土五月將次盡早秧都未移雨師

懶病藏不出家家灼火鑽烏龜前朝夏至還上廟着  
衫與酒乞杯玳許我曾爲五日期待得秋成敢忘報  
陰陽水旱由天公憂雨憂風愁殺農商苦樂元不  
同淮南不熟販江東

送茶與人

雲氣昏昏釀秋雨歲月驚心遽如許潮生晚浦足風  
波頗憶青燈夜深語贈君江南春露芽恐君誦詩眼  
生花一杯靜對沉烟斜世事從渠如亂麻

早雪

賤夫流落來淮海兩紀悠然忘凍餒烏薪白粲不論

自鳴集卷三

四

錢近歲山林禁樵采去年差官打炭畚淮民畏事誰  
敢燒官軍巡山得心力草木欣欣有顏色九月未霜  
雲漫漫雪花爭先飛作團凍坐孤吟還自寬邊頭牽  
挽人夫寒

雪中張仲庠惠十詩老懶不能追逐戲答古風

兼簡陳伯茂

愛君詩妙韻偏奇快如天馬不容羈惜君有錢不沽  
酒盡日苦吟難療飢我生真成錯料事陳子生涯畧  
相似敢持短兵與君接笑我老來長退怯空山一夜  
雪盈階軒窗晃耀如瑤臺尊中尚喜有餘綠紅潮兩



頰心悠哉安得萬里江變作葡萄醅笑呼姮娥共起  
舞夜闌更酌北斗杯一醉三千年從教海水揚塵埃  
妻孥笑我言此樂恐未諧典衣且復沽茅柴淮南有  
薄田與汝歸去來願身長健眉長開好插梅花醉幾  
回

春日呈韓丈

陽烏陰兔爭馳騁人世光陰剎那頃玉槃生菜亂青  
絲三歲公家喫春餅前年班春池陽城民物熙熙簫  
鼓聲去年轉粟巡邊微聖朝初下講和語祇今塞下  
不傳烽野梅官柳競春風相從且作無事飲莫辭節

白鳴集卷三

五

物來匆匆明年上國春應早棠棣陰中詩更好詩成  
但遣阿買書郵筒寄我江南道

劉祿鄉送筇

俗子貪錢如食蜜幽人愛竹如種玉君家大隱城一  
隅萬箇深園數間屋陽春不住長兒孫犢角貓頭還  
滿目却恐繁陰礙風月童奴時取供肴菽朝來想挂  
北窗坐應念先生食無肉故遣此君來起予爛斑嫩  
籜森盈束先生饑腸非雷吼米糝鹽醯羹杞菊急呼  
瀾釜然枯薪殷勤留客晨炊熟不羨侯家五鼎烹得  
此一飽萬事足客去關門聽雨眠枕上詩成翻水速

清明病中遣酒問訊史投夫

一榻蕭然唯坐臥風雨欺人打窗破數片飛花何處  
來寒食清明病中過疏狂聞憶少年時問柳尋花夜  
不歸春衣一任酒狼籍玉山自有人扶持日月變遷  
衰相現世途迫隘令人勸耳冷那聞白雪歌眼寒不  
識春風面懷君著書坐僧坊呼兒與撥浮蛆香往澆  
萬卷文字賜莫學病夫多感傷

惜花

前朝西風不肯住紅雨氍毹落深樹昨日東風更放  
顛香雪紛紛飄滿園四時催人頭髮白薄相春風亦

白鳴集卷三

六

欺客漸覺繁枝過眼空歷歷黃花亂疏麥野店沽酒  
酸如齏先生不飲春將歸屋頭向晚雨聲急自炷鑪  
香坐盤膝

盱眙館中題雲山圖

北風三日吹黃土長淮浪高少人渡客愁正坐小窗  
間眼明見此江南山好山連娟螺髻白雲無心終  
日閒野橋淨水流彎環旁有幽人晝掩關道路只今  
多險難林泉有約吾當還黃精可駐冰雪顏時時令  
人雙鬢斑

葉子逸以惠山泉瀾日鑄新茶餉子與常鄭卿

惠山甘泉苦不冷日鑄茶香方是真廣文喚客作妙  
供石銚風鑪皆手親神清便欲排閭闔且了吾人淡  
生活瓶芽分送已無餘杯水尙容消午渴

戲簡樂長卿

長卿談兵氣飄揚半生漫趁槐花忙塵埃綠綺誰拂  
拭雞羣野鶴空昂藏何必明經取青紫請君囊書獻  
天子中原猶未息兵戈萬里橫行丈夫事愜夫林守  
衡門裏初無長鬚給薪水故舊經年絕尺書烏鵲玩  
人頰送喜欲行萬里囊無錢移牀且對薰風眠兒啼  
妻怒了不問誦詩過午聲琅然

自鳴集卷三

七

雨涼成詩一首簡子逸

坦率每愁遭怒噴閉門直欲全吾真美人娟娟不可  
見薄俗往往難相親夢斷風扉自開闔還喜晚涼生  
意活未能衡雨過蘇端且乞新詩慰飢渴

戲簡李清宇

四十九年真太謬三百六旬長鮮驩人生一夢何足  
較田穀薦饑良獨難酒邊志氣漫豪放眼骨相殊  
酸寒愉與能詩李供奉水旱不憂吾有官

送張安國

前日見公如桂林梅黃風雨天多陰今年見公長沙

去草綠江湖春水深借問長沙多少路盡是前年會  
到處如公正合在朝廷胸中素蘊經綸具吾君一視  
而同仁月欲煩公蘇遠人親朋漫作別離惡王事敢  
辭行役頻嗟予潦倒百無用客食淮南兩相送青山  
可買坐無錢日長只作還鄉夢九重早晚催賜環了  
却功名歸故山屋頭乞我茆三間布襪青鞋相伴閒

題趙純甫渭川千畝圖

君家天姥山前居未辦種竹先作圖不惟要與千戶  
等亦念豈可一日無勁節虛心聽霜露細香靜色宜  
風雨玉版禪師得飽參翠袖佳人定何許津津喜氣

自鳴集卷三

八

見眉間可無嵇阮相往還俗客儻來君掩關

題張希顏筠坡圖

緣坡種竹自成趣籃輿造門今有誰張侯好事果絕  
俗因人隔江來覓詩披圖謾面恨不早更愛諸公妙  
詞藻繁霜密雪得天全明月清風爲君好易足堂前  
方欲栽摩挲短軸心眼開忽思江南讀書處碧玉如  
椽歸去來

颺稻行

屋頭場地如鏡光未曉相呼來破場今年慙愧好天  
色颺稻得風尤省力分時往往只論筭主客四六無



偏頗高低十分早晚禾就中誰家收最多妻兒春糲  
試新麴隣舍茅柴相接續醉來起舞自頽足官無差  
科卽爲福

題長蘆方丈

笑別靈岩日當午籃輿輒輒轉江浦眼明初入菩提  
場一燈傳自西來祖老禪留客苦殷勤汲泉煮茗添  
鑪薰空江向晚無人度明月滿天秋正分

中秋次韻

秋浦堂中有清集久客思鄉淚痕濕連天客裏作中  
秋今歲還家又無及山中茅屋冷如水應念征塵何

自鳴集卷三

九

日洗邊鴻也解寄歸音旅燕亦能辭故壘滔滔四海  
知音誰公家公子歲寒期殷勤爲我撥新釀煖熱向  
我哦好詩我生志願良自足肯向天涯長碌碌願君  
腰金佩鳴玉從我羹藜飯脫粟秋風舟子兩相催側  
帽長吟歸去來開帆轉柁清溪口還山要趁重陽酒  
諸公過易足爲紅梅一醉醉後率成數語

一冬雪與寒俱少膏澤春來頗傾倒畏寒病懶不出  
門未覺心情被春惱花木今年種種遲眼明始見紅  
梅枝容華頗稱俗于意風骨獨有詩人知人生百年  
誰滿百去日漸多來日窄衰顏已減舊年紅短髮明

年應更白甕頭有酒不用沽肴較得隨家有無主人  
頽然客亦走明朝無事重來否

呈謝仲連

一葦江頭風雨寒邂逅三日同清驩諸塵不染眼自  
碧萬事隨緣心已安雨晴歸路馬蹄疾問君呼船定  
何日杖藜過我城南偏遊戲世間文字禪

從賈倅乞貓

渚宮茅屋住經年牆壁苦遭羣鼠穿旋乞狸奴名去  
惡中宵客枕得安眠攜之俱東泛江水壓飢魚腥二  
千里半途忽作楚人弓兒女憐渠今未已昨宵聞說

自鳴集卷三

十

二車家花壘五子俱可誇此詩雖拙勝鹽茶不問白  
黑灰狸花

書黃叔虎傳神卷

鶴骨何清臞腹空惟貯書山林日月長掉頭賦歸歟  
松竹歲寒金石友身後虛名眼前酒與世相違豈盡  
然江湖猶有丹青手

與北山長老

數間破屋城南街坐臥一榻心如灰現身幻化本無  
住疾病間渠何自來刺喙誰歟破幽寂道人定起北  
山北齒水骨玉兩高寒禪病詩魔俱辟易我勸欲眠

君且歸籃輿入郭知何時貧家客來無準擬爲君時  
供雞蘇水

法剛化士幹蔣山藏經乞語

鍾山夜半發奇怪火光熾然脫三昧法筵龍象不須  
驚寶公留得眉毛在食輪纔轉法輪隨樓臺金碧還  
相輝大千經卷何處覓剛禪藏在僧伽葉如來言語  
皆真實別有真經名第一瓊函寶藏不能收若遇知  
音請拈出

題張季子妄菴

世間種種無非妄云何以妄爲庵榜君欲捨妄却求

自鳴集卷三

十一

真展轉思維增妄想卽妄卽真君勿疑真妄俱忘也  
大奇笑我猖狂今老矣因君聊復妄言之



自鳴集卷四

宋 章甫 撰

次韓無咎途中寄陸務觀

風高微退鵝雲好合從龍蕭艾長貪雨松筠却耐冬  
禁途今不遠歸興未應濃莫羨朱雙轂相期祿萬鍾  
戎馬馳驅日江湖邂逅間笑談無逆旅翰墨落名山  
畫省春風入漁舟夜月還唱酬能見記書札忍令慳  
寒梅欺雪白臘酒愛鵝黃花下觥籌亂燈前錦繡香  
醉吟揮字大愁別聽更長近報蛾眉好何時奉一觴  
畫水渾無事昏歸只掩門甘貧同陋巷多病似文園

自鳴集卷四

豫章叢書

對月人千里論文酒一尊遠懷霄漢路愁絕虎狼村  
園筍看成竹庭榴已著花老來猶是客歸去亦無家  
萬事大槐國一身焦穀芽心閒聊默坐紅日下天涯

即日

苦憶花吹盡生嫌草長齊鷺啼春色暮客散日還西  
孺子抱書卷童奴理菜畦怒雷將急雨一夜水平隄  
吟苦知音少棋低敵手多故人亡恙不薄酒奈愁何  
未暇兔三窟聊同鷗一波傳聞江北路人應力田科  
醉裏三春了山中五載留日長知己夏雨冷忽如秋  
書負監河粟箱存季子裘曲肱朝睡美身外付悠悠

春盡

畫水花陰直風輕麥浪勻僧歸還逼夏鶯語欲留春  
鬢髮垂垂老親朋往往貧地偏人事少聊以寄吾真  
獨登南樓兼懷嚴聖幾俞若晦

瓜茗難逃暑蚊蠅正作秋勞生一念錯晚境萬緣休  
筆老無新語囊空有傲裘閒攜瘦藤杖獨上郡南樓  
城外江山好樓前市井喧登高明遠目直北望中原  
濟世原無策傷心不忍言唯餘憂國淚還共水潺湲  
畫景微微斂陰雲稍稍低炎涼催旅燕風雨聽鳴雞  
獨立江樓上相思浙水西詩情仍酒伴何日手重攜

自鳴集卷四

二

夜坐

枕簟遲遲睡軒窗一一開市收人語寂江迥水風來  
熠耀明衣袂婢娟到酒杯新涼兒女健促織已相催

喜涼

暑氣今全減人心始少蘇客愁生海燕秋意入庭梧  
歲月真虛擲詩書只自娛荆山誰獻玉齊國正吹竽

又

老去孤黃嬾愁來賴麴生客居宜落窳寒事費經營  
歲稔銀聲急夜長燈影明深懷不成寐四壁候蟲鳴

宿靈巖

吳縣經年客靈巖一夕留涼風吹薄暮明月照中秋  
閱世身將老尋山興未休還驅羸馬去訪古大江頭  
不寐

不眠知夜永危坐起憂端木葉紛猶落篝燈炯未殘  
年華今晚晚邊城且平安以我衣裳冷遙憐弟妹寒

聞鴉

柳暗啼春處庭空反哺時鳴聲元自樂世俗亦多疑  
凶吉何須問雌雄未易知寧棲丈人屋莫借上林枝

除草

惡草溷嘉蔬涼風獨荷鋤薶耘非敢後滋蔓恐難除

自鳴集卷四

三

女大知艱食兒癡亦廢書歸來一長歎不是厭山居

春日村居

築圃木成趣栽桃纔試花年饑兒強飯春困婦煎茶  
爲客空遲暮逢人只歎嗟上天新號令雷雨起龍蛇  
村迥客來少山寒春到遲修塘留野水插槿補疏籬  
旁舍間相過幽人舊有期出門看遠燒拄杖立多時  
冬暖惟憂麥春寒却勒花地偏宜鳥雀江遠少魚鰕  
驚犬時時吠歸鴻字字斜故園芳草色遊子亦思家  
浦樹微微改溪流稍稍深春來差少病歲後苦多陰  
隴畝三年夢親朋萬里心感時仍念舊老淚欲沾襟

土室宜冬夏柴門玩歲時不嫌貧作崇直恐老相欺  
草茁牛羊壯山空虎豹饑天晴好挑菜吾亦伴兒嬉

新涼

白帝揚鑣後炎官退舍初江山驚客恨風月到吾廬  
黃嬭宜相就青奴稍見疏寄聲蓮社友秋興復何如

同湯叔度兄弟賦秋聲

古木斜陽暮寒江澹月秋蕭瑟初滿耳蟋蟀最關愁  
茅屋疑鳴雨雲溪想枕流幾回連別恨爲我過西州

送潘致虛之湖南

久客兒童狎窮居草木長蛙聲猶鼓吹燕子亦炎涼

自鳴集卷四

四

度日工詩律傷時酒淚行輪君載明月先我過瀟湘

卽事

暑雨何時了江雲不肯開窮途惟有死薄俗動相猜  
怪事供詩卷閒愁付酒杯欲從湖海去安得小舟來  
俯仰憐身世飄零玩歲時道途多異說客子有新詩  
日落乾坤慘風生草木悲高樓空北望清淚不勝垂  
天意誠難測人言果有不使令江海竭未厭虎狼求  
獨下傷時淚誰陳活國謀君王自神武況乃富貔貅  
門靜悠悠日春遊淡淡天風塵殊未已形影自相憐  
有客還詩債無人與酒錢感時歌慷慨憂國淚潺湲



風急收殘雨花輕點客衣江山爭秀發燕雁不同飛  
異縣交遊少中原信息稀王師戰甚苦方解蔡州圍  
弟妹今安在飄零各賤貧詩成難寄遠目斷更傷神  
風俗殊方異交情白首新辛勤營一飽媿此百年身  
探報無虛日淮東有捷音周王方薄伐漢策未成擒  
四海當多事羣公在一心祖宗功業盛德澤結民深  
兩淮仍蜀道敵騎再侵尋不戒兵猶火唯誇旅若林  
皇圖終復古天意亦難諶咨爾無貪殺須思後患深  
敵騎仍深入城邊即棄捐休兵雖上乘講信竟虛傳  
人事今如此天心恐未然忍令唇齒地重此被顛連

自鳴集卷四

五

初失清河口駭駭遂逼人餘生偷歲月無處避風塵  
精銳看諸將謀謨仰大臣懷夫憂國淚欲忍已沾巾

江北

江北多戎馬江南有戰船艱難吾欲老輾轉夜無眠  
歸去須三逕飄零又一年鄰舟聽客語愁絕晚來天

山行

江行風浪惡石路僕夫勞一水幾回度亂山無數高  
村醪清似鏡早稻細如毛愁聽田家語令人首屢搔

松滋縣作

月近中秋白雲隨落日橫途窮請客味歲晚見交情

念舊傷存沒憂時尙戰爭西風催起花鷗鷺莫寒盟

十二月朔巢縣道中

瘦馬從搖兀行裝更寂寥老來寧浪出此去有佳招  
歲暮風霜苦山長館舍遙兒曹應念我今日是生朝  
次守倅元日唱酬韻

別駕篇章敏黃堂句法新宜民多受福把筆競題春  
拖玉丹墀曉鳴珂紫陌塵退朝如有作應亦念茲辰

舟中簡祖顯

計拙生無益時危老可傷江山雙做屣詩酒一空囊  
夜雨蒹蘆破秋風菊逕荒聞隨枕流客蓑笠釣滄浪

自鳴集卷四

六

散髮扁舟上秋江一段清魚肥新入饌鷗狎舊同盟  
浦樹參差出雲山遠近迎君詩妙圖寫不減謝宣城

雨中簡孫文輔

多病愁陰晦長貧恨寂寥一江雲漠漠十日雨瀟瀟  
蛙黽誇秋水魚蝦趁晚潮新來疏酒盞頗覺負清宵  
馬瘦憑誰相龜靈故白焦世途何偪仄物性各逍遙  
君老嗟黃綬吾衰感黑貂雨寒無病惱酒熟即招邀  
寂寂諸緣省縣縣一氣存心情親藥裏口味減盤殮  
龐蘊無生話維摩不二門秋聲搖萬壑落葉會歸根

贈李君玉

奔走空塵土歸來日暝時  
喜迎蓮社客細說錦囊詩  
短世相逢晚高樓欲下遲  
坐中無賀監誰與解金龜  
老大何堪客窮愁畧不醒  
髮因閒事白眼爲好山青  
月下南飛鵲風前自照瑩  
倚君如玉樹蒲柳愧雕零

登譙樓

老大心雖懶登臨眼尙明  
水流春後暖樓迥晚來晴  
翔集鳩無數歸飛雁一鳴  
闌干成獨倚愁絕莫雲平

次郝澤民韻

歸雁衝寒去棲鳥向日啼  
山明初過雨沙靜不多泥  
江上梅花細村中酒價低  
無人可同出謀僕理荒畦

自鳴集卷四

七

次通一見詒韻

酒力添春意詩魔惱夜眠  
老來猶惜日客裏又逢年  
送雁寒雲外尋梅野水邊  
無錢供劇飲空枉故人篇

送任政道

蕭寺同時客交情子更深  
有時長共說無事卽相尋  
臨水初分袂因風數寄音  
青雲如得路珍重歲寒心

和沈商卿次前韻

故人邊上去春到未還家  
奔走因王事艱難感歲華  
詩壇推俊逸醉帽恐欹斜  
莫怪書題少新年眼更花  
逢人問行李幾日至東園  
別去將三月書來得五言

166 183

淮山分限域風土異寒暄  
四大知安穩根塵要反源  
王漕舟行邵伯枯河之間  
一花獨秀有詩次韻  
志在冥鴻上舟行白鷺羣  
水花明曉色詩態藹春雲  
獨立興三歎孤斟爲十分  
錦囊曾不惜還遣野人聞

陪王漕右司遊東園

籍甚皇華使詩清思不羣  
建臺多暇日領客總能文  
花好杯重勸茶香手自分  
體寬情爛熳小雨夜深聞  
不到東園久從公喜再遊  
石花移別島新築俯長流  
蕩漾扁舟穩回環一徑幽  
胸中邱壑擅此地得冥搜  
畫永花紅困烟輕草綠齊  
緩行金瑣碎爛醉玉東西

自鳴集卷四

八

棋局觀成敗河魚入品題  
門闌老賓客勝處謝招攜

再用前韻

公合麒麟畫吾今麋鹿羣  
別離頻換歲夢寐昔論文  
寒盡春生後涇清渭濁分  
喜還親几席語妙得時聞  
黃閣清華選湖山爛熳遊  
秋筠同節操春柳似風流  
鬢髮莖莖黑園林事事幽  
天然詩句好初不待窮搜  
紅紫今無幾寒暄尙未齊  
春愁人更瘦午醉日還西  
課僕除新草呼兒檢舊題  
空庭可徐步藜杖故相攜

次王勉夫見招

浪迹踰三紀知音只數公  
拙非今日用愚與古人同

86



賓客雖常滿，筆瓢亦屢空。躬耕逢歲旱，拄杖立西風。  
風月分公宇，圖書靜客堂。交情知爛熳，暇日想徜徉。  
我老嗟筋力，詩成損腎腸。報章慚不敏，秋至足悲傷。

送謝王夢得監稅借示詩卷兼簡王僉

人入江西社，詩參活句禪。槃珠無滯迹，溪月有餘妍。  
不采龐公藥，宜先祖遜鞭。淹留蒞屋底，愁坐算商船。  
歲月最飄忽，文章空怪奇。宦遊君未達，耕種我長饑。  
事往休三歎，春來又幾時。官閒宜把酒，蓮幕最相知。

憶弟妹

新年思弟妹，何處有田園。見面寧無日，傷心不忍言。

自鳴集卷四

九

飄零空歲晚，契濶又春暄。暘斷東來水，滔滔共一源。

憂旱

貧賤甘羈旅，淹留賴薄田。悠悠將送老，比比不逢年。  
旱魃工爲虐，雷公豈易鞭。醉能忘萬事，安得酒如川。

白露

歲旱今如此，天高豈不聞。家家望秋穀，日日有閒雲。  
聖主焦勞甚，羣公獻納勤。老農愁欲死，所禱漫紛紛。  
烈日照平野，狂風吹槁苗。皇天無一雨，白露只明朝。  
世路多艱險，人心恐動搖。愁來唯有酒，聊以永今宵。

薦饑

隴畝還枯旱，鉏犁謾苦辛。饑寒知不免，盜賊恐相因。  
憂國書生志，安民聖主仁。豐凶端有數，天本愛斯民。  
久客身長健，頻年穀不登。天時有差忒，人事亦因仍。  
鵬運溟南北，魚呼水斗升。世途惟論報，誰飯在家僧。

和俞若晦晚步

日落帆歸疾，天寒潮應遲。老蟾還照客，宿鳥未安枝。  
懷抱難忘酒，工夫不到詩。徘徊江上路，此意有誰知。

閏月二日清坐

淮海秋風日，柴荆老病夫。詩因窮處得，愁到酒邊無。  
俗物妨青眼，浮生喜白鬚。繩床供午寢，清夢落江湖。

自鳴集卷四

十

秋閏遲收穫，年衰惜友朋。每懷人似玉，安得酒如澗。  
鵲語何多誕，蟬聲故可憎。茶香新落磨，亦足洗炎蒸。

聞下親征詔志喜

聞下親征詔，軍民喜溢頰。天威方一怒，國步久多艱。  
思古傷心處，清時反掌間。書生苦衰懦，空使鬢毛斑。

秋日

奔走傷形役，艱難感物華。澹烟籠遠樹，小雨濕寒沙。  
喚客尊無酒，撩人菊有華。弟兄書不至，過盡雁行斜。  
故人多鬼錄，久客又驚秋。爲計無三窟，懷歸在一邱。  
雞鳴風雨晦，雁急稻梁謀。憶我山中友，天寒夜飯牛。

清宇移居

懷抱俱牢落相逢得暫開  
有時迷酒去排日送詩來  
撫事空三歎移家又一回  
秋涼安穩住莫負菊花杯

九日壽之見過

老去猶耽酒歸來自撥醅  
絕憐黃菊好仍有故人來  
懷古空三歎授香更一杯  
橫山無十里騎馬未須回

過清宇新居再用開字韻

市遠器塵息窗明老眼開  
句從天外得書自日邊來  
久住當成趣相看不忍回  
涼生初卻扇月出好銜杯  
書帙兒能整柴扉手自開  
夢殘江月上酒醒竹風來

自鳴集卷四

十一

舊集秋重枝微吟日幾回  
初無俗客飯當有故人杯

送孟希道

異縣交遊少隣牆歲月深  
有蔬長共醉風雨亦相尋  
去路逾千里離筵惜寸陰  
功名君努力衰病我何心

寄茶菴主

問訊茶菴主庵中事苦何  
得詩堪供佛學道想無魔  
關塞兵戈定江湖歲月多  
他年向蓮社藜杖飽經過

秋興

宿昔驅蠅手今還把蟹螯  
家愁難止酒天氣近登高  
歲月形容改鄉關夢寐勞  
小窗無語對風葉暮蕭蕭

答仲韓醉中見和

外事添蛇足餘生嚼蠅螬  
林頭新酒熟江上遠山高  
紀詠能偷暇登臨莫憚勞  
獨醒誠可笑辛苦賦離騷

春日山居

流轉情何限艱難老見侵  
兒啼妨午睡花落攪春心  
得句從誰說開尊祇自斟  
移家近城市湖水幾時深  
客舍逢迎少村居道路迷  
雨晴知虎過烟暝有鴉啼  
輕薄看諸子辛勤愧老妻  
人生真寄耳巢燕亦添泥  
村陋渾成俗雲山要可人  
短牆雞唱午芳樹鳥啼春  
地僻愁仍少身閒懶更真  
扁舟因送客重到大江濱

自鳴集卷四

十二

登樓

室陋才容膝樓高適與隣  
清秋宜眺遠瘦策故來頻  
鳥雀寧知我江山不厭人  
哦詩兼把酒地主未嘗嗔  
卜與之求雙竹

結屋清江上憐君雅趣深  
自移雙竹種分得半簷陰  
特立夷齊節相看管鮑心  
祇應風雨夜聽此兩龍吟

問祖顯疾

念子何多病逢人問好音  
可無安樂法未用短長吟  
陋巷隣南北春風酒淺深  
杯蛇弓落影應已斷疑心  
隱几維摩詰傷春杜拾遺  
觀身如聚沫憂國正攢眉



藥裹添新說，腰圍減舊時。朝來強飯不問訊，一憑詩

送野堂禪師赴蔡公寶丈之招

早歲識諸公，雙眸四海空。叢林今日異，風月往時同。  
晚境無芻豢，秋江又釣篷。毗耶大居士，遊戲有神通。

次惠老見詒

別去忽三紀，餘生能幾年。相看雙眼碧，且喜一燈傳。  
禪病君無惱，詩狂我欲仙。劇談成絕倒，還似蜜中邊。

次郭遐論所攜張文國詩韻

早作諸公客，過門競挽留。憂時心尚壯，懷舊涕難收。  
富貴來何晚，文章老更優。尊前身健在，不必問封侯。

自鳴集卷五

宋 章甫 撰

和韓文雪晴

天公逞巧逐時新戲把乾坤作爛銀淨壓邊塵無戰  
馬寒持使節有詩人夜長霜月爭催曉年近江山逼  
放春歸壽高堂先一醉稱觴漢殿及嘉辰

春望

東風吹水豈容平小雨催花却易晴旅燕欲來春社  
近故人何處晚山橫不才媿忝諸侯客苦思難攻五  
字城芳草滿庭無一事竹間幽鳥變新聲

自鳴集卷五

二 像章後書

送張揚子

堂上絃歌吏早休三年官舍冷於秋諸公極力爭推  
挽野老何知欲借留去矣青雲皆坦路歸歟明月只  
扁舟都城故舊如相問草滿空山自牧牛

憶王履方

江頭今日少風埃時有閒雲出斷崖入網河豚來近  
市爭巢野雀墮空階偶行芳草得佳句不見故人無  
好懷愁送客帆西去盡日隨潮水到秦淮

送張玉叔

春風端的解相期吹盡桃花作雨飛政苦無錢供劇

飲可堪臨水送將歸家愁度日添詩卷老病憂時減  
帶圍後夜思君望銀漢雙星會處有光輝

送李清宇

行李過門復小留劇譚同此小窗幽三杯酒力客愁  
破一夜雨聲春事休舊燕尋巢元未毀新鶯出谷自  
相求槐牙準擬供湯餅初夏重來定到不

和韓無咎使君弔李謫仙

力士能令妃子嗔長安無復謫仙人宮袍却換江東  
酒野服終為帝外臣孤冢道旁空怨結兩峯烟際自  
愁翠騎鯨捉月知何在太白光芒夜夜新

自鳴集卷五

二

賢府主禱雪而應喜極有詩

湖海雙魚久不傳幽人門巷轉蕭然寒威直與酒為  
地雪片忽與梅爭妍自撥小鑪猶有火擬留住客苦  
無錢金匱刮眼何時得咫尺春風欲換年

和朱少翁除夕

破曉東風又磔雞人心物態兩推移建瓴歲月今將  
老漂梗江湖少不羈獨坐舊諸為客味長愁新賦悼  
亡詩多慙府主鶯花約歸去西疇恐後期

送十八兄

故園別去踰三紀男子生來志四方千里勞君雙足



研百窮笑我兩眉長  
雲深客舍衣裳冷  
春晚家山杖履香  
歸省松楸終有日  
臨分老淚亦沾裳

苦旱

巫歌瓦鼓自村村  
下鬼安能謁帝閭  
盡室每愁風捲屋  
何時得見雨翻盆  
久無蚯蚓來堂上  
頗說飛蝗集穀根  
投老躬耕營一飽  
客懷歲晚不堪論

送張安國

萬里烟霄早致身  
一麾到處作陽春  
隨時用舍知無恨  
落筆縱橫信有神  
江國雲山愁送遠  
桂林風土獨宜人  
笑談坐懾羣偷化  
便台歸來據要津

自鳴集卷五

和周師禹所寄

九載光陰俯仰間  
百年人世幾悲懽  
竹樓夢斷傷春晚  
曉雲壑書來喜歲寒  
別久更憐詩筆健  
愁多須放酒杯寬  
相望江北江南路  
柳絮隨風又作團

次仲韓韻兼簡若膺

世途時事兩艱難  
上水船行入節灘  
旅雁喚愁秋已盡  
隣雞驚夢夜將闌  
醉狂終是心情懶  
老瘦非關骨相寒  
閒憶能詩俞與趙  
久無妙語發毫端

張王臣自湖南官滿趨朝舟過白沙和惠資福

二詩末章見及次韻

別來身世轉乖違  
老病交攻若有期  
目力半昏難結字  
心情全懶罷吟詩  
魚沉湖海無書日  
犬吠柴荆有客時  
三逕莫嫌猶寂寞  
地偏花木得春遲

叢桂書齋念昔遊  
紅蓮幕府喜歸休  
秋風起旆兼葭茂  
浴春月停橈杜若洲  
未用把詩輕萬戶  
直須呼酒散千憂  
贊公亦是江湖舊  
更問君能少住不

次張子儀韻

半生江海慣浮游  
邂逅今成客此州  
憂國幸逢年穀熟  
望鄉長恨遠山稠  
連天烟雨雙鴻雁  
滿地風波一白鷗  
獨把酒杯悲節物  
何時弟勸與兄酬

自鳴集卷五

燈夕韓使君惠谷簾泉

憶昨嬉遊不忍閒  
祇今但欲掩柴關  
短檠無恙客多病  
明月有情天苦慳  
落日哦詩方袖手  
故人憶我未還山  
歸家且酌匡廬水  
恍憶千岩紫翠間

和劉巖隱道士

青眼難逢阮步兵  
白鬚新識老彌明  
清談畧洗塵埃盡  
妙句仍看效唾成  
休說有身真是患  
但知得酒不須名  
焦桐更倩揮毫手  
要聽秋厓夜鶴鳴

題天開圖畫

使君新築北城隈  
舉酒標名繡斧來  
一覽江山因勝

地四時圖畫自天開坐令宋史空盤礴豈有并刀解  
翦裁暇日莫辭煩傾客年豐無事好銜杯

多日不收家信再和呈丁合州

郵亭盤礴已六日清坐了無塵事隨書寄弟兄猶未  
到夢遊京浙不勝馳江邊短艇雨千點竹裏疎烟梅  
一枝兒女未知為客恨但爭柑橘遶庭墀

呈胡德器

相逢縱酒又連旬醉倒誰知主與賓舌在莫談當世  
事眼明仍是故鄉人不愁春與花俱減但恨君如我  
更貧淮上風烟隨分好他年準擬作比鄰

自鳴集卷五

五

戲答王通一

底事重來淮上村九關難上阻司閭短衣他日欲射  
虎堂印何時看倒盆花着襟裾無定力雪侵鬢鬢有  
愁根天河且挽洗瘡疥若問甲兵君莫論

予歸自都梁魏子深來自滁州坐間酌酒

道路長年笑此身絕憐塵土澆衣巾飛花數點已愁  
客歸雁一聲如喚人州縣驅馳君欲老江湖流落我  
常貧相逢却恨成匆遽不醉沙頭爛熳春

寄荆南故人

餘生自拚一虛舟未嘗尋詩慰客愁梅欲飄零猶醞

藉柳纔依約已風流關心弟妹無黃犬入夢江湖有  
白鷗別後故人相念否東風應倚仲宣樓

過家留一夕曹丈復和韻再作

賢聖何會時一中扁舟但困打頭風按田外歎裏糧  
乏還舍內嗟瓶粟空論事時遭瞋目視催科隔絕滿  
堂烘匆匆結束又西邁望眼卻隨黃鵠東

九日

登高長是易銷魂多病新來日更昏強引兒童追節  
物久拚身世任乾坤江風冷拂烏紗帽籬菊香浮老  
瓦盆回首西湖如昨日交遊凋謝不堪論

自鳴集卷五

六

王夢得念久出遠歸惠詩次韻

手栽桃李已成花久客歸心急莫鴉別後新詩圓似  
彈依前瘦馬鈍如蛙路長人困煎茶店春去鶯啼賣  
酒家三徑未荒還寄傲只應清夢到京華

寄韓漕子雲

詔書淮上遂休兵玉帛相隨下帝京且喜王師還禁  
衛獨煩使節在邊城轉輸積雪河水合離別春風塞  
草生細札催歸應不晚到家猶及趁清明

上黃漕

漢初曲逆未侯日窮巷席門誰見收固是知人甚難



事懸知同類合相求客懷夜雨打窗壁世事春江橫  
釣舟爲報能文韓吏部吹噓籍湜預名流

雨中簡李牧之

提壺勸飲方多病布穀催耕未有田老去情懷非宿  
昔日長圖史得周旋客愁正是連山雨時事渾如上  
水船問訊詩翁無恙否遙憐裋褐聳雙肩

鐘夕戲簡胥直夫

小雨催耕苦未勻東風吹水起魚鱗兵戈關塞今年  
定鐘火江城此夜新萬點飛花愁客子一天明月屬  
遊人舊時面壁胥居士何處笙歌作好春

自鳴集卷五

七

次韓無咎盱眙道中韻

人家過午絕炊烟隴上羸羊挽不前敵退皇恩方掩  
骼民饑客飯只烹鮮觀風到處春隨馬澗水歸時月  
滿川王事獨賢無倦色雞鳴起坐屋三椽

蘇訓直方夷吾相挽同飯招飲

登臨筋力猶如昨興廢循環自有時青石獨存超士  
傳粉牌新得省郎詩雲山改色風生座野鹿無蹤水  
滿池勝處只宜文字飲不須紅袖苦追隨

重九前一日示弟姪

人生百歲未易滿我已五十仍加三異縣長憐九月

九故園遠在南山南綠尊青眼舊相得黃菊白頭還  
好蓂明晨汝輩早同出脚力踏攀吾尙堪

九日憶俞若晦

出處殊途會面難君留湖上我江干黃花三度不同  
醉白髮數莖尤寡歡鶚立寥寥天地大鴻飛漠漠水  
雲寒登高時節還相憶朝露誰憐墜木蘭

愁坐

俗物滿前無好懷可堪時序苦相催飛蚊掃迹夜方  
靜過雁傳聲寒已來多病不禁杯欲灑遠遊只恐馬  
馳隳書窗愁坐令人瘦獨上江樓日幾回

自鳴集卷五

八

同楊德政任致道登北觀留題壁間

年來多病廢幽尋眼底風光亦倦吟歲暮情懷傷老  
大雪晴筇力試登臨一江烟水分南北千里雲山自  
古今杖履頻來端不惡只愁東望起歸心

春晚寺居卽事

晚晴鳥雀喜窺簷客舍餘寒怕卷簾多病新來知本  
草安心老去讀楞嚴髮稀帽側頭慵櫛火冷香消手  
自添百念不生惟飽飯春山蔬筍十分甜

閒吟

春風略不欺貧賤美酒真堪託死生芳草又依窮巷

綠殘尊重與故人傾雨餘入饌添蔬荀晝永敬眠憶  
弟兄但得一廬供送老更將詩頌紀昇平  
梅花白盡柳初黃看未平分日已長老眼明邊湖水  
綠閒愁來處楚山蒼高吟且喜詩無病痛飲方知酒  
有腸南北故人強健不誰知旅鬢欲秋霜

蒜山夜歸

雙雙鷗鳥落蒼灣點點征帆返照間多病久無鐘鼎  
夢忘機長伴水雲閒江心古寺入圖畫烟際好山如  
髻鬢踏月歸時聞短笛津頭知有釣舟還

野步

自鳴集卷五

九

天寬地大我何憂白首行歌得自由窮卽有神安可  
送富如非義豈容求四時無出三春好萬事都拚一  
醉休茅屋酒旗遙喚客餘寒未許脫鷄裘

得蔡深源信

左右圖書一小軒閉門謝客蔡深源別來三歲喜無  
恙老去百懷誰與言神魚不信貪香餌天馬難令駕  
短轅苦憶當年常款曲茹簷軟語負朝暄

簡唐先生谷

藩籬落日鳥雀鬧江湖西風鴻雁高病軀已厭秋夜  
永農事更傷終歲芳窮愁滿眼未容遣俗物敗意時

相遭隱芝庵中有高士拄杖請來同出遊

送彬禪客

越王樓畔彬禪客爲法南游早出關曾駕鐵船衝巨  
浪又携錫杖過他山夢回故國非無侶身比孤雲只  
獨閒君到諸方如問我年來多病鬢毛斑

卽事

平邊活國不關儂書永新添炙背功鳩婦化離天欲  
兩鵲巢此穩歲多風一彈指頃韶光半微破顏時夢  
事空但得餘生無病惱從渠南北與西東

湖上吟

自鳴集卷五

十

誰家短笛吹楊柳何處扁舟唱采菱湖水欲平風作  
惡愁雲太薄雨無憑近人白鷺麾方去隔岸青山喚  
不磨好景滿前難著語夜歸茅屋望疏燈

自鳴集卷五



自鳴集卷六

宋 章甫 撰

秋曉

窗間耿殘燈屋角照落月披衣啟柴關呼帚掃黃葉  
曉色殊未分江風飄然起開窗看芭蕉露重葉如洗  
不雨已三月草木無光輝籬邊舊菊叢生意良亦微  
鴻雁何時來肅肅楚天曉悲鳴向江南江北稻梁少  
擾擾世間事悠悠眼中人幽懷與誰語獨立望秋旻

西湖游上人相訪於白沙翌日如金山求詩

剝啄驚春睡蕭然湖上僧篝燈夜深語多說覽巴陵

自鳴集卷六

豫章叢書

宗師貪寂滅祖道益衰遲只有青山色相逢似舊時  
江草隨春遠沙鷗伴我閒殷勤東去水送子過金山

趙再可以通一所作梅雀求題

老去詩情在逢春祇欲狂飛來枝上雀似亦愛幽香  
雨後十小絕以一雨洗殘暑萬家生早涼為韻

閒居何所宜把酒策第一石田今有秋痛飲事可必  
去秋旱太甚百神無不舉今歲感天公時有容易雨  
隨濁氣未收夜雨聊一洗心清不受塵眼淨豈容眯  
哦詩思遠人欲往無羽翰焚香閉門睡睡起香未殘  
百歲已逾半知復幾寒暑此事當究觀勿共俗子語

長安卿相家一食費幾萬有功享固宜我輩且蔬飯  
新涼可穿衣出門造誰家城頭有高樓散我兩腳麻  
夢作吳淞去膾鱸擣香橙道逢湖海人歡宴如平生  
却扇情未忍補衣計當早騷人愛悲秋秋色政自好  
交情易翻覆世態多炎涼倦游將何之可樂唯醉鄉

書壁

禽聲春後變柳色夜來深老子開門坐無人識此心  
浙江觀潮

萬仞銀山鐵壁三軍貔虎熊羆不使蛟龍作橫輸他  
解事吳兒

自鳴集卷六

太湖秋晚

處處橙黃橘綠家家蓴菜鱸魚昨夜秋風又起扁舟  
誰賦歸歟

鄂渚春光

黃鶴樓中月白鸚鵡洲前水流更有何人吹笛空餘  
春草閒愁

題兩畫軸

綠樹無多雨過青山一半雲遮斷岸野橋春水開門  
茆屋誰家

踰髮松風蕭爽濯纓溪水清寒著我春容石上憑誰

游戲毫端

題惠老松竹圖

江湖上懶行脚松竹邊聊卜隣妙處卽三卽一畫圖  
非幻非真

風細聲音互答月明體用全彰二士爲君提唱老僧  
無法商量

送劉道士之山陰閱藏書四首

破屋頻來叩戶殘尊俎借誰羣揮翰他時說我圍棋  
暇日思君

世事雲烟變滅人生魚鳥飛沈古錦空多妙句朱絃

自鳴集卷六

三

誰是知音

拄杖橫肩自如醯雞舞甕從渠著脚千岩萬壑專心

琳札青書

羨子孤雲野鶴笑儂枯木寒灰呵手自題詩送達人

早寄書來

題畫

一水鳴東西寺春雨洗南北山脚力未窮蒼翠夢魂  
曾聽潺湲

寺居

池水平鋪碧玉靈山側布黃金未就日邊清夢夜宿

風雨驚心

海門殘照圖

斜日淡籠吳楚暮烟欲閉金焦未暇乘桴浮海那船  
曾趁春潮

書祖顯墨梅枕屏

我會醉臥剪菴牀酒渴依然夢吸江晚角吹回燈尙  
在眼花錯認月橫窗

郡圃殘雪

半依雞脚半依城多傍梅邊水際亭最是晚晴斜照  
裏黃金日射萬銀星

自鳴集卷六

四

南風融雪北風凝晚日城頭已可登莫道雪融便無

迹雪融成水水成冰

城外城中雪半開遠峯依舊玉崔嵬池水綻處纔如

線便有鴛鴦浮過來

奇金山長書記

浮玉山頭屋數椽同龔彌勒憶當年祇今輸與長書  
記睡起晴窗看釣船

不向金山作主人春江鷗鳥定相親憑君與問寒岩

樹今見桃花幾度新

葡萄



馬乳酸甜自舊知眼寒久不見生枝中原有路人難  
到北客思鄉淚欲垂

黏漆堆盤亦快哉無人能寄一枝來平生不識涼州  
酒漢水遙憐似涿醅

睡起

日長睡足傍簾櫳庭院初收落絮風葉底櫻桃渾可  
摘黃鶯不離綠陰中

雜說一

吾兒時不喜佛老以學佛者先壞其身亡其家敗國  
常而為天下蠢作排佛又以從老子法法而野野而

自鳴集卷六

五

蕩蕩而禽獸作辯莊意者特楊墨之遺說耳比因閒  
居稍讀西方書所謂首楞嚴者始知天地之所以成  
壞人物之所以生死因果之根源孔聖之階級明白  
徑直如指諸掌孔子之所謂性近而習遠亢倉子之  
所謂耳視而目聽列子之所謂有生者莊子之所  
謂真君存焉孟子之所謂心莫知其鄉周易之所謂  
神寂然不動盡在是矣特不須注解殊易解也雖然  
聞佛即菩提知見無見斯即涅槃不歷僧祇護法身  
之言尚有所惑又讀圓覺經曰若一切時不起妄念  
於諸妄心亦不怠滅住妄想境不加了知於無了知

不辯其實是即名為隨順覺性成就一切種智現世  
即菩薩之說則罔象之得元珠混沌之鑿一竅可以  
立契於嘔呻營茲之頃故以警悟了覺為賊作止住  
滅為病者南華之所謂禍莫大於德有心而心有眼宜  
父之所以毋意毋必毋固毋我也又讀維摩詰注獨  
以默深入不二法門則再求之失問夫子之不答得  
於眉睫間矣猶疑其所謂非凡夫行非聖賢行不厭  
生死不樂涅槃一切塵勞煩惱為如來種眾生心行  
中求諸佛解脫等語近讀華嚴注云於有為界示有  
為法亦不分別無為之性不以世間法礙出世間法

自鳴集卷六

六

不以出世間法壞世間法如來性即菩薩行即如來  
性念念嚴淨無量世界而心無所著念念調伏無數  
眾生而我無所想然則固所謂尸居而龍現淵  
默而雷聲體性抱神以遊世俗之間無思無為感而  
遂通天下之故者雖顯諸仁而藏諸用然洗心退藏  
於密而吉凶與民同患蓋以道之真治身其緒餘土  
苴可以治國家天下古之欲明明德於天下者自正  
心誠意始夫帝王之業皆聖人之餘事爾况其么麼  
者矣嘗試論之實際理地不受一塵文殊之一吹也  
如師子王振迅萬行門中不舍一法普賢之一噓也如

象王回旋乃至昆虛著冒如蓮花在水台而言之  
也但體用交參正偏回互耳是故至別峯德雲始遇  
入三昧則普眼中昏逝多林之神變迦葉尊者定中  
不見彌勒閣之莊嚴善則童子斂念即開豎說之則  
五十五聖位行布於彈指頃如海印頓現橫說之則  
五十三法門圓融於一毛頭許如帝罔相羅杜順禪  
師立四法界曰理曰事曰理事不二曰事事無礙豈  
非伯陽之所謂常無常有同謂之玄元之又元眾妙  
之門仲尼之所謂道與器變通與事業耶論至於此  
舉足而入道場低頭而成佛道洒掃應對得君子之

自鳴集卷六

七

傳飲食日用知中庸之味孰爲佛者孰爲老者又孰  
能辨之哉近代李習之王介甫父子程正叔兄弟張  
子厚蘇子由呂吉甫張天覺張九成張拭呂祖謙朱  
子劉子翬之徒心知此說皆有成書第畏人嘲劇未  
敢顯言耳或疑其以儒而盜佛以佛而盜儒是疑東  
隣之井盜西隣之水吾兒時之童心也悲夫神人以  
道之真治其身緒餘土苴可以治國家天下洗心退  
藏於密而吉凶與民同患蓋不離於道之神可以發於  
兆外變化之聖大而化之之聖可以藏於不可知之之  
神道家之說與儒者之言其相合如左右券但老莊

與孔孟或出或處耳彼楊朱者知神人之先治其身  
而已雖拔一毛而利天下不爲也墨翟者知聖人之  
與民同患而已雖摩頂放踵以利天下而亦爲之觀  
其爲人足以疑天下後世天下後世亦以此疑之列  
禦寇之弟子遠取楊朱之說雜糅於其書韓愈稱孔  
墨之師必相用不相用不足爲孔墨吁亦怪矣吾自  
讀金剛經可以徑破二家之誤有道心者雖胎卵濕  
化有想無想皆滅度之肯拔一毛以利天下而不爲  
乎心未入道雖初中後日以恒河沙身命佈施亦無  
益也而况止於摩頂放踵哉所謂聖人神人者殆亦

自鳴集卷六

八

不可以此爲之也

雜說二

吾自讀書知孟子爲聖人也孟子曰性善荀子曰性  
惡揚子曰善惡混韓子曰有性有情蘇子曰有性有  
才歐陽子曰性非學者之所急也吾從孟子不得不  
與諸子辨荀子曰性惡荀子果肯爲惡乎揚子曰善  
惡混揚子之爲善也其爲惡者果安在乎韓子曰有  
性有情韓子之爲善者其性乎其情乎蘇子曰有性  
有才蘇子之才其非性乎歐陽子曰性非學者之所  
急也歐陽之學何等事乎當孟子之時固有以食色



爲天性者有以爲有善有不善者有以爲無善無不善者有以爲可以爲善可以爲不善者孟子獨以爲性善又曰乃若其情則可以爲善矣又曰若夫爲不善非才之罪也又謂莊子書謂和理出於性和理生道德道德生仁義仁義生於禮樂然性善之說愈明後讀佛書以眞如性爲如來藏從本以來唯有過恒沙等諸淨功德一切煩惱皆是妄有性自本無故曰淨無垢識爲無明所薰習一變而爲含藏識閻然無記揚子之所謂善惡混者再變而爲執受識我愛初生荀子之所謂惡者三變而爲分別意識好惡交作

自鳴集卷六

九

韓子之所謂情也四變而爲支離五識視聽亦具蘇子之所謂才也學道者復以眞如薰習無明轉四識而四智其一曰大圓鏡其二曰平等性其三曰妙觀智其四曰成所作初無增減故號爲如來待人昧其性耳性何負於人哉此孔子所謂性相近習相遠也唯上智與下愚不移吾卽佛所謂阿鞞跋與闍提非了義也歐陽子平生不喜佛老而罪學者言性吾儕豈可爲此翁所欺哉繫辭尙以爲非聖人語彼何有於佛老云

雜說三

吾觀佛者皆談仁義竟不知何者爲仁何者爲義比讀莊周書曰古之治道者以知養恬以恬養知和生於恬理出於知德和也道理也德無不容仁也道無不理義也然則道德爲仁義之體仁義爲道德之用後世人忘其本止知有仁義而不知有道德故老子有激而云逆求其言蓋欲合仁義於道德言之也豈眞提仁義者哉彼韓愈氏者斬然臆斷以道德爲虛位以仁義爲定名欲離仁義於道德言之也果誰坐井而觀天乎孔子曰志於道據於德道德其虛位乎孟子曰由仁義行非行仁義也仁義其定名乎然

自鳴集卷六

十

則韓愈氏亦不知仁義爲何物也近世二程氏之學始講明仁義之說至以仁爲覺者是則慈惠寬愛不足以盡仁之實求其意而未得耶嘗試思之盍反其本而已莫如莊周之言爲有次序也方寸之地本靜而明明而靜故曰治道者以恬養知以知養恬恬以致其靜知以致其明靜極則無所於忤明極則無所於蔽無所於忤則無所不受無所於蔽則無所不達故曰德和也道理也德之字曰仁道之字曰義故曰德無不容仁也道無不理義也其明白徑直也如此正如學佛者以妙明之心修止觀之法以止觀之力

得定慧之稱或以慈心定爲悲增菩薩或以無礙慧  
爲知增菩薩悲智圓修同登大覺儒者之所謂仁義  
老子之所謂道德盡在其中矣吁安得圓機之士共  
談真仁義哉



自鳴集校勘記

卷一

二葉十六行鄙夫先多病先字疑誤下兩首一作抱多病一作苦多病此亦當從苦字

卷二

二葉十八行小注當刪未行益睡當作晝睡以詩中有當午清風度修竹句知之 九葉十五行稱重疑是鄭重之譌 十一頁八行怪底十五行來人均疑倒

卷五

自鳴集校勘記

一 豫章叢書

二葉首行家愁疑是窮愁之譌窮愁對老病正合

卷六

六葉十三行又然二字衍十九行理地疑是履地之譌

右集據南城李氏宜秋館抄本付刊以文瀾閣本校之補卷四涼生初卻扇一韵卷末雜說坐井觀天以下三百餘字其餘脫誤處略同蓋此書出自永樂大典閣本既誤更無他本可校矣卷末雜說三篇總目既知其害理終以削去爲是庚申三月胡思敬校訖并識

竹齋詩集

三卷

附錄一卷



甲子秋

與謝題

仲遠檢



欽定四庫全書總目卷一百六十一

竹齋詩集三卷附錄一卷

兩淮馬裕家藏本

宋裘萬頃撰萬頃字元量新建人淳熙十四年

進士歷官大理寺司直請外任添差江西撫幹

楊簡誌其墓以默識稱之陳宏緒寒夜錄稱萬

頃在當時與胡桐原萬澹菴徐竹堂往來倡和

號為四傑今三人俱已湮沒惟萬頃集存劉克

莊後邨集有裴元量司直詩跋稱其標致高勝

有顏氏之臞龔生之潔又稱其猶子南昌理掾

應材攜竹齋遺墨古律詩三首其季元齡又手

竹齋詩集四庫總目

一宜秋館

錄四十二首其言若近而遠若淡而深近而淡

者可能遠而深者不可能為人自貴重恥表裸

惟詩亦然世知竹齋者多而見其詩者絕少理

掾盍餒諸梓與同志共之云云則元量之詩克

莊時尙無專集此本為康熙己丑其裔孫錦縣

知縣奏所刊凡詩三卷末一卷附錄誥敕誌銘

不知何人所編近時工部尙書裘曰修又重刊

之曰修亦萬頃裔也其詩雖風骨未高而清婉

有餘不染江湖之濫派趙與虢娛書堂詩話嘗

稱其歸興一篇又稱其初官樂平印曹與洪邁

詩篇往來邁最推其雲歸青嶂雨初歇花臥碧

苔春已休之句云

竹齋詩集

四庫總目

一宜秋館



竹齋詩集附攷

錢塘丁丙善本書室藏書志卷三十

竹齋先生詩集三卷附錄二卷 舊鈔本

宋新建裘萬頃元量

萬頃淳熙十四年進士累遷大理寺司直父方

家居力請外任便祿養添差江西撫幹時真西

山官安撫雅相傾倒迨其卒也楊慈湖志其墓

詩集三卷羅清疏直摠胸臆不欲為山谷之

峭刻而別自成家末一卷附錄誥制志銘題跋

輓詩右鈔本有西堂藏書畫琴書詩畫集兩印

竹齋詩集附攷

一宜 秋 館

重鐫裘司直詩序

宋自汴京南渡學詩者多以黃魯直為師呂居仁集

二十五人之作目曰江西詩派攷其官閥門世不盡

學詩魯直之門亦不盡江西人也楊廷秀於詩推尤

蕭范陸豫章居其一焉繼蕭東夫起者姜堯章其尤

也餘子多見錄於江湖集蓋終宋之世詩集流傳于

今惟江西最盛云竹齋裘先生為真希元魏華父之

友而仕宦不達一官司直以終其詩不作硬語清疏

韶亮異乎魯直流派顧世未見其全裔孫奏始鏤板

行之余因慨詩派諸人之作當年布諸通邑大都今

竹齋詩集原序

一宜 秋 館

遺集存者惟陳无已韓子蒼洪玉父饒德操韻以道

謝幼槃及居仁七家而已身後之名顯者或晦司直

藏之名山者晦久而明雖顯晦有時亦係乎子孫之

賢能表其幽光潛德也康熙己丑蒲月南書房舊史

官小長蘆朱彝尊序

江西詩派自呂居仁倡論以黃山谷為標準後人輒

多詆訶其實詩派圖中人不必皆江西詩不必盡宗

山谷也先是嚴滄浪論詩有元祐體注云元祐體即

江西派如蘇東坡劉後村戴石屏之詩皆是也豈惟

山谷諸家哉然則詩派何足病病在不善學山谷諸



家耳厥後有同鄉能詩而未嘗附會山谷者爲新建  
裘元量先生先生起家淳熙進士授樂平簿遷大理  
司直父方家居力請外任便祿養添差江西撫幹時  
真西山官安撫雅相傾倒迨其卒也楊慈湖爲志其  
墓蓋先生沉潛理學故一時談理學者多稱之詩特  
其緒餘耳今所存竹齋詩集二卷大抵羅羅清疎直  
摠胸臆不欲爲山谷之峭刻而別自成家惜其書晚  
出吾友吳子孟舉嘗選錄宋詩諸名家僅列其名而  
亦未見其集也著述之流傳何其難與先生十六世  
孫奏方宰錦縣亟以表章先集爲兢兢奉其遺詩命

竹齋詩集原序

二五 秋 館

子思芹姪思飾至京師請予序往予填撫江西訪求  
昔人遺佚者數年了不可得會兵燹頻仍其故家子  
孫有莫知先世之能詩文者間有世守耕讀抱殘書  
於荒江寂寞之濱亦苦表章之無力良可歎也卽如  
明季詩人徐巨源身旣不得其死詩復漸就湮沒予  
遂選訂爲一集行世使當日早見竹齋集與巨源詩  
並行詎非新建後先兩快事哉予於是集之刻深幸  
前哲之有後而又喜江西詩學駸駸有振興之勢政  
不必祖禰山谷諸家而皆可續江西詩派也則夫以  
山谷爲詩派口實者尤可息喙矣夫康熙丁亥歲杪

商丘後學宋舉題

宋興自慶曆彬彬多理學之士闕聖宗叙人紀沿源  
派而上下之遐哉盛矣其植表立則唯以聞道往往  
微情逸興播於聲詩而音節與世代斯異天下後世  
有識傳焉於乎其見大則其旨遠雋永之味終不可  
諛也南渡後作者踴然慈湖楊先生洞究陸學名震  
南服紫陽夫子躋其言議竹齋裘先生蓋鄉先哲也  
一見默識慈湖氏稱畏友焉蓋閱慈湖氏誌銘先生  
三致景仰又讀其詩歎曰文其微乎夫紀物以闡幽  
要之在明婉辭以道志要之在實涵悟以抉真要在

竹齋詩集原序

三 宜 秋 館

不渝雅樸先生之詩三者備焉是故律而咏粹而真  
可以傳已嘉靖戊子獻歲先生十一世孫汝中持遺  
藁得若干首請曰我祖竹齋氏之言富矣幸猶存什  
一於千百我裘氏世世奉以周旋予小子不敏詎敢  
附麗唯實墜是懼子其序之將屬鏤工整惟風雅不  
作天下無詩教矣君子慎取後之作者意爾也况宋  
非所趨尙者哉蘇黃二家卓舉一世今或以文詞氣  
節槩其詩況本之先生道誼孝友逃配前人是詩也  
殆出其餘矣乎固宜洋洋纒纒意在而有遺音矣雖  
然詩以晉盛以唐工彭澤少陵今取之者言人人殊



善哉陸子曰詩如陶杜可謂知道予嘗因其言求其詩質之已意是或一道矣先生出象山氏者也尙論先生象山氏之意可少哉先生在當時真西山氏亟稱之而詩不與焉此其意猶夫象山氏也於戲微是詩先生自有不朽於天地矣又奚俟予言然則汝中曷爲而梓也示守也奚守也不聞鼎彝之銘乎葵氏視斯集鼎彝也已惡得弗慎禮云先祖無美而嗣人稱之誣也善而弗知不明也知而弗傳不仁也仁也明也汝中其幾矣作竹齋詩集序賜進士出身禮部儀制司主事前翰林院庶吉士南昌後學張蔭書

竹齋詩集原序

四宜 秋 節

自海內言詩之家多歸宋人宋名人之潛晦埋鬱者多爬羅蒐剔競出以赴一時之盛子丙寅在京師得高九萬先生菊圃集手鈔而讀之不四三年則海盛陳子言揚已刻而傳世以高與陳同所自出言揚其裔孫也戊子子宰興國新建葬子羽若爲學官攜竹齋集來告曰此吾先世宋大理寺丞元量先生之詩也刻於明嘉靖中板已燬今謀復梓以傳君爲予序其意予又亟手鈔焉讀之中有寄謝菊圃唱酬之作其詩之情澹峻潔迥往不脣亦與菊圃相上下集中別錄稱先生爲西山真文忠公帥屬以學行見重於

公與楊賢謨慈湖友契特深其沒也慈湖志其墓端平中吳丞相許公表請爲其子補授文資其見重於當時若此予又考南昌耆舊志稱竹齋將赴大理寺丞詣豐城王武子別武子語之曰入爲朝士盍疎拙毋便習竹齋拜其言嗚呼世之恥拙而求工忌疎而營密者眾矣掌故內徵資序有幾脂韋趨競常懼不得爲人先而故以疎拙作贈言其於世態鑿枘不相入乃聞而服膺拳拳月上三書丐外以終老蓋其介石之操卓然自信於中不樂於史鄭權倖之途迢迢託足而文忠公之所以重之者毋亦以其高致雅尙

竹齋詩集原序

五宜 秋 節

有同道邪今讀其詩恬澹峻潔亦有靈疎毋密靈拙毋工之意象焉視菊圃之營信天巢操瓢酌泉風同趣合宜其往來詩筒聲氣應和于鳥石岡葛嶺之旁而今日之埋鬱而競出也亦後先相望賢子孫之表章夫遺藻者更不容稍緩矣吳江後學張尙瑗謹序

竹齋詩集原跋

宋大理司直先竹齋詩集三卷明嘉靖間工部郎中  
先魯江公鋟版行世兵燹後版散失先府君將重授  
諸梓其心未嘗一日忘也府君知四川之榮經縣奏  
侍榮經署承府君命迄今十有六年又未敢一日忘  
也奏今待罪錦縣縣爲興京地土厚民淳無訟獄簿  
書之擾歷三考得積俸以剗劇是集集成奉而歎息  
奏父子兩世合六十餘年而此志始克成可不謂難  
乎不寧唯是魯江公之初刻也自淳熙至嘉靖中間  
三百有六十年今之重刻也自魯江公以來又二百  
四十年歷歲月何其多也而是集經世代興亡兵火  
變遷猶能卷帙依然壽之梨棗以傳於世後之人可  
不知所重乎先君之屬子姓也豈徒刻是集而諄諄  
已也後之人不好學則是集置于度閣飽于蟬魚雖  
重刻與未刻等非先君所期望之意也願後之人善  
承之歷億萬年毋墜厥緒可也十六世孫奏謹跋



竹齋先生詩集卷第一

宋 新建 裘萬頃 元暹

五言古詩

行役

宿霧鎮山椒落月挂林側崎嶇歷岡巒髮髯辨阡陌  
秋高風露寒道遠時序迫安得歸故園籌燈理書冊

武陽渡

一舟小如葉橫在波濤中紛紛川上人欲渡愁北風  
有帆天際來漸近葭葦叢寄聲與問訊恐是陶朱公

宿佛頭塔

竹齋詩集卷一

一宜 秋 館

孤村三四家籬下盡禾黍主人慣入市能作市井語  
開牕對竹山揖客治尊俎白雲忽在眼客淚墮如雨

羅溪橋

我來從西昌日日困塵土誰知羅溪橋淨若初過雨  
長松列左右清風奏宮羽薄暮舍籃輿扁舟渡溪去

別友

清宵月滿梁相思幾搔首不圖塵土中得共一尊酒  
人事好乖甚隨復而分手惟有管鮑心明明若箕斗

次許秀才韻二首

癡兒欲了事事竟莫之了崇朝弄朱墨校勘是與否

徐觀鴈驚行大半落渠手敗羣雖已去考牧未有道

拙工不量力自謂中了了高談蓋一座眾可已獨否

斯須臨斧斤汗背血兩手旁觀信善斲莫肯告以道

病中聞伯量相訪寄之二首

我屋修竹根身閒境逾靜維摩本無心誰令示人病

夕陽耿疎林影落莓苔徑佇立有所懷高人儻乘興

高人在城郭應酬頗紛如憶我煙霞栖遺我一紙書

雨餘牕戶涼蛩聲滿階除相過有成言何時命巾車

次范光伯泛江韻

夫君陶阮徒俗子所不快屹然顏其中特立蓋甚介

竹齋詩集卷一

二宜 秋 館

平生江湖樂欲去不得適何當從君遊漁釣寄吾解

蝗運

知戰不能損檀氏所以亡吾媿與敵槐將何固封疆

及此閒暇時相與積乃倉不須更他驚富國兵自強

次伯仁善利閣小室韻

山林吾所廬夜月但對影焉知江上人一日了萬境

寒巖步崇臺有室妍且靜徘徊不能去坐見四山暝

見雪

玄冥當語誰餉我一簷雪吾廬本來靜得此更清絕

遙憐北海上往往已盈尺鬻氊人在否毋凌漢臣節



出門

出門復入門吾行竟安之攜書北牕下翻閱聊自怡  
有懷千載人掩卷還歎歎采采首陽薇戀戀南山芝  
一裘或終身欣然釣江涸斯人不可作斯道日湮微  
目前稻粱謀鳧鴈方齊飛青田寂無音歲晚將疇依  
慎勿出門去塵埃染人衣

菖蒲

康廬入吾懷十載馳夢魂隨門者何人遺予以芳蓀  
歡然得其趣如對五老言幽姿出巖谷常帶冰雪痕  
塵容爲一洗兩目不復昏忽思三峽流褰衣涉潺湲

竹齋詩集卷一

三五

秋館

因仍一寸石浸潤九節根人言可扶老歲月須其蕃  
茲理諒不誣吾將從綺園

宿田家竹亭

我家西山巔四壁皆此君榻來事奔馳日與茅葦親  
方思坡仙詩恐入俗士羣止我宿者誰此君滿其門  
頽然千百夫一見若故人夜深清風來好音夢中聞  
呼童啟北牕爲渠炷爐芬

送詩僧如師西游

鄉水詩壇上權可聲籍籍君雖後兩翁而已分半席  
主人龍門高宜有如此客橫行翰墨場往往一當百

掩是今西遊吐談取雙璧要須早歸來成就法王宅

從人覓墨梅

熏爐束詩魂茗盃驅睡思掩闌寂無營翰墨自娛戲  
山寒溪正清月澹雪初霽橫斜兩三枝見說可人意  
天機如胸中出手特餘事何時剪冰紈來對病居士

睡起

疾去得安臥寒宵不知長鄰雞忽聞聲曙色侵我牀  
人生孰無營農興固其常奈何以一身投之百憂場  
吾方休吾心與世長相忘適逢希夷翁授我枕巾方  
意行到華胥日吳猶徜徉回觀一世人擾擾良可傷

竹齋詩集卷一

四

秋館

誰能從我遊要須留春皇

讀邸報

時揚慈湖諸公得報

紛紛天下事翻覆良難期不知窈冥中主張者云誰  
工拙判兩塗人謀豈容施得非欲平治機緘遂潛移  
目前三四公並用無一遺毋嫌滯一州民實邦之基  
鄉來番江頭親見國子師謂慈湖德行淵與騫千載如  
同時斯人使臨民兒不賴母慈人言致泰和須索登  
卓夔位崇澤斯均否則失所宜天乎儻人從何時可  
臻茲

次伯量贈別詩韻



我生既齋下且復寡見聞時時警其愚烟黨賴有君  
自慚將且疲不足張此軍君乃不我棄歡然與同羣  
願學如之何此志亦已勤正坐未知方所得不足云  
人生所好雜其力用是分詞章末技耳安能媿皇墳  
而況字書學兀兀纂說文曷若鞭吾心或有汗馬勲  
請益恨未能別君大江濱長吟昌黎詩安得身登雲

老農歎

霜畊冰在趾雨種泥沒膝旱魃忽爲虐畊種謾勞力  
去年幸一稔今歲免艱食細聽老農語令我三歎息  
但願從此去龍骨長挂壁大田多黍稌高廩若山積

竹齋詩集卷一

五言 秋 節

或云穀大豐則恐錢轉裔夏租星火急處此未有策  
細民一錢稅往往亦迫索穀賤反傷農此語傳自昔  
語容且勿憂新絲尙堪質

送范光伯北行

玄冥將歸休勾芒已促裝江邊疎柳青江上寒梅香  
有客當此時中流駕風檣欲學太史公窮汝泗沅湘  
吾聞帝王州雄麗幾錢塘曠昔駐六龍至今繪未央  
鷺洲橫渺瀰鳳臺摩青蒼名山與大川往往遙相望  
是間或小留不妨月徜徉平生學屠龍袖手五字章  
茲逢賢主人定知奏宮商追李逐杜陵相與升其堂

要令千萬篇金蕊垂琳琅秋風鴻鴈來因之東南翔  
寫君磊砢胸慰我離別腸

安樂窩示元德弟二首

往時病僧寮今爲安樂窩昔病而今安所得良已多  
百年直須臾一丘且婆婆倦翼棲茂林潛鱗涉重波  
方欣隨所願豈復知其他朝來啟南牕羣山鬱嵯峨  
上有無心雲乘風遠相過却觀聲利場紛紛正橫戈  
到頭蠻與觸勝負能幾何曷若休吾心考槃依澗阿  
孟夏草木繁雨餘氣清和四壁環斷碑經史星宿羅  
幅巾據胡牀翛然自吟哦因之成此詩要使兒童歌

竹齋詩集卷一

本 五言 秋 節

清泉出石竇白雲卧山窩淋淫乍開霽原野歡聲多  
吾廬近西峰其下林婆娑解衣坐磐石持竿釣清波  
主人忘機心鷗鳥亦無他東魯與南郭泰山等我峩  
周子何人哉自許不啻過一朝離草堂山英遂橫戈  
折轅不得還如此俗駕何仰視前修翁鉛刀比太阿  
子弟山林人心平氣自和懽然樂簞瓢笑彼葷羶羅  
好書不厭觀佳句時一哦煩廣紫芝曲爲我醉時歌

題余仲祥松齋

芳妍桃李塲紛趨歛成蹊長松坐偃蹇遂爾不見知  
平生異時人不與俗轉移蕭然塵埃中擅此丘壑奇



臆空境逾清四壁風來吹抱琴拚蒼鬢喜氣掀兩脣  
臭味既與同相親不相遠直期閱歲寒可但忘朝饑  
斯正如乃翁過處更過之直比千丈榦歷落不受羈  
只恐大厦成梁棟各有施出處初何心山靈勿疑渠

題伯量春風堂

未登春風堂嘗讀春風詩春風不易得令人每懷思  
一堂誰獨無所至皆有之奈何堂中人此意多背馳  
聽雨不對牀煮豆先燃其靈廢粟布歌不肯吹墳簾  
和氣自此傷怨怒無休時遂令君家堂獨立修江湄  
昔我嘗宦遊兄弟輕別離自從失子季憂悶鬢成絲  
仲叔幸無他相從日怡怡數榻松竹間頗與我輩宜  
濁醪無獨斟陳編有同披從今當杜門共試春風詞  
燕谷恐尚寒暖律冀一吹君能不靳否春風元不私  
錢塘別吳長文司理

同心而異鄉既見復輕別豈終無會期南北涉難必  
郵亭君與我強飯再三說此意非不領欲話聲已咽  
肩輿使前驅分手大江側升高帆回首猶擬望顏色  
子家古南州勝友固不乏如君相知深千百未見一  
君才十倍我君德更剛直贈行詩滿紙字字良有益  
誰興趣我去胡不緩旬浹嗟臍悵弗及寫心寄愁絕

咨咨草根蟲

咨咨草根蟲瑟瑟葉上雨休休退食人落落誰與語  
陳編竟日披陋室隨時處此心苟自樂貧賤亦得所  
夷齊雖餓死清風冠千古顏子瓢屨空宣父極稱許  
但當守吾仁晉楚何足數試看松與柏矯矯傲寒暑

七言古詩

夜坐薦福寺次王成之韻

鞭鸞未暇相追逐且向祇園止君宿清談待得月華  
生牕戶明明耿殘燭誰令泉石墮吾前洗淨人間絲  
與竹風帆明發君不留此樂只應吾所獨

竹齋詩集卷一

八五

厭原山中曉行

碧雞夜半聲啁啾喚起幽人步林樾秋高風露著羣  
木無數寒花泣明月松篁一徑宛如畫石溜涓涓更  
清絕山巔便好結茅廬莫待他年鬢成雪

秋試示諸兒

漠漠輕雲弄寒影霏霏小雨生秋興黃槐開盡舉子  
心丹桂喜傳仙籍信竹齋雙手縮袖間坐看羣兒盛  
一戰春風躍馬不為難此去毋言日邊遠

十二月大雨

一冬都無五日寒赤日杲杲后土乾水官可歸帝弗



許詰朝不雨吾戮汝斯須便放大瓢傾一洗萬里塵  
埃清不妨更作尺深雪桑榆之功尙堪說

燈下偶次前韻

北風吹雨夜正寒北牕吟詩舌欲乾千辛萬苦浪如  
許飯顆山頭誰著汝何如一尊隨意傾酒酣不問濁  
與清明朝縱有三尺雪灞陵詩句無庸說

贈拂雲主人

十年作計須種木一日不可使無竹道人於此得三  
昧綠霧中間著蒼玉拂雲誰爲名其居我亦心同雲  
卷舒相期直覓飛霞佩不用重拈種樹書

竹齋詩集卷一

九 植 秋 節

次余主簿仲庸梅韻

春醪欲冰木欲折急雨風吹不成雪玉妃夜墮廣寒  
宮開作寒花賽清絕未須千樹插山巔且要幾枝積  
水邊暗香疎影尙無恙憑誰喚起西湖仙不妨琢句  
一作更馳送一洗十年塵土夢鐵心元不爲渠回眼  
底珠璣聊簸弄

再呈仲庸

芳枝莫遣風吹折要看枝頭千點雪孤山疇昔盛開  
時十里香颺飛不絕蹇驢烏帽照霜顛長吟竟日溪  
橋邊自從和靖收聲後一時翰墨歸坡仙只今往事

飛鴻送寂寞西湖投老夢花開花落謾傷心明月清  
湍誰與弄

贈仙茅道士

茅齋高卧日將午自起鈎簾試香縷門前剝啄誰叩  
門杖履蕭然顏貌古亟呼兒童延入座餉以清風滌  
袪暑論醫說相俱第一觸熱遠來尋我語嗟哉人生  
浪辛苦到頭事事皆塵土萬錢鼎食吾無取君有仙  
茅幸分與

寄題胡稽齋盆池

稽齋主人嗜泉石一舸來家楚江側水光山色晴逼  
人中有軒牕更清絕汲泉爲池良不惡坐見漣漪照  
金碧匿開寶鑑大如許月墮水輪光欲溢何須泰華  
尋玉井謾說仇池有仙穴箇中風露無處著長爲昭  
華洗炎熱嗟子疎嬾真成癖想像哦詩竟何益安得  
身爲稽齋客醉卧池邊聽錦瑟

竹齋詩集卷一

十 植 秋 節

竹齋先生詩集卷第一



竹齋先生詩集卷第二

宋 新建 裴萬頃 元量

五言律詩

雨後

秋事雨已畢秋容晴爲妍新香浮穉榭餘潤溢潺湲  
機杼蛩聲裏犁鋤鷺影邊吾生一何幸田里又豐年

涼風

涼風幾時動日暮已秋聲稍稍月華白紛紛林影清  
予懷元不惡世事巧相撓所願西成後邊頭息戍兵

用鄭浮梁韻簡園師二首

竹齋詩集卷第二

二首 秋 館

杖屨山蹊窄鐘魚佛界深寒梅殘屋角春齋老牆陰  
一水元無恙扁舟尙可尋煩師掬清溜爲我洗塵心  
古寺規模壯空山歲月深春排千樹綠雲墮一溪陰  
地僻人稀到官閑我得尋歸來詫清賞未覺負初心

次黃存之韻

客宦何時了官居又歲餘歸心五湖夢病眼一牀書  
近作君能富新功我略無不妨賦遊獵會有薦相如

陽谷偶成

愛日祛愁霧微和散積陰一牕塵外趣萬竹歲寒心  
士要崇清節吾將老故林抱琴聊一醉何用覓知音

書率更西林碑

冉冉老將至區區心已疲文章非世用字畫設兒嬉  
廬阜多名刹隋人有斷碑驪黃雖易辯堂奧未容窺

晚歲送館人歸省

不厭冰霜路衝寒辦一飼其維戒鞍馬春酒壽庭闈  
燈火知辛苦雲霄會奮飛相期紆綠綬非但戲斑衣

別敬叔

筆硯君無間冰霜歲又除諸生得模範六藝共耕鋤  
松菊淵明宅蓬蒿仲蔚居相望儻相憶時寄數行書

贈畫工

竹齋詩集卷第二

二首 秋 館

絲筆三生夢春蓮萬葉花笑人爲市道隨分足生涯  
山路淨如水溪流淺見沙能來良不惡看我傲煙霞

次胡伯仁韻

山長飛鳥急江濶去帆微唱晚幾漁笛憑高一釣磯  
從君濯冰雪滿袖得珠璣三歎不能已歸來吟夕暉

書晁文元道院集

華屋金狨座雕鞍駟馬車才堪誇世俗早已落丘墟  
此病久沈痼無人解掃除千年子晁子道院有遺書

送范二丈入藍田書院二首

今代崔斯立才高不負丞君方爲重客人謂得良朋



敏捷朝干字辛勤夜一燈明年冠秋試萬里看飛騰  
君在淳熙日嘗思陸監丞今爲後死者樂有遠來朋  
此道未墜地他時要續燈病夫力不足拱立看鸞騰

夜坐再用韻二首

洪井今真隱長沙昔謾丞餘生付巖壑拙宦愧交朋  
飯菜渾忘肉糞螢足代燈詩成夜將半雲際月騰騰  
家有輞川集人如王右丞琴書多暇日觴咏盡高朋  
擬脫雲山屐來分夜案燈新詩要傳寫病眼任蒼騰

送胡仲立入京

昔對延英日諸公歎弗如敢言天下事不負案頭書

竹齋詩集卷二

三直秋館

此去朝雙闕懸知有異除榮途方著脚未用曳長裾

次施真人韻

素鞵方多難丹砂儻一逢勿疑蕉覆鹿會見竹成龍  
澗水遠仍潔巖花幽更濃行行望仙宇知在最高峰

偶成

松徑煩風掃柴門爲雨扁行攜道院集坐對敬齋銘  
好事心常記閑談耳不聽觀空爲時候無異醉初醒

老屋

老屋久欹側隨宜聊拄撐吾今且共住緣盡會須行  
雨打從教壞風搖不用驚世間虛幻相聚散本無情

留浚沙

故山豈不好蕭寺亦堪居作意多成礙無心始自如  
鐘魚飽香積枕簟熟華胥但惜詩成後秀無阿買書

寄題喻高士澹軒

世事邯鄲枕生涯老子書能知澹中味雅稱竹間居  
石徑排雲入霜根帶月鋤紛華不到眼贏得玩清虛

晚步

日落欲閉戶風清聊杖藜千山猶帶雨一徑已無泥  
灑灑水聲急悠悠雲影低催歸綠底事著意旁人啼

榮姪試周

竹齋詩集卷二

四直秋館

汝生方滿歲伯髮已星星桑苧甘投老蘭蓀喜向榮  
席間無一印帷下有諸經莫學魚兒戲來年快聚螢

七言律詩

題洪內翰爽榭

霧閣雲牕天外安懸知幽趣勝人間簾櫳夜月浮銀  
海桃李春風醉玉山自笑紅塵無暇日浪憑清夢覓  
商顏何如飛佩隨君後細看匡廬紫翠鬟

次元德弟示從龍入學

生兒雖小莫憐渠學問工夫在謹初今日從師良不  
惡他年閉戶反成疎雙親未老身無事諸父能文家



有書好與汝兄俱努力後生叢裏試羣居一作少年叢裏關龍

次洪內相菊亭

詩僊種菊未多時因菊名亭早有詩欲爲寒花標晚節故將新句寄東籬平生未省翻三峽高處那能贊一辭便得從容侍公側回頭已是十年遲

次洪內相梅亭

人間多是梅開後旋踵東籬事故常那得紅簾卷朱戶細看素質傲清霜一生奇興雲山外幾度搔頭江路傍咫尺名園身未到夜牕羞對返魂香

竹齋詩集卷二

五 匪 秋 節

夜坐

爐火篝燈孰與同此心吾欲付冥鴻茅簷已作十旬雨蕙帳不禁連夜風一段清愁詩句裏十分寒事酒杯中溪雲未用安排雪且聽梅花試小紅

雪

天花一夜泄春機飛墜人間片片奇有色有光欺柳絮無聲無臭點梅枝縱橫萬舞風回處表裏雙清月霽時此景惟詩可摹寫却憐老去不工詩

寄高菊圃謝惠詩集

高名如斗夜垂天無地追思每自憐正欲爲君尋五

老乃蒙因我到雙泉新詩妙絕問方就稚子攜歸喜欲顛此去湖邊不多遠秋風當覓釣魚船

寄元齡弟

夜牀風雨夢到處東湖西山如接連安信喜隨烏鵲後雅懷知寄白鷗邊軒牕春動花陰滿圖史香浮墨色鮮箇裏詩書應有味不妨兼讀養生篇

次元德弟

蜜逐春風上下狂懶從桃李借恩光只應朝市風波惡不似山林氣味長莫借舉杯邀太白要看騎馬似知章南征他日如相憶詩句還須付革囊

竹齋詩集卷二

六 匪 秋 節

玉山道中時赴掌故之命

麥苗堆綠菜花黃一簇人家古道傍酒熟不妨邀里巷年豐贏得事農桑世情只說宦游好客裏那知歸興長我有平生蓑笠在釣絲何日理斜陽

端午上饒道中

一春留滯在京華午日依前未到家細葛香羅素無望黃塵烏帽亦堪嗟爭舟野渡人如簇立馬郵亭日欲斜遙想墳窳獻親壽絲衣羅拜酌流霞

臨安別余求之

長安車蓋喜如雲邂逅惟君是故人風月滿懷情灑



浴珠璣撒紙句清新攜來客裏一尊酒洗盡湖邊十里塵富貴功名丈夫事別離無用淚沾巾

鄉人羅朝宗與兵部尙書京公有舊將往見之遇予於樂平因餞別

四時成歲秋云暮九月肅霜天漸寒有客裹裳涉鄙水逢人劇口話長安懸知欲聽星辰履厭見從來苜蓿盤姑舉一觴餞行色無魚長欽切休彈

陽谷偶成

竹近頗忻衣袂爽苔深長恐履痕侵夜燈四壁圖書影曉日一牀花木陰載酒只今誰好事絕絃從昔爲

竹齋詩集卷二

七首 秋館

知音區區外物成何用慎勿緣渠愁此心

入京道中風雨因賦此遂退休

新築書堂壁未乾馬蹄催我上長安兒時只道爲官好老去方知行路難千里關山千里夢一作念一番風雨一番寒何如靜坐茅齋一作歸臥南牕下翠竹蒼梧仔細看

閑居

閑居最與性相便勤卽緝書懶卽眠終日閉門眞省事有時面壁似耽禪大椿歲籥祈親壽斷簡生涯聽子傳待問洪崖覓丹訣白雲深處引寒泉

松花開竹笋茂喜而詠之

繁花密笋暮春時妝點園林一段奇金粉生香風細細斑衣留潤露垂垂品高宜入神僊藥節勁終全冰雪姿笑彼杏桃兒女態謾爭豔冶媚山歧

睡起書懷時諸公相勉再出

北牕終日廢書眠一枕清風直萬錢雲度茅簷輕冉冉泉生石砌淨涓涓不嫌雨脚花間注要聽秋聲屋外傳三徑初成吾欲老幕中何用泛紅蓮

有感時與李弘齋有約

去年今日西歸客曝背茅簷又一冬歲月催人雖逃

竹齋詩集卷二

七首 秋館

速簡編於我却從容知名焉用詩千首養病聊須酒一鍾早晚杖藜修水去故人有約許相從

用前韻謝伯量過訪山中

勝遊千里笑談中雪片梅花正仲冬肯向席門尋孺子更能草具重茅容春風頓覺生寒谷夜榻惟愁聽曉鐘半世放梅門下客乃今何幸得過從

送胡仲衡

憶昔樵江一見君喜君吃吃善談文別來歲月今如許書裏工夫想得勤近世起家多白屋幾人馳志在青雲橋齋已踏賢關路更有諸孫策異勳



喜范光伯相過

章江東下幾灣洄誰伴離僊夜探梅離別不禁詩社  
冷遭逢莫放酒船回水霜滿眼歲將換花柳轉頭春  
又來安得飛騰九霄外鞭鸞管鳳日相陪

懷范光伯再用韻

梅邊流水碧洄洄都把相思付折梅十載不禁雙淚  
落一尊期慰九腸回驚殘蝶夢鵲空喜望斷馬蹄人  
不來咫尺雲山尙如此天涯那解得追陪

次光伯韻

竹逕當年手自開只今無處著莓苔絕憐此地過從  
九宜秋館

竹齋詩集卷三

九宜秋館

少賴有高人時復來籬下久霜猶有菊水邊近臘正  
多梅我云眷眷三年別君莫忽忽一夕回

錢塘次孫教南韻

簿領歸來得泮宮一時滾滾任諸公市朝競逐利名  
走草木誰爲臭味同雪水不妨披宿霧蓬山正要挹  
清風塵埃不得從君後豈但他時媿兩翁

次朱震遠韻

芳池綠水自生肥一作上有軒牕隱翠微花竹舊嘗  
開小逕門閑今又啟重扉直須闢闢排雲去要看長  
安躍馬歸詞賦合魁天下士春光端不負劉輝

次王成之咏梅

誰遣冰魂照夕陽搖搖一任北風涼眼前共有幾多  
蕊鼻觀一作胡爲如此香佳實會須歸列鼎孤標已  
自歷羣芳濡毫我欲從君賦未嘗平生鐵石腸

讀伯仁詩卷

憶昔從君漁釣時小舟行徧楚江湄僧房夜月琴三  
疊客舍秋風酒一危別後相思梅折盡書成欲寄鴈  
來遲蛩聲驚覺寒牕夢自起挑燈讀舊詩

不雨

農時閏月天不雨嘉穀叢中龜兆生雲勢只隨風聚  
散鳩聲空報客陰晴半生憂國髮欲白一飽無期心  
屢驚尙願秋陽化甘澍稍甦枯槁望西成

竹齋詩集卷三

十宜秋館

乙亥六月鄉民祈雨壽春祠下嘉澍既降稿  
苗盡與萬口一辭頌神之德予喜聊成俚語

以書祠壁

憂時曾上天庭疏憫物今爲旱歲霖一夕風霆百川  
水四郊香火萬民心山巔定有煙霞宅夜半常聞鐘  
磬音儻許塵蹤拜仙馭願營茅屋老雲岑

郊行卽事

病來多日廢將迎試命巾車作此行稍實滿田秋事



丁松陰堆徑午涼生數山見我爭傾蓋一水邀人請  
濯纓却憶吾廬南浦外何時得與白鷗盟

兀坐有感

忘言編簡倦三復適意絲桐聊再行已共白雲論久  
要更尋青鳥問長生按行泉石苔侵屐披拂松篁露  
濕纓此事洪崖知我舊歸與端合與同盟

有感

政爾雙泉謂王成之憶舊游柳江謂周開又有歸舟誰能  
不作千年調夢斷真成萬事休傾蓋向來情莫逆莫  
芻無計淚空流重雲已失鷗鵬影愁絕滄浪一白鷗

竹齋詩集卷二

士

送張高安入京

青衫十載蟾宮客黑綬三年鳳嶺頭循吏聲名武陽  
令故家風味富平侯江邊休歎雙鳧去天上行看一  
網收八造鵷班立仙仗莫忘回首顧沙鷗

用黃子益韻二首

青衫日日因塵沙安用浮名與世誇已過半生真似  
夢未荒三徑且還家恨無沈水紆香穗喜有寒泉滌  
茗花袖却西歸遮日手園林幽處看桑麻

睡起忻然思慮少病餘猶覺應酬艱招搖風月聊須  
竹收拾雲煙幸有山但要世緣隨手斷莫憂詩債幾

時還追奔富貴非吾事且占林泉一味閑

寄劉擇之新居成

西風吹鴈過吾廬特地傳君一紙書九載不須論舊  
事萬金良喜得新居春回院落花侵座雨過池塘水  
遠除我欲退之門下去却愁無處覓金魚

題懷秀堂

莫教滿地長莓苔杖屨從今日日來曲徑要隨松巷  
轉柴門須對石橋開牆頭花木因時種案上圖書任  
意堆幸有林泉可投老忽將雙脚踏塵埃

竹齋述事

竹齋詩集卷二

士

夢魂驚斷渺難續卧聽竹裏風冷冷寒蛩爭鳴遶四  
壁缺月半墮橫疎榻平生細字髮欲白午夜短檠燈  
尙青稻梁作計吾不願願學滄海鴻飛冥

大雪用前韻五首

雨師風伯妙天機幻出乾坤一段奇曉對青山渾似  
晝夜看黃卷可忘饑金貂換酒非吾事鐵甲屯邊正  
此時失國殘胡應凍死書生猶賦采薇詩

天孫雲裏散支機飛墜人間分外奇勾引芳尊留客  
醉栽培玉粒療民饑幅巾籬落尋梅處一舸江湖釣  
月時妙處惟詩可摹寫却憐老去不工詩

誰扶天女下冰機  
翦水成花片片奇  
影落池塘波不動  
幾侵鷗鷺色皆饑  
縱橫萬舞風回處  
表裏雙清月

壽時浪戰未能無  
寸鐵對人羞誦醉翁詩  
伊人元不墮危機  
踏凍衝寒正自奇  
只怪飛花無處避  
都忘欬玉有時饑  
月明剡水回舟夜  
歲暮梁園作賦時  
一段風流誰得似  
只今王謝却能詩

誰知天巧出玄機  
但怪飛瑤過眼奇  
眼立風枝寒雀倦  
愁吟水谷曉猿饑  
蘆花洲渚月明夜  
柳絮池塘春暮時  
此景人間不長有  
寫真傳影正須詩

題小桃源

竹齋詩集卷二

古直 秋 館

半月池邊倚瘦藤  
望仙臺上岸烏巾  
塵埃一點不到地  
花木四時長是春  
載酒豈無好事者  
爛柯應有著某人  
請君更種桃千樹  
準擬漁郎來問津

次伯仁善利閣

看經堂中鐘磬鳴  
看經堂外水雲清  
山連遠渚鳥飛急  
風入輕帆舟去平  
煙樹不妨留夕照  
塵纓正欲濯寒泓  
憑誰為我問造物  
乞與少陵常眼明

執霞溪高縣丞二首

少年挾策上金鑾  
三拜郎官鬢未斑  
不說知音在霄漢  
但知投老向雲山  
柳絲陰裏陶潛樂  
花錦香中潘

岳閑逝者不堪人事異  
洪崖亭下水潺潺  
公家原在洪崖宅  
自是洪崖向上人  
嗜酒一生真箇淡  
風標八表更精神  
紛紛偶厭人間事  
去去歸尋洞裏春  
朱紱只今無覓處  
但餘佳句鎮長新

竹齋詩集卷二

古直 秋 館

竹齋先生詩集卷第二



竹齋先生詩集卷第三

宋 新建 裘萬頃 元量

五言絕句

善利閑次伯仁所題趙子良畫四首

篋篋君鄉來分明記江樹想君詩成時夢作白鷗去  
平生交游間吾幘蓋屢岸區區稻梁謀君亦逐鴻鴈  
風簷手君詩心迹已清絕何當更長吟坐對澄江雪  
扁舟兩漁翁清唱發日暮安得如鴟夷相與五湖去

錢吳長文司理用脩持賢業教無欠爲韻

平生不量力妄意希前脩憤憤雖無見拳拳未敢休

竹齋詩集卷三

十五 秋 館

狂瀾湧如此砥柱其誰爲天意必有在吾身姑自持  
考亭無恙時從游孰非賢歲寒萬木彫松柏始傑然  
聖賢去我遠何者名事業吾欲到彼岸須君借舟楫  
過從資直諒夫豈勢利交謂朋黨者誰仁人姑聽教  
人生天地間離別安能無莫作兒女態相期烈丈夫  
君姿正而剛名節非所欠臨歧贈一言惟有學不厭  
自誓

俗塵易汚人曾次須自潔君看四明老水壺浸秋月

楊慈湖先生  
四明人也

題蘇希亮畫

石梁渡山澗上有秦人居歲寒不種桃汲泉灌佳蔬

六言絕句

兀坐

息絲絲而不絕心了了以常明靜室我方燕坐傍人  
喚作修行

七言絕句

保福寺對橙菊有感

平生愛菊陶彭澤清夜移橙杜草堂千載詩魂招不  
得獨留風味在僧房

兀坐有感

竹齋詩集卷三

十五 秋 館

意行曾到楚江臯占得雙泉第一寮牕戶邃深鐘磬  
遠客塵都向靜中消

癸亥夜夢

丙夜清眠正熟時夢魂飛去拜丹墀小臣乍得披肝  
膽感慨分明涕淚垂

次洪內翰十月桃韻三首

千紅萬蕊彫零盡安得枝頭數點紅疑是神人寫春  
色鎮長留影在屏風

舊日驪山宮殿中玉妃無數舞衫紅只因歸去蓬萊  
後夢作寒花笑北風

不須羯鼓促春工一樹霜邊取意紅  
寺語玄冥爲收拾莫教人恨五更風

次洪內相雙竹韻三首

延平兩龍幾年卧歎爾化作寒枝雙  
春檜長松皆敵國會須因壘一時降

媚娟兩枝翠可掬絕勝白璧南金雙  
留與先生作椽筆詩壇八面受人降

管飽交情真耐久夷齊義氣更無雙  
虛花滿眼風號怒一節青青終不降

薦福寺次許師詠竹

竹齋詩集卷三

三  
宜  
秋  
備

浮雲蹤跡任西東翰墨場中且用功  
時對此君哦七字也勝癡坐辯幡風

次余仲庸松風閣韻十九首

飛花數點雨初歇啼鳥一聲春正長  
讀罷黃庭了無事旋安銀葉試爐香

古木陰陰六月涼幽花藉藉四時香  
絲桐清夜作三弄明月入簾風拂牀

爛漫花陰覆短牆花開時候日偏長  
道人不被春勾引到處惟聞薺蔔香

不見詩仙何遜來春風幾度早梅開  
竹籬茅舍自清

絕未用移根東閣栽

怡則梅邊春意萌困人天氣又清明  
爐熏茗盃北牕下臥聽絲蠻黃鳥聲

已著遺經洗此心更尋流水濯吾襟  
經句不涉溪邊路苻帶苔錢如許深

霧閣雲牕先自幽水聲那更繞源流  
春深紅雨落桃徑晝永清風生茗甌

楊柳陰中啼杜鵑梧桐枝上噪玄蟬  
篇章滿眼無人會贏得詩翁取意編

紛紛眼底正爭馳我獨冥心絕五綦  
說與傍人俱不信故山惟有白雲知

竹齋詩集卷三

四  
宜  
秋  
備

爭春桃李太忽忽隨手飄零逐曉風  
冰雪不侵塵不污可人惟有歲寒松

顏楊翰墨今誰解陶謝篇章古所無  
安得金丹換凡骨白頭深恐媿吾夫

平池春去水溶溶人在笙歌一部中  
柳葉翻風羅帶綠荷花著雨錦衣紅

簷間新燕幾時來簷外閑花往歲栽  
丹杏碧桃渾落盡綠陰低處結青梅

淡月籠花花映牕好風吹竹竹浮香  
夢回何處一聲



笛人靜山幽天正涼

無所用心魚在沼居然生子燕成窠誰言春去花事

歇萱草石榴情更多

為憐風雨趣春回故著秋花到處栽蘭菊從來盛風

味不妨環繞讀書齋

白雲殊不作俗態流水更似知人心溪邊濯足溪上

坐樵唱一聲秋滿林

坡谷遺書那復有向來一紙抵千金誰知懸腕與臥

筆如用大都留此心

俗書本作于湖樣野鴛家雞強自分王氏無人魯公

死只今何處覓雲仍

竹齋詩集卷三

五

松齋秋吟

驕陽赫赫轉秋陰便覺蕭然鬢影侵世事炎涼俄忽

爾閑來物理靜推尋

宿翠巖寺呈李弘齋簽判

匡廬勝處君曾到誰是淵明與遠公幸有和陶詩卷

在好依蓮社此山中

同李簽判山行午飯野店簷外羣蜂紛紛因

成絕句

脫略人間勢利場來尋泉石共徜徉飯餘小立茅簷

外試問羣蜂有底忙

寄宋居士脩叔求菴記

翠琰新刊照眼明流傳何日到柴荆從今不恨論交

晚我亦碑中有姓名

皖山紙帳送宋居士

剪裁不惜褚先生要護高人雪屋眠只恐鶴書催起

去長留空帳北山巔

題書院壁間碑

天上真龍去不回世間凡馬謾爭馳少年氣習今猶

在袖手時來省斷碑

竹齋詩集卷三

六

日出

日出柴門尚嫩開綠陰多處且徘徊槐花滿地無人

掃半在牆根印紫苔

早作四首

雨過長江浪拍城迢迢義馭水中行舟人指點雲開

處喜見青山一抹橫

井梧飛葉送秋聲籬菊絨香待晚晴斗柄橫斜河欲

沒數山青處亂鴉鳴

北牕清冷不成眠風遞蛩聲到枕邊試喚兒童卷疎

箔一簷花影月娟娟

爐香清曉坐書帷竹擁藤牀日到遲自賦短章還自笑不知顏閔有何詩

冬日早作

黃昏月姊翦雲開夜半雷車載雨來晨起鈎簾望霄漢風花吹墮萬瓊瑰

午睡

午牕春日影悠悠一覺清眠萬事休澁笑邯鄲槐里夢癡兒到老不回頭

入京道中曝背

露溼芳桃午未乾花時全似麥秋寒征衫不敵東風

力試上郵亭曝背看

卽事二首

門前溪水欲平隄謾著漁竿淺處垂晴雨每關憂國

念豐凶端欲問人知

春時耕種夏時耜七月農夫始食新此去田家常要

雨雨多元自不妨人

次伯仁過道傍田家韻

桃源千載鎖煙雲若輩安知古有秦恐是吳興沈東老一尊聊復醉詩人

絕句

數聲牧笛日將晚一曲樵歌山更幽解帶盤桓小溪上坐看紅葉汎清流

久雨

園林清樾淨無塵池沼黃流去有聲不用飛花來點綴但須霽日爲澄清

上元憶大梵明燈二首

經年不到豫章城燈火遙聞鼓吹聲却憶秋屏臺上寺絳紗青玉幾長明

突兀招提枕古城夜深鐘磬寂無聲坐馳燈火笙歌地知有何人一點明

秋日卽事

斷鴈聲邊小雨來菊花強半臥蒼苔乍寒天氣雖宜酒冷淡無心把酒杯

九日

籬落黃花尙自無白衣况未到吾廬莫令此日負佳節爲展淵明采菊圖

松齋秋咏次黃存之韻七首

少年有策志平戎心事今成一老翁蜀客欸門茶未了防秋又說棗兒紅

西風黃葉埽空庭舞鶴翩翩墮雪翎一陣清風通鼻



觀木犀亭下讀騷經

牽牛引蔓上東籬氣蕭清商雨過時人意若隨天意  
好秋光又到菊花枝

閉門思古或傷今每有詩來默契心紙上不須評巧  
拙堯夫只是靜中吟

閑中無辱亦無榮案上圖書有課程靜對秋花香默  
默晚風休送亂蟬鳴

據梧枝策事紛紜樓上看山對晚曛縱是樓無山色  
遠只如小米畫煙雲

無事榮心畫掩扉松風度曲入琴徽登高老矣興猶

在塞上秋風戰馬肥

竹齋詩集卷三

九  
直  
秋  
節

次仲庸初冬即事二首

常歲霜天分外晴一溪如練浸冰輪今年風雨寧無  
夜誰與溪梅作小春

君家秋實洞庭種小子持來獨未黃莫作蘇州書後  
夢只今正欠滿林霜

雪中戲元德元齡二弟二首

在昔梅花猶有賦如今冰柱亦無詩吾衰不作池塘  
夢春草生時子合知

袖間出手不應遲柳絮漁蓑總是詩二妙得君真所

喜一寒如有誰知

再韻寄元齡弟二首

季也東歸何太遲伯兮西望屢吟詩茅簷昨夜雪深  
尺人在篷牕知不知

小舟閑已杖江湄滿眼瑤瑤定有詩詩似其人人似  
雪只應清處恐人知

雪中再示德齡二弟三首

只道園林春未歸風前一夜柳花飛東皇自是繁華  
主不用玄真薦玉妃

平生蓑笠慣衝寒長憶江湖把釣竿昨夜北牕聞雪

作夢魂飛到子陵灘

竹齋詩集卷三

十  
直  
秋  
節

青青牕外幾修篁也學宮梅巧樣妝說與惠連須著  
句雪邊春色到池塘

再用韻三首

亂飄牕戶重重積巧入簾櫳細細飛想見鈞天張樂  
處瓊瑤玉佩列千妃

蕙帳一冬無苦寒夢回長是日三竿那知今夜剡溪  
路月淡扁舟水滿灘

鳳臺仙姊卷銀篁歸去瑤池試曉妝剩粉殘脂無處  
著化為風絮滿池塘

再用韻三首

無人低唱兩三危一任瑤瑤滿眼飛羅幃暗塵應洗  
盡月明吾欲看江妃

憶昔騎驢犯曉寒酒旗隨處認長竿瀟陵物物皆詩  
句不用牽船入節灘

眼前修潔獨修篁屢倩東風洗曉妝學舞腰肢困珠  
玉可憐官柳在寒塘

再用韻三首

梨花月淡珠簾卷柳絮風輕粉蝶飛宮漏無聲臆欲  
曙霓裳催舞廣寒妃

竹齋詩集卷三

十一

雪裏鷗盟元未寒小舟南浦著漁竿眼明似共月千  
里衣冷欲迷雪一灘

疎梅元自映疎篁誰把瑤瑤特地妝雪後園林應更  
好却輸和靖在錢塘

次元德弟韻

跋扈飛揚使我驚鐵中雙鏃日錚錚陳橋舊將今無  
用一任於菟繞屋行

子從元德弟借到西廊書齋朝夕其間今二  
年矣戲題作病僧寮且賦三絕

雖有圖書伴寂寥不妨題作病僧寮蒲團竹椅南牕

下一炷爐香百念消

華髮蒼顏一病僧向來文史頗關情只緣世網無由  
脫遂學枯禪度此生

朝來寮外望西山正在雲煙縹緲間既欲與山為保  
社不妨身世似雲間

再用韻三首

病僧行脚歸來後萬事無心每閉寮日射竹牕風葉  
亂煙凝香鼎篆紋消

厭趨朝市元無夢慣處山林似有情圓覺楞嚴俱不  
解維摩會下一書生

竹齋詩集卷三

十一

無心對客煨黃獨有意看雲傍白閒終日區區弄文  
墨笑他齊己與高閑

寄元齡弟五首

餘生端合老吾廬心地全然與世疎安得數椽西嶺  
下自行溪水灌園蔬

莫怪窮年不入州載書前已會盟鷗市朝畢竟多塵  
事且傍溪山靜處留

俯仰之間又一年即看科詔下天邊功名萬一來相  
逼試向榮途小著鞭

少年妄作功名想說著長安喜欲狂多病年來怕奔



走却思雲壑置藤牀

一室蕭然百事無崇朝趺坐對熏爐岫雲舒卷元無礙

礙贏得從容養病軀

元齡弟寄悲秋四詩因次

不到青雲志未休近來何事却悲秋短檠雙目元無恙

志快讀詩書莫浪愁

圖書繞屋未為貧想見長吟日閉門西社諸公久寥

落不知招得幾人魂

幸有平生古戰場不妨高臥到羲皇一朝冀北空凡

馬須信驂騮道路長

竹齋詩集卷三

三 宜 秋 館

支離病骨怯初寒眼底清愁更萬端勉和新詩寄鴻

鴈江城夜月覓君看

予既得烏石岡西望葛壇在雲霄中相去雖

遠山勢不斷林木歷歷可數異時乞靈仙翁

不難矣喜而成詩寄葛壇主人

東西知隔幾牛鳴山勢絲絲若引繩待向岡邊結茅

屋幅巾遙禮夜壇燈

寄張仲符時得烏石岡地二首

今人那似古人賢一錘隨身日醉眠此老有靈應笑

我區區常費買山錢

寸田尺地可長久此訣劉郎却未傳他日馭風蓬島去謾留陳迹在山巔

次敬叔韻二首

玉鑑冰壺一段清鐵中誰與鬪錚錚眼看萬里雲霄

路不信驂騮地上行

別我新詩有許清玉聲金韻兩琮錚筆端定自翻三

峽乞與餘波賦贈行

次李司直韻二首字敬子號弘齋

老來方欲臥林泉一躡紅塵只自憐已與山靈有成

說秋風歸騎急加鞭

竹齋詩集卷三

三 宜 秋 館

清虛絕跡竟何為自笑平生頗好之正路儻非君得

似冥行未免用多歧

別胡仲立次敬子伯量二丈韻二首

脩水相望無百里從來人物勝西昌弘齋自是朝陽

鳳伯仲行看接翼翔

乾枯如我真何用設結蒲團竹椅緣緘口向人無一

語此燈他日遣誰傳

次余求之坐間所賦

地僻不聞車馬鬧官閑但覺屋廬深擺除詩債寂無

事一炷爐香觀此心

酬余求之二首

枕中久已黃梁熟鏡裏從教白髮垂但得漁樵分半席此生何必要人知

雨後軒牕無一塵牕前松竹更清新不妨踏徧莓苔地遺我青鞵有故人

錢仲庸主簿入京三首

風帆轉眼即長安好在交游半達官既有王陽知貢禹不妨乘興一彈冠

孤山梅蕊正開時杖屨還須訪水湄莫遣冰魂歎半落只今和靖自能詩

竹齋詩集卷三

五 宜 秋 館

野梅官柳只供愁空倚鄱江百尺樓待倩天邊幾鴻雁為傳消息到皇州

別曹教授三首

一歲與君三別離盍簪此去定何時梅花未必堪相寄待倩郵筒寄小詩

從渠柳色自青青莫為行人賦渭城只恐南牕舊時竹誤隨風雨作離聲

江花岸柳太多情長逐春風管送迎我亦思歸歸未得夜牕愁聽杜鵑聲

次吳長文見寄時有衡山之役

夜半詩成欲寄君夢魂飛渡楚江津怡怡前日如兄弟今作東西南北人

次吳司理見贈二絕韻

朱金得喪日悲懽內樂知誰夢見顏君有上池無限水不將涓滴到人間

湛然曾次幸清明忍看人間勢利輕我輩相知端有道未應膠漆付雷陳

寄題真愛堂二首

終南佳處暫相遲堪笑唐朝左拾遺渠但借山為提徑山中滋味豈曾知

竹齋詩集卷三

五 宜 秋 館

真愛愛山今有誰此心猿鶴亦難欺看來却是朱居士不愧昌黎五字詩

築堂誰不要看山往往襟期了不關欲識此翁高絕處一心長在白雲間

安樂窩三首

天闕飛來三大字雲山留住一閑身老仙駕鶴蓬萊去丹竈而今屬後人

孤山嘗試一登臨歸夢紛然繞故林箇是平生安樂處清泉白石總關心

生來歲晚寄南牕燕坐常聞御墨香却笑到天亭上



各日將茗粥攪枯腸

有感二首

絕憐修竹知人意更愛雙泉不世情  
回首舊遊渾似夢却因多難悟無生

三四知音總道山荷鋤吾獨在田間  
人言病驥猶堪秣伏櫪何心十二閑

高安別蘇塘三首

獨立每憐陶靖節北牕終日傲羲皇  
如今我亦無儔輩遠把心期付野塘

曾中泉石真成癖紙上雲煙總是詩  
分我漁舟三四箇故山歸去弄漣漪

竹齋詩集卷三

七首

交蓋纔傾便語離絕憐立馬送君時  
梅花未必堪相寄待倩郵筒寄小詩

題希亮畫

晚牧歸來月在山夜深茅舍不勝寒  
栖鳥欲動催翁起快傍煙汀把釣竿

題昭君圖

紛紛爭賂毛延壽今日丹青竟不傳  
萬事無過真實處後人贏得寫嬋娟

題老悟畫卷四首

中興以前作山水只說李成與郭熙  
誰知淳熙有此老健筆不減巨然師

吏隱三年楚水頭每隨鳧雁杖扁舟  
歸來喜色驚鄰里分得瀟湘一片秋

何處移來一川竹空濛煙霧染人衣  
其間應有葛陂杖時出林梢帶雨飛

謾謾風前荷葉枯搖搖霜後蓼花疎  
春鋤舊有江湖約數輩相依正要渠

牕前古槐二首

密葉繁陰畫不成捲簾雙眼為渠明  
人間炎熱無來處贏得軒牕分外清

竹齋詩集卷三

六首

去歲西湖避暑來藕花無數眼慵開  
而今歸臥洪崖側看盡飛泉看古槐

題針出羹字韻

一寸堅剛鐵琢成綺羅叢裏度平生  
有時稚子敲成釣釣得魚兒便作羹

題箋

六七葉蘆秋雨裏兩三箇鴈夕陽邊  
青天萬里渾無礙衝一作破寒潭一抹煙

簡瑄上人

千里歸來覓故林朱弦雖在少知音春風玉几山前路忍負平生一片心

簡瑄上人借楞嚴經

石室雲山鎮日扃午雞啼處睡初醒案頭上有爐熏在試讀楞嚴一卷經

題隱室

閩浙相望兩道場上人曾炷室中香直須了却舊公案莫向空山便隱藏

題破塵讀經所

試為眾生破一塵出經為筏度滄溟待渠到岸無驚

竹齋詩集卷三

五五 秋 節

畏復破微塵納此經

右隱室破塵二詩為新破瑄上人作也瑄師隨孤雲自西禪過育王凡三閱歲孤雲待之甚厚既歸故山榜其讀經之室曰破塵蓋取華嚴破塵出經卷普饒益眾生之語題其燕坐之室則曰隱室將自是隱藏也予謂育王一段公案尙未結絕世須再出不應便為隱藏計故首章及之瑄師儻以予言為然則一笠支筇可以東矣嘉定戊寅二月甲子竹齋翁書

贊附

十八公贊 并序

世號松為十八公以其字言也予所居四旁皆松而森列於前者十有八本因總名之曰十八公魯論曰歲寒然後知松柏之後彫也公之高節見稱於洙泗億世而不朽秦時公嘗為大夫喪失所守反不若桃源之花因避秦得名傳之至今是不知公者所謂大夫特強名耳公何心哉且以祖龍之威靈氣微而倉卒之際非公無以蔽其身公素所蓄積求之當世雖穀城老翁為留侯師視之猶編彼區區以顏色媚人纔比於兒女子之態者為公

竹齋詩集卷三

三五 秋 節

役且不足而謂其得名過於公何其謬論歎公自春秋以來歷年悠久殆若華表之鶴而尙能傲睨霜雪無所回畏蓋其天姿若是予幸與諸公周旋不知有古今先後之異懼公一旦舍予而去柱明堂棟清廟則予將無以自託於公也遂為之贊曰矯矯乎雲霄之外挺挺乎霜雪之中語操則林下之傑語形則洞口之龍噫大材終大用烏不逢逢則必曰公等何出之晚斯民久望於旂幟惟如是其孰與

竹齋先生詩集卷第三



竹齋先生詩集卷第四

附錄

宋寧宗賜秘書監丞裘萬頃勅

勅秘書監丞裘萬頃帝王之治必有典籍之藏又擇當世聰明拔之士聚於其間使得漸摩文學之益獎成其材以待國家之用故書省之設不計近功而要於廣蓄德所以厚其禮秩而難於用人庶以明朕好古樂善之勤而勵學士大夫之行也爾萬頃博識多聞操行篤實諸儒所尚令聞惟舊延處茲位蔽自朕知夫尊其所聞操行之不倦使輔於世教而其效可言非獨優游冊府而已在爾自強以承朕志可依前件

竹齋詩集卷四

二直 秋 節

宋大理司直裘竹齋墓誌銘

朝請大夫贊謨閣待制提舉南京鴻慶宮

楊簡撰

古未有道之名堯曰疇咨若時登庸時是音之輕清者時謂順是道者我將登庸之時者以道無得而名故曰時舜曰人心惟危道心惟微始有道之名孔子語子思曰心之精神是謂聖又曰哀樂相生正明目而視之不可得而見傾耳而聽之不可得而聞孟子

曰氣配義道列而為三簡之行年二十有八首秋居大學循理齋之東序以我先大夫嘗有訓俾時復反觀簡方反觀忽見天地內外空同一體範圍天地發育萬物果然焯然心之精神無形體無際畔無異同孟子推測而未覺屢有器器之言此何等態度而出諸口言仁人心也而曰不下帶直可笑曰說大人則貌之直可鄙簡舊同寅裘元量日者因問答從容元量忽覺覺非心思言語所及即伊川之覺孔子謂智及之顏淵庶幾餘子日月至焉而已元量後為大理司直府君諱繼祖字慶源祖無諍居士有不逞登門慢罵居士飲之酒罵者慚而退自是過其門者咸曰長者家也府君中年謝家事攝衣危坐終日泊然二三世無一字入公門有以語見侵略不動曰吾祖固如是吾家法則然乾道七年飢質田得粟療飢者不較里中癩老今猶感泣以為卯辰之歲微此翁與某而人皆為溝中瘠矣元量諱萬頃嘉定癸酉六年除吏部架閣明年遷大理司直力句外任月三上章有旨添差江西撫幹以便祿養卒於官銘曰慶源厚德元量默識慈湖楊簡哀敬老筆

竹齋詩集卷四

二直 秋 節

乞裘萬頃幸元龍遺澤表



臣聞居賢德以善俗者君子之澤也善善而及子孫者春秋之義也蓋儀型一方必有善士上之人固當超越故常不問存沒庶足以昭勸懲而敦禮教臣備員江南西路延見父老詢問人物皆言江右夙號多士率爲顯人獨豫章裘萬頃高安幸元龍皆鄉之師友不幸以厄窮終其身莫有爲之言者恭惟皇帝陛下勵精改紀正氣日伸當世老成博雅之彥收召無遺而此二人者存不及見天日之清明歿不獲沾雨露之膏澤爲善而不報識者懼之臣既忝外臺耳目敢不以聞伏見贈通直郎裘萬頃清名厚德矜式士

竹齋詩集卷四

三五

林博學高文源流賢派方嘉定時大臣德政萬頃雖蒙收召遇除官則辭之既辭掌故又辭司直乃乞添差帥屬而去不知者謂爲親老也乃其自度枵鑿又不欲近名耳秩滿不調退歸西山荷茅之下既老且病猶日孜孜以治心養氣爲躬行綱要以忠信孝悌教其鄉黨子弟諸司曹彥約等繼爲乞差遣於朝僅還幕府一月而歿蓋近世以老選調如萬頃者極少而萬頃不悔也故朝章郎幸元龍英辭偉論萬字立成直氣雄才一毫不屈分教隨州先臣喜其剛正奏舉改秩自是宰邑倅州聲滿江漢輕財急義以儒知

兵屢奏書天闕指陳時政忠義激發皆所難言當路惡其論高志廣亟聞於朝遂令致仕時年方五十有八幘被而歸日與其徒窮經講學點墨不入帝城大臣諷令陳乞屹不爲動蓋元龍去纔九閱月而路門親政賢路彙征矣照得萬頃嘗綴朝列有子四上禮部尙爲布衣元龍既登員外郎有子亦與漕薦然以義方所漸不肯自行陳理一則無澤而厄於天一則澤可及而困於人此江右有識之士尙友論世而每爲之慨歎也豈所以扶頽風而起人心哉臣愚欲望聖慈深考春秋之義追懷君子之澤除萬頃已蒙贈

竹齋詩集卷四

四九

官外特與其子從龍補受文資將元龍改正致仕放行合得恩澤俾其子應鑑承受仍與元龍追理生前磨勘酬賞慶典恩例優加贈恤庶使賢者之後不絕于祿仕公議之屈獲伸于明時其於治化實非小補須至奏聞者右謹錄奏聞伏候勅旨端平二年七月日朝散大夫祕閣修撰江南西路計度轉運副使兼權知隆興府新除太常少卿臣吳潛狀奏

林庭棹嘉靖江西通志人物志

裘萬頃字元量新建人淳熙十四年進士有孝行節操其學惟以存心爲主嘉定初除吏部架閣遷大理



司直力旬外任添差江西撫幹以便祿養卒於帥屬  
贈通直郎慈湖楊簡志其墓刻云

盧廷選萬曆南昌府志儒林傳

裴尚頃字元量新建縣人淳熙進士有孝行節操其  
學專以存心為主粹然一出乎正遷樂平簿清譽播  
聞轉大理司直力求補外以便祿養添差江西撫幹  
時真德秀為安撫深器重焉著竹齋詩集卒贈通直  
郎慈湖楊簡志其墓以默識稱之端平間知隆興府  
吳潛疏言萬頃清名厚德矜式士林博學高文源流  
前輩其生平出處與故李燔相似乃錄其子鄉貢士

竹齋詩集卷四

五言 秋節

從龍為泰和尉從龍仕至兵部侍郎

答竹齋劄

某切以新陽既復物有生意伏惟撫幹司直契丈羽  
儀幕府天相德人台候萬福某甲戌都門之別轉首  
六寒煥矣欽仰道義永之或忘敢圖比來叨恩分闈  
而執事者實居溫石之任殆天意也前過莆中見一  
二士友始知司直已再入幕不勝喜慰既抵鄉關迺  
更出示函翰益用感懼某駑鈍之資初無可用公朝  
過聽躡付十連拜命以來日夕危懼未知所濟所賴  
賢者為僚且於鄭鄉利病請求素熟繼自今切望推

誠傾助俾免於戾實千萬大幸短啟不工他埃續續  
遣狀伏乞台照右謹具呈嘉定十二年己卯十一月  
十又八日朝散大夫新除集英殿修撰權知隆興府  
江西安撫真德秀劄子

答竹齋啟

某啟伏以分顧憂於闕外自視闕然贊籌畫於幕中  
賴有賢者頗曾見否何喜如之伏惟撫幹司直學問  
配於古人孝友聞於天下陽亢宗之居晉鄙聞者皆  
善良之歸崔祐甫之佐江西偉然多謀議之益往者  
朝行之獲綴今焉王事之偶同豈非天憫其疎慵故  
俾日親於鴻碩議論至於十反竊有望焉功德被於  
八州庶幾昔者謹奉啟候起居兼謝伏惟台察真德  
秀再拜

竹齋詩集卷四

六言 秋節

跋竹齋漫存遺藁

西山外夷而中秀故多逸士與貴人蓋貴則有大顯  
榮于時逸則可久垂名於後竹齋翁其人也堅苦好  
修發之聲畫其清徹骨歿後 年孤從龍料檢手澤  
得詩文數百篇示予予把玩起悲起敬遂書卷而歸  
之時嘉定癸未夏五月之吉修江桐原胡泳伯量敬  
書 空格原闕



跋竹齋指南

竹齋翁清德照映一世發於聲畫超逸遒勁亦可寶玩予少弱入歲行輩與之交者半世今亡矣欲搜檢故書會聚所藏書翰表而出之未暇也一日新陂瑄上人出翁遺墨一軸示予詩四帖七且題其端曰竹齋指南把玩久之如見其人因思吾徒碌碌不如林下人愛慕之專也願志其卷末為之內媿云寶慶丙戌仲夏朔吉修江小壻病叟胡泳書

跋竹齋手帖

裴元暈孝友著於家節概聞於時遺珠賸馥散落人間者未能盡見即此二帖可以觀其表裏如一矣無所怨於天而年不稱其德無所求於人而仕不優於學乃其所也寶慶丙戌季夏昌谷曹彥約書於吳山寓舍

竹齋詩集卷四

七五 秋 館

跋竹齋墓碑

嘉定丙子孟冬十有二日惟孝省拜慈湖先生於浚明嘗從容問四方從游之士有悟道者得二十六人裴君元暈司直其一也惟孝識而藏之罔敢失墜而于司直無一面之雅後六年聞司直亡矣未嘗不往來于懷也又四年為寶慶二年仲春天子命試進士

於南宮惟孝備員考校得三策甚偉觀者莫不擊節拆號視之裴其姓由庚其名蓋自是士大夫間往往言司直之有子也一日訪余示司直墓碑即乃慈湖老筆讀之肅然起敬又得披挹言議風度於一序一詩之間信乎學有淵源而由庚之振其家聲也九原不作由庚其勉之秋孟四明林惟孝敬書於寅清堂

跋竹齋遺藁

可憐堂堂十八公老死不入明光宮東坡和張文潛高麗松扇詩也竹齋翁堅剛之操不突於用蓋甚似之急雪鶴鶴相並影驚風鴻雁不成行山谷和元明贈別詩也竹齋翁友悌之愛情見乎詞亦默契之至於文章典雅字畫妍秀足以自成一派而九原不作矣斂衽太息附名於後寶慶丙戌季冬朔雪川倪祖義謹書

竹齋詩集卷四

八五 秋 館

題竹齋指南詩

李燾

元暈清標酷似僧詩情書意兩相承於今自有高人處不尙空臆尙巽升

送裴司直得請西歸詩

真德秀

輕舸龍山頭木蘭作雙檣飄然一作飄飄裴司直乘向南昌去問君鸚鵡中脫身遽如許栖遲三十年始得官



學故小須上上考取不登省戶自言野心性眯目九  
衢霧修竹歲云晚萱草秋亦暮嗷嗷投林鳥猶得反  
其哺江西父母邦非復青髓裕蠻煙一腥穢樂歲且  
狼顧遺黎空杼軸行旅窘刀布天門窅萬里可望不  
可顧君今佐元戎安危一作精采繫一路瘡痍俟滌濯畫  
諾歸飲助先聲姦人惴一作路人喜高節懦夫慕過當再  
前席一正天子度白鷗沒浩蕩蒼鶻任指呼我亦南  
陔人扁舟從此具

挽竹齋詩

憶昔摠衣造竹齋竹聲琴韻兩相諧重來琴鎖紅塵

竹齋詩集卷四

九宜 秋 館

滿塞雨蕭蕭滴薛苔

無奈斯文墜不興  
紫葦吾黨又凋零  
白雲寒鎖洪厓頂  
一度翹瞻一愴情

挽竹齋詩

劉克莊

築室西山下孤標未易親  
長閑如野鶴偶出似祥麟  
屬者陪髦士嗟乎瘞玉人  
北風吹老淚空灑暮江濱

贈雲卿詩 并序

趙 蕃

裘司直之子元龍訪予於章泉山中示以  
司直手澤一册呼燈閱之迫寐而止待旦  
始卒編司直詩既工字亦圓熟可玩元龍

卽欲攜之以東茲來又忽忽無自可借留  
子州有詞人可以呈似儻能摹刻十數紙  
與放翁臨川所刊陵陽詩彙並行正自佳  
耳屬病目不暇爲寫洪公書納謁之際道  
我此意

迺翁里居時曾上廬山牘曹公待制懷賢訪其孤今值詞  
人牧我嘗愛臨川韓草刊於陸爾侯古雅趣與陸並  
堪躅而翁詞翰佳世亦思在目爾其持此詩勿憚拜  
僕僕侯監謂我易未遂噴爾瀆我我今西山光燄那  
久伏

竹齋詩集卷四

十宜 秋 館

題竹齋遺像

魏了翁

箕裘克紹瀟灑出塵身  
能致主澤足及民厥裔象賢  
令範嘗新

竹齋先生詩集卷第四

裔孫裘兆澧恭校

補錄

跋裘元量司直詩

劉克莊

辛未壬申間子仕南昌獲交二李君國錄字茂欽後以死守蕪州者司直字敬子世所謂弘齋先生者裘君字元量繼來幕府其標致高勝有顏氏之臞龔生之潔終於大理司直竹齋是也後三十有六年其猶子南康理掾應材携竹齋遺墨古律詩三首又其季元齡手錄四十三首示予其言若近而遠若淡而深近而淡者可能遠而深者不可能也君為人自貴重恥表祿惟詩亦然追懷昔遊者舊存者百無一二而余亦已老矣世知竹齋者多而見其詩者絕少理掾盍餞諸梓與同志共之

竹齋詩集卷四補錄

二首 秋 節

陳弘緒寒夜錄

吾邑裘元量先生名萬頃宋淳熙中王容榜進士與胡桐原萬澹菴徐竹堂往復唱咏號為四傑元量尙有詩集行世三君已湮沒不傳吾邑亦不知有四傑之稱矣

彭大翼山堂肆考

裘萬頃朱新建人有孝行節操學問粹然一出於正登淳熙進士為樂平簿累遷大理司直力求外補差

江西撫幹所著有竹齋詩集

竹齋詩集卷四補錄

二首 秋 節



先竹齋公詩集迭經梓行而傳本竟不多觀堂兄賜秋彙纂裘氏叢書取冠篇首僅藉手鈔惟做處藏有舊印原冊每當開函維誦景仰前型竊歎流風之未泯也南城李君振唐遊宦來歸劬學嗜古實倍疇昔訂文字交有年矣嘗攜自撰宜秋館詩暨詩話見贈一再諷詠知其醞釀深純不徒詞章表襮當世今者微刻宋賢遺集闡微顯幽猶是顧俠君蒐輯元詩遺意爰出斯編請坳剞劂且勉任校讐之役事竣略綴數語於後用彰李君推崇曩哲超羣軼倫尤私幸先人著作亦賴此愈垂不朽云甲寅仲冬裔孫兆澧謹

竹齋詩集跋

一值 錄 信

跋

竹齋先生詩集跋

世之士大夫急功利者多安恬退者少以至節義不立道德日喪其關係於世道人心爲何如哉新建裘竹齋先生生當南宋登進士第授大理司直駸駸可躋膺仕乃澹然求退添差撫幹徑歸故里讀書吟詩力求心性之學當代真西山楊慈湖皆折節與交先生之人品學術從可知矣此集三卷附錄一卷迺康熙麟隱先生裔孫奏刊於錦縣年久版已散佚四庫書目提要有裘文達公於乾隆間重刊此集之語近日未見印本其殆重修康熙刊本歟攷竹齋集明潘氏

竹齋詩集跋

二值 錄 信

乘宋元名家詩集有六卷本較此增多潘刊傳本甚希是否卷有分併刊本不始於康熙可知也老友裘君鏡秋爲先生裔孫出示康熙刊本意在傳布先集其意甚盛惟鼎微刻宋集在康熙以後版行者在所從畧第先生爲鄉邦文獻原刊之本已希如星鳳重繕覆校用授手民以廣當世士大夫用舍之則云校字之勤則鏡秋之力也甲寅仲冬鄉後學南城李之鼎振唐謹跋

竹齋詩集校誤表

原序	二葉	十一行	十五字	填	古通鎮
卷一	四	十	七	吳	疑吳之鶴
卷二	七	一	四	撤	原作扶 依原本改
卷三	三	五	二	鐘	原誤鐘
卷四	十	二	三	因墨	原誤
六	十六	三	則	宮	誤到
		十六	宮		誤常
		空格			依原本增

竹齋詩集校誤表

十一頁





華亭百詠  
詩一卷

辛酉春  
道援題





宣  
德  
津  
閣  
奉  
檠  
鈔  
文  
用

華亭百詠

別集類三 南宋

提要

臣等謹案華亭百詠一卷宋許尙撰尙自號和光老人華亭人其始末無考是編作于清熙間取華亭古蹟每一事爲一絕句題下各爲之注然百篇之無注者凡二十九而其中多有非注不明者以例推之當日不容不注殆傳寫佚脫歟弔古之詩大抵不出今昔之感自唐許渾諸人已不能拔出窠臼至於一地之景衍成百首則數

華亭提要

一宜 秋館

首以後語意畧同固亦其所屬鸚作宋詩紀事僅錄其陸機葺三女岡征北將軍墓顧亭林白龍洞俞塘普照寺陸瑁養魚池唳鶴灘湖光亭十首亦以其罕逢新警故也然格意雖多複衍而措詞修潔尙不失爲雅音所注雖簡畧而其時在今五六百年之前舊跡猶未全湮方隅之所在名月之所由亦尙足備志乘之參考在詩家則無異于衆人在輿記之中則視後來支離附會者勝之多矣乾隆四十九年四月恭校上

華亭百詠

宋許尙撰

顧亭林

日暮潮流急東西逕路斜無從質疑字共屬野王家

顧府君宅

即顧亭林雲寺祠堂

蕭蕭蘭若地知是府君居祠事今誰奉吾來一歎吁

東菴異跡

在顧亭林菴中有忠烈公像近歲忽地裂數尺中

有風濤聲以物探之則應手火起

華亭

一宜 秋館

地脉風雷吼人疑湧海潮將軍英爽在何物敢興妖

金山

激浪聞澎湃山神陰力多風濤歸指顧海若敢誰何

安公像

昔有僧沉海而死肉身尙存

浮鉢來滄海幡然厭世塵補陀崖畔月長照定中身

寒穴泉

潰湧懸崖下泠泠注不窮將期挹甘冷弱水漸難通

蘇州洋

又名金關 南船欲入華關 此亭者必關



放蘇州洋蓋閣

屬處舊蘇州

已出天池外狂瀾尙爾高壘商識吳路歲入幾千艘

華亭谷

府南三里入松陵

瀾漫連迥野湖汭往來頻慣識松陵路從來不問津

八角井

浚極疑無底丰稜定有因沉沉中夜月照影屬何人

陸機葺

在谷東吳陸遜生二孫常于此遊獵今古桑陸又

名吳王獵場

華亭

二陸爲童日驅馳屢忘歸至今桑柘響禽鳥尙驚飛

柘湖

展武沉淪後波澄一鑑明桑田復更變觸目總柴荆

秦女祠

狼秦崇苛政有女亦蒙冤欲弔興亡事神應恥重論

唳鶴湖

洗蕩雲間路瀟瀟一水深月光零露重遙聽九臯音

三女岡

三殮知無有香魂計已銷頻來吟楚些歲久若爲招

金山城

府南八十五里舊經云昔周康王東游鎮大海故築此城

治盛周康世東游豈信然城闔亦隳廢門謀漫相傳

前京城

府南八十五里輿地志云本海鹽縣以地近京故

以爲名

廬落皆無有依稀古堞存登臨認遺跡林莽暮烟昏

崑山

歲久阡原變平時草木深英才沒黃壤舊事不堪尋

陸機宅

華亭

在崑山

華第今何在千年謾有名披藁問遺裔寂寞一傷情

谷水

短檝經由處風波藻荇香中宵孤鶴唳片月印滄浪

秦皇馳道

歎息秦皇帝何年此逸遊迢迢大堤路千古爲嗟羞

征北將軍墓

卽陸禕墓在崑山有碑村人疲于官吏征索遂碎

其碑

崎嶇尋古隧衰草隱寒原欲讀將軍事豐碑祇半存

鳳凰山

覽德來何代慵歸丹穴藏甘心化為石萬歲瑞吾皇

陸寶山

府北二十五里

祕寶封堅石山靈謹護藏欲為中帑助時復露光芒

余山

祖傳舊有余氏墓道于此因名焉

人與室俱化陰森松竹寒時時見孤鶴疑此守神丹

集賢里

父老云昔陳陸諸公居此因以為名

華亭

冠蓋游從日欣然萃一鄉田原總如昨誰復嗣餘芳

白龍洞

在橫雲山頂下通澱山湖每風雨夜有龍出入洞

中

呼吸湖中水山椒寄此身洞門風雨夜電火逐霜鱗

石魚

雙鯉何年刻悠然鬚鬣全登臨忽懷遠尺素若為傳

秀道者塔

在余山秀昔廬此山有二虎侍之後自建塔于山

巔建畢還積薪自焚止存碑銘

辛勤成鴈塔俄赴積薪焚夜靜耿耿影疑來護刻文

靈峯菴

在余山池皆金沙後為昭慶禪院

路湧金沙地高人此築菴為詢林下客妙語與誰參

芥子菴

林外三椽建常思憩息時莫教嫌迥窄中有五須彌

澱山

府北七十里在澱湖之中

殿閣輝金碧遐觀足畫圖維舟一登覽誤陟小方壺

三姑廟

華亭

在府南柘湖之側湖中羣蛟競鬥水為騰沸獨不

入廟中

神居陰物護臬闕捍洪波莫慮蛟龍怒年來畏叱呵

蓮巢

在青龍陳氏疏地種蓮為休息之地今已堙廢

記得荷香裏蛾眉唱採蓮千年龜欲總不見葉田田

鬼書

在聖果寺昔常顯異于寺僧自稱東漢烈士沈光

有書石刻

壯士為儒恥捐軀志所甘無名錄青史幽憤亦可堪



孔宅

在府北七十五里昔有孔姓者游吳居此因名焉  
又云昔夫子所居忽有先聖闕一碑額曰孔村  
人恠而碑之

廟貌逾千祀泥封古碣昏傳云素王宅真贗與誰論

崧宅

府西三十五里昔晉將軍袁崧居此因名焉

疆場功成後歸來卜一邱當時應種德名字播千秋

俞塘

府東五里往來之舟皆可揚帆諺云雖有珠千斛

華亭

六

不賣俞塘北

延袤三鄉外東流與海通河神屢加惠颿借往來風

鶴坡

府東七十里此地出鶴俗呼鶴窠者是也

索莫東郊遠仙禽盡此藏夢回明月夜林杪響圓吭

砂岡

府東三十五里南屬海北屬江入土一尺皆螺蚌

壳如是者三所相傳海上湧三浪而成豈誠然歟

千里平砂地聯通江海湄漫傳因激浪疑是蚌成基

御史涇

在府東

疏鑿人何在流功幾世餘農氓誦名氏不數鄭公渠

滬瀆

府西八十三里卽松陵江水源出太湖松江之民

資灌溉之利

泛泛松江水迢迢笠澤通萬年知禹力灌溉有餘功

東堂

以上三咏並在府治廳事之側

廳在清閭處金猊罩寶香令君今學道來此吸朝陽

思齊堂

華亭

七

伊昔絃歌治能聲著海隅升堂想遺跡勵志欲齊驅

月榭

簷角街墻固明疏護翠羅公餘秉談塵竟夕對金波

濯纓亭

府前官亭

輿梁斜倚處簷影墜清流往往抽簪者常爲孺子羞

石獸

相傳昔帝爲恠夜則環市而走遂斷其一足以下

二詠並府東

刻鑿知何謂彌年亦有神宵行無足恠一吼亦驚人

震橋

昔姚庭輝宰此邑謂主位頗虛多宜客人作亭以鎮之又名虹橋虹音降

瓦不明丹堊初期鎮此方石梁今欲圯尤益富蠻商

小隱園

放點林泉趣銷除市井心平生跼伏計到此意偏深

姚將軍廟

本在邑南宰謂廟門面北不利土人遂移至縣西以南鄉以下二十八詠並在府西

陰功周邑境南面固宜然毋復論民事神今憚改遷

華亭

趙店

邑之闕市東名趙店今有神

之趙店

日日黃塵路喧逐漲市聲神靈自安此不欲變名稱

望雲橋

父老云立橋日適有瑞雲見因以為名

憶昨登臨日卿雲正四翔重來窮目力天末起祥光

石幢

望雲橋南此地昔有湧泉云是海眼立幢于上以鎮之

屹立應千載傳因海眼成蓬萊水清淺曾不見欹傾

普照寺

晉陸機宅捨為寺

高門收畫戟即此見精藍施予恩雖在緇流絕不談

彌陀閣

杜策徐徐上回環佛頂遊九山俱在望日斷暮烟浮

羅漢院

邃宇中何有台山五百尊云何困人力金像總塵昏

丁公橋

相傳令威由此仙去又名行橋

令威仙去後遺跡歎成非華表成烏有何由見鶴歸

華亭

雲間館

郵亭臨爽塏末腐架修虹我亦輪蹄客心期訪士龍

福順廟

殿宇之上烏雀不棲

門垣雖蠹壞古屋尚深沉烏雀猶知避斯民盍致欽

東嶽行祠

明主東封後龜蒙望亦尊巍然此行宇時許薦蘋蘩

西菴

陳律師菴律師常習儒業

蚤為儒冠誤齊心學竺乾而今林下塔夜夜戒光圓



白龍潭

神物幽潛地滄滄水接空不緣嘗應禱誰識有殊功

毘盧菴

勾氏香火中有御書閣

捫蘿通一徑修竹蔽中籬祇有奎章在龍神暗護持

西林

林外初晴後斜陽滿芰荷頻來指靈鷲此去路無多

陸瑁養魚池

卽西湖也今爲放生池

誰得陶朱術修治一水寬皇恩浹魚鱉不復敢垂竿

華亭

小湖

西湖之北一灣名小湖

獵獵風蒲外淵淵明月秋詩翁浮短艇弭楫看游鯈

湖橋

漱灑湖光好荷風六月涼倚欄吟不勸魚鳥亦相忘

唳鶴灘

湖之東南隅

養鶴人何在湖邊水尙清喚回中夜夢灘上戛然聲

泳波亭

在湖中

呂梁觀已遠沂水浴應難却倚亭前柳時時照影寒

風月臺

舊市船司吳使所建

夜靜蒲萄綴雲舒玉鑑涼築堂人不見尊酒暗相望

湖光亭

風月堂之西

日暮蝦鬚卷亭中雅燕開微風起蘋末波影動樽罍

道院

西湖之西後爲延氏蔬圃

淨舒今何在惟餘柏色新棲棲抱甕者不是煉丹人

華亭

異木

舊傳商人嘗夜夢有人自云吾土地神也能祭吾

令汝宜商每歲商人夜半祭之往往獲其陰助

蟠根知永遠曲榦聳蛟虬閩賈蒙私庇年年此薦羞

顯忠廟

以下十詠並在府南

俯拜祠堂下遙思商漢功吁嗟孝宣帝忘德太匆匆

東寺

世傳水陸池有龜數枚聞講經聲則緣岸而上罷

則復去

變此稜伽士勤修戒行成文龜亦知善來聽講經聲

證覺院

舊之無礙禪院

有人明七淨蠲沒締良因歎惜風流替誰為無垢人

棲真菴

仙路多官府真人未上升松窻霜月白相對誦黃庭

柳園

芳草池塘暖東風桃杏繁春歸人亦散寂寞鎖園門

陸四公廟

又名陸司空

華亭

晉傑云亡久嘉名未遽湮嚴祠坐遺像猶解福吳民

南菴

堂壁有六祖畫像

施水功成後耽耽梵宇深升堂瞻貌像默會祖師心

姜菴

陰曠楸梧裏烏鳴落日中九原人不作明贊亦何功

望仙橋

鶴駕乘風去千年竟不歸石梁凭望處空復白雲飛

三洞菴

句曲山頭客遨遊到市塵星冠頂霜月夜半正朝真

淨居院

昔馬耆法靈住此院故俗又呼為馬耆菴後法靈

弟子亦住此菴

明眼知何在山門久寂然宗風未淪替還喜一燈傳

水檠菴

王道所居

鳧鳥棲進地池流一逕斜先生久清苦不肯競紛華

圓珠菴

定回人寂靜繞鼻碧蓮香却認循簷月摩尼發夜光

華亭

三五 秋館

華亭百韻

南城李 勤勿懈校



跋

宋人每於一邑之古蹟一區之名勝往往各爲一絕  
或自注題下不僅可使豁壑增色且裨後人言地志  
者爲攷證之一助如方信儒南海百詠列入胡珽琳  
瑯秘室叢書曾極金陵百詠列入長沙葉氏觀古堂  
叢書董嗣杲西湖百詠列入錢塘丁氏武林掌故叢  
編其餘未佚尙有流布之本悉數蒐求分編刊布此  
本亦其一也許和光爲華亭人蒐羅本邑事自較詳  
備詩亦雅飭有致惟間有未注之處殆傳鈔展轉中  
有佚脫歟此本乃傳鈔 文津閣庫本刊於壬戌春

華亭跋

一宜秋館

日也南城李之鼎識

二薇亭詩集

二薇亭詩集

敬鄉樓叢書



民國十有七年  
永嘉黃氏校印

永嘉縣志本傳

徐璣字致中一字文淵父定潮州太守由晉江徙永嘉任建安主簿麻溪峒民業鑄兵鬻鹽者官窮治羣捕因相聚爲逆多殺傷官軍州恐以璣將而往璣不用衆但命士人持榜告諭皆散去罪止三人監造貢茶其長欲取於數外璣正色曰此人主所以薦天地宗廟非臣下所宜得移永州司理兵官執平民爲賊冀賞璣明其無罪盡釋之丞龍溪縣城旁陂溉萬頃豪黨私以爲田陂浸壞璣按視疏鑿如舊移武當令改長泰令未赴嘉定七年卒年五十三初唐詩廢久璣與其友徐照翁卷趙師秀議曰昔人以浮聲切響單字隻句計巧拙蓋風曠之至精也近世乃連篇累牘汗漫而無禁豈能名家哉四人遂極其工而唐詩繇此復行璣得魏人單偉教書法心悟所以然無一食去紙筆

二徵亭詩集

傳

一

敬鄉樓叢書

晚近蘭亭葉適謂書當自成體何必蘭亭璣曰不然天下之書篆籀隸楷皆一法法備而力到皆一體其不能爲蘭亭者未到爾非自成體也病垂絕長嘆言爭者數聲其妹撫之曰何爭張其目視曰天爭妹又曰天何爭復力疾大呼曰爭名也遂卒薛師石哭徐致中詩云幾回行過松臺里不忍登堂不叩扉松臺里璣所居也



永嘉四靈詩丁

徐璣 致中上

送太守傅尚書易鎮當塗二十韻

帝業江淮表不承七十年太平南北共內禪子孫傳弓矢深鑿  
橐桑麻鬱壘阡江河春混混雨露夜涓涓治久情多縱才卑氣  
或偏穹蒼宜予弼淵默正思賢四世忠勳積三朝節槩全威儀  
新禹服光彩舊星躔本以文爲治尤知政有權粟紅初穰穰榆  
散亦翩翩國似傳東魯名能躡潁川殊恩方錫馬盛美又臨軒  
易鎮旌旗遠趨朝劍履便想知環去旆咸似渴思泉典誥黃麻  
出衣冠紫禁聯安危看去就扶掖賴精專江岸梅花小山城桂  
影圓歌思惟兩地動化及無邊相復中興舊書重說命篇元勳  
列青史焜耀祖宗前

二薇亭詩集

上

一

敬鄉樓叢書

上葉侍郎十二韻

侍從西湖宅安閑近水心門開春郭靜橋度野池深山翠連龍  
起雲樓學虎臨芙蓉通遠渚槐柳步回陰盛業歸宗匠斯文並  
古今典謨存大雅金石振餘音疇昔留藩管江淮擁帶襟雍容  
平宇宙瀟灑在園林玉富淵難測仙癯鶴可尋步趨垂雜組言  
笑響鳴琴補衰心無替彈冠迹未沈于今幽興極正可辦清吟

送蔡侍郎鎮建寧

熙洽壬辰際剛明十載初祥風開宇宙粹質產瓊琚年齒終童  
右文章兩漢餘體將時格變名向榜頭書多病侵絲髮清顏侍  
玉除溫恭扶國是端直屏姦渠良月春先暖豐年日自舒潛藩  
來騎鼎故里去程徐北虜盟方締蠻陬孽已鋤願言歸補袞敷  
澤徧坤輿

漳州送王益統制謫歸時方收峒寇

京口丘都督江淮第一人竭心安宋代決策斬蘇囂猛將親經  
選高材近莫倫六鈞來有力一騎去無塵塞靜良弓隱時明枉  
事伸遷車行地遠歸詔及春新恃險猶奴益招亡鼠技貧衆情  
權殺賊國本在安民功過今方使忠誠正可陳能言學李固茲  
日願亡身

送張尚書出鎮建寧

焚罷南坡燧星華接履聲艱時曾倚重鉤黨賴持平仲甫思全  
袞元戎正本兵丰儀麟閣貴威重犬戎驚聖主憂遐遠朝端擇  
老成邇臣宣惠化七嶺動懽情風俗移刀劍田閭遂鑿耕試茶  
龍井碧開硯鳳潭清秋日江沙渺晴天鼓角鳴稻香隨使驛桂  
影伴仙程美玉非藏韞黃金笑滿籬寬和無白髮卑遜有高名

二薇亭詩集

上

二

敬鄉樓叢書

傳胡報二十韻

登用唐三世樞機漢九卿鼎司虛正席丹旌待忠誠  
胡虜無仁義興衰匪百年如何憑氣力久欲靖中邊異類依天  
角黃頭住海嶼愚堪呼鹿豕健每學鷹鷂猱狄時方憊燕雲耗  
頗傳姦臣貪拓境點計落空拳毘毘分伊水旌旗濕汴川鶯花  
春自老風雨夜相連文物東南盛舟車蜀廣聯規模垂翼翼鼎  
石賴乾乾五福祥光近千齡厚澤綿雨晴均化日豐穰慶秋田  
禽獸聞相噉干戈鬪欲纏瓜分爭塊壤鼎沸逐埃涓亡北惟堪  
伺良圖蓋自堅藩籬兼謹守闔外勿輕捐晉趙非殊異山河本  
渾全人心方激切天道有回旋王佐存諸葛中興仰孝宣何當  
渭橋下拱揖看駢闐

哭朱巖伯



脩篲長髯客風儀野老邊夕陽烏袖薄細雨葛巾偏握手相從  
日寒雲未雪天醞醅芻不盡鮓醢罄無捐共舸浮江北聯吟就  
幾篇梅花知老矣流水尚依然倚杖臨臯別東風白髮前官途  
三載遠世事古人先正布心曾許交情後莫傳蕭蕭瓜井暮瑟  
瑟故廬烟衰病身如木懷思淚欲泉磨詩終未穩空向月嬋娟

述夢寄趙紫芝趙靈秀作

江水何滔滔渡江相別離捐子客作案舍前對子衣披披問子  
何所為旅客作本未得歸執手一悲喚作本驚覺妻與兒起坐  
不得省清風在簾帷平明出南門將以語所知過子舊家處寒  
花出疏籬蕭蕭黃葉多裊裊歸步遲子去不早還何以慰我思

漳州別王仲言秘書無秘書二字

百草各有種春至不栽培交情重故知豈論才不才相識十年

二薇亭詩集

上

三

敬鄉樓叢書

初再見天之涯共飲一盃酒粲若紅顏開人生有此樂知復能  
幾回契闊幾已深矧爾病與衰朔風從何來吹白作本枝上梅  
天寒日欲暮又乃行色催君去江水西我歸近天台東西道路  
長未可心膂摧明朝碧雲多佇思良徘徊

記述二十韻為趙沂公作

日月交輝際乾坤欲整時謀謨無遠近顧盼有安危國倚宗臣  
重人惟正統推將軍兼問古中尉不言私美德開初禊清風起  
四維山河春靄靄雨露夜垂垂川浩瀟瀟穴田豐鼠兔窺險辭  
萋莫已深網障無遺流訪看金策純誠表竹枝丹心元未改隻  
影去奚疑能勝歸天道云亡忽事宜蜀關幾犬豕淮岸邇旌旗  
將相通新好朝廷說舊規渠奸甘授首盛代羣丕基褒叙還宗  
祐光昭在鼎彝淒涼餘法慷慨付諸兒汨水芬芳地三閭絕

好詞子蘭真已矣新尚亦奚為樂事云悲事新知匪故知續騷  
何日了千古淚如絲

監造御茶有所爭執

森森壑源山榻榻壑源溪脩脩桐樹林下蔭茶樹低桐風日夜  
吟桐雨灑霏霏千叢高下青一叢千萬枝龍在水底吟鳳在山  
上飛異物呈嘉祥上奉玉食資臘餘春未新素質蘊芳菲千夫  
喏登壇叫嘯風雷隨雪芽細若鍼一夕吐清奇天地發寶祕鬼  
神不敢知舊制違作本御膳授職各有司分綱製品目簿尉  
監視之雖有領督官焉得專所為初綱七七夸次綱數弗差一  
以薦郊廟二以淪賓夷天子且謙受他人奚可希奈何貪瀆者  
憑陵肆姦欺品管珍妙餘倍稱求作本其私初非作本狐鼠本  
兒媚忽變狼虎威巧計百不行叱怒面欲緋再拜長官前茲事

二薇亭詩集

上

四

敬鄉樓叢書

非所宜性命若螻蟻蠢動識尊卑朝廷設百官責任無細微所  
守儻在是恪謹焉可違君一臣取二千古明戒垂以此得重劾  
刀鋸弗敢辭移官責南浦奉命去若馳回首鳳凰翼雨露生光  
輝

奉和翁千四知縣千十四隱居山中作

翁侯兩兄弟志尚等高獨閑心沒江鷗逸興狎山鹿難兄早登  
第高風動喬木湘南花滿汀百里正膏沐歸作山水游詞源傾  
百斛令弟小謝徒深沉鬱林麓優游千卷書平生幾竿竹能琴  
絃不理少飲巾未灑兄倡復弟酬音調諧擊筑畫臥小窗南煩  
暑在荷屋涼風從何來池花動輕蕪顧口傳新章爽氣滌炎伏  
如臨古澗旁泓澄碧環復如倚青林下松風對心讀善詩如善  
韻警響間圓熟但令契人心勿令駭人目我愛二君子芳馨襲



蘭菊迎秋月色新佳香滿晴宿安得扁舟去□□陰溪谷論詩  
暮繼朝吟思俱聖聖

登三層樓與王仲言聯句

南州冬日佳風和霜氣收徐出門訪良友散策尋清游王負郭  
有野趣荒草帶寒流徐信步任所止款扉得深幽王初若隱者  
居忽上雲中樓徐攬以三層顛恍與萬象浮徐綠野寬作圍青  
山遠相矐王凌然欲輕舉久乃思冥搜王團團荔枝林往往叢  
葉稠徐時於陰木間略見碧瓦溝王蒼然晚煙集紅者楓樹頭  
徐竚立思轉除願盼目不周王何意城中身而對海上州徐要  
須千幅盡未可一語酬王時已梅萼春景邁浙水秋徐遠地得  
心賞良會非宿籌王黃柑况可餐綠酒方出筍徐十年真契闊  
再見方綱繆王矧茲天一方無異水上漚徐把盞不知暮論文  
二薇亭詩集 上 五 敬鄉樓叢書

殊未休俄驚庭葉落始覺昏鴉投王獨憐下弦月未掛初旬鈎  
徐絕景尙可捐歸途諒匪脩王何當鴈蕩間相與老一丘徐

水仙花篇

成陣風作車宓妃波爲茵良夕忽會遇明月寒鋪銀環珮凌秋  
空笙簫亦具陳何以慰寥廓樂此相知新採珠拾翠羽言笑生  
華春贈以金琅玕捧以白玉人酌醴動芳氣妙與蘭芷叙歡娛  
有聚散美寶無賤珍至今寒花種清徹瑩心神霜皚衆枿藎孤  
媚良舒伸杜鵑望帝魂啼血何嚚嚚妃子眠海棠荒酒焉足鄰  
姮女手栽桂光彩相依因故知蓬瀛姿不染纖點塵

婁家梅篇

婁家屋西梅梅老枝更清衆樹吐齊白密萼含微青下有碧池  
波照此鷗鷺翎寒雲拂縞衣遙空淡明星薄言種樹時兩世且

百齡樹亦匪難老一歲一彫零我嗟人事遷且愛樹伶俜回桓  
不能去月來孤影生倚樹一長吟寫我寥曠情

松風樓篇

松聲欲動風聲催細非笙簧大非雷松間便使無風起亦有爽  
氣如風來傍松作樓古爲務小着軒楹省斤鋸樓低要與綠陰  
平勿令高過松梢去

訪梅

訪梅行近郊寒氣初浙瀝欲開未開時三點兩點白清枝何蕭  
疎幽香况岑寂頗知天姿殊絕似人有德逢君天一方歡然舊  
相識

題林氏學海樓

長江欲趨海日夜不肯休終然至海後大小同一流君家學海  
二薇亭詩集 上 六 敬鄉樓叢書

名舊有江上樓取義誠在斯終始志欲侔雲門接滄波碧玉浩  
遠浮一瞬便可得垂則良易求茲道無小成勉矣歸藏修

九月初四日分韻得然字

韻本無

去歲作羈旅身千里望羣賢今夕良燕會况乃佳節前涼風  
日已多歲序日已遷春時種蕪菊秋花滿籬邊採之不盈把泛  
彼清清泉行樂不易得貧賤焉可捐惟當從爾游吟哦思陶然  
寄上泉州許參政福州薛端明謫居

性懶修書苦題詩寄海濱閩中今樂地遷客舊名臣乍嚼檳榔  
澁初餐荔顆珍園林春易老鄉岸雨難勻世慮千峯靜時賢一  
聘新閑居尋釣石朝晚待歸人

送趙狀元赴湖州幕

玉陛傳臚曉身居第一功絕班知禮異專局信儒崇賢俊科名



上邦家事業中規模垂廣遠鼎鼐蓄含洪更化方今務經時志  
已通蒞人惟簡直修己在謙沖日且清風發江晴野霧空奉親  
游宦喜初向水晶宮

送錢省元赴太平州教授

王國重熙洽邦基百世安深源混清濁直道闡平寬學術知同  
貴師儒頗異觀修名褒蘭省舊格到蟬冠十載田廬隱三年客  
授官括溪方水漲江左尙春寒論議何時一行藏此日難宿醒  
江柳綠風物強加餐

初夏遊謝公巖

又願本取紗衣換天晴願注一起細風清陰花落後長日鳥啼  
作欲中水國乘舟樂巖扉有路願本通州民願本多到此猶  
作聲

自憶髫髻公

二薇亭詩集

上

七

敬鄉樓叢書

湘中

舊說湘中事身來又可尋廟存虞帝迹江照楚臣心爲客人俱  
遠題名刻自深春迴洲渚綠遙望正沉吟

泊舟呈靈暉

泊舟風又起繫纜野桐林月在楚天碧春來湘水深官貧思近  
闕地遠動愁心所喜同舟者清羸亦好吟

古郡

古郡依蠻楚身來作冷官老憐兄弟遠貧喜婦兒安分菊乘春  
雨移梅待歲寒又傳家信至入夜着燈看

送徐照先回江西

願本作

骨體先如鶴離家歲已周欲知詩思遠曾共楚鄉游窮達身將  
老分攜菊正秋江西看舊友歸計少遲留

憑高

憑高散幽策綠草滿春坡楚野無林木湘山似水波客懷隨地  
改詩思出門多尙有溪西寺斜陽未得過

喜雨

自入春來旱祈求到夏中數朝人盡恐今夜雨須通雲氣昏猶  
散雷聲隱漸降池魚先得活歡喜與予同

謝劉明遠華亭惠書

別遠心常記書歸亦到吾離家非失計有子已爲儒海淺編魚  
尾人清養鶴雛禮優賓館暇賦詠幾歡娛

不食姑

惟誦天童呪飲泉能不飢只緣多自譽番以致人疑賦質全如  
鶴謀生却似龜綠華通籍後曾報女仙知

二薇亭詩集

上

八

敬鄉樓叢書

贈李丹十

曾學輕騰術長懷萬里心江湖雲似水巴廣石如林好飲身常  
樂無言道更深丹砂能愈疾不用化黃金

題薛景石瓜廬

近舍新爲圃澆鋤及晚涼因看瓜蔓吐識得道心長隔沼嘉蔬  
潔侵畦異草香小舟應買在門外是漁鄉

檄途寄翁靈舒

聞道長溪令相留一館閑便令全近舍尙隔幾重山爲旅春郊  
外懷人夜雨間年來疎覽鏡怕見減朱顏

贈蔣林後人

南北門相對傳來歲月深但添新意趣不改舊園林花日移朝  
坐松風伴夕吟自然忘宦達非是少知音



投周益公

辭相還家後清癯帶少顏便本令凡事足不似難本作一身  
閑長日惟開卷晴天偶看山只應憂國念到此或相關

見本楊誠齋

名高身又貴自住小村深清得門如水貧惟帶有金養  
生非藥餌常語盡本規箴四海為儒者相逢問信音

登橫一作黃校一碧軒繼趙昌甫作

步陟高高寺徐行不用扶春大晴又雨山色有還無句向閑中  
覓一作茶因醉後呼所懷論未足何乃又征

途一作云何

題李商叟半村堂

住屋半依村先生氣貌曾若非迎好客長是掩柴門覓句  
二薇亭詩集上九敬鄉樓叢書

行山影披蓑釣月痕固貧年八十惟得令名存

十日

十日清溪路新春細雨天綠波隨棹起白鳥望舟眠麥秀初如  
草雲濃半是煙明朝可遵陸還憶此江邊

嶽麓書院

屋舍如庠序讀書兼教文來茲望南嶽青似一重雲步遶叢山  
小城看隔水分欲知巡符事野老間能云

夏日

書困當簷立微風動鬢毛桐陰遮井暗鶯語出林高執熱思時  
雨如疲得美醪居然吟思起獨步幾周遭

雨中

雨來連幾夕滿漲一湖波苦似前時少毋嫌此日多砌荒蝸出

舍屋漏燕移窠今歲翻成稔田陸亦產禾

自覺

自覺中年後惟能半夕眠寒窗微帶月山郡遠聞泉行樂人同  
尙遲留我未然題書寄朋舊歸日是春邊

別趙汝鸞黃中趙本別

古道難為友相期一見中但令心事合不在語言同秋早  
湘煙白舟移岸紅別懷如海野長與水雲通

次韻劉明遠移家三首

隱居須是僻君向數家村自以閑為樂何嫌貧尙存碧波連草  
舍白日掩柴門挂得一瓢在風來應惡喧

恬淡安身易新家似舊居徑涼行落葉池淨數游魚詩得唐人  
句碑臨晉代書半生惟此樂同輩必無如

二薇亭詩集上十敬鄉樓叢書

躬耕儒者事甘苦自能便叩角吟山際休鋤坐竹邊長年多涉  
歷豐歲少憂煎一一舊所好知君能棄捐

送單丙文先生歸沅州

傳得臨池訣勤勞敢遽忘雖沙惟是正舞劍本非狂舊隱尋芳  
芷離懷對碧湘寸心長記面不似隔他鄉

夏夜同靈暉有作奉寄翁趙二友文本

齋蔬惟少睡露坐得論文涼夜如清水明河似  
白雲宿禽繡樹覺幽磬度溪聞欲識他鄉思斯時共憶

君

送翁靈舒遊邊

子向江淮去應懷計策新但須先審己然後可圖人戰野寒猶  
力邊城草不春曹劉若無競閑却臥龍身

潘德久挽詞

祇爲吟成癖官閑樂有餘病惟親筆墨貧亦買琴書別奠臨西野春風入故廬悠悠想精魄如賦釣臺初

翁通判挽詞二首

處已先能儉爲官易得清長卿詩最好叔度德難名歸旆彬江遠新墳秀嶺平松楸本相望惆悵不堪情昔年樓上飲分韻正秋深冷貌長如在高風不可尋獨遺楊子厚誰寄惠連音莫向山廬宿松聲似夜吟

梅夫人挽詞

執饋供湯藥辛勤四十年誰知飛蝶夢繡落鼓盆先丹旆秋城外寒雲野寺邊送車來闔境陶侃信能賢

懷素臺

二薇亭詩集

上

十一

敬鄉樓叢書

不識張顛面畫成釵股長存昔年宅猶翠醉時顏筆與身同葬池荒墨似斑才清人必重瀟岸野雲間

江亭臨眺

問得梅花信寒林動晚聲雨來山漸遠潮去水還清寥落尋新句懽娛解宿醒相攜歸路滑燈火近孤城

春日晚望

顧本作春望

樓上看春晚煙分遠近村曉晴千樹綠新雨半池渾柳密鶯無影泥新燕有痕輕寒衫袖薄杯酌更須溫

同友人乘舟

澤國自秋涼乘舟入渺茫荷披沙渚碧花亂暑風香山色含疎雨蟬聲帶夕陽不知歸路杳相對有篇章

送徐照還舊山二首

城闌多汨沒宜爾向村居蔬茹餐併飯香茶讀古書秋潮侵岸滿曉月帶星疎相送未相憶相期同荷鋤役役勞形器乾坤一轉蓬暗因凡慮汨明爲此心空小舍依沙渚扁舟繫荻叢且能漁釣樂亦似古人風

送翁巴陵之官

顧本作送翁巴陵

好去巴陵縣神仙屢此過但知存惠愛自足感弦歌官况湘流碧詩情楚岫多梅花送征棹萬里接陽和顧本前四句作會識地偏無會計俗厚有絃歌與潘劉宋詩選同

時魚

風晴霜氣合沙渚夜鳴榔獨喜鱗兼細時看寸有長月斜寒動影水碧靜傳香可愛漁翁樂溪梅次第芳

初夏

二薇亭詩集

上

十一

敬鄉樓叢書

一雨臨初夏驚雷昨夜新地晴烟冉冉堤漲漾鱗鱗蘭麝銷衣潤珊瑚淨几塵牆陰舊無竹筍過謝東鄰

送劉明遠客和州二首

邊郡三年守知陪後乘安遠遊登覽易老大別離難紅日千峰曉清霜幾樹丹江臯一回首念爾去凌寒

十載知心友文才爾獨兼病語孤寢樂貧識茹蔬甜冬暖梅花早年豐酒價廉不愁無遠信佳句日應添

年家生張主簿經過相尋率爾贈別

顧本作送張主簿

上世喜同登論交建水清故人逢客裏明日又離情佳關東南少卑官遠近行秋風分手地霜葉滿江城

中川別舍弟

中川人語別南國夜何其江迥風來急山低月落運纜從前浦



遠角在古城吹五畝耕鋤地何當手共治顧本

冬日書懷

閑庭黃葉滿園樹盡玲瓏寒水終朝碧霜天向晚紅蔬餐

如野寺茅舍近溪翁非是分器寂由來趣不同

送朱學諭遊建上赴陳提舉約

星郎復持節垂榻待君來又醉閩溪酒因沾謝屐苔天寒松子

落臘月茗花開白髮傷離緒何堪節物催

一雨

一雨郊原綠高田水過低荷鋤煩稚子饁畝伺良妻老去知誰

許歸歟得自翠緩行溪上石吟詠到鴉棲

溪上

孫仲容先生云此與前十日一首實係一時疑屬草  
時別寫改本編錄者不復細核遂兩存之顧本僅存  
一篇較為精審

二薇亭詩集

上

十三

敬鄉樓叢書

十日清溪上新春細雨天綠波隨棹起白鳥望舟眠麥秀初如  
草雲濃半是煙却愁山路險明日捨溪船

宿寺

古木山邊寺深松逕底風獨吟侵夜半清顧本坐雜禪中殿

靜燈光小經殘磬韻空不知清夢遠顧本啼一作鳥在林

東

亥月

亥月霜澄霽幽窗晚更明文書隨意閱蘭菊與心清洗硯須池

暖燃香得火輕妻孥渾笑我作計亦平平

孤坐

顧本作孤  
坐呈客

晨起猶孤坐餅泉待顧注一煮茶寒煙添竹色疎雪亂梅花獨

喜忘時事誰知改歲華多君能過此人里顧注一似山顧本作仙家

霜顧本

詩髮曉星星霜天似水清風當窗眼入冰向硯池生已瘦梅枝

影猶乾竹葉聲夜來天地潔惟是月華明

夏夜顧本懷趙靈秀

古郡草爲城懷賢隔此扁水風涼遠樹河影動疎星江國晴猶

潤煙林暮轉清荷鋤曾有約獨喜帶暉經

夏日湖上訪隱士顧本

煩顧注一暑何能避孤舟訪隱人水鄉菱藕熟晴野稻苗新顧注

頃不似此湖濱顧注一學師前輩談空悟宿身鏡湖三百顧注

又寄顧本又

庭深自無暑苔徑復繁紆賓客不長到兒童亦可娛荷花晴顧本

二薇亭詩集

上

十四

敬鄉樓叢書

帶粉蒲葉曉凝珠與爾城闌隔茲歡想不殊

題石門洞

瀑水東南冠廬山未足論飛來長似雨流處不知源洞裏龍爲

宅溪邊石作門修行謝康樂庵有故基存

臘日同朱學諭登翠麓亭顧本同友

緩行循翠麓凝睇俯清灣舟楫蘆花外江山夕照間天寒雖日

短歲晚亦身閑高樹梅初發與君相共攀

山居

柳竹藏花塢茅茨接草池開門驚燕子汲水得魚兒地僻春猶

靜人閑日自遲山禽啼忽住飛起又相隨

西興渡壓雨贈同邸李計議

客裏遭多難相逢意已降酒殺同晚店煙雨隔秋江許國心猶

壯論兵世少雙將門尋舊績應不記蓬窗

謝步石鼓山

謝公會步處石鼓尙依然地狹川多漲山高浦欲旋不因詩句說更復有誰傳懷望徘徊久寒郊起暮煙

黃碧

黃碧平沙岸陂塘柳色春水清知酒美願本作好山瘦識民貧雞犬

田家靜桑麻歲事新相逢行路客半是永嘉人

題李氏山亭

斗建魁星地城隅李氏亭竹高隨路有山靜隔江青人在雲間語潮生戶外汀憑高一長望疑欲入滄溟

送華亭薛運幹

三任來得祿茲行亦是緣地宜惟有鶴清職但看船浙水通清

二薇亭詩集

上

十五

敬鄉樓叢書

海吳門隔遠煙別離春欲半草色正芊芊

讀徐道暉集

悟得玄虛理能生前惟瘦苦身後得名清朋友哀錢

葬先生有筆評林石苔蘚帶雲生

送宋省元教授吉州

州名因水得此地昔曾遊自有歐公宅常多儒者流野花開別岸春色在行舟勉就詩書教名高不用求

靜光山四首

宿覺庵

欲問庵中事無論後與先還因一宿覺不用再參禪門遠青山曲簷依古木邊誰當秋夜靜來看月孤圓

絕境亭

行向最高處惟將物色參郡城依藪澤地勢轉東南對景身垂

老題詩興欲酣可能清曉出四面有晴嵐

會景軒

屋自與山背西原景最清涼風從下起新月向前明林靜聞僧語田虛見鷲行此方多積翠略似鎮南城

茶山堂

山是朝廷賜名從古昔傳爲堂居此地汲水記前賢雨露餘根在荆榛細蔓緣困來求一盞打坐亦安禪

雁山

雁山深又僻無數石巖奇皆是僧分住最先誰得知逐時多異景前輩少題詩南渡名方著唐人不到茲

大龍湫

二薇亭詩集

上

十六

敬鄉樓叢書

瀑水數千尺何曾貼石流還疑衆山拆故使半空浮霧雨初相亂波濤忽自由道場從建後龍去任人游

靈峯寺洞

洞在寺之右昔存羅漢蹤石峯排似筍山勢裂因龍自有泉甘美無愁路疊重聖燈云照夜宿客間曾逢

淨名寺

萬法先除病誰能識病多因來淨名寺認得老維摩海水峯前聽秋山雨後過提刑舊題句韻調復如何

贈東庵約老

一開手自建一庵居在東既然頭欲白不用剃令空門掩春山綠簷依曉日紅玄微知有旨混在話言中

永嘉四靈詩丁



永嘉四靈詩補

徐璣 致中

西征有寄翁趙徐三友

窮冬逆旅身薄宦此艱辛渡水添愁思看山憶故人煙生村落  
晚雨過竹松新昨夜還鄉夢逢君苦未真

晨起

晨起風吹面朝晴野霧收高峯多遠見淺水少平流世事非難  
了塵勞獨未休今年看鬢髮已變一莖秋

送趙靈秀赴筠州

目校一作州 願本 幕予亦將之湖州

郡以竹爲名因知此地清溪來城下綠山到市邊平入幕非無  
客能文必有聲江湖共遊宦相望若爲情

湘水

一一薇亭詩集

補

一

敬鄉樓叢書

湘水幾千里平流少激湍數家分市井列石起峯巒豈是昔曾  
到猶疑畫上看吟詩身漸老向此作微官

題陳待制湖莊

園無三畝地四面水連天行向樓高處卻如身在船野花香渚  
外山色海雲邊一任人來往茲懷亦浩然

寄陳西老

長日無吟伴閑庭佇物華竹枝斜帶雨草色淨侵沙風度平生  
友鄰居幾十家前曾乘小醉訪爾一甌茶

喜爽上人至

住與佛居近僧閒稍問詩湖山明月夜風露菊花時達意言常  
省微吟步自遲老來朋舊少愛爾得相隨

題方上人房古梅房即故道書記所居

曾聽道公語先師愛此梅但知傳說老不記若年栽半樹枯仍  
發疎花晚自開方兄頭又白常喜故人來

春日遊張提舉園池

西野芳菲路春風正可尋山城依曲渚古渡入脩林長日多飛  
絮遊人愛綠陰晚來歌吹起惟覺畫堂深

送戴文子赴定海主簿

江天經雨後秋意轉新高遠棹送行客涼颺生細濤高人初祿  
仕判語亦風騷若到海西岸佛光盈翠袍

夏日懷友

潘刻作 詩友

流水階除靜孤眠得自由月生林欲曉願注一作日 低林欲晚雨過夜如  
秋遠憶荷花浦誰吟願注一 杜若洲良宵恐無夢有夢即俱

一作遊

一一薇亭詩集

補

二

敬鄉樓叢書

臘日驪山渡逢故人

天寒多木葉愁思滿溪濱惆悵往來渡經行多少人時情猶重  
臘歲事每占春與爾他鄉旅誰當懷抱新

登信州靈山閣跨鶴臺

清遊吾有分渾似昔曾來野屋憑高住青山到水回欲看靈岫  
遠須待曉雲開漸漸生愁思鄉心上古臺

書翁卷詩集後

五字極難精知君合有名磨鵲雙鬢改收拾一編成泉落秋巖  
潔花開野迳清漸多來學者體法似元英

送瑞州張知錄

歲暮不惜別君行是宦遊江西多野水湖上正高秋舊友曾過  
處新題必共留官閒可尋訪竹迳最深幽



奇舍弟

寄問安仁一作雷一弟弦歌又一年流來溪水遠清到縣門前故里人情樂新居物色鮮宦歸言話款正及早梅邊

秋夕懷趙師秀

冷落生愁思衰懷得句稀如何秋夜雨不念故人歸蛩響砌尤靜雲疎月尚微惟憐籬下菊漸漸可相依

送趙明叔爲漳浦宰

去年官滿處送子意何如地接泉山近人依大澤居南中繁賦役美政輯田廬公退無他事彈琴更讀書

送岳州蔣節推

湘水知幾派到湖相合流煙深雲夢曉風靜岳陽秋送子方行役令予憶舊遊文書時正省賦咏可登樓

二薇亭詩集

補

三

敬鄉樓叢書

梅坡

淺水低坡幾樹苔冷光搖動玉塵埃橫斜直似安排得古怪多應折損來潔白要須侵夜看飄零卻是被春催閒來立斷清風影一片飛香落酒杯

送徐侍郎南遷

已見皇家日月安更教遠去不辭艱若人豈謂元城在有客先知御史還風急滿江皆白浪雨收何處不青山天心正欲扶宗社爲報慈闈得解顏

淥坡亭寄泊晨起有感

塵埃幾浪寸心清晨起孤吟在水亭晴景淡紅煙景白近山濃綠遠山青初因薄宦成羈旅忽伴輕鷗落渚汀安得數年居此地待須長日補騷經

秋日登玉峰

玉琢孤峰壓富沙人行峯頂步雲霞溪流緩去幾回曲樹色幽分無數家翠拂寒煙平似水紅飄霜葉遠如花明朝重向城中望對此孤峯應不差

壬戌二月

山城二月景如何行處時時聽踏歌淡色似黃楊葉小濃香如蜜菜花多春容每到晴時改天氣偏從雨後和好向溪頭尋釣侶小溪連夕漲清波

題東山道院

古院嶽潘刻嶽石作層綠苔芳草近郊坳溪流偶到門前合山色偏來竹裏青靜與黃蜂通戶牖閒將白鳥共沙汀道人亦有能琴者一曲清徽最可聽

二薇亭詩集

補

四

敬鄉樓叢書

六月歸途

星明殘照數峯晴夜靜惟顧注一聞水有聲六月行人須早起一天涼露濕衣輕宦情每向途中薄詩句多於馬上成故里諸公應念我稻花香裏計歸程

訪湖友

城中日日望南湖乞得閒來訪隱居漸有秋霖籬菊長纔無暑氣渚蓮疎壁間古畫多賢像案上塵編半佛書未見主人逢稚子不通姓字獨踟躇

中秋集鮑樓作

秋在湖樓正可過扁舟窈窕逐菱歌淡雲遮月連天白遠水生涼入夜多已是高人難會衆矧逢佳節共吟哦明朝此集喧城市應說風流似永和



登滕王閣

重重樓閣倚江干岸草汀煙遠近間春水生時都是水西山青  
外別無山雲歸長若真人在風過猶疑帝子還自古舟船城下  
泊幾人來此望鄉關

贈趙師秀

游願注一作薄

宦歸來隔幾春清羸還是舊時身養成心性方能靜

化得妻兒不說貧竹長新陰深似洞梅添怪相老於人亦知曾

見高人了近作文章氣力勻

贈徐照

近參圓覺境如何月冷高空影在波身健卻緣餐飯少詩清都

為飲茶多城

作

一居亦似山中靜夜夢俱無世慮魔昨日曾

知到門外因隨鶴步踏青莎

二薇亭詩集

補

五

敬鄉樓叢書

新春書事

出門閒步草萋萋桑柘陰中亦有蹊幾樹晴烟鶯囀早一塘春  
水燕飛低空如陶亮官為令難學嚴陵住近溪聖世幸時沾薄  
祿不能辛苦又攀躋

題養拙軒

混沌分來便至今紛紛巧事日成林月明未免蝦蟆食秋至依  
然蟋蟀吟自歎一身全是幻誰能萬事不容心到君齋舍清如  
水應使凡機盡弗侵

泊馬公嶺

維舟拂曉步平沙晚泊雲根第一家新取菜蔬沾野露旋編籬  
落帶山花門前相對青峯小屋後流來白水斜可愛山翁無一  
事藤牆西畔看蜂衙

酒

才傾一盞碧澄澄自是山妻手法成不遣水多防味薄要令麴  
少得香清涼從荷葉風邊起煖向梅花月裏生世味總無如此  
味深知此味即淵明

梅

疎芳點點是春冰應笑浮華去不停石畔長來枝易老竹間瘦  
得萼全青孤高自愛香無色寂寞渾教影問形莫遣豐口種宮  
苑野橋流水最清冷

是誰曾種白玻璃豈絕寒荒一點奇不厭壠頭千百樹最憐窗  
下兩三枝幽深真似離騷句枯健猶如賈島詩吟到月斜渾未  
已蕭蕭髮影有風吹

翁知縣歸自湖湘

二薇亭詩集

補

六

敬鄉樓叢書

渺渺秋江帶碧鴉君來應是弔湘涯懷人也似居無竹憂世長

如飯有砂一袖清風詩思遠滿汀芳草夕陽除還歸殊未蒼

潘嗣兩本缺句校補顏瘦已種湖邊遠處花

奉酌翁松廬見寄

客路歸時雨似煙歸來還近菊花天寸心不到青雲上一事難  
成白髮前風外松聲如昨夕竹間梅蕊接新年閒來得句頻相  
送自有高人住屋邊

送劉和州

揚旌遙指歷陽城霜淡晴天鼓角明步騎打圍秋草綠舳艫傳  
唱曉江平岸分南北人煙近地控東南羽檄清牧守只今非易  
予九重淵默待盈成

過九嶺

斷崖橫路水潺潺行到山根又上山眼看別峯雲霧起不知身也在雲間

題陳西老畫蜀山圖

壁立青山帶峽溪閒雲盡日自高低知他春樹深多少應有清猿在裏啼

夜涼

夜涼扶杖出山齋身似孤雲倚石崖吟就不知山月曉清風滿面落松欵

春雨

斷橋橫落淺沙邊沙岸疎梅臥曉煙新雨漲溪三尺水漁翁來覓渡船錢

柳着輕黃欲染衣汀沙漠漠草菲菲潘本胃本均作晚風吹斷寒煙

二薇亭詩集

補

七

敬鄉樓叢書

碧無數鴛鴦溪上飛

夏日閒坐

無數山蟬噪夕陽高峯影裏坐陰涼石邊偶看清泉滴風過微聞松葉香

丹青閣

翠靄空霏忽有無筆端誰著此工夫溪山本被人圖畫卻道溪山是原本作似畫圖

移官南浦作

簿領初爲建水樓移官南浦又沈迷溪山轉處人煙隔惟有黃鸝一樣啼

秋行二首

夏夏秋蟬響似箏聽蟬閒傍柳邊行小溪清水平如鏡一葉飛

來細浪生

紅葉枯槩一兩株翛然秋思滿山居詩懷自歎多塵土不似秋來木葉疎

建劍道中

雲籠煙巒知幾層一灣溪轉一灣清行人只在清灣裏盡日松聲雜水聲

舟過水口作

舟行遙指福城關天宇開時地勢寬二百里溪平似掌一帆風色到懷安

新涼

小滿田疇稻葉齊日光穿樹曉煙低黃鶯也愛新涼好飛過青山影裏啼

二薇亭詩集

補

八

敬鄉樓叢書

新春喜雨

農家不厭一冬晴歲事春來漸有形昨夜新雷催好雨蔬畦麥壟最先青

春晚

午風庭院綠成衣春色方濃又欲歸蝌蚪散邊荷葉出餘香裏柳綿飛

漳州圓山

輕煙漠漠霧綿綿野色籠青傍屋前盡說漳南風水好衆山圍繞一山圓

古陵橋

西橋西岸柳成叢春去春來歲歲同偶被東風吹落絮又隨流水過橋東



新秋

新秋一雨洗林關晚色清澄滿望間風靜白雲橫不斷山前又  
覺一重山

五里牌邊

路繞山根石磴斜小橋流水樹交加柴門半掩無人潘刻作到  
人奚

五里牌邊三四家

書同安舊酒家壁

榕陰綠滿驛程邊駐馬難尋舊聖賢只有好山橫迥野不論朝  
暮帶輕煙

永春路

路行僻處山山好春到晴時物物佳秀色連雲原上麥清香夾  
道刺桐花

二薇亭詩集

補

九

敬鄉樓叢書

秀峯寺

熊輿晚泊近巖隈精舍門臨古道開僧子相逢便相識十年三  
過秀峯來

連江官湖

衆山圍繞綠團圓官木參差古道邊行盡濃陰全潘刻作今  
不了一  
湖飛雨帶輕煙

九日上懷古堂

山前事迹古來多風雨塵埃竟若何惟有白衣秦處士數篇佳  
句不曾磨

吾廬

題注一作草碧  
詩題云山居

蓬戶閉還開深居稱不才移荷連故土買石帶新苔藥信仙方  
服衣從古樣裁本無官可棄何用賦歸來

登薛象先新樓

矮簷風雨送蝸牛有客來誇百尺樓閣郡池臺皆下瞰背城湖  
海亦全收清時未放徒高臥半世胡爲故倦遊解盡囊金君計  
決月明長笛起漁舟

夢成

向晚菱歌起風平水不流鴛鴦兩相逐飛過採蓮舟

湖上曲

拾得柔條弄淺波清風吹斷採蓮歌又移小艇汀前去蓮葉稠  
時柳影多

二薇亭詩集

補

十

敬鄉樓叢書

二薇亭詩集

補

四靈詩絳雲樓所藏已爲六丁取去棧工陳生不知何自得  
其半亦宋刻善本今歸毛丈斧季此册乃陳生倩人影鈔者  
亦不易得後人勿以非全書遂忽視之康熙辛巳何焯記  
毛辰汲古閣珍藏秘本書目宋板四靈詩三本藏經紙面此  
書久已失傳幸而得此後雖有缺實至寶也同治庚午十月  
仲容補錄

世所傳四靈詩皆選本此集爲宋刊全集之舊蓋從影宋本  
遂錄者以校讀畫齋本二徐集多詩百餘首借靈淵集缺其  
半翁趙兩家則又全佚然在今日則殘缺中之足本矣同治  
己巳三月過吳門得此於玄妙觀前書肆庚午十月讀一過  
書此時余方纂溫州經籍志也瑞安孫詒讓以上三則皆  
永嘉四靈詩所見近刻本有三一爲樂清息未園鄭氏刻

芳蘭軒詩集

跋

一

敬鄉樓叢書

本一爲永嘉詩人祠堂冒氏刻本一爲上海醫學書局丁  
氏聚珍本案鄭氏冒氏二刻本皆據石門顧氏讀畫齋重  
刻南宋羣賢小集見原刻而明潘是仁叔所刻宋元名家  
詩集實爲顧刻小集中四靈詩所自出凡原刻余以所藏  
顧刻小集勘所藏潘刻二徐詩則顧刻芳蘭集較潘刻多  
補遺詩十二首二薇集多補遺詩二首息未園鄭刻因之  
冒刻後於鄭氏而據東甌詩存於芳蘭集補鮑使君園林  
一篇二薇集補夢成一篇湖上曲一篇並據東甌詩存補  
正集中贈李丹士及自覺二詩見原刻丁氏聚珍本因之囊  
余聞瑞安孫氏玉海樓藏有影鈔宋本四靈詩友人楊君  
志林爲從孫氏借鈔一本蓋影鈔宋本四靈詩之殘帙後  
有何氏焯孫氏詒讓跋語皆志林用朱筆手錄者此殘帙

存徐照詩上中下三卷總詩二百五十六篇較顧刻多詩

一百四十三篇惟第三卷樂府末有缺葉故顧刻所載莫

愁曲三峽吟李夫人三篇此帙中皆無之而顧刻中何所

歸一篇乃此帙中放魚歌之第一二四三句又楊柳一篇

即柳葉詞顧本重出此足勘其誤者顧刻芳蘭集連補遺

莫愁曲三峽吟李夫人三篇重出楊柳一篇爲此本徐璣

所無應別計之故言此本多於顧刻一百四十三篇徐璣

詩止存上卷以校顧刻二薇集得其所無詩五十七篇又

顧本有而此缺者六十六篇兩本同者四十一篇顧刻二

補遺總詩一益以冒氏據東甌詩存校補者二篇則徐照

百單七篇芳蘭軒集總詩二百五十九篇徐璣二薇亭集總詩一百

六十六篇自絳雲一炬之後世所傳四靈詩無復完帙此

本不標卷數而以十幹爲次雖殘缺僅存甲乙丙丁四卷

芳蘭軒詩集

跋

二

敬鄉樓叢書

翁趙兩集復均散佚二徐詩亦殘缺之餘而以較今世所  
傳選本共多詩至二百篇今爲校定據潘刻本顧刻本冒  
詩發付印以顧刻芳蘭集中莫愁曲三峽吟李夫人三篇  
補錄於照集之後前云二百五十九篇而以顧刻二薇集  
中詩及其補遺詩爲此本所無者爲璣集補篇并錄冒氏  
所補夢成一篇湖上曲一篇於後而分別遂錄永嘉縣志  
二徐傳於卷首惜志林已前逝不及見此書之成也民國  
十七年五月黃羣記  
此書校印既竟知南陵徐乃昌氏已先有刻本蓋由瑞安  
陳君繩夫爲從玉海樓影摹得之徐氏並爲補闕一卷校  
勘札記一卷附刻于後其與此書間有異同之處讀者可  
以互觀也羣又記





芳蘭軒詩集

芳蘭軒詩集

敬鄉樓叢書



民國十有七年  
永嘉黃氏校印

永嘉縣志本傳

徐照字道暉自號山民嗜茗甚於飴蜜手烹口啜無時上下山水穿幽透深拾其勝會向人鋪說無異好美色也有詩數百斷思尤奇皆橫絕欬起冰懸雪跨使讀者變掉慄慄肯首吟嘆不自己然無異語皆人所知也人不能道爾發今人未悟之機回百年已廢之學使後復言唐詩自照始惜其不及臻乎開元元和之盛也同爲唐詩者徐璣翁卷趙師秀照既死師秀集常朋友殯且葬之在塔山林額兩村間其詩名山民集葉水心誌其墓

芳蘭軒詩集

傳

一

敬鄉樓叢書



永嘉四靈詩 甲

徐照 道暉上

送翁誠之

又作巴陵縣南州舊有聲未憑湘水綠能似長官清笛冷君山  
月帆輕夏浦晴五言多好句顏杜減詩名

送徐璣 順本作徐璣

一舸寒江上梅花共別離不來相送處愁有獨歸時去夢千峯  
遠爲官三歲期思君難 順本作何 可見新集見君詩

舟中

秋氣清如水推篷夜不眠蘆花新有雁莎葉尙鳴蟬心向征途  
老詩憑物景全漁童看月上吹笛樓前

送陳郎中知嚴州

芳蘭軒詩集 上 一

敬鄉樓叢書

去作嚴光郡前爲列宿官水程趨關近豐歲得民安公暇行隨  
鶴宵寒臥聽灘千峯臨舊劄曾約野人看

宿翁靈舒幽居期趙紫芝不至

江城過一雨 順本作宿 秋氣入宵濃蛩響移砧石螢光出瓦松月遲  
將近曉角盡即聞鐘又起行庭際思君恨幾重

贈江心寺欽上人

客至啟幽戶筍鞋行曲廊潮侵坐禪石雨潤讀經香古硯傳人  
遠新篁過塔長城中如火熱此地獨清涼

白下

白下嚴州近崎嶇昔未經年豐山米賤溪澗石苔腥一月無新  
句千岑役瘦形人家今畏虎未晚戶先扃

贈劉明遠

一生嫌世俗不向市中居既是未攀桂却堪同釣魚疾除禪老  
藥詩答野人書又說成丹鼎吾生媿不如

送塵老入廣化米開田

行李衝冰雪途程半是船去從人乞米歸要海成田遇景因開  
畫思茶自掬泉好風名舶舫相候立江邊

送朱嚴伯

好別無愁思風霜一歲殘去因貧事迫歸有暮年安遠水維舟  
晚青山遠舍寒又 順本作有 誰憐靜者得句不同看

寄趙紫芝

頻年游闕下近日喜言歸及我成行役與君還別離夢長忘路  
遠計拙任人非楊柳塘何處要看題壁詩

途中

芳蘭軒詩集 上 一

敬鄉樓叢書

隻影微陽外青山自鬱盤未經千里遠欲寄一書難埃碣苔侵  
字魚塘水過欄西風吹樹葉不問客衣單

寄翁靈舒

游遠令人瘦思君甚渴飢恨無如意事懶乞送行詩帝陌喧車  
馬王門守鹿貌何時借僧榻切勿負幽期

贈潘德久

住近容成洞歸來髮未霜出騎隨駕馬晴曠入朝裳收帖重開  
畫煎茶即當觴詩書難得力戎力重清漳

還舊山作

雲駭天初霽携兒下短篷數莖歸髮 順本作髮 白一袖俗塵空日子  
差潮候秋容在蓼叢江神應念我平穩不生風

山中

世事已無營，翛然物外形。野蔬僧飯潔，山葛道衣輕。掃葉燒茶鼎，標題記藥餅。敲門舊作廟本賓客稚子會相迎。

宿寺

古殿清燈冷虛堂作廟校一葉掃風掩關人迹外，得句佛香中鶴睡。應無夢僧談，必悟空坐驚窗欲曉。片月在林東。

題釣臺

當時廊廟去此地，也成空草木。多年換兒孫，近代窮無言傷末俗。久立暮高風，梅福神僊者新知是婦翁。

題真娘墓

骨成泉下土，何物是遊魂。一代顏容盡，千年名姓存。善緣依佛地，巧詠任人言。幾聽錢塘曲，風松靜似喧。

題江心寺

芳蘭軒詩集

上

三

敬鄉樓叢書

兩寺今爲一，僧多外國人。流來天際水，截斷世間塵。鴉宿腥林徑，龍歸損塔輪。却疑成片石，曾坐作校一作對謝公身。

題羅隱故居

片水靜無塵，青山是四鄰。上天如有意，此地着詩人。吟得物俱盡，罰令生世貧。因來尋古跡，只見石爲鱗。

題陶貞白故居

徵君上天後，有屋在松根。一片仙壇石，却當僧寺門。居山稱宰相，隔代絕兒孫。太傅新爲記，今來亦不存。

題桃花夫人廟

一樹桃花發，桃花即是君。空祠臨野水，何處覓行雲。事跡樵人說，爐香過客焚。雨添碑上蘚，難讀古時作廟本文。

謝徐璣惠茶

建山惟上貢，采掇極艱辛。不擬分奇品，遙將寄野人。角開秋月滿，香入井泉新。靜室無來客，碑黏陸羽真。

愁

愁與詩相似，能令鬚髮新。意清塵不沒，道直事多屯。水石惟宜夏，田桑獨致貧。不除閑懶性，前世必僧身。

送李偉歸黃山

心和作校一無白髮長，帶一琴行幾路到君屋。數峯當郡城，妻兒貧自樂。丹藥歲燒成，未必聖明代。終令隱姓名。

懷如順上人

西湖湖上寺，一別二三年。舊住房長閉，新栽樹已圓。空多相憶夢，不得寄來篇。喜見鄰僧說，歸期是臘前。

答徐璣

芳蘭軒詩集

上

四

敬鄉樓叢書

君有新詩題我石，我因吟賞每登亭。寒門雁到雲邊失，海口山來樹裏青。幾度寄書親入郭，有誰載酒更過汀。欲知生事全無長，買紙閑傳相鶴經。

題鮑使君林園作廟補顧刻

水波一帶隔秋城，不許塵埃作廟補顧刻接地生。濃露漸作廟補顧刻成紅蓼色，野風添作小松聲。客來喜自開樓鎖，病去逢人語作廟補顧刻藥名。閑意却多官意懶，旁人傳說似淵明。

酬翁常之

半掩柴門一徑深，山中免見作廟補顧刻俗塵侵。愁因有酒春生面，老不饒貧雪滿簪。舊井遠通幽谷水，翠藤新長小臆作廟補顧刻陰。扁舟莫負林間約，好把清詩作廟補顧刻慰此心。

贈從善上人



骨氣清冷無片塵即應僧可是前身詩因緣願本解堪呈佛棋  
與禪通可悟人掃地就涼松日少煮茶消困石泉新不能來住  
作往一城中寺去買青山約我鄰

訪趙紫芝

意欲尋君忘路遠入城還又出城來菊明紫色天霜下魚沒圓  
痕水垢開新背古碑藏素篋凍研山硯滴香醅竹林好着君名  
姓只恐君爲祿仕催

山中寄翁卷

忽看春至復同校一作春還門外烟雲沒野間願本吟有好懷忘  
瘦苦貧多難事壞清閑柳花未散色全綠杜宇乍啼聲更蠻聞  
道願本掃松溪雨後夢隨溪雨到巖關

送塵老歸舊房

芳蘭軒詩集

上

五

歌鄉樓畫書

數間茅屋殘山外片石峻嶒樹影交給假兩旬秋易盡相尋一  
舍地願本非遙盆栽怪木緣能畫池養嘉同校一作魚不入庖聞  
道水松三百步夢隨流水到溪橋

猿皮

路逢巴客買願本猿皮一片蒙茸似黑絲常向小窻鋪坐處却  
思空谷聽啼時願本鴛鴦忍願本見痕猶在笛響誰誇骨可吹古樹  
團團行路曲無人來作野賓詩

會飲鮑使君池臺

願本池亭

案上一琴書數卷不須此地願本有笙歌厭居市井願本觀  
天小喜到君家見月多葉滿地飛隨步履鶴於人熟聽吟哦明  
朝也向山中去手把松枝養太和

宿翁卷書齋

一山秋色同誰看又復相尋出郭來鄰竹種成高礙月井泉汲  
少近生苔忽驚寒事砧初動不辨晨同校一作光戶盡開君愛苦  
吟吾喜聽世人誰更同校一作重清才

漁者

瑟瑟風吹髮髮飛自將莎草補蓑衣小船撐入蘆花去家在溪  
邊多不歸

觀所養鷓鴣

一身文采異常流却使閑身不自由永日翠籠相並睡豈無魂  
夢到滄洲

柳下聞蟬

晚涼多處聽蟬聲齊女當年變化成不合着身楊柳上也令千  
古動離情

芳蘭軒詩集

上

六

歌鄉樓畫書

題趙運管吟篷

飛塵難到碧波中波上烟雲盡不同吟斷不知驚鷺起汀花一  
半在船篷

和翁常之

八尺蘄州桃竹簟坐來疑是水侵裳垂楊葉下閑吟久又與鳴  
蟬共晚涼

桃花嶺

諸嶺桃花嶺最高冰枯泉脉草身高四山相並疑無日若是南  
山雪不消

舟上

小船停槳逐潮還四五人家住一灣貪看曉光侵月色不知雲  
氣失前山

訪觀公不遇

臥犬聞人出門當青櫟林固知多不在自欲遠  
願本作自遠欲  
得校遠一作願  
相尋宵短餘香印林疎出磬音昨來曾寄茗應念苦吟心

中夕

中夕獨依依閑行未掩扉水邊山出月松上雨沾衣棹響初如  
近螢光漸欲稀不甘塵內事長與此心違

會宿趙紫芝宅

殘燭照屏風高堂暑氣空初旬長少月半夜忽來鴻舊集三年  
久清吟四坐同城樓殺更點聲在雨聲中

題丁少瞻林園

州分低嶺外來向此園行路改初栽樹堂成未有名藥苗如草  
長巖溜入池清欲識懷君意時聞鶴一鳴

芳蘭軒詩集

上

七

敬鄉樓叢書

哭居塵禪師

今朝聞實信一隻海船遙此世永相隔何僧可與交茶從秋後  
盡門絕月中敲昨夜山家夢親曾到石橋

露

立久衣襟潤空中氣結成光凝蘭葉膩冷逼桂陰清又覺爲霜  
近猶能向日明惟知漢宮內千尺有金莖

菊

氣受一歲足千花極後芳藥浮茶鼎沸色染道衣黃天上虛星  
落人間壽水香鄧州兵革外流種遍江鄉

衰柳

風吹無一葉不復翠成窠枝脆經霜氣根空入水波寒栖江鷺  
早暗出野螢多廢苑荒堤外人嗟舊迹過

子規

羽類是遊魂哀多屬曙昏一時亡國恨千古向人言山竹已應  
裂野花猶更繁昔曾令杜甫再拜憶君尊

鷓鴣

一點白如雪頂黏絲數莖沙邊行有跡空外過無聲高柳巢方  
穩危灘立不驚每看閑意思漁父是前生

陳保之訪宿

不作王侯客一身如散仙少聞人世事多欠酒家錢省語初如  
傲高文舊已傳去燈燒蠟炬相對坐茫然

白巖僧舍

佳景多爲寺一房當翠微爐香穿野靄杉露滴僧衣割蜜蜂喧  
隔拋生鳥候扉山深隨興味斜日不須歸

芳蘭軒詩集

上

八

敬鄉樓叢書

登欽山寺

石徑半欹傾山頭路始平步因花樹息吟忘寺僧迎一面門無  
水東隅路入京青峯三十六霜曉見分明

和潘德久喜徐文淵趙紫芝還里

故交南北去誰復念幽人久別驚初見相知樂似新竹聲當暑  
淨茶味得泉珍貧與詩相涉詩清不怨貧

塔山作

東岸沙新淤西村半失田夕陽明望外寒雁落愁邊懶下遮風  
帽誰添買酒錢小坡人不渡燈火壓潮船

挽王大夫

兩任身爲郡里中如不知民歸清淨化家似困窮時秦木淒秋  
韻湘雲結暮姿若無遺愛在何得後人思



劉明遠會宿翁靈舒西齋

秋色侵肌骨還將髮色侵自來難會宿安得廢清吟竹露滋叢菊鄰鐘覺曙禽城中同此月不起故山心

歸來

歸來長獨坐誰更伴吾行不念爲生拙偏思得句清園晴秋菜少井涸夜泉生愛聽燈前雨松聲相雜鳴

贈溪上翁

生事付諸兒日高眠願本起遲本無塵內事亦有髮邊絲遠取泉烹茗新移棘補籬晚來持釣出願本一犬自相隨作去

訪可公宿

枯株圍古寺長覺暮寒增坐聽吹風雪吟移照佛燈試茶鑄則水點筆硯生水門外營營者誰人及似僧

芳蘭軒詩集

上

九

敬鄉樓叢書

贈實老

夏高頭半白不肯住招提汲井籬花落掛衣巢鳥啼林間曾有約世上盡如迷却把南華卷從人論物齊

漁家

阿翁年紀老生計在綸絲野水無人占扁舟逐處移數鱗新柳串一笛小兒吹有酒人願本家醉公卿要識誰作全

山中即事

着履願本上崔嵬呼兒注瓦杯千岑經雨後一雁帶秋來野艇乘潮發山園逐主開餘生落樵牧開卷願本少塵埃作

貧居

既與世不合當令人事疎引泉魚走石掃徑葉平蔬誰念交情淺難如識面初榮途多寵辱未敢怨貧居

訪僧居

客至無他事房門不厭敲好山元帶郭損屋旋鋪茅靜砌生靈藥高林出遠郊水禽冬願本不見春暖漸營巢作多

送翁誠之赴闕

我亦清湘去何年可會君貧惟詩送別愁覺酒難醺郊祀隨天仗臺占識瑞雲定知分美郡音問欲相聞

石門瀑布

一派從天落願本曾經李白看千年流不盡六月地長寒灑木噴願本微沫衝崖激願本怒湍人言深碧處常有老龍蟠願本

括溪和徐文淵

隔鄉山萬疊前路見新年雲霧寒疑雪溪乾步當船梅初開竹下雁不至沙邊共向湘中去詩將遠地傳

芳蘭軒詩集

上

十

敬鄉樓叢書

溪行寄靈舒

灘惡過金水波聲遠亦聞詩同家信發燈向釣船分數夜仍無月看山半是雲又須登岸宿回望却思君

宿永康

路有三千里春容若水願本濃淺塘飢鷺下晴靄市煙衝孤望生遙思頻過記昔蹤宿程知近縣聞打發願本燈鐘作法

途中寄趙紫芝

筠永州同路人如異約何雪風吟不廢山水憶同過仙去家長在時平石可磨夢知歸路遠全覺夢君多

題衢州石壁寺

岸上願本橫生脉平林一里溪衆船寒渡集高寺遠山齊殘磬吹風斷岷禽壓竹願本野一低自嫌昏黑至難認壁間題

信州水南

衆寺臨溪上東西屋數間詩傳叔倫句真認貫休顏柳過深潭  
碧人隨白鳥還斜陽三百里高甚水晶山

題信州祥符寺

冰溪清絕地誰擬此身來寺古逢僧老山高見水回巖非寒未  
拆作本風靄復作本離開塔下看碑石因尋跨鶴臺

題李商叟半村壁

一徑蒼苔合連年不出門風高松有韻溪滿石無痕不自知名  
重令人覺道尊更憂徵詔至移室向深村

題李半村曬蓑臺

松枝宿雨碎滴下野鶴巢邊多水禽不見蓑衣臺上曬來人自  
起釣魚心

芳蘭軒詩集

上

十一

敬鄉樓畫書

題信州趙昌甫林居

譜接江西派聲名過浙間棄官從早歲買屋向深山文集通僧  
借漁舟載鶴還待予歸舊里又得到柴關

路逢楊嘉猷赴官嚴州

詩合誠齋意難將片石鐫相逢因在道惜別未移船野步僧同  
話作本宵吟吏廢眠思君還有夢前到釣臺邊

過鄱陽湖

港中分十字蜀廣亦通連四望空作本無地孤舟若在天龍尊  
收巨浪鷗少作本沒蒼烟未渡皆驚畏吾今已帖然

洪州城下作

野鷺初收見遠汀數株楊柳是官亭漁人向晚各歸去一陣風  
來釣具腥

題薊林

祇爲登山遠當門疊石爲人來嗟故跡景勝入名詩立鶴高過  
檻欵花半在池百年庭際木新長挂冠枝

宿吉州永慶寺

古邑溪邊寺吟人愛寂寥少僧齋室廢乞食釣鄉遙鐘韻含霜  
氣樓簷近斗杓漢時銅鑄佛瞻禮到今朝

入湘

入湘無濁水天亦憫忠臣陰結魚龍氣香聞蘭杜春高吟方有  
思靜望忽傷神舟上多漁父應無似昔人

又

土若丹砂顏色赤山無高勢小成叢江船未慣行湘水越客新  
能卜楚風蘭杜滿汀過綠草鴛鴦近日別輕鴻地塗先識永陵

芳蘭軒詩集

上

十二

敬鄉樓畫書

郡曾看鄰翁畫軸中

湘中中秋

出望月輪小不如臨海生又疑今夜看難比故鄉明立栢正無  
影清猿偏有聲數家絃管外專此照離情

湘中寒夜

本自家於越何期滯楚邦吟多頭易白歸切思難降但聽風收  
竹誰知雪滿江又魚中夜急燒火照樓窗

題懷素臺

昔時懷素屋臨郭少埃氛草沒栽蕉地雲藏瘞筆墳年深碑不  
壞名重世間聞斂股吾能識猶如已見君

題愚溪堂

水流深見底不是此溪愚謫宦休嗟命鄉人爲讀書文章傳海



裔屋室在州圖儒者凡經此須來看所居

題活溪

知是漫郎宅舟中聞寺鐘小溪通正港高石疊本羣峯綠木  
成春陰荒臺見古蹤唐碑三十本獨免野苔封

題淡巖

一石高千尺惟留一面空寸窺橫嶂綠圓透夕陽紅僧定遣人  
世猿藏畏雪風却憐黃太史不至雁山中

永州書懷

嗜茶疑是病羸瘦見詩形天斷征鴻過汀多香草青興高貧不  
覺身遠事皆經歸路當游嶽僧言極可聽

游瀟東和徐文淵

天吏今如隱相隨步野坡山高臨古郡天小入江波香草春生

芳蘭軒詩集

上

十三

敬鄉樓叢書

徧幽禽暮見多更增游嶽思昨有寺僧過

永州寄翁靈舒

古郡百蠻邊蒼梧九點煙去家疑萬里歸計在明年風順眠聽

角樓高望趙選本見船筠州當半道長得秀本詩篇

寄劉孝若

難得劉夫子生平極愛予有時吟好句特地到貧居遠別寧無  
恨平安莫問書夢穿庭際菊密葉過畦蔬

寄筠陽本趙紫芝推官

府後巖巒衆何時訪古僊井甘鄰室共鐘遠雪風傳病去茶難  
廢詩多石可鐫蜀江春未動猶得緩歸船

同徐文淵登永州高山寺

畫圖舊識高山寺今在高山寺裏行千古峻峯長自直一春瀟

水未曾清孤城吹角寒猿應破屋尋碑野鼠驚天遣二人來遠  
地要將新景就詩名

湘口

廟前物景非人世獨獨來看路逕遙船板燈行乾有迹菊花鹿  
踐曲生苗合流水急聲難盡過片雲輕色易銷黃葉未成傷遠  
思西風先向客衣飄

贈鄧都監

能吟能畫俱精到多得聲名在世間少病高年惟髮白爲官遠  
地却身閑深林有寺唐碑在古廟無人楚竹斑物景可吟兼可  
畫乞君篇幅未應慳

高山寺晚望

石路近門方不險刺桐疎處見僧歸小坡重疊無平屋四月陰

芳蘭軒詩集

上

十四

敬鄉樓叢書

寒尙袂衣山到道州高莫比水分湘口綠相圍暮雲不隔東南  
望一片遙兼白鳥飛

題永州唐德明竹園

渭川千畝空聞說得似君家亦是難畦僕不知生鳳實野翁祇  
欲乞魚本竿忽驚殘粉飄蒼雪最喜幽聲遠勝灘六月火雲  
飛不盡誰知此處獨清寒

聞水

燈光難照客懷開忽聽寒聲響似雷天氣無風樹無葉道州半  
夜水流來

寄家書作

屋頭桑葉大如錢知是吳蠶第一眼遠水忽來瀟岸沒家書却  
寄道州船



題何僊姑舊居

身居何處洞瀟岸看雲行既已通仙籍奚煩贈道名  
峴紅花日影香斷寺鐘聲題句君應識君詩亦自清

訪瀟岸黃仲立

長似在船裏松聲如水聲門當崗路掩雲向井欄生  
道進漁樵客家空世俗輕塔前桐葉響云是白鷗行

夜聽黃仲立彈廣陵

月色照君琴移床出木陰數聲廣陵水一片古人心  
投劔功無補衝冠怒亦深縱能清客耳還是亂時音

求鄧叔珍畫

畫要天機到常人學不成胸中無世事筆下有詩情  
斷岸孤村接高林遠岫平不能求片幅空自識先生

芳蘭軒詩集

上

十五

敬鄉樓畫書

雁

今春北歸雁秋至又南征冷避燕關雪暖逢湘水晴  
連行衝燒斷並食雜鷗行沙上無燈弋相呼一夜鳴

蟬

葉落無蟬在又隨林葉生不離荒苑處偏感異鄉情  
幽韻松風合枵腸竹露清無端溪鳥逐飛落地中行

湘作本中別鄧該

隔水鷓鴣鳴一汀香草生自憐爲客久誰忍送君行  
後會期何日歸途喜乍晴他春科甲上必欲見題名

題單丙文畫像

幾年無字學宋代出王鍾鈞鎖全遺力錐沙不露鋒  
神明還舊觀時聲獲稀逢點曳連煙霧崩騰動鳳龍  
勢成期險峻意造絕

織機八法因知永三分可問蹤豐多尋聖病求務廢眠餐若匪

蒙提耳終難免擊胸道玄令自悟恩大報無從新硯傳沅石寒

煤掃嶽松缺碑年號在古器土泥重注分元非淺舒情似獨隆

租人脂曉轉離館聽秋蛩賈島銅爲像平原緒作容簡編流越

海魂夢歷蠻峯先喜趨朝日應須領戟僮

遊衡山

衡山七十二高是祝融峯下界蠻方近中天嶽勢崇四維皆佛

占絕頂正秋濃巖宿平垂地雷池暗起龍簡書曾禹授燔祭自

周封拜廟巡陰石看橋入古松雪深居板屋日轉動厨鐘片水

清如鏡洞庭微見蹤

題嶽僧房

夏臘高於衆音容亦未衰終經迎客晚煎藥任僮飢苔上拋生

芳蘭軒詩集

上

十六

敬鄉樓畫書

石猿驚掛衲枝山高九千丈百事不曾知

上封寺

步經千萬歇兩日至山平磬逐爐香盡猿搖樹雪傾昔曾因畫  
見誰擬得吟行又出穹林閣終宵看日生

南嶽萬年松

所高無二丈盤折數枝懸兩樹死一樹多年言萬年節堅全化  
石根蠹半盛泉便可招琴悟相同把筆傳

登祝融峯

祝融高莫比身到勝傳聞日動洞庭水風開衡嶽雲老僧冬離  
寺羣狄夜歸墳後洞連方廣山頭路即分

光武廟

帳閉爐煙聚山龍帝者衣真人元有道社鬼忽無威畫剝金猶



在碑平字半非鼓鳴村犬吠祭罷數翁歸

杜甫墳

耒陽知縣非知己救厄無蹤豈忍聞若更聲名可埋沒行人定不弔空墳

桂陽道中

官樹標牌號遮陰種已成井乾人立久蘆密獸行鳴接洞多空  
地居城半是兵未能忘好古缺石認題名

郴州蘇仙八宅

一石升天處分明孝得仙今人脩母塚古宅抵官田雲似飛來  
鶴丹隨汲上泉吾家數千里回望忽淒然

石家洞口

數朶山如削青煙起墓墟聖朝惟大度蠻黨亦安居練卒來呈  
芳蘭軒詩集 上 十七 敬鄉樓叢書

箭生兒遺讀書更須看榜示一與省人如

永嘉四靈詩 甲

永嘉四靈詩乙

筠州送趙判院原本作歸九江

徐照 道暉中

相逢今半月夜雨厭同聞遠地長為客還家極羨君詩低勞盡  
寫茶美許重分一馬衝寒去廬峯正雪雲

題筠州趙縣丞寒谷

栽梅一百樹有屋二三間此地長宜隱為官却未閑路移存古  
井城逼失前山喜共紅蕖客來吟至夕還

筠州贈鄧漢卿

客路相逢欣道合未嘗一日不相隨仙壇觀水天晴後古苑尋  
梅雪落時不娶自然忘世累無山何苦動歸思行年未老頭全  
白只我知君為作詩

芳蘭軒詩集

中

一

敬鄉樓叢書

筠州同陳主簿遊園

一見情先熟相同野外行林園仙士守筆硯小童擊鳥上階除  
近冰懸石竇明知君吟易就清思逼寒生

移家雁池

不向山中住城中住此身家貧兒廢學寺近佛為鄰雪長官河  
水鴻驚釣渚春夜來游獄夢重見日東人

哭翁誠之

因識詩情性為官亦是清吉人天不祐直道世難行寄諷曾稱  
菊思歸或上城贈余詩一軸追和隔今生

高義似君稀思量淚滴衣公餘長對坐路遠未容歸橋井嘗甘  
冷蘭亭辨是非誰憐窮賈島臨老失棲依

送翁靈舒遊邊

孤劍色磨青深謀祕原本鬼靈離山春植雪憂國夜觀星奏凱

邊人悅讎營戰地暉期君歸幕下何石可書名原本

贈朱道士

新營一間屋種柳是前春此地已逃俗何時可卜鄰吟詩能愈  
疾得酒自忘貧九十頭無雪多應笑野人

送徐文淵赴省試

永州官滿後借屋靜中居兩歲不參部一心惟讀書孤經期榜  
首行日離春初即有杏花宴題詩衆弗如

憶原本趙紫芝

一別一百日無書直至今幾回成夜夢猶原本自廢秋吟小雪  
衣猶絡荒年米似金知音人亦有誰若爾知心

謝薛總幹惠茶蓋

芳蘭軒詩集

中

一一

敬鄉樓叢書

色變天星照委貞獨土成觀形全覺巨到手却如輕盛水蟾輪  
漾澆茶雪片傾價令金帛賤聲擊水冰清拂拭忘衣袖留藏有  
竹箴入經思陸羽聯句待彌明貪動丹僧見從來相府榮感情  
當愛物隨坐更隨行

送陳池州十二韻

急詔下林間天教公未閑虎符重領郡鴛序暫離班道直言皆  
壯心和鬢不斑紫駟曾識駕白羽可平好邊地塵初靜鄰邦化

匪艱前途從吏接後乘約僧還旗影明寒水梅花動曉關下車  
逢日吉滌印破春慳惠政流人至清吟俗事刪條依蕭守跡仙

哭潘德久

認寶君顏千古同歌袴期年即賜環敢云能下榻同看九華山  
不得身為郡歸來兩鬢青方言營隱地豈擬落文星字有佳人



學琴無野鶴聽傷心共吟處殘墨在牕櫺

贈九華李丹士

長記零陵郡共看江上峯平一本生輕世事幾度一本認仙蹤  
轉式驅雷電封泥伏虎龍三千三百里今日又相逢

贈不食姑

衣以青爲色謂如天骨青近年全不食飲水自通靈心信生狂  
語清肅改俗形半空仙樂奏曾向靜中聽

酬贈徐璣

每到齋門敲始應池禽一作校一雙戲動清波愛閑却道無官好  
住僻如嫌有客多字學晉碑終日寫詩成唐體要人磨山民百  
事今全懶祇合烟江著短莎

同劉孝若野步

芳蘭軒詩集

中

三

敬鄉樓叢書

杖履一本相隨步野田坐臨塔石一本和詩篇要看隔水人家  
菊試借繫門漁父船且緩歸情一本知有月不生酒興爲無錢  
寒來莫問家中事纔得身閑即是仙

哭鮑清卿

立性全夷淡移家避俗氛酒醺驢倒載吟苦鶴曾聞連任虛分  
竹長年祇愛雲傷心見兒輩猶讀舊時文  
一病居閑久恩榮自及孫真傳未老貌禪贊在山言沙鳥巢庭  
樹漁舟泊水門重來舊游處空有竹輿存

挽陳西老母

夫人年八十頭髮未如銀有子緣能孝居家不似貧案頭經尙  
在箱內藥初陳至日西門外無非送葬人

挽陳益謙

先生胡不仕高臥在林泉憂國能先見無人肯薦賢月明新塚  
上橘熟舊廬前所著書成篋多應後世傳

喜蔣德瞻還里

長作湯村夢今來免所思丹靈年命永琴裂壁風吹開戶秋花  
發終經午飯遲岳陽何日去後集要君詩

病起呈靈舒紫芝寄文淵

唐世吟詩侶一時生在今不因吾疾重誰識爾情深解願衣除  
酒更醫藥費金天教殘息在安敢廢清吟

送潘才叔伴新安

大臣曾列薦聲譽有人聞古郡知臨水黃山望似雲道情因病  
長公務被吟分天上除書近時危必用君

送薛子舒福州省觀

芳蘭軒詩集

中

四

敬鄉樓叢書

一馬背西風斑衣與古同暫時離膝下鄰那是閩中到日殘秋  
兔還期早塞鴻即須同邑里來逐黑頭公

送爽上人化緣

專志事皆成期師此一行閣盛靈佛像碑載施人名江闊風催  
渡村深雪廢程暫勞曾共說終可遂一本閑情

同趙紫芝宿翁靈舒所居

不期欣會面如即失災蒸廢寢看遲月同吟憶遠僧過旬河復  
見無雨露多凝得句爭書寫蛾飛撲滅燈

題陳待制湖樓

天游觀妙化人世事皆輕沉瀆藏仙境津涯截海城一身凌汗  
漫品類仰高明有道行藏小無心視聽精上疑靈蜃吐下覺巨  
鼇擎雨氣西簾入月華東檻生山臨左輔近湖自會昌成風起



僧鐘直村回野艇橫連枯收繭段松靜發琴聲濠濮觀魚鳥瀟  
湘欠藥術一層休更上百尺有誰評昏日寒峯淡殘星遠笛鳴  
醉如元亮興歸引仲宣情園苑瓊爲貴黃州竹過清郡圖添聖  
跡畫軸記新營奏樂漁人聽投車坐客盈八篇移古詠四字立  
嘉名未必終成隱清朝待秉衡

寄徐文淵

別君一百一十日喜聽人傳八句詩只在鄰州難得見却思前  
任遠相隨分名丹荔畫成軸出處子魚糟過時近日有誰論字  
法似聞檢法是同師

不寐

擁衾多不寐吟思被愁分雪氣衝簾入鴻聲帶雨聞兒饑因廢  
學親沒未營墳何致貧如此肝腸痛莫云

芳蘭軒詩集

中

五

敬鄉樓叢書

贈大羅山李秀才

大羅山上客後主是宗親莫是爲詩苦却令生世貧荒年家口  
衆少日鬢毛新近又重遭禍虛星必照身

白石巖

一石入遙天千峯疊在前人行不到處仙去未多年竇暗雲生  
像簷斜日照泉皇朝宣賜物弟子尙相願本傳

題薛景石瓜壚

何地有瓜壚平湖四畝餘自鋤畦上草不放手書人遠來求  
字童閑去釣魚山民山上住却羨水邊居

淨光山四詠呈水心先生

宿覺庵

公說曹溪事經今六百年庵基平地築碑記遠人傳種竹初遮

日疏殿只欠泉自當居鼎鼎豈在學修禪

絕境亭

高頂宜登望吾州見地形水通蠻國遠山出海門青蘚徑僧行  
跡風枝鶴退翎公能同衆樂私帑建官亭

會景軒

不見日東上西原雨一晴逐時看景異凡物入詩清立久飛雲  
滅身高去鳥平石峯何處是歸思忽然生

茶山堂

片山唐國賜茶有數根留幾番見人說今朝還獨遊遠波分段  
白宿嚮向晴收却有覺庵主猶能學道州

游雁蕩山八首

壽昌道中

芳蘭軒詩集

中

六

敬鄉樓叢書

碣字芙蓉驛喜行行不難路侵滄海過人得異山看圓石螺黏  
滿平塗願本傳立寒一遊期一月回日必冬殘

能仁寺

寺置有碑傳觀音巖石前殿高燈焰短山合磬聲圓聽靜吹寒  
雪春鳴落夜泉清遊人豈識謂不似秋天

大龍湫瀑布

願本傳  
大字無

飛下數千尺全然無定形電橫天日射龍出石雲腥壯勢春曾  
看寒聲佛共聽昔人云此水洗目最能靈

靈巖

雁蕩最奇處衆巖生此間問名僧盡識得句客方閑洞峻獼猴  
入天晴瀑布愷古時山未顯謝守只空還

靈峯

168

168



我來無一語閑認昔遊蹤誰種路傍樹却遮山上峯潭乾沈石  
露人立去禽衝樵說仙橋險因思在上封

石門庵

庵是何年立作本其中有一僧倉崖從古險白日少人登

衆佛作本清相映吾生隱未能夜來新過虎抓折樹根藤

寶冠寺

寺基低且狹半被石巖分水響常如雨林寒忽聚雲空房人暫  
宿半夜雁初聞此處能通蕩僧家却不云

贈東庵約公

白髮白髭鬚僧年八十餘已成重閣在別置一庵居客喜逢煎  
茗童寒免灌蔬小師南北去近日各無書

題夏景清湘中閣

芳蘭軒詩集

中

七

敬鄉樓叢書

湘中山似作本水自古有人云此是曾遊地今來盡屬君殘風  
吹岸草空廟入江雲却憶還鄉夢清猿半夜聞

題翁卷山居二首

十年前有約今却在城居羨爾能攜子深知作本自結廬引泉

移岸石栽藥就園蔬見說高林外樵人聽誦作本書

空山無一人君此寄閑身上花作本來遠風中樹作本校前一

作中動頻蟲行黏壁字茶煮落巢薪若有高人至何妨不裹巾

題趙明叔新居

社壇側近地圖寬所作園池亦在作本間十萬人家城裏住

少聞人有對門山

題張提舉西墅

渡頭風景如前日誰種桃花在兩作本邊未晚人家門戶閉燈

鷺閑立釣魚船

登宿覺庵

兩過山庵樹色鮮江城四月尚衣綿本來行飯嘗新茗又得凭

欄看插田

懷趙紫芝翁靈舒

紫芝別我天台去翁十深山自結茅但見春愁隨日長不知庭

葉蔽禽巢

重題翁卷山居

山中白日無塵跡只有啼禽在樹頭土蟻上鞋行徑葉榭花黏  
手掬溪流高吟未許常人學清福多應積世修新茗一瓶蒙見  
惠家童言是社前收

送張真翁赴舉

芳蘭軒詩集

中

八

敬鄉樓叢書

端修修德在門族盛如初常有人登第今稱爾讀書南風舟去  
疾西墅客來疎所着青衫舊前官擬別除

送木宗院

此職司天派員分南與西事稀從吏懶詩好笑人低丹荔開屏  
畫青榕蓋鶴栖必思隨侍日曾有舊留題

陳待制五月十四日生朝

羲轡遲中夏生賢國世寧隔宵蟾欲滿經海雨初停分派來瀉  
水儲神應德星高樓參造物健筆倒滄溟幾郡流威惠今人識  
典刑隨行惟一鶴堆案有羣經道直言皆壯心和鬢益青即須  
調鼎鉉未許在林垵斷石逢雲母栽松長茯苓龜巢蓮葉上公  
見却千齡

寄贈葛朴翁



頭上一方巾西湖住宅新古今稱句法烏賀是僧身買馬因添

口將錢或施貧有軒名數竹還復屬何人

挽陳夫人

平陽林給事有女識經書為婦極能孝今人皆不如得年非解藥了葬自餐蔬閩嶠嗟埋骨新碑到野廬

挽徐一之

生平空獻賦不得似相如聖代無遺逸深溪自隱居僧傳詩稿遠鳥宿暮林虛有弟情還切碑將諫筆書

病中作

三題本行一步歇屋漏坐頻移妻欲藏茶鼎僧能施藥資鄰園梅盡發河岸草生遲天解憐貧病難令不作詩

和翁靈舒冬日書事三首

芳蘭軒詩集

九

敬鄉樓叢書

石縫敲冰水淒寒自煮茶梅遲思閨月楓遠誤春花貧喜田本題

前新長吟令本題鬢已華城中尋小屋歲晚欲移家

秀句出寒俄從人笑過本題清步溪波逐影吟竹鳥鷹聲酒裏

安天運春邊見物情耕桑猶樂本題何事本題趙選

可營生

十日南山雪今朝又北風燒街崖石斷梅映野堂空難語傷時事無成愧野本題翁一生吟思味獨喜與君同

道書記房老梅上人房老梅

香有竹風知無塵雜野姿為憐新白髮重記舊題時薛帶龍鱗剝蜂沾蠶屑垂不來二十載半樹是孫枝

訪爽公宿和其韻

枯株圍古寺長覺夜寒增坐聽風吹雪吟移佛照燈灰沈麟骨

碎茶泔蟹涎疑何計從師老生涯若履冰

送侯寧

芳蘭雜蕭艾獨鶴隨雞羣男兒暫困厄困厄誰憐君或云深林間其馥人自聞何如鼓雙翼軒昂九霄雲

種菊

屈平發悲吟采之療飢腹人貌歲不同與嘆有苟豈遠人陶淵明釀酒不等熟醉把菊花枝醅濁巾可漉

一花八十品秋風巧於春不與羣物競靜性如幽人濕燥欲及宜口口養性真誰授服何法應能壽吾身

低飛雀

雀飛不高丈啾啾嫩椽管太倉有腐粟安得悅爾顏弋人四驚逐飛投網羅間巢中衆雛鳴望其母來還

芳蘭軒詩集

十

敬鄉樓叢書

憫交

天道轉末劫氣序多差殺山河破瓦色產物無豐饒土薄黍無力膠粘難久牢中間靈者人亦復多輕澆憫今不逮古空思管鮑交

翫月

初生如金鈎將滿如玉盤古人愛明月月色疑可湏賈島倚長杉精魂化蟾間李白捉皓色狂不如波瀾何為梅山翁見月長興嘆月多照予愁未久先掩關

登東寶山僧舍

捫蘿上巉絕移舟泊前灘火雲滿行路剝啄敲柴關脫裳掛木杪喘汗如漿翻主人喜客來笑話生春溫袒袒不我責我息方已安自拾落地薪煮茗當盃盤臥石平如床上有樹影繁清風



吹骨毛執熱鄙炎官佳禽不自匿靜處故相喧竟日忘渴飢山  
水秀堪澆換却世上心世上多憂煩

喜翁卷至

開裳坐巖石靜僻勝塵區禽落閑庭果荷侵濕岸蒲高情天外  
遠著氣竹間無淺井瓦瓶汲低床桃鏡鋪江聲空檻樹燒影照  
巢鳥困睡拋書册悲吟缺玉壺浮生如夢幻世事任鳧虛但得  
過從樂無嫌此地迂

林中奉酬翁卷

已畢林中事雲烟隔暮城古松知鶴老沙水見魚行孤坐形生  
影窮吟谷應聲嗜茶因識譜尋藥忽遺名日吉期峰分山晴放  
犢耕喜幽從地僻不學負時清緣齊同家食披藤發野情松塵  
極鄰並歸計幾時成

芳蘭軒詩集

中

十一

敬鄉樓叢書

贈張將領十六韻

一載鄞江上波平塵不飛屢成橫梁句密運若神機弓影盈秋  
月劍光搖夕暉起身黃石地成夢黑山微府帥曾前席君王擬  
解衣尊鱸休在念草木亦知威骨相封侯貴家鄉衣錦歸柳高  
戎壁峻花近宅堂輝二妓吟霜竹千金買寶鞵好文佳士致起  
舞麗人圍庭果丹顛潤官醪蠟脚肥胡琴音屈律香篆氣紛霏  
輔漢終成績逢劉亦有依兒男當富貴得意似君稀

覓班竹作床

翠節老苔濕湘妃淚遺蹤莫顧鬼物護斤斧誅孽龍不數漢水  
邊棄賊如草蓬殺青色玳瑁六尺光照空俾我臥讀書魂夢來  
槐宮

黃公濟

石色丹砂文林木翠相合靈源一派長近與銀漢接老眼掛千  
仞吟步遶百匝雲遮忽有無路坳見重疊風響聞笙竽龍靈化  
蛙蛤再掬清冷波一洗口滯脛但願高高流勿以衆流雜

畏虎

侯門無羆虎進者何趨趨主人畏客來有甚虎與羆彼此情不  
安逢迎反憂悲我愛田上翁而有無求姿不怨春作苦聯以歲  
晚期藜藿如羊棗豈粟兼晨炊西風作霜晴曉寒起呼兒大兒  
收橡實小兒拾松枝無求富自求勿用他人爲

題侯侶之九歌圖

君家九歌圖元是龍眠畫冰毫動天機意與象俱化坡仙以一  
馬千金莫酬價昏眼喜忽明老絹塵欲亞窺窺有靈鬼天馬夾  
龍駕鱗幢借金節隱隱出虛罅篋駕迎飛響陳具咸所禱湘天  
芳蘭軒詩集

中

十二

敬鄉樓叢書

水波立綠紅沙高下漠漠楚客魂萬古入悲話頽簷飢禽啄長  
隨瘦蛟跨八篇竹枝詞命君共吟些愁聲還入市乞酒從嘲罵

渡錢塘江

怒潮出海門巨浪貼天白阿香擊鼓喧地軸忽崩拆大令蚪與  
龍鬚畏改窟宅千艘未敢前長年面憂色水程八十里動有千  
里隔飛檣更無常身世難可測縛纜廟山脚炊烟岸連碧天無  
砲車雲風響稍自激低回兀小蓬混漾任所適青瑤沐金蟾四  
向山絕跡仰面觀斗柄意可曉南北吳橋淮楚棹盡有聲利役  
天公憫我愛江水平如席何年變平陸險危免經歷遙遙星火  
紅知近人家側驚喜愧老奴夢遠鼻吹息

朱可翁陳西老徐靈淵攜酒餞別飲罷以周興嗣千字文

中語爲韻曰謂語助者且名爲江上行云分得語字



歲晚風霧寒用事有青女膝六更無賴冰花鬪欲舞狹坐夜生  
稜叉袖手難距百草盡晦寂盡也亦蠻戶于何梅山翁遙遙作  
行旅耳熱呼虛全此意何自語淵明古達者亂逐亦無處詩老  
知我憂相暖且樽俎鼎足吟清詩龍蛇動盈格參昂掛屋角呼  
兒更燃炬古來回并難發明各何許飛雁度荒塞新梅耿平楚  
相思續君詩亦足慰心緒

江上翁

江頭老翁不爲貧自織笮箸張素鱗明月江頭春水漲小船撐  
岸拾流薪

分題得漁村晚照

漁師得魚繞溪賣小船橫繫柴門外出門老嫗喚雞犬收飲蓑  
衣屋頭曬賣魚得酒又得錢歸來醉倒地上眠小兒啾啾問煮  
芳蘭軒詩集 中 十二 敬鄉樓叢書

米白鷗飛去蘆花煙

陌上柳

千葉萬葉翠色鮮春風吹盡枝上綿五里長亭更短亭古人今  
人千萬情中聞美人念離別羅衾曉寒夢分絕陌上楊柳春生  
枝陌上行人春不歸

題歸雁圖

浙水平天淨如掃客雁飛來秋事早短篷吹雪荻花風影落深  
叢山欲曉汀燕無緣鮮颯香一宵聲影空瀟湘有人展卷苦思  
歸夢隨翎翅飛滄茫

題慧二梅圖

水波上頭竹枝下隙月斜穿雪輕灑東君祇付一家春俗眼自  
分宮與野從來詩子多好奇寒暄又別南北枝山翁酒醉不復

語窮驢破帽松風吹

瑞安道房觀陳友雲古栢命予作詩

西陵西陵高插天武侯廟前寒潑煙誰知陳侯筆有力遠遠移  
來向君壁老翁眼見驚矐眙醉搖屈筆來吟詩霹靂燒空雲劈  
地一夜蒼虬忽飛去

石屏歌爲潘隱父作

涪溪片石天來長顏家字畫元文章淡巖明秀甲天下萬古石  
鼓留岐陽大工踏天割雲骨盡出湘沅山水窟六尺四面起稜  
角顏色甚洪血塗抹何年老手壁巨靈赤雲白日聯青星湘娥  
罷瑟老魚舞瘦鶴叫下蘆花汀潘侯得之如升僊可惜只賣四  
萬錢梅山山翁覩天巧笑渦旋頰流詩涎君不見元祐年間狄  
引進雪林千里春水潤大蘇黃九來賦詩百盃醉倒金釵陣潘  
芳蘭軒詩集 中 十四 敬鄉樓叢書

侯石屏真絕奇更多酒肉如澠池蘇黃已矣不復來政須我輩

來吟之又不見當年玉川子拾得玉碑極歡喜半路忽遭窮相  
嗔十步九蹶扶不起至堅易折古所傷願人好置高人堂謝客  
巖頭生夜光

上木詹事生日十月十五

客花十月開湘桃蓬天春淺霞煙高仙郎玩世跨鵬海紅龍紫  
仗青童翻星斗心胸口口口筆端袞袞驚滄濤天皇庚申開鳳  
歷百八十歲生嬰羣形庭射策鬼斗口虎符分寄梁懸刀承華  
出入漢長吏畫圖周室諸侯朝綾綺連錢蔽華屋神奎祕畫黃  
金標鶴鸞餅深貯沈瀼西峯倒碧翻蒲萄

永嘉四靈詩乙



永嘉四靈詩 丙

樂府

徐照 道暉 下

未廻車

山川匪遙遠行人未廻車欲語昨宵夢忽接今朝書啼鳥在屋上綠草生庭除仰看日月光照知子衿裾

采蘭曲

門前春水清如羅采蘭船小長經過未須折蘭喜相贈見此自令憂思多

自君之出矣

自君之出矣心意願本遠相隨拆破唐人絹經經是雙絲

自君之出矣玉鑑願本生塵垢蓮子種成荷曷時可成藕

芳蘭軒詩集

下

敬鄉樓叢書

自君之出矣懶粧眉黛濃愁心如屋漏點點不移床願本

春日曲

中婦掃蠶蟻挈籃桑樹願本間小姑摘新茶日斜下前山

路上花

富女易生驕貧女難保節慙慙路上花行人意先折

瑟瑟鼓

前鼓瑟瑟後鼓瑟瑟聲一同忽然聲近忽聲遠又是東風西風

南北風

湘江曲

湘江無潮水日夜一向流別心無彼此兩處各悠悠

古怨曲

易得君知音難得君知心縱然恩意願本短寧使言語深渴飲

貪泉水倦息惡木陰儻涉不美名曷可銷煩襟

山中吟

小豎驅牛羊日照山下道山翁家業貧青松不得老

各遠禍

拙鳩營巢杉刺棚曙出昏入俱不鳴雙雛脫殼羽翅生母來哺餵雛無聲鳩能默默各遠禍一日高飛啄庭果

練絲曲

荻箔爭收蠶瓢輪關卷絲未充身上着先賣給朝饑

澱湖作

澱湖春來水拍天秋來水涸成乾田天地願本無天地二字盈虛不可保富貴於人豈長好

青鳩詞

芳蘭軒詩集

下

一一

敬鄉樓叢書

勞勞復勞勞生人半行客今人行古道古道有行役相逢莫等閑相離易疎隔慙慙紅杏花徹宵對芳席明年花開人東西青鳩食花舊處啼

練波曲

素練平鋪吹不起夜來垂下天孫機愁看百尺千尺長不作遊子寒時衣

商人婦

百尺檣竿過酒樓竹標雉尾信風頭高髻粉項商人婦不識人間離別愁

黃哺歌

唐翁釣魚至黃哺不得魚兒得魚母廿里返家急烹魚能脫命刀與砧掉入碧潭千尺深半無鱗鬣眼血侵黃哺黃哺又有

黃哺歌

唐翁釣魚至黃哺不得魚兒得魚母廿里返家急烹魚能脫命刀與砧掉入碧潭千尺深半無鱗鬣眼血侵黃哺黃哺又有

黃哺歌

唐翁釣魚至黃哺不得魚兒得魚母廿里返家急烹魚能脫命刀與砧掉入碧潭千尺深半無鱗鬣眼血侵黃哺黃哺又有

唐翁釣魚至黃哺不得魚兒得魚母廿里返家急烹魚能脫命刀與砧掉入碧潭千尺深半無鱗鬣眼血侵黃哺黃哺又有

一漁父魚兮魚兮復遭禍爲魚猶或爲兒苦死兮生兮不離兒處所

同地歌

堂前種黃葵百結種葵叶同地不同心徒令永相見

猛虎行

猛虎出林行咆哮取人食居人慮虎至荆棘挂墻壁虎乃愛其身驚遁不近側人兮不願本如虎甘心墮荆棘

昭君詞

琵琶彈得是胡音上馬低蛾淚滴襟畫匠枉教延壽死相如作賦得黃金

勸魚吟

一寒遊魚不可見春暖遊魚初見面淵清人稀魚可遊勸魚切

芳蘭軒詩集

下

三

敬鄉樓叢書

勿親金鈎

江南曲

絡緯催寒斷夢頭不眠雙淚枕邊流屏風莫展江南畫寸地能生千里愁

采蓮曲二首

行徧塘邊不肯歸鴛鴦打起看雙飛荷花近岸難攀折蒲葦叢深露濕衣

羅蓋初收晚日陰野鳥飛起小魚沉蓮蓬摘下留空柄把向船

前探水深

李溪曲別鄭遇

七十二灘聲共聞一朝路向李溪分梅花無情動春夢未好憶家先憶君

柳葉詞

嫩葉吹風不自持淺黃微綠映清池玉人未識分離恨折向堂前學畫眉

宮詞二首

睡眼蒙茸帶宿醒起來塔下探春晴滿身花露聽鶯久禁鼓重新打六更

懶臨粧架索朱綿上得高臺失寶鈿內屋深屏多畫杏有誰獨喜畫雙蓮

妾命薄

願本作妾薄命初與君相知便欲腸肺願本作肺腸傾只擬君肺腸與妾相似生徘徊幾言笑始悟非真情妾情不可收悔思淚盈盈

越魚吟

芳蘭軒詩集

下

四

敬鄉樓叢書

越魚生水中專食水上禽禽又安知魚魚自生以下十六字原缺據願本補機心越魚早來人釣得人卻放之反不食

三閨詞二首

龔孔與麗華迷昏竟宵畫只知懂似前豈知禍萌後三閨變瓦礫權樂一時休草沒石井欄草亦爲汝羞

美人睡起曲

睡起胡蜂已退衙袖中猶帶鬱金牙懶拈青扇遮微雨鬪摘庭前紫笑花

宮怨

楊柳枝疎見月痕夜香燒了鎖宮門琵琶不有愁人聽誰識聲中是怨言

促促詞



促促復促促東家歡欲歌西家悲欲哭丈夫力耕長忍飢老婦  
勤織長無衣東家鋪兵作君本不出戶父爲節級兒抄簿一年兩  
度請官衣每月請米一石五小兒作軍送文字旬日本句字  
一輪怨辛苦關日作句

征婦思

年半爲郎婦郎去戍采石又云戍濠梁不得真消息半年無信  
歸獨自守羅幃西風吹妾寒倩誰寄郎衣姑老子在腹憶郎損  
心目願郎征戰早有功生子有蔭姑有封

蝗飛高

戰士屍上蟲蟲老生翅翼目怒體甲硬豈非怨飛作氣本激柳柳  
北方來橫遮遍天黑成婦聞我言色變氣咽逆良人近作進本戰  
死屍骸委砂礫昨夜魂夢歸白騎曉無跡因知天中蝗乃是屍

芳蘭軒詩集

下

五

敬鄉樓叢書

上物仰面久迎視低頭淚雙滴呼兒勿殺害解繫從所適蝗乎  
若有知飛入妾心臆

廢居行

北風蕭蕭胡作校一馬鳴邊人走盡空戶庭黃金埋藏禾米棄  
路上逐日空作長本饑行子西父南弗相守仰面看日啼無聲生  
身不合屬中土自昔無時無戰爭家桑椹熟生野蛾免作蛙本跳  
席箕田成坡一路幾州皆作遊本荒廢處處戰骨平草多傳報將  
軍殺胡虜取得山河歸漢主殘生只願還本鄉且免難本後

裔有作無本兵禍

釜下吟

阿對泉頭春黑菰其然豆煮蟲汙鍋蜀薑作芼吳鹽和琥珀香  
爛雲子烏不數肉甕誇安胡老妻熟貯兒怒呼飢雷欲轉藜腸

枯政須一飽百不圖君不見牛穀棘烏畢通蟹躁擾魚噉玉  
脂泣鼎扒血餽萬錢方丈胡爲乎莫笑庾郎一事無食鮭長有  
二十七種園中蔬催兒掛豆更栽芋坡老自謂我亦識字耕田  
夫

放魚歌

本何所歸一篇即此

答省下北

作後本灣罽麗上西浦

本前浦

漁師惡取真少恩游

鱗潛

作棲本身更何所未死神已泣口沫自吹吐相失滄波俄傾

間斫雪飛花落盤俎山翁忍見不惜青銅錢盡買鱗鱖鯽

我聞清淵之水千尺長魚乎魚乎慎勿輕行復遭禍

愛梅歌

紫琳聯切醜黠漆破帽籠頭醉拈筆解返冰魂化墨僊青皇盡  
把韶華失巧分六出駮膝六迅折千葩怯股七咲咲先生懶學  
芳蘭軒詩集

下

六

敬鄉樓叢書

畫花光仁老毛欲栗可笑梅山翁一夜吟詩便來乞無聲與有  
聲畫妙詩騷兩清逸見說鵝溪出好絹誰能爲買三百疋長條  
短棘椒蒿萌折榦稀枝瘦虬屈畫取西湖三兩朵摘索映空花  
不密更畫庾嶺三十本雪月風煙意非一君不見翰林走旁訪  
消息寒城日日騎驢出又不見杜老當年酒不此下

永嘉四靈詩 丙

永嘉四靈詩 補

徐照 道暉

莫愁曲

莫愁石城住今來無莫愁只重石城水曾泛莫愁舟

三峽吟

山水七百里上有青楓林啼猿不自愁愁落行人心

李夫人

延年有妹顏如花十四選入君王家翡翠結簾玉鏤牀君王一時無暫忘朝朝出入芙蓉殿莫道妾身出微賤妾生未久身入泉上天何不與妾年君王愛妾言不死逐夜宮中喚方士

芳蘭軒詩集

補

一

敬鄉樓叢書

永嘉四靈詩 補



芳蘭軒詩集

葉行字誤正

卷上 十四 十七 十八 遠勝 勝遠

中 四 十九 九 災 炎

中 四 二二 二十二 壑 溼

中 九 二一 二十 時 詩

中 十二 十六 二三 蚪 蚪

中 十三 二十八 緣 緣

中 十三 二二 七 滄 蒼

中 十四 十一 二二 祐 祐

下 六 七 二四 頃 頃

下 六 十一 四 均 均

敬鄉樓叢書

正誤表

永嘉黃氏校印

東山詩選  
二卷

王易題





宜秋館  
傳鈔  
文津閣  
庫本刊

提要

臣等謹案東山詩選二卷世無傳本惟散見永樂大典中皆題葛元承撰而不著時代爵里今考集中早發詩云天台今日去步步紫雲鄉又新昌道中詩云明朝行幾里應近赤城西則當為天台人矣謝鐸赤城續志載有葛紹體字元承家於黃巖嘗師事永嘉葉適得其指授趙希弁讀書附志亦載有葛紹體東山詩文選十卷則此集即紹體所撰舊本

東山提要

二 值 秋 補

偶題其字耳惟讀書附志稱詩文選而永樂大典所載乃有詩無文或文不足錄為編纂者所刪歟希弁又稱家大酉應繇為之序葉夢鼎跋其後及行狀墓誌原附集中今並佚不存其事蹟則無可考見矣葉適水心集有贈紹體詩云數年之留能浩浩一日之別還草草念子身名兩未遂今我衰病無一好又云不愁好龍龍不下只愁愛玉酬石價大抵亦潦倒場屋之士集中有與趙師秀翁卷酬贈之作故其詩頗近四靈蓋永嘉一派以四

靈為宗主當時風氣如是也厲鶚撰宋詩紀事獨不載紹體之名知集佚已久今據永樂大典所錄分體釐訂編為二卷以存其概又紹體所著四書述見于朱彝尊經義考註曰已佚然有此一集已足以傳紹體矣乾隆四十六年三月恭校上

東山提要

二



東山詩選卷上

宋 葛紹體 撰

五言古詩

江心長句

問津城西市呼渡江南岸棹穩當湖生帆輕趁風便  
龍翔古招提鳥革今輪奐回合列翠屏周遭鋪素練  
邀行嫩篁竿勸坐老木幹沿壁覽新題吹塵認舊篆  
一隅看不足兩塔窮未見陽光爍崗頂颺陣掠波面  
郭郭聚拱伏烟雲散呈獻俯拜肅御邸仰瞻榮宸翰  
皇帝南巡意生靈北望眼書千古清輝為萬世偉觀

東山上

二宜 秋館

樓臺明月醺鐘鼓朝暮飯徒見一時近孰念百年遠  
江濤常捲撞帝澤共流轉遊子感詩歌居人思日勉

太湖吟

只飲太湖水不鱸松江鱸鱸雜魚鰕腥水涵天地初  
千里開鏡奩一色包冰壺日月遞吐吞蛟龍相蟄舒  
上接河漢高下連溟渤虛中有洞庭山雲氣相縈紆  
我來風雪天修綆汲自如一飲壓澆清再飲澆詩書  
三飲毛髮寒曾次包寰區大禹果至神彷彿來前除  
萬古不盡流禹功常與俱

分水嶺

岐路東西分閩浙自茲異平波翼聚篠荒丘帶深隧  
漸聞新鸞音不見舊朋類淒然獨含情誰與話幽意  
滿空霜氣橫鴻影過一二回首良不堪歸期數長至  
茫茫宇宙大人生本如寄

飯溪石

一石類古鐘範模昔誰製開闢幾歲月蘿蔓疑篆隸  
老木上婆娑清泉下溶潑左右亂石列拱若朝玉帝  
惜在道路傍倦客謾凝眸倘立泰山巔爰遇封禪代  
萬乘躬巡幸想像羲皇際銘德刻雋功表裏千萬世  
願言勿輕鑿天意或有待

東山上

二

頭陀嶺

峭絕不可步肩輿屢顛覆南北三十里上下九回曲  
兩畔沿古松虬枝亂相續根迸石齒裂葉密雲氣宿  
或一蓋高張或萬蛇奔促或魑魅隱見或虎豹躑躅  
縱無遊子悲遇此亦慘目鼠梯側將崩鳥逕深更蹙  
吾道豈終窮竭來意何欲

袁從道山廬三首

人生盡馳驚忙裏換烏兔白髮忽相侵紅顏若何駐  
豈如向丘壑味此閒中趣倉庚啼春風鳴鳩喚時雨  
烟林上笋蕨晴川不鷗鷺好景滿眼前興來可以賦



貧賤與富貴願言履其素

竹屋已三間花徑旋一新芳苞東碎錦細草鋪柔茵  
曾悟順動豫豈歎雲雷屯箇中足俛仰世上誰經綸  
日月久棲遲姓名誰得知頭戴世儒冠身著山人衣  
峻嶺帶薄髭瘦骨撐疎眉青編口能誦白飯手自炊  
苦茗一兩碗濁醪三四卮琴彈多舊曲牕題少新詩  
別去動經年坐來愁語離幽齋早暮罷借榻重歸時

渭南考室

丞郎昔躬耕懷野壟上宅東湖一棹近南畝耦夫百  
風交苗懷新雲鋪稼敷澤疎櫛翼虛堂時焉此憩息

東山上

三

殷勤左氏語銀鈎掛簷壁新居匾鍾慶金字照於赫  
水竹帶左右春秋燕晨夕鼎鼎百年間相望屹咫尺  
寧知笙歌地一旦灰燼迹人事定誰訛毋乃數當革  
以彼而易此倉卒有良策丁丁斤舊材介介繩新畫  
美哉輪奐焉不負肯堂責父基貽厥子子構孫更闢  
笙歌且置之詩禮日探索軌涂馳霜蹄霄衢展雲翮  
放我方寸寬笑彼宇宙窄益豐澶淵功永壽元祐脉  
力穡乃有秋先離而後獲

入竹西道院

雙檜老虬幹萬竹蒼龍枝道院傍西築書牕下南帷

笑談清燈暈坐起白塵揮天低月初挂河澹星欲垂  
醉生筆硯妍臥籌民物規蟋蟀喚鄉夢莎鷄引秋思  
客身体自疑古人以為期

謝蒙齋王子文寄文卷

已聞掛風帆寧知掣其肘緘自春山雲吟轉秋夜斗  
文友有新錄筆之自吾手倦言桂山君到死意愈厚  
夜半十一字龍蛇尙驚走悠悠瀨東西客路霜中柳  
魏峩讀書堂珍重夫人壽弟兄自答問進學以虛受  
所期躡層霄斷金眞皓首樓崎歸去來相忘如此酒  
送陳良卿

東山上

四

持我五字句送子千里別蕪菁滿地花柳絮漫天雪  
去去當何之茗川賸風月風月還相思江山豈相越  
嘉興尉府教閱卽事

輕風盪宿氛薄月籠曉晴草嫩芟鋤易沙軟蹙踏輕  
軍容壯而肅兵器老以剛震動擊鼓聲節止鳴鏡鉦  
前行萃白旂後隊隨紅旌閃閃雲霧披閭閻煙塵凝  
放箭羽鮮新張弓角光晶麪絲搭飯玉赭衫坐盈庭  
犒激卷楮疊簇結巾帶橫叉手最健武驍勢殊掀騰  
跳梁勇投擲呼喝驕憑陵左旋忽右轉此伏俄彼升  
路分尋丈鬪鋒合毫釐爭目與手不謀須臾懸死生



儻非教之素何以所習精豫章太史氏家世冰雪清  
早傳師律嚴遂識戎陣明坐言二十年不見此憲程  
教場沮洳地漬雨幾浮頓荒池倒枯荷腐水飄亂萍  
舊觀喜再還徒曰練弓兵公宇昔零落華屋今崢嶸  
昔也一概廢今也百度興今昔同此時人有能不能  
蕭蕭憂危念策策夙夜情固將宣國威非惟振家聲  
兒戲誰逍遙老成尙典刑嗟乎真將軍亞夫細柳營

送黃尉制司稟議

四海指掌上西瀾復制置機張要省括萬里發中祕  
制劄天邊來奪我嘉興尉風流誰後人太史山谷氏

東山上

五

老成負大才初筮僅小試雷行換風采鼓作起憔悴  
遊刃綽有餘走筆浩無愧青青歲寒姿松柏森勁氣  
層冰幾重重堅可敵陽燧置之籌幄中素心端不二  
討賊先正名逆順有大義晝夜運日月東生定西墜  
終古大明照不照此醜類送死須臾爾清寧一天地  
公在誰相知郡守股肱寄公去誰相思邦民共相企  
白髮我獨悲青雲公自喜願此金蘭心終始永同味  
去住路兩岐別酒重三唱江湖年華晚萬物回春意  
吟邊一籌先寄我空中字

送仙居令

邑稱仙之居山水開畫圖著我老仙子少試曾中書  
視印秋風前觀化冬日初琴調待平絃髮稠借輕梳  
豈必三年期暮月亦可乎赤城勢連越朱溪流通吳  
人限地百里而滯天一隅俄然乘雲翔邑人空嘆吁

送竹洲葉成之歸省後參學

禾興望金華東西渺天涯西園堂上翁鬢影霜欲欺  
如何二十年晝夜夢見之歸榮豈不樂旅瑣寧頻歸  
我來惠而好鷗浪相追隨青燈幾言語白雲每翻思  
吳天鑑中扁少愜平生期貢幃秋揚舲監學春舞旗  
趨庭問先及喜色開霜眉壽日長至初百拜迎春祺  
香鬪金翠行畫燭舞繡圍桂枝茂紛紛椿樹陰遲遲  
君才天下選一日千里馳八詠賦平遠雙溪照清漪  
來來快著鞭了此一段奇

東山上

六

喜聞韓時齋捷書

焦桐有良材函彼太古音良工巧斲之可歌南風琴  
隱居掛空壁不受埃塵侵虛中闕清響靜參萬籟吟  
一朝絃素絲徽星粲黃金玉軫圓更齊鼓之大廷陰  
幹回天地春山水自高深匪藉伯牙手能開子期心  
王深道別酒走筆次韻

取友但聞道不問年先後西澗吾世交豈在接杯酒



言歸復言歸光怪願袖手樓崎靈泉山松柏歲寒友

對月簡松廬

但愛秋月明不厭秋夜永  
披髯立長風舞手弄孤影  
天淨神宇清露重衣袂冷  
隱約辨山河分明認奎井  
一笑震九霄喚起迷者省

送高文父上栢省墳

走騎引征鞍鳴榔趁行船  
下塘三百里棹穩波如席  
霜晴天宇清日暖帶春色  
髻梳粲新粧羅襦照澄碧  
怡怡兄弟情疊疊僕馭力  
豈爲詫遊觀肝腸孝思激  
嗟峨上栢山丞郎舊形魄  
松臺夜漫漫竹塢風索索

東山上

七

聲容弗云遠蕭蕭對巾幘  
追維起家難飽適敢笑劇  
於昭萬古魂伊媿願無毀  
嗟嗟天涯客清燈延永夕  
君有霜露感我念雲水隔

送余直卿廷對

吟卷閉晚牕捷音闕春郵  
推几舞影急踏門步蹤稠  
黃冊幾載傳青衫今日酬  
學舍丈人行文場少年儔  
倚天仰泰華行地輸驂騶  
暑清庭陰闊風香御煙浮  
龍飛屈親策虎帥登先籌  
力深一代源聲匝四海流  
朝陽孤鳳鳳曙陰羣蟬  
蟬端爲砥柱基非千稻梁  
謀百鍊要愈剛萬折空自柔

七言古詩

惜春長句

去年花開春日行嗅香  
藥攀柔柯今年花開煙雨  
愁坐見落英填污溝  
世事翻覆故應爾天工卷舒亦  
如此曷不長教四時好  
却令二月春草草牆頭錦紅  
一花梢人間雪白幾鬢毛  
東家兒女喜鬪妍西鄰老  
婦羞頰顏亦有對酒高陽  
徒零落山丘空畫圖悲來  
乎悲來乎花開花落胡爲乎  
把住東風聊自娛明年  
晴雨知何如

中秋後二夜對月

東山上

八

中秋竟夕佳月色萬里  
光芒霜雪白人言陰晴一瞬  
易不料清輝連永夕  
有情傍我書几多書中今古舊  
應識玉華嬋娟徹鬢眉冰漸的  
皎瑩肝膈風流似與  
仙娥俱縞衣練裳新洒滌酒  
酣顛倒欲結交燈火希  
微疑避席出門露氣已半銷  
輕風西來盪虛碧中天  
鏡懸見本真一點靈明透八極

宣公泉歌

幾年廢井城東衙發石  
缺裂滂淖多奈此宣公初鑿  
何宣公浩氣輩孟軻論諫  
仁義永不磨炳炳丹衷史  
所誇當時芟薙開藤蘿細穿地  
脉泉源過暗引雲氣



通天河誰知荒蕪日冥冥泥舍不食羸其瓶谷射甕  
漏汲莫升舊跡契君懷古情一朝溲治翻光晶百丈  
修綆輓轆轤乳泉溶溶早夜生寒冽不改徹底清靜  
養日月印列星君欲著亭泉之側味想高風夢良覲  
釀泉爲酒觴佳客春來香秣珠的皜玉缸芳葉化醇  
醪蟻浮槽床春滴滴宣公在天酌可索宣公之泉帶  
神識濱湖一嘯暮天碧

和水心先生寄越帥汪煥章得雨韻

步虛影裏雲璈舉精誠上對東皇語蓬萊拂檻多飛  
雲西風吹作人間雨田家誰不知公勤千里歡聲公

東山上

九

亦聞早禾登場晚禾實公庭如水清無塵

次韻

吟邊逡巡風雨催秋空蕭索聲隱雷老松相應發清  
響疑伴吹簫仙子來當年作樓遠塵務坊僧執籌工  
執鋸愛他欄檻看雲山不肯匆匆下樓去

雪中月波卽事

天地黯淡疑古初遠近依約垂冰壺樓閣突兀撐籬  
廬林阜參差自縈紆極目似接滄溟虛流水迤邐隨  
城隅客舟飄颻帆影孤紫幕半單推篷圖須臾四面  
雲模糊舞風片片細和簷帶雨點點密更疎陣復一

陣低勻鋪梅腮破紅笑卷舒柳眼含赤窺榮枯水鴨  
飛去投平蕪野鴈鳴來落寒蘆巷嫗追逐攜雙姝巧  
花入時壓鬢梳艷歌逸響歛笙竽酒酣意氣高陽徒  
尊盤快斫松江鱸茶鼎旋融女牆酥駕言旋反日已  
哺馬驕不羨灞橋驢人言雪瑞慶農夫况此連雪祥  
可符黃土耕桑拱行都

五言律詩

春曉訪客

述作當經綸孤燈坐到晨笑迎東海日喚起北窗人  
露滴煙梢靜鳥啼花逕春自憐身是客與客謾相親

東山上

十

重陽後五日再和叔愚

不對黃花酒還添白苧衣沼鱗空細泳林翼會高飛  
氣概今誰是才華昔已非最憐多病後衣帶褪重圍  
送趙獻可福州撫幹

往歲南閩路曾知幕府崇已先多士列不與衆人同

紅透荔枝日香傳茉莉風還應飛詔急催向道山中

青堅卽事

老檜依庭下青堅自舊名林深便靜坐徑淺却幽行  
逗日分松色迎風和竹聲相韓親匾字相對有餘清  
韓氏與閒卽事



堂深暑不到閒意一爐香  
基鬪過河急琴彈流水長  
古瓶疎牖下怪石小池旁  
忠獻畫圖在英聲不可忘

洵上人房

自占一窗明小爐春意生  
茶分香味薄梅插小枝橫  
有意探禪學無心了世情  
不知清夜坐知得若爲清

遊本覺寺

招提俯秋水畫手借王維  
清磬遞風韻曉霜翻露姿  
茶煙邀客圻帆影喚舟移  
他日成歸夢來興楚子悲

謝韓次公趙獻可踐西湖約

渺渺錢塘路相攜秋色新  
馬蹄沙尾雨舟楫渡頭雲

東山上

十一

世道已非古交情此是真  
羈栖正愁絕得爾張吾軍

留別永嘉文友

歸去是明朝多應趁早潮  
雖然鄰邑近亦似客程遙  
村社酒三約山家水一瓢  
吟邊如得句共語在元宵

送上蔡謝悔齋赴召

詔趣朝天去春風半月程  
西湖花錦重東越柳綿輕  
趨走輪年少謀猷讓老成  
邊烽半明滅畎畝一關情

早發西城卽景

天台今日去步步紫雲鄉  
麥浪漲新綠花風吹舊香  
屏開千嶂遠帶遠一溪長  
遊冶誰家子酣歌古道傍

道傍酒家

門當海嶠開離脚破新苔  
梅影落寒井漁歌近酒杯  
客帆雲外過沙鳥雨中迴  
多少風煙趣從今入夢來

新昌道中

歸路忘羈思印枝第共攜  
江船聞載鶴山店靜聞鷄  
晚稻新收斂秋花舊品題  
明朝行幾里應近赤城西

寄三衢趙希遠

同是他鄉客分攜二月初  
如何近流火曾不寄來書  
夜雨青燈暗晨風黃卷舒  
相思五字句惠好莫相疎

寄越中文友

東山上

十二

客情無處著身事定何如  
秀水且停棹叢山終結廬  
秋風一盃酒夜雨半床書  
把手蓬萊頂梅花臘月初

臥病

欹枕小春雨虛屏半夜風  
病驚身是客愁恐鬢成翁  
窗曙逗微白燈寒帶淺紅  
歸期倩誰卜心挂浙江東

送林子柄縉雲令

交情苦疎闊君復是行人  
燈火誰同坐詩書只自親  
丹楓蒼嶺曉黃菊好溪春  
一別三年遠相思入夢頻

送王伯逢泰興令

揚子江頭路龜池草色新  
細調絃上曲閒拂馬前塵



遠塞秋風靜平疇夜雨勻遙知報嘉政笑我苦吟身

送趙紫芝入金陵幕

會面難如此人生祇自憐笑言無一日離別有三年  
故國帶秋色長淮起暮烟官閒足登眺吟滿菊花天

送王秀才同謝德慶行

三千八百里何自遽成行只重新知己都忘逆旅情  
瘴煙隨處合庾嶺際天橫應有相思淚清宵夢裏驚

送翁靈舒

尋常居異所客路得同行別久話難盡路長愁易生  
湘江春自綠衡嶽古來青何似歸休好西巖深處耕

東山上

三

送高仲發赴銓

不記京華路西行有幾程因君一言別動我十年情  
野水涵天碧山花照眼明春風馬蹄急得意向東城  
多應無旅思天氣正春暄柳送行時路花迎到處村  
捷書新得意詩句舊曾論獨坐相思日東風靜掃門

送薛子舒華亭造船場

此日攜家去休言惜遠離江天雖雨意客路正花時  
擊楫漫長嘯把書常自隨爲官閒亦好竹外鶴偏宜

七言律詩

浸碧亭夜月

夜半橫空一片雲雲邊明月帶疎星松關露重驚飛  
鵲荷渚風輕低度螢粟綴嫩黃懷老圃酒筍新綠見  
虛亭秋吟不作相思調許我西湖伴醉醒

九日登真如閣

雲閣憑高起暮愁西風吹作帽簷秋煙林回薄地欲  
轉小國蒼茫天共浮富貴從來聯後乘行藏何處借  
前籌東籬又負黃花約新月光中一獻酬

韓吏部竹隱亭

秋浦星郎舊隱居石巢長伴竹蕭疎寒窗細酌月來  
往暑檻殘編風卷舒視滴靜涵天地秘爐煙間接水

東山上

古

雲虛風流格調今猶在有子挑燈讀父書

水陸寺

松栢蒼蒼蔭碧瀾碧瀾深處有龍蟠清閒日月長廊  
靜慘澹雲煙畫閣寒林鳥忽鳴疑悟道石磯危坐似  
逃禪天台行客東嘉友一笑春風共倚欄

寄謝周西麓國博

三年涕血漬槃蔬蓬首春風未欲梳客病屢驚幾死  
去母慈常念有生初乞文西麓標銘墓立石東山伴  
倚廬恩到九原那可答近來和淚看除書

次韻杜十三丈

雙溪風月只當年客夢尋君屢慨然萬里青雲誰覽  
鏡一牕黃卷自鳴鞭病餘念此懷憂樂醉裏從其號  
聖賢多少離情那寫似排空煙柳綠無邊

東山上

五  
宜  
秋  
節

東山詩選卷上



東山詩選卷下

宋 葛紹體 撰

七言絕句

太師汪煥章社日勸農余出澚曲

飛旆行春沐雨天風光一陣雜晴煙麥苗綠潤秧芽

嫩鼓吹聲中卜有年

春勸老農誇歲歲晚飛新燕賀年年鑑湖一棹煙波

客燕舞農歌伴醉眠

春曉散步

書滿曉窗看不暇推書起步略尋閒春酣風日生光

東山下

宜秋館

怪不在煙村花柳間

春日即事二首

地僻人稀春日長小池波暖浴鴛鴦閒拈藜杖歸來

晚簾幙風微花氣香

一帶青煙護白溪溪流橫截路東西早春晴日自風

度嶺樹數聲春鳥啼

惜春二首

晴日無多雨日多春藏花底暗消磨一年尚有幾春

色花若飄零春奈何

桐角聲中春欲歸一番桃李又空枝楊花好與春將

息莫被東風容易吹

春懷

春衫曾著淚痕斑才到年時怕倚欄何處飛來雙燕

子傍人還欲訴春寒

晚春

過了紅芳又綠陰綠陰多處覺春深東皇自是成功

早取次南風入舜琴

暑雨

連日霏霏濕夕陽洒衣沾席碎聲長暑天不是苦多

雨愛與人間生晚涼

東山下

二

雨夜

風雨無情斷送春牡丹誰與伴黃昏枕書睡去覺來

晚庭鶴一聲驚旅魂

晚晴

風頭雨歇靜簷花渡口人稀解釣蓑零落斷雲無處

著滿湖秋水夕陽多

十五夜聽雨

斷續寒聲落晚紅擁爐閒對逗香風醉迷客思醒依

舊不在芭蕉點滴中

城中月夜

霜天如洗月鮮明少醉街南取次行閒聽梅花引次  
徹滿樓槌鼓報初更

九日

不管西風吹帽紗出門閒步夕陽斜平湖水落蒼黃  
處一段風煙蘆荻花

九日寄渭南文友

自古吳興山水窟只今枝履幾人閒懷君九日登臨  
處知向何山向道山

河山道場山  
吳興勝處

重陽前三日和叔愚縣尉

年年客路卽爲家多病謀生未有涯料得重陽好風

東山下

三

日自無情緒對黃花

煙雨館立冬前一日

已過重陽種菊花留連秋色帶霜華休言明日朔風  
起腸斷天涯人憶家

觀梅

只是尋常雲雨曉歲寒然後見天真人間莫作寒愁  
想一片飛來一片春

早起

竹聲枕上報平安曙色依稀隔幌寒風雨滿庭人未  
起蛛絲斜挂碎珠團

睡起

西風攪雨十分秋誰駕秋濤汗漫遊日午小窗初睡  
起一詞魂夢到滄洲

有感

過了青梅杏子紅擔頭和雨賣忽忽催人節物如流  
水流到東頭更向東

隱几

分明歸去赤城東依約醒來客夢中人靜燈昏卷書  
坐一窗明月一簾風

夜讀

東山下

四

滿牀書籍夜從容靜裏關心舊臥龍燈燼落紅煙縷  
碧五更風雨咽疎鐘

病中

病骨稜層閱歲華新涼還入舊窗紗曉來睡覺聽人  
語一夜西風折桂花

望家信未至

一封寄去當人日只是元宵近到家何事春分猶未  
報夜窗幾度卜燈花

午坐

疎竹牆頭半粉青盆池荷小欠浮萍虛簷槐影日亭



午醉倚欄于鶯喚醒

竹西午坐

檜樹參差翠滿庭  
甜風愛日透疎櫺  
倦行靜倚湘斑  
坐高下書聲得細聽

早中早起

精悍聲裏恨難平  
似訴民勞徹上清  
料得爲霖只今日  
滿天風露看雲生

天章橋

畫橋人靜度楊花  
山果溪魚賣酒家  
淡淡輕烟綠陰  
淺一年春色到桑麻

東山下

五

過江心寺

寺帶長江山作圍  
塔峯相對立漣漪  
好風吹浪舟行  
急正是午潮初長時

山臺

春曉欄干無數山  
山雲濃淡去來間  
湖光一片東城  
外鷗鷺相親風日寒

題秋風亭

稻鎌影盡雲垂野  
衣杵聲高月滿空  
春在萬家歌笑  
裏不知亭上有秋風

西湖卽景

笑倚東風看畫船  
天如水水如天  
酒旗高處玉驄  
急萬樹垂楊一抹煙

袁官講飲西湖

重吟坡老芳鮮句  
飲客西湖半醉中  
一段風光帶秋  
色瘦荷疎柳嫩芙蓉

西湖二首

年年春色客中看  
不管今年行路難  
行到西湖春正  
好萬重楊柳傍欄干

楊柳芙蓉舊日栽  
近來堂宇更安排  
湖光接得全天  
趣莫遣遊人鼓吹來

東山下

六

四月八日永嘉盧子高隱西湖

遠近山光濃淡中  
曉雲零亂越湖東  
飛來幾點浴佛  
雨濕住楊花粘落紅

黃友載酒鑑湖

雲細風柔雨後天  
兩三飛鷺點晴川  
小舟穩泛疎簾  
靜著我閒身坐少年

秋日東湖

荻花風裏桂花浮  
萬竹生雲翠欲流  
誰拂半湖新鏡  
面飛來煙雨暮天愁

秋夕湖上

雲邊鴈影半浮沉一片征帆萬里心水月光涵疑雪  
夜小舟乘興欲山陰

偏門湖上

秦陸當年行樂地依然耕釣水雲鄉傷心寂寞東風  
裏露草煙花空自香

晚出湖上

雲樹依稀自作行烟波浩渺別爲鄉漁人不識閒吟  
客撒網鳴榔却鬪忙

夜出湖口

雲連天遠水連雲一片天光欲半昏新月似憐新鴈

東山下

七

過伴他孤影落前村

新齋卽事

爐煙虛匝上寒屏牕紙吟風帶雨聽欹枕夜深輸酒  
力一聲啼鳥夢初醒

遂初東園

晴日暖風渾欲醉遊蜂啼鳥累相關閒來芳徑步幽  
草更上高樓看遠山

東園池上

急雨斜風顛曉荷嬌羞花面淚痕多向人欲語竟不  
語風雨無情花奈何

荷瀾池上

蒲芽長短草浮沉地傍官河帶竹林風約萍開曉天  
靜蜻蜓聚立紫荷簪

荷瀾卽事

雨餘漲水欲浮空雲影中間著釣筒小棹輕舟往來  
急古槐斜日嫩荷風

秋堂東軒

新糊窗紙舊胡牀銅鴨煙昏硯墨香淡翠屏風小瓶  
亞芙蓉紅鞦菊黃

遊本覺寺問禪老

號古潭

東山下

八

入到山房水自清萬竿修竹翠稜稜古潭夜印中天  
月悟得無生幾上乘

夜步垂虹

酒市漁村傍太湖臥虹橫跨接東吳風雲驚趁魚龍  
夜月色天光半有無

浸碧卽事

冰壺清淺酒杯深雨鬧風荷一陣陰琴調半殘看晉  
帖更尋碁局伴秋吟

曹氏寒碧卽事

屋頭楊柳綠參差小竹疎花此更宜簾漾水紋閒畫



日早秋風物似春時

小窗基靜一枰空多事蠟聲斷續中過雨涼生醉歸去不知明日又秋風

錦園晚雨

一園蜀錦萬花枝紅綠相攜傍酒卮不必夜深來秉燭滿庭風雨濕臙脂

過西齋

青燈一暈靜相看酒敲殘秋夜半寒却怕醒來人獨自西風索索荻聲乾

韓季默主簿聽雨齋

一片雲陰帶日長落花飛處燕泥香耕畦桑塢年年事萬點聲中夜對床

荷渚卽景

軒檻空明照野塘閒看漁父濯滄浪相忘一笑一杯酒荷葉雨聲生晚涼

過秋塘陳老丈

水匝橋橫處士家東軒書冊舊生涯秋風滿徑一筇晚柳未全疎桂欲花

溪上

少立沙頭夕照明柳風吹面酒初醒東臯好雨一犁

東山下

九

足麥半黃時缺半青

夜行浸碧

空明不礙醉中行月暈風生夜幾更籬落無聲水天濶露荷相倚釣舟橫

仲和時齋卽事

夾徑花開一丈紅傍池新竹萬枝風閒來笑語忘爲客盃酒淡煙明月中

時齋新植

紅欄一帶樹青青簾幙風輕颺曉晴日轉花陰燕飛去堂中惟有讀書聲

東山下

十

晨興書所見

等閒日月任西東不管霜風著鬢蓬滿地翻黃銀杏葉忽驚天地告成功

道中書所見

湖塘隔岸碧相鮮田舍寒炊晚頓烟塞路官軍好身手路中相喚賣魚船

樂清道中二首

雅淡風光近上元迎神簫鼓自年年客行不趁花燈市月滿寒江水拍天

前浦歸帆掛夕陽傍船打鼓是漁鄉居人却慣魚蝦

賤茅店晚厨春薺香

義烏道中二首

溪頭石佛泗州身半染鱸烟半路塵兒女一般清淨  
供蘇溪茶點建溪春

小雨山寒占麥秋溪南溪北水交流桃花又報東風  
急雲帶雨來山欲浮

東陽道中二首

麥隴東風半展鬚桃紅柳綠自相於耕犁歇午炊煙  
起斷岸溪頭人釣魚

溪頭亭匾佳山水水遶山圍巷陌清晚向酒旗高處

東山下

十二

泊畫樓更點亦春聲

諸暨道中五首

寒雨路從巖澗出晴天纔見越山川誰憐昨日經行  
地回首蒼茫起暮烟

路分杭越號牌頭行客東西各自謀總是春晴好天  
氣野花山鳥亦風流

兩畔綠楊臥碧溪人家一帶綠楊隄門開恰出市行  
路山在屋頭誰肯棲

曉煙晴日過楓橋橋面山尖春半嬌一簇誰家嫩楊  
柳淡黃襟帶學官腰

極目田疇似掌平遠山依約畫難成天寬地大空明  
處漸近稽山接帝城

姚江舟中

睡覺舟行長半潮暖風晴日媚春郊江邊一帶青林  
靜輕細鶯聲高柳梢

過曹娥江

依舊臨江鎮廟門參差江樹帶春雲男兒愧死知多  
少我欲重招孝女魂

宿礪溪

梅岸祖居今寂寞舊門還向赤山頭夢回淚濕春衫

東山下

十三

袖人與赤山相對愁

大丘至黎坑口

重嵐浮動光相射峭壁橫斜罅欲開比似鴈山多秀  
發丰稜那復讓天台

五部嶺

嶺上煙雲作伴行遠山凝綠向誰橫醉來睡足茅簷  
雨三十六灘春水生

蒼嶺行三首

客自忙忙山自閒有情飛鳥去來間石磯坐久風林  
靜一派泉聲落半山



翠擁層崖一水分括蒼遙接赤城春  
觀音城上靈官廟多少燒香行路人

只將客路當山行自覺春光步步生  
幾許花開到桃李東風又起隴頭耕

晚泊三高亭

不釣鱸魚只釣鰲一絲彈壓幾風濤  
城西山影蘸空碧星斗逼人相與高

小憩梵安寺

淺綠深紅映夕嵐子規聲在虎溪南  
明朝塵土又歸去長憶來時三月三

東山下

三

唐晦叔方壺

秋日吟邊書傳香弟兄盃酒到盧唐  
誰知靜處工夫大消得方壺歲月長

題趙獻可撫幹池亭

浸碧虛亭煙水中參差荷渚小橋東  
露花相對立清曉閒裏絲桐歌舜風

題韓伯直順齋

路似直弦萬古新平吾方寸是經綸  
一元靜轉憑何力日月序行天地春

盧子高梅巖

倚巖好竹數枝橫竹裏梅梢分外清  
要看蕭疎影來去最宜天氣半陰晴

韓仲和南窗

一榻臥雲長至日半鑪宿火欲明時  
年年來此南窗下不怕風霜容易欺

昌園

昌園梅樹占山林山淺村深煙日昏  
薄暮東風幾落雪濤隱約萬龍奔

遂初黃友遜齋

藝圃樓高插架書只將遜志力耘鋤  
堂堂乃祖聲名在直使人稱兩遂初

東山下

西

在直使人稱兩遂初

題麗句亭

王謝風流盟未寒枝藤杯酒翠微間  
松花半落春山暮雲滿一溪春水閒

題新安汪氏心遠亭

來傍蓬萊夜讀書孟山相對是吾廬  
不妨車馬自來去一片閒心泊太虛

題天慶觀

淡雲疎雨嫩涼天老栢梢頭掛瘦猿  
仙殿崔嵬鐘磬響紙錢灰起祭中元

題戒珠寺竹閣

松雪半梢寒鵲語風敲疎竹度斜陽幽尋有客自來  
去靜對僧禪一縷香

高文父隱居

岸西城郭岸南村楊柳排空竹駐雲不必青山映門  
巷蘆花一帶水平分

鍾慶飲別

日添一線酒壺邊小閣連裝勝去年明夜月生何處  
有短帆風定下塘船

贈休齋沈老丈

東山下

五

澈浦東南海面橫慣看潮落又潮生嫌渠萬里風波  
險心地一生平處行

酒邊風月是詩情平淡精神是老成每愛晉人標韻  
別發揮天趣更淵明

贈黃友把酒東臯三首

野水東流一帶斜去來征棹幾年華東風又染山光  
綠好拂絲綸釣浪花

風光依約上征帆雲影參差帶遠山野岸水平耕釣  
足鏡湖消得一春閒

東風鷺影幾橫斜晚日飛來漾雪華好伴閒身春雨

裏一川煙雨落梨花

和袁抱甕

雨滴殘更不忍聽欲尋歸夢夢難成西風起處鴈聲  
急多少悲秋行客情

元直弟梧坡

東山山下碧梧坡照映朝陽歲月多知是鳳凰棲泊  
處一鳴天地起春和

獻可造朝

步步青雲肯憶家西湖春訊到梅花除書一紙飛來  
日柳色鶯聲滿後衙

東山下

去

送松臺老丈過黃巖

雖然相去百餘里亦是同棲一片雲君向黃山我孤  
嶼思鄉時節定思君

送李好謙縣尉

聞得官期寄短歌官期猶有一年餘如今東越都誇  
道花燭重新吏報衙

東歸行李一編書誰料薰風駐鑑湖夜月扁舟憶君  
處藕塘紅綠正相扶

寄仲彝縣尉

別後平安未有書秋風客裏定何如西湖縱是芙蓉



好不似山家橙橘初

送高九萬

詩名空滿浙江東身事長嗟似轉蓬正是梅天又離  
別相思還在雨聲中

送蔡貫之

君去江東幾日程我來東越漫雲萍客情自是難為  
別何況鄉情兼別情

送胡五九丈

長記秋時病作魔頻來看我謝君多只今未別先成  
夢夢覺爭如既別何

東山下

七

送友人

曾嗟別去作西東今喜重來笑語同來日未多今又  
去相思無奈立東風

送樂齋葉敬叔丈

萬里春風柳一隄長條折與記分攜客行却入故鄉  
去禹洞龍丘認舊題

送陳平父

長憶楊花歸路春最憐雪玉苦吟身蓬萊風月相依  
舊為問細論誰可人

韓仲和會友竹  
房有細論公案

送陳友

傷春那作送行詩短棹輕帆駐片時煙雨滿村桑柘  
綠杜鵑聲裏憶歸期

送戴子安

北固峯前多景樓江山第一占南州單車六月海陵  
路看了一番歸去休

未到蓬萊閣上遊梧坡在越自應留秋深燈火夜深  
語又擬橫飛一鶚秋

懷元直弟

草色苔痕綠滿庭讀書聲向夢中聽濕雲冷雨更愁  
絕寂寞旅牀思鵲鴿

東山下

六

見王兼叔上舍壽母

百單二歲尙簪梳珍重醅顏映雪膚天下丹青誰妙  
手倩渠描作壽星圖

仲和親迎慈溪

燈火宗盟舊日尋宜家宜室正如今春風蘋藻慈湖  
上琴瑟新調太古音

萬卷何如一寸心心涵萬卷自知音聖功不是尋常  
事泰華高寒滄海深

題韓季默春山圖

春山一簇帶春雲樓閣高低日欲曛騎馬棹船遊冶

客一天風月自平分

題越人賀韓司戶令子得舉詩卷

一鶚秋風東越初龍門春浪少躊躇客來多說新河  
過古柳陰中聞讀書

題四清枕屏

橫梅枝下蘭爲伴瘦石拳邊竹更長月上小窗人欲  
靜睡來清入夢魂香

題松竹梅畫扇

扇招三友亦風騷淡墨蕭疎雨露梢不止暑天涼意  
足愛他曾耐歲寒交

東山下

五

送芋栗湯升伯教授

上栢山前擘翠紅半筐沿壁挂秋風輕黃肉皺紫皮  
脫細入微甜咀嚼中

紫芋霜天到客居秋風應倩野人鋤竹爐細撥輕紅  
火煖襯寒牕夜讀書

樹影

樹影參差落晚窗疎疎密密自分張偶然一陣狂風  
急顛倒隨風上下狂

莫要隨風上下狂空將閒影傍斜陽斜陽西去還催  
去自在虛明一帶窗

槐

槐幄成陰綠正宜青蟲爲蠹祇空枝花神巧與換新  
綠恰似春風三月時

梅花對飲

半痕霜月曉牕低三兩梅花作伴樓盃飲花邊更風  
度石泉湯撥嫩鹽齏

遂初晚飲

書葉翻風傍酒樽庭槐清影蔭黃昏新螢一點南窗  
下來約燈花伴夢魂

鶴

東山下

五

丹頂低回疑舞水雪翎高展欲排雲也知爾得閒中  
趣較得能閒更幾分

馬喻答惟曉問

振鬣長鳴向遠天輕蹄健步欲爭先關山萬里踏飛  
雪何似春風御柳邊

嘲蛩

浮沙籬落亂鳴蛩永夜相尋客夢中盡是秋風借餘  
力聲聲却似怨秋風

吳友翠玉軒

鬻市塵中無此清竹風聲應讀書聲一軒擁翠萬玉



瘦正好著桌難弟兄

東山詩選卷下

東山下

主宜秋館

南城李喬翹君校

跋

此集湮佚已久館臣輯諸永樂大典編爲兩卷較諸  
原編詩文選十卷者十不存一二矣紹體爲水心弟  
子學有淵源朱彝尊經義攷載有所著四書述已佚  
是詩人而兼經生也宜乎詩章爾雅與江湖頌唐之  
流大相逕庭矣辛酉孟秋之鼎識於世業堂





安晚堂集



四明張氏釣園開雕

安晚堂詩集序

余曩讀安晚集因頗究其立身行事本末宋史極稱之至有小元祐之目甚矣阿私之為害後世史筆之難信也當宋之世其苦外患久矣僥倖而有偏安之局亦久而後亡耳故卒與外患相終始是猶久病孱弱之軀將養之不及外邪時復侵之遂漸入於膏肓矣試觀寧理之世尙成何國家又奚論寧理以後種孽芽於數十年之前一旦潰壞於今日今之枋國者乃不幸而代前人盡受其過此余于安晚猶有可原書板幾燬勿復存

安晚堂詩集序

四明叢書  
約園刊本

者也近復取其詩讀之頗怪漁洋竟施多禪語之論或又謂其近似香山其實皆未有得於安晚也夫詩之為學虞書十二言盡之矣然在後世久已析為一派願讀其人之詩即其人之志行十可八九得則不誣也漁洋推近世詩宗然其工力悉耗在詞中依永和聲黍米不失即其思與志終不能不為所屈矣夫僅託於言志固往往失其為詩徒耗工力於詞中即亦失其所以為詩之誼然則如漁洋者其弗能有得於安晚之詩也固宜至如香山其與安晚亦為異曲所遭之時與地固弗同

也雖然安晚亦嘗耗其工力於詞中焉今其詩猶有約略可窺見者徒以雅蓋蘊藉務使人以難窺即其立身行事亦多用此術觀其相業可知焉已今校其詩刊之并揭發其心志之可窺稍論著之俾後之人有攷焉民國二十六年十月後學張壽鏞序

安晚堂詩集序

四明叢書  
約園刊本



四庫全書提要

安晚堂詩集七卷

宋鄭清之撰清之初名燮字文叔後改今名字德源安晚其別號也鄞縣人嘉定四年進士寶慶初以定策功累官太傅左丞相卒諡忠定事蹟具宋史本傳所撰安晚集本六十卷宋時刊於臨安此本所存僅第六卷至第十二卷但有詩而無文較原目僅十之一考王士禛蠶尾集有安晚集跋亦稱僅古今體詩第六卷至第十二卷則康熙中已無完本矣士禛但謂其詩多禪語而

安晚堂詩集提要

一四明叢書  
約圖刊本

不言其工拙今觀所作大都直抒性情於白居易爲近其咏梅咏雪七言歌行二十首亦頗有可觀且清之爲相擢用正人時有小元祐之號在南宋中葉猶屬良臣不但其詩爲足重固不容以殘闕廢也屬鶚宋詩紀事從臨安四明兩志採得淨明院及題雪竇妙高峯詩二首爲此本所未載零篇斷簡幸留百一今亦併附入焉

安晚堂詩集卷首

宋史本傳

鄭清之字德源慶元之鄞人初名慶字文叔少從樓昉學能文樓鑰亟加稱賞嘉泰二年入太學案脫嘉定二字十年登進士第調峽州教授帥趙方嚴重許可清之往白事為置酒命其子范葵出拜方掖清之無答拜且曰他日願以二子相累湖北茶商羣聚暴橫清之白總領何炳曰此輩精悍宜籍為兵緩急可用炳亟下召募之令趨者雲集號曰茶商軍後多賴其用調湖廣總所準備

安晚堂詩集

卷首

一四明叢書

約園刊本

差遣國子監書庫官十六年遷國子學錄丞相史彌遠與清之謀廢濟國公事見皇子竝傳俄以清之兼魏惠憲王府教授遷宗學諭遷太學博士皆仍兼教授寧宗崩丞相入定策詔旨皆清之所定理宗即帝位授諸王宮大小學教授遷宗學博士宗正寺丞兼權工部郎兼崇政殿說書帝問外人因問子庫進絲履有謗議清之言禁中服用頗事新潔者帝曰故事月進綬數兩朕非做不易何由致謗清之奏孝宗繼高宗故儉德易章陛下繼寧考故儉德難著寧考自奉如寒士衣領重澣革

烏屨補今欲儉德著聞須過於寧考方可帝嘉納寶慶

元年改兼兵部兼國史院編修官實錄院檢討官遷起居郎仍兼史官說書樞密院編修官二年權工部侍郎暫權給事中進給事中升兼同修國史實錄院同修撰紹定元年遷翰林學士知制誥兼侍讀升兼修國史實錄院修撰端明殿學士簽書樞密院事三年授參知政事兼簽書樞密院事四年兼同知樞密院事六年彌遠卒命清之為右丞相兼樞密使端平元年上既親總庶政赫然獨斷而清之亦慨然以天下為己任召還真德

安晚堂詩集

卷首

二四明叢書

約園刊本

秀魏了翁崔與之李璫徐僑趙汝談尤焞游似洪咨夔王遂李宗勉杜範徐清叟袁甫李韶時號小元祐大者相繼為宰輔惟與之終始辭不至遺逸如劉宰趙蕃皆見旌異是時金雖亡而入洛之師大潰二年上疏乞罷不可拜特進左丞相兼樞密使三年八月霖雨大風四疏勾去九月禋祀雷變請益力乃授觀文殿大學士禮泉觀使兼侍讀四疏控辭依舊大學士提舉洞霄宮及聞邊警密疏恐陛下憂悔大過以汨清明之躬累剛大之志嘉熙二年封申國公四年遣中使賜御書輔德明



謨之闡賜楮十萬緡爲築室乃日與賓客門生相羊山水間淳祐四年依前觀文殿大學士醴泉觀使兼侍讀屢辭不允拜少保觀文殿大學士醴泉觀使兼侍讀進封衛國公趣入見有旨賜第五年正月上壽畢亦疏乞歸不允拜少傅依前觀文殿大學士醴泉觀使兼侍讀進封越國公居無何喪其子士昌決意東還又不許拜少師奉國軍節度使依前醴泉觀使兼侍讀越國公賜玉帶更賜第于西湖之漁莊進讀仁皇訓典謂仁祖之仁厚發爲英明故能修明紀綱而無寬弛不振之患孝宗之英明本於仁厚故能涵養士氣而無矯勵峭刻之習蓋仁厚英明二者相須此仁祖孝宗所以爲盛也帝褒諭之六年拜太保力辭故事許回授子孫清之請追封高祖洽帝從之蓋異恩也七年拜太傅右丞相兼樞密使越國公中使及門請之方放浪湖山寓僧刹竟夕不歸詰旦內引叩頭辭免帝勉諭有外間所不及知者甫退則中使接踵而至或請更化改元清之曰改元天子之始事更化朝廷之大端漢事已非古然不因易相而爲之帝以邊事爲憂詔趙葵以樞使視師陳韓以知

安晚堂詩集

卷首

三四明叢書

約園刊本

樞密院事帥湖廣二人方辭遜會清之再相力主之科降辟置無所留難葵韓遂往於是戰于泗水渦口木庫皆以捷聞九年拜太師左丞相兼樞密使辭太師不拜依前太傅每謂天下之財困於養兵兵費困於生券思所以變通之遇調戍防邊命樞屬量遠近以便其道塗時緩急以次其遺發又議移歲調兵屯以成淮南併軍分頭自以節廩稍先移鎮江策勝一軍屯泗水公私便之諸路虧鹽執其事者破家以償清之覈其犯科者追理望誤者悉蠲之全活甚眾沿江算舟之賦素重清之次第停罷如池之雁以有大法場之目其錢分隸諸司清之奏罷其並緣漁取者蓋數倍公家之入合分隸者從朝廷償之報下清之方與客飲舉杯曰今日飲此酒殊快四上謝事之章十年進十龜元吉箴一持敬二典學三崇儉四力行五能定大明善七謹微八察言九惜時十務實疏奏敬天之怒易敬天之休難天怒可憂而以為易天休可喜而以為難何哉蓋憂則懼心生懼則怒可轉而為休喜則玩心生玩則休或轉而為怒帝大喜命史官書之賜詔獎諭十一年十疏乞罷政皆不許

安晚堂詩集

卷首

三四明叢書

約園刊本

拜太師力辭有事于明堂有旨閣門給扶掖二人再賜  
玉帶令服以朝十一月丁酉退朝感寒疾危甚猶以未  
得雪爲憂俄大雪起曰百官賀雪上必甚喜命掬雪牀  
前觀之累奏乞罷政不允奏不已拜太傅保寧軍節度  
使充醴泉觀使進封齊國公致仕卒遺表聞帝震悼輟  
朝三日特贈尚書令追封魏郡王賜諡忠定清之不好  
立異湯巾嘗論事侵清之及清之再相巾求去清之曰  
己欲作君子使誰爲小人力挽留之徐清叟嘗論列清  
之乃引之共政趙葵視師年餘乞罷上未有以處之清  
安晚堂書 卷四 五十四 明叢書 約園刊本

之曰非使作相不足以酬勞陛下豈以臣故邪臣必不  
因葵來遽引退臣願爲左使葵居右上訖從之然葵竟  
不果來清之代言奏對多不存稿有安晚集六十卷清  
之自與彌遠議廢濟王竝立理宗駸駸至宰輔然端平  
之間召用正人清之力也至再相則年齒衰莫政歸  
妻子而閒廢之人或因緣以賄進爲世所少云



安晚堂詩集卷六

宋鄞 鄭清之德源撰

默坐偶成

洄河見水老如新此見云何別妄真心本佛心須作佛  
境皆塵境莫隨塵空中花果浮生眼夢裏悲歡現在身  
萬事盧胡喫茶去不知誰主更誰賓

底須莫莫更休休老去浮湛一敝舟病惱幻軀天惡劇  
醉尋熟睡我先籌眼前勤惰書開闔窗下陰晴雨散收  
假使莊生夢為蝶也應貨粟監河侯

安晚堂詩集卷六

四明叢書  
約圖刊本

睡魔勾引鶴投林書債中拋筆似瘡尙有烏髭贏白髮  
擬尋朱汞養黃金寸機解起千疆畝一息能藏萬古今  
塵世何人是知己推窗明月正當心

追記覺際偶成

我到家山雪尙飛看看寒食展歸期花開無酒蝶貽笑  
春盡不吟鶯有辭窗下竹君陪晤對手中杖子共追隨  
閑來目唱無生曲井底泥蛇舞柘枝

靜極

磨甑豈解成明鏡打坐如何作佛身靜關頭頭須認著

暑中冰凍雪中春

銜薪

小草虛心不染塵傳燈會上屢焚身光明一點元無盡  
謾結空花作好春

臂疼醫令灼艾戲成

幻體當如泡影觀法身清淨本堅完四千八萬陀羅臂  
艾炷教君何處安

食豆莢

西風槭槭草蟲鳴萬莢叢中詫瑞真煮啖快輸兒女吻  
然其不忍尙堆青

安晚堂詩集卷六

四明叢書  
約圖刊本

臂疼自砭

雲長鑿骨未為奇斷臂亭亭對祖師萬法從心當自省  
箇中冷暖有魚知

有感

子思問學惟誠意孟氏功夫只反身定慧妙明何處覓  
要知儒釋共天真

秋色佳甚未能一到覺際像景謾賦二絕

秋光澹薄有無閒掠水斜風雨腳斑試向菰蒲深處望

嫩黃一點待花開

藕花萬柄斂春妝  
賸駐霜荷葦葉裳  
水路想通漁艇入

我來月下要鳴榔

感風悶坐戲成六言一首示雲岑

夢覺無兩莊子是非只一東坡顏淵簞食爲樂啓期帶  
索行歌魯侯不遇天也伯寮其如命何世事如棋新局  
人生落葉辭柯誰人見張平叔何處覓藍采和且服單  
方妙藥般若波羅蜜多

秋成風雨

安晚堂詩集 卷六

三四明叢書

約園刊本

垂垂金穎賀秋成  
去逐狂風一羽輕  
何事天工惡戲劇  
眼前翻覆見虧盈

雨後閒坐偶成

秋霖得晚晴景色似郊坰  
山向閒中碧雲從缺處青  
簷牙抽宿溜木杪挂疏星  
一枕便高臥清風入暑櫺

兀坐

夜聽寒蛩曉聽蟬  
梧桐疏雨晚秋天  
空齋抱膝原無事  
半是癡愁半是禪

香山老惠兩貓

殺活禪機本自由  
順行逆用總先籌  
伽梨親抱狸奴送

管是南泉是趙州

香山貓食粥

梵宮新遣兩狸奴  
晨粥飢餐食肉如  
料是伊蒲三昧熟  
未知繞膝訴無魚

冬瓜

翦翦黃花秋後春  
霜皮露葉護長身  
生來籠統君休笑  
腹裏能容數百人

茄子

安晚堂詩集 卷六

四四明叢書

約園刊本

青紫皮膚類宰官  
光圓頭腦作僧看  
如何緇俗偏同嗜  
入口原來總一般

贈李相士

未遇公卿儘好看  
會將碧眼照人寒  
邯鄲夢覺君休問  
試卜何時可挂冠

七月初五日城中大風雨

颶風超海撼官城  
吹斷銀河徹曉傾  
瓦陣飛翻千鶴起  
屐聲傍午萬蛙鳴  
駢肩重足人如醉  
湧溜奔雲氣未平  
誰與箋天如帝律  
毒龍斥去鎖東瀛



聞覺際被風寄頌老

古德把茅惟蓋頭  
颺風飄屋等虛舟  
矮窗猶有蒲團滑  
也勝牀前滾雪毬

督覺際詩茶

秋後從來數晚菘  
自鋤稀甲幾多叢  
莫辭榘榘頻攜食  
準擬清饒玉糝翁

偶記賦王昭君謾錄之

因覽詩話中賦昭君者命  
意多溺於情遂出此作

伐國會聞用女戎  
忍留妖麗漢宮中  
如知衰妣貽周患  
須信巫臣爲楚忠  
青冢不遺芳草恨  
白溝那得戰塵空

安晚堂詩集 卷六

五 四明叢書  
約園刊本

解移尤物柔強虜  
延壽當年合議功

八月初五夢桃杏枝上皆小蕊  
頃刻閒一花先開

既而次第皆坼色殊紅鮮可愛  
夢中爲賦一詩覺

但記其第二句戲足成之

天孫紅錦淺深裁爲惜  
芳苞未肯開爭奈東風披拂甚  
枝頭次第吐香腮

贈談命陳總屬

彈缺朱門歲月過  
生涯安樂徧行窩  
談天有口機關別  
處世無心笑語多  
自是君平忠孝在其如  
曼倩滑稽何

一帆又作鴟夷去  
遙想江湖聽踏歌

八月上弦夕

輕風慰貼晚雲開  
爲放中秋半月來  
待得月圓多值雨  
不如今夕共罇罍

覺際閒坐紀所見

蛛網雨中時恤緯  
蜂屯衙後自嬰城  
竹根得土筍爭長  
紙隙受風窗善鳴

食蛤戲成

滿殼濡潮汐因沙  
產海濤文身吳太  
伯緘口魯銅人雀

安晚堂詩集 卷六

六 四明叢書  
約園刊本

化宜分雉蛙烹肯擬倫  
蛙大者名風蛤試呈饗賦手半熟酒含

津

督覺際植花

桂後秋蘭解出奇  
幽香元不許春知  
移根好向他山覓  
承受風光到菊籬

兄弟梅馨是水僊  
曝根向暖總宜先  
銀臺金盞惟須酒

不可無渠對雪天

催覺際植芥

淡交耐久最宜蔬  
風味清嚴莫芥如  
沃壤深畦須蚤計

雪中滿擬飲冰菹

觀書連日脾胃不快  
因觀書遂喜食

肝脾何藥解清虛不用參苓不咬咀一種單方無授受  
明窗端坐只觀書

夜雨

依風急雨墊秋清疏數無時總有聲最是可憐雲裏月  
幾番陰翳幾番明

睡起戲筆

范蠡功成便五湖鴟夷未了復陶朱爭如終老嚴陵釣

安晚堂詩集 卷六

七 四明叢書

約園刊本

千古清名一事無

謝天童老秋蘭

楚畹春曾汎曉光直留雅豔到虹藏山中不把一枝到  
世外那聞干佛香

秋色追隨入慧光肯攜幽卉問行藏深林未省炎涼態  
來爲閒人特地香

綠葉青青音帶紫光  
經有紫金光聚拈來笑處沒遮藏密圓應

具楞嚴偈非本非空出妙香

夜雨不睡

浮湛世事付洪喬敲枕迢迢度永宵雨細無聲簷溜滴  
香殘有燼篆煙銷翻盆碩鼠原欺暗繞鬢飛蚊始作嬌  
老去易驚寒暑變幾多今夕又明朝

少日無歡老易愁鶯花過眼一春休清虛未解窮聃釋  
情思誰能更孔周白醉慙煩簷送暖蒼顏惟恐鏡包羞  
爭知一點天然物不共浮生作去留

育王老禪屢惠佳茗比又攜日鑄爲餉因言久則  
味失師授以焙藏之法必有以專之笑謂非力所  
及謾成拙語解嘲錄以爲謝

安晚堂詩集 卷六

八 四明叢書

約園刊本

會讀茶經如讀律一物不備茶不出未論煮滄應節度  
第一收藏在堅密摘鮮封裏須焙芳溼蒸爲寇防侵疆  
朝屯暮蒙要微火九轉溫養如丹房育王老慧老茶事  
新授祕訣乃如此幾番惠我先春芽竭來細問茶何似  
我初謂師茶絕奇十日之後如飲麋頗疑緇俗果異撰  
良楷輒謂居所移吾言未終師絕叫爲茶傳法恨不早  
綺疏應合有司存料理如前毋草草對師大笑面欲韉  
三年宰相食無鮭長鬚赤腳供井臼荒寒政類山人家  
屢屢炊盡瓶笙吼何曾敲雪春雲走不如時扣趙州門



侍者可人長摸首

竹下見蘭

竹下幽香祇自知孤高終近歲寒姿垂楊曼舞多嬌態  
倚賴東風得幾時

小軒偶成

齋餘冥坐息深深萬法皆閒境會心輕浪颭荷珠溜玉  
晴曦穿竹翠籠金岸頭舟楫人歸語檻外菰蒲鳥去音  
謾說陶車并謝屐如如不動勝登臨

舊冬得蕙蒿數十根植之舍傍今春遂可採擷輒

安晚堂詩集

卷六

九十四明藏書

約園刊本

持犴黃堂拙語先之聊發一笑

蕙蒿見錄爾雅篇族譜系出荆楚孺居人採擷不論錢  
橫道躡鞅如車前物有貴賤所遇然雞豕芥以帝言  
世間何有正味焉耆芟昌歎性所便冰盃先生整盃傳  
敢騎玉食輕膏膻天隨酷謂杞菊賢一賦金石聲相宣  
玉糝羹芋稱蘇仙天上酥醅能比肩憶昔客授湘湖偏  
乍逢此蒿口流涎嚼寒冰玉香滿咽紺滑琉璃鳴貝編  
揉以豚膏軟如綿脆甘豐膩潔且鮮天花石耳羞爭妍  
木雞退飛山之巔笑渠芽蕨成兒拳岸視椹圍眉宇軒

七菹五菜誰敢先獨能兄事玉版禪一別楚產知幾年

孤根竭來植鄞川春苗出土含曉煙撥條小摘喜欲顛  
故人千里方言還調芼酌之雙觥船枯腸滿慰藜藿緣  
食芹而美不敢專遣送兵廚羞俎籩噴飯一笑箕箒邊

太史報彗星沒

老彗妖芒欲熱天王良見迫為收鞭紫微一夜璣衡轉  
甘雨祥風到野田

安晚堂詩集

卷六

十四明藏書

約園刊本

安晚堂詩集卷六

安晚堂詩集卷七

宋鄞 鄭清之德源撰

謝虛齋和詩

關心稽事恐春遲 暫許花風入繡旗 翠浪半天岐 麥詠

玉簪數筍刈 萋詩見山谷過野亭寄韻追唐什嚴鄭公

野亭見秋菊餐芳敵楚辭 早晚催歸漢廷右 西湖深處

樂天碑

和虛齋勸農十詩

迢遞層陰曉自開 仙舟花底問瀛萊 文章太守非遊行

安晚堂詩集 卷七

四明叢書 約園刊本

為省春耕特地來

右一

燕天妖焰誓初沈 朝汲仁賢簡帝心 未用鋒車便脂轄 小須千里徧春霖

右二

蔽日寒雲悄欲秋 仁風載路曉光浮 田翁攬抱兒孫笑 竹馬橫陳未肯休

右三

問訊桑麻真郡政 按行松菊似家山 挽回和氣歸田里

只費齋鈴半日間

右四

暇日某書六一翁錦繡絲轡與春同年時 豹尾車中望 山色有無知幾重

右五

曉夢吟成望帝歸 征鞍未許柳絲知 笑聽鄧嶺春禽哢 去博延英午漏遲

右六

醜顏醉客欲西東 半溼塵衫上翠空 鄒谷雖寒應解黍

安晚堂詩集 卷七

四明叢書 約園刊本

朱車面面是春風

右七

小隊旌旗半道歸 松陰緩策攬清暉 女郎未覺褰帷過 笑語相教著嫁衣

右八

老黠山靈具六通 解將蒼狗護奇峯 虛齋自有青囊眼 卻笑景純書未工

右九

恰好農時踏翠煙 睡龍驚起雨公田 官程便作乘閒看



不用扁舟學計然

右十

宿翠山

復與十里見青嶺行盡松陰得翠巖萬壑聲中清磬出

一峯高處白雲緘茶新煮鼎作魚沫僧有可人能塵談

自覺靈山綠境熟佛禪重問後三三

暖風依日佐山行幾許春隨屐齒生溪舞綠雲苔出沒

田翻翠浪麥斜橫閒中適意榮三事歲晚無年式耦耕

一靜可能消幻藥臘開胸次著崢嶸

安晚堂詩集

卷七

三

四明叢書  
約園刊本

和葦芷應直院送秋蘭韻

大椿凌千秋靈芝競三秀書傳遞誇詡垂芳古今宙貴

耳但奇奇相馬失之瘦誰知楚醒花遠避漢金耐擇交

得素節彼哉懷春誘夫君全德馨內美本吾有姑置芝

與椿秋蘭歲相壽

南坡口號十八首

十日南坡兩日晴晴時不放日華明春光似妬閒人佔

端的春風飽世情

右一

天工忽忽度年光料理人間富貴忙閒裏何曾關造物  
一分風景亦收藏

右二

誰將春晚作冬看添著綿衣減卻難道是麥寒猶未在  
願渠麥熟且禁寒

右三

休言無地起樓臺十箇花窠沒處栽東近北鄰西近水  
且教紅白面牆開

右四

欲識魚梁試作則箇看輕拋野淥單清寒幾回澆起空  
無物輸殺羣兒下釣竿

安晚堂詩集

卷七

四

四明叢書  
約園刊本

右五

吾孫宗子喜相過一笑檀欒似樂窩且向尊中陪北海  
直須閒裏識南坡

右六

酷愛鳥鳴山更幽牆陰風雨但颼颼筠籠買得春禽語  
不為憂時也白頭近得白頭翁善鳴

右七

管絃不礙登山屐梁肉何妨滿腹書  
豈是清談愧夷甫  
爲無阿堵繞吾廬

右八

試向清池放小鮮洋洋圍圍忽悠然  
校人眞箇知魚樂  
殺活機鋒總是禪

右九

分席春畦僅一弓靈根移自石窗東  
五味子生於四明山饒渠五  
味誇仙藥爭似鹽梅正策功

右十

安晚堂詩集 卷七

五 四明叢書 約圖刊本

紛綸造化信多才果解分風作去來  
我向南坡一旬雨  
春陰今曉爲誰開

右十一

小窗白醉篆香遲只有書君伴燕頤  
料得人閒無此樂  
殷勤獻與定牢辭

右十二

枝筇挂起一旬彊翦翦春寒到柳塘  
白髮不公欺老我  
偏於閒處引風霜

右十三

記得兒時誦古詩其甘如薺謂吾欺  
淡交休恨相知晚  
攜向晶盤笑殺伊  
薺根春齊怒生

右十四

曉來兩鵲屋山鳴報喜多應只報晴  
似爲東皇傳好語  
故留勝賞到清明

右十五

舊日都城飮子魚一鱗今不到茅廬  
果然額上通三印  
盡去侯門代鯉書

右十六

安晚堂詩集 卷七

六 四明叢書 約圖刊本

安晚生涯冷似灰別墅經營半月迴  
誇與兒郎翁駸富  
詩囊盈握送陳雷

右十七

紅紅白白其枝榮怪底山茶有寧馨  
倩得司花來判斷  
不妨一姓養螟蛉  
二色山茶

右十八

辛丑仲春同黃制屬自延壽雨過禪寂  
篔簹掠雨到僧門帶得清閒一二分  
素喜堂中無偃月

揭來寺裏作穿雲赤心莫逆唯松友  
青眼相看有竹君



燒葉更聯東野句紙窗鑽隙候晴曛

病後和黃玉泉韻

山扉連月款言危擬共還家浣客衣愧失養生收一概

笑擒夢豎竄三危大槐安國休重省兜率陞天尙緩歸

樂天詩歸則一病一衰秋後雨舊語老一病一涼孰言之須歸兜率天

武老能爲

赤明滄篆正恢台戲挹雄風滌悶懷病骨喜隨新籟換

好詩忽餽寶珠來巨魚未縱王褒壑陋室聊淹禹錫階

苔痕上且其理身如理國小須握手詠康哉

寒晚堂詩集卷七

七四明叢書約園刊本

再和前韻

爲乏刀圭飲卯卮見魯直詩黃庭空想衣朱衣三田未遣三

彭去九軌幾成九折危瘦骨可能支夜永醉鄉那復挽

春歸亦知有客真佳甚握手還須笑樂爲

若時風雨候三台憂國豐年幾入懷執戟未愁方朔死

閉門惟喜子桑來人間宰相眞如夢事見類說天上羣仙詎

可階事業鏤冰何所有之乎者也矣焉哉

轅門怒髮兔肩卮計想當年笑解衣誰識英雄千古意

肯論性命一絲危伏波臥看飛鷲墮杜曲生憐獨鶴歸

自愧此身成漫落空搔種種欲何爲

遂初雅喜賦天台牆月東邊謾古懷雖乏平泉供宴樂

幸尋荒徑愜歸來蹒跚愧我無金乘蹠躩看君上玉階

傍舍數弓畦藥本聊支晚歲亦優哉

難追八駿舉瑤卮肯向羅浮醉綠衣敝服眞成原憲病

枯枝幾賦仲堪危殷仲堪與客戲作危語百歲老翁攀枯枝盲人騎馬臨深池忘憂

擬問酒中聖覓句懶從天外歸笑傲桑榆知有幾春秋

敢以大椿爲

茂先博物惜星台世味沈酣酷鳩懷風月自爲無盡藏

寒晚堂詩集卷七

八四明叢書約園刊本

湖山誰肯愛閒來競知疾下多車乘豈悟機危蹈稟階

幸與樂天相伴任休論達者謂何哉病與樂天相伴任春隨樊素一齊歸

送姚提幹行

虛齋填東鄴從之南容君初我未之識邕翰傾殷勤修

潔以博習美秀而有文玉犀映秋水英辭湧春雲雞距

角魯蜀昂然鶴非羣晤言到聖處商也樂所聞最喜直

而義壯音賦鼓叢告子少於孟先策養氣勳牛山木信

美謹勿容斧斤助苗固得槁可使稗不耘觀子所植立

眞能張吾軍仁義可效治淵源在河汾詩書自師友芝



蘭足膏薰剛風接勁翮去去翔霄曼清時有聞者必也  
吾子云

和德夫治中林宗諭雪詩簡黃制卿

齋壇將禱肅熊貔一縷忱恂六出奇雲欲商量驚先路  
兩方收卷避催詩冰花肯數梅妝額風絮嫌隨柳獻眉  
鹽虎玉龍莊語在願光遠業瑞昌時

古風一篇簡徐德夫提刑

昌黎有名言受恩異知己而況不識面知心詎能幾浮  
雲日多變交道冷如水握手遽下石利害毫髮比人情

安晚堂詩集

卷七

九四明叢書

約園刊本

易燥溼盡瀕發九軌終然風雨晦雞鳴獨無已世變方  
下趨特立繫君子山谷未見坡氣味已相似希文非素  
交永叔甘遠徙敢謂世無人前修可專美我昔聞君名  
恍如讀青史已乃知同時深心愛敬起端平濫持衡薦  
賢職當爾亟以聞九重夜半下一紙雅志樂絃歌公車  
猶尼止賢者固難進奪情辭詔旨知賢未及用上印返  
田里閒居事幽屏黜陟不到耳賓朋有公言聲徽振商  
社人則裨國論挺挺中流砥出持皇華節光風汎桃李  
從容五六載平進付常理又聞交遊間榮落保終始不

負楊臨賀真見其人矣夜夢如畫思髣髴眉宇紫軍將  
忽打門緘書照窗几風簷屢開闔襟期頓清泚有如嶧  
陽桐知音發妙指高情激孤笑新意償宿喜得一夔已  
足失百參何恥老我豈私賀善類知有恃看君廣厦開  
大庇天下士

簷前蜘蛛

如蠶吐緯自牽纏出沒無蹤屋漏邊懷毒滿身如蝎大  
謾張羅網欲遮天

安晚軒竹

松號大夫交可絕梅爲清客志相同英英鳳實卑餘子  
楚楚龍孫過乃翁晚際一弓彙素月暑中千斛糶清風  
小軒政欲供晨坐付女遮闌曉日東

安晚堂詩集

卷七

十四明叢書

約園刊本

安晚堂詩集卷七



安晚堂詩集卷八

宋鄞 鄭清之德源撰

冬節忤寒約客默坐燕品字柴作五禽戲體中差

小佳園丁以矮梅至如見東郭順子使人之意也

消欣然呵戰手凍筆占數語呈劉菊坡博一笑

少日愛花蟲趨趨老去凍蠶已休織水村山郭一枝曉

忽到窗前三歎息年年雪裏自作春搖手東皇不相識

衣冠古岸綺季至介冑嶙峋亞夫色從來魏徵真嫵媚

要是廣平終鐵石月香水影兒女語千古詩腸描不得

安晚堂詩集卷八 四明叢書 約園刊本

笑馮與可幻竹君相對無言面深墨

再和

雪毛舞風學嘜趨凍落天孫碎雲織玉肌不粟彭祖方

戲挾奇芬笑安息生憎萬花肯同調噉點壽陽聊半識

結根不向青桂宮絕交月姊無難色誰能柔此老強項

朝暮隆隆轉媧石春風為媒懶結子來訪苔痕娛夢得

人間要覓爾許清語渠肉食乃無墨

又

膝六附墮墮寒力六花未辦天機織籬菊老盡蘭始芽

凌波仙子方躡息水邊亭亭逢玉人照眼縞衣如舊識

冰霜相與厲貞操蜂蝶那能犯莊色聽渠吹笛作商聲

正首滿地出金石菊坡為索孤山詩好句新從座中得

一君聯璧如長城笑整雲梯再攻墨

牡丹騎春醉無力豔紫妖紅錦新織鹿解銜花空誤唐

楚以姬歸竟亡息何如野外挺孤操照水淵然有深識

昂昂雪鬢顏真卿何物女子稱國色主張去聲繁華勿復

言如對雁門二千石語君欲識梅花面好向雲巖訪拾

得語君欲作梅花詩磨盡蓮經大千墨

安晚堂詩集卷八 四明叢書 約園刊本

菊坡筆挽千鈞力翦就冰綃出鮫織謫仙笑作揚州詩

鵬賦消搖六月息市門聊學子真隱下坐還從季野識

清標自是孤山姿媿眠唐家六宮色芒端琢句貌疏影

竹邊著渠牛礪石枝橫帶雪最佳趣近水清寒月先得

語梅政可兄涪翁凍雨涪溪打碑墨

謝鄭廣文和韻

春工漚絲呈巧力紅日如梭萬花織愛花蕩子不愛命

效死驪姬似荀息草木搖落天地閉賢哉梅也眾不識

靈根九轉到仙品千古離騷作書色漲晴癡暖動山意



攀翻健倒蒼苔石高標底須雪後見清芬每向閒中得  
花前失喜廣文詩柿葉書成點新墨

廣文出新意得梅之全花實根葉譜入秀句輒效

反騷一章

東風不借半分力老樹絲窠冒寒織虛枝生白獨也正  
夜氣歸根吹以息箇中灑灑無一塵無眼界至無意識  
居然暗發定慧香不取諸相了空色若於此花論相好  
是人如以木鑽石吾嘗聞之老瞿曇無有少法爲可得  
我詩當以無耳聽索梅一笑付蠅墨

安晚堂詩集

卷八

三

四明叢書

約園刊本

再和

青藜不解支腳力機杼微聞隔林織暗香來處窮幽棲  
蹇驢崎嶇牛喘息山中欲訪隱君子等閒未許李邕識  
同盟頗笑五大夫晚節污秦有慚色摩挲寒玉古苔蘚  
從渠喚作荆山石雪中素隱非行怪自是花閒着不得  
直須謫仙蘇二來溪藤快掃如鷓墨

雪意賈寒欺酒力思歸懶學迴文織屏山未合篆痕銷  
笑倩南枝陪燕息冰紉絳蠟入纖手素臉殷村未真識  
兒癡認作春風面剛道杏花欠顏色香淨紙帳夢欲醒

影到窗紗月移石爲梅著語將無同左祖孤山未爲得  
吳都誇麗逸此士十年浪費老僮墨

吳都賦桃松竹而不及梅

和趙靜樂梅韻

伊祁作春私帝力司花女課千機織月四十五以爲功  
化工何嘗停半息老梅偃蹇傲眾芳一錢輕視程不識  
和羹肯爲媚寵計望林祇笑欲炙色莓苔被服當文繡  
冰雪定交過金石靜樂先生大雅韻始信清名不虛得  
政須草聖傳新篇安得張顛首濡墨

安晚堂詩集

卷八

四

四明叢書

約園刊本

眞人恬漠與道息一花挺出萬木僵其友松筠乃能識  
清香遠到惟德馨素質自持無異色春工着意嬾眾卉  
用物精多老蒼石畫紅飛盡蜜房深佳處暗爲蜂翅得  
誰知竹外一枝好千載垂芳在詩墨

菊坡疊遣梅什忽惠蘭芽此變風也敢借前韻效

楚詞一章以謝來辱

霜雰雰兮風乍力草變衰兮蛩罷織思秋蘭兮委蕭艾  
望椒丘兮聊止息悵佳人兮旣遠紛吾美兮誰識忽有  
人兮好修遺予佩兮春色茁瓊芽兮九畹帶杜衡兮被



石稟層冰兮峩峩杳香風兮驟得卜蘭居兮南坡拂余  
龜兮食墨

和趙大監知宗韻

萬里修程占學力色絲黃絹新組織只今下筆追二雅  
端如養氣閉干息公子何自知寒梅須知三長具精識  
亭亭玉雪瑞煙曉愛日香浮綵衣色自然雅韻出天姿  
芝蘭那肯羨元石我慚娉節對俚語炊沙鏤冰竟何得  
願君寫入遂錦堂冷蕊疏枝陪淡墨

再韻簡菊坡

安晚堂詩集 卷八

五四明叢書  
約園刊本

訪梅常與寒角力兩鬢絲絲尙堪織弔湘賦鵬強解事  
長沙少年空太息酷愛孤芳支歲寒草木雖多懶求識  
肥遯不爲蒼帝臣白黃丘園義形色風餐雪虐眞養素  
笑枕溪流漱寒石請翻橘頌作梅賦倍覺風騷楚人得  
詩翁試爲決然疑謂余非是甘飲墨

昨雖移韻於蘭然石鼎聯章不可以不成也再賦

一則語以殿眾作亦騷之亂詞云

好惡移人信有力宮姬尙取崑崙織晉書織室  
崑崙奴事剛姿未  
必廣平愛皓首誰憐趙岐息夷車衡蒞蓀芷荃富矣離

騷誇博識鑿均頌橘不及梅內白孰爲有精色夫何卜  
玉楚見棄素榮無乃砥砭石梅古賢人又何怨伯夷正  
自求仁得氏以墨胎端自汚請效公輸爲削墨

續詩愧無修綆力意緒中斷軻母織掉頭吟坐欲成寐  
出吻悲鳴方願息君詩愛梅筆不停四疊陽關人未識  
冰壺交映雪同調秋水爲神月爭色翛然未肯弟山礬  
介如何必化松石詩壇置韻百夷姓敵壘收功劇孟得  
須君爲梅作佳傳問事玄冥煩史墨

再和靜樂

安晚堂詩集 卷八

六四明叢書  
約園刊本

夫君論事回天力斯文如貢厥篚織天葩瑞時來帝傍  
天香染衣未渠息因攜天上白琅玕散作天花天文識  
冰清誰似乃翁譽玉塵孩視寧馨色月中疏影射銀漢  
雪裏樛枝護磐石望林笑策蓋世勳萬戶侯封爲公得  
吹徹樓頭畫角春十行朝拜睿思墨

靜樂用原韻爲勸學之什再和

士惟食志非食力於陵奚事親履織靜樂一門自師友  
簞進不爲子貢息元仲季方從太上海內人士俱願識  
案上惟作羽籥聲陸龜蒙室中定無鉏耨色申旦督課如



圖疏子夜程書過衡石舉似翁姬管其見教育英才笑  
安得文獻超羣王謝家韋布當磨鐵硯墨

再和梅韻

北窗夢覺呼一力曙鳥微聞絡緯織推窗宛見野梅面  
帶雨猶如看花息豎白雅佔南枝先淺紅留待北人識  
宮中自是憐玉奴天上何為愛藍色盧杞仙遊事肯隨蘭芷  
媚屈宋獨主芙蓉笑丁石愧我聯篇蟻空旋羨君六博  
梟已得梅嬾作尉竟仙去拜官無用斜封墨

再和勸學韻

安晚堂詩集 卷八

七四明叢書

約園刊本

仕學優於服田力公儀之家廢葵織詩書為府道德林  
樂在藏修泊遊息濃薰班馬有餘香暗摸曹劉豈難識  
插架牙籤映隙曛近竹芸編侵晚色諸生競詫邊腹笥  
正音如聞孔堂石從知車馬自稽古須信熊魚可兼得  
四科裏進惟尙賢欽想昌黎方讀墨

和葺芷雪韻

冰山鑿碎五丁力散作席花誰拊織射鵰人去飛燕寒  
擁衾內視方閉息能令赤鳳冒白羽夜半翺翻天際識  
白雲鄉中助劇戲從以萬妃紛五色鸞沼乍驚舞明鏡

虎鹽未見蓋危石乍離還合紛總總已定復飄如得得  
姑道是事先年豐有突不黔應笑墨

夸父逐日有餘力驅萬白蜺飛練織連天照耀作夜明  
湧地培堆驚壤息竹高已學槍頭勢梅近猶能半面識  
坡翁笑效六一體八章聯翩韻聲色坡效歐公白戰體以聲色氣味富貴  
勢力韻麻衣忽見蜉蝣陣硯池觀魚來紫石鄭谷祇解  
瘦寒句江上漁蓑正披得何如囊錦生穀紋兔園老筆  
陽春墨毛東堂兔園老筆生陽春墨葩不待微和扇

再和雪韻

安晚堂詩集 卷八

八四明叢書

約園刊本

司冬已窮造父力寒機墮指曉猶織長安貴人金屋嬌  
琉璃屏風方偃息楊國忠事穿窗入幕兒女笑喚作楊花原  
不識明珠照乘月午夜秋水連雲天一色翻綺新詩出  
退之撒鹽戲語欺安石一寒最憐東郭士履穿踵決行  
不得自喜猶為孔子徒且學顏淵食炊墨

適得滷蛤頗佳遣餉菊坡因記曾作蛤子詩有文

身吳太伯緘口魯銅人之句戲綴前語代簡

文身太伯甘斥鹵緘口銅人舌微吐借資墨客富濡沫

鹵乃墨魚之膏骨醉脣香登燕俎半熟含酒老饕賦此翁僅可



闔堂戶班班得永帶神液入室真味翁未覩菊坡風裁  
黃豫章如食蝓蚌江蟠柱盤餐盡廢大瘦生格遠調高  
自清苦子蛤遺汝到眉桉努力去爲酒中虎諺稱海錯  
賦者爲捉  
酒未下賊鼓有何好猶侶蓴羹傲滄父海之介夫此小  
兒雞肋見笑楊德祖前身曾作水解仙飛入珠宮飲甘  
露能令齒吻策餘烈一鼎松風漱寒乳

閒中口占數絕

眼欲觀書身欲眠斜拖黃卷曲肱邊不須身眼爭然否  
試待醒來問孝先

安晚堂詩集 卷八

九 四明叢書  
約園刊本

右觀書困甚

雨多愁麥又憂苗不雨還憂旱火驕憂國浪愁端自苦  
老夫那肯病湯堯

右聽雨解悶

杏桃結子已成翁禪綠中間着耄紅階藥元來如許壽  
麥秋天氣露春工

右濃綠中見芍藥一朵

見說烏蜂不採花羣飛啄蜜隊如鴉雖然冗食真堪汰  
笑語園丁且放衙

右園丁去烏蜂

春魚潮擺捉洋山數水艚船索手還海若相應養更甚  
鮑鮮無復到人間

右海魚絕少

安晚堂詩集 卷八

十一 四明叢書  
約園刊本

安晚堂詩集卷八

安晚堂詩集卷九

宋鄞 鄭清之德源撰

林洽中鄭廣文以詩來遣魚酒報聘拙語輔行

長公本喜飲半入野人腹南洲春夢婆亦復開醉目尙  
想晉流麗鼈飲更升木興來索老兵誰謂酌可獨我亦  
愛客至陶巾時一漉雖有彭澤田種秫苦不足煩因病  
入務瓢棄尙餘綠豈無大雅朋來伴離騷讀廣文粲簷  
花和靖峙修竹交情如耐醇秀句喜心沃觴政嘗卜夜  
談闌屢更僕胡爲闕宇芝但憶頽山玉聊爾遣書紙安

安晚堂詩集 卷九

一四明叢書 約園刊本

得洗愁斛昔誇聖人中今愧平原督今歲家醴殊未佳杯手助

持螯車涎笑逢麴青州豈烏有白衣問黃菊如皋應解

顏對飲頗勝俗梅聖俞詩獨坐與婦飲頗勝俗客對何時赤壁遊匏樽笑

相屬欲歌鹿鳴三正苦龜藏六飲肯遺公榮兩煩過御

叔欣聞麥兩歧況有魚百族小卻揖二豪觥船倒醺醪

謝玉泉君黃伯厚和韻

卯飲食引危夕食不厭腹松醪醢玉池鬱尊傲黃目歸  
閒喜攜幼欣榮對夏木頗笑屈原醉寧甘馬周獨詩筒  
發豪思江月欲戲漉每慶北海詠未羨西鄰足槽規長

吉紅蟻玩杜陵綠醉鄉擬續記書眼際可讀時康萬戶

春興到七賢竹筵虛豔姬舞面想宮嬪沃別腸驅藥使

健筆命騷僕居然得良朋清辭瀉壺玉習池可聯乘步

兵有餘斛步兵廚有酒三百斛誰能酒限拘強效八州督今年小

麥好豈屑官廩翹嘉節迫蒲艾早計數萸菊客中真有

佳眼前喜無俗賦殷金石聲光粲牛斗屬句到後三三

人誰賽六六試編諸賢詩第以伯仲叔共成杜康傳更

聚山中族萬事付亡何乾坤一盃醪

諸君和篇摩壘致師不容閉壁再續前韻

安晚堂詩集 卷九

一四明叢書 約園刊本

平生周伯仁耿耿空洞腹儵然猿鶴姿豈辨鳩鷹目僕

射不解事居士偶題木種柳僅成五樂園祇可獨皓首

愧商隱湛恩霑漢漉城府百無有巨壑一已足詎省醉

裙紅安識墜樓綠生經未渠諧酒頌聊喜讀耳熱聞秦

聲浪謂肉勝竹高陽有勍者盛氣如曲沃直須殿上飲

撫牀徑呼僕競看梳揮金幾欲斗撞玉方丈食萬錢娉

婷珠一斛豈復堪東帶靡徒揖郡督耆壽祝老饕嘉名

豔春麴乃知梁州苟大勝伯始菊相逢作青眼洗去爾

許俗冷然曲寡和尙有騎能屬元和一漁翁喜其學士



六吳飲閒雅奏楚優效孫叔石鼎夜未央春空雲已族  
何當一會期清驩溢寒醪

邠原解劇飲雅名稱龍腹季倫殺為嬉席妓敢嗔目有

酒何庸辭恐射蔣濟木但當攜酒去名花賞幽獨年秬

未足了孔聖米猶可漉杜愛屐憐猩魂奪后笑蛇足桂

漿有餘芳桑落見重綠諫遠衢尊役濃置醕飲讀等航

進藪肴流觴屏絲竹未憂瓶罌罄但費匪盥沃勝事在

園林家務付兒僕陶淵明傳釀羔截肪乳魚鳳泣脂玉鍊句

丹九轉摛文錢萬斛競詆酒中賢祇堪帳下督穿幘俯

安晚堂詩集 卷九 三四明叢書 約園刊本

前案障面厭方麴楊慎語稱吹不落眼花樂天詩歸去來

籬菊華胥國遨遊無懷氏風俗登詩壇爭長破愁城相

屬二簋用坎四三客敬需六共樂時方清誰言世之叔

相從孟公座寧別輔氏族謂鄭廣文也一笑祝諸賢行酌天

家醪今內醞上尊 扁以醞醪

再和戲黃玉泉

黃公辭酒壚經筭捧便腹讀書飢鳶聲了了崇文目陂

澄萬頃波巢寄一枝木戲題百姓眼自笑孤館獨轍涸

聊相滯神液未容漉嘯歌匪彈劍情隘殊躋足文織機

尊黃句弦綺琴綠不見鱗杯持徒費爾雅讀坐對罍臥

牆空有葉映竹枯腸但茶搜燥吻遲去聲膏沃主人如馬

瘦酒使欠猩僕封溪令事思折酷媪券欲訪義漿玉唱茲鯨

吸量眇矣龍驤斛靈根日灌溉詩課自程督試當閱醫

經薄釀借神麴共醉靈均絲未問長房菊飲與非有期

衣曬寧免俗杯勺雖不勝嘔泄聽隨屬嬾疊陽關三肯

競臬博六不飲但麥豆頗勝劉文叔醉騎黃犢孫歸玩

墨君族子為評酒名擬號安晚醪

謝茸芷和韻

安晚堂詩集 卷九 四四明叢書 約園刊本

無詩不言酒荆公謂李白無一詩不言酒作賦真誑腹未破公子慳

況與佳人目壯心思擊壺聖杯廣啄木樂天啄木曲不

袖想胡旋雙妝記搖手獨見陳陶獨搖手行賓筵乏酬獻醴齊

催沛漉禰衡辨搥鼓元崇方病足曾無列屋粉空韻梳

鬟綠百篇謫仙詠十軸蒙溪讀見顧雲池陽醉歌有美建安據

競爽淇園竹芒端寒煥轉胸次古今沃臥費嗤舍郎祭

酒可令僕漢僕射中典改祭酒時陳南北洗頗醉東西玉雖微醺

五斗端有才一斛詩壇長齊盟筆陣嚴總督方將喝銀

雲未肯平封麴李賀酒酣喝月使到行銀雲櫛櫛宮



宴看傳相新歡須和菊德宗作黃菊歌翰林學士韋綬奉和牛心固異撰

續真且同俗尊酒日相逢我歌君為屬歡期踐三五釀

頃虧十六樂府庚信對酒人生一百年歡笑惟三五王績有田十六頃悉以釀酒酣暢嗟

阮修飲狂謝裴叔裴叔則語石崇云飲人運尊留古製以狂藥責人以正禮

長勺分魯族居然同老襟淺斟醺水醪湘東有醪水故酒得名

謝鄭廣文和韻

鱸堂心醉經精神應滿腹溫飽非所志飲食不以目謂今人以耳而衣以日而食

說詩稱解頤善問待攻木頗愁百斛量

孔庭惟立獨俎豆答衛問篚菴欠鄒漉見鄒陽酒賦曾子非

安晚堂詩集卷九 五 四明叢書 約園刊本

養口漆園且尊足時於清夜分酌以翠勺綠尊翠勺為君對酌

聊澆磊砢胸不廢吾伊讀每篇亦作句來詩每篇必如

對紀書竹相逢蓋初傾一別桑重沃融尊慚坐滿魯餽

疏拜僕衛生不自寶抑首親患玉囊無諛墓金米乏佳

傳斛廚煙爨人清蔬課園夫督粟瓶收秫田黍釀用陰

麴解同杜陵襟期醉昌黎菊赤手當縛兔來詩有白戰之語

眼謾嗔俗莊虛左氏宴觴肯西子屬坡賦屬此酒債負

尋常會期遭百六要須中聖賢庶以展伯叔謂宗也醉入

無功鄉醒豈屈原族漢徒屈昭景大族岸幘一笑粲其賦醺酒

飲晉書載有

雨中即事簡二友

怒蛙頻作灌夫罵老鶴惟聞莊鳥吟麥熟只應呼快活

林間欠此一聲禽

右一

舉頭但覺雲頭闇移腳何曾雨腳乾衣袂未便時衣褐

薄雲渾作晚秋看

右二

鳩能喚雨復呼晴日日長從屋角鳴晴雨不應關汝事

安晚堂詩集卷九 六 四明叢書 約園刊本

強饒脣舌效君卿

右三

五月炎天正及時經絲扇子未曾持殷勤寄語班姬道

只恐秋深卻要伊

右四

籀龍厭俗託孫兒憐竹過牆隔砌相過人不知借宅敲門太

多事胡牀竟日對漪漪

右五

為聲求友亂縑車兀坐翻思二客佳乞得晚晴紅照水



南坡東畔月侵階

右六

客有誦袁蒙齋得雨酬唱之什輒廣元韻志喜也  
呈虛齋使君

雷伯四月瘖無聲鳴鳩呼婦鳧浴晴星如撒沙燈吐紅  
羲和駕鞭乘赤明稚秧針水未入種秀麥浪畦猶督耕  
香車不動百龍蟄轉輓如織干蛇橫愛民太守心語口  
瘖我以旱寧無生川靈有知龜亦許異物蜿蜒歸掌撫  
一雨果從方寸來此念端誠本天與但看父老歌豐年

安晚堂詩集 卷九

七四明叢書  
約園刊本

不用兒童學皇舞弭災肯效樂巴噀哺民無異紫芝乳  
一年事在阿堵中四封笑溢迎門語我州瘡野同淮徐  
公方有意六輔渠上天下澤鍾惠施千里波及皆君餘  
蒙齋詩成虛齋和我樂賦之如遂初坐對聯珠飽官粟  
但有歡喜無歛歎祇今快續二賢詠不須乞米移顏書

又

媯石補天玻璃聲遇坎為雨離為晴金烏玉兔旁午出  
百二十官稱常明下土臣敢再拜問誰主風雨催民耕  
天江津河尾北見玉井水漿參左橫胡為湯旱龜土圻

胡為美水魚頭生孰令赤地星丈許吭扼雷公仍背撫  
孰令河鼓塞銀潢勺水線流不輕與孰令卷舌自張翕  
孰令天雞自飛舞雲師族聚曷遽散電母兒號奚不乳  
黑豬渡河去無迹蒼龍銜珠噤弗語朱鳥岬強王偃徐  
烏龜縮頸老沮渠夫君箋天帝馮怒旱魃死不問餘  
天街清潤聯璧珠不為乾封為太初一兩三日誰力歟  
更唱迭和忘歛歎歸之太守不肯有歛乃聊代志喜書

又

豢龍作醢龍吞聲天公憤憤迷雨晴玉脂泣烹足媚嫵

安晚堂詩集 卷九

八四明叢書  
約園刊本

苦酒五色生光明龍雖神物畏饒吻攜朋去作天田耕  
穉禾婉婉魚莖立高原庚庚龜兆橫漢家變理豈無術  
陰陽縱閉歸董生我貧自笑一瓢許□□□□□  
□□□□□□□□  
沂水聊助詠雩舞頗怪吹雲讀風訟浪愁浙米緡危語  
清時何事洪羊烹善政端無宵虎乳仁人拯溺非姑徐  
亟挽天漢如決渠我知道造物識君意十日一雨焉取餘  
願君展此作霖手蘇民旱徙扶黃初在在京坻賦高廩  
坐令歌頌銷歛歎病坡作計羹玉糝辟穀寧羨黃石書

湖上口占

賣葑千般底處藏  
媧天濯熱臥湖光  
山雲既雨猶相逐  
水草無花亦自香  
野徑徧穿人借問  
僧茶旋點客先嘗  
翻思舉世趨炎者  
誰識蘋風五月涼

戲續前韻簡幙掾林治中

梅霖妬日強遮藏  
西雨東邊漏隙光  
黃口禽鳴應乳臭  
白花梳圻似荷香  
排根荷出憐嵇紹  
遜迹尊肥晒孟嘗  
凌湖之後荷  
算閒有在者閒處  
便成清境界底須  
沂水羨雩涼

煮白酒送林治中

安晚堂詩集 卷九

九 四明叢書  
幼園內本

長門思渴薦寒泉  
浪讀松醪桂酒篇  
數米釀來成玉液  
傳家方祕出金川  
白飛瓊界應歸重  
紅滴珠槽敢忌前  
聊遣朋壺供一笑  
平分風月晚涼天

偶成呈林鄭二友兩絕

人才百年能幾見  
俗子一揖已累人  
元溫亦知有此客  
德操未省誰為賓

聲名谷口吾宗秀  
風調西湖我輩人  
自是山巖著不得  
天教暫此伴閒身

安晚堂詩集卷九



安晚堂詩集卷十

宋鄞 鄭清之德源撰

紹定闖寇平上功省府黃伯厚載與焉余時在政  
事堂趙用甫掾西曹力言此文墨士請官以左選  
既而賞戾法迄授武階去歲戊戌用甫帥鄞乃來  
為閩屬余浪迹湖山歲餘始一見稍稔接觴詠疊  
疊迫人間及前事有見晚恨余與之酒日一文資  
直恩子然以人廢法雖相知如今日亦弗敢則笑  
而不怨赴調行在所贈以君莫愁之歌

安晚堂詩集

卷十  
約圖刊本

君莫愁君莫愁不龜避統能封侯君莫愁君莫愁腰六  
相印一敝裘看渠涎頰與臆足千金信矣壺中流荻花  
江月正佳耳青衫浪泣琵琶舟短衣楚製乃翁喜未必  
挽弓右丁字貂蟬本是侍臣冠有時出自兜鍪裏雖然  
萬戶將軍臂夜逢醉尉頭搶地賣薪愚婦輕買臣不信  
讀書有奇事世閒眾萬無定容桃笙木棊唯所逢秋來  
桂菊黃金叢千機錦繡開芙蓉西風也解作富貴豈必  
桃李專春風得時失據自甘苦姑置是事天夢夢君莫  
愁君莫愁雙手試捫舌在不勸君勤買西湖船打篷疏

雨旗亭酒

家園卽事十三首

水滿橫塘占曉涼蓮腮霞舉葉雲生魚兒富貴真難比  
翠蓋紅妝擁隊行

右一

新竹地肥方怒長幽花晚發自欣榮飛來野蝶多情思  
不逐蜻蜓點水輕

右二

池荷岸竹悶寒清肱枕敲眠夢欲成珍重西鄰知好事

安晚堂詩集

卷十  
約圖刊本

隔河送過讀書聲

右三

千巖萬壑自秋春靜處觀山能幾人疊得假山人競看  
世間宜假不宜真

右四

綠陰樂去聲靜未號蟬藕葉扶嬌汎水眠輸殺蜂屯深閉  
壁峙糧宿飽蜜中邊

右五

侏儒飽愧東方朔媼母呼回郭舍人博局由來更勝負

雉廬那復較疏親

右六

早作南風午北風  
暄涼翻手雨無蹤  
田翁舉似霖霖日  
腳踏鳴車笑殺儂

右七

書帶環生繚岸青  
葉間蟲篆學陽冰  
墨池文冢非難化  
芝菌從教子厚蒸

右八

樹底鳴鳩相唯諾  
花間飛蝶自綢繆  
一蟲得失聊堪笑

宋晚堂詩集 卷十

三四明叢書 約園刊本

鴻鵠誰能問弈秋

右九

遊魚繞石日千里  
反舌鳴聲已百能  
老鶴易飢增廩稍  
乳雞勤哺領孫曾

右十

客有可人君子竹  
書無同至大王風  
此風此竹堪誰共  
著得茶經桑苧翁

右十一

人心似鐵爐猶在  
世事如碁路不移  
閉著目光牛背上

英雄千古竟兒嬉

右十二

老紅擬佔春光住  
嫩綠枝頭更嬌妬  
隨風宛轉未肯落  
猶作霓裳羽衣舞

右十三

又

樂天故不憂作德  
心逸休難蟲笑杜  
甫蝴蝶夢莊周苛  
政猛於虎踐田奪  
之牛書傳亂人意  
周易在牀頭

詩別可齋陳制置  
移鎮吳門

宋晚堂詩集 卷十

四四明叢書 約園刊本

恭惟上明聖宵旰親政初朝有快活  
貫野無薄笨車我獨何因緣濫持鈞  
與樞妄意在人物搜羅到巖墟穆之  
百函至酬答疲卷舒雖云得梗概詎  
必相賢愚君時藹廉譽一再登除書  
公牘恥私謝直語非貢諛尙無赫蹠  
箋而况雙鯉魚元龍一世豪名下定  
不虛我歸海之濱偃息田園居生平  
舊交遊相忘付江湖軍將忽打門君  
書來自吳頡囊富鴻筆硯銘出龜趺  
與懷向寥泚論文逮荒疏自言久愛  
敬今始通勤渠不為熱翁翁不為暖  
姝姝云何好尙真復與世俗殊意者  
元城賢待以涑水



迂獸旗畫星壤龍藩開玉符老我歎蒲柳投閑託枌榆  
味言喜啖蔗秀句嫌催租的知我輩人調度非轅駒子  
長固多愛舍苑乃集枯梅花倚瘦竹清芬借敷與常恐  
硬黃紙喚歸翔紫廬問君立朝節憲謬辛毗裾問君治  
理效所至桐鄉朱正爾澤東履俄然移右扶借留此截  
鐙來暮彼歌禱譬之絳霄雲來往本自如君亦何心哉  
此事姑置諸但惜君去我有唱誰和余寒山尙餘雪江  
闊征帆孤揮毫寫別恨臨風獨躊躇

懷可齋簡林鄭二從事

宋晚堂詩集

卷十

五十四明藏書

約園刊本

可齋嚴冷如古書莊語敢下鉛與朱讀之不厭味有餘  
簫韶聞奏愁爰居文墨政事同機樞照人炯炯懸冰壺  
昆弟親我同二蘇對牀風雨夜夢俱別來半載意鬱紆  
賴有二客能從余或寄可齋雙鯉魚道甫問訊今何如

仁晴觀蜂房戲占

蜜蜂家計千頭奴日併花課供蜜租粉紅黃白各本色  
擁腫雙腳尻爲車採花歸來不知數一一到門如合繡  
方春乳房湧金屋子弟分王遣之國廣輪處處成甘州  
饒口齊嚙不遺力蜜脾割盡封蠟膚畢歲辛勤用謀食

秋深冬早未見春嗅芳咀華來藻蘋釀成餽糧香滿室  
日日飽衙知愛君問誰食蜜還主臣阜財富國今何人

糟蟊送聶芷

月腹一才能郭索黃流在中自濡殼蟪蛄可是丈人行  
榜解眠之師長伯二眸挺出勝怒蛙八跪前驅非屈蠖  
笑令樊噲自橫行何用呂布須急縛餽糟啜醢乃吾味  
嚼齒穿齧未渠惡屬厭祇覺一解勝效美不辭雙距落  
蔡謨但記尊足存孫卿不悟鐵成錯謾誇右手亦持螯  
水中之怒無乃虐梁王殖醢猶至今千古吁嗟漢恩薄  
玉柱江蟠酒半酣銀絲鯽魚膾新斫此非不足君所邪  
觸顧居貧未能學蟲魚瑣碎熟爾雅麴生逢之三距躍  
太真小物自足佳聶芷一笑爲飛白

再和且答素飲語

海途之人暗摸索如龜自遮聊以殼沈湘雖避屈三閭  
斷髮奈逢吳太伯周官自詭蠶贏蚺義經敢並龍蛇虺  
嫗妃投寶甘骨醉俗以羣雌距掩爲佳舌味無心寧法縛黃詩未  
足助盤飧吳稻詎能爲歲惡尊前介士尙錚錚海底漫  
郎終落落帛聲試聽響犀瓠玉指爲渠代金錯掩羣而

宋晚堂詩集

卷十

五十四明藏書

約園刊本



取僅遺小誰念坑降秦政虐二螿六跪冒族姓穴居頗  
笑鄰之薄縱令履足亦可喜中有妙解木應斫臍擬新  
筍問揚字先賦南烹仰韓學嶸山馬甲不易致岸下紫  
鱗方物躍主人鶴鶴真耐痛笑許子彭如水白

諺語有鶴鶴日至水濱羣鱗相與捕魚蝦飼之

以爲常一日鶴鶴語鱗曰施而不報非禮也吾

喬木集成亦可延賓客能從我乎鱗以無翼辭

鶴鶴曰此易耳子以雙距鉗吾足我爾身也鱗

悅從之一飛戾空鱗懼鉗益力鶴鶴痛怒罵之

安晚堂詩集 卷十

七 四明叢書

約園刊本

鱗笑曰作主人乃爾痛耶

鄭德言暫館於別墅

我如杜甫逢王翰君似梁鴻領孟光花竹自慚非獨樂  
杼機聊喜聽鄰牆賦成寧笑老僮父覆熟定容同舍郎  
他日楊花飛燕子可能長記陸宣莊

安晚偶成

五物中間著一翁園廛隨分可支筇章施采服花妝露  
夏擊鳴球竹嘯風疏種密栽觀木漸淺流深浚養泉蒙  
眼前邱壑無佳句自哂詩腸苦米窮

和鄭制幹遷居

帝遣夫君侍玉除  
箭雲飛上駕龍駒  
兵談暫此棲油幕  
荷隲居然見子都  
風牖喜便鴻案舉  
月臺長對兔輪孤  
孟嘗幸舍非吾事  
徒愧荀林爲送孥

和鄭制幹謝借居且惠朋樽醉螿詩

平生愛山林里居  
想王屋孤月自無朋  
斷雲曾不族詎  
知嚴遵市儵有買  
誼卜西湖就索居  
漆園問尊足翟門  
羅可去軻宅仁已  
熟似聞結駟多每  
見後騎屬魯臺時  
遣餽監侯已發粟  
競歡王儉蓮肯問  
顏公粥家貧願鄰

安晚堂詩集 卷十

八 四明叢書

約園刊本

富兼葭欣倚玉頗容滑稽叟來筵堂上燭猶能辨絲簧  
漸近不如竹濁醪恩兵醢庸行參聖讀願爲善頌禱旣  
醉備五福謀婦擬提壺敲門驚啄木持螯兩從事來就  
桑下宿美味均適口雙明喜增目命駕匪千里星言媿  
不夙聯句乏追韓補詩聊繼束終當效樂天駱馬爲酒  
鷺

題雪竇千丈巖

並海危峯駕六鼇  
招提深處綠周遭  
膠松直上睡龍起  
怒瀑飛來風虎嘯  
坐向亭空雲作伴  
待看身與月爭高



山靈意我酬清賞爲酌冰泉讀楚騷

林治中近有捕虎之役調以拙詩

豺狼當道實堪嘖就乳於菟笑楚臣馬婦下車宜眾說  
將軍射石見心真渡河應避馬河勇搏獸終歸舞獸仁  
他日朕虞須命益九官濟濟定相親

比以拙詩戲調張籍不知作者已盈軸矣輒和兩  
韻

展也虞朝庶績熙合修厥貢暨熊羆兕谷於野雖非地  
豹澤其文似識時毛革正須供有用血牙安事殺爲嬉

安晚堂詩集卷十

九四明叢書  
約閣刊本

國僑惠政人誰犯虎聽多應謝子皮

虓虎寧如輶有知陸行端自觸危機縛渠呂布還須急

驅以王尋謾失威肯使黔驢呈短技直教獵騎合邊圍

惡盈詎必分人獸猛獲終擒自衛歸

宋人請猛獲於衛  
石祁子曰天下之  
惡一也云云  
衛人歸之

圃中問訊梅友老幹疏花有足喜者

洗出金灘鎖骨沙種成老樹競杈枒冰霜歷盡肌生玉  
窗牖寒深影到紗舊歲枝頭新歲景十分好處一分花  
誰言冷圃惟秋菊春意撩人乃爾耶

安晚堂詩集卷十

安晚堂詩集卷十

九四明叢書  
約閣刊本

安晚堂詩集卷十一

宋鄭 鄭清之德源撰

謝徐德夫右司和御製賜詩

直道何曾較尺尋昔賢垂範到斯今  
舉謨勉歌元首說誨言言沃朕心  
幸遇千齡開聖治頃塵三事愧宵箴  
奎文衣被真難報盟誦新詩愛助深

揭來林下破天怪要使明詩見一閒  
齒屐印苔春縱步頤豈蒸粟晚加餐  
夢魂飛到味書閣世路牢封函谷關  
翻笑醉翁猶未醉黃金白鬢詫腰環

德夫家有味書閣

安晚堂詩集卷十一

四明叢書 約園刊本

和林治中雪詩五首

孽天滕六勇如貔移下瓊臺撲凸奇  
老盡青山真是幻從渠白戰更無詩  
馮闌且喜明雙目嘶騎寧愁到十眉  
謂撤成也坡詩長安畫手關十眉云云中有漁陽胡騎嘶 好樂清時

右一

兒嬉犯凍搗文貔怒眦張脣狀嘲奇  
圖得形模規婦笑絕憐冷落賦翁詩  
幕談多暇堪娛目喜色排寒為上眉  
頗念袁安正高臥相柴煨芋了年時

右二

鹽虎模糊憎豹貔豹一作貔玉峯高並自多奇  
春先北苑供花事夜入西淮奏雅詩  
銀闕勢增開雉尾賀班香近列蛾眉  
看君來歲廣酬筆移在儀曹進表時

右三

白鹿麾徧牧郊貔羽扇分飛更出奇  
凍裂弓鏊元濟縛嶙峋毳子卿詩蘆花  
夜月凝溢口梅玉春風侈蜀眉此雪詩有玉梅春之句 一幅溪藤知幾返  
鏤冰冷語不驚時

右四

羆貔豺獬貍騎漫山伏正奇  
塚手草成熊館賦掩羣驅入兔窟  
詩獸奔駭類淮淝口狐媚謹摧虢國眉  
滕六倚渠真誤事大寒不出是知時

首句見爾雅釋獸連文

右五

因會古外來詩再廣原韻

組練橫陳壯士貔想因舞羽去窮奇  
千山白髮存公道十日清吟費老詩  
待伴易銷春有腳交光最勝月如眉  
只愁無著梅花處東絹平章付伯時

續詩之寵依韻以謝

安晚堂詩集卷十一

四明叢書 約園刊本



莫搜險韻續貓狸  
雲景須知雪後奇  
日絢寒光莊淨界  
梅將眞色薦新詩  
試敲折竹煎茶舌  
旋覓遙岑出黛眉  
油幕輸君談笑樂  
聖杯正是一中時

村邊以湯婆樣惠示與詩俱來依元韻

惠中秀外更清便  
姪姀嬌羞二八年  
無奈畏塗生衽席  
寧教寒夜折冰綿  
遺來勸姬知君狀  
擬伴涪翁到曉天  
只恐花飄陶學士  
風流未了續膠絃

再和村邊解嘲

閒身惟向靜中便  
暮景侵尋絳縣年  
失解眞精昏默默  
安晚堂詩集 卷十一 二四明叢書 約園刊本

且觀玄牝息綿綿  
溫柔鄉裏誰能老  
冷澹生涯別有天  
笑撫腳婆爲法喜  
漆園何必問經緣  
緣督以爲經

暖足番君老更便  
摩挲笑問阿婆年  
聊吟夜月移花影  
肯向春風逐柳綿  
自有散花居丈室  
何妨姀女共壺天  
鉛華列屋諸君事  
乞去聲與寒梅了世緣

造化眞機動靜便  
誰云巧智可同年  
藍田日暖煙生玉  
闔嶠霜濃木有綿  
萬象回春皆是玉  
一花不實豈其天  
吾身太極元同運  
陽長陰消在所緣

和葦芷荀詩

我貧每笑濟之福  
晚食雖甘未忘肉  
梅肥尙餘風折綠  
溟滓餐英命騷僕  
藩籬剝彼羝角觸  
送似玉堂如楚束  
惡詩聊賦徐凝瀑  
妙句飛來漱鳴玉  
曾無導吏隨買餽  
坐遣跛奚委葵菽  
茁芽勤視緣坡竹  
期飫伯仁空洞腹  
書腸膏腥士之辱  
得魚不敢餉羊續  
要知菜味勝山谷  
步趨強顏髮曲局  
盤有美茹無不足  
陋矣王芻箋衛澳

贈許石田爲僧

平明對鏡良獨難  
子能脫屣彈指間  
戲視此身如髦蠻  
冠巾擺落逃儒關  
千鈞強弩一笑彎  
萬錢買盡江南山  
安晚堂詩集 卷十一 四四明叢書 約園刊本

厭渠世路車輪殷  
赤腳健倒苔痕斑  
參寥佛印若是班  
江湖風月不汝慳  
汝狂方醒眾所謹  
我獨見之爲三歎  
辨詰孔釋語可刪  
白雲深處輸君閒

和敬禪師茶偈

飯罷茶來手接時  
箇中日日是真機  
建溪顧渚君休問  
冷峻如魚只自知  
睡蛇纏繞黑甜時  
棒喝全提落鈍機  
管取一甌先著到  
三更日出有誰知

魚鼓纔休客至時  
摸頭原是最先機  
不須吸盡西江水



一滴曹溪味便知

贈育王堪笑翁

問訊瞿曇老比丘靈山何似雪山頭笑翁底事真堪笑  
面似鞞皮笑未休

蔬圃

活計園蔬日日新杜陵差慰婦長貧旱薑水芋年時熟  
春蒞秋苾意味真畦觀膾分三伏雨露根常占百花晨  
荷鋤未省勤耕稼猶愧師門學圃人

和林倅賦郡守隨車雨

旌車勤雨拂參旗大士圓通現白衣爐穉輕煙方先路  
雷門急令已宣威為霖賸作西成計書歲誰云大有稀  
賢守躬躬民國念食言應笑魯臣肥

和白雲老禪二偈

閱盡恆河水上波聲塵何似泡漚多還師拍板鉗鎚後  
更唱誰家別調歌  
簷鐸吟風月半凹黃金布地欠誅茅三更出日真光景  
大好欽身正笠包

靈隱慧上人惠詩為古風以贈

安晚堂詩集 卷十一

五四明叢書  
約園刊本

黃休齊已唐詩人當時逸氣陵簪紳聲名響響逼甫白

幽蘭直與梅爭春誰知北面石霜老服勤杖屨皆終身

二公所得當蓋世英詞傑句風中塵至今傳者以詩重

妙處反為詩所湮弄翰戲墨雖佛事炊沙作糗成飢頤

不欲詩工與字巧緒餘能奪道之真心宗一了萬法具

辯才飛轉陶家輪君不見阿難多聞及辯慧呪語要敵

摩伽神

天育二老禪惠示經佛偈答以十詩

二老毫端一滴曹喚醒寐語沒切切更無慧可安身處

安晚堂詩集 卷十一

六八四明叢書  
約園刊本

作莫當時立得牢

右一

餘塵明絕強分離菩薩如來是阿誰既道本來無一物

將何芥子納須彌

右二

龍宮海藏自分明搯搔灘頭一任傾因果若還終不昧

政須防作野狐鳴

右三

書經猶有遮箇在畫佛何曾夢見來玲石玉峯雷雨過



梅花昨夜一枝開

右四

三經已是太多羅州去休休更問婆箇裏幸然無一事  
何須終日把甄磨

右五

四十劫來閒坐休忽拋長舌鬧籃頭若言面壁爲心法  
瞿老還輸第一籌

右六

懵懂維摩不二門略無遺囑付兒孫普賢若匪剛饒舌

宋曉堂詩集 卷十一

七四明叢書  
約圖刊本

此事如何更吐吞

右七

老胡無聖亦無言鷲指虛空喚作禪掌血條痕無著處  
教誰白地患青顛

右八

般柴運水老龐禪佛法無多在蜜邊餅汝將來還與汝  
因師交點更團圓

右九

生老年來病已深灸癥著艾復難禁六根四大元無有

何處求師下一鍊

右十

鄭德言親覩洛伽觀音相遂依所見繪畫朝夕嚴  
奉且求贊語敬題其傍

具足圓通性一念本昭徹佛我與信心是三無差別凡  
人未見聖如渴以河說佛身忽現前如水印秋月心精  
自開遮見根匪優劣念中有大士珠璣百寶結補陀洛  
伽相在在猶日揭是名爲正觀倒想作奇絕稽首圓通  
尊茲念無起滅非想亦非念不盈復不闕唯然觀自在

宋曉堂詩集 卷十一

八四明叢書  
約圖刊本

無眼耳鼻舌

拙偈調偃谿上人

昌黎先生入山裏大顛牢把數珠子松下經函著淨瓶  
照管習之翻卻水丞郎滿擔江西禪行行勘辨擦天鼻  
偃谿爛嚼雪窗紙換卻舌頭別參起

雪窗董丞相將指平謙安晚來訪因舉似偃谿爲

下一則語

佛法方當惡劇時偃谿笑裏袖鉗鎚不教管領千雲衲  
打徹頭關更問誰

簡雪窗董寺丞

世路機心走兔迹雪窗一縷不遮藏  
雲梯月眞遊戲茅舍何曾外玉堂

聖賢事業在心榮禹稷顏回豈異觀  
世故波瀾同起滅姓名千古嬰清寒

山間大風雨晝夜不止聞松聲撼牀  
戲成拙語謾錄呈茸芷參溪

顛風橫雨窮山秋樵青迢擔車停  
斲松聲撼空吼萬牛轟厖勢欲傾  
不周晨雞扼吭喑且愁百鳥何敢相喧啾

安晚堂詩集 卷十一 九十四明叢書 約園刊本

恍疑趙壁環諸侯呼聲動地鏘弓矛  
又疑變化鷓鴣儔垂天鼓翼南溟  
或者挽翻河漢流電飛霆擊龍蛟蚪  
不然火烈陸渾丘天跳地蹕啼熊猴  
狂吞很吐山裂鳩大音奔騰怒相投  
夢中驚回仙枕遊分明夜宿浙江頭  
三更潮水掀柁樓蒼茫起坐擁黃紬  
觸屏喚作錢塘舟此身端坐巖之幽  
如何兩耳不自由乃與喧寂爲湛淨  
影蛇石虎以妄求世間萬事浪喜憂  
大學能定心逸休疾雷破柱方夷  
猶直須養浩師孟鄒風止韻作商聲  
謳和復岫庵廣酬之什

勝地來休沐山程懶忘前草堂  
新杜曲詩格舊臨川客乘千珠履  
翫琴百湖泉參尋幽路滑空想石  
頭禪大雅千巖秀清標萬玉前  
醉扶有宗武屬和得師川境勝堪  
勸月詩香可釀泉竹林風度在  
枯坐笑僧禪

安晚堂詩集 卷十一 九十四明叢書 約園刊本

安晚堂詩集卷十一



安晚堂詩集卷十一

宋鄭 鄭清之德源撰

和趙仲道賦菜畦春富貴

多生菜氣粥魚僧味菜還如好色登戲學挑根和露煮

正堪摘稻配香蒸

見誠齋詩話

芝田不減商山樂蔬食誰言孔色矜

孔子見老聃云云去而騎志與矜色

蒲筍祇應維菽美鏤錫何必羨韓膺

送林教授行

戊戌九月

玉壺仙骨產蓬萊客授京璜傳武開曾向西山傳墨印

安晚堂詩集卷十一

一四明叢書一約園刊本

魯直墨以傳千古文章之印好遊東觀籀蘭臺青雲直上輕餘子黑

髮誰量未易才側耳韶簫充雅奏願同觀樂詫州來

石鼎煎茶午夢醒羊腸怕聽繞車聲剡舟忽至驚安道

漢使新招別子卿交誼從君知絕俗彫年如我最關情

鸞鳳先路為時瑞肯卜筮專訴獨清

安晚園戲占

橫塘雨過水初平浪影窺窗一孔明籬下觸抵五鹿角

林間反舌百禽聲柳公權可送行客梅子真能寬渴兵

誰道夏園無所有蓮花端可傲張卿

九日卽事

安晚閒身晚更安蛩宵無夢落金鞍通心白髮難為染

對面青編儘耐看多謝紫萸占老健喜招黃菊伴秋寒

江城借默生輕暖忽有鳴蛙卻為官

寶畦籬戶小園林獨鶴相陪省一琴老眠官年從實錄

貧依國息寄橫金

每從官庫子錢

詩盈弓力猶能寸客值騷星

且枉尋楓葉似知酷令緩漂搖醉臉出牆陰

童孫競爽祝雞翁點勘凡將句讀中戲指丈兄誇少壯

樂天有張文殷兄詩懶推庚甲問雌雄窮秋對展三更月迴夜傳

安晚堂詩集卷十一

一四明叢書一約園刊本

呼萬竅風逗曉東窗相管領舉頭濼濼日車紅

題偃谿聞長老堯民擊壤圖

炊煙萬井著僧居人在康衢畫不如寄語偃谿崖淡墨

圖中添我一柴車

謝林治中訪別覺際庵

野服芒鞋踏蘚斑千峯約飭整雲囊山行陡覺精神健

老去惟貪耳目閑步武來尋僧舍舊話言應想夜窗閒

錢湖難買歸鞍駐料得春衫憶素蠻

正月晦夕夢中作偈覺但記其首兩句遂於枕上



足之錄呈慧上人

是身本虛妄覓主了無得誰知日用間顛倒由六賊茫  
茫前後際生滅在空色賊去主人歸運家不相識

因筆記賊入空室頌

平生一片癡妄想室中物自言豈可待到了貧徹骨一  
宵入人家百寶認彷彿揀得真金身明處是泥佛

乙巳三月出湖口占

幾朝花片落書奩未信春光已屬厭猛省清明今日是  
家家青柳壓朱欄

家晚堂詩集 卷十二

三四明叢書

約圖刊本

又

曉日殷勤爲著鞭微風逐旋約輕煙東皇景勝渾如舊  
西子妝濃許近前檻外客山今對展嶼時朋酒占初筵  
十年重訪蘇隄柳總付春光入畫船

到龍井寺

竹門斜倚酒家帘石路高低記水簾茨背老農驚僂僂  
乘肩癡女笑窺覬數抵人立攀籬落一蝶兒嬉掠繖簷  
款約朋從歸去路馬頭應有月纖纖

山圍古寺綠周遭一箇軒騰面勢高爐篆得蘇抽露樹

162/150

石泉借茗作雲濤風流二老歸靈鷲筆墨千年續楚騷  
拙語留題冒蛛壁暗中摸索愧劉曹

底忙不肯訪禪林山寺何曾避客深奇石韻高非令色  
老松皮脫見真心簷牙徇鐸關幽事溪曲無絃出妙音  
拂拭少遊碑好在姓名曾記落碑陰

十里輕軒憩佛廬夢身差記蝶蘼蘼伊蒲巧作魚蝦樣  
矮筍新纒蘭粟株暫到欲陪僧夏靜等閒生怕俗塵汚  
計然老去翻多事空挽西施向五湖

旌德觀

家晚堂詩集 卷十二

四四明叢書

約圖刊本

瀛丈移從弱水間君恩泮奐得躋攀茗香盞酒成三事  
巾褐枝筇佔獨班境勝亦能充道勝官閒何似在家閒  
玄都猶有桃花在更向西湖訪好山

綠蓑青笠慣菰蒲錯認東湖處士居舟尾笑迎車後客  
渡頭催買網中魚水程趣戍牛規日山意論交千卷書  
歸去重樓試凝望恍曾雲氣蘊凌虛

又

半生東甬數間屋一日西湖十首詩回首風光少年客  
春山擁翠作蛾眉



賜第登樓

避俗癩成癖登樓睡失魔忘機鷗自下開檻蝶相過高  
處景差勝靜中春更多君恩何以報歸夢欲如何

又

桃李漫山不是春紛紛蜂蝶趁遊人梅花已帶春歸了  
分付垂楊迥路塵

病思歸心走兔迹白嗤幻境未渠忘并州便作咸陽看  
設若桑乾亦故鄉

觀王導傳作

安晚堂詩集 卷十二

五四明叢書

約園刊本

江東老子惠之和九錫牛車愠蔡斐不殺伯仁君信否  
澹然推分意如何

閩中偶成

病覺身名小閒知日月忙篆香雲四合益篠竹千章慧  
性乾成障愁懷弱未張何如莊宇定虛室自天光

春過日初永睡餘人未炊露花心翼翼風葉喜沾沾殿  
後蜂尋穴懷歸燕語簷垂楊在何處落絮點疏簾

孟童子中異科而還來訪余於行都賜第輒贈以

詩

在昔昌黎公序贈張童子獨出超等夷芳名駕青史君

門藹世勳實軼西平李宗社方同休彪炳見孩穉天庭

插犀角星眸炯秋水誦詩如焦琴高下涵角徵朱門共

駭聽沈此箏笛耳老翁欲答兒眼看拾青紫一朝聞九

關賚予出周筐我朝曼與楊炳炳貴名起願子志遠大

勤學踵前軌家尊我相知作詩贈歸騎

東湖送藕與葦芷

草木誰無知葉落能糞本榮枯遞乘除苗實自穠稔東  
湖百頃蓮夏日傲趙盾州家浚河渠獮薙甚耘墾長身

安晚堂詩集 卷十二

六四明叢書

約園刊本

萬柄荷鬢梗付鋪春寒煙熨青鏡時有白浪颯水解毓  
仙骨根著泉源混外乾乃中腴下益寧上損淤泥胎玲

瓏多節駁渾沌園丁亦善沒孽波沸魴鱒象林忽仰浮

登岸殊袞袞誰知絳縣塗可試平叔粉名非玉井船實

過秋蘭晚香蔽雜燕豆菹菜補中壺交梨能養生護草

亦忘忿空言出好事孰與津燥吻贈君擬條冰差勝羞

藻蒞

送新薑與葦芷

仲尼胡不徹薑食損智深譏藏戲劇將以愚民豈其然



牛山失喜... 我疑念之神農書增壯胃腑良有力呂令音商其味辛  
調筆魚蔬藥香稷方冬沃土培其根隴畦分封隨壤息  
長鬚視苗塵獻新先時斷取奮鋤棘青株斯拔雉木重  
紅箕半露菱包側駢指驚看產漆園賦足疑為導積石  
欲搗芳辛入齏曰為憐腐理傲金狄僕命齋茶沈詩雅  
肩差梅桂班內則笑加束縛代書經持助饗庖繪銀鏹  
早年宜薑諺有之今歲雨多生意畜小摘酸寒類甲菜  
大何嬰冒期膝席公羊穀梁汝往哉反音一笑當勿劾

交晚堂詩集 卷十二

七十四明叢書  
約園刊本

稗官有記公羊穀梁並出一人之手  
其姓則姜蓋四字反切則姜字也

山間錄拙作求教葺芷俚語將命笑擲幸甚

老我愧不學無以祛六蔽短綆赴修汲深淺忘厲揭每  
逢撲凸篇如對葛答謎敵壘或致師何以禦柴曳書林  
倦回旋筆徑宜睥睨獨自搔背痒誰與解襪繫誤墨拙  
成蠅飲醴凝歎炳器成多苦麻草創類茅蕪木善文心  
雕曷助葵足衛樂只正始音盡發文家瘞古意窺九疑  
詞源決三澨英口韻風雅噩噩規詰舊精剛拳健鶻爰  
帖律狂獬解注卑蟲魚獻納笑蝦蟹讀檄頭愈疾聽語

廉銳妙指曲不傳奪胎骨可蛻神鉞如運斤拆屋去眼  
辨又如大醫王封胃滌淫滯萬象困蒐討瑞金拔昆麗  
司文當執衡卻掃甘擁篲空山閑遊從思君願言噉燕  
詞薦藜藿香老待薑桂翳桑急壺殮毋為答飯羹

書西湖雷峯雲講主草書 寶慶丁亥夏

余以職事出郊歸塗午漏下通暑於雷峯老師肅客  
乃二十年前所識雲上人也因索草書縱觀成古風  
十韻以贈

交晚堂詩集 卷十二

八十四明叢書  
約園刊本

雲師一生耽聖草銀鐵蟠空覩天巧老來逸氣未全平  
筆底鋒鋷猶獨掃開關勇士爭赴敵劍戟弓戈奮相綜  
睡龍決起求領珠劃木抓巖紛怒爪風雷喧應撼坤軸  
飛電交橫印清沼忽然天宇變空澄千丈孤峯立寒峭  
張顛驚號智永泣剝筋椎髓為君飽恨予不習草書訣  
九轉枯腸祇自攪雲師雲師汝誠能春蚓秋蛇幾時了  
何如認取主人翁破衲蒙頭紙窗曉

送黃伯厚入廣

五行在天地惟水明且清如何南中泉乃獨以貪名水



號黑與弱淖江稱澗徑彼皆有其寶所以得此聲山川  
日秀發九疑羅翠屏扶輿產清淑丹砂銀石英有泉出  
其間冷然堪濯纓政坐貪夫累土炭滄玉冰桓山以魑  
故至今人羞稱柳子愚其溪百世相因仍有如此白水  
好貪豈其情我欲招夷齊稷之南山打一洗萬古貪涌  
雲歸東溟夫君數潔已贈以貪泉銘

送繼一郭處士

聖君如堯舜豈無巢與由計然亦何慕五湖一扁舟之  
人久不作側席思嚴幽嘗聞鹿何君清芬徹凝旒重華

安晚堂詩集

卷十二

九十四明徵書

約園刊本

錫嘉號見一光林丘誰謂雅道息競風日悠悠脫冠掛  
神武有士歸東州笑將金闈籍猛博處士裘鈞天爲開  
顏曰此夷逸儔大書繼一字虹光屬奎婁宸章軼鱗袞  
正聲出天球清名獎靜退下視古素侯睿謨廣先憲姤  
節追前修況今輯眾雋丞弼登虞周明時樂閒暇出處  
自不侔赤城宅仙子登陸方蓬洲君歸訪司馬坐忘春  
與秋方瞳照綠髮戲轉黃河流煙霧肅逋客隱者應輟  
繹欵乃輔行色春風生柁樓

安晚堂詩集卷十二

安晚堂詩集補遺

宋鄭縣鄭清之德源撰

淨明院

郊壇齋宮

齋宿虛閒只淨明俗氛暫洗覺身輕  
半山雲脚炊煙溼一枕松聲澗水鳴  
對語老禪眞法器譯經新諦出僧繁  
歸翻貝葉蓮花頌猶帶招提月影清

咸淳臨安志

題雪竇妙高峯

陸地芳洲擁翠翹巨靈穿石滾雲濤  
搏空蒼鳳欲飛舞奔海玉龍爭怒號  
萬象橫陳坤軸富一亭平挹月輪高

安晚堂詩集

補遺

一四明叢書

約園刊本

獨醒未覺孤清景笑酌寒泉讀楚騷

延祐四明志

千丈巖瀑布

圓嶠移來東海東梵王宮在最高峯  
試將法雨周沙界

千丈巖頭挂玉虹

四明山志

可齋陳大卿政成之暇蒐討河渠爲鄉國長久慮

開萬世利非君侯其誰屬因效一得以廣盛心焉

四明瀛海壩大田沃多稼三江納行潦九穀偏畏夏治  
水宜講行時哉及閒暇方當暑如快孰謂晴可乍十雨  
非所憂一暴良已怕東有錢湖浸寒玉渺無價西有宅

山源盈科通晝夜維此兩支邑厥田俱下下問之何因

爾水道無所舍河伯空望洋旱魃巧乘罅緬思井田規

畎澮分淑浹培浚儻高深怒潮敢雄跨官但督賦輿誰

肯趨田駕六輔能卽功百泉豈難壩願言均此施利澤

俾造化盡復淮南陂端可儕杜亞

再用韻

孔明躬耕樊遲請學稼力田乃有秋暑雨敢咨夏聖  
賢每憂民孔墨不遑暇因思比歲饑可謂越俗乍豈惟  
農夫驚亦使達官怕倉無矯制發米湧在東價居然望

安晚堂詩集

補遺

二四明叢書

約園刊本

豐年譬彼求時夜晝壤來福星上熟壓中下一麥騰割

雲五萊紛繞舍苗根舒薤本黍蒼拆榴罅龍鱗原鑊脰

燕尾水分泚毳獸將西成秧馬豈虛跨劬農收奇勳省

斂不更駕豫爲鄭鄉謀復廣它山壩功比昔賢倍政隨

時雨化願刻可齋詩端與雅頌亞

已上至正四明續志



安晚堂詩集補編卷一

宋鄞縣鄭清之德源撰

宋錢塘陳起宗之輯

妾薄命

妾有一片心奚啻金與石金石尚可磨此心終不易妾  
有金錯刀不買珠與翠一笑向尊前願買郎心醉娟娟  
桃李花東風蕩柔枝見郎郎弗顧掩面啼春闈不關郎  
意惡自悲妾命薄

江漢亭百韻

安晚堂詩集 補編一

一四明叢書  
約園刊本

山川自高深開闢由遠古長江瀉岷峨橫亘截區宇東  
流為沔津疏鑿仗神禹襟帶成輿區都會稱鄂渚環城  
得修岡雄勝著臺府上有江漢亭憑高欲驚舉雲譙護  
左方南樓以為輔飛甍立嶮巖纒去天尺五星辰近梯  
級嵐霏日吞吐橫陳極蒼茫萬象互昂俯晴光做雙明  
景物恣枚數炊煙接空翠下列十萬戶棧棟出稜角闕  
闌分脈縷川塗競走集水陸跨重阻東南引湖湘西北  
控淮楚舟車所交屬人物森萃聚歌謠雜諸合來往紛  
偃僕溟濛塵蔽空揮霍汗成雨游蓋驚雲飄聯轡識駢  
舞驅馳溢阡陌時節相媚嫵裾袖醫朝日光曜燭綉組

幢幢蟻遷穴紘紘繭抽緒亭亭肆遐睎一一可細觀至

如城中邊萬竈宅魏虎春秋謹教閱什什而伍伍紅旆

羅旌幢中軍立旗鼓冰霜貫戈甲雷霆震弓弩後先嚴

車徒坐作中規矩被廬猶音蒐少長悉有序禮成既飲

至絡繹還所部俯瞰了不遺清流數魴鱖乃若天空澄

江色入環堵雲水渺相接斜陽落晴塢千艘卧平沙片

帆歸遠浦微茫泛一葉咿軋響雙檣報譚認檣烏航琛

知海賈微陰轉層巒輕煙生宿莽棲鳥絕重瀾歸鴻集

寒嶼夜深漁火明孤州記鷓鴣晴陰與朝暮景色若誇

詡方春及韶淑鶯燕爭鳴乳桃李山新妝周張環繡繡

脩眉橫柳堤遺鈕錯花圃孟夏熏風來草木自蕃蕪翠

幄帷清陰密葉覆幽墅入林梯空曼影團修月斧露掌

逼高寒金波沃肝腑隆冬雪紛飛瓊樓耀江滸萬花著

林端晃不分細鉅茲維四時媚代謝聽寒暑榮枯雖異

撰去來莫追拒彼動此靜觀羣魚沸鼎釜紛綸各狀態

天械發機杼或如懷袖物俯拾恣所取或如海陸珍搜

羅寄庭廡或如觀大駕旄頭先鹵簿或如親核獵玉虬

控翠羽或富若武庫寶物窮積貯或麗若上林鳥獸羅

安晚堂詩集 補編一

一四明叢書  
約園刊本



禁藥或紆若綺縠或列若雙簾或背若相違或進若相  
與或蕪若興雲或林若率旅或驚若脫兔或拱若禮鼠  
或若鷄出時或若馬奔圍或變若龍蛇或怪若獬豸或  
奮焉若警或比焉若侶或矯若怒嗔或偃若戲侮或騰  
若贏餘或匱若貧窶或聚散翕忽或縱橫旁午或禽聲  
咿嚶高下參律呂或人語叫噪歷落寫篴篥或以琴置  
膝絲音宜搏拊或時棊滿枰石韻雜珩璫或欹枕高眠  
胡蝶夢栩栩或相對啜茶舌本躍清語或暇日觀書腸  
腹自撐住或乘興飛觴醉後忘爾汝或卽境揮毫圖畫  
入練楮造物無盡藏儻來亦何忤俛仰已陳迹恍忽失  
處所達觀萃茲亭宇宙一和黍斯亭名者誰儒林得鼻  
祖昔賢維南軒心學紹東魯瞻焉西南遊芳洲擷薜蘿  
遺墨尙淋漓隸刻照亭柱邇來三十年軒榭漸頽頹  
堂魏國孫玉節蒞茲土英聲凜荆揚盛事踵遐武曾侯  
廬陵秀一笑不齟齬風月喜平分江山藉宗主興仆追  
前修遺蹟存蒐補飛翬抗雄梁石花呈古礎荒榛得奇  
觀幽思發新杼公餘多勝槩往往歷諸庾屢酬駕元白  
光燄陵李杜領客共落成而我亦同俎半生嗟鏤冰一

安晚堂詩集

補編一

三四明叢書

約園刊本

字不堪煮樂事紀末顛鴻筆媿燕許吾伊補書債款乃  
效漁父儻繼竹枝詞編入武昌譜

鄭德言親觀洛迦觀音相遂依所見繪畫朝夕  
嚴奉且求贊語敬題其旁

具足圓通性一念本昭徹佛我與信心是三無差別凡  
人未見聖如渴以河說佛身忽現前如水印秋月心清  
自開遮見根匪優劣念中有大士珠璣百寶結補陀洛  
伽相自在猶日揭是名爲正觀倒想作奇絕稽首圓通  
尊茲念無起滅非相亦非念不盈復不闕唯然觀自在  
無眼耳鼻舌

安晚堂詩集

補編一

四四明叢書

約園刊本

送繼一郭處士

聖君如堯舜豈無巢與由計然亦何慕五湖一扁舟之  
人久不作側席思巖幽嘗聞鹿何君清芬徹凝旒重華  
錫嘉號見一光林丘誰謂雅道息競風日悠悠脫冠挂  
神武有士歸東州笑將金闥籍猛博處士裘鈞天爲開  
顏曰此夷逸儔大書繼一字虹光燭奎婁宸章軼麟裘  
正聲出天球清名獎靜退下視古素侯睿謨光先憲姤  
節追前修況今輯眾雋丞弼登虞周明時樂閒暇出處



自不侔赤城宅仙子登陸方蓬洲君歸訪司馬坐忘春  
與秋方瞳照綠髮戲轉黃河流煙霞肅逋客隱者應輟  
糧款乃輔行色春風生柁樓

孟童子中異科而還來訪余於行都賜第輒贈  
以詩

在昔昌黎公序贈張童子獨出超等夷芳名駕青史君  
門藹世勳隻軼西平李宗社方同休彪炳見孩稚天庭  
插犀角星眸炯秋水誦書如焦琴高下涵角徵朱門共  
駭聽洗此箏笛耳老翁欲答兒眼看拾青紫一朝聞九

安晚堂詩集

補編一

五四明叢書

約圖刊本

關資予出周篋我朝晏與楊炳炳貴名起願子志遠大  
勤學踵前軌家尊我相知作詩贈歸騎

正月晦夕夢中作偶覺但記其首兩句遂於枕  
上足之錄呈慧上人

是身本虛妄覓主了無得誰知日用閒顛到由六賊茫  
茫前後際生滅在空色賊去主人歸渾家不相識

因筆記賊入空室頌

平生一片癡妄意室中物自言富可待到了貧徹骨一  
宵入人家百寶認髣髴揀得真金身明處是泥物

惠墨

老龍卧蒼海千年抱明珠神禹決淮泗偃蹇不受驅怒  
走崧岱頂風雨撼八區亭亭立天柱化作青松株蟠根  
蟄九地融液如流酥嶮岫脫支節幽人拾肌膚虹光夜  
穿屋益突明膏腴芳薰漸凝漬元霜出冰壺糝以丹鳳  
髓摹以青龜跡擣以明月兔曝之陽谷烏或潤似玉玦  
或堅如金觚六丁下取將香藹流清都絳闕注僊籍白  
日飛凡夫借問何神靈黑質分龍軀干將昨已至莫邪  
復來趨二龍適昭合變化由其殊君看一滴水雙雙躍

安晚堂詩集

補編一

六四明叢書

約圖刊本

天衢

和葦芷應直院送秋蘭韻

大椿凌千秋靈芝競三秀書傳遞誇詡垂芳古今宙貴  
耳但奇奇相馬失之瘦誰知楚醒花遠避漢金耐擇交  
得素節彼哉懷春誘夫君全德馨內美本吾有姑置芝  
與椿秋蘭歲相壽

東湖送藕與葦芷

草木雖無知葉落能糞本榮枯遞乘除苗實自穠稜東  
湖百頃蓮夏日傲趙盾州家浚河渠瀾蕪甚耘墾長身



萬栢荷髦梗付鍾春寒煙熨青鏡時有白浪輒水解毓  
仙骨根著泉源混外乾乃中腴下益寧上損游泥胎玲  
瓏多節竅渾沌園丁亦善沒擊波沸魴鱒象株忽仰浮  
登岸殊袞袞誰知絳縣塗可試平叔粉名非玉井船實  
過秋蘭晚殺菘雜燕豆菹菜補中壺交梨能養生護草  
亦忘忿空言出好事孰與津燥吻贈君擬條冰差勝羞  
藻蘊

林治中鄭廣文以詩來遺魯酒報聘拙語輔行

張公本喜飲半入野人腹南洲春夢婆亦復開醉目尙

安晚堂詩集 補編一 七四明叢書 約圖刊本

想晉流麗鼈飲更升木興來索老兵誰謂酌可獨我亦  
愛客至陶巾時一漉雖有彭澤田種秫苦不足頗因病  
入務瓢棄尙餘綠豈無大雅朋來伴離騷讀廣文餐簫  
花和靖峙修竹交情如耐醇秀句喜心沃觴政嘗卜夜  
談闈屢更僕胡爲闕宇芝但憶頽山玉聊爾遺書紙安  
得洗愁斛昔誇聖人中今愧平原督今歲家釀殊未佳杯手助  
持螯車涎笑逢翹青州豈烏有白衣問黃菊如臯應解  
顏對飲頗勝俗梅聖俞詩獨坐與婦飲頗勝俗客對何時赤壁游匏樽笑  
相屬欲歌鹿鳴三正若龜藏六飲有遺公榮雨煩過御

叔忻聞麥兩岐況有魚百族小卻揖二毫航船倒醜醜

謝玉泉君黃伯厚和韻

卯飲貪引卮夕食不厭腹松醪澁玉池鬱尊傲黃目歸  
聞喜携幼欣榮對夏木頗笑屈原醒寧甘馬周獨詩筒  
發豪思江月欲戲漉每慶北海詠未羨西隣足槽規長  
吉紅蟻玩杜陵綠醉鄉擬續記書眼瞭可讀時康萬戶  
春興到七賢竹筵虛豔姬舞面想宮嬪沃別腸驅藥使  
健筆命騷僕居然得良朋清辭瀉壺玉習池可聯乘步  
兵有餘斛步兵尉有酒三百斛誰能酒限拘強效八州督今年小

安晚堂詩集 補編一 八四明叢書 約圖刊本

麥好豈屑官廩翹嘉節迫蒲艾早計數萸菊客中真有  
佳眼前喜無俗賦殷金石聲光燦斗牛屬句到後三三  
人誰賽六六試編諸賢詩第以伯仲叔共成杜康傳更  
聚山中族萬事付亡何乾坤一杯醪

諸君和篇摩墨致師不容閉壁再續前韻

平生周伯仁耿耿空洞腹儵然猿鶴姿豈辨鳩鷹目僕  
射不解事居士偶題木種柳僅成五樂園祇可獨皓首  
愧商隱湛恩霑漢漉城府百無有丘壑一已足詎省醉  
裙紅安識墜樓綠生經未渠諳酒頌聊喜讀耳熱聞秦



聲浪謂肉勝竹高陽有勅者盛氣如曲沃直須殿上飲  
撫牀僅喚僕競看梳揮金幾欲斗撞玉方丈食萬錢聘  
婷珠一斛豈復堪束帶靡徒揖郡督耆壽祝老饕嘉名  
豔春翹乃知梁州荀大勝伯始菊相逢作青眼洗去爾  
許俗冷然曲寡和尙有騎能屬元和一漁翁喜共學士  
六吳飲閒雅奏楚優效孫叔石鼎夏未央春空雲已族  
何當一會期清歡盜寒醪

邴原解劇飲雅名稱龍腹季倫殺爲嬉席妓敢嗔自有  
酒何庸辭恐謝蔣濟木但當攜酒去明花賞幽獨年秋

安晚堂詩集

精編一

九四明叢書  
約圖刊本

未足了孔聖米猶可漉杜涼愛展憐狸魂奪卮笑蛇足桂

漿有餘芳桑落見重綠諫遠衛每投法置醕飲讀籌觥

進菽肴流觴屏絲竹未憂瓶罌罄但費區盥沃勝事在

園林家務付兒僕陶淵明傳釀羔截肪乳魚鳳泣脂玉鍊句

丹九轉摘文泉萬斛競詆酒中賢抵看帳下督穿幘府

前案障面厭方麴楊愔語魯漫漢事吹不落眼花樂天歸去采

籬菊華胥國遨遊無懷氏風俗登詩壇爭長破愁城相

屬二簋用坎四三客敬需六共樂時方清誰言世之叔

相從孟公座寧別輔氏族謂鄭廣文也一笑祝諸賢行酌天

家醪

再和戲黃玉泉

黃公辭酒壚經筭捧便腹讀書飢鳶聲了了崇文目跛  
澄萬頃波巢寄一枝木戲題百姓眼自笑孤館獨轍涸  
聊相濡神液未容漉嘯歌非彈劔情隘如躓足文織機  
尊黃句弦綺琴綠不見解杯持徒費爾雅讀坐對罌卧  
牆空有葉映竹枯腸但茶搜燥吻遲去聲膏沃主人如馬  
庚酒使欠猩僕封溪令事思折酷媪券欲訪義漿玉嚼茲鯨

吸量眇矣龍驤斛靈根日灌漑詩課自程督試當閱醫

安晚堂詩集

精編一

十四四明叢書  
約圖刊本

經薄釀借神麴共醉靈均絲未問長房菊飲興非有期

衣曬寧免俗杯勺雖不勝嘔泄聽隨屬嬾疊陽關三首

競臬博六不飲但麥豆頗勝劉文叔醉騎黃犢孫歸玩

墨君族子爲評酒名擬號安晚醪

謝葦芷和韻

無詩不言酒荆公謂李白無一詩不言酒作賦真狂腹未破公子慳

況與佳人目壯心思擊壺聖杯虞作木樂天啄木曲不

袖想胡旋雙妝記搖手獨見陳陶獨搖手行賓筵乏酬獻醴齊

催涕漉禰衡辦搗鼓元崇方病足會無列屋粉空韻梳



鬢綠百篇誦仙詠十軸蒙溪讀見顧雲池陽醉歌有美建安瓌

競爽洪園竹芒端寒煥轉曾次古今沃卧甕喧舍郎祭

酒可令僕漢侯射中興改祭酒時陳南北洗顏醉東西玉雖微醜

五斗端有才一斛詩壇長齊門筆陳嚴總督方將喝銀

雲未有平封麴李賀酒酣喝月使倒行銀雲櫛櫛瑤宮殿明陸龜蒙中酒賦拔酒樹平麴封宮

晏看傳柑帝歌須和菊德宗作黃菊歌翰林學士章綬奉和牛心固異撰

犢鼻且同俗尊酒日相逢我歌君為屬歡期踐三五釀

頃虧十六樂府庚信對酒人生一百年歡笑惟三五王績有田十六頃悉以釀酒酣暢嗟

阮修飲狂謝裴叔裴叔則語石崇云飲人狂藥責人以正禮窪尊留古製長

安晚堂詩集 補編一 十二四明叢書 約圖刊本

勺分魯族居然同老襟淺斟醪水醪湘東有醪水故酒得名

### 謝鄭廣文和韻

鱸堂心醉經精神應滿腹溫飽非所志飲食不以目謂今人以耳而

衣以目而食說詩稱解頤善問待攻木頗愁百斛量

孔庭惟立獨俎豆答衛問筐盜欠鄰漉見鄒陽酒賦曾子非

養口濼園且尊足時於清夜分酌以翠勺綠綠尊翠勺為君酌酒

聊澆磊砢胸不廢吾伊讀每篇亦作句君之來詩每篇必有亦作語

如對記書竹相逢蓋初傾一別桑重沃融尊慚坐滿簞

餽疎拜僕衛生不自寶抑首親思玉囊無諛基金米乏

佳傳斛厨燠農人清蔬果園夫督粟耕收秬田黍釀用

陰翹解同杜陵襟期醉昌黎菊赤手當縛菟來詩有白戰之語

白眼謾嗔俗莊虛左氏宴觴有西子屬酒債負尋常會

期遭百六要須中聖賢庶以展伯叔醉人無功鄉醒起

屈原族漢從屈招景大族岸曠一笑粲共賦醪酒醪

贈已訥二老軒 青山惠安寺

吾聞墨者徒設教本兼愛釋伽宏其源方識宇宙大河

沙與寶塔平等了無礙夫何佛法衰涉晉唐五代祖師

南北分鼻孔爭譎怪傳流各衣鉢紛紛辦宗派爾來三

安晚堂詩集 補編一 十二四明叢書 約圖刊本

百年徐轍日以隘教律復異門禪機亦殊解訂以大小

乘森若立矛介虎豹自獐擲蛇龍相噬嚼駕空樹金碧

爾汝別疆界蒲盧學抱子嗣續植根蔕蝸爭競蠻觸夷

樂騁兜休裘屢無貳顏楚越隔肝肺天駁若羈束心穿

堅莫壞之人良可悲賢愚固難彙誰知已訥公粲粲發

眉采少年摻袂游瓶錫徧湖海是非不關耳窮達付長

嘅晚歸耕石田禾枯將種稗唯有舊家山青眼終不改

挂笠寄清樾編茅客欠噫目之維摩室而無天女在謂

是龐公居似欠孔明拜強名曰二老當索形駭外泉石



日幽雅松竹森蔚蒼軒窻抱巖壑曾次絕瑕類睡起聽  
粥魚微雲初霽霽晏坐圓覺場忘言默相對二老容于  
軒須彌納一芥捨軒求二老怒風號大塊軒以二老名  
未免蛇足畫請更以不二免爲軒所賣我爲說偈言聊  
以贖詩債

東湖

誰將東湖光斂作大圓鑑千峯就妝束萬象互窺瞰紅  
消日腳明綠靜山影蘸我來一登臨扁舟聊可纜

次抱拙妾薄命

安晚堂詩集

補編一

十三四明叢書

約園刊本

落花流水何紛紛三分春色二分塵黃鸝遶樹戀不得  
蝶蜂浪作花都巡昨日繁華今寂寞飄零多屬風雨晨  
金谷無人粉香死錦蹤跡俱成陳世人重花不重葉  
林園自此無精神東君年少時酷愛枝頭花庸奴桃李  
妾姚魏滿蹊未數黃娘家一朝棄背春風老懶踏長門  
堦上草芳菲特暫歡顏色不長好白頭事人那可期不  
堪重賦章臺詩

和鄭制幹謝借居且惠明樽醉罄詩

平生愛山林里居想王屋孤月自無朋斷雲曾不族詎

知嚴遵市儻有賈誼卜西河就索居漆園問尊足翟門  
羅可去軻宅仁已熟似聞結駟多每見後騎屬魯臺時  
遺餽監侯已發粟競樞王儉蓮有問顏公粥家貧願鄰  
官蕪葭欣倚玉顏容滑稽叟來造堂上燭猶能辨絲簧  
漸近不如竹濁醪恩嘉醜庸行參聖讀願爲善頌禱既  
醉備五福謀婦擬提壺敲門驚啄木持螯兩從事來就  
桑下宿美味均適口雙明喜增目命駕匪千里星言媿  
不夙聯句乏追韓補詩聊繼束終當效樂天駱馬爲酒  
齋

安晚堂詩集

補編一

十四四明叢書

約園刊本

掘偈調偃谿上人

昌黎先生入山裏大顛牢把數珠子松下經函著淨瓶  
照管習之翻卻水函郎滿擔江西禪行行勘辨鼻撩天  
偃谿爛嚼雪窻紙換卻舌頭別參起

贈許石田爲僧

平明對鏡長獨難子能脫屣彈指閒戲視此身如髦鬢  
冠巾擺落逃儒關千鈞強弩一笑彎萬錢買盡江南山  
厭渠世路車輪殷赤脚健倒蒼苔斑參寥佛印若是班  
江湖風月不汝慳汝狂方醒眾所護我獨見之爲三歎



辨詰孔釋語可刪白雲深處輸君閒

靈隱慧上人惠詩為古風以贈

貫休齊已唐詩人當時逸氣凌霄紳聲名震塵道甫白  
幽蘭直與梅爭春誰知北面石霜老服勤杖屨皆終身  
二公所得當蓋世英特傑句風中塵至今傳者以詩重  
妙處反為詩所溷弄翰戲墨雖佛事炊沙作糗成飢噉  
不欲詩工與字巧緒餘能奪道之真心宗一了萬法具  
辨才飛轉陶家輪君不見阿難多聞及辨慧呪語要敵  
摩伽神

安晚堂詩集

補編

五四明叢書

約圖刊本

乍晴觀蠶房戲占

蜜蜂家計千頭奴日併花課供蜜租粉紅黃白各本色  
擁腫雙腳尻為車採花歸來不知數一一到門如合繡  
方春乳房湧金屋子弟分王遣之國廣輪處處成甘州  
饒口嚙嚙不遺力蜜皮割盡到蠟膚畢歲辛勤用謀食  
秋深冬早未見春嗅芳咀華來藻蘋釀成餽糧香滿室  
日日飽衙知愛君問誰食蜜還主臣阜財富國今何人  
和葦芷筍詩  
我貧每笑齊之屬晚食雖甘未忘肉梅胞尙餘風折綠

溟洋餐英命騷僕藩籬剝彼羝角觸送似玉堂如楚束  
惡詩聊賦徐凝瀑妙句飛來漱鳴玉曾無導吏隨賈餗  
坐遣跛奚委葵菽苗芽勤視緣坡竹期飫伯仁空洞腹  
書賜膏腥士之辱得魚不敢餉羊續要和菜味勝山谷  
步趨強顏髮曲局盤有美茹無不足陋矣王芻箋淇澳

田家

老農喜說田家早缺月疎星穿木杪洗錚燎草作晨炊  
麥飯曠甘蟲食蓼兒牽秧馬婦携笠泥滑不嫌春雨少  
平疇拍拍水連堤姑惡數聲天欲曉

安晚堂詩集

補編

五四明叢書

約圖刊本

水急船行頗遲

湖流湍駛欲下瀨舟人挽牽如蹶張空令百丈重牛首  
如何萬斛浮龍驤進寸退尺天未定暮四朝三風作強  
遲明櫂烏幸西望看取快箭激脩房

重賦章臺

楊花滿地飛蝴蝶釵梁露溼羅衣怯臉痕玉潤拂紅膏  
顏色如花命如葉鯉魚風起蒲葉香鴛啼燕舞春日長  
墮紅殘萼斷君腸悞逐浮波轉零落自古佳人多命薄

畫馬圖



房精夜隕渥洼水中有天馬變如鬼衛雲流赭登玉臺  
清風謾謾生雙耳無端遣入天子閑足底百躡如關山  
隔河唐將浴牝馬哀鳴頓足將奔還風毛雨鬣不自整  
有願苑北雲錦斑但有風稜餘瘦骨竊銜不管霜蹄蹶  
大星昨夜落旄頭好載闕氏媒突厥

舊冬得蕘蒿數十根植之舍傍今春逐可採擷  
輒持甌黃堂拙語先之聊發一笑

蕘蒿見錄爾雅篇族譜系出荆楚壻居人採擷不論錢  
橫道躡躑如車前物有貴賤所遇然雞豕芥以帝言

安晚堂詩集

補編一

七四明叢書

約圖刊本

世間何由正味焉嗜艾昌歆性所便冰壺先生藿蠶傳  
敢驕玉食輕膏膾天隨酷謂杞菊賢一賦金石聲相宣  
玉糝羹芋稱蘇仙天上酥醅能比肩憶昔客授湘湖偏  
乍逢此蒿口流涎嚼寒冰玉香滿咽紺滑琉璃鳴貝編  
糝以豚膏軟如綿脆甘豐膩潔且鮮天花石耳羞爭妍  
木鷄退飛山之顛笑渠茅蕨成兒拳岸視棹圍眉宇軒  
七菹五菜誰敢先獨能兄事正版禪一別楚產知幾年  
孤根竭來植鄞川春苗出土含曉煙授條小摘喜欲顛  
古人千里方言還調茗酌之雙觥船枯腸慰滿藜莧緣

食芹而美不敢專遣送兵厨羞俎籩噴飯一笑箕管邊  
靜樂用元韻為勸學之什再和

士惟食志非食力於陵奚事親履織靜樂一門自師友  
簞進不爲子貢息元仲季方從太上海內人士俱願識  
案上惟作羽籥聲室中定無鉏箒色申且督課如園蔬  
子夜程書過衡石舉似翁媪管其兒教育英才笑安得  
文獻超羣王謝家韋布當磨鐵硯墨

再和勸學韻

仕學優於服田力公儀之家廢葵織詩書爲府道德林

安晚堂詩集

補編一

六四明叢書

約圖刊本

樂在藏修洎游息濃薰班馬有餘香暗摸曹劉豈難識  
插架牙籤映隙曠近竹芸編侵晚色諸生競詫邊腹笥  
正音如聞孔堂石從知車馬自稽古須信鯨魚可兼得  
四科衰進惟尙賢欽想昌黎方讀墨

碧房行

冰蠶吐絲青唾葦天孫轉機聲隆隆帝家初裁新樣月  
蒼然正色摩寒宮一朝飛隨烈士手九關自此無剛風  
乘鸞女與蒲葵翁癡翁駮女誰爲容吳剛斧頭紅玉篆  
并州剪刀快如箭化工持此天然巧古壁團團照君面



長安四時生麴塵馬頭搖曳春風轉君不見醉李白窮  
杜甫當時西遊乘蹇驢太清獻賦動旒冕脫鞵笑視將  
軍奴奇哉二子真坦率朝暮黃酒黃公墟游蓋飄雲手  
遮日未省有扇如清夫清夫扇子僅盈尺買斷清風歸  
嘯廬何物元規敢相污醉中祇恐李杜呼我當吮筆和  
墨喚起文與可把君畫入李白杜甫圖

適得滷蛤頗佳遺餉菊坡因記曾作蛤子詩有

文身吳泰伯緘口魯銅人之句戲綴前語代簡

文身泰伯甘斥鹵緘口銅人舌微吐借資墨客富濡沫

安晚堂詩集

補編一

九四明叢書

約園刊本

滷乃墨骨醉神香登燕俎半熟含酒老饕賦此翁僅可  
魚之藩

闌堂戶班班雋永帶神液入室真味翁未覩菊坡風裁

黃豫章如食蝸蟬江瑤柱盤餐盡廢太瘦生格遠調高

自清苦子蛤遺汝到眉按弩力去爲酒中虎諺稱海錯鹹者爲捉

酒末下鹹豉有何好猶莒蕞羹傲僞父海之介夫此小

兒鷄肋見笑楊德祖前生曾作水解仙飛入珠宮飲甘

露能今齒吻策餘勳一鼎松風漱寒乳

客有誦袁蒙齋得雨酬倡之什輒慶元韻志喜

也呈虛齋使君

雷伯四月瘖無聲鳴鳩呼婦鼻浴晴星如撒沙燈吐紅

羲和駕鞭乘赤明稚秧鉞水未入種秀麥浪畦猶督耕

香車不動百龍蟄轉轉如織千蛇橫愛民太守心語口

瘖我以早寧無生川靈有知龜亦許異物蜿蜒歸棠樵

一雨果從方寸來此念端誠本天與但看父老歌豐年

不用兒童學皇舞彌災有效藥巴嚙哺民無異紫芝乳

一年事在阿堵中四封笑溢迎門語我州瀟野同淮徐

公方有意六輔渠上天下澤鍾惠施千里波及皆君餘

蒙齋詩成虛齋和我樂賦之如遂初坐對聯珠飽官粟

安晚堂詩集

補編一

三四明叢書

約園刊本

但有歡喜無歎歎祇今快續二賢詠不須乞米移顏書

育王老禪屢惠佳茗比又携日鑄爲餉因言久

則味失師授以焙藏之法必有以傳之笑謂非

力所及漫成拙語解嘲錄以爲謝

曾讀茶經如讀律一物不備茶不出未論煮瀹應節度

第一收藏在堅密摘鮮封裏噴焙芳溼蒸爲寇防侵疆

朝屯莫蒙要微火九轉溫養如丹房育王老慧老茶事

新授秘訣乃如此幾番惠我先春芽搗來細問茶何似

我初謂師茶絕奇十日之後如飲糜頗疑緇俗果異撰



良楮輒爲居所移吾言未終師絕叫爲茶傳法恨不早  
綺疏應合有司存料理如前毋草草對師大笑喜欲譁  
三年宰相食無鮭長髮赤腳共井曰荒寒政類山人家  
屢屢炊盡瓶笙吼何曾敲雪春雲走不如時扣趙州門  
侍者可人長摸首

安晚堂詩集

補編

三

四明叢書  
約圖刊本

安晚堂詩集補編卷一

安晚堂詩集補編卷二

宋鄞縣鄭清之德源撰

宋錢塘陳起宗之輯

賜第登樓詩

避俗懶成癖登樓睡失魔忘機鷗自下開檻蝶相過高  
處景差勝靜中春更多君恩何以報歸夢欲如何

戲調長鳴鶴

瘦鶴雲霄志相從伴獨清可堪三經寂頻作九臯鳴博  
字輸鵝頸橫空避雁聲終辭華表去汗漫逐騎鯨

安晚堂詩集

補編二

一四明叢書

約圖刊本

覺際間行

斜徑轉山腰平疇露稚苗雲低松挾長雨足浪宜驕宿  
鷺翔孤嶼歸僧睨斷橋倦餘成小立新月挂青霄

三月末泛湖

半晴陰更重乍煖冷猶爭墜葉蒲芽綴新萼苒面生鐘  
聲帶雨澀帆力貯風橫客三雙飛鶴歸歟茗可烹

食蛤戲成

滿殼濡潮汐因沙產海滄文身吳泰伯緘口魯銅人雀  
化宜分雋蛙烹冑擬倫

姓大者名風蛤

試呈饗賦手半熟酒含

津

菴前徐步

小橋銜石路安步水之湄浪蕙菰蒲伏寒禁笋蕨癡蜂  
房深戶牖燕壘漸塗茨過眼春餘幾延緣歸思遲

書齋獨坐

避事寧違俗端居悟及身穎泓供膝御方冊替親賓室  
闌月闌入庭空花自陳所安惟適耳誰復辨秋春

東歸越上

急雨先聲入芰荷傍船魚躍弄新波東林黑白投林鳥  
高下青黃異畝禾村豎相呼騎犢背小舟斜艤閒漁叢

安晚堂詩集

補編二

一四明叢書

約圖刊本

秋來物物供吟筆不著黃秦可若何

桂花

香粟飛從月姊邊秋花無數總饒先清芬冑作椒蘭觀  
雅韻羞陪粉黛妍點就金丹飾雨露染成玉骨跨神仙

餘芳更孕青青子相伴寒梅到雪前

金峩途中

石路縈紆水繞村酒帘深處見柴門橫塘樹密鳩攜婦  
老屋籬深積有孫麥菘菜花成錦繡筍芽蒞甲當雞豚

竹輿莫作追程去半似桃源欲細論



奉題蜀邸五雲西岷岷保障

西望岷峨天一方誰教地險絕遐荒皇風已喜澤無外  
國勢那須別有疆黃鶴盤空飛不過金牛拔地去何長  
漢庭四海皆臣妾一曲歌風未忍忘

小軒偶成

齋餘宴坐息深深萬法皆閒境會心輕浪颭荷珠酒玉  
晴曦穿竹翠籠金岸頭舟楫人歸語檻外菰蒲鳥去音  
謾說陶車并謝屐如如不動勝登臨

村邊以湯婆樣惠示與詩俱來依元韻

安晚堂詩集

補遺一

三四明叢書

約圖刊本

惠中秀外更清便姪姪嬌羞二八年無奈長途生衽席  
寧教寒夜折冰綿遺來勸嫗知君狀擬伴涪翁到曉天  
只恐花軛陶學士風流未老續膠弦

戲占

橫塘雨過水初平浪影窺窻一孔明籬下觸瓶五鹿角  
林閒反舌百禽聲柳公權可送行客梅子真能寬渴兵  
誰道夏園如所有蓮花端可傲長卿

比以拙詩戲調張籍不知作者已盈軸矣軛利

兩韻

展也虞朝庶績熙令修厥貢暨熊羆兕客于野雖非地

豹澤其文似識時毛革正須供有用血牙安事殺為嬉

國僑惠政人誰犯虎聽多應謝子皮

虓虎寧如龜有知陸行端自觸危機縛渠呂布還須急

驅以王尋謾失威有使黔驢呈短技直教獵騎合邊圍

惡盈詎必分人獸猛獲終擒自衛歸宋人請孟獲于衛

惡一也云云

衛人歸之因會切來詩再廣原韻

組練橫陳壯士猶想因羽舞去窮奇千山白髮存公道

安晚堂詩集

補遺一

四四明叢書

約圖刊本

十日清吟費老詩待伴易銷春有腳交光最勝月如眉

只愁無著梅花處東絹平章付伯時

續詩之寵依韻以謝

莫搜險韻續猗蕤雪景須知雪後奇日絢寒光莊淨界

梅將真色薦新詩試敲折竹煎茶舌旋覓遙岑出黛眉

油幕輸君談笑樂聖杯正是一中時

題雪竇千丈巖

竝海危峯駕六鼇招提深處綠周遭膠松直上睡龍起

怒瀑飛來風虎嘯坐向亭空雲作伴待看身與月爭高



山靈意我酬清賞爲酌冰泉讀楚騷

思鄉味戲成

隔籬野園特眠犢帶雨村春雞喚雞旋熟黃梁畱客住  
滿筍白酒情人沽未請旅況三分在早覺藜腸一半枯  
寄與吾鄉譜鮮子朱謙之有鮮譜莫教辜負脆皮鱸

除夜求屠蘇

椒盤爲計定春前客裏那知歲箭遽行路閒關穿履雪  
薄官羞澀看囊錢媿無黃帝屠蘇酒試喝淵明種秫田  
德化彭澤鄉令尹可人應拍手從教滿意作新年

安晚堂詩集

補編二

五四四明叢書

約圖刊本

贈陳童子

前身端合是王充收拾羣經貯腹中書吻可能如布穀  
筆鋒應不事雕蟲看來眉目真蘭茁攬取詞章作繡筒  
歸去莫誇童子牧好尋芳謁到蟾宮

山行

山行心迹已雙清驟見清溪眼爲明鬼谷洞前符竹在  
觀音巖下鮑魚行宗師宴坐空餘石龍女分流不作聲  
人影交橫到林薄綠煙深處一猿驚

正月六日早行松山道

五更河鼓尙橫陳小立晨光漸可人日出野鷄猶唱曉  
雪晴山鳥競呼春溪筠拂袖霜花落石路支筇蘚迹新  
慚愧明朝江國近買魚沽酒被征塵

送行詩

案題似有脫文

中年別意增懷抱昨夜秋聲到客船流水孤村鴉好在  
平沙遠景雁依然惜無繡口供吟筆只有尊羹愧昔賢  
付與西湖林處士重陽健倒菊花前

安晚堂詩集

補編二

六四四明叢書

約圖刊本

二畝孤山應更好瘦梅疎影小春前

山房秋日卽事

雨後鳴湍走碧溪水聲秋意恰相宜窺蟬螳臂方衷甲  
啄飲鷄羣競濟師初月挂簷窻未覺新涼入牖簾先知  
西風早已催征棹管領尊鱸入夢思

失驚牆外已飄黃屈指秋來十日強暑寇負頑猶出沒  
風師未壯且翱翔橘包俸腹微藏葉桂蕾呈身只欠香  
掃盡暮天疑浴罷半眉畫月畫新妝

稻花經雨已脫白楓葉未霜先借緋入紵蚊牙干計巧



挂詹蛛腹十分肥田翁看水攜鋤去山婦臨炊抱蔓歸  
唯有詩腸無一字隔溪數盡暮鴉飛

晨興散步

軟紅銷盡利名韁興到吳山取次行萬馬拍堤春浪起  
一龜曝日曉峯橫客中寢飯根塵寂雪後松篁意氣生  
身是定僧無欠贖惟餘雙鶴報寒更

僧居西畔鶴居南我向中邊住此菴歲晚結交松莫逆  
老來知味菜分甘禪心每向閒中得世事新從夢裡諳  
隱几空明香穗斷淨揩雙目對晴嵐

安晚堂詩集

補編一

七四明叢書

約園刊本

晚歲知非遽伯玉前身作脫戒師兄青山不灼利名火  
白髮能銷忍欲兵境對虛空全體現眼無揀擇內心平  
曉憲醒寂關何事到枕清鐘一兩聲

食後閒步

乞得閒身入釣臺柳眉舒盡見桃腮山中歷日花開落  
物外交朋鶴去來更展書窻延竹影贖翻隙地長梅栽  
春寒無賴欺霜履健倒應愁破綠苔

同黃制屬自延壽寺雨過禪寂寺

獲原注與掠雨到僧門帶得清閒一二分素喜堂中無

偃月榻來寺裏作穿雲赤心莫逆唯松友青眼相看有  
竹君燒葉更聯東野句紙窻鎖隙候晴牖

偶成

五物中間著一翁圓履隨分可支笻章施采服花妝露  
屢擊鳴球竹嘯風疎種密栽觀木漸淺流深浚養泉蒙  
眼前丘壑無佳句自晒詩腸苦未窮

祈晴行西湖上呈館中一二同官

踏盡紅塵挹翠巒江湖清夢入雕鞍濛濛薄霧渾疑雨  
惻惻疎風不是寒野菊頻催花事早老楓初試葉聲乾

安晚堂詩集

補編一

八四明叢書

約園刊本

恰知病骨疑清景恨不浮家舉釣竿

曉色窺林半淡濃亂鴉飛去水漫空山橫孤霧殘霞外  
秋在微雲疎雨中官事卻能成勝賞詩壇端可策新功  
吳儂浪說西湖景蓬觀今逢蘇長公

偶於園中問訊梅友老幹數枝疎花初放有足

喜者率爾有作

洗出金灘鎖骨沙種成老樹競槎牙冰霜歷盡肌生玉  
臆膈寒深影到紗舊歲枝頭新歲景十分好處一分花  
誰言冷圃惟秋菊春意撩人乃爾邪



宿翠山上

復與十里見青嶺行盡松陰得翠巖萬壑聲中清磬出  
一峯高處白雲緘茶新煮鼎作魚沫僧有可人能塵談  
自覺靈山緣竟熟佛禪重問後三三

暖風依日佐山行幾許春隨屐齒生溪舞綠雲苔出沒  
田翻翠浪麥斜橫閒中適意榮三事歲晚無年式耦耕  
一靜可能銷幻藥剩開胃次著崢嶸

旌德觀

瀛丈移從弱水閒君恩伴與得躋攀茗香壺酒成三事

宋晚堂詩集

補編二

九四明叢書  
約園刊本

巾褐枝筇佔獨班境勝亦能充道勝官閒何似在家閒

元都猶有桃花在更向西湖訪好山

綠養青笠慣菰蒲錯認東湖處士居舟尾笑迎車後客

渡頭催買網中魚水程趣成半規日山意論交千卷書

歸去重樓試凝望恍曾雲氣盡凌虛

余識頓雲岑已三十年晚居覺際又八載矣近

因山行疑接談塵偈語奉贈

懶把無生話更參月移梅影到枝南身心識破夢中蝶

頭角老來春後鬢笑斲野泉畦露菊巧尋煖地圃霜柑

蒲團睡足書遮眼貝葉叢閒會孔聃

調雲岑

戲將鵝弁博緇衣般若叢中賸作癡鵝頸有為羅隱笑  
鷄林能辨樂天詩好從休處求安逸莫向閒中覓住持  
覺際湖山最佳趣藕花洲渚菊東籬

因林治中近有捕虎之役調以拙詩

豺狼當道實堪嗔就乳於菟哭楚臣馮婦下車宜眾說  
將軍射石見心真渡河應避馮河勇搏獸終歸舞獸仁  
他日朕虞須命益九官濟濟定相親

宋晚堂詩集

補編二

十四明叢書  
約園刊本

余自東山往金峩住山戒師迎於中途到上方

泉石幽勝有心匠助天巧者因成數語以贈

一窟鳴瀑寫天紳怪石鯨奔欲化鱗靈隱飛來真相後

眞相乃金峩寺額老坡重證戒師身居山活計今成趣造物工

夫總待人自喜愛閒逢勝絕杖藜端不負殘春

贈談命陳總屬

彈鋏朱門歲月過生涯安樂偏行窩談天有口機關別  
處世無心笑語多自是君平忠孝在其如曼倩滑稽何

一帆又作鷗夷去遙想江湖聽踏歌



三友

松號大夫交可絕梅為清客志相同  
英英鳳實卑餘子  
楚楚龍孫過迺晚際一弓秦素月  
暑中千斛耀清風  
小軒正欲供晨坐付與遮攔曉日東

遣興

舟車覆卻萬變人雷動靜兩忘  
蟲臂聽渠得失羊腸何  
異康莊

出市得鱖魚成六言

長鉞歸來有魚狀似松江之鱸  
為向東坡傳語醉臥黃

安晚堂詩集 補編一 十四明叢書 約園刊本

公酒壇

觀史有感

家令身危候國計洛陽護攘涕流書  
都門祖帳何功德  
千古徽名說二疏

晚晴

濯翠篩紅獻晚晴為渠日脚護歸程  
碧雲四合如相妬  
纔剩西邊一縷明

覺際偶成

自愧端平村宰相今為安晚野堂翁  
君恩全付閒身世

山水從容一笑中

覓桂花於夷陵宰

月圓仙人試道妝風流六一舊琴堂  
遙知鼻觀盈秋馥  
乞與冰曹敷粟香

東家竹屋最窮空不識簷花落雨中  
笑遣吳剛揮玉斧

解令冷舍作蟾宮

謝送桂花

金闕真黃入靚妝仙葩何事到鱣堂  
只緣風雨要人甚  
窄取旃林百斛香

安晚堂詩集 補編一 十四明叢書 約園刊本

道眼如如了色空維摩方病散花中  
杜陵有酒勤相覓

留埃清齋出梵宮

自嘲

我亦逢場因作戲要令竿木自隨身  
老僧不學面壁觀  
山偈隨緣舉似人

感事

退之硫黃藥成疾伯仁金印恩為響  
眼前世事盡如此

十日峭寒春作秋

鳳樓方杖

矮柏老於周社史瘦梅青似楚離  
騷推窗欲覓登山路  
無數青苔落鸛毛

晚景

斜照染成金色界嫩霞醺出水紅  
天箇中買得皆真境  
不遣詩人費一錢

一巖

一巖洞空掛雲山巧印穹蒼半壁  
環只爲廣寒宮殿遠  
故留闕月在人間

虹出

安晚堂詩集

補編一

十四四明叢書

約園刊本

輕紅淺翠抹弓腰高映斜陽跨碧霄  
半似一條瓊玉帶  
合成五色水晶橋

讀虞美人草歌戲成

心似合歡因恨結眉如別柳爲愁彎  
樽前舞影風能偃  
爭奈當年力拔山

太史報彗星沒

老彗妖芒欲蕪天王良見迫爲收  
鞭紫微一夜璣衡轉  
甘雨祥風到野田

旌德觀

半生東甬數間屋一日西湖十首詩  
回首風光少年客  
春山擁翠作蛾眉

調雲岑

佛法方當惡劇時偃溪笑裏袖鉗鎚  
不教管領千雲衲  
打徹頭關更問誰

聞蟬

人行沌口三程路蟬作陽關第四聲  
待到日斜蟬歇處  
無端促織替渠鳴

紀龍井上所見

安晚堂詩集

補編一

十四四明叢書

約園刊本

搖曳輕陰羃柳堤坳塘日暖漾鳧鷺  
無端崖下鳴榔發  
飛起一聲過水西

梅

粉面芳心碧玉裳特來宛作故山香  
征途不覺春如許  
更問蘭芽幾寸長

戲作窗蠅詩

曾記窗蠅古德詩笑渠未有出頭時  
驀然撞破窗間紙  
透出虛空未是遲

清明有感



井泉槐火幾清明白髮紅顏管送迎榮落智慧千古恨  
一時分付子規聲

觀王導傳作

江東老子惠之和九錫牛車慍蔡婆不殺伯仁君信否  
澹然推分意如何

食豆筴

西風槭槭草蟲鳴萬莢叢中詫瑞糞煮啖快輸兒女吻  
燃萁不忍尙堆青

蓮房洗硯

安晚堂詩集

補編一

十五四明叢書

約園刊本

圓長已褪青雲子芳軟猶存綠玉房留伴陶泓共新浴  
要令玉頰沃清香

小憩上庵

竹邊深靜納新晴瘦策徐行足力輕曲檻負牆塵不到  
游蜂時寄採花聲

題東山上方

謝公雅志在東山一入黃扉不復還公去我來山屬我  
爲公償卻半生閒

題偃溪聞長老堯民擊壤圖

炊煙萬井著僧居人在康衢畫不如寄語偃溪灑淡墨  
圖中添我一柴車

泊黃檀

夕陽茅屋占江干風斂炊煙作暮寒閒看月光牛背上  
畫圖添我一橈竿

玉泉觀魚

金鱗玉翅舞漣漪雷雨休言變化遲尺水能開千里潤  
看來端的是龍兒

謝童天老秋蘭

安晚堂詩集

補編一

十六四明叢書

約園刊本

楚畹春曾汎曉光直留雅豔到虹藏山中不把一枝到  
世外那聞千佛香

秋色追隨入慧光宵攜幽卉問行藏深林未省炎涼態  
來爲閒人特地香

綠葉青青

音帶紫青光經有紫青光聚

拈來笑處沒遮藏密圓應

具楞嚴偈非本非空出妙香

湖風不順

推蓬滉漾失船蹤萬頃玻璃在沌東政戀湖光挾山色  
知心龍伯贈橫風

聞覺際被風寄頌老

古德把茅惟蓋頂颺風飄屋等虛舟矮窗猶有蒲團滑  
也勝牀前衮雪球

南坡口號十八首

十日南坡兩日晴時時不放日華明春光似妬閒人佔  
端的春風飽世情

天工忽忽度年光料理人間富貴忙聞裏何曾關造物  
一分風景亦收藏

誰將春晚作冬看添著綿衣減卻難道是麥寒猶未

安晚堂詩集

補編一

十七四明叢書

約園刊本

願渠麥熟且禁寒

休言無地起樓臺十箇花窠沒處栽東近比鄰西近水  
且教紅白面牆開

欲識魚梁試作則箇看輕拋野渌罩清寒幾回漉起空

無物輸殺羣兒下釣竿

吾宗孫子喜相過一笑檀欒似樂窩且向尊中陪北海

直須閒裏識安坡

酷愛鳥鳴山更幽牆陰風雨但颺颺筠籠買得春禽語

不曾憂時也白頭近得白頭翁善鳴

管弦不礙登山屐梁肉何妨滿腹書豈是清談愧夷甫  
為何阿堵繞吾廬

試向清池放小鮮洋洋國國忽悠然枝人真箇知魚樂  
殺活機鋒總是禪

分席春畦僅一弓靈根移自石窗東五味子生於四明山饒渠五

味誇仙藥爭似鹽梅正策功

紛綸造化信多才果解分風作去來我向南坡一旬雨

春陰今曉為誰開

小窗白醉篆香遲只有書君伴燕頤料得人間無此樂

安晚堂詩集

補編一

十六四明叢書

約園刊本

殷勤獻與定牢辭

枝筇挂起一旬彊翦翦春寒到柳塘白髮不公欺老我

偏於閒處引風霜

記得兒時誦古詩其甘如薺謂吾欺淡交休恨相知晚

攜向晶盤笑殺伊牆根春薺怒生

曉來兩鵲屋山鳴報喜多應只報晴似為東皇傳好語

故留勝賞到清明

舊日都城飫子魚一鱗今不到茅蘆果然額上通三印

盡去侯門待鯉書



安晚生涯冷似灰別墅經營半月迴誇與兒郎翁驟富  
詩囊盈握送陳雷

紅紅白白共支榮怪底山茶有寧馨情得司花來判斷  
不妨一姓養螟蛉

和虛齋勸農十首

迢遞層陰曉自開仙船花底問瀛來文章太守非遊衍  
爲省春耕特地來

燕天妖焰誓初沉朝汲仁賢簡帝心未用鋒車便脂筆  
小須千里偏春霖

安晚堂詩集

補編一

十九四明叢書

約園刊本

蔽日寒雲悄欲秋仁風載路曉光浮田翁攬抱兒孫笑  
竹馬橫陳未肯休

問訊桑麻真郡政案行松菊似家山挽回和氣歸田里  
只費齋鈴半日閒

暇日棋書六一翁錦檣絲轡與春逢年時豹尾車中望  
山色有無知幾重

曉夢吟成望帝歸征鞍未許柳絲知笑聽鄮嶺春禽啼  
去博延英午漏遲

醜顏醉客玉西東半溼塵衫上翠空鄒谷雖寒應解黍

朱車面面是春風

小隊旌旗半道歸松陰緩策攬清暉女郎未覺寒帷過  
笑語相教著嫁衣

老黠山靈具六通解將蒼狗護奇峯虛齋自有青囊眼  
卻笑景純書未工

恰好農時踏翠煙睡龍驚起雨公田官程便作乘閒看  
不用扁舟學計然

三月二十四日自東山到金嶷一宿而歸偶題

壁上安晚居士自覺際航湖入東山道金文意

安晚堂詩集

補編一

二十四四明叢書

約園刊本

行至此淡晴輕冷風策策有聲草樹清幽泉石  
雅潔如在天竺靈隱間深靚過之旣暮假榻瀑

通夕喧枕始印魯直夢成風雨詩粥魚鳴展鉢  
而去因筆一絕

橋石天台水谷簾峯迴秀擁更深嚴我來便欲兼忘世  
少立清風爲拂髻

和白雲老禪二偈

閱盡恆河水上波聲塵何似泡漚多還師拍板鉗鎚後

更唱誰家別調歌

簷鐸吟風月半凹黃金布地欠誅茅三更出日真光景  
大好欽身正笠包

戲嘲杜宇

呼晴不似鳩知務報喜何如鵲愛人有口自鳴誰禁汝  
亂啼何必待殘春

游松山溪塘晴日蕩漾

紅染花稍未是真一川晴綠最關人誰知屬玉雙飛處  
占斷西湖幾許春

漁舟

安晚堂詩集

補編一

三四明叢書

約園刊本

明月清風住釣船新秋世界落詩編漁翁若遣騷人作  
去宵食人間一點煙

卽事

微雲疎雨一分月折葦枯荷強半秋猶有遠禽飛不盡  
急翻孤影暮江頭

別僧

溪邊風景遠且平頗似江鄉雙眼明柳風浙浙荔日淡  
記取生還第一程

頓上人持瑩蘿月五詩見示因走筆和韻聊禦

睡魔

蘿月禪機莫強猜如來無去亦無來霜凝寒綠歸松鬢  
春染輕紅入杏腮

須彌境界舍方廣芥子中間見福昌但使有船堪載月  
不應無佛漫留堂

竺乾心法拈花笑洙泗家風鼓瑟希一問已應居第二  
更詢來處落三機

三更日出行千里百尺危竿到幾回遮莫分身兜率去  
聽從路滑石頭來

安晚堂詩集

補編二

三四明叢書

約園刊本

病著心華須佛治老僧眼纈要經遮忽逢蘿月五禪偈  
絕勝盧仝七椀茶

賜第登樓

桃李漫山不是春紛紛蜂蝶趁遊人梅花已帶春歸了  
分付垂楊灑路塵

病思歸心走兔迹自嗤幻境未渠忘并州便作咸陽看  
說若桑乾亦故鄉

登飛來峯

懸崖石路擊蒼苔川竇巖扉處處開信是拔山人有力



一牽擲碎總飛來

濃綠中間芍藥一朵

杏桃結子已成翁稚綠中間著毫紅階藥元來如許壽

麥秋天氣露春工

夜雨

依風急雨墊秋清疎數無時總有聲最是可怜雲裏月

幾翻雲翳幾番明

花間見蝶

粉翅縈花幾度忙惜花長是為春光爭如箇箇蜂鬚上

安晚堂詩集

補編一

三

四明叢書

約園刊本

到處分甘作乳房

天育二老禪惠示經佛偈答以十詩

二老毫端一滴曹喚醒獮語亦叨叨更無慧可安身處

作麼當時立得牢

餘塵明極強分離菩薩如來是阿誰既道本來無一物

將何芥子納須彌

龍宮海藏自分明揔擗灘頭一任傾因果若遺終不昧

政須防作野狐鳴

書經猶有遮箇在畫佛何曾夢見來玲石玉峯雷雨過

梅花昨夜一枝開

三經已是太多羅州去休休更問婆箇裏幸然無一事

何須終日把瓠磨

四千劫來間坐休忽拋長舌鬧藍頭若言面壁為新法

瞿老還須第一籌

懵懂維摩不二門略無遺囑付兒孫普賢若匪剛饒舌

此事何如更吐吞

老胡無聖亦無言鷲指虛空喚作禪掌血條痕無著處

誰教白地患青顛

安晚堂詩集

補編一

三西四明叢書

約園刊本

般柴運水老龐禪佛法無多在蜜邊餅汝將來還與汝

因師交點更團圓

生老年來病已深灸癩著艾復難禁六根四大元無有

何處求師下一鍼

安晚堂詩集補編卷二

此集原闕五卷自第六卷至十二卷止祇存七卷乃傳鈔丁氏八千卷樓本也王阮亭跋語闕卷亦同是國初已無完本矣鄭德源南宋名相四登揆席當日有小元祐之稱其詩翹出時輩清穩樸茂未可以多用禪語薄之江湖後集收有安晚堂詩兩卷其中詩頗多集中未有者刊附於後名為補編即依江湖後集之例凡詩為前七卷所有則留題去詩於原選次序仍不紊亂計增補詩一百七十餘首亦可彌佚去五卷之憾矣辛酉季夏之鼎識

安晚堂詩集補編 識

一四明叢書  
約園刊本



安晚堂集輯補

宋鄭 鄭清之德源撰

清南城李之鼎振唐輯

輯詩

詠六和塔

經過塔下幾春秋每恨無因到上頭今日始知高處險

不如歸臥舊林邱瞿佑歸田詩話

荷花

一樣娉婷絕代無水宮魚貫出瓊鋪綠何買得凌波女

安晚堂集輯補

一四明叢書 約園刊本

為有荷盤萬斛珠全芳備祖前集十

茶

書如色香倦猶愛茶似苦言終有情慎勿教渠統袴識

珠檀碎金浪相輕同上後集二十八

上清宮

雨餘日脚到天涯十里平山戴晚霞疑是千虹蟠絳闕

頻移光景入仙家

上清山腹正便便騰納風光似朝川曉雨洗開新綠岸

晚霞蘸出嫩江天鞭浮野竹數莖筍葉俯秋荷幾柄蓮

不是西園最良更於何處著烟仙以上咸淳府志七十五

淨慈寺雙井

水神何時生六翮飛出雙泉江練白平湖浸月渺無邊

一笑對之成揖客輾轡初動曉星橫夜捲寒瓊聲泔泔

千年佛殿礎花乾十畝空庭蔭修柏問泉何事逞奇觀

故向庭前作真澤昔年何塞今何通泉豈有心猶揀擇

若云泉自井中來枯發沿山有龜坼如信地中泉自見

是年何須穿土脈幡風胥動兩無憑細詮此證歸禪伯

我方饒舌為作記了不相干勞刻畫寄詩更欲結茶緣

安晚堂集輯補

一四明叢書 約園刊本

付與宗風自錐拍咸淳臨安志七十八

贈雲洲老師

嘉定丙子斗插申秋灰出管纔半旬我來適值蒸暑節

燭龍吐燄扶桑濱炎官流汗走躑躅金烏啄火焚空昊

溼雲擁岫呼不出火雲糊天挂赫日腦脂蓋眼壯士眠

誰挽天河洗蒸鬱友人萬君家龍丘追涼共作招提游

入門指點到丈室中有石壁清且幽半月泓澄鎖寒淥

氣象淒切涵清秋淒然便覺肌骨爽恍疑石罅蟠蛟虬

老師宴坐圓覺場一笑對客雙胡牀雀芽新試蠲眼湯



未到舌本先生涼懸河倒流揮玉塵果然驚出蛟龍舞  
須臾霧裏浮屠尖地墨天昏作風雨吻端造化轉寒燠  
約束商羊上天去雲開月明眾峯出指向巖前石應語  
歸來爲乏瓊瑤報清夢安排幾番到池角土花生碧草  
逗曉簷前乾鵲噪我承佛敕爲行詞可拜雲洲老師號  
咸淳臨安志八十五

轉句

堅白雖占南枝先淺紅尤待北人識紅梅全芳備祖前集三

客裏不知春早晚失驚紅雨到牆陰杏花同上

安晚堂集補

三四明叢書約園刊本

玉昆相倚帶仙風壁立春前百卉空水仙同上

國香不欲論家譜合姓孫枝作鄭花蘭花同上

輯文附

理宗御書昭勳崇德閣扁記

紹定元年十一月癸巳制詔翰林學士臣鄭清之以昭  
勳崇德閣成宜書其事於石臣恭維皇帝陛下誕膺駿  
命憲章鴻烈翼翼兢兢思懋厥紹粵嗣位之元顧二三  
大臣曰洪維前寧人貽則垂裕規閱矩修子曷敢不迪  
有未輯者其議來上亟緒成之既而太常禮官舉嘉定

表章勳臣之旨以間皇上曰都來汝相臣汝爲世臣協  
心同德保乂我宗社不續光于文人其輔朕祗通先志  
式序前朝股肱之美以詔不朽維爾先正亦寵嘉之於  
是少師右丞相臣彌遠奉俞咨閱故府凡以功宗作元  
祀自韓忠獻王趙普至卿文定公葛邲合文武二十有  
三人爰卽頌臺建傑閣肖像登繪洎寶慶二禩八月告  
成賜名昭勳崇德之閣親灑宸奎揭以珍扁八法端麗  
雲漢昭回煌煌乎續述之鉅典激勸之曠儀弗可尙也  
臣幸以鉛槧末學待罪北門鋪宏休對顯命職也敢拜  
安晚堂集補  
三四明叢書約園刊本



季彊宇厖裂人物竄陋太祖皇帝更造人極灑濯多士  
烝髦顧俊雷奮雲合豐芒涵濡燕及累世聖作明述垂  
三百年造區夏登太平恢中興代有顯庸流芳無極雖  
祖宗禮隆恩厚負異前代而諸臣之所自致有不徒以  
功名稱者論相業則培立國之仁語將略則本止戈之  
武固人心於綴旒維帝業於帶礪宏度淵識莫可涯涘  
至若擁立元嗣坐鎮危疑以措天下泰山之安輔成潛  
德決定大計以續聖代無疆之緒又皆忠貫日月功塞  
宇宙而謙抑韜晦身名俱榮非德之鉅者勳必全歟繁

安晚堂集補

五四四明叢書

約園刊本

昔襄功之典法形貌書官爵氏名考其顛末事多遺恨  
猶以憑藉寵靈風示民宇矧如今日不視功載龐臣碩  
輔忠烈純白卓然爲世標表尊崇昭顯輪奐翼如丹青  
炳如與國之禮樂憲度相爲無窮凡爾臣工顧瞻遐想  
欽乃攸則思紹阿衡之美式周公之訓以長我王家茲  
惟休哉臣既敘其梗概作而歎曰大哉列聖之澤乎而  
寧宗發之懿哉寧宗之志乎而陛下成之誕敷隆指兼  
舉勳德以章既往而厲方來旼麒麟凌煙之繪溟滓然  
弟之矣詩不云乎維其有之是以似之於千萬年永承

無斃咸淳縣志

論敬天之休難疏

敬天之怒易敬天之休難天怒可憂而以為易天休可  
喜而以為難何哉蓋憂則懼心生懼則怒可轉而為休  
喜則玩心生玩則休或轉而為怒歷代名臣奏議十三

少游留題龍井跋

坡仙至錢塘特與辨才師爲世外交師歸老龍井坡爲  
作二志亭詩一時名勝多與之游瑰詞藻翰衣被泉石  
至今枯槎斷壁間奕奕飛動獨少游記文得元章書二

安晚堂集補

六四四明叢書

約園刊本

妙相輝宜耀不朽而寺失其傳好事者悶然不滿紹定  
己丑得真蹟於戶書胡公規印以他米書不謬每念鏡  
之寺中以苴放軼一日語京尹趙公公斂衽曰前賢之  
勝韻不續實遺吾邦蓋寺於何有亟訪堅珉刻之且捐  
錢百萬畀住山宗炳建樓植鐘新緇宇之弊於是龍井  
之勝若前賢之嫩如創見然余每愛少游支筇步月敲  
辨才門夜半清語殆非人間世今留題中寫澗谷經行  
登危憩寂之境衝煙破暝之態溪潺林影斷續隱見雖  
善畫不能及題識猶爾况記乎雖然微尹公好古博雅



則斯記未必遇雖遇未必遽赫然在人目余幸記之遇顯之速也於是借石忠書其顛末

咸淳臨安志三十七

御製真武贊恭書

臣恭惟皇帝陛下嚴恭寅畏惟典神天如鼓應桴有禱斯格真武聖靈於國家福祐最顯禁中尊奉端自前朝陛下加以徽稱讚以天筆海內莫不知所敬仰臣於龍山真聖觀因觀鑿義江師隆所藏真武聖像神采雄毅意非吳道子不能作遂俾刻石消摹本上進蒙御書聖製讚於上方於以傳示萬世與國同休

咸淳臨安志四十二

安晚堂集輯補

七四明叢書約園刊本

報恩光孝禪寺雙井記

即淨慈

水於天壤間無所不通然有聚焉有會焉余望洋向若則湖者水之聚江者水之會也錢塘左江右湖湖濱江岸湖之泉皆有所麗而不克以自立方雨盈於滄瀑飛於山濯煙嵐而走塵陌汪洋衍肆可溯而瀆可瀆而注可止而環也至於遙岑不雲平畦斷遂水之行乎地中者江湖實驅而有之或未旱而縷汲匱雖靈山福地不免焉淨慈為寺甲於杭負山面湖出清泚而瞰滌淨宜若不畜於泉也而鏗鯨擊鼉干衲頤哺齋盂茗碗嫩風

嚙月捐捐乎晨夕之供水之畔湖而私於井者不給則取餘於湖山君愆然法薰之來馭禪以律而梵槩嚴約眾以己而緇計裕增舊濯新無一或闕定餘周視其庭慨然歎曰美哉山序之有斯刹也而猶病於汲以錫叩地而祝曰井於斯泉於斯眾粲然笑謂是信有泉耶薰弗為畫亟召工具眷鋪廟佛殿之前陳為雙井對峙未尋而液未丈而溜及泉而噴湧既壁而泓渟不與時虧溢有異之噫斯泉之所以異者涵翠麓之寒清敷靈源而獨出非假道於江而借資於湖也其潛也如避其見

安晚堂集輯補

八四明叢書約園刊本

也如期深以蓄其德高以下其施其猶特立之君子而能擇其人者歟是可尚已薰復崇二亭以賈其上而謁記於余余辭曰孤山六一泉實歐蘇惠勤之勝跡故以泉名於湖茲泉也固非偶然者若重以記無嫌自詭於先賢乎薰曰天一生水而地以六成之蓋未始無配吾將進雙井而友六一則孤山之泉不孤矣否則歐蘇笑人寂寂於記乎何遜余無以辭因識其顛末而繫之以銘云水胎於乾而育於坎凌高沃深不召而感彼悍而恭以血飲兵屬韃一呼枯發儻盈相是幻泉為德之乳



寂以心法如子得哺昔泉之悶熱於九洲垢祖渴祖爲  
薰出焉清夏煥冬蒸雲化雨澤我大地洗眾生苦我笑  
謂薰口吸西江一滴不嚙付此井雙咸淳臨安志七十八

靈芝崇福寺撥賜田產記

浮屠氏學以空爲門放乎一世之表以之羣居則肆故  
莫難於律律以畏爲宗動爲萬物所縛以之謀食則拘  
故又難於養以律名者眠曰禪曰教不能什之三釋之  
從事於斯嗜亦勞矣杭之俗佛於錢氏結廬徧人境獨  
靈芝爲古律利負城關而挹湖山宅幽寶勝足以囊括

安晚堂集補

九四明叢書

約園刊本

雲水頤指煙霞游方之士一望輦轂之下首以爲六月  
息之地終冬始春履溢戶外無虛日客有過而問曰是  
能蟬蛻塵埃餐沉澗乎熊經吐納服汞鉛乎將飛錫行空  
乎抑面壁坐忘乎若猶未也則鏡寒碧倚蒼秀幾何不  
爲殷雷之藪耶語未既有老衲笑於旁曰客何識之隘  
耶吾法有大神力獲於無盡之田殖於不貸之圃坐致  
香積如天雨花方將屬厭方將鼓腹雖然有由也自吾  
宗師久公以耆年清德爲今太傅樞使大丞相魯公所  
知來董法席學子麋至庖煙屬雲間傾困轅金曼執事

者師謂吾有化菩薩爲天帝釋輔方出現世間能續佛  
慧命誠爲汝謀其方他日見魯公誦之不俟詞畢請諸  
朝界戶絕之田七百畝有奇而粟磷磷矣復出私錢二  
百萬易沃壤爲畝二十有五而茹菁菁矣時紹定元祀  
也於是踊糴之歲腐紅積倉隕霜之晨寒綠蔽野鍾魚  
一震泉石皆七箸聲收鉢敷座則相與歎曰大哉我公  
之賜也繼自今食焉而不營居焉而不絀庶無負吾律  
乎久句記於余有以其說告者因筆之以贈且爲之言  
曰公之霖雨四海潤澤羣生也如水行地何適不通至

安晚堂集補

十四明叢書

約園刊本

於鑿井得泉直溟渤涓溜耳公於此奚心哉然安居而  
暇日登高而四顧湖之水清且漣漪不可以療飢湖之  
山蒼然翠碧不可以爲食既飽而嬉繁公之德山有巖  
而水有涯公之德兮無極僉曰然請以是登諸石咸淳臨安志七十九

白公竹閣記

竹閣白公樂天之遺蹟也按唐史及長慶集樂天以中  
書舍人出守杭暇日有宿竹閣詩此竹閣之始見也又  
按東坡集白公竹閣在孤山廣化寺與柏堂鄰此竹閣



之所在也東坡至杭嘗爲賦詩有古寺無人竹滿軒之句此閣至我朝而猶存也六飛南渡紹興間以孤山爲四聖觀有旨令守臣遷竹閣與寺於北山此竹閣遷徙之大略也天府雄劇曩以能政稱者猶百適是懼閣廢不治漫弗訾省今京尹戶部尙書袁公韶填荆清暇援其舊以請廟朝悅從之昇以成材亟舊規度既昔倍徙此竹閣之既圯而復建也先是上美公治行冠屐後前隆以職秩而久其任歲更三閔吏肅民和服習其威惠勸趨其唯諾凡所營繕落成而後人知之修卜植僵徧

宋曉堂集補

十一四明叢書

約園刊本

於四竟西湖最章章焉頃既哀此邦之先賢廬以層寓討其軼闕碣而贊之祠而祝之三賢之堂水仙之宮左右映發清標獨韻衣被罄下神州奧區山加秀而水增明矣公猶欲然搜攬幽邃網羅放失而竹閣之建與寺俱新鏡清流屏翠巘晨光夕霏千態萬貌撫物興懷樂天如可作也公方以碩才用世助熙庶績則表賢厲俗首善始於京師是不可以無紀公不鄙謂清之俾繹樂天所以繫邦人之思者壽之於石清之既輯願末於前復爲之言曰召南之棠峴首之碑白之渠預之橋惠也

人思之宜也若子陵釣石鄴侯書堂庾於樓陶於菊寓也人思之何也賢者所至其游居憩笑之所人必錮而留之有甚於肖形履武者不然章華鹿邪之麗偉阿房驪宮之雄勝闕闕陰陽吞吐日月既埃滅而無餘樂天之閣壞以白雲補以淥淨破以清風與煙颿漁屋相爲隱見直南柯一息爾乃數百年而復顯樂天文章氣節固昭然莫掩者杭之多秀民也詎能人誦其詩戶觀其傳而一談樂天奕奕若前日事斷碑瘴墨流落野亭荒寺閒過者徘徊顧瞻雖蠶夫胡賈亦摩抄歎息而去樂

宋曉堂集補

十一四明叢書

約園刊本

天莅是邦獨治湖浚井見於紀載非有大功捍大患而人愛之如此吾是以知竹閣之賢於靈光也方其自放於寬閒之境幅巾短簞逍遙事外吟肩茶吻視圭爵幾於齋物我泯智故豈自知人間世有樂天者况闔乎噫古今之變多矣陵谷之屢遷人物之數化廢興代謝相禪於無窮而賢者之名終不磨滅是必有以致之後之登斯閣也挹香山之高風思京尹之雅德當相須不朽

咸淳臨安志七十九

石壁雲洲記



韓潮州生平詆佛海上從大顛語藩拔級夷曠然忘儒  
墨畦徑蘇端明文章風局軒豁宇宙至錢塘逢辯才師  
意所領會如印印泥二公龍鸞鳳翥未易迫近乃獨於  
邂逅之暫棄其所挾待釋子以莫逆交則知五經之外  
六合之表別自有人也余夏杪來自成均寓龍丘萬君  
舉之一日連暑相與尋並山佛廬遂至所謂慈照寺者  
有龐眉老衲肅客入西至石壁下丈室中修簷蔽日出  
池橫前風蒲水漪意態蕭爽小定毛髮灑淅如窮秋露  
曉坐水邊籬落間執熱快濯未暇別語余與君舉據胡

安晚堂集補

十三四明叢書  
約圖刊本

牀熟寢既而黑雲壓浮屠上雨四面至師笑曰寒暑一  
變可起矣余竦然異之試叩其意橫貫直驚援引旁午  
纒纒可聽少焉雨霽月影移數弓暮鐘東西起對語未  
倦俗累暑氛洒然俱失余始知有世外味為之留再宿  
而歸師臨分戲余曰來暑去涼何以報我余周視其身  
如焦穀石女無一可以答師之意者請以子墨客卿助  
作佛事因取退之家彼吳洲雲之句扁其室曰雲洲而  
紀其顛末韓蘇方神游八極安知不聞至人間乎苟見  
余文以為非是則大顛辯才可并按也亦以發千載之

一笑云時嘉定丙子閏七月也

咸淳臨安志八十五

乞將史術王配享寧宗奏劄

臣竊觀古今天下之事不早正於一時而貽患於數世  
者獨見之主憂國辱之臣所當深思而逆慮之國家自  
肇造以來聖君代生賢后世出太祖太宗兄弟相遜高  
宗孝宗父子相遜此于堯舜僅見而三代所無有也是  
以家法治法遠過前代相臣將臣謹守忠節迨至元祐  
哲宗御極宣仁臨朝母子之間初無異意新法之改實  
當人心亦神宗之素志也未幾而小人基之倡為紹述

安晚堂集補

十四四明叢書  
約圖刊本

之說自詭援立厚誣先朝遂致京闕交毀我室豈真風  
雨漂搖之變哉蓋當是時正人 國無仁賢不能早  
正明辨絕履霜堅冰之漸弭東蘊燎原之害靖康噬臍  
亦何及矣恭維藝祖皇帝在天之靈系隆正統使孝宗  
既作于前而陛下復啓于後萬世無疆之休方自此始  
初潛之建繼照雖出于寧考之定見陛下之無心而實  
基于故相史彌遠之忠慮培根沃膏非一日矣至於茂  
陵憑几慈聖垂簾當中外危疑之時有風雨呼吸之悲  
乾龍御天朝野愛戴直頃刻間耳所謂垂紳正笏不動



聲色措天下於泰山之安彌遠有焉使事幾未判之前  
有毫髮幾微之露將如李泌所言必有就舒王求定策  
之功者臣自聆彌遠淨慈佛閣之言橫經潛邸日夜兢  
業惟恐於魔寐世之況是時臣於濟府講官盧子章並  
居臣恐其密有啓白俾臣男易服來往於濟門之外伺  
察動靜忽以赫遞報濟將入禁中已促前馬矣彌遠亟  
遣人諭以朝廷方舉行奏告禮不宜深夜駭驚觀聽濟  
乃掩關就寢彌遠始獲一意區處詰旦事節懼有屬垣  
者即撤去屏障今四面洞然就坐中堂儼定進封節次

宋晚堂集

五十四明叢書  
新圖刊本

指揮討論垂帷典故商確詔文語意雖韋蠅莫知也曉  
鐘動彌遠趨朝如常時密疏椒房集禁乞於簾前有所  
陳說既見力請舍昏立明以決大計慈聖答曰此先帝  
素志也當時簾前所奏之語臣嘗見彌遠錄本自合進  
呈付之史館而彌遠以言功爲嫌止藏於家臣端平去  
國乃有忌賢嫉功之相誘他執政子鑿空傳會妄飾  
函賁緣以進而宿姦詭智又爲之羽翼証言簧鼓聖聽  
雖聰一時之褒贈不顧百世之是非亟取正史勒之事  
實歸功政地使彌遠若無預者臣嘗觀時政記無一語

及當日時事爲之短氣拂膺而衝冠也韓愈有云天地  
神明昭布森列不可誣也代邸一節在下者獨彌遠宅  
之與臣知之而謂執政先時與聞者實爲欺天罔人之  
說陛下篤念彌遠豈以私恩爲哉蓋安家所以寧天下  
存我所以厚蒼生聖明嗣歷迺洪宋億萬年之統緒誰  
力是賴霍光雖非伊尹偶而後日稱之必曰伊霍以其  
事同也彌遠已沒宅之又亡臣今日既無狗情締交之  
嫌獨有憂深思遠之慮不早辯之則異日使巴陵之邪  
黨復祖紹聖之故智變亂白黑巧飾異論如邢恕輩覆

宋晚堂集

五十四明叢書  
新圖刊本

出爲虐我國家豈堪再壞耶臣爵位已極光陰無幾凡  
世間事一無覲覲獨以國事爲意出於一念之烈有不  
能自默者平淮西碑不言李愬功一軍士猶能訴之臣  
受國厚恩具知始末可不直書其事爲陛下告欲望聖  
慈以前口所親歷者隱之於心驗之以事明紹統之公  
義略報德之私嫌特降御筆以故相史彌遠配享寧宗  
廟廷取嘉定末年國史從公釐政以正春秋謹始之元  
以圖紹興誣上之禍宗社幸甚

四明  
文獻

書南豐黃大受露香拾稿



杜審言黃亞夫之詩皆因其後顯文章有源委哉南豐  
黃君伯厚仕於鄴以詩鳴搜冥抉微時出新意不肯爲  
籛下語暇日出編詩讀之如行澗谷秋空月曉松竹  
策策有聲余固異之已乃知其先君子之作源委深長  
矣而再世屈於右階會有知王適者其勿督過一丁字  
淳祐改元夏五吉日洞霄散吏鄭清之書

南宋羣賢小集

安晚堂集輯補

十四明叢書  
約園刊本

安晚堂集輯補

雁門吟  
一  
卷

子銘羅先景書





宜 乙  
秋 卯  
館 六  
刊 月

雁山吟

宋呂大亨撰

賀太常黃少卿

自從朝奏一封還，便整歸裝問故山。剩得清名千載重，何妨晚節十年閒。慣尋夜雪遶溪路，却謝春風漢殿班。國史舊編皆簡討，春秋直筆任詩刪。

次新邑黃宰錢丞韻

一邑何期獲二賢，花開滿縣總翩翩。賦詩各出新機錦，裕國還饒內府錢。槐竹兩行公事辦，絲桐三弄振聲傳。作成和氣儂家好，多稼如雲詠大田。

雁山吟

一宜秋館

過杜潭題曾祖慶源巷

橫江瀨氣欲欺裘，木落千林水露洲。偶為搜荒投隴畝，因而展省到松楸。神駒已應當年兆，祥筍還為後裔留。寄與老僧勤灑掃，庭前橘綠柱香浮。

和張主簿喜雪

夜讀書牕未覺貧，朝看萬瓦沒魚鱗。飄來灞岸春風絮，瀉下瀛洲玉斛塵。笑我冗懷多奪事，羨君清思獨凝神。遙憐夜月山陰道，還有扁舟乘興人。

題南巖寺

誰把長竿釣巨魚，至今蹲石倚空虛。峰房愛向山厓

結鳥跡疑從海島居，入座翠嵐生畫寂。夾川紅樹照春餘，任公此去三千載。為看芳碑一慨吁。

遊石佛寺

金吾不必問行山，去去逍遙物外遊。半塢白雲藏宿鷲，一聲橫笛下歸牛。喜瞻傑閣三生像，藐視叢林四海州。為寫濯纓疏拙句，誰言墨迹至今留。

東陳巖庵寄諸兄弟

地接丹邱姥嶺餘，山盤曲折狀如蛇。每因過此瞻雙隴，何必從旁置萬家。孝弟本根時潤澤，詩書種子日萌芽。到來豈但春秋事，一酌何妨一獻花。

雁山吟

二宜秋館

開禧丁丑重過龍門有懷方丈老子

翠屋空交結夏陰，征鞍亭午喜登臨。披開草棘千叢路，洗出水壺一片心。禪老還尋江浙去，詩家誰作楚梁吟。須知珠玉原無種，不惜西風惠我音。

謝張漕薦剡

誰人洗甲挽天河，玉宇無塵海不波。漢使褰帷將命出，淮民挾纊被恩多。流離豈但身安集，凋瘵親曾手拊摩。惠利纔施催召亟，其如席未及溫何。

賀葉司業兼中書舍人

英妙才華四十年，山林朝市姓名傳。何妨萬斛橫江



上不礙千帆過目前我肯尾書干木紙人饒首着祖  
生鞭金鑿何日商風雅伴直能呼孟浩然

寄太湖黃縣尉

立項談餘袂輒分乖離數數異朋羣君如天揭行空  
目我亦風吹過嶺雲不許范張同飯黍空慚李杜共  
論文睽違動涉經年裏棋壘詩壇要策勳

與丁撫幹

兩年肥水喜相逢託契門牆今已重士有彌衡心肯  
薦侯如雍齒首先封更看謀略稱等輩會見精神坐  
折衝敗走苻堅兵百萬圍棋別墅意從容

雁山吟

三首 秋節

悼止齋陳先生

萬里長江發自岷作興一代有斯人六經論難言前  
解千古興亡筆下存愛向田間看耒耜肯容天上掌  
絲綸如公到處鐫佳句今日池塘草自春

舒城道中

還轅天作十分晴瀉出秋光一派清走筆欲題人到  
跡揚鞭不住馬嘶聲頃禾晚熟黃雲色籬菊朝含白  
露英得似淵明便歸去侯門童稚出歡迎

重陽桐城道中

萬古長江一帶流從來戰地不容休閒闕千里軍前

約簡一作牢落重陽客裏秋悵望白衣來送酒了無黃  
菊與簪頭何人早斷樓蘭首試解君王宵旰憂

九日登資福山呈胡宣教

飛屐來登最上峰千山擁翠景無窮遙看雲影參差  
外靜聽泉聲斷續中今日黃花重九約何時青眼一  
尊同好天風月閣相寄早晚南來有過鴻

西寺留題

白日孤雲自在閒紅塵一事不相關寺遮翠靄青蘿  
外人到落花流水間欲效錦囊收勝概慙無玉帶鎮  
名山白蓮喜結當年社未厭朝來暮便還

雁山吟

四首 秋節

題龍翔觀

曾到龍翔不記年兩峰巍壓水中天潮生潮落青蕪  
外人去人來自鷺邊四接遠遊僧萬笠重新舊觀屋  
千椽東南送目秋無際隔岸人家問釣船

和黃教授山堂招飲

鼎鑿事業未渠休鷗鷺等盟暫與儔路絕芝巖真絕  
地客延蓬島盡名流不辭一洗陶巾醉更擬雙飛謝  
展遊誰賞洪都高閣句落霞孤鶩唱漁舟

謝石主簿和章

多君親養大椿年便腹詩書畫欲眠絳闕當年名藉



甚白雲他日跡飄然千軍筆掃人誰敵九轉丹成世  
莫傳倦眼功名夢袖手剩看月露出新編

詠桂花

獨占三秋壓衆芳何誇橘綠與橙黃自從分下月中  
種果若飄來天上香清影不嫌秋露白新叢偏帶晚  
烟蒼高枝已折卻生手萬斛奇芳貯錦囊

和王子寬韻

綠蔭千重竹清流一帶溪子真耕谷口楊震講關西  
手摘星辰近名登泰華齊古來公相業誰不起鋤犁

春郊

雁山吟

五言 秋館

勝日遊郊外嵐光入眼新桃花開萬樹又是一年人

山行

山花雨後紅野草風前綠浩歌歸去來不辱在知足

先春

梅花

不把春光較後先清香自是壓羣妍微酸一點成功

日桃李從他逞少年

雲錦

桃花

擁蓋難遮萬臉紅爛然雲錦入簾空更看雨過新妝

洗百媚都歸一笑中

紫霄亭

半空烟雨有無間碧玉屏開四面山我欲紫霄亭上  
望吹笙人去幾時還

又

未把浮瀛閱世間蓬萊一水隔三山試窮千里登臨  
目望斷青山白鳥還

芙蓉

楓葉飄林竹隔牆偏於冷淡逞濃妝天教不趁繁華  
月要是秋來不耐霜

括蒼山行

微風吹雨濕闌干薄霧籠晴帶淺寒一樹紅梅牆外

雁山吟

六言 秋館

發誰家美麗倩人看

丹邱道中

夜宿溪頭十里村數星漁火照籬門雁山峭絕經行  
處猶帶烟霞入夢魂

縉雲道中

縉雲通道入皇都花滿京城水滿湖借問今來丞相  
府後園人有醉歌呼

遊石城山

祇因尋勝到林泉四抱回峰萬景連僧過不知山隱  
寺客來方見洞開天浮圖照水光相映古木依厓影



倒懸風露了非人世界天字有誤淮纓秋後玉壺天

過七里灘懷古

七里灘頭訪子陵水光山色見生平欲為臣子定出處知與君王分重輕一介草茅真自負三公軒冕未為榮我來想像高風在釣石巖前烟浪生

呂大亨字聲之新昌人與仲弟冲之同師陳傅良友蔡行之在太學齊名然困阨久之乃授宿松尉徙太陽丞時嚴稱提之令大亨上不廢法下不病民民尤便之終昭信軍節度推官所著有沃州雜

詠

雁山吟

七首 秋節

雁山吟

南城梅樹垣紫庭校

歌

勳

令

一

齊

子銘羅兎具書







說劍吟

宋 呂 定 撰

懷古

我昔遊海上東望三神山風波幾萬里蒼茫雲霧間  
魚龍自掀舞天空日月閒神仙渺無跡徐福去不還  
空餘蓬萊閣千載留人寰

追和蘇子瞻遊峽山寺韻

山迴寶華閣水遶金鎖灣塵慮頓焉息於茲開我顏  
疏鐘日夕動老僧林下還天風吹白雲悠悠滿松關  
歸猿有餘悲月冷嘯空山仙人自何來翱翔八極間

說劍吟

二道 秋 錄

手把玉芙蓉吟歎鏘佩環歌罷忽飛去千峰堆翠巖

赴京

太白樓前雨乍收畫船拋鼓上皇州肯因離別牽愁  
思要把勳名事壯遊千里關河旂帶月一天星斗劍  
橫秋胸中剩有安邊策此去應當獻冕旒

奉天門朝賀

曉日初臨萬歲山寶幢華蓋列朝班九重天上來仙  
樂五色雲中識聖顏深殿卷簾香霧裊近臣傳制珮  
聲還嵩呼齊祝恩如海散作陽和滿世間

調兵

年少談兵膽氣豪折衝千里豈辭勞旌旂影動秋風  
蕭鼓角聲回夜月高紅錦裁鞍新試馬黃金裝帶舊  
懸刀臨征自信軍容盛五色團花繡戰袍

扈駕

八月秋高戰馬肥觀兵郊外振天威一聲鳳吹迎鸞  
馭五色龍文雜袞衣劍戟橫空金氣肅旌旂映日綵  
雲飛令嚴星火諸軍奮直斬單于塞上歸

班師

紫塞回鑿雪正晴王師百萬擁連營馬嘶大地山河  
壯旂掩長空日月明龍虎臺高千嶂聳鳳凰城近五

說劍吟

二道 秋 錄

雲生聖顏有喜天心順中外歡聞奏凱聲

登東嶽山

海內名山孰與齊清風披我上丹梯鵬程九萬扶搖  
近世界三千指顧低瀑挂天門驚霹靂雨蒸日觀出  
虹霓太平會見東風盛玉簡金書煥紫泥

雪夜

漠漠同雲徧海涯曉風寒逼綠窗紗飛揚鱗甲三千  
界妝點樓臺百萬家何處妙歌金帳酒誰人清對玉  
梅花便應火鼎融冰水烏帽籠頭自煮茶

望岱嶽



岱宗東望鬱嵯峨萬丈仙橋鳥外過秦樹千年空老  
大漢碑終古不消磨 夜靜乘星斗石磴春深長  
薜蘿記得舊遊曾載酒頽然峰頂放長歌

望嶧山

極目東山秀色濃紫霄千葉醉芙蓉題詩 仙人  
洞飛珮曾過玉女峰樹老孤桐秋露下碑殘古篆暮  
雲封何時再醉天門月臥聽清風萬壑松

登彭城樓

項王臺上白雲秋亞父墳前春樹稠山色不隨人事  
改水聲長近戍樓流空餘夜月龍神廟無復春風燕

說劍吟

三宜 秋餘

子樓楚漢興亡俱土壤不須懷古重夷猶

戲馬臺

據鞍揮指八千兵昔日中原幾戰爭追鹿已無秦社  
稷逝騅方歎楚歌聲英雄事在人何在寂寞臺空草  
自生回首雲山青磊磊黃流依舊遶彭城

夜宿巖社湖

湖光如鏡迴無山耿耿銀河路可攀萬象不移天地  
外一塵能到水雲閒月明孤嶼森樓閣夜靜飛仙過  
珮環借問孟城何處是微微燈火綠楊灣

金陵旅夜

一雨皇都萬象明東風嬌轉上林鶯火烟亭館春多  
少鐘鼓樓臺夜幾更枕上故園蝴蝶夢枝頭斜月杜  
鵑聲銀牋欲寫長相憶滾滾江流不盡情

過小孤山

八月靈槎渤海門翠雲臺上醉芳樽峰頭樓閣相高  
下水底魚龍自吐吞萬古青天留玉柱五更紅日湧  
金盆宦遊不盡登臨興欲洗蒼苔頌聖恩

登翠雲臺

一柱中流亦壯哉分明世上有蓬萊簾開廬阜層層  
出船汎岷山滾滾來夜冷神龍蟠水府天青仙珮下

說劍吟

四宜 秋餘

瑤臺閒將玉管吹明月勾引翩翩彩鳳回

遊匡廬山

欲向匡廬觀瀑布便從彭蠡驟樓船一聲長嘯來丹  
壑千丈飛流下碧天洞裏樓臺無歲月雲中雞犬有  
神仙憑誰呼起巢松者醉擁宮袍對酒眠

度大庾嶺

鑿破鴻濛一竅通至今傳說九齡功天垂瘴雨蠻烟  
外路入炎荒火樹中萬里關河瞻北極兩行旌旆過  
南雄鷓鴣聲裏端陽近榕樹青青荔子紅

過峽山寺

峽江江上峽山寺落日峰巒翠作堆雲擁半空樓殿  
出天然一幅畫圖開仙人采藥和光洞釋子翻經化  
樂臺願我紅塵車馬客題詩無暇掃蒼苔

登越王臺

海上荒臺草樹平登臨不盡古人情白雲萬里懷親  
舍紅日中天望帝京百粵山川秋歷落三層樓閣晚  
崢嶸醉來徙倚闌干曲聽徹西風畫角聲

浴日亭

危亭突兀倚青山坐對扶桑碧海灣紫霧欲生龍伯  
廟洪濤先湧虎門關光搖宇宙花生眼影動闌干酒

說劍吟

上顏遙望蓬萊宮闕小一輪飛挂碧雲間

遊海珠寺

何年神物抱珠遊遺向滄浪第一洲五色化成金世  
界六鼉擊出海香樓文涵蛟室星辰動影落龍宮日  
月浮萬古圍圍天地裏磬聲敲出海天秋

登廣成樓

三尺龍泉事遠遊越王臺上望南州一天雨過千山  
曉萬里風來五月秋江郭樓臺蠻國市海門烟日曛  
家舟臨戎不有安邊策應媿常何薦馬周

謁金華寺六祖法堂

坐閱人間幾百年雙趺渾似後來禪空明鏡臺前  
地寂寂紅塵境外天風動法林從虎過雲生咒鉢解  
龍眠至今月到層樓上應共祥光午夜圓

呂定字仲安新昌人歷殿前都指揮

說劍吟

六首 秋館

說劍吟

南城程 藩价伯校



雁山吟說劍吟跋

朱述之開有益齋舊抄六宋人集有雁山吟說劍吟各一卷撰者皆爲新昌呂氏向疑爲江西之新昌胡瘦篁侍御甫修新昌縣鹽乘乃云本邑宋代實無此二人殆爲浙之新昌矣聲之仲安除本集後附識語畧具梗概別無徵考雁山吟以清雋勝如食哀梨如把并翦詩境恍忽似之聲之曾師事陳傅良以時考之乃宣宗時人也說劍吟雄壯瀏灑繼軌晚唐厲樊榭宋詩紀事載呂定登彭城樓登越王臺二律小傳與本集附識歷殿前都指揮下多龍虎上將軍有說

雁山吟跋

十一 雁山吟跋

劍集二語仲安其爲擁護磨盾之傳矣亟爲詳校合刊以餉世之嗜宋詩者時在乙卯仲夏南城李之鼎振唐跋

雁山吟說劍吟校誤表

一葉	九行	廿字	振	疑政之謔
二葉	十四行	九字	種	原作踵
三葉	四行	四字	餘	原作除
	十行	五字	苻	原作將
	廿行	四字	江	原作流
五葉	五行	七字	上	原作桂
說劍吟	二葉	十行	二	原字
	三葉	二行	空格一	原闕
	五行		空格二	原闕
	九行	五字	春	宋詩紀事作草
五葉	六行	七字	層	宋詩紀事作城
	十行	五字	湧	原作涌
	十四行	九字	文	原作交

雁山吟說劍吟校誤表

一宜秋館





湯陰岳珂著

玉  
箸  
集

蔣藩署器



壬戌冬十有二月

河南官書局刊

玉楮集

四庫全書提要

謹案玉楮集八卷宋岳珂撰珂字肅之號亦齋又號倦翁鄂忠武王飛之孫官敷文閣待制歷戶部淮東總領所著程史寶真齋法書贊諸書俱別著錄此集起自戊戌迄于庚子凡三歲所作共三百五十八篇取列子刻玉爲楮三年不成之意自爲序而錄之考珂于紹定癸巳元夕京口觀燈因作詩及佑陵事韓正倫疑其借端諷已遂構怨陷以他罪會事白得釋至戊戌復召用故首篇有五年坐奇謗之語他詩亦屢及此詩止錄此三

玉楮集提要

一

年者其意實原于此敘云木以不材壽雁以不鳴棄犧尊以青黃喪大瓠以浮游取蓋有慨乎其言之也雖時傷淺露少詩人一唱三歎之致而軒爽磊落氣格亦有可觀者王士禛蠶尾集稱是集流傳絕少安丘張貞得高唐王家舊鈔本乃始錄而傳之焉乾隆四十九年閏三月

總纂官

紀昀

陸錫熊

孫士毅

總校官

陸費墀

原序

予自戊戌西遊沔鄂庚子東遊當塗歲凡三周哀彙詩藁得三百五十有八名以玉楮因爲之序昔宋人有刻玉爲楮三年而成一葉雜於楮葉中而莫之辨工蓋如其巧也或從而笑之曰天地之生物自質自形日月之照臨風雨之滋澤寒暑之代謝亦惟因其固有而遂其本然使必三年而成一葉則物之有葉者寡矣以人之僞象天之真蓋又如是其拙也今夫發於性情著於詠歌雕鏤腎腸摹寫月露旬鍛月鍊以求其大巧夫誰不然至於風行水上渙而成文雲出岫間了非有意澄江淨練風雨滿城尙絢

玉楮集原序

一

去華貴乎直遂茲巧也蓋寓乎至拙之中匪徒工之所能媿夫以他山之攻昆吾之切追琢毫芒以取其象似故必待積月以致其力則其成也難遇物感形因時言志不責以浮靡惟取其自然故不待引日以全其大則其成也易彼三年而僅成一葉此三年而爲篇者幾四百其巧與拙將誰實辨之木以不材壽鴈以不鳴棄犧尊以青黃喪大瓠以浮游取覽吾卷者其真我於巧拙之間乎嘉熙庚子閏月己丑晦序



宋岳肅之玉楮詩稿序

余在汴購得玉楮詩稿鈔本一冊。迺吾鄉岳鄂王之孫。開國男岳肅之侍郎所著也。按四庫全書總目載玉楮集八卷。不以詩稿名。茲所得詩稿名異。而實同。惟卷數自五至八。五卷以上闕如也。迺後命兒輩孝彝。由北京圖書館檢鈔原稿。俾成完璧。自戊戌迄庚子。計共三百八十五首。暨誦循環於數百年後。如聞警歎。滿腔心血。現於楮墨。與尋常風花雪月。泛泛推敲者。迥不相侔。顧當宋嘉熙間。肅之侍郎所以騰蹕一時者。固不僅以詩鳴。後之人追溯前蹤。更不敢以詩人目之也。查相臺書塾著有九經三傳沿革

例士人稱頌。至今又金陀粹編十八卷。續編三十卷。辯証傳信。誅奸檜鍛鍊之心。追諡褒封。伸鄂王精忠之志。其性情之純厚。學問之淵深。尤爲古今朝野所共仰瞻。至於興之所至。詠歌風雅。祇其餘事焉耳。然夷考其時。玉楮三年而成。適當紹定癸巳。京口觀燈之後。詩詞涉及祐陵。幾爲韓正倫所搆。陷若非聖明昭雪。宛抑曷伸。噫嘻危矣。語云。詩窮而益工。慨乎其言之矣。士君子生當亂世。凡一言一動之微。時常有乘間抵隙者。媒孽於其間。時局愈艱。操心愈危。三百篇惟二弁繁霜。諸什丹心。耿耿照耀古今。此其彰明較著者。讀玉楮首篇五年奇語。等句。益以知肅之侍

郎所以仰承家學而克繩祖武者。皆由此操心而來。區區詩稿而已。耶。惟是稿本寥寥。自安邱張貞得自高唐王家。舊鈔本後。迺稍稍行於世。相州爲肅之故里。而是稿竟不少。概見薦紳先生。亦無有道及者。余既彙鈔成帙。儼即付之手民。以保鄉先哲之遺珠。并以公之同人。云是爲敘。時夏歷壬戌十二月朔。安陽張鳳臺。



王楮集卷一

三怡堂

宋 岳珂

戊戌二月十日京湖袁總帥以堂帖至有詔復除戶

侍總饗

晝長欹枕酣春臥剝啄敲門驚夢破雙旗健步衣正黃曾  
羅駭見久未嘗泥紫一封芹詔香王人繭牘親遣將老夫  
五年坐奇謗身則漁樵志猶壯豈無戀闕如子牟強擬隨  
裝學張敞浮雲滿空能蔽日雲散天空日華出千三百載  
春又春杜陵久矣無斯人黃衣步塵漫踐踐縱了桴鼓何  
足云故言絮舜工負恩堯天舜日定不爾皎皎太空無點

王楮集卷一

十一

滓當時下書便疑似聊坐和歌焉熱耳寧比三光覆盆底  
金羈欲脫還絡頭絡頭鬣草均一牛吾身本是報恩具千  
年萬年屬明主感恩欲懇淚如雨且願投讒界豹虎

五年不治筆研奉詔起家是日始草辭免奏旋假書

吏于郡題寫皆生疎又堂帖趣行三日戒塗偶成

二首

五年尺牘不賤天一日除書到枕邊感欲宣心筆無語恩  
慚餽口鼎餘餽說驂尙恐傳音誤書馬還思習札便燭地  
燒殘人未寢却輸鈴下愜安眠

露封膳奏曉鳴鈴當御應闕乙夜呈京兆有裝隨使者陳

留無酒憶厨兵故營將鉞談家世老吏公車識姓名塵事  
看看到書尺更驚三日有王程

予控免不獲命恭讀詔書聖訓有朕正欲為卿直前  
枉之語感激思奮始決小草之謀

平生一寸心不為世塗折平生七尺軀擬慕志士烈吾門  
古喬木每抱歲寒節三界秉一心炯炯常不滅雖如卞獻  
玉自比來嚼鐵閉門著辨誣其事已合轍及逢明聖知所  
遇皆負絕隆興錄舊李一誣出奎札嘉熙今詔書復以枉  
為說人生貴知心萬事等一吹矧以萬古光下比覆盆揭  
憶昔賈奇謗同舟忽胡越關弓比射羽舍鏃不虛發仍是

王楮集卷一

二

同功家以豢反得嚙靜思誣與枉二字謹區別兩朝寓至  
鑑四海仰日月蕩誣貴昭昭錯枉豈子子此恩無以報蛇  
雀况微物匪石心可轉襍被計當決塵匣開青萍何時爨  
妖血

黃鳥謹寄吳季謙侍郎時季謙自德安入城子適以

使事在鄂

廬山鶴歸來雙縞衣素袂元為裳翅如車輪夜橫江風  
聲曾走淮淝羌戛然長鳴下柴桑芝田啄粒遙相望何人  
網羅條高張上抉雲漢旁八荒一隨鵬鷗驚遠翔低頭不  
肯謀稻梁一罹置弋沮澤旁局身筠籠翅摧藏鸚鵡洲畔



霞葦鄉水雲蒼蒼江茫茫九臯欲聞聲不揚回顧鷗鷺羞  
顏行忽聞緜笙度宮商紅塵俯視有底忙磯頭刷羽今正  
黃欲搥此樓呼酒狂

予以謬作數種并總所奏藁遺參贊高紫微聞以閱

讀未及賜報平日正病無人爲過目者茲不特餉

所有別白半生漫浪筆研間爲不虛矣因贈二首

夜半軍書尙掣鈴想應欹枕夢難成新涼頗復欺長夏舊  
事何妨閱短檠人說文衡真有託公於詩卷若爲評復襄  
遺跡今如許試考當時六萬兵

步筆牛腰倦不支餘工那復到新詩殷雷秧綠又期月指

王楮集卷一

三

日棗紅能幾時自古兵財無上策于今社稷寄西隣入郭  
及國均危道勿謂君侯不敢知

拙婦吟

西風策策黃葉舞茅簷三尺鳴秋雨東家拙婦擁面號強  
剔孤燈訴愁窻當年採桑陌上歸嬉遊不管春蠶饑千絲  
萬縷繭白雪便學紅女攀花枝十七十八事機織暗鎖青  
閨人不識二十三十四恨長盧家古梁玉爲堂四十五十  
已老大唧唧鳴蛩欺猶臥尙隨姑嫂作笑噴一生苦樂由  
他人君不見昨朝縣吏踏門闌杼軸已空盆盎竭鷄豚指  
柵索飲壺掀釜叫噉婦拙起來迎門陪笑面不以嬌羞

怕人見今年歲事苦不登且爲當家聊一展吏器不肯怒  
且訶大兒門東窺飯羅藁砧走藏姑諄罵造變無知如何  
蹙金芙蓉戲雙鴛繡牀一倚會萬錢低頭長嘆祇自憐昔  
者何巧今不然東噉已倦里正醉技淚背人還滌器明朝  
欲酒姑勿譁正恐突喫驚阿家

春波堂小飲懷棠湖舊隱三首

平生到處西湖長眼底波光日日新圖在輞川非舊隱夢  
回笠澤是前身一江細雨欲青菊萬里雄風起白蘋獨立  
蒼茫動歸興釣磯須理未垂綸

炎暑今年特地奇不妨湖上訪清漪長堤步履誰堪擬高

王楮集卷一

四

閣憑欄我總宜喚客黃鸝穿柳度猜人白鳥映荷窺衰翁  
病骨難禁熱且倩西風自在吹

虛欄四面挹湖光最愛薰風六月涼萬朶芙蓉紅影開兩

行楊柳綠絲長鋪陳雪月晶明態商畧陰晴濃淡妝四序

清游總如此春波何必獨名堂

食棗有感二首

百果隨時效歲功棗槃亦復薦年豐柔柯低帶隨風綠纂  
實駢珠映日紅聞說桃梨堪繫大頗懷齊魯久爲戎憂時  
把玩還驚歎莫詠幽風詠北風

碩棗名亭此地傳况逢新摘正芳鮮栗投聊寓孤臣報瓜



質初無小史緣只合赤心思待敵豈容白首覬延年樓閣  
可斬平生志欲和安期覓劍仙

約客春波督參劉郎中方赴高紫微之集道間相值

不容留戲贈二首

春風堂上倚欄干一曲樓臺暗靄間野衲再尋行脚債釣  
蓑聊寄賞心閒燕低欲舞影翻水鳥倦知還雲在山雅似  
棠湖儘堪任僥簷祗欠翠螺鬟

錦帳星郎油壁車紫微花下醉流霞簫鸞東引瞻風馭池  
鳳西遊賦日華蓼岸半紅秋漸老柳堤仍綠約猶賒一尊  
更趁蓑衣綠河漢還乘八月槎

錢孟運判寺簿赴京三首

五

錢孟運判寺簿赴京三首

溫純如玉絕纖瑕驚坐何人指孟嘉策馬殿軍勞不伐舍  
魚取義理無差讀碑襄水真爲谷守壘房陵思顧家鄉國  
不妨動歸興天津八月却隨楂

詔書夜下日華門輦路爭看使者軒烽火三邊尙勅敵煙  
塵萬里公言不須目睫憂多壘好吐賀懷悟至尊富貴  
功名分中有勿令使馬愧廷鵝

半生共飲西江水草木由來臭味同交臂便同鴻燕社論  
心不隔馬牛風君方鳴佩趨雙闕我自燒車延五窮景倩  
仙塵凝望處爲言驛騎莫匆匆

與高紫微雪溪餞客雖已預盟然坐次予每居上爲  
之跋踏寄此見意

碧梧正耐雪溪秋況是西風送客舟華宴雖思奉焚尾處  
官何敢作遨頭達尊諒識詩囊意負約仍輸酒斛籌想見  
尊前列紅袖可憐無分聽梁州

夜讀莊子呈高紫微

蒙園傲吏御風仙聊以卮言後世傳小大升潛同此地智  
愚工拙豈其天衆途適正何勞問一理觀心本自然從此  
二經束高閣爲君終夕讀名篇

秋夕有感二首呈督視參政

王栻集卷一

六

湯湯南紀重喉衿縱敵年來患已深七十萬家財與力六  
千里地古猶今薇屯正自憂無給桑土當思徹未陰用力  
愈勞工愈寡相公識察此時心

老去工夫在一邱解駢重使借前籌憂闕王國漫騰口事  
爲他人常壓頭蟻穴潰堤猶未計鮒車涸轍若爲謀思波  
況是如天闕早放棠湖理釣鈞

九江霜蟬比他處黑膏凝溢名冠食譜久擬遺高紫

微而家僮後期未至以詩道意不到廬山孤負目  
不喫螃蜎孤負腹昔人句也

君不見東來海蠨誇江陰肌如白玉黃如金又不見西來



湖嶼到沔鄂玉軟金流不堪斫九江九月秋風高霜前突  
兀瞻兩螯昆吾欲割不受刀頗有萋碧流元膏平生尊前  
厭此味更看匡廬拂空翠今年此曹殊未來使我對酒空  
悠哉舊傳騷人鍊奇句無嶼無山兩孤負老來政欠兩眼  
青那復前籌虛借箸祇今鄉國已駿奔軍將日高應打門  
流涎便作翹車夢半席又擬鍾山分先生家住岷峨脚屢  
放清游仍大嚼襟期盡醉何日同試筮太玄呼郭索

餞高紫微祝師黃岡

秋風九月邊塵高千觀夜下官錦袍文章不特動蠻貊要  
識金版開六爻孫曹已矣等陳迹喚起坡仙同赤壁喧闐

玉楮集卷一

七

筮鼓動地歸重把功名光采石

以螭嶼寄高紫微踐約侑以雪醅時猶在黃岡

前朝無嶼惟有詩亦復無酒供一瓶今朝有嶼仍有酒極  
目征帆更搔首古來樂事誇持螯赤瓊釀隨玄玉膏菊花  
吹英好時節況是九日將登高旌旗半江筮鼓發不作詩  
人淡生活待君淨洗沙漠塵歸趁看燈更奇絕嶼至正月  
重出俗謂

之看

餞紫微高侍郎朝天

紫微星郎天上客身是南宮小宗伯斗杓夜轉天門開平  
地一聲驚霹靂已將椽筆提斯文更決河漢排風雲銀潢

直下洗戈甲坐看九陌狂流奔黃金爲臺玉爲帳有限須  
看舍人樣紹興季歲說雍公會冠貂蟬登上相峨嵋山高  
鍾異人昔年相國今後身聲名何嘗岷蜀隔草木仍是江  
淮春君不見嘉熙聖王躬神武法祖整軍堪禦侮又不見  
魏公一戰平麟貳次年子月天廢齊天心廢興真有待肯  
以貪殘易仁愛大數恰逢一百年偃武修文當復再今年  
又自淮西來右相勳名傳九垓旄頭黑雲陸西北兩兩比  
色明三台先朝貝州妖賊起若此此軍僅蜂蟻當時禮部  
文侍郎一日奏凱同平章

後元祐行上辨章喬益公

玉楮集卷一

八

正月二日天氣清六符兩兩三階平閭門催班報麻案珂  
馬玎玲萬人看押麻參政拆璽封宣詞舍人來殿東鞠躬  
一聲百寮聽軍國平章喬益公天心果與人心同大哉聖  
斷天與通本朝太平說元祐五嶽三光渾未剖當年一日  
三制頒呂范堂堂分左右度中大老更魁傑申國勳名比  
韓富民生是時非漢唐親見至治躋羲皇一塵不起四夷  
服軌順星躔蕃五穀士皆有造百姓寧官僚徹底清似冰  
析楊畢空戈革偃天街鏡淨無機槍彼何人斯階啟厲九  
縣回鸞人絃沸高皇匹馬開東南千業中興今五世燕犀  
翼馬從北來干戈滿地畫角哀數彈剝復回否泰胚輝元



氣鍾奇才者明壽雋軼千古呂望鷹揚稱尙父便教且與  
居東西穆穆迓衡今再覩官家即日開天章貉冠玉佩游  
巖廊一都一俞一吁咈四海春風已披拂聖賢自昔難相  
逢巨魚縱壑鴻遇風與人歡呼爭誦說元祐嘉熙莫分別  
君不見徂徠處士歌一夔濃墨大字慶歷詩生民至今受  
其賜千載萬載生光輝陋儒筆研久不治安得椽筆摹英  
辭兩朝慶祐俱盛時衆賢一念猶西陲天心願化光明燭  
先望分輝照荆蜀

上已約客總宜一病不及往二詩呈陳元履王困微

諸人自酌

玉楮集卷一

九

總宜閣畔小簾櫳碧浸平湖面面風別館綠陰聊繫馬便  
橋紅影正垂虹流觴有序傳詩客在席無人稱倦翁儂自  
醉歸翁自倦風光流轉不須同

我是棠磯舊釣徒天教生與水雲俱蘭亭正值人修禊路  
逢麴車不知味流涎正復何所謂貧爲田舍富天宗遇酒  
隨飲莫適從豈如仙家居義豐無懷自與造化通彼燧人  
氏初何功酬君三語將無同不同君信否黃花飄香石  
耐久明日山中且攜酒

珊瑚

銅柯凝異質鐵網隊層淵海霧夜涵潤山霞朝欲然綠髮

尙欹枕烏帽稱鳴鞭勿爲毛錐子曰興靡萬錢

無題

秋水芙蓉試早妝半軒微雨灑鴛鴦細腰正欠酬金餅奮  
翼何堪卸玉梁髮鬢釵橫人在牖繩低斗轉月浸牀無情  
花影雲來去都做一天風露涼

得報狀邸吏緘至朝堂八月月單有感而作三首

紫殿朝儀正朱書郡邸隨九天排仗馬百辟聽朝雞蹕警  
楓庭情人歸柳院迷廿年曾襍被猶憶直金閨

十月蒼龍闕三朝白虎樽無囊持塞吏有團達民言故事  
尋常畧遺風萬一存獨憐記廷諍斷報說開元

玉楮集卷一

十

予癸己在京口因郡中元夕張燈偶閱國史靖康丙  
午正月十五日辛己祐陵南巡駐蹕是郡二月二  
十三日己未始還京師凡郡居三十有八日茲聞  
簫鼓感舊興嘆不勝潸然因涉筆以記大畧而僧  
有冲希者乃攜以示正倫彼謂予諷已遂架大怨  
迄與妄獄聖明察知其冤予復將指前漫盡白因  
悼正倫之歿閱其左計亮其初心附昔所作詩于  
後

駕輶老子久婆娑坐聽笙歌擁綺羅十里西涼憶如意百  
年南國比流梭吞聲有恨哀蒲柳紀節無人癡蓼莪寂寞



丹心耿梅月挑燈頻問夜如何

玉楮集卷一

十一

玉楮集卷一

宋 岳珂 撰

興唐寺聞鐘

興唐鐘刻無文字久欲摩挲與細論歸棹未容酬此志一聲煙靄又黃昏

至鄂期年以饒事不給於詩己亥夏五廿有八日始

解維雪錦夜宿興唐寺繁星滿天四鼓遂行日初上已抵蕪黃洲幾百里矣午後南風薄岸舟吃不能移延緣葭葦間至暮不得去始作紀事十解呈舊幕諸公

玉楮集卷二

雪錦亭前水接天晚波如毅放歸船新詩開務從今日此

是江行第一篇

離歌已盡沙頭玉夕照初翻浪底金自是晴鷗無六月半

江雪片湧波心

蕭蕭衰髮倚西風兩岸青山盡識儂東去西來緣底事祇

應添得一龍鍾

一江漲碧碧於藍健櫓鳴鵝舫正銜纜似過都空萬馬又

驚倚岸閱千帆

宵聲傳柝重城閉曉漏迷鐘古寺荒仰看繁星垂四野不

知身世變炎涼

一餅一錫一團蒲到得今年一物無柔下勿與三宿念古人不食武昌魚

葭葦延緣舞翠旌白頭吹浪又相迎攀轅亦作留行計莫道馮夷不世情

昌黎久願列三王我亦會親翰墨香惜別依依重回首棠磯風月更思量

赤壁江頭白羽揮鱗肥西塞酒同攜歸期應在初弦月家住康山西復西

人生邂逅適相懽一曲高歌行路難頻寄詩筒君勿厭種花持釣是閒官

玉楮集卷二

夜過壽昌

風雲八字護城隅樓殿崔嵬想帝居曾侍金輿惟石馬幸因玉璽記銅魚千年鼓角聲猶壯四塞河山恨未祛麋鹿已游人事改何人曾讀輔吳書

望樊口懷陶士行温太真二首

昔年老子恨婆婆未付其如印傳何吳苑關心春日少湘江回首暮雲多可無司馬親封鑰自是將軍老枕戈我亦新來了官事正輸一舸弄煙波

太真行酒知何地渺莽遺基茂草深聲色加人何足計精神滿腹不同斟六奇自可掀三狡一正何妨鬻百壬墮幘



吐茵均此轍可憐枉用世儀心

三江口過舟時方四鼓

權鷁收金柅釵蟲綴玉缸地隣今七澤名襲古三江岷漾  
雖分派荆揚卻異邦晨光猶未發早認白鷗雙

赤壁

周郎二十四年少蓋世功名隨一燎親提三萬走曹瞞不  
以敵勦恨兵少豫州失七已膽折一日日明驚二妙最憐  
黃蓋不知名吏士相從倚營嘯阿奴火攻本無策破竹自  
繇人不料貪降納侮理固宜泥淖華容幾盡勦古來行師  
有絕地母乃重貽千古笑鐵艦縱是差可認鼎峙詎關謀

玉楮集卷二

三

所召二喬春鎖何足言從此天光遂分耀我聞漢賊久染  
指奮毒搖牙噬江表八荒囊括豈復遺一賊吳宮已爲沼  
當時乘勝下部騎考地當居楚南徼蒙衝逆鬪須上流揖  
寇那容越津要武昌霸基跬步耳肯使國畿紛駭旒坡仙  
訪古特寓意橫槩雄姿誰與弔故將異地眩疑辭政恐因  
訛啟譏誚滄浪六月卷晴雪歷歷江山人物眇崩空亂石  
今幾存彷彿棲巢尙驚鳥夜深刁斗聲四發星斗滿空羣  
籟悄便須喚起紫綺裘孤鶴南天楚江曉

卷雪樓富池

地靈境勝宅神遊第一江山卷雪樓勢擁萬峯淮甸接氣

吞七澤楚天浮魚龍滯沸雲生檻鷗鷺波閉月上鈎畫棟  
珠簾朝復暮英名常與水東流

謁遺愛王祠二首

功定三分國名高八字山威容尊國祀保障重鄉關虎卧  
無今古烏靈信往還保民存賜琬猶掛屋楣間  
大帝開江左謀臣守四方興邦有喬木遺愛尙甘棠日月  
扶聲烈山川詭鬱蒼中原知極目應慨舊封疆

寄王料院錄三首

平生初未識半面此地相從方及期舉世公清如子少隨  
時離合豈人爲可堪歲月老奇傑等是年時經嶮巖閑適

玉楮集卷二

四

不同同患苦兩心惟有一天知  
炯炯青燈對擁爐掣鈴夜半讀邊書風煙解使寸心折霜  
雪頓侵雙鬢疎已事勿言穿塞馬歷官可歎上竿魚勤勞  
似此天應報我自鋤犁一任渠  
一葉扁舟興浩然筆床茶竈舊因緣帆歸西塞秋風外人  
在南樓夜月前情不自由君憶我老無所用我知天何時  
見易園中路拂石攜壺同醉眠

後江行十絕

日日征帆上水風掀天雪浪駭魚龍不須檢校江行歷知  
過雲山幾萬重



遠村煙暝牛羊下近岸波澄鷗鷺閑一抹斜陽江似鏡天  
移小景向人間

指點神鷗送客橫江山回首鬱蒼蒼吳朝千載興亡地極  
目長淮恨更長

擁騎年時憶往來舊時行處半莓苔山雲勒駕應頻笑又  
是江南勾當回

夕春正是隔前谿江路行人猶未歸我笑卧龍成底事晨  
光儘欠踏烹微

叫着漁郎急掉頭一聲別浦聽蓮謳山遙水遠應同趣我  
亦青帘問酒樓

玉楮集卷三

五

湓坡已近見匡廬風月煙雲自卷舒白鳥歸來閒似我向  
山深處認巢居

官牌夾外少人煙商婦琵琶久斷絃司馬青衫不須泣江  
鷗對我正忻然

西望沙洲東秣陵湓江中道是歸程柳陰繫纜人歸後頻  
有黃鸝三四聲

人生最好是歸來六月火雲落雪酷散髮晞風須一醉月  
明攜簞上涼臺

初還故居

元是廬山莫逆交官亭西畔著衡茅盟鷗似怯經新浪怨

鷗還知宿故巢一沼種蓮衣可製萬竿脫籜杖輕敲不須  
海若猶然笑乞與杯堂樂芥切

集喜二首

鵲噪庭前木蛛翻簷畔圍雙蓮瑞明月萬柳舞晴暉宿鶴  
迎風袂盟鷗認雪衣物情同一喜應爲主人歸

水面開新皺山容散宿顰松巢猿已識花徑鹿初馴雲倦  
隨歸鳥風清似故人逢迎真不暇誰作近前喚

寄紫微高侍郎三首

去年紫塞兩相望公在齊安我武昌秋寒車箱訪流馬夜  
深孤矢看天狼不辭目斷傳烽埃尙憶螯持共酒觴今日

玉楮集卷二

六

區區話鷗鷗圖南應是歎榆枋  
人生憂患偶同時曾見驚塵傍紫微坡老鷗巢尙堪俯周

郎羽扇想重揮望風自絕胡南牧嚙雪應遲使北歸從此  
青油欠籌畫上方虛已聽宵衣

力勞效寡是窮途贈策無人生大愚三別尙迷藏匿寶六  
街幾誤脫巾呼味言已轉廷中輟歸思難忘隴上鋤欲問

死生何許是紫煙浮處認香鑪

歸自鄂雙蓮生於後池偶作再寄紫微

蕭然匡廬山獨秀蓮花峯派爲濂溪源下有愛蓮翁絕學  
詞味泗千載同清風書堂二池間浮翠籠輕紅居然不染



塵湧出清冷中雪藕厲堅節一念室以通朝卷而暮舒吸  
之碧玉簫潔凝月露潤妖鄙桃李穠食子味崖蜜孽房透  
香叢菰蒲儼不羣魚鳶間相從大哉君子操視此視其躬  
我方賦歸來來策溪上筇家池忽驚見晴霞照秋空已迎  
顥氣激沉復嘉瑞逢雙葩本共根殊質疑並鍾摘奇且熟  
玩比德思廣充嘗聞古之人卽物皆至公兩歧美報上同  
穎還居東雙船賦長卿奇木對終童善推仁義端臆合造  
化工後代煽淫靡世見了不同聯芳天泉池合歡華清宮  
駢花耀鱧湖十丈聞華潼徒能資喪志誰與思念功嗟予  
困疾藜坐此五技窮茲瑞何自來做戒如佺侗孤植常易

玉楮集卷二

七

摧初戒先叶恭競妍必競妬次戒母苟容美祥不可恃又  
以戒其終恭惟天地心常比藥石攻名理儻未喻再拜師  
正蒙

又賦雙蓮

一蒨歸來喜未涯天教奇產瑞吾家交枝各倚青羅蓋並  
蒂俱酣紅玉葩湘女月裳疑共浴越姬風袂憶同車人生  
所欠惟閑適且酌清尊對物華

病中有感四首

欹枕目雙炯觸屏腸九迴玉蟲迷眩霧銀鹿伴饑雷清夢  
雖驚隔丹心未瘳灰青萍聊把玩塵匣爲誰開

一載爲官憂文書每壓頭枕鈴常警夜築甬更驚秋倦豈  
因心至開常與病謀息肩僅旬耳二豎欲何求  
秋近夜初長開窗病骨涼心驚髮婦歎肘繫越人方動帳  
風侵几窺簷月在床呼僮然粥鼎我欲待晨光  
積病漸成衰情知老見欺眵昏先掩卷肩疎不關詩行圃  
須人助登樓怯步遲經年早知倦况復隔年時

太行道

大行羊腸坂九折雲黑風乾尺深雪董泥道滑木葉寒輓  
輓車聲行復歇華山有馬久脫轅歸來牧野經幾年一從  
倉箱事居積聊以知道煩長鞭前車已覆覆道左天井關

玉楮集卷二

八

頭夜明火後車趣駕開井陘唱籌仍復催連營關山青草  
春二月單軌一冬曾結轍鬚頰毛落雙膊高引領皮穿眼  
流血去年搏手雙拳空今年三月甬道同可憐駑力不敢  
情轅下亦覺鹽車通君恩天大示弗服桃野已甘借骸鍊  
感恩伏櫪飽秣芻猶爲太行憂後車

長門怨

驚風不成雨行雲去無蹤妾生三十年著籍長門宮宮車  
轆轤春雷曉明星初熒綠雲擾增成丙舍爭迎鑾惟有長  
門閉花鳥黃門開玉匙畫史圖蛾眉金鋪振環鑰玉秀生  
銅池朝陽纔回金屋在轉盼不堪人事改入宮已作鄭袖



曉出塞那知延壽賣花殘鳥語頻長門春復春花鳥易驚  
老況復門內人東風動地夜來惡萬翠千紅繞簾幙莫轉  
自有匪石心肯顧班姬秋扇薄長門勿輕怨視此篋中扇  
白華兮綠衣自古兮有之

病中散步六絕

一年無病緣官事一病兼旬爲燕居自是素餐天所厭可  
能豎子解棄除

池上荷花綠淨時岸頭楊柳插天垂倦翁縱步聊行散早  
有龜魚望得知

朝隨粥鼎蟬腹潤夜掩書帷隰目眠無奈暑威侵病骨起

玉楮集卷二

九

來搔首斗垂天

平頭奴子初茸鹿利口嗇夫雙部蛙二物何關人靜躁不

妨臥聽步隨車

病疎酒酸傍茶甌一獨醒中起百憂七尺之軀三寸舌問

渠小大若爲謀

絕憐倦翼晚風高解紲歸來得故巢物態隨人也歡喜遊

絲不住舞蟪蛄

夜觀象弈

青燈相對夜初闌適意碁枰伴我閒天馬輜車金象國虛  
龍編韜寶臺山進趨自可胡成敗倖勝何嘗不往還一著

未容回局勢不妨袖手酒杯間

唐世有刺郡江表者時宰囑以新塗出筆令製以  
寄刺史既至召佳手一老父應命百日而得二管  
馳貢相府一見已訝其遲且解試之乃絕不堪大  
怒日數千里乃寄兩管惡筆來刺史聞之懼欲寘  
老父於罪老父訴日使君母草草我所製乃歐褚  
所用丐先示以相君翰墨容再製苟不稱甘鼎鑊  
遂示之慨然日如此只消使君三十錢筆不日獻  
五十管暨再使至長安相一試大喜復書令優賜  
匠者夜窗偶試毘陵張顥筆戲爲之賦

玉楮集卷二

十

世間未必無臯夔九疑虞舜不可追武皇銳意開絕漠推  
鋒乃亦有衛霍嗟哉格物本一理顧人所用何如耳筆工  
在昔本市傭東臺傳笈求售同誰云進技不進道意匠輒  
與歐褚通處州刺史募佳筆雙管何堪須百日星馳一騎  
到長安試手鳳池隨棄擲老奴恟慄丞相嗔能用此筆能  
幾人願窺翰墨滅工製必使揮毫誇入神斗杓春回開電  
笑囊籥果符人所料中山聚族儻未殫東帛那容及年少  
是知人才用舍別識惟一心臯夔衛霍無古今妍蚩能否  
俱在上所使此筆區區正其比我生識字僅一丁眼前所  
見徒毘陵未知當年新塗果何若正恐鍾衛二王無合作



君不見此老一去知幾平當時鑿我無復傳紛紛雞毛抱  
筭賣恰費書傭三十錢

葡萄

當年博望奏邊功異種曾攜苜蓿同摘乳那煩捫馬令引  
鬚聊愜好龍公頗憐漢地離宮在未許涼州酒甕空回紇  
祇今重餒肉清陰彌望滿關中

宋 岳珂 撰

荷花盛開以病旬餘不至亭上偶成二唐律

病襟慵策杖天鏡恰開奩青蓋迷前浦紅妝間曲欄藻窺  
知鷺下萍破識魚潛會看吳公陣官蛙奏曉嚴  
好在中學澤猶橫未濟舟擲金隨柳舞跳玉起蓮謳掃榻  
方思士鈞簾也覓侯病夫均一笑此意本無求

予歸未有松楸將以初秋望前汎湖之龍門已戒舟

繼而連夕雨作不見月因賦天問二章

擬放平湖月下船擢歌中夕發長川蘋風好為雲開暮蘭

玉楮集卷三

十一

槩不妨人扣舷發鶴侯迎將曉日魚龍悲嘯未晴天玉川

榻顛金沙上闔闔封詞謾一牋

小心風伯紫宮回眼看銀蟾海上來元豹又成漫谷霧斷

虹猶作隱山雷便教雨積三時害未信晴無一日開待試

平生補天手為君明鏡再安臺

秋夜有感二首

早歲驍車擁漢關憂心耿耿日凋顏秋成正望狼烽急夜  
枕不禁魚目鯨三仕古猶關喜温萬金今不博安閒回思  
此日一尊酒只合長居木馬間  
從來難辨是幾微設者雖多覺者希小隙便須防蟻穴大

寒何必泣牛衣無旁掣肘方成事不早抽頭即禍機莫道  
不才明主棄也曾櫻領觸天威

寄李微之秘監三首

引領蓬來唐謫仙溫江一別又經年麟臺高躡三神路孤  
筆方持千載權鑪秉新煙招我隱驛催逸事仗誰傳校旗  
猶識臨淮畧更待涼臺親簡編微之以史館牒來索于所  
撰東隱筆畧以秋暑未暇

去冬雪裏拜箋題曾說新除到殿西劍戔雲連吳壘火函

關日照漢封泥剌藤幸有繫書鴈錦栢難尋隔葉鸛便是

韓壇作曾築田蕪亦盍賦歸兮

玉楮集卷三

十一

十一

棠湖浩蕩有盟鷗塞上歸來賦葉舟范蠡功名付西子庾

公風月自南樓不虞繞指柔百鍊已幸安心老一邱從此

書來訪生死漢陽煙樹隔吳頭

讀劉琨傳

古來萬事無真實賴有區區史筆存士雅聞鷄偶同被至

今起舞說劉琨

送喬江州將漕江右

獵獵英聲世少雙兩年鄉國望麾幢才飲牛及劓初試筆  
力龍文鼎獨扛風節又新唐十道恩波仍決禹三江澄清  
何事先經濟尚使尊賢志未降



昔日東州看陣圖武昌陸續拜魚書我歸舊齒邦人版公  
去新乘使者車但願世官居鼎鼐從教塾老自犁鋤西風  
鴻鴈方遵渚時有音塵接里廬

次韻喬江州琵琶亭詩二首 有序

續史秘閣兵部攸九江之再歲新築琵琶亭復樂  
天故事兵部生于壬子正與樂天同其在郡日月  
亦有脗合者接樂天以元和乙未爲江州典午次  
年丙申始作此歌成歲改刺忠州其行當在己  
亥春故宴別詩有春寒散醉顏之句莫春遂入峽  
四月作木蓮詩則始至忠南又有南國秋猶熱西  
齊夜漸涼之句則合楚時已秋矣兵部亦以戊戌  
歲出守至己亥夏乘馬車計交篆而去當亦在  
秋若合質刺蓋如此名篇紀叙不備錄教因繼  
唱以復鄉邦盛事嘉熙三秋中元日郡人岳

共生壬子兩仙翁不爲離春惜斷蓬鐵撥鴟絃遺響在繡

玉楮集卷三

三

衣龍節賞音同穆曹技埒名俱勝唐宋詩傳句並工擊節  
銀篋定誰是茫茫江月思何窮

一葉西歸老倦翁高樓突兀記推蓬景隨滄浦江山改人  
與香山歲月同異世剖符傳事比出門合轍見詩工我來  
君去如鴻燕休歎長安日力窮

聞江陵江帥海病計二首

陷陣舉旗久冠軍兩年爲國守西門枕戈常抱填膺憤鑄  
印方承繫肘恩汗馬策功雖屢奏寢蛟遺恨正須論尺紱  
一介纜經月寂寞英聲已九京

荆楚初歸土若雲連營幾載守空國度支入境方移粟神

策呼街自脫巾我已課無從此有君方舉故責之新可憐  
一夜妖星隕不見春耕襍渭濱子始至湖廣之日前政拖  
江陵錢粟五百子既代償  
其三而江盡以爲今  
政之通故未篇及之

得陳元履家書六言四首

病骨經秋易怯人情比日多疎驚起打門軍將傳來置驛  
家書

老病兩無世用謀謨百不如人喜見東牀論事誰言下榻  
生塵

安問經時落落邊聲鎮日搖搖寄賀塞翁馬失決疑天老  
龜焦

玉楮集卷三

四

鏡戶幾回鵲喜繞階一夜蛩吟痛飲政須似舊安居且願  
如今

觀物四首

蛩

春蠶繰繭白如霜機婦停機待天涼井蛩一夜秋已至寸  
絲千結縈柔腸催租吏罵翁媪怒裘葛未成心轉苦篝燈  
促織永夜忙悔殺比隣日長語

蛙

鳴蛙恰恰地底鳴池泉深徹池草青秧田正枯須水活龍  
骨車翻蛙不驚在池固合憂涸鼈鼓次未妨明月步可憐



強聒將何爲到底官私不關汝

蟬

亂蟬淒咽下復高逢秋輒作升木號老夫觸熱思靜臥夕陽畏見聲嘈嘈客來畫策誇莫二伐木驅蟬蟬不至不辭來歲無繁陰正恐先爲斧斤費

蚊

膏夫利口工噬膚纖腰蠶尾不受驅不知一禁何所苦拍拍攘攘歌且呼清晨出帷晝藏隙正是神蒸炎暑日但願涼風即日來且爲蒼生膏血惜

紫微花

王楮集卷三

五

凡卉同資造化工紫微元不待東風明霞絢爛瓊爲藁曉日離披綺作叢塵境斷無青瑣隔仙姿元與赤城通最憐耐久堪承露誰道花無百日紅

新刊予西陲奏藁成

昔人甫徹棄芻狗此日已歸談木牛報國無階空馬革託身有地早菟裘乘車載苴纒經謗三宿戀桑真可羞掩卷勿驚臣議懇舜瞳應顧殿西頭

閒居六詠

早起

五夜玉繩轉雙轡金井寒背人蚊作市欺夢蛩鳴官竹經

風初度松梢月尙圓踞龜猶汗漫何計覓乘鸞

午睡

東日平明際北窗高卧時五經方坦腹百慮且伸眉蕉覆從疑鹿槐安更獵龜覺來還一莞七椀玉川詩

晝閒

用闕無用地才與不才問萬法因心起幾人如我閒床頭看黃卷屋外儘青山隱几道然笑何人戰觸蠻

晡飲

閒居欣少事燕坐覺無營炎暑塵天陣驅除須酒兵勿嫌晡日杲自有晚風清堪笑竹中飲終成七子名

王楮集卷三

六

晚步

抱病遊從少居閒醉醒頻心懷喜無事脚力尙隨人野徑經行地園亭自在身不妨歸步晚長趁月華新

夜坐

一窗涼浸月四壁息聞雷銅漏水仍滴金爐香未灰徘徊聽蛩遠燿燿逐螢來看劍挑燈久譙城角引梅

予自武昌攜二猿歸夜閒清嘯偶成

樂天聽琵琶嘗賦猿哀鳴物產無古今均此潯陽城我居廬山此日夕遊郊坰涉足筵幽谷登山窮絕徑行徧巖岫未始聞此聲相望三百年山木同虞衡詎可風氣殊乃



亦殊所生矯矯長臂公相從東歸船皎皎白玉面元衣吟  
嘯清綫垂黃金衣詭侍誇異形不繫李約鐵悲風動南溟  
不把碧玉環峽山棲杳冥楚賓攀樹枝腸斷不可聽變化  
倏異途更作巴西稱突兀見眼前兒童不知名西軒驟雨  
過東牖初月明循階聞夜蛩有酒仍獨傾忽聞湘水吟頓  
覺淒然驚吾方笑樂天爲此外物攫反觀還自笑翁倦非  
忘情

小閣後薙草

當暑涼風愜北窗半庭蒿棘礙支牀無花可繼陳朝曲省  
草已成陶徑荒幸可一縑供履櫪便容回坐接杯觴醉歌

玉楮集卷三

七

家有秦聲妓且爲治蕪一奮叩

賀李微之兼工侍二首

奎章夜下九重天雍乘疇咨法從賢紀雉重開五工正止

麟還見一經傳紫荷佩袷新簪囊青汗磨鉛舊簡編便合

史進尊領袖紅雲堆裏望台躔

當時叩蜀起徵君褒貶春秋賴洽問又見壁跗效異數要

令金匱闢斯文魚鳧西隔一隅地龍馬南來四世勳陳古

鑒今皆實蹟論思丞願張吾軍

賀高中書兼崇政殿說書三首

竑議通三府高名動四聰鳳池仍舊渥虎觀册新功書日

槐方翠秋風棗已紅直須先抗議莫待入雲中  
日月熙明地風雲際會辰紫宮瞻象逼丹宸喜情親遜志  
賢謨在仔肩聖德新耕莘須負鼎從此學商臣  
邇聯咨文訪清問切辰猷博學今中壘遐征古上遊齒寒  
當預計身履即良籌頗牧豈云遠隱憂其有廖

觀八陣圖說

八陣初興黃帝時龜劉在漢紀乘之流形龍虎隨雷雨定  
位烏蛇分坎離地以雲升高復下天從風別正之奇自然  
至理開成象一氣未應虛良維

玉楮集卷三

八

軍偏伍漫魚麗常山變化徒言用斜谷崎嶇不遇時積石  
平沙人不識儘從鞋鞞說行詩

張孝顯晨訪懋忠堂因拉陳升可王困道同飲徑醉

臥小閣醒則睡矣戲呈諸公

凌晨有客來欵門盥櫛下榻呼冠巾怪生鵲喜繞庭樹迎  
客不但填河津清尊湛湛開北牖領指市奴駿奔走烹解  
煮餅羅朝槃苜蓿欄干豈無有一杯兩杯叱先驅羣羊入  
夢撞甕菹三杯四杯舌底滑闔坐牢辭輒投轄共言卯飲  
夕不同能使終日長冬烘一朝便廢一日事除却投牀百  
無技老夫笑倒絕冠纓人生無日無經營經營至竟有底



成謹閱此舌君勿評直須大噉五六七不醉不扶母返室  
高眠一枕醉復醒莫管今朝更明日

吳季謙侍郎送家釀香泉絕無灰得未曾有戲成報

章

義聚愛酒憎官壺日長忍渴呼酪奴自言畏灰如畏虎有  
酒不向官坊酤當家香泉世無比米潔麴甘醇且美釀時  
不著一點灰滿酌寒泉挹清泚小槽滴瀝竹筴承冰渠夜  
灑真珠明一泓澄澈玉無底滿甕盎盎春風生釀成不肯  
飲俗客澆着柴桑舊時宅共此千年醉眠石更將餘瀝走  
馬軍來注我家老瓦盆許我自飲不許分老境宦遊環軌

玉楮集卷三

九

轍官酒徧嘗隨地別何曾見灰能作孽饑來一腹大於蠅  
鯨喙自覺吸百川是灰是酒俱不辨豈問他州井異縣今  
夕何夕翻露漿扣壺一洗灰土腸君不見柴桑子酒特寓  
意相逢不擇賤與貴要是醇醪均一致汝陽後求帝家子  
岸還添浪拍湖水幸有丈人觀筆法可無嘉客醉兵厨直須  
去躍城東馬更與留春作後圖

聞韓正倫檢正掛冠感歎故交悵然久之偶成三首

中興王社舊同功三世何嘗問一忠北海真成賢吏歎西

州猶記勝游同逢迎有意君雖繆喜怒無心我自窮詩禍

古今均一律莫將燈夜怨東風

正倫京口放燈余作詩及  
神慶事正倫就請其失基

怨于

恩門小簡寫門生六載交情老弟兄一念吹毛牙角訟十  
年握手肺肝傾酌貪誰飲南瀟水敵怨人談北府兵空券

更憐蠅筆誤卻因誤處得分明

正倫向在京口每折簡必  
以恩門見稱予為潛時嘗

心存即鹿歎無虞畫地雖工理反疎直枉已傳天子詔厚

誣猶見監奴書儻令甬道真難繼未必都曹可遂初萬里

上流闕社稷不知天意竟何如

向已虛券見誣恐其不直  
乃批與承受使多用所  
史文致予以大罪廟堂覺之事遂自此批真蹟他日  
子得之故吏今存子起家使湖廣正倫正在都司云

上雍

玉楮集卷三

十

上雍迫日近清朝儀物多備官朝進輦沙路晝鳴珂盛禮

陳圭壁駢觀隘綺羅邊書須急徹深願鑒巖阿

憶昔二首

憶昔紹興際垂髫游上都舜廊時訪道禹殿日陳謨士肄

幾三代兒嬉徧九衢謾聞仍有幸猶及拜先儒

升平當暇歲遐邇屢豐年環徹道萬里輶車開兩川干戈

今滿地劍棧漫梯天試向長淮望憑高更慨然

聞陳元履除諸軍審計司

老去猷衫合付人除書一昔到柴門無才空負凝旒眷有

瑁初承結綬恩未辨功名酬父祖併將佔畢付兒孫幸然



官事渠能了且王田家老瓦盆

胡羊二首

生與馬駝並衣同屬毯齊引弓兒習體擊鼓地連膺低草  
野迷北鷺羣積度西中郎猶未返休說海邊羝  
絨毛吹朔雪細肋卧晴沙曉牧尾搖扇春遊項引車湮流  
便逐草酪賦正需茶日夕歸樓處因風想塞笳

餛飩頭

幾年太學飽諸儒餘伎猶傳筍蕨厨公子彭生紅縷肉將  
軍鐵杖白蓮膚方營政可資椒實麗澤何妨比瓠壺老去  
齒牙辜大嚼流涎聊合慰饑奴

小墅桂花盛開與客醉樹下因賦二律

宋 岳珂 撰

舊遊曾賦小山篇浪蕩浮葩總遜妍金粟同瞻黃面老玉  
枝爭擁碧霞先化身瑞祥已百億匝地香風更大千無量  
現前金世界倦翁又結醉中緣

黃金湧出碧檀欒消得充庭舞廣寒露葉移將天上種雲  
階借與月中看扶疎清影立黃鸝匝匝滿庭翔翠鷺吹微  
玉笙正涼透香風萬斛夜漫漫

雨中觀廬山

玉楮集卷四

雨裏觀山復不同何須九疊看屏風紫觚壇上排蒼壁青  
步障邊鋪翠茸谷錦未迴斜日照衣綃聊借淡煙籠祇今  
萬木添紅纈更倩青霜染曉楓

半生每負看山眼此日真成帶雨遊歌枕有無疑欲尋成  
峯橫側總宜秋耳喧似厭泉鳴咽腰繫不妨雲去留明日  
新晴馬蹄放直須三峽看龍湫

約吳季謙山行書來問期戲答

連朝積雨快新晴雨後青山眼倍明大路岳蓮聊戲馬西  
園池柳正啼鶯已拚一醉從金諾共聽層淵噴玉聲月裏  
看山儘清絕可憐偏照國西營

觀芙蓉有感

芙蓉城邊觀芙蓉開時淡白鶯深紅新晴着人過于酒聊  
與老面回春風少年白面豈常好花落花開不知老老來  
曾有少年時對酒不飲將何為

邵伯溫聞見錄載范忠宣帥慶陽時總管種詒無故  
訟于朝上遣御史按治詒停任公亦罷帥至公為  
樞密副使詒尙停任復薦為永興軍路鈐轄又薦  
知隰州公每自咎曰先人與種氏上世有契義某  
不肖為其子孫所訟寧論事之曲直哉予在山中  
讀書偶見此書而表之

玉楮集卷四

二

君不見孔融昔日見李膺百世尙以通家稱又不見孔融  
後來薦鴻豫卵翼方成比行路北海平生開酒尊未應賓  
客皆若人倘令同德更比義華胄肯以遙遙論世間麟鳳  
襍臬虺人事會逢總如此高平丞相本大賢尺璧那容寸  
瑕指一朝契家青澗種轉頭不記龍圖公螭鳴亂磬蠅點  
素丞相襟量滄溟同歸來端委廟堂上一青不捐三世將  
自言曲直何必言愧死老奴作何樣吁嗟此輩何代無高  
平堂堂真丈夫邵家聞見訂千古寂寞澗城墳上土

趙季茂通判惠詩走筆奉和十篇

病懶兩相宜閒吟九月詩江山雖舊隱泉石是新知不分



黃花老從教烏帽吹白衣渾未至醒眼欲何爲

山行事事宜酒與富於詩雲錦工何用風帘酒聖知囊空

須共賦笛好愛孤吹斟酌蒼茫詠憑高漫爾爲

晴佳雨亦宜雲黑又催詩靜處景俱勝間中趣自知攀條

隨客喫卷葉看兒吹世事只如此吾今何所爲

落托與閒宜繙書更賦詩世方隨世競吾自喜吾知王褚

齒猶冷申韓毛必吹蚩蚩天所卑誰謂涉人爲

草堂無不宜猶記樂天詩倘有鸞猿怨莫教司馬知上宮

仙閣近左蠶客帆吹欲涉窮徑步茲狂何悔爲

閒花取次宜宜酒更宜詩葉落澗魚遊枝亂山鳥知簪來

玉楮集卷四

三

攀雨重摘處任風吹得句須句鍛未應無所爲

醉裏筇與宜閒攜一卷詩微吟因興寄會意祇心知谷霧

連衣潤天風帶葉吹卷窮還自笑那復記誰爲

秋氣與人宜山家物物詩題新興常倦景好句先知雲斷

邊鴻信天晴野馬吹閒情君莫問謀自不相爲

天巧與天宜雖鏖焉用詩冥鴻吾自愛隱豹彼何知牧笛

方堪聽胡茄不奈吹傷時燭之武者矣不能爲

置散分之宜半生衡泌詩神情一無繫山水兩相知流詠

雙魚寄賞音孤竹吹十篇聊報况惟此尙堪爲

己亥八月廿一日除書予拜太平興國宮祠官呈趙

季茂

世間何物最是閒司諫拂衣歸華山倦來忘記省不得依

約此語祥符間終南捷徑本自錯老子新司紫元鑰官家

雇我作閒人有酒醉呼端不惡歲糜廩粟月俸錢象鶴有

料芝有田人生何必待有月我老得此寧有天君不見當

年把臂龍圖上司諫放歸元未放又不見倦翁山行醉復

醒說著拂衣今亦忘

述山中語呈郡侯董庭直少監

山行霜清羣木落回首重雲望城郭西畔江正橫中有千

騎隨雙旌山頭一彎霜月明旌底史君如許清我行山間

玉楮集卷四

四

己一月枕石漱流更奇絕頗從野老談正聲所恨輕爲數

句別別來有書招我歸我迺把酒窮攀躋相呼一醉已心

許野老來前聽我語今年歲歉流離多帶牛佩犢無奈何

使君鎮靜不猛厲使汝安臥仍行歌山中故侯布鞵濕杖

掛百錢遺不拾新來又拜散人呼正好舉杯向月吸我醉

我醉今賴誰爲言野老知不知

奉寄何正父總幹

經句習懶慣山居不寫城間一字書把菊見山新趣倦汎

蓮依水舊交疎無心是處友麋鹿有客寄誰烹鯉魚見說

近來軍食足不妨詩卷訪犁鋤



奉寄胡教授

山中秋風寒刮席忽憶無檀泮宮客夜長螢火一燈孤四  
壁蛩聲更幽寂文人自古常獨清強挽詩人同此盟飯顆  
山頭報卓午絳紗帳下聽三更吾儕賦分本無二老子新  
來添倦意入山四旬未擬回醉後行歌醒復醉平生巖穴  
不作難更願他人同此歡廣文愛山儂等耳雖有幽寂無  
儂閒君不見晨招在館笑在列楹杙昌苓競工拙倦翁此  
事都不知從今對酒看山嬉

山中奉寄通判楊宗博二首

多病山中客無人傍酒樽與猿分椽子為鹿長禾孫白晝

玉楮集卷四

五

雲歸屋黃昏雨打門忽懷楊司馬煙靄隔重閣

步壑斗堪摘登樓雲與齊未應隨日涉猶欠樂天題舊覽

閱青眼新編寫赫蹠便須聯和軸寄我小山西

酬趙季茂遺餉松實鰻鯊柔魚

掀天吹浪九夷東維錯分珍意倍濃越井戲沙形酷似秦  
囊遺算墨猶封色欺金嫩三江蟹實比瓊酥十丈松珍重  
故人勞問遺為言耕隴正勤農

九月一日間鴈

今年九月旦澤回始聞鴈離離三兩聲雲關更淒斷宿豫  
早且蝗豈安無稻梁窮漠三萬里還復思故鄉鴈來過期

已一月汝來之遲果何說鴈對以臆不能言來時敵騎將  
寇邊

次韻趙季茂寄詩

兼葭道阻長人在水中央鴻筆寫秋思驪珠比夜光律嚴  
詩格壯鈴度置郵忙鉅軸注銀水欲題無漢陽

山中書懷

我昨浮平湖時適逢中秋十年鷗鷺盟萬丈蛟龍湫微風  
自遠至皓月當上頭朋游凡三人一舉累百甌清光洞虛  
明醉舞相勸酬枕藉起更酌微茫寄安流長空隱繩低中  
夕發權謳未開晨曦輪已繫橫堤舟駕言舍維楫登涂肅

玉楮集卷四

六

衾裯淒淒感霜露鬱鬱瞻松楸惻愴動五情顧省經幾邱

優然儻如在惕若疑可求睽離纔經歲翁菑且稠每欲

樓猿肩於焉築菟裘經營眺高岡夷坦開平疇左撫芙蓉

屏右瞰鴻鴈洲風雷淒五更雲月澄雙眸汜爾滋晚茂叢

桂連山幽鶯為墮趾踟踟候蟲鳴啾啾振策後無斷竭屐查

莫周誰接西山袂且為東臯留一憩動踰月四顧無與儔

樓禽競晨噪落霞觀夕收樵歌路崎嶇漁笛聲嗚嗚筑鳴

環山泉鐘度遠寺樓煙暝白晝合晴嵐翠光浮夔藩走鹿

豕下括尋羊牛雖云適野性頗復懷牢愁天命樂自然吾

生感行休至上頃見知詔書傳置郵不忘蓋帷棄幾比巖



穴搜沈沈開仙祠奕奕垂靈旂笋班北闕近槐影西清樛  
聖恩比天隆臣報如羽輜當年四十奏日徹十二旒言言  
劇上聽歷歷思前籌是知度如淵并語不忍仇感歎涕淚  
零棲遲歲年道縱興裏革念已抱肘足羞莊舄越客吟宗  
元楚山囚更慙德難稱敢謂命不猶爾來陣雲黑已覺殺  
氣孳連兵又多墨乏餽仍上游如我高卧閑自比他人優  
豈不思敵愾一爲殄國讐違慨筋骨衰何以從戈矛又憐  
壯心老無復陳謀猷居然去婦情從作縻縶憂五斗折腰  
人百鍊繞指柔苦心自憊憊古道方悠悠華山正絕陁鄭  
賦猶待儻指點隔江烽燒燭看吳鉤

玉楮集卷四

七

九月十三日始就郊墅拜寶謨閣直學士提舉江州

太平興國宮之命

槐影團清舞翠鸞竹宮高接五雲環職陪溫洛圖書地名  
在元卦卜祝間畫訪未承龍閣問晨香猶厠羽衣班祠宮  
到處無公事且聽松聲老此山

茶花盛放滿山

花容纈粟露冰膚消得脂韋酪作奴葉底綻葩黃映玉枝  
間着子碧垂珠潔躬淡薄隱君子苦口森嚴大丈夫便合  
味言歸雋永移根禁籞比青蒲

九月十四日夜月明如畫敢想合宮竣事志喜而作

織塵不動月流空雲繞崑崙想合宮蟬冕侍祠三事列雞  
竿賜赦九州同裁儀丙已尊容典肇祀庚寅識帝功田野  
老臣察天意夜深頻起候西風

喬益公

峩峩傑閣凌西清高掛雲漢垂日星千年福地開殊庭絳  
節中天朝百靈屬車小儒風埃底歲一周星陪豹尾有眼  
未識奎壁寒有脚未踏仙晨班忽傳天上鳳銜詔碧篆五  
雲爭焜耀洞深紫府掣金鋪初日丹霞兩相照卻塵超出  
乘剛風帝恩廣大天九重封詞寄與風小心願塌沙土輸  
愚忠今春轉粟折衝府赤手親會哺饑虎十三萬兵猶未

玉楮集卷四

八

補秋來無地無冬防頗聞宿師無見糧要是倖安那可常  
門生感恩感刻骨本末親嘗究根窟于今況是香火間詎  
敢攙說徒侵官西陲奏稿卷十二中有醫方方有意芻蕘  
思報無已時願軫蕭牆做先備

將遊太平宮小詩呈趙季茂

聖治峯前松檜寒舊遊重此解歸鞍着身泉石無心客至  
掌雲山正額官老去隱居居紫府新來襍壓壓黃冠門東  
曾有劉仙洞剝蘚攜筇試扣看

螃蟹

無腸公子郭索君橫行湖海劍戟羣紫茸綠殼琥珀髓以



不負腹誇將軍酒船拍浮老子慣咀嚼雨齧仍把玩廬山  
對此眼倍青願從公子醉復醒

聞畫眉鳥聲戲作

木杪幽禽巧語新何時曾記得名因樣傳京兆成雙媼人  
指漁陽開小翠儘稱如簧啼白晝未須對鏡學青春山中  
有叟嗒無語短褐龐眉更笑人

小春六花

綠萼梅

晚秋過了小春催放盡山家綠萼梅東閣渠關詩興動南  
枝先放暖風回素裳肌透未融雪碧蒼色欺初暈苔惆悵

玉楮集卷四

九

東籬正岑寂重陽消得滿園開

茶花

萬峯落葉木槎牙春色初回篔上茶淺葉黃金韻梔子嫩  
容白玉心梨花西風凝露纔成顛北苑噉雷應未芽苦口  
味言終有益莫將容悅比浮葩

芙蓉

人道秋來不似春芙蓉特地張吾軍紅粧綠水照清夜絲  
伏青旂朝大昕吳陣綺羅千隊擁秦川錦繡五花羣可憐  
倚袖青霜早日薄雲輕醉未醺

小桃

霜晴着物利于刀漏洩陽和是小桃春色好看九重醉秋  
風不管十分饜青枝似愜烏棲月紅浪不翻龍九濤穠艷  
自同時節異夫君於此見清高

黃菊

在時已是過重陽翠幹重開滿地黃不爲晨暉借顏色要  
將晚節看芬芳宅邊豈必白衣至甕裏不妨紅友香喚起  
閒情老元亮頽然一醉答秋光

李花

一枝眼底物華新翠袖青霜更可人靚色不須誇綺夜韻  
容聊復返青春日烘有意姿仍潔露洗無言態更真不超

玉楮集卷四

十

繁華更孤迴爲君喚起雪精神

奉謝何正父目鯁荔實茶果宣瓜蜜木之貺酬以露

芽

打門將軍到山家小國長鬚海上楸冰片霞餐正淨蜜雪  
穠風味更宜茶頗思野鼓盤無荔安得珍投瓊報瓜汎水  
舊游渾不記且看七椀岸巾紗

奉謝趙季茂遣餽鱸醬

逃禪繡佛正長齋誰遣餅罍海上來鮫室元雲按犀甲蜃  
樓紅霧染珠胎把螯便合閉雙手據殼未應期九垓尊俎  
折衝定無敵江湖歲晚莫論才



太平宮遇雨

山居五旬晴山行一日雨太平咫尺間千里隔跬步黃泥  
深三尺風聲更號怒誰語連客知山靈倘留汝

宋 岳珂 撰

宿太平宮葆清庵自和少年壁間戊辰歲所作韻

是日間敵大入滁濠二首

西風幾載動邊塵不見長平奉國珍  
汗浹歷時嘶石馬鋒銷何日鑄金人  
消磨日月生平志慚愧煙霞自在身  
天意不關人事倦新醅小漉葛頭巾

書閣新宮記五雲祠官來奉帝臺  
珍小鄰巖穴無公事拜賜江湖作散人  
翫月吟風閒詠客看雲管竹繫官身  
從今便了草廬願郭泰應無墊角巾

玉楮集卷五

一

以廬山所產天花葷荀玉延饒趙季茂通判

已認山家作當家與猿分栗雀分茶  
氣光十月地抽荀光現五臺天雨花  
幸有玉延炊夜月肯令繡谷嘒朝霞  
憑君試雋山中味却較閒忙定不差  
天花葷出五臺山俗傳文殊來現光相所及即生今廬山或有之而極難值大池亦文殊之居也

趙季茂遺予郭索侑之以詩予早上亦遺山肴兩

介蓋相與肩也因和二首

驛書傳驛使江嶼出江湄  
目早同鰕暉螯會與虎持紫髯  
邨金甲赤髓映瓊肌  
正是清霖月相從無厭時  
倚桂傍巖麓采芝行  
谷澗偶因山雨駐何有嶺雲持

朝欺復窻寒夜切肌開奩應一笑會有憶人時

趙季茂有詩來適山間廝地得荀因以遺之併賡

韻

籬菊初黃楓葉丹蒼雲共此屋三間  
拂天未帶山雲白廝地已凝湘暈斑  
玉版有時堪咀嚼石欄何日共躋攀  
山家聊送清班兆且爲屏星護九關

葆清值雨二首

積雨將旬浹都無一日晴  
簷寒多雀噪路滑少人行  
雲氣連山暗霜威徹骨清  
更憐欹枕處終夕聽泉聲

松竹銷靈宅塵埃了不侵  
洞龍隨劍映檻鶴識琴心  
路指

玉楮集卷五

二

三峯近山通一徑深壁間少年字陳跡不堪尋

予老病倦煩入山兩月頗得靜中趣  
良月六日趙

南仲端明朱子明戶部會編摩忽皆專  
介王困

衡諸人亦來而東老姪自石門至  
閤早劉道士

又以詩卷爲贄戲成

鼓鐘不合饗鷄鵝人事何因到野廬  
玉節金臺新貴字寶

章琰刻故交書葛冠道士重溫卷芝砌  
郎君亦卜車忽憶

蘇州風雨夕空山落葉昔何如

設醮太平宮竣事呈偕行諸君二首

星壇仙籙韻瓊瑤彷彿神旂下  
九霄龍駕清都三境接蜺



旌絳節百靈朝霜澄夜清俱明徹雲澹秋容想沈寥耿耿  
寸衷天所鑒憂時惟冀五兵銷

九光影裏步虛聲午夜封章叩紫廷雲路鳴琚傳奏簡天  
街擲火渡流鈴沉沉玉漏傳三鼓煇煇銀河燦萬熒仙仗  
煙霄正凝想曉來浮動遠山青

山居作報書竟夜有感戲成

山居踰五旬正以厭煩故誰持故人書剝啄扣我戶奩篋  
旅庭砌餅罌列程庶啟緘讀風簷盈幅字如縷頗欲從簡  
易人事正如許厚意來遠方殷勤不容阻還欲混俗塵又  
覺初志誤筆研久荒穢肩腕仍旅拒沈沈青燈夜窗牖打

玉楮集卷五

三

風雨聊激懶情心小出吟藝語霜凝比鉛觚玉蟲剔釵股  
偷糜方弄墨擘繭更伸楮始焉據几案繁捷疑得趣倏爾  
懷交情恍惚接良晤緘題甫一二手熟漸四五溪毛簡精  
粗報既視豐寡札胥謹印蠟僕隸治筐筥但知役羣動不  
覺向五鼓作勞耳屢鳴倦寫目如贅低頭觸屏風入鼻飲  
辛霧欠伸忽三喟靜念起百慮吾生何太勞窮處尙弗恕  
仕皆係窮達世豈忘喜怒人以情見鄰我獨影相顧謙勤  
福所基傲放人共惡當年衆楚咻詎止雙蛾妬生雖有遠  
志願豈惜遐舉偶因回形質莫與翎插羽徒誇九垓期姑  
了一夕苦嗟哉且努力掣肘無單父

挽張貢父二章

龍津南國第蟬冕左丞家錄以文章擅人惟壽傳誇秀庭  
看玉樹喜帖報金花揮涕東原路悲風咽曉笳

江國三千士才名四十年君猶淹白首吾欲問蒼天鞮  
習池近鄜聲陶宅偏功名獨遺恨寂寞竟誰傳

十一月十五日忽苦舌瘍甚不能飲食憊卧一榻

戲成

君不見東坡昔步虎溪月夜聽溪聲廣長舌溪聲不斷流  
不枯此段磊落真丈夫一生吾伊換喑鳴嗟哉三寸予豈  
無公子搢紳陳禮法枕麴無思噤如蛤辯士說客談從橫

玉楮集卷五

四

叱牛惟解供力耕爾來更自作奇痛晝苦吟呻夜妨夢伏  
牀啜粥猶瀉浪麪肉特將堪底用太倉受禾三百廩大官  
烹羊俱鼎羶瀛洲給膳稱學士飽食端居今六年生平元  
不負此舌欲辨一奇了無說更憎此舌工負子乃復棄我  
七尺軀鴟夷楫載鷓鴣杓向口低眉輒前卻齒牙助築復  
摧落誤殺流涎孤快嚼仰天大笑絕冠纓舌兮腹兮誰重  
輕

宿溪聲閣望香爐峯偶成二律

閬歷靈巖古琤瑋雪澗橫海潮秋八月山雨夜三更肯作  
隨流想難忘激石情壯懷徒激烈聊復以詩鳴



廬峯三萬丈鳥道度嶙峋宿雨留前躅清風絕後塵誰憐  
石樓客同是玉階人謝屐須乘興千年草木春

山居感舊百韻

昔在淳熙日中興最盛年身逢千載運眼見五朝天楚甸  
當澄按岷江極沂沿經途俱極險問字始能言衛國呼珠  
帽閣公着玳筵進思紅滿幄便室白連椽詔趨回衡鴈重  
聽下峽猿講書聞嶽麓論道識湘川至治承三紀康誰沸  
九壘親逢堯壽並繼見禹功傳階玉駢牀笏贏金課槩鉛  
程書仍把學句讀始精研白髮沈詹事青雲張集仙遺經  
說東魯大義指南軒古郢十連地脩門萬里船歡呼瞻玉

玉樹集卷五

五

軟恭請擁珠鞵全盛開京邑昇平沸市鄽民無買刀珮士  
有誦聲絃去國波浮鶴炎險瘴跼鸞稍知遺枉白僅齒與  
齡元附首丁寧切垂膺涕泗連止樊護暖昧皖箐恨纏綿  
奏牒懷留語慈親返故泉名坊觀正獻蕭寺餞忠宣鼓笈  
來承學搥衣接鉅賢伊濂一宗匠鄭鄞兩魁躡持論聞忠  
厚逢時正黨偏偽名開建上威皎張平原國論幾沉痾初  
心本怙權朱彭承既倒沈季助方燃東閣陪公議南州返  
客還奮身從百戰垂翅謁三銓累載需將冠中宵歎着鞭  
窮邊周障寒訪古涉淮堧歸抱遺書痛親裁逸事編細藏  
金匱底額直玉階前日射九關豹風清列碎鷓丁時旒十

二乙奏牘三千鼙鼓宸心感絲綸詔墨鮮鑄佗光裂地繪  
像煥凌煙狐史無留憾麟臺錄奏篇賢書雖假遜倉氏尙  
拘攣大幕開邱鄧從軍下宿漣人謀自矛盾民命困戈鋌

已矣椎鉅虎歸賦訪石田哦松期掃逕薦草又勝牋掌度  
斯文在鳴瑤大老先扈祥纔列屬鶴弔復題阡甫畢三期  
制重登九寺聯會因陳戰守尙憶奏蟬蛸馬翊苑符佩蕤  
亭鶴羽翩弱翁慚美報季子幸求過蘭省頻分帳樞庭怡  
綬員于時繇闕議問俗許雌寒平糴千倉富防江萬鼓贖  
田疇免指瘠閭里僅安眠戍監還文石糧車抗使旃龍荒  
漸廟靈鴻筆研山園爲訪平山柳來尋九曲蕙降邊啟輶

玉樹集卷五

六

轉走檄更喧閭位棘珪頒瑞持荷袷在肩登壇委寄重仗  
鉞便宜專問使誅妖福堅城馘逆全萬艘爭轉粟九府亦  
流錢詩禍與同列天游闕上元閑僧偶傳誦匪石遂銘鏤  
學弄招鸞射漚陽厭老拳了無虛券證僅存巧言誦幕府  
門生舊勲家宿契堅反身徒浩歎辭舌謾思愆皇上頒明  
制公朝雪滯筮契令修甬道適遇奮空參憂職霜侵鬢忘  
餐頰露額粗能供尺伍何以報塵涓忽奉檄機召難勝束  
帛老迄孤朝灰席敢望政齊瘳誤沐使著還重尋香火綠  
九天三境近十關五雲邊倍惜筋骸老空誇手足併支離  
賦囊粟温飽及華顛喘月牛歌戚嘶風馬憶燕枕戈悲壯



志揭橐愧空館觸事常多感懷安祇自憐深山游鹿豕交  
友半貂蟬北海亡邠漸南榮偃偃佗餘生知有幸世慮盍  
無牽多幸偕癯老清時釋絆纏採芝從澗底策杖又山巔  
止足須關念沈迷盍久悛便須安激石勿使誘乘軒埤蟻  
還驚夢冥鴻願比騫屋間雲可宿簷曝日常暄適性頻移  
竹忘憂更樹護銜杯趨安健卒歲樂周旋往歲當流馬歸  
心聽杜鵑方卧不忘起已病始知痊魁技羞窮木羊腸易  
折轅但令思憤憤豈厭腹便便逆旅還推枕知音謾續絃  
誰談少年事爲我寫蹄筌

寄道士楊休文

玉楮集卷五

七

羽衣來自閩山前見說山中老散仙出岫無心雲傍日歸  
巢有意澗鳴泉同襟汗漫尋常客掉鞅文章四十年我亦  
近爲猿鶴侶試從香火結前緣

己亥明禋恩封鄴侯感愧有作二首

靜卽爲方動卽圓幼知棋局老饒先封同桑梓一千戶蹟  
遠蓬萊二十年品祿幸猶容後隱榦畬何敢擬前賢只餘  
築室疑相似三萬牙籤還儼然

布衣所願極封留佩印歸來正倦游汗馬無功開上郡鑄  
龜有意顧中流南巡空負黃圖恨北望還興紫陌愁王國  
不煩謀主父自憐支子亦通侯

十一月二十七日步自虎溪至西寺摩挲率更舊

碑近覽前聞人故游有感而賦

龜趺千丈屹岩堯古寺殘僧正寂寥律演金輪開印度字  
遺石磴說隋朝續題牘有名人蹟接吟猶逃劫火燒弔古  
未磨今古恨又攜筇策過前橋

得閤門報以予班學士詔復賜衣帶因懷初錫條

閱十年感恩紀事二首

憶昔除書下赤墀賜鞶卽日拜金闈未容汗脚踏龍尾先  
爲圍腰跨裏蹶紫詔一朝來部室丹霄十載望躔奎君恩  
一再知難報誰賦維梁濡翼鵠

玉楮集卷五

八

老去茆簷只負暄重煩冠綬到柴門紆金何有功名望束  
帶豈堪賓客言璀璨章身同錫馬差池接翼愧廷鵠折腰  
重起平生愧諉曰何知鶴在軒

謝趙季茂海錯二律

珍殺惟錯遠持將賴有詩情合得嘗明月擘蚶分瓦礫晴  
霞浴罌露珠房鱗烏鯨白螺開厝鉅紫鯪紅鯪挾腸鴈斷  
關山歸未得把杯猶憶少年場

昔槃朝日照蓬蒿消得長吟賦老饕喜監見州有螃蟹未  
須學士議車螯菜鮭三九漫青韭斗酒十千無白醪應爲  
近來詩思少故將飲興發風騷



己亥十二月十七日堂帖被召感恩二首

九天驛騎下弓招葵日丹心識就堯鸞鳳正應在阿閣鷄  
鵠何事享簫韶邱園有分容逋客海嶽無裨愧聖朝老病  
不堪心力倦甫田勿歎莠蕎蕎

歸來三徑脫塵鞅兩拜除書下玉墀聖澤雲天何以報臣  
心鐵石未全衰馬蹏已負驅車願鴻羽難勝漸陸儀願把  
一犁祝膏澤康衢擊壤樂清時

二十七日復有旨除帥江西一旬之間兩奉除音

再賦二首

披腹忱詞久未呈浹旬兩詔下宸京老臣何路通忱悃聖

玉楮集卷五

九

主無私燭物情鶴隴未渝耕隴志牛衣空換錦衣榮九重  
自是真知己莫惜捐糜負此生

郊廓不隔馬牛風枌梓環陰跬步通湖帶江襟那吟接雨  
簾雲棟物華同未須豫計荒三徑幸有需章達四聰尙想  
東湖海棠開祇今未改舊時紅

香巖

金相玉質介爲裳一騎紅塵自遠方籍掛衆香椒桂國身  
居大海水雲鄉丁羸薦醢體猶具甲煎流芬名未亡舉酒  
便應醅一醉尊前風味試平章

昨訪筭篁聞有繡幌之讌回車戲呈季茂

慣聞嬌小處繞帶覓銀魚投鴈定同瑞弄塵應談書主朝  
今日是嘉讌早春初無分陪湯餅到門空返車

病中未能訪鄧德載督參大監戲贈二首

昨朝華宴想清歡今日床頭未整冠已恨酒腸孤夜醉更  
驚病骨怯春寒多情條脫參差是一抹琵琶錯雜彈老眼  
眇昏正無緒爐薌燼冷對蒲團

老來病是惡因緣白晝明窻思悄然欲住又傾連夕雨半  
醒似醉困人天近拈吟筆塵欺硯遠想江樓浪拍船滿院  
杏花紅欲放何時長笛醉風前

春晴將游玉淵踐吳季謙待制馬可久武博山行之

玉楮集卷五

十

約先走長句

匡廬三萬丈下有神龍淵旁聯玉井並仰溯銀河連層厓  
積冰雪斷岸藏風煙崔嵬五老峯迸瀉三峽泉鯨鯢碎紫  
霧蟠螭開青天脈海凝眼近寒山入骨堅澗草搖秋暉谷  
花發春妍其間地布金到處題標旋大哉象教尊儼若螺  
髻仙巍巍南宗栢湛湛西方蓮總持包萬法卓犖棲羣賢  
慈心鬼神仰顯跡今古傳遠令千聖竟容此一席顯我昔  
宿命通曾結他生緣嘗聞祖師隱上應帝釋躔清霄珠石  
隕白浪星湖邊至今澎湃中常欲光景然當時初卓錫如  
昔晚采椽浮雲常抗志立雪思比肩壯懷凌九疊浩氣湧



百川山水爲高深志節爭後先永言繁俗累茲游經幾年  
猶想謝公屐同整劉琨鞭橋梁識昨經歲月驚舊鐫盍簪  
有者碩授館許款延牛耳盟屢寒馬頭月方圓便思供糗  
餐更擬焚蘭茝先尋遺民盟次迹繡佛禪策杖掛錢去拂  
石看山眠歸來廬山南三士同陶然

趙季茂以酒香羸來適亦得京中遠致此品乃鮮  
者恨地遠不大佳擇十五段爲贈

海羸風味冠東瀛一種俱從香得名畢卓醉醒甕猶臥左  
車生致鼎堪烹受餐敢返盤持壁執訖不妨詩報瓊有命  
其言君聽取一生一死見交情

玉楮集卷五

十一

奉贖趙季茂雪中感興二首

曉雪初明瓦春雲密布空酒驚蕃鶴遠詩坐灞驢窮訪戴  
無嘉客和陶稱倦翁應憐四十韻衣帶賀年豐  
湓城一夜雪處處飯籬空青序回規運蒼生比屋窮傷心  
慨疆事抱膝愧田翁別乘應同志憂時正願豐

病中酬趙季茂

雪窻病惱獨支頤不解隨人舉酒卮驚辨有時欺白羽解  
圍無婦蔽青絲驪珠滿袖勾吟興鹿斨看山戀藥糜莫訝  
牛腰聯未足江州司馬例能詩

玉楮集卷五

宋 岳珂 撰

病中午後登山閒步遙見園亭有翠簷張欄處久而識之爲張孝顯成趣軒蓋與緹屏油幙高會予病不得衝宴悵惘移時因以中孚澤所網鮮侑以棠漪家醞併成四絕呈在席諸人

九折登山倚瘦筇杳蹊眼禪早冬烘翠雲遮斷仙客不許其閒著倦翁

滿山桃李開紅霞曾約香山白鹿車堪笑東風欺病客攙先且到別人家

玉楮集卷六

小池玉尺躍清波病不開尊奈爾何更倩棠漪吹柳岸爲君小發醉顏酡

衝席丞郎酒斛籌不闕無面見春鷗五鱗見說訪齋禁留待明朝大白浮

比聞趙季茂奉板輿行春甚樂予躍然效之是日乃值大風雨昏後倦歸則素月流天仍復晴矣自此連日春色尤濃杏已過雨紅英滿地恨然有作因寄

棠湖有病客破鼎支藥糜青陽動新晴兀兀厭坐馳靜聞簫鼓開翠幃行春堤柔風吹簾旌呆口浮屏縱行厨依竹

裏繡幙聯江湄爲問來者誰版輿雙侍姬光彩照路傍拍

舞襄陽兒病翁禪定心久矣沾絮泥一念忽隨喜聊復相

追隨家人治尊壘夜漏規晨曦擁被起躍然不知筋力痿

破曉始三弄衝寒纜一卮煖如滿天星湛湛開青池晨光

透戶麗纖塵寂不吹條焉雲頭催隨以雨脚垂汀蘋振浙

瀝岸柳鶯紛披度塘如度橋跬步窘且危往謁乘驛使席

間如鼓聲玉寶無軟語僮僕侵寒肌一坐禮敬疎四顧面

色黯亟就兒女曹疾駕撤重帷擁爐共炙手悔游仍贖眉

須臾呼酒炙醇覺春融怡棠湖暫紆望首盤克療饑一杯

復兩杯膚肉欣平治先登潯陽樓次讀琵琶詩來往信底

玉楮集卷六

忙吟噉聊自欺江枕畫搖兀市聲晚啞啞估客維岸傍

徑行歌歸宿靄了未收溟濛沾人衣落莫與易闌扶輿力

將渡却從名園游欵戶訪故知蔬甲拆青嫩池光搖碧漪

桑顛宿鷓鳴柳畔新鶯啼至人相顧笑謂此亦足樓曾留

長者轍更着名人題廬山三萬峯一碧天與齊千古真面

目庶幾今見之遂開成趣軒又冥陳尊彝庖鮪詫彫俎幻

火後眩奇沙苑出細助好音來赫蹏紙尾有醉字恍如寫

烏絲意者天機全落筆驚傾欵長鯨白浪捲蹄蛤青雲期

佳客不我從逸興何所爲整鞅固已屢鳴漏將何其九衢

月似霜烏鵲仍遠枝風乾路猶濕雲淡星不移已成歸兮



賦更作悵然疑詰朝益明媚一瞬變四時天幾豈易測我  
感寧不滋嘗聞士之遭皇變異周伊如何不後先翻覆成  
嗚呼昨何爲而寒今何爲而熙中間出一夕乃爾變慘悽  
吾昨解印綬一舸來自西天道皆自然肯以陰晴窺況此  
瞬息觀詎可分兩歧爲言獨醒者今昔無町畦從今好天  
色更請還一鳴東尋五雲谷西渡三峽溪杏開董奉壇桃  
映匡俗祠景物看吐吞冷暖隨呵搗以此青田釀酌之滄  
海蠡籃與乘兩肩倒載白接羅真意淡三益和氣重四支  
持之藥吾疾正可扶衰羸明窗睡久酣舊業荒于嬉正當  
出雲語走筆紫虹峴追書淡旬事幸免然豆莢

玉楮集卷六

三

庚子正月彗見于室有詔求言因上已見有感作

三唐律

天象占仁愛宸心極戰兢圖從甘石辨言並禹湯興有志  
酬消露無詞贊履冰至明昭萬里先願燭西陵  
美芹野人意喬木世臣家尺璧諒非寶寸心元不返誰知  
劍門棧已建欃軍牙所恨簫韶遠不堪聞塞笳  
糧府久闕慮騎官方應占天心昭可卜人事備當嚴一葦  
江難恃三巴民已殲閉關還早計璿玉不須覘

戲作呈趙通判胡教授張總幹

人言春游無不好一日宴客三日飽翁言此語特未定一

日宴客三日病人所願筋骨強問花訪柳同壺觴老夫  
豈無少年狂胡爲兀兀坐一床憶昔少時事賓友常有清  
尊湛東牖稍長便不論升斗纔對白衣輒搔首東來三府  
西陪京二十四橋誇廣陵萬椽紅蠟槌畫鼓醒處傳杯醉  
中舞何嘗一日不春風酒光花艷詩興濃兔肩鹿脯坐據  
態急雪打面看雕弓笑談千古一映中眼底頓覺四海空  
可憐芳草長邊路年少堂堂背人去歡筵徒廢管與絃粥  
鼎相隨朝復暮寒砧街鼓總愁聽涼月花宵等虛度前旬  
作意趁萬紅沉霪積雨仍多風內間一日稍晴意藥裏關  
心復思睡無穩坐上老相如昔時依幕今題輿三君笑談

玉楮集卷六

四

忽與俱使我捨策忘其驅須臾把酒舌底滑席地幕天醉  
鄉澗明朝奇崇那可言閉院重尋舊生活回思北海酒不  
空料應多病過於儂坐客常滿更可疑華佗已死將誰醫

小園雙竹呈瑞二首

錦綉玉立紀雙清瑞諫千年重得名龍竹高標儼元致熊  
湘素節凜皇英質同隴麥雨岐秀奇並庭柯連理榮却羨  
此君尤特立虛心直道不孤生  
曲檻紅欄小圃西平池影浸碧玻璃便同雙劍看龍化未  
許孤奩舞鳳棲連袂縱觀金谷妓聯篇頓付錦囊奚使符  
永擬章江去且聽平安報帳犀



豫庵三瑞詩

環豫庵皆竹也嘉熙庚子三月忽呈三瑞皆前  
所未觀或者嘉祥有待而出耶護以朱欄表以  
名扁因物有感復系以詩

鷓竹

雷雨新頭角煙霄舊羽翰聯根方拔象接翼更停鸞紫錦  
雙翻箨青銅並倚竿摩穹端有待聊復護雕欄

右雙竹抽幹幾尺始分兩歧巖然競秀其瑞特異  
名以鷓竹

蟬竹

玉楮集卷六

五

氣並陰陽正仁無雨露偏闔開知有地奇耦自潛天雖煥  
雙紋異仍存一節堅薰風動蟬腹槐綠又鳴絃

右四竹當竹之半有二節蔚然前合而一後分而  
兩得奇耦之正猶蟬腹然名以蟬竹

龍竹

天矯青池近騰挈碧漢遙微風鳴嘯管輕霧映鮫綃舞翠  
槐齊秀蟠青松後凋終須還直道勁節自干霄

右一竹當竹之頂盤舞詰曲天矯自然有挈雲騰  
霄之態名以龍竹

庚子三月二十七日又易守當塗四月十一日發辭

免之牘書懷成二唐律

九重旂冕真知已幾度弓旌憶款門素志不為溫飽計赤  
心未報聖明恩鶴汀雲雨暮應捲牛渚風煙秋欲昏休向  
長江問陳迹浮梁孤塔不堪論

去載西陲夏正初首驚禹閭下除書璇杓導旨方螭陛珍  
圍迎釐又燕居三見綸音傳詔璽六看榮信到耕鋤祇今  
又上公車奏何日煙蓑返老漁

十二日詠吉受通議大夫告再書述懷二首

聖代論思秩中朝博議官尚紆郡邸綬空著侍臣冠歲月  
驚馳隙功名儘畫墁髀銷今已復半世愧戎鞍

玉楮集卷六

六

五雲瞻觀闕百印寫綸綵有愧陪貂尾何功復鴈跼精鏐  
盼紫磨寶匪詠緇宜聖德知難報規銅笑白髭

上高趙宰同叔遺以誠齋集開卷偶見答徐宋臣

監丞書云來帖告訴門生排根嘗聞前輩謂受

人之恩而不忘者為子必孝為臣必忠蓋推是

心而信其人也又聞惟以怨報德者為不可測

蓋以有人之形者必有人之情也故盧杞之於

顏公敏公之於文饒之奇之於承叔邢恕之於

君實孰測其報恩一至此極哉昔孟嘗君有一

客孟嘗遇之甚厚而客每毀孟嘗或問其故客



日人皆譽君而我獨毀人必以我爲小人而以君爲長者此吾所以報君也前五子者其意將無出於此歟至如逢蒙殺羿之事孟子不責蒙而責羿然則先生之於門生其責果誰在哉或掩卷有感因筆記意復細繹身履者以補其闕

凡四十韻

古人忠與孝不在工報恩如水日夜東豈必同一源堂堂顏魯公舐血來平原鬼質不知何幾作絕吭魂大中白丞相昔躡衛國門幻作萬羊夢投畀朱崖村奇謗及師友墮言動君尊匪但死不瞑大是生無根我嘗究初終要亦無

玉楮集卷木

七

足論或以裏言撥或趣主意奔或從談笑生或即利欲昏初亦未有心末乃成至冤青簡玷齒頰至今猶嗔嗔儻無魏闕戀誰使舌莫捫森浙起奉冊片頃那容存牀第本無從何物能輕軒脂垢亦易辨誰解滲瑣瑤如彼孟嘗客亦已悔而反正比蕭相繫尉拊聊春温五人皆有爲評訂何必繁之子獨嗟事畫牢訊書爰反覆蹈生死呵噓變寒暄秋毫無所取可驗牘背翻自言復自渝洗垢亦不痕堂帖寫元奏別白如珉琨渠知襍槩枉端由吹聲喧天定能勝人白日開戴盆只於幅紙門了了窮所元不特玷盡庶那復恨可吞但觀斯人心雖踵五子跟居然蚤虱微而此蛇

與虬抑觀誠齊書理到詞不煩有形斯有情相比如篋墳而於五子中乃復加詐譖旋觀逢與羿端在友弗掄毀玉自出押扣金能反轆割席懷共耕知幾當賜膳辭舌謾爾爲措嗒愧吾愆正須起九京相與澆一樽江湖雨相忘再拜師至言

睡起三絕

睡起東牕日已紅扶頭宿雨未惺忪南陽一夢何闕醉自愛終身作臥龍天色今晨已放晴烏鳥亦覺有歡聲幅巾自是便疎懶飯了花間取次行

玉楮集卷六

八

五更展轉待晨光到曉普勝入睡鄉却是金門早朝客千金不得枕巾方

自歲前建夏初日治辭免有感而作

憶昨除書賜召環聯翩舳槩不曾聞醉吟久負鷄豚社奏牘頻登虎豹闕求倦得忙三易地自冬徂夏半年間

梳頭二首

白髮三千丈斯言若未公下梳驚落雪倚檻且晴風自笑雙蓬鬢今成一禿翁晨招幸無與姑免請頭童長記涪翁語無塵有髮僧無塵方願學有髮亦何曾學士年年樣車門日日乘二毛猶勝我不必愧髻



塔燈六言四句

金輪示現清夜火樹高騰碧虛說法未回坡應冊勳先到鐘魚

七層靈燄自照萬里劫風不吹烽信斷無澤國神光恰似天池

中天半倚寥汰大帝高居鬱蕭已訝流鈴擲火還疑絳節來朝

碧落星移象緯紅光影射鮫宮甲煎千門初啟明珠九曲先通

喜雨

玉楮集卷六

九

去年春早種不移後來雖雨那及時至今田野有菜色麥熟未採民嗷饑今年雨澤知時好出水秧鋪隨處早晴無十日雨輒隨雨及一犁日還果天心一念本好生去年今年何愛憎古來藏室五千字每歎凶年由大兵祇今崆峒纔小熟溝壑未甦猶五六兵端倚伏詎可量且願藩籬謹西蜀

四月二十日被以邵事入奏之命再賦二首

五雲堆裏望觚稜二紀周南夢未曾四輩兩年勤詔札九重一念又黎蒸烽臺雖有深秋燧鴈塔應無曩日僧預備正須如雍國不妨德業頌高昇

去年冬暮拜弓招槐夏重承接畫朝錫馬敢期先雨露冥鴻自愧點煙霄沙墀有路瞻唐表瓦缶何堪溷舜韶歸郡定應遲六月却從故迹問凌歊

予園泰堂之傍有奇石小有洞箭括有門車箱有谷高廣雖不袤丈而嵌空之勢宛若飄動服日獨坐對玩移晷因賦

池邊歷平蹊果下動游韉一笑未心領萬象徒目送淵淳歷危檻目景眩華棟閒情晚不舒倦思悄如夢忽驚鶻噪簷恍類鷄發囊坐開蒼玉壁平揖青瑤峒疇昔果安在奔走比嶽貢仰觀箭括門廣宇豁晴霧石開車箭谷盤道陟

玉楮集卷六

十

微衙中天隱日月遙海插蠅螬居然表丈間有此具美衆老夫生平嗜酷暑泉石弄天巧謝斷削人爲謾搏控尙憶三神游免紀十年夢踞龜曾食蛤騎鶴更笞鳳覺來海山蒼倏見雪竇空便疑勢崱嶇獨欠波瀾洞捧罌喜對酌岸幘發孤諷此兄定絕奇吾意當折衷一笑問阿章試與評伯仲

玉楮集卷六



玉楮集卷七

宋 岳珂 撰

新荷出水

貼水初翻紫玉團，忽驚蠶立傍欄干。瓊池七日來青鳥，玉鑑孤奩舞翠鸞。曉露走盤珠，顆瑩晚風颭。蓋雪衣寒從今，十丈開花面太華。峰頭更一看。

舞鶴四絕

九臯仙子老芝田，小立清池阿那邊。忽作霓裳羽衣舞，天機未信祇魚鳶。

會見中庭舞素衣，夜涼桂殿玉笙吹。夢回一曲天風杳，正

玉楮集卷七

是華亭振萬時

臨臯亭下翩翩客，綺袂元裳憶舊游。推戶惘然尋不見，笛聲猶認紫貂裘。

一川翠毯淺燕平，上有鶯簧百囀聲。萬里煙霄看鷺振，一

池鼓吹謾蛙鳴

簡吳季謙堅他日柴桑之約時季謙有潭帥之命

二首

幾年諸葛卧南陽，蠶澤春風詔趣裝。丹檢紫泥來四輩，碧油紅旆又三湘。不關富貴干旄戀，要看功名汗簡香。雪汁蓬婆漸秋水，好扶西極漢天長。

君今西上我東馳，一醉相從又幾時。星變十年占軫墊，風寒南地說江湄。憂時有慮慮須早，了事欲歸歸未遲。年齒官班畧相似，伴閒頻記樂天詩。

五月九日登舟開牙卒鼓角發嚴

古郡裁儀自太平，百聽初奏夜嚴聲。漁撾鼓吏催三奏，龍角單于動五更。岸柳青煙留帳飲，堤蓮紅燄耿紗明。津亭獨坐迥然笑，不似池蛙兩部鳴。

將發琵琶亭

前歲西泝鄂，今歲東入吳。同一琵琶亭，行客各異途。當時白傅恨陳迹，久榛蕪豈特無遺音。榛蕪今亦無，突兀眼前

玉楮集卷七

屋丹塗，椽樑廢興曾幾時。傳舍同遺廬，已見兩折柳。於

此餞老夫昔持使者節，今發追鋒車。我則齊出處，世自分榮枯。而況天地間，萬變同須臾。我觀商婦者，瑣本豈足書。

琵琶本當技，何地無此徒。夫販浮梁茶，婦即空舟居。長吏

濕青衫，禮法毋乃疎。樂天子牟心，一念存江湖。詎關蝦蟆

陵，維以懷故都。譬之澤畔吟，此語非寓歟。蓋嘗考遺集，一

事會同符。詩歌鸚鵡洲，尋聲得幼姝。倚牆泣明月，清淚垂

真珠。夫君當此時，正屬典午初。不應奇誇後，無復思廉隅。

六義有比興，觀洵傳。洵託物皆一理，實事那相須。人情

大與姤所值，分賢愚。低眉終不說，正恥悻悻俱。初意祇如



此膠柱何足拘子折武昌柳子宅潯陽廬二詩端可識一笑聊洗誣明朝重回首搥鼓催征艦

舟過庾樓

得名元自庾西陽秋夜何關舊踞牀坐上參差雉橫堞檻前來往燕歸檣騷人雪月撩新句游子風雲憶故鄉何日君恩粗能報苔磯重此濯滄浪

白水浦懷王建寧

南朝舊見王忠武此地曾屯千萬兵十里荒蹊秋兔健千年陳迹暮鴻征無衣空縕包胥志遺帽終留諸葛名落日英雄滿襟淚鳳凰倚徒孤城

玉楮集卷七

排轡遇風對岸即彭澤舊縣二首

隱約山藏霧砰礪地起雷黑風吹海立白雨過江來齊樂正應爾沛兒安在哉雄雌誰與辨試上楚王臺

岸上蘆搖首門前柳折腰千年已陳迹四海又驚鷗宿醫何當淨高風幸未逼紫桑那可見身世且漂搖

發排轡過小孤彭郎祠下遂宿馬當

山小孤磯彭郎中納百谷吞三江江流澎湃不可當勢比折木傾銀潢渴龍一支走馬當宛然天驥初騰驥回轡轟立江中央西從岷峨暨睢漳南派五湖通三湘後先奔走爭回翔前驅怒氣軒且昂倏然過此意消洋儼然天子朝

明堂坐受萬國來氏羌五瑞咸輯珪與璋拜舞軒陛心俱

降我聞乾坤融結盤古開混茫流峙異勢分與方巍巍神

禹治水平懷襄底又一意先荆揚此山綠字元弗詳脫畧

邱垤登臺芒後人考古徒縑緇未覩此石天經地紀之維

綱若不見古馬當今馬當記謀雖漏處有常上焉柱天植

極扶三光下焉立地作鎮安八荒磅礴杳靄排窮蒼削平

瀕洞壓鴻龐萬熒瀑布高蓋張百靈臣伏絕影藏坐使四

海順流中古無濫觴噫偉特那可量我欲用世取所長

便當提作朱亥神椎推猶狂北絕大漠揚旌幢向空更度

金浮梁一拯墊溺躋康莊連山疊阜化囷倉盡飽萬姓饒

玉楮集卷七

火腸持此報上歌如岡徧開壽域同畛疆自今永永三十

六萬歲淳古比九皇山峇峇兮江湯湯

過鴈汊

駢集千艘岸喧聒百吏聲黃旗優仕賈白奪困商程吳楚

方憂蹙耕桑謾計贏坐觀還一笑闕市古無征

便風經鴈汊宿荻港是日舟行四百里三首

近岸千帆閱雄襟一息舒雲程排沸浪風御翼澄虛塊歷

過都馬波翻縱壑魚經旬歎淹滯此理蓋乘除

羊角搏扶日鴻毛迅順時天心應有爲吾道復何疑岸燎

開戍提磯神助好詞倚椅聊一笑且試楚襟披



瞬息四百里經行三十年此時真縮地當日信梯天岸過  
人回首山浮浪駕有望塵何足羨禦寇正冷然

入燕湖港過吉祥寺

昔時曾訪後山松天道那令霸業窮夾岸人觀新太守擁  
門信認舊時翁隱磯謾指六朝事魯港嘗淹五宿風從今  
片帆湖際去只應日在瑞雲東

黃池

易取日中市陶居天下衝南琛下甌粵西旅輯巴庸四顧  
斷登龍萬家樓聚峰寢邱端不類何以滂吾封

曉過固城湖

玉楮集卷七

五

放船快度固城湖十幅輕帆日未晡東望金陵千嶂遠南  
浮銀頃萬壚趨歌聲隨地參吳楚沮澤經春畏稗蒲却認  
棠磯尋釣艇只憐無影浸匡廬

銀堰

舊說金爲土今聞銀灌城古人真作事後世祇虛名籌策  
雖會立敖倉竟未成道傍誰築室吾欲誦坻京

久不雨裏河舟不可行成橋平氏小舫在東壩子

介紹假之以行

裏河累月雨不時河流一綫川拆龜馮河無地訪一葦有  
舫艤岸知爲誰尺牋叩問真謾與白頭雖新還亟許從來

遇合無古今中流一壺真千金

夏旱三首

去年旱勢已殊常今歲農家更可傷支港鮒臣空涸轍大  
田龜兆未移秧祇今已是眼滴血此後庶無肉補瘡機蠶  
小臣惟痛哭第憑宗社叫蒼蒼

宣昇接境古高圩多稼連雲號上腴水毀木饑猶解有刀  
耕火耨故應無瓠肥何計今糠覈草窳空憂古莠苻昨夜  
濃雲望東北祇應雨脚在三吳

問津六輔到長安滿目疲羸不忍觀耕耨又孤今歲飽蓋  
藏尤比去年難綺羅有目須令見鐵石爲心方自寬欲借

玉楮集卷七

六

玉陛空帳望救民無術愧空餐

東壩以裏沿岸人家皆對門植葦于小嶼不曉其  
肯謾成四絕

岸旁幾曲住人家淺嶼排門種荻花縱使秋聲常索索斷  
無司馬聽琵琶

萬里江濱長野蘆西風元不費工夫兩京薺菜論斤賣耳  
自由來喜所無

北都舊產無淇竹見說園池蘆葦多漲綠不妨夜來雨更  
須別浦聽鳴荷

曲江西畔鎖離宮細柳新蒲日日風想見千門映春綠君



王未見碧成叢

三塔淹圩下二首

暑風空戰荻蕭蕭盡日舟行淖沒腰曾見決堤憂螳漏未  
聞涸轍縱鯁跳成渠致利今無鄭具備先時古有堯安得  
圩圖比安土憂時如俠奏清朝

浮不堪存淺不浮百艘鱗戢賈胡留如泥乘橈禹行水以  
力嬰天泉盪舟生息便疑吹野馬坡陁正恐見淵虬君行  
遲速何須問且爲斯民恥內溝

三塔寺寒光亭張于湖書詞寺柱吳毅夫命名後

軒二首

王栢集卷七

七

竹裏逢僧院殘碑不記年鴈題三宰堵龍化兩魁躡寶正  
號應紀元豐墨尚鮮寒光定何似誰放五湖船  
雲煙千嶂遠風月四時新澤昔魯望鏡明今季真何時  
脫塵絆來此寄番綸一艇葦間宿寒光長是鄰

淹中水淺與從下水肩舟二首

揚塵驚淺瀨平陸北通津絕膺正扛鼎化身如轉輪未與  
譏代畜不狩愧懸鷄誰借商巖手一篙烟水春  
水面平如砥胡心淺不波駕肩同作楫袖手莫談河不見  
成橋鵲空傳度磧馳勞生正應爾空愧白鷗莎

嘉定丁外予守樵李召還郡人見餞于三塔灣偶

至此寺因名有感

往年會佩雙湖組古刹猶題三塔灣墮鴈重尋湖浩渺斷  
虹渾記水回環兩州隔涉名無改二紀棲遲老復還病衲  
雖無分別想經行莫作少年看

去歲五月二十八日發雪錦亭以六月旦謁富池

而行是夜始望見廬山今歲以此日正在湖淹

中念歲月之倏忽驚道途之勞勩回首感歎二

首

雪錦亭前夕照紅興唐寺下曉聞鐘傷心楚水又經歲回  
首吳雲知已重萬里同盟祇鷗鷺三江嘯浪憶魚龍如今

王栢集卷七

八

且對湖光裏八九重開夢澤曾

去年今日富池頭浩蕩風煙卷雪樓湖海百年雙鬢老荆  
揚兩地一萍浮河斜左界流清夜雲密西郊望有秋通塞  
隨時何必問明朝又放溧陽舟

火雲

清晨洗月露雲色已如血惟憂農畝枯敢歎征途熱瀕湖  
十萬戶旦旦望霓切龍骨夾岸鳴盡暮不暇歇祇今牛犁  
地已作龜兆裂平湖三十里決漭幾盡竭矧此一綫渠而  
不比涸轍天閤高莫叫歲事漸無說如予方懷章何以救  
餘子回首望堯雲馮風哀涕雪



病虎行

長風吹谷白日暗曠野人稀雲黯澹狐狸嘯舞豺狼嗥病  
虎妥尾行蓬蒿天寒泉凍山骨高皮枯髀痒霜爪搔紛紛  
晴雪爬落毛垂頭帖耳身腥臊羣鴉槎牙巢古木燒火半  
青新鬼哭走麕過前不能逐目視兢兢躡樸槪毛風血雨  
天地肅何日跳跟看食肉天生萬物有盛時當年一嘯天  
助威坐看雲起行引兒當途寧復論老羆一朝老去守巖  
竇落葉滿山冰雪後壯心空在筋力疲寂寞長饑眠白晝  
古來毫傑多沉淪不用爲鼠皆若人范睢折脅西入秦內  
史長歎田甲嗔可憐百獸爲披靡轉顧不如圈中豕兒  
奮踏亦渠似肯復虛爲倚崖死君不見南山白額曾報恩  
牆頭金枕投何人

玉楮集卷七

九

浩歌行

浩然一氣古到今古人無愧惟此心青天爲幕地爲席醉  
裏聊作烏鳥吟君不見人生所重獨名諡一代簡書耀青  
史當時命名偶然耳跼聖邱愚果誰是又不見人生所願  
在貴豪汾陽鍾鼎頰瓢祇今等是一堆土寧識生前時  
所遭或言惟勢可凌物且作參軍暮蒼鶻富方煉炭貧牛  
衣上下升沉總飄忽又言有才堪動人文章不過紙上塵  
卿雲復生鮑謝作我亦不識知誰真書函闔開古所忠

札千緘謾堆案當年京洛驛走塵未見遠官救劉晏人情

炎涼今所同鞠脛卻等壽適公小兒坐睡觸屏風亦復諂

語無所容回思一拙勝百巧囊粟侏儒先亦飽纔從掃軌

學戲門邊上鋤犁不相保又思三窟寄一身東來入湖南

入閩已慚下車馮婦笑又恐顧影癡兒嗔一壺一鋪醒復

醉便作劉伶藉糟計易園翁蔚棠湖清席上老兵未渠異

一花一柳春復秋更效凝式東西游池荷漸衰棗紅近

緯那免孤婆憂噫噫人生萬事大似繭抽縷百緒千歲無

物不如許歸歎一曲浩浩歌堯舜揖遜湯武與干戈從來

劍佩常相磨天地萬物如子何淵明嗜酒稱第一不知寄

玉楮集卷七

十

傲義熙除酒更何術雍端但愛粟與梨借使無此未應對

酒成白癡樂天僅識廬山奇肯信琴書泉石不堪引妻兒

青山獨往若不早自是金谷白首同歸有何好浩歌對山

開酒樽看到月墮黃金盆往來正爾勞季布賢佞豈必關

王尊胸中浩浩顧所存貫珠擊節何足論我不能苦身刻

骨爲名抵死求媚嫵又不能南柯北牖指夢所歷爲喜怒

權勢文章共生死諛書嚙語相推許爲身擇地已爲累隨

戲逢場亦何補凜然浩氣天地間眇視萬古同人寰滄溟

易狹杯芥寬北斗柄爛銀河乾浩歌正爾吐天籟風月笙

竿均一噫來者浩浩不可期指此無愧惟心知青山白雲

隨所之浩歌更賦歸來兮

玉唾壺

古來玉唾壺歌罷壺爲缺憂時一片心常惜志士烈鷓鴣  
盤出崑吾刀截肪溫潤如切膏悲歌聲動行雲高何愛一  
闌稱世豪爲生冀州北未省能伏櫪骨拳鬚秃利四蹄鳳  
鷹齧汗人不知夕陽芳草顧影嘶猶憶振鬣天山西可憐  
歲華暮萬里瑤池路鹽車鞦韆踰太行夜然枯草畫服箱  
上天振策無王良徒有此志今未忘荆山韞明月良工斲  
不徹抱璞昔三別曾泣卞和血旣斲復毀不可磨尊前對  
酒聽浩歌唾壺雖缺璞更多騏驥不生奈老何

玉楮集卷七

七



宋 岳珂 撰

中橋二首

過了平湖又小溪却從蕪徑訪多歧如何江上乘風鷁化  
作泥中曳尾龜誰遣旌旗行沮洳定知鼓吹宅連漪中橋  
咫尺未由到且作吳兒玩水嬉

澤國何村不着橋中橋跬步即雲霄青帘望市雷鳴腹黃  
帽推船水沒腰六月彤雲搖旱火一潮清浪捲晴飈平生  
未慣舟行陸鐵石心腸也合消

泥行終日至晡始抵中橋六絕

玉楮集卷八

一

終日泥行足半瓶中橋望見已多時一篙不得風漪力早  
被青帘望得知

平川煙草碧如煙曲摺琉璃翡翠田一水分明度舟楫如  
何平陸却推船

農家未補眼前瘡却種湖田作旱糧別浦誰家夜鳴鶻踐  
殘一半不成秧

兩岸黃苗半畦深蘗餘短髮更傷心莫疑一點無生意盡  
是田家眼內針

歷盡清灣日已脯斷虹吹浪過平湖兒癡不識中橋影問  
道前山有雨無

到得中橋一徑斜岸旁沽酒雨三家長年醉臥桑陰下鼓  
吹猶煩兩岸蛙

夜宿橋岸

長纜宿首灣平蕪泱泱間舫移星在戶岸迥斗藏山淺瀨  
不勝揭浮生何日閒夜深聞過榜知自溧陽還

問道宜興二首

買田陽羨說東坡想見溪山勝槩多曾是中營誇繡帽尚  
傳遺廟鎖雕戈斬蛟義槩人猶記化蝠仙蹤事易訛我欲  
問津先訪古古靈題蹟試摩娑宜興張公洞刻古靈題  
跡客有為予言古靈後乃  
仙去者未  
句故云

玉楮集卷八

二

粹儀夾縱盛花鈿人說先朝祀玉仙罨畫有溪春不老煉  
丹無竈古空傳乞靈贖提羞蘋藻養性何勞學汞鉛書閣  
蒼龍應不遠為君重寫白雲篇天中宮夾紵玉仙聖母章  
聖禱嗣之地

過謝礎淹

蒹葭曼衍浪縈回波面雖平路不開溝瀆行舟休剡木坳  
堂浮芥欲膠杯人如鳧雁俱游耳江有魚龍安在哉但說  
淹名吾亦畏輔渠有路莫重來

遇順風

身世漂搖似轉蓬歷湖經淹任西東凌波小試檣松檝宿  
露飽親蓑葦叢兩岸居然驚脫兔一帆從此迅冥鴻到頭



天意君須會我道區區端未窮

楊梅

淹歷三家市梅垂萬顆酸烽池看火樹嶮室試金丹風露  
盈盤重冰霜透齒寒它楊應不類留與子雲看

六月二日乙丑濫溪大雷雨

人言夏日雨甲子赤地千里真早祥今年六月天久亢平  
晴龜坼田禾秧農夫慟哭眼滴血郡邑奔走焚巫在油雲  
勃興杳無際涸轍渴想惟西江誰能逆計休與咎且願炎  
熱澆清涼凌晨望竟到日暮屯膏雖施了未光萬夫喁訴  
百澮竭風伯一掃還穹蒼那知天意極仁愛為民之慮尤

主楮集卷八

三

周詳掇光一夕動北斗濃霾五夜迷東望赫曦再見耀亭  
午童謠忽憶歌商羊快哉雄風起蘋末玉女嗔笑叫阿香  
盡傾天瓢灑甘露五丁仗劍分銀潢桑麻油粟柿柿稻  
苗穉穉溪湯湯葭蘆起舞岸柳揖農家欣喜幾欲狂向來  
羣心已誤見俱謂時數無金穰詎知瞬息變呼吸頓使空  
廩還千箱彼管窺天蠡測海妄以時日肆度量亦復委曲  
致遊就聊徇世俗拘陰陽天於萬物乃如此大造生意何  
可忘嗟乎得隴仍望蜀更乞一剪田中蝗

道中思廬山

廬山三百里巨浸壓亭宮勢接九江匯峯連萬古青淵源

開道術吃幻雜仙靈厚地蟠奇秀雄標動杳冥農嵐晨歷  
歷流水夜泠泠雪擁瓊瑤障花繁錦繡屏吾居嘗靜對親  
處異空聆瀑布手自酌斜川身所經龍淵啟短策烏道絕  
危陁正派尊涵泳高山有典形揭來三涉徑知閱幾周行  
白傅松猶在陶潛菊未零堅高忌並轍今古共忘形便擬  
安圭竇終期老澗壑忽嚴大君詔言駕小侯駟一別門垂  
柳重觀潛換莫出山羞小草浮海又流萍願覺登山屐翻  
成泛宅船回頭看豹霧望眼隔鷺汀縱抱知還志何時振  
傳鉤

寄江州趙倅季茂二首時過漂陽舟中正順風張帆

主楮集卷八

四

扁舟初下投金瀨忽憶溫江趙治中才氣當年凡事別詩  
盟近日與誰同何當解印乘歸興想見隨橋亦順風茶竈  
筆床淡生活一帆先借老龜蒙  
庾公樓上凭欄時一片歸雲費夢思鄉國情懷應念我江  
山風月定分誰青衫休為暮陵濕紫氣先尋牛渚期好是  
初秋藕花候蛾眉尊酒正相宜

寄胡教授

西風送我漂陽溪終日蓬窗祇有詩黃篋未妨林着筆青  
緇不管鬢成絲鴈隨去訊勞君問鷗憶同盟尚我隨想  
歸舟不多日一樽牛渚訪秋期



潯陽江上無羶客別後音書杳未通  
蕉鹿定應隣左計  
鱸端是待西風謾懷離思人猶遠  
欲寓險情句未工  
朝列  
鷓鴣問消息一牋莫靳寄詩筒

奇高建寧尚書二首

鶴書幾到闔廬城見說君王憶姓名  
衡嶽雲開傳諫草  
考亭月冷見文明不從金馬登丞輔  
却托銅菟煩客卿  
天意未應無定據  
管教吾道致昇平  
已分耕畦老一犁  
天風吹夢入枯溪  
誰憐北垞騎牛背  
又踏東華放馬蹄  
槐絲不妨穿禁漏  
黃泥便覺動邊鞬  
歸塗願請平戎策  
政恐曹裝起詔泥

玉楮集卷八

五

天中萬壽宮

湖以溪邊春草青張公洞下泉泠泠  
兩行松檜列旌纛  
中有金堂開福庭壯哉神力出杳冥  
樓觀矗立排巖局  
焜煌金碧儼相照刻石猶紀唐朝銘  
中興天子受舜禪  
壽宮晨候祠官星紫衣勅使易霞袂  
白茅羽士迎雲輶  
頗聞當日動乾象二十八宿搖天經  
奎鉤寫題月兔泣  
昭回雲漢爭晶熒  
至今榮光猶炳耀百爾呵護煩山靈  
玉仙紵像羅瓊人  
昭應奎寶模牌形  
竭來正值天六月  
栢城將泣秋露零  
芝輿望幸已絕覲  
蒿悽觸感徒靡寧  
岫雲無心出而雨  
谷風振響流爲霆  
石堪礪齒定何似  
流欲洗耳將誰聽  
嗟哉

行役久勞勩如鳥知倦纔振翎燒香臺邊聊倚策  
煉丹竈上方絕徑由下仰瞻始知悔扶力已竭  
那可停衆皆徇目且徇耳我謂獨往非獨醒  
從初秘祝本何益中休端自明德馨周家克敬綿萬億  
自今葉葉皆堯齡

張公洞二首

祚紀千齡運名標二代仙  
鶴鳴應從地蝠化已先天  
風洞疑無底丹爐信有緣  
祇應巖下奕爲我一莞然  
驢跡驚初踐鷹盤若有靈  
石橋通便戶金鑰鎖殊庭  
滴乳看成像登臺仍刻銘  
更憐國山字真欲比雲亭

晨日湖以至青口有數老父携筐筥拜道旁問之則

玉楮集卷八

六

山居之民紹定中嘗以摘山爲香蘭塞兵所擾予時將使指淮東爲直之適見騶從聞予之姓曰是姓稀必吾官也以新茗爲贄予笑遣去遮道不已因感其意卻而謝之有賦

路傍迎拜正紛紛尚憶鋤山話事因老去可憐心尚在姓稀猶是耳曾聞驛追少日傳行客犬吠多年絕過軍慚愧一錢無以稱殷勤寄語若耶雲

過啄木嶺暑暍憩道傍移時始行三首

啄木侵雲起流金正日中  
澗深猶斷港山遠暑無風  
自是人來去何闕暑蘊隆  
羲皇正高臥多媿北窗翁



憑軾汗如雨低簷氣若炊垂頭疑大病駐足便多時與隸  
爭陰樾家人薦藥康君生儻行道暑暵亦奚爲  
烏道度嶮絕禽名逼古今築亭聊駐馬息木未成陰路峻  
天應近崖幽霧更深畏途猶避執坐有躡雲心

望北闕門

萬里雲開瑞日明雕甍遙接九重城觚連丹鳳紅雲繞闕  
度青牛紫氣迎新第千門俱改觀舊溪二紀謾圖情今宵  
且向橋頭宿又聽瑟瑟打六更

六月二十一日內引賜對緝熙殿玉音宣問漏下數

刻將退賜金幣香茗有差既而御筆除長地官將

玉楮集卷八

七

旨八路復賜一札兼鎮姑孰敬紀感遇以昭恩榮

四首

曲郎青銷午陰遲一朵紅雲擁緝熙便座詢猷親帝問近  
瑞承詔引朝儀小臣曾是鷓鴣舊夙幸還瞻龍鳳姿出殿  
陛郎驚漏下兩行簾日影參差

二紀身陪獻納班今朝始得拜金鸞裏蹕范鑄分天馥鮫  
織開奩薦月圍奎笠返雷琅鈕濕斗牛直射寶光寒糜捐  
雖有平生志自覺君恩報稱難

曾窺遺制辨中朝更帖驍游八座貂空有丹心醺雨露詎  
應赤脚踏煙霄人繇汲汲知堯舜我豈區區事管蕭不是

鸞臺動丹詔狂言何以發芻蕘殿上恭承清問俾條陳謹  
若利病以聞辭不獲乃奉

奏藁

單軺從此歷湖陰自愧便蕃聖澤深贈策不煩秦士款埋  
翰聊見漢臣心至憂未解誠知辱民瘼猶思力不任表語  
拳拳懷美報用中聊以當虞箴謝御札表往忘有云惟克  
用中是名報上此真說也

中秋夜宿旌德觀無月

滿看金盈擲碧流西湖從古愜中秋清班正自重闈隔塵  
鞅難從近甸游自是四并偏我斲從知一笑豈人謀望霓  
得月良非急且願西風送雨休

水樂洞

玉楮集卷八

八

天下水樂洞今歸四姓家臺地間日月泉石痼煙霞誰挈  
游人棹還尋奉使植明朝重回首清夢隔京華

趙山二絕

驅車結束趁晨暾水樂簾前共一尊二十二年如掣電軟  
紅依舊暗修門

江南問殺老尚書自是承平一事無送客折腰書脫腕試  
從馳轍看登途

洞霄宮

峯巖樓觀鎖新宮十里清溪一徑松金榜奎章紅日照石  
匡仙影白雲封香殘半掩凝塵榻路轉猶聞隔澗鐘四牡



經行真不在玉淵初識洞霄龍

洞霄宮良泓孫副官房二首

山比復泓澄幽房取次行萬峰隨眼換一勾照心清壁露  
涵秋氣斜暉度晚晴迥然還自笑見易未經名  
養生須及早器破輒難全鑑止存心地涵虛詠性天寓言  
隨灑灑至理本淵淵玩物先觀象如師況少年

試廬陵賀發竹絲筆

此君素以直節名延風揖月標韻清何人心匠出天巧縷  
析毫分勾且輕居然束縛復其始即墨紆朱封管城世門  
官爵豈必計且幸一家同汗青

玉楮集卷八

九

九月八日桐川道中二絕

斷雲輕素抹山腰山下人家野水橋小隊旌旗空獵獵不  
教閒起酒旗招

依稀九日明朝是三徑情知不到家隨分秋光闔節物桐  
川道上看黃花

九日發廣德至建平感事有作

西風吹着白鬚喜節催儂老道途無菊傍籬真漫興有  
松掃徑故應燕登龍路近心誰賞戲馬臺成足已瘖悵望  
杜陵正搔首一枝不得賜茱萸  
是日迎送之車屬道戲成

老仗相如節佳時負酒尊人誰羞夾轂我自槐乘軒塵土  
欺貂裘功名付犢禪令君休負矢予不詫王孫

宵征

炬火一川明前驅聽鼓鉦指途期縣驛問道趣王程不爲  
怕人性聊尋葵戍盟征夫免泥淖何忍喜天晴

夢尚留三橋旅邸

天上歸來打六更夢回搔首正曹騰玉霜初上三更月綴  
綵猶明九市燈聲徹銅魚催勘箭影斜金鵲在觚稜帝鄉  
東望重回首佳氣何時到五陵

病中試張觀筆

玉楮集卷八

十

淮上霜濃衰草黃阿魏健走何如獐不知聚族加束縛妙  
手乃有明山張生來阿魏素狡獪何術聚致如驅羊拔毫  
穎穎不敢惜一一順聽伏且僵人生切勿恃一技善走古  
有執蓋郎不惟平地傳兩翼仍以俘馘浮長江一朝發憤  
遷東岸逝水亦復隨浮梁只今紅綃瑩玉管何人解發千  
古光明張眼前第一手嗟嗟阿魏孰能走

十月廿五日有詔以予班六卿賜對衣金帶鞍馬

二首

綴蹟中朝十四春精鏐雨錫帶圍新賜袍又見光躡裏沃  
轡不妨翔苑麟有馬可乘存史闕無衣謾賦感君仁輕肥



豈是平生志髀肉何堪豢此身  
非念蹉跎馬少游幾年田野任沉浮文章不稱麒麟楮袍  
緼誰慙狐貉僞試問躡屨常束帶何如款段自經邱感恩  
一念惟憂國莫笑隱居金絡頭

當途勸駕詩

禮行鳴鹿盛侯邦企慕纔因既見降詔下菑川今第一才  
如成紀古無雙雷聲龍化標應奪筆力牛迴鼎易扛老守  
殷勤折津柳相期鼓吹輅春江

鹿鳴宴中走筆呈林教授

三級催龍浪朋來盛鹿賓淵源識餘潤騰踏已通津融帳

玉楮集卷八

十一

知方盛陸莊應未貧成功豈無日況復值詞人

碧雪亭晚眺二首

閒步碧雲亭寒郊弄晚晴牛羊分暝色禽鳥有春聲岸柳  
風猶勁溪梅水共清屋梁正殘照西望憶長庚  
歲華方冉冉耕畝自閒閒日落清楓浦雲平白苧山荒城  
嚴警析昏鼓動層闌風露汀洲冷鷺鴻自往還

題王謚潛泉蛙吹二首

閒編看句律著意寫題辭業以能潛大泉如始達時一謙  
聊託物六義可言詩有問君須答爲公還爲私

楓落吳江冷會聞五字傳懸知鷺累百何待已能千清氣

溪山宅閒情月露篇六經須鼓吹吾子盍先鞭

閏月之臘詔賜銀合臘藥三首

驛使錦連乾傳宣下九天穢題瞻賜璽走送聽鳴鞭意溢  
兼金外恩從玉陛前更憐戍邊客一騎入秦川  
式賜十一種分馳數百程虎符多俊傑貂帽比恩榮老矣  
何能役居然忝此名聖情天樣濶美報誓餘生  
無功應自念有賜蓋先嘗病作餘生累恩頒上劑良願覘  
齊國證小効越人方采菲儻留意須先元氣防

嘉熙四年九月奉詔改明年元爲淳祐閏十二月降

德音

玉楮集卷八

十一

我生淳熙間今復見淳祐粵從髮覆額及此已衰耆恭惟  
孝皇聖是時方在宥兩宮俱萬年薄海同一候四時無札  
癘仍歲稱大有布政具方冊詒謀謹封守中更繼代三更  
閱改元九帝心思止敬休命侈誕受夫何邇年來誕告頗  
輻湊災流雨雹行星以妖彗奏烏暘燦天地蝗害徧田畝  
饑氓腹苦枵遺穗莽如帚莫量天降疵但見證書咎嗟予  
斗升器濫此符行剖眼看入穿崖心愧吳父母忽傳一札  
下取法四宗舊既叶天人助復期風俗厚熙陵道化盛仁  
祖歷年久華且盛太平中天開永阜願言緝熙襲還見泰  
和又三春霽雷雨一洗徧宇宙桁楊空滯寃緝庾釋逋負



無文祀咸秩有類網皆漏果聞精履合悔禍曲伸肘先清  
塞塢塵猩鼯盡奔走次反沙磧廬鴻雁悉馴揉三白在臘  
前一雨見春後星躔順宣夜潢池息白晝人心本易孚天  
道常善救是知天愛君豈不公所覆芻蕘志報上一言發  
白獸願惟實德心對此歲事首帝臨心肯貳俊績賢必右  
體茲生物心持此經濟手仁民始及物育稼須去莠一念  
端弗忘九國真可扣補裳儻因線納約當自厲不量疎遠  
姿尚可感通否葵傾久未降芹獻幸匪陋輶軒應轉聞聊  
當小人缶

玉楮集附錄

經進百韻詩 并序

臣一介庸濫叨世祿每念沉寃未雪直筆久污  
一意纂修五年勤瘁上千宸覽誤簡淵衷萬死尙  
寬九殞莫報今因追感先臣飛事輒賦百韻詩一  
篇繕寫躬詣天庭投進伏望聖慈特賜睿察昭白  
而施行干冒天威臣下情無任惶懼震越屏營之  
至

永祐當臨御重熙極泰亨物窮隍土復地大孽芽萌蠢爾  
戎真裔違吾海上盟腥膻盤九土氛霧塞三精於赫中興

玉楮集附錄

一

至初專九伯征赤符觀炳炳喜兆得庚庚四七膺休運三  
千協一誠乾坤恢闢闔日月洗明清天授睢壇策風興渭  
水英維時臣大父韜迹聖塵氓寶匣鳴長劔雄冠影曼纓  
衣裘供羿社燈火近韓檠聖世方求駿明神豈舍駢始從  
魚鑰守小析羽林兵嘗虜無車乘麾軍不鼓鉦薰門摧彥  
政汜水從間勅驛召班龍節犀車下雀旌主師俱蓄縮胡  
騎愈縱橫馬渡朝迎敵鍾山夜駐營狂瀾身砥柱大厦手  
支撐虜焰猶繁熾吳都忽震驚東巡傳驚蹕右袒半公卿  
憤起宜興旅追收建業城大江誰飲馬五嶽更荆牲一蕩  
西江李重磯固石彭和兵驅虎豹傑觀築鯢鯨玉帳旋平

廣銅符遂師荆皇靈期濯濯王事分傍傍沙漠連封豕山  
林息聚竄神州宜亟復六郡乃先爭桀犬徒馮壘苗民敢  
抗衡銳師掀狡窟高堞覆堅棚鼎澧兵方進湖湘寇輒平  
幾年兇禍結八日駿功成叛將因資用降人豈畏坑開疆  
下商號結約到磁沼謀帥難張俊還兵慮鄜瓊但虞遺後  
患初匪厭紛更沔鄂重歸鑣齊劉尙據京且羞離楚饌未  
用渡河罌細柳干屯竈柔桑萬瓦藎流民俱授畝戰士亦  
從耕大澗榮如帶原田畫若枰連雲登美稼浙土飯香秬  
芻軌從今省兵儲亦頓羸吏貪無鼠顧民佚異魴頰姑定  
鴻溝約交馳絕域仵鄰歡新玉帛宴衍樂簧笙未幾邊搖

玉楮集附錄

二

草惡知野食萃禮容方濟濟革乘忽駢駢磨斷昭雄赴天  
威震隱絃六師紛霧集四校盛雷轟戎駕爰方啟神鋒莫  
敢攖重髻欣再見父老喜前迎義氣通諸夏謳聲拂八絃  
官兵颺隼鷲胡穴泣鼯猩跬步臨京闕朝衣詣寢楹晉軍  
傳鶴唳楚幙聽烏鳴機會乘今日雌雄決此行幸成十載  
績歸捧萬年觥何事東來詔遙追北指旌撫膺皆壯士牽  
袂有啼嬰業岌登樞極雍容儼珮珩身雖處廊廡志則在  
幽并豈意中原略深遠時相情和戎徒效敬投几不聞器  
正爾先鞭著居然謗篋盈克威播吏橫風首動臺抨梟虺  
噉吞噬鷹葵樂使令衆壘常忌冠同浴不譏程遠慮爲徵



福先驅謂緩程一言鳴仗馬千丈下喬鷹盡考謝赦表  
觀賜劄評許身無少愧憂國甚於醒彼譖宜投虎能言不  
離鷄鳥還身蚤箠免健足先烹有客悲周道何人歸魯祔  
同時維切齒來者但懲羹長夜何時旦沉陰幾日晴是非  
從久定禍否待終傾先帝資神武深讎愴父兄每懷得頗  
牧胡忍棄韓黥哲鑒何嘗惑孤忠果漸明岳陽還舊號嶺  
表返諸惇故壘營新祀畿封閭賜瑩用心傳舜子述事廣  
文聲甘雨興餘稿青天豁久盲先臣死不朽聖得浩難名  
陛下今湯禹王臣皆散閤令圖天廣大盛烈日鏗鉤心術  
參堯運規模紹漢宏遺形高閣繪良股盛朝賡故將幸非

三指集附錄

三

遠徵臣矧敢輕傳譌稽史謬敗俗訂言諱日繫無虛筆  
章有滿籊竹書皆歷歷玉訓尙鏗鏗願輟清朝暇叨承一  
夜呈作詩哀寺孟覽奏念緹縈恩賜茅封寵光昭寰宇  
昔懷如儼日忠報畢餘生

崇  
風  
也  
管  
籟  
一

養  
補  
豐  
一  
卷



光緒乙未冬  
姜德銓署檢

芸居乙稿

錢塘 陳起 宗之

安晚先生賦以丹劑四種古調謝之

陳子一畝宮居來七十年當其春盛時庭花發幽妍轉  
矚長養天青子垂簷前秋收備百禮冬享意則度年來  
風雨凌州倒壁四穿上漏下卑溼敗隙遙瞻天二生結  
施仁觀此殊興憐捨以四條柱俾之撐危顛工師得大  
木裁製精且專尙欠櫨與楣况復棟與椽再干大檀越  
結此歡喜緣

履齋先生下頌參附往體以謝

有客號奚毒西來自赤水外負炎炎氣內存溫粹美當

未居乙稿

年楊天惠夸大不絕齒解后段氏子卽之殊可喜卻邪

迺素心調中古無比世仰大醫王民瘼咨朝市二子願

託身赴湯任驅使與憐維摩老遺前護衰毀病魔亟退

舍怡然得安壘緬想蓄牛溲陋哉子韓子既非瞑眩劑

厥疾無瘳理一念衛生恩百拜額加指

友人新息滿月

蘭砌懽傳書種子寶刀剃髮月初彌絕憐雅致高於俗

點易殘朱抹顛兒

汎湖紀所遇

六橋鶯花春色濃十年情緒藥裏中筆牀茶竈塵土積  
爲君拂拭臨東風可笑衰翁不自忖少年場中分險韻

畫舸輕移柳線迎侈此清遊逢道韞銖衣飄飄凌綠波  
翡翠壓領描新荷雍容肯就文字飲烏絲細染還輕哦

一杯絕類陽關酒流水高山意何厚曲未終兮袂已揚

一目歸鴉噪棲柳

賀友人絲桐復歸

春到牡丹花事闌惜春約客遊湖山煙光萬態屬吟思  
白石青泉流指閒雙成解后蘭舟駐索紙大書春草句  
成此風流一段奇樂事百年能幾遇薄暮歸來雨溼衣  
買舟底此十三徽小稍愚拗阻人意客散河梁燈火微  
方將清事夸兒婦桐君羽化無何有一壺千金何處尋  
愁絕瓠巴無錯手要知煩惱所根株以愛布種上當芝

未居乙稿

除趙壁既返權如詩稱賀敢後欺

適安惠糟嶼新酒

偉哉無腸公橫行占江湖幾欲肆其雄上山攫於菟無  
端四五輩懷椒尋酒壚枕藉糟丘下醉魂呼不甦尙想  
橫戈勇習次與世殊開懷風味佳大丹液膏腴此寶君  
所儲何爲貽老夫麴生挾之前爛然陳座隅當其左持  
螯不知竭此壺醑酌無何鄉軒冕不關渠東望歌老饕  
前溪梅影疎

題適安清湖寓居

薰風軒檻曉晴開鬱鬱桐陰手自栽二水合流當戶過  
一山分影入樓來琴逢良夜時揮弄詩欲名家巧剪裁



可羨一塵安所適紛紛車馬汨黃埃

燈花戲簡西隣

西隣逸韻借秋清瑤琴曾許月下聽神馳吟境日復日  
金飈轉矣寒此盟昨夕相逢再有約六花飛時湖上行  
短檠不密泄此意輝煌粟粟攢金英闕堂一笑前未覩  
信手閒開燈花經一主飲席設林麓一主盍簪獲良朋  
便欲賤天撒膝六銀盃逐馬快此情曉來喜見萬瓦白  
迺是天宇清霜明得非分去聲薄誤燈花還復燈花戲老  
兄

武兄惠藥

昔人饋藥不敢嘗未達寒温良毒自朝來剝啄客問病

裴居仁稿

寶劑盈匱意何侈便當三咽答殷勤兒欲先嘗還且止  
平生結交結以心豈有鳩人羊叔子多君相濟義薄雲  
友道縵絕今振起綠陰庭院趁清和抖擻精神迎藥喜

秋懷

又見街頭賣紫茱老懷擾擾類催租客來喜得吳江紙  
欲寫新吟一字無

懷三山友人

春前深借別病後政無詩青又生菱角紅應熟荔枝魚  
甘賓席暖風逆客帆遲徒結連宵夢郵音負所期

寄彭勿庵

一片巴江月移輝到庾梅孤山春事早疎影望東回

以仁者壽為韻壽侍讀節使鄭少師丙午

一氣妙磅礴萬彙屈者伸方寸函太極宇宙皆吾仁端  
平改化絃真儒手洪鈞厥今扶公道皆昔夾袋人丙午  
成樂歲甲午無窮春  
岩巖間闔雲蹀躞繡鞍馬細氈侍珠旒治道談帝者歸  
來西湖濱岸橫松蓋下秋渌晚涵山挹以薦殘竿北第  
何三辭泉石懷綠野  
賦詩投金瀨俸入猶半有輝煌奉國節一粟迺不受麻  
副初何心國計要豐阜一九濟世德陽報期千壽會須  
煩潞公再與佐元祐

枕上

裴居仁稿

病與仇謀酒作成藥爐又復伴深更鄰鐘自是常時聽  
纔到霜天分外清

郭聖與黃希聲問候

山有靈芽可點金名醫未遇若為尋藥房掩畫情多感  
竹榻逢秋老不禁座上遍將唐帖揭架中閒取晉詩吟  
病懷得此相料理更接關交問訊音

過三橋懷山臺

賣花聲裏憑闌處沽酒樓前對雨時景物如初人自老  
夕陽波上燕差池

題玉泉畫像次來軸韻六言

鹿隨寒策穿雲解后靈峰時節含毫誰貌閑情莫盡胸

中風月

奉酬竹溪陳使君新詩墨梅之貺

千里雙魚賁草堂中藏瓊異夜騰光興因東閣增懷想  
影落前榮不寄香四韻休誇毛穎伎幾回曾誤壽陽妝  
感公意過兼金餽慚乏瓊瑤展報襄

壽大丞相安晚先生 己酉

嵯峨補陀山下觀海水流風波定以梢穩穩濟川舟皇  
穹祐炎祚黍稷慶有秋緊誰致此祥上相今伊周赫赫  
命世賢師道輔前旒暨湯同格天康濟仰廟謀向來三  
邊塵化作和氣游橫戈枕月戍擊壤歌西疇小春明日  
是泰階射斗牛見說老人星交曜光九州宣勸下紫宸

芸居心稿

五

雕盤羅珍羞北禁詔墨香昌熾頌魯侯鯁生戴厚恩一  
詩何能訓擬辦八千首從今歲歲投

紙帳送梅屋小詩戲之

十幅溪藤皺殺紋梅花夢裏悶氤氳裴航莫作瑤臺想  
約取希夷共白雲

迎月

尊酒貪迎月人生醉後嘉夜來牕不掩吹落一瓶花

止酒示圭

一病杯中物致危翰林何事酷耽之酒經若果通仙道  
不向青山立斷碑

適安有湖山之招病不果赴

蘭契簡以詩金鏗而玉戛招邀訪逋仙劇飲擬投轄事  
有違人意十常居七八文園病政濃况復泥濘滑老懷  
欲舒散天心若是恕

適安和

人生欲四并其難乎夏夏春工鬧花柳春露阮車轄何  
當載酒過對舞花十八樹色尤綠秀鶯聲尙圓滑作詩  
調維摩病安情已恕

槐隱和

新篁褪錦衣風玉漸相夏香紅吹成塵春去誰管轄歌  
酒相留連一笑攜二八敗意林閒禽饒舌泥滑滑可人  
非不來正坐天意恕

芸居心稿

六

挽梅屋

桐陰吟社憶當年別後攀梅結數椽湖海有聲推逸韻  
弓旌不至歎遺賢兒收殘稿能傳業自誌平生不愧天  
航便雙魚無復得夾山西望淚潸潸

挽林夫人

劉後村母

懿德遐齡世所尊濃薰班馬到諸孫疏榮花語加宏邑  
賜第蘭堦侈異恩了了三乘言外趣如如一性定中存  
魚軒應向西方去知在蓮花第幾根

病中偶成

平生謹樽酒投老更齊聖優游接嘉賓能使百髮屏可  
憐陶士行飲少亦致病豐下改舊容浮采滿青鏡升降



氣失常醫經云上盛亟試黃昏湯要期勿藥慶朝來覺  
清爽臨窗發幽詠

薄命

薄命畏庚金那逢閣茂臨一尊花下飲半載藥邊吟食  
味同元酒形骸類槁林但存元氣在會見綠成陰

消遣

夜雨生寒換夾衣形臞貌悴歎衰遲病中何物能消遣  
一榻揩摩十載詩

題西窗食芹稿

曾味西窗稿經年齒頰清細評何物似碧湖一盃羹

一念

紫巖石稿

七

一念無塵雜三更有夢回同他石橋老過水探寒梅

買花

今早神清覺步輕杖藜聊復到前庭市聲亦有開情處  
買得秋花插小瓶

一榻

一榻世緣輕毋將事物繫昔人言豈誤慧自靜中生

同清兄看猿

藜杖同僧扣鷹門野叟閒放他猿摘果莫把白雲關

薄暮

寂寥誰作侶耿耿一寒缸薄暮西風急呼童掩卻窗

秋夜懷康節

無眠帳轉聽更殘心緒如絲起萬端煎藥爐邊重夢曉  
讀書檠下婦初寒狡狴斷火香猶婉促織催秋袂怯單  
願于大賢康節語此情於我一般般

冷泉凭欄

此山泉石勝還思日日登那知三生前不是住山僧

冷泉解后友人留飲

倦叟尋芳藉短筇故人解后一尊同明霞浸水疑鋪錦  
彩閣橫溪儼臥虹猿去復歸啼曉嶂僧來相伴立春風  
雪濤湍激開寒閣滌盡塵襟萬慮空

黃路鈐詩來告別

玉泉馳一紙入韻有情詩不冝面相別恐成離索悲江

紫巖石稿

八

聲噴岸圻潮勢激帆危舊制邊州守方令典轄司

適安招遊湯鎮不果赴

湯鎮古祠宮招邀及倦翁輕裘乘曉月駿馬逐東風野  
色觀無分春光病見攻行將迎誕日一瓣擬遙通

寄東齋

又復逢初度疋羸異昔時預愁臨丙戌所願值天醫翦  
綵裝茶果裁賤薦壽厄今年都告免湯餅卻相宜

寒吹

寒吹西軒入呆思設座隅腰圍同沈約指爪類麻姑靜  
臥甌三疊清齋飯一盃曉來香滿室巖桂侈餅鑊

適安夜訪讀靜佳詩卷

情同義合亦前緣得此蘭交慰晚年旋燕古香延夜月  
試他新茗瀟秋泉君停逸駕談何爽客寄吟編句極圓  
可惜病翁初止酒不能共醉桂花前

所適

釣壚東海頭經春醉一舟西溪劫晉人小鮮終日求

庚戌秋作

甲辰池邈至今年藥竈殊勞日夕煎血氣任他銷與鏹  
向來詩骨已成仙

耘業許印章四韻叩之

近因稚子傳來意知許衰翁兩印章字畫莫教儿手刻  
形模當取古人長六書今獨行秦嶧三體空聞設漢庠

芸居七稿

九

後世陽冰能復古未知何日寄文房

婚嫁

婚嫁債羈縻何時是了期每嗟身外累無出女和兒聽  
漏寒無夢添香夜有詩沈沈澄萬境梅影月初移

六言簡耘業

露溼螢光愈熾月斜蛩韻尤清微物得時若此人生可  
不求名

東起

東起仙翁肘後經且參思邈枕中吟夜來獨臥寒無寐  
憶殺黃紬舊破衾

聞隣寺粥

寒釘旋擲動冥搜泓玉摩研萬象愁鐵版饗廊催早粥  
銅壺添水易新籌一聲雞唱驚殘夢再聽鴉羣過小樓  
可惜秋光帷帟隔料應河漢五更收

汪夫人筵上口號

金朝王母譙西池蔥蒨祥煙靄繡帷坐摘蟠桃華壽席  
行看丹桂發孫枝魚軒錦鞞花千疊鸞詒金鈴絡四垂  
好是殷勤千歲祝老萊先酌後門楣

倏然

向來蓮社本遺榮句引淵明造道場梵葉翻殘空佛印  
念珠持久現圓光秋花依約生涼意暑雨微茫送夕陽  
客退飯餘無箇事倏然一枕到羲皇

芸居七稿

十

風雨作

無成老見過望望太平歌驚雨愁局戶聞風慮偃禾林  
中醇止久瓶底粟無多歛歛憂時切天平少警何

葵窗送酒

从藏斗酒謀諸婦婢子倉皇錯授醴邈迓芸居初止酒  
小廚海錯旋開泥

望曉

要知筋力衰多少一覺纔回常了了隣鐘無奈五更何  
罕斷窗紗不能曉

湖上卽事

波光山色兩盈盈短策青鞵信意行葑草煙開遙認鷺



柳條春早未藏鶯誰家豔飲歌初歇有客孤舟笛再橫  
風景無窮吟莫盡且將醅酌樂浮生

朝宗餽食且復招飲

相親逾骨肉何以結情深下箸覺可日同盤還上心撥  
灰君句就曝背我寒侵屢有梅窗約行將其晚斟

送印寒鄧簿得關西歸

才藻世於家句朱新職華學能如蕤木春到可生花野  
店寒吟月輕裝曉度沙君行余止酒一念一興嗟印寒取山

圭示急須制作亭當喜成一絕

博古圖中無此樣繫誰匠意巧胚胎槐堂新送黃封酒

禁唐五稿

便可衝寒暖一杯

梅花怨為汪耘業賦庚戌

崢嶸歲事春將至寂寞梅花雪失期獨有垂楊伴幽怨  
豈堪臨水折長枝

舊題隱者壁一絕

妻暝山犬踐園蔬兒釣溪魚餒鶴雛總道村居無外事  
有人庭下索詩逋

酬成賢良茨

獻璞無成喜弄璋世閒得失事相參劉蕢不得言時事  
半為當時記樸庵

同友人汎舟過斷橋登壽星江湖偉觀歸舟聽客

謳清真詞意甚適分得江字奉寄季大著鄉執  
兼呈眞靜先生

辛亥仲春將徂分有客踵門曰風日流照邀余共泛西

湖之舸皮江切舸南去而忽西兮昨之折檻今復飾以成

相背蘇堤萬絲之綠陰兮望一簇孤山之青檀傳江切層

峰壘嶂巖絕露天巧珠英琪樹發越地之靈一聲何處

兮鐘撞笛師告余曰此壽星古刹上有奇觀開宇宙於

八窗捨舟策杖步步巍峩謝屐殊勞雙回廊曲轉忽軒

豁檐飛棟復青綠交輝心開目駭而揖西子之湖子胥

之江觀者雜運儻去儻來余獨凭欄境與心會便欲馭

風跨晚虹胡江切煙雲萬態客攝狀而運思羿今老退且

禁唐五稿

遜銳逢莊嚴世界合爪讚歎要使天下名山夸詠者睹

此奇偉而心降風寒下山吹欲倒連呼春酒亟開缸簫

鼓畫船徒自紛耳日何如美成清絕按新腔詩成冑對

俗子哦馳介城南寄老龐

舊挽汪隱君汪守泰

棲志浮雲小萬鍾帶經高壘席春風義方莫問當年事

十五男兒識阿戎

遺碣鑿辭掩夜臺脩文空歎遲餘才鹿坡明月成惆悵

不見高人自往來

靜江南宰書來且索鄙語要道其冰雪相看之意

古詞代書



連牆不通問千里迥奇音平生於縮交淡泊味最深吳  
山青插天應同碧玉簪尚憐風馬牛睽若商與參一聲  
南來雁西風又相尋君其念衰朽余亦懷瑤林一廉了  
官事吟外時鳴琴識量萬頃陂文華實南金向來唐相  
環疑事問崔琳諸臺貴得賢而肯捨此琛會晤喜有期  
寬此離索襟

安晚先生送自贊太上感應篇帙首

御題諸惡莫作眾善奉行八字輔以

佑聖像一軸兩詩見意云

公袞殊相念奇書寄布衣此心纔動處萬善要同歸本  
旨詳敷衍奎題重發揮應憐蘧伯玉投老始知非

芸居稿

註

稽首元真像當年助我軍龜蛇裨聖武龍鳳煥奎文劔  
聳燒空燄旗翻渡海雲上公傳瓊玖分惠感慙慙

雜言送欵研廣香與友人有懷楊校書幼度

我有龍尾雙槽之研肌潤而若沐空濛舊藏古香氤氳  
來自廣之東多君博雅舉以爲贈三嗅而抹月批風要  
若鎔金加萬佛經上更須滴露點四聖書中往昔濃薰  
懷太史而今一瓣爲南豐藜光下照人何在閣下閑花  
覆舊叢

真靜饋新茶菰乾黃獨乳酪約葵窗適安共享適

安不赴葵窗詩來道謝次韻答之兼呈真靜適

安

千載靖節翁稭向公田種萬鍾於我何有戀五斗俸長  
歌歸去來田園聊自奉高蹈世莫儔器局小管仲嗟余  
昧於時退思心每痛世人不我知小畦親抱甕唯有竹  
宮仙時復致一供四清山中珍凡目爲之動黃獨前未  
識勿謂仲宣恣春茗摘新芽秋菰懷舊對江南貴乳酪  
此意兼金重得君同下箸詩來再三諷韻意兩相高文  
史歎足用續貂愧狗尾敢與賢者共語笑較工拙年來  
此心縱軟飽黑甜餘無復春草夢可人招不來屬篇亟  
持送

哭丹池王隱君

憶昔相逢初一見卽刮目出處雖不齊椒蘭則同馥論

芸居稿

尚

心到極處情愛逾骨肉十年傳成癖搢搢閉門讀高志  
尊所傳而冑曲從俗抱此奇特操平步可金玉況復同  
窻友槐庭秉鈞軸事有反所料軒冕笑羈束縉雲選千  
里訪道求辟穀食棗懷安期竊桃小方朔平生精進心  
自可登仙錄一著偶失算九書無復續洞霄有猿號丹  
池無鶴浴昨病失會葬生芻東望哭

寄汪起潛簽判

飛雲起伏龍大鵬運以風風雲一朝會前塞今邁通斂  
翼賢景略時哉使其逢腰錢與騎鶴事或有適同青門  
瓜吹香綠水蓮泛紅人物王謝家風雅眼底空參畫聳  
臺府宜護碧紗籠鄱江萬折東獨鸚摩蒼筤浮圖快一



鄭歸騎先賓鴻

史記送後村劉祕監致欲見之悰

昏曠嗟耳目管絃堂上調世事每相背秋月虛良宵消  
吉擬登龍疾雨驚風飄禰刺不得前東睇心旌遙近履  
傳康強變體筆更饒風響雖時接未若親聞韶憶昔西  
湖濱別語請教條囑以馬遷史文貴細字彫名言猶在  
耳堤柳凡幾彫茲焉得蜀刻持贈賤久要會晤知何時  
霽色審來朝

芝居乙稿

五

芝居乙稿

芸居乙稿補遺

題建溪劉希和吟趣園

佳氣滿吳洲琅琅謫仙句當其傲雲月風流良可慕寂  
寥數百載何人踵逸步建溪有劉侯於吟契其趣是知  
建與吳妙處同一悟水石巧縈紆煙雲互吞吐花光時  
變眩山色無旦暮物物可供吟先爲梅花賦

寄趙紫芝運幹

陋室與高門東西互接眇相聚雖不稠相別殊難忍風  
帆去何之到時秋未盡少試稗畫材計臺作標準恨無  
雙羽翔汨汨成蠶隱便結南浦夢獨立江風緊

芸隱提管詩來依韻奉答

芸居乙稿補遺

七

君如梅花將盡春意函一枝漏泄處踏雪寒曾語有  
踐桃李場溪山還自甘破玉暗香度似親夷甫談  
我心如折桐經霜爲一空尚可親時髦託根日華宮莫  
謂昔於時會在春風中小雨灑清明又是一番紅

芸隱再和復用以酬

大藏五千卷齋沐啟寶函強名禪教律心了一一諳向  
來曾乞食此味醍醐甘拈花飲先笑意會不待談  
芸隱抱奇偉未可論苦空吾皇樂詢道日御賦政宮會  
看召嚴徐敷奏陞殿中鳴鞞踏龍尾豈久蓮依紅

送別曾幼廣赴漕試歸

匹馬東來吳策動在一戰文場老燕代餘子自北而西

風敲鏡歸山應過處戀英氣凜橫梁河海能幾見自識  
韓將軍論交今倦倦

洪扇贈別芮通父

春冰幕千絲我篋美無度習習南浦秋受藏憶襲護之  
子思吳鱗觸熱遙問津舉簞寄薄劣卻暑兼障塵荆榛  
道崎嶇輕車宜徐徐戴星秣驪駒未午投林廐酌月重  
來期名言毋重違自嗟君是客忽賦別離思

送賀某赴興化任

賀公夢三刀恩榮被詔函家山繫比鄰風俗應夙諳承  
流復宣化使民思棠甘向來愷悌心今足副時談  
壺山邈千里旌旗拂搖空是邦足文物教宜先泮宮嗟

芸居乙稿補遺

七

余病十載置身藥裹中追送不能遠望望畫錦紅  
呈朱叢瑞

囊中五色絲擬將舜裳補玉階遠於天莫睹干戚舞治  
朝足文物一室自規矩少賤人或欺黔婁況貧糞毋作  
飯牛歌春滋夜來雨

寄題當湖隱淥亭

曲逕一亭幽三十六水聚簷影接波光蟬聲入秋思開  
藻靜看雲愛月懶種樹濠上意如何疎鐘煙外寺  
對菊有懷東園

青女凌波楚江冷庭前一葉鳴金井砧杵誰家試夾衣  
西風攪碎蘆花影呼童折取籬下金旋汲山泉注古餅



細哦七字延秋色寒香似欠東園清江上子牟懷魏闕  
離情一動腸千結急呼斗酒破霜螯楚月不礙西湖月

答熟庵

昨宵約月臨西池冰蟾不至鷄火飛歸來一室白於晝  
乃是新詩光陸離當年應剖瓊蜂腹不然何以明於燭  
細窺字字欲走盤三復庵名悟圓熟一片情田萬古耕  
有年能得幾書經小疵終是未全稔孰若先生耨穫精  
南窗寄傲遂初欲移石畦蘭更初菊茶煙細雜玉爐沈  
研影淨涵金井淥林下今纔見一人卻疑圖任思舊臣  
自昔東山豈終隱似聞鸞詔下蒼旻

送郭聖與就監試歸兼簡其弟

芝居乙稿補遺

王

楚尾吳頭月光冷山鳥不鳴桂浮影破霜採得蟾邊香  
蘭菊無言秋耿耿萬年枝外淺紅牆胥山小閣憩晚涼  
湖波江浪座中接寒篝疑夢歌雲鷗明朝忙踏槐花市  
萬丈光芒生壁水瓜金繭紙市相高兀兀鉤提笑韓子  
小雁汀沙振寒羽亦復寒衣告歸去近別難堪况遠離  
一日仙舟隔輕霧

信步

信步過高岡隨僧到上方泉侵松逕潤風出稻畦薌地  
險人誰問山深屋亦藏惜無碑可考創立自南唐

三遊錢園併題四時畫圖

只因閒未得又慕得閒名一幅無盡態四時有餘情吟

清招鶴伴機熟付鷗盟坐久不知晚前汀煙水橫

遊禹廟

何期來此地重謁告成祠非飲泉堪酌桐館事莫知蟾  
分丹桂影龍矯老松枝拂石尋遺字苔荒大業碑

雪中送黃希聲西歸

可只歸心急行裝冒雪天向來期重任未可羨先鞭人  
事虧盈月煙波遠近船明時困英特此別又三年

蘭亭歸途

山水佳如此都忘客路難鳴明寒渚淨雁入野田寬事  
久人多厭心清夢卻安獨憐鸞翼遠誰念篋衣單

還劉雪坡詞稿

芝居乙稿補遺

四

誰與分天巧裁成雲錦裳春花籠淡月秋水照斜陽得  
句皆奇偉知音盡老蒼尙期京國路相與較宮商

嘉平旦雪

天欲做奇事清寒發化機一雲無不覆萬物盡同輝水  
合漁煙暝山空獵火微夜窗歌七月三歎及無衣  
天一孕真精裁成六出弄大聲聞竹折空色助梅清節  
壯匪甘嚙兵奇驚男兒須事業謾說刻舟明

答趙章泉

新詩將遠意千里附文鱗清響蟬噓露高閒鶴臥雲但  
知耕野水不暇開朝紳願欲陪顏笑淒涼吳楚分

借居值雪

已歎長安索米難可禁風雪滿長安無家又是於人借  
有命從來只自寬春入園林根覺煖色連天地眼生寒  
西湖寂寞梅無伴台向孤山忍凍看

夜聽誦太極西銘

六經宇宙包無際消得斯文一貫穿萬水混茫潮約海  
三辰煥爛斗分天鳶魚察理河洛後金玉追章秦漢前  
遙夜竝聽仍聞味奎明誰取第三篇

挽宣教郎新差通判慶元府王琮

前月相過了無恙小窗畫卷手親開不知翁作仙遊去  
忽見兒封壙記來寂寂共居香不斷悽悽松塢韻堪哀  
客中爲灑秋風淚尙想吟魂遶夜臺

芝居乙稿補遺

五

謁陽明洞天

羈游何事復來東豈是三生太史公舞鶴臺空丹蛻井  
見龍壇古瑞名宮石帆酒甕遺秦蹟玉簡金書闕禹功  
萬壑松風秋愈壯直將幽意問穹隆

雪後

青山當戶牖雪後非吾有爲問謝家池綠波還在否

雪中三絕

一天和氣到柴門檻內蘭芽也玉溫靜炷術香誰與伴  
慈悲大士共黃昏  
探梅又復負前盟曾念霜風病不禁清曉擗頭和雪買  
數枝親插供觀音

可憐切切度眾生千百年來魄尙靈自幼歸依今老矣  
濯雲曉汲薦清冷

曉寒卽事

芳意迢迢客夢閒亂紅飛盡曉泥乾薄羅尙怯餘寒在  
一陣東風翦牡丹

趙濟民生日

雪中見招老病畏寒  
荆婦獨往小詩奉寄

今歲呈祥殊勝昔六花端爲壽筵開小詩聊寓千秋意  
不得相陪法喜來

第三橋

梅花雪岸去舟單茅屋水田白鷺寒好景幾回吟不得  
重來無語立闌干

芝居乙稿補遺

六

留題天樂寓張氏湖亭

沈水香銷一局碁客來淺酌旋分題畫欄占得春多少  
簾捲東風日未西

次黃伯厚惠紙衾韻

冷浸溪藤松下月密緘遠寄袁安雪忍蹴茸茸一徑瓊  
依約江行曉時節

明遠閣

風捲疎煙遠岫分天開一境皎無雲衰荷搖落汀洲晚  
猶舞餘香墜茜裙

雪中簡趙德行

勝六庭前三致意應翻奚錦報瓊瑤刻溪莫訝山陰棹



寒色欺人是灞橋

脩父知縣萬里寄詩久未能答午枕夢見之覺而

有作

夢覺疎蟬韻更淒闌干曲曲柳陰移吳蠶蜀繭綠千匹  
一種愁機兩處絲

夜誦

父子跣趺絕似僧青燈一瑣夜三更讀殘戴記兒將倦

山栗旋煨仍擘橙

月下聞桂花

一庭人靜月當空桂不多花細細風香露滴衣涼似水

恍然移下廣寒宮

芸居乙稿補遺

七

胡季懷有詩約羣從為秋泉之集輒以山果助筵

戲作二絕

近詩通譜江西社新釀撓先天下秋已許眼中窺一豹  
可容杯裏散千憂

君家香醪蜜不如試投桃李望瑤琚敢誇所無易所有

潘郎一出果盈車

詠琴士曹先生

清如雅操直如弦此意于今久不傳月冷風高清禁地  
只將古調奏鈞天

與適安夜飲憶葵窗

人在江干月上危不妨想像一篇詩月來即是葵窗至

對景成三憶曩時

與葦航適安飲

獻酬無算是杯行午酌從容至四更陶母侈於真率約  
退思無倦若為情

觥籌交錯舞僂僂延得嫦娥泛醪波客謂平生無此樂

二章聊繼飲中歌

早起

今早神清覺步輕杖藜聊復到前庭市聲亦有關情處  
買得秋花插小瓶

井亭橋

桐花夾岸柳遮山水面誰家燕子還摩利閣邊唐相井

芸居乙稿補遺

八

濯衣人散暮潏潏

分得春禽效香奩體

數聲應寄春消息纔轉花梢濃綠隔早知襟韻倦逢迎  
莫遣臨風情脈脈

喚渡

一帆又是過西陵天正寒時雨欲冰心地自平湖自險

回瞻絳闕認舳舨

夜過西湖

鷓鴣猶挂三更月漁板驚回一片鷗吟得詩成無筆寫  
蘸他春水畫船頭

芸居乙稿補遺

芸居乙稿增錄

贈寶書陳秀才

趙師秀

四圍皆古今永日坐中心門對官河水橋依柳樹陰每  
留名士飲屢索老夫吟最感書燒盡時容借檢尋

贈陳起

劉克莊

陳侯生長紛華地卻以芸香自沐薰鍊句豈非林處士  
嚮書莫是穆參軍兩檐兀坐忘春去雪案清談至夜分  
何日我閒君閉肆扁舟同泛北山雲

贈陳芸居

葉茵

氣貌老成聞見熟江湖指作定南鍼得書愛與世人讀  
選句長教野客吟富貴天街紛耳目清閒地位當山林

芸居乙稿增錄

料君閱遍興亡事坐對蕭然一片心

夏日從陳宗之借書偶成

張弋

自從春去後省少出柴扉樹暗鴉巢隱檐空燕跡稀憶  
山憐有夢當暑詠無衣案上堆書滿多應借得歸

贈陳宗之

鄭斯立

昔人耽隱約屠沽身亦安矧伊叢古書枕籍於其間讀  
書博詩趣嚮書奉親歡君能有此樂冷淡世所難我本  
抱孤尙爲貧試彈冠欲知南薰琴秋風夜戒寒守分無  
外想賸有日晷閒閱書於市屢得君羈思寬誦其所爲  
詩刻苦脯肺肝陶章淡不俗郊島深以艱君勇欲兼之  
日日苦辛酸京華聲利窟車馬如浪翻淡妝誰爲容古

曲誰爲彈桐陰覆月色靜夜獨往還人皆掉臂過我自  
刮眼看百年適志耳豈必身是官不見林和靖清名載  
孤山

贈書肆陳解元

危稹

巽齋幸是少人知飯飽官闌睡轉宜剛被旁人去饒舌  
刺桐花下客求詩

兀坐書林自切磋閱人應似閱書多未知買得君書去  
不負君書人幾何

贈陳宗之

許棐

六月長安熱似焚鄜中清趣總輸君買書人散桐陰晚  
卧看風行水上文

芸居乙稿增錄

宗之惠梅窠水玉牋

許棐

百幅吳冰千藥雪對吟終日不成詩憶君同在孤山下  
商略春風弄筆時

陳宗之疊寄書籍小詩爲謝

許棐

海上歸來二十春閉門爲學轉辛勤自憐兩鬢空成白  
猶喜雙眸未肯昏君有新刊須寄我我逢佳處必思君

城南昨夜聞秋雨又拜新涼刻骨恩

古詩奉寄陳宗之兼簡敖臞翁

陳鑒之

雌雄烏一色烈焰玉石分子桑十日雨英槩君摩雲塵  
尾失鶴思襟裾蘭茝芬是豈如蟹臚書圃同錫芸

君隱萬人海嘯咏足勝流我墮寂寞濱缺巖一節秋蟪



鬱向誰吐天圍蘆荻洲劈箭客驅去何日回吾舟

甘旨娛母顏雍雍春滿室啞啞索梨棗諸兒爭繞膝波

明再苗桐露滌清吟筆人生如此足富貴刀頭蜜

亭亭會山閣四面秋澄鮮槃礴一代英披衣俯飛鷺還

來幾星聚清樽壓雲煙九轉得奇訣分惠毋獨仙

贈陳宗之

葉紹翁

官河深水綠悠悠門外梧桐數葉秋中有武林陳學士

吟詩消遣一生愁

十載京塵染布衣西湖煙雨與心違隨車尚有書千卷

擬向君家賣御歸

寄陳芸居

俞桂

芸居乙稿附錄

三

生長京華地衣冠東晉人書中塵不到筆下句通神江

海知名日池塘幾夢春精神長似舊芸藥雨清新

挽芸居

朱繼芳

不得來書久那知是古人近吟丞相喜往事諫官嘆身

死留名在堂空著影新平生聞笛感爲此一沾巾

贈陳宗之

陳耒

往來曾見趙天樂數說君家書滿牀成卷好詩人借看

盈壺名酒母先嘗對河卻見桐陰合隔壁應聞芸葉香

老不愛文空手出從今煩爲蓄仙方

贈陳宗之

周文璞

伊吾聲裏過年年收拾旁行亦可憐頻嗅芸番心欲醉

爲尋脈望眼應穿哦詩苦似悲秋客收價清於賣卜錢  
吳下異書渾未就每逢佳處輒留連

寄陳道人

周孚

瘦筇盤礴越江邊笑我孤燈照夜禪當日期穿水牯鼻

暮年猶著野狐涎忙中弦望驚三易聖處堦庭讓一先

曾約芒屨踐雲雨快來相見已新年

秋懷寄陳宗之

黃簡

秋聲四壁動寒事日駸駸紅剝林間子青除架底陰積

閒殊有味安拙本無心獨愧陳徵士餘書不問金

奉謝芸居清供之招

周端臣

生平懷彼蒼得飽非耘種自揆葦寸長居然叨薄俸竭

芸居乙稿附錄

四

來桂玉地幸了藜藿奉日昨訪芸居見我如仙仲劇談

關幽荒妙論洗沈痛呼童張樽疊芳醪敢春甕乃約屏

擅葦初筵俱清供珠櫻映翠莢光色交浮動佳境喜漸

入樽之未擬惹屬厭薦春萌簡永咀秋葑黃獨忽登俎

味借蜂蜜重翻憐少陵翁山雪入吟諷早韭晚菘輩吾

家所售用列品不自珍而與朋友共瑯盤放手空適口

頗恣縱日暮雨催返虛窗結清夢寄語五侯鯖從茲勿

勞送

挽芸居

周端臣

天地英靈在江湖名姓香良田書滿屋樂事酒盈觴字

畫堪追晉詩刊欲徧唐音容今已矣老我倍淒涼



詩思間逾健儀容老更清  
遠聞身染患不見子成名  
易贊終昏娶求官達死生  
典刑無復覩空有淚如傾

呈芸居

徐從善

生來稽古心文士獨知音  
世事隨年懶詩愁入鬢深  
夢拋三尺組書敵幾籛  
金何以謀清隱湖山風月林

東陳宗之

趙汝積

暑約東風客袖寒  
賣花聲裏立闌干  
有錢不肯沽春酒  
旋買唐詩對雨看

挽芸居

黃文雷

海內交遊三十年  
臨分我到卧牀前  
西風一葉西風落  
淚盡秋風松下阡

芸居乙稿增錄

長安道上細哦詩  
如此相知更有誰  
芸葉一窗千古在  
好將事業付佳兒

復歸絲桐

琴名玉壺冰

芸居以詩見賀紀述備盡報以

長篇兼簡葵窗

武衍

爨桐制作妙莫傳  
冥搜恰恰三十年  
大雷小雷不可見  
一生夢想空流涎  
玉壺冰本王氏物  
指下琅然頗清越  
不知傳來凡幾姓  
隱隱蛇跼細如髮  
銅駝陌上春風和  
湖邊得侶相委蛇  
古囊提攜帶詩酒  
一時樂事何其多  
座有知音豈容已  
膝上泠泠寫流水  
夕陽吹雨入煙城  
回憶清歡如夢裏  
孟光有問我獲疑  
匣中朱絲胡不歸  
鄰翁篝燈出相慰  
官河權夫猶可追  
瓊躡十里夜幾午

認得登舟元處所  
始知尤物果累人  
終喜明珠還合浦  
拂拭徽弦正孤坐  
欲記微吟未成課  
忽聞門外剝啄聲  
報道芸居以詩賀

謝芸居惠歛石廣香

武衍

家無長物祇書卷  
又無良田惟破硯  
寥寥此道人共嗤  
君獨相憐復相善  
鄴侯架上三萬籤  
半是生平未曾見  
一癡容借印疑似  
留客談元坐忘倦  
探懷忽出片石方  
雙池絲刷潤且光  
芙蓉溪深古坑遠  
論新品舊殊未遑  
慷慨珍投意何永  
更配番禺心字餅  
歸來喜歡舉廢典  
春雨書樓閣深靜  
手鈔義經誤未刊  
塵侵商鬲灰久寒  
使燒團煤炙雲母  
旋滴清泉凝露溥  
點朱塗黃細商榷  
時有煙絲裊風幕  
心融終日游聖湖  
恍若置身天祿閣

次芸居湖中韻

武衍

放櫂湖心去風恬  
雨盡時插天青嶂  
合戀水白雲飛酬  
醉林頻舉擣蒲局  
屢移碧蓮香不斷  
歸路浥人衣

賦陳宗之芸居樓

吳文英

麗錦長安人海避  
影繁華結廬深  
寂燈窗雪戶光映夜  
寒東壁心雕鬢  
改鏤冰刻水縹簡  
離離風籤索索怕遺  
花蟲蠹粉自採秋  
芸山黑架香汎纖碧  
更上新梯窈窕  
窈莫山淡著城外  
色舊雨江湖遠問  
桐陰門巷燕曾相  
識吟壺天小不覺  
翠蓬雲隔桂斧月  
宮三萬手計元和  
通籍輒紅滿路誰  
聘幽素客

丹鳳



南宋雜事詩

厲鶚

江湖集列幾名家陳道人詩頗足誇攤向陸親坊畔賣  
相公語禁累梅花

陸親坊陳道人書肆

錢師曾

十官宅下道人居市隱縑緗亦自娛千載坊名留井巷  
一廛書影納江湖飴簫茶鼓人來往楊柳梧桐徑有無  
總謂清流風味好梅花爲爾受除殿

芸居樓懷陳宗之

陳文述

定有孤忠耿不消江湖小集爲開雕欲將書肆爲良史  
更以詩壇當大招秋雨梧桐皇子府春風楊柳相公橋  
陸宗何處宗英宅彌教坊西路一條

漁

溪

詩

稿

二

卷

乙

稿

一

卷

補

遺

一

卷



光緒丙申孟夏  
之月楊振鏞書

錢塘俞桂 歸部

雨吟

輕輕煙霧失樓臺  
雨暗吳山鎖不開  
試與漁翁閒訪問  
落花幾許泛溪來

過湖

舟移別岸水紋開  
日暖風香正落梅  
山色濛濛橫畫軸  
白鷗飛處帶詩來

和葉廣文韻

入得春來物物饒  
翻思湖上短長橋  
去年寒食閒遊處  
曾把扁舟繫柳條

書齋

野草沿庭砌清閒  
日掩屏晚涼疎雨過  
落葉覺蟬稀  
火籟自鳴竹砧聲  
誰擣衣僧寮不過此  
何必叩元機

閱名勝詩集

買得山房數冊詩  
倚篷細讀已移時  
只貪眼底看冰玉  
月上荷花更不知

書懷

僻性止耽書村中  
謾寓居心惟求事  
省身合與名疎木  
葉秋風起蚤吟夜  
雨初吾生今晚矣  
不必問何如

閨怨

風幃曉起鬢蓬鬆  
枕肉初生酒暈紅  
一把柳絲那在手

沈吟無語對春風  
沈吟作尋思

誰憐人去鎖朱樓  
終日憑欄只帶愁  
燕子也知人薄倖  
飛來略不傷簾鉤

溪流

雲腳纒行又復開  
一聲隱隱只空雷  
家僮忽報溪流漲  
知是前村落雨來

初秋

火老金柔暑告殘  
乘涼正好望西山  
秋聲來處無尋覓  
只作窗前竹葉閒

雜興

漫山花發草萋萋  
楊柳飛綿水拍堤  
況是客懷禁不得

那堪杜宇耳邊啼

偶吟

降伏吾心法無如  
去外魔苦吟詩愈拙  
著意字猶謬在  
再青衫舊消磨白髮  
多不才為世棄徒自詠  
卷阿

雨中遣愁

花已開時人正愁  
花髻頭上使人羞  
一春可厭無晴日  
下卻珠簾懶凭樓

清明

朝來閣雨喜新晴  
枝上絲蠻調好聲  
佳節莫將虛過了  
人生贏得幾清明

卽事



陰雲酸雨勒花遲  
梅已飄殘到杏枝  
好是池塘清夢處  
句吟春草入新詩

松江

荷葉翻風暑氣微  
看山露冷溼征衣  
垂虹夜靜三高月  
只照漁溪一舸歸

惜春

春事三分過二分  
桃花水上覓紅雲  
遊人浪說春歸去  
柳外黃鸝尙自吟

次吳秋潭韻

相逢款話傍簷西  
坎止流行事不齊  
君到白蘋秋正好  
飽吟風月棹前溪

瀟溪詩稿卷一

三

東山

東山隨分作生涯  
卽是清高隱者家  
粗有小園供日涉  
不愁無地種梅花

夏中卽事

重梅過了猶慳  
雨幸有南薰在翠槐  
燕子亦於貧老薄  
今年全不見飛來

延祥觀

御園猶自有通梅  
約束遊人莫肯開  
聽得老兵談舊事  
幾年不見翠華來

虎丘

兩寺今爲一因秦  
虎占巨鶴飛王劍  
化鳥宿古墳愁石

與泉流接池通海  
水浮十奇多勝景  
不及盡追遊

家園

眺望西山在月中  
更須寬展竹籬通  
殘梅尙守清廉節  
不嫁東君昨夜風

首夏

槐幄陰陰蔽綠扉  
池抽荷葉落薔薇  
梁間紫燕新雛弱  
來傍簷前旋學飛

偶成

短髮蕭蕭滿鏡秋  
家居但覺歲時流  
兩年不見西湖面  
笑我寒盟是白鷗

月夜

瀟溪詩稿卷一

四

江南又見雁初飛  
楓葉蕭疎旋覺稀  
邊塞戍夫天氣冷  
誰家月夜搗征衣

裴墳

買船穿僻徑墳古  
最幽深山近風常  
冷松蟠畫亦陰來  
時無速騎蹄路有  
鳴禽寄語城居者  
何人肯訪尋

山中

剡竹相通澗下泉  
更邀山色在樽前  
一鉤明月軒窗上  
欹枕藤牀獨自眠

惠山

徑入松關古秋雲  
帶樹煙只疑山有  
雨恰是澗流泉  
騷客詩留壁遊人  
岸繫船憑誰招陸  
羽瀟茗古欄邊

秋懷

喚醒歸舟是早秋水光雲影兩悠悠西風不管梧桐怨  
一葉吹來一葉愁

農事

東作農家處處忙金珠非是療飢方京華只識笙歌樂  
豈識男耕與女桑

甘露寺

占斷淮南勢西風入鬢毛一江流不盡多景最為高斜  
日迷煙樹孤帆送客舸興懷人物少今古等秋毫

夏晨偶作

蠶事行將了農家刈麥初雨怪林少筍水澀港無魚因  
病嘗懲酒偷閒懶苔書今年身愈老事事覺全疎

贈雲間陸琴士

地僻居閒絕可人殷勤過我抱桐君聲中知有遼天鶴  
彈散華亭一片雲

煙霞石壁

山深入翠微寺僻掩幽扉景別金仙地人忘塵世機石  
澗崖雨滴龍出洞雲飛結屋同僧處何須賦式微

久雨

踰月留京國春光總不知可傷連夜雨好似暮秋時有  
客來無酒逢人只說詩官中問閉繻應是細民飢

次坦庵兄韻

便中蒙賜墨得句勝如書暫爾兩年別俄然春暮餘夢

馳情不閒心邈迹何疎自省吾今老湖山縛屋居

豫章滕閣

滕閣昔曾遊今無檻外樓遠山連樹合盡日對江流古  
石空存記騷人易感愁夜深歌酒處燈火燥漁舟

寄書

歲月逡巡笑故吾人生南北隔江湖樓頭約取衡陽雁  
寄得一行書信無



漁溪詩稿卷二

錢塘俞 桂 勝邨

冷泉亭

步入侵雲嶺亭高路恰平池邊幽樹古水底細沙明無  
友詩難詠逢僧話轉清此中真勝地林寂鳥無聲

夏書

輕搖羽扇著輕紗閒汲清泉自煮茶綠是夏來無甚雨  
小池猶未有荷花

楓橋寺

湖水相連月照天雁聲嘹唳擾人眠昔年曾到楓橋宿  
石岸傍邊繫小船

漁溪詩稿卷二

十

秋千

吾今兩鬢已成絲每每逢春獨自悲最恨秋千無力上  
風流不比少年時

早春

客裏恩恩二月春梅花開後柳爭新西湖不待清明到  
早有尋芳拾翠人

寄懷

一番舊事總成空莫使相思夢裏逢惆悵陽臺雲共雨  
陽臺今隔幾千重

夏中卽事

青青梅子已添肥犢角新抽晚筍遲茶罷日長消睡處

案頭一卷樂天詩

看先叔祖青松居士倉使詩

儒冠每笑拙身謀春日因何桂玉留南浦未思芳草恨  
西湖正爲落梅愁四靈去矣今如在諸老蕭然事已休  
衣鉢青松誰繼續家雞還復可搜求

軍中請衣

諸營今日請春衣積杏如山競捧歸曾念雪中兵墮指  
戍邊鐵甲正防圍

海棠

海棠嬌媚弄胭脂雨入枝頭睡正宜最是高人有遺恨  
杜陵因甚卻無詩

漁溪詩稿卷二

十一

居官

幸喜居官事不多庭空吏散雀堪羅近來轉覺詩朋少  
誰肯高軒爲我過

心事

落落功名髣髴早斑駁心事十年閒看來只合歸湖上  
漁釣叢中盡日閒

垂虹

松江一景是虹橋欲約騷人釣巨鼇吳越封疆知幾夢  
古今人物壯三高雪天斫鱸莎煙冷秋月漁歌劍氣衰  
收拾琉璃千萬頃盡爲醞醑吸波濤

臘入前四日

天氣晴和又作陰老來畏冷自難禁餘筭待伴留痕在  
殊動騷人訪戴心

湖上閒步

一番雨過一番春芒竹閒行踏軟塵城裏不知春色早  
湖邊楊柳已撩人

新竹

傍牆穿過鄰家竹愛護新篁數十年  
剪伐莫令童僕輩老夫日日要來看

松江

香飄菡萏短篷中水色山光一樣同行止又非人所料  
今年兩度上垂虹

漁溪詩稿卷二

五

虎丘

笑兀浮圖插翠微吳王事迹總成非  
寺僧未晚山門閉不放閒雲一片飛

秋詠

吟軸捲還開行歌興盡回買花澆換葉開徑掃蒼苔巾  
學涼紗樣衣從薄苧裁潘郎羞鬢白多是爲秋來

秋夜

秋夜多愁思虛堂風露涼觀書燈可近欲睡漏初長  
蛩響頻催織螢飛燦有光雨杳窗外過散入稻花香

寄陳芸居

生長京華地衣冠東晉人書中塵不到筆下句通神  
江

海知名日池塘幾夢春精神長似舊芸稿愈清新

冷泉亭

欲訪飛來景湖頭賃小船白雲侵嶺下翠樹傍泉邊  
入寺人須到深林影自圓山居相去近夜坐學參禪

春晚湖上

花事已成休都人懶出遊水添烟浪闊山帶夕陽愁  
柳樹鳴黃鳥沙堤臥白鷗不辭歸路遠何必買扁舟

春詠

盡日看詩只掩扉出門細雨怕霑衣杏花已露胭脂色  
燕子如何卻未歸

苦錢

漁溪詩稿卷二

四

庭砌方圓出化鈞何須抵死論錢神貧家阿堵新添富  
買斷西湖風月春

買魚

蘆花荷葉晚秋天雁影橫斜遠水連頻喚買魚人不磨  
偷忙撐入怕官船

卽事

東君無處不繁華一雨纔晴意便佳客舍山梅開徧了  
從今懶買擔頭花

送春

作惡情懷是別離老夫懶作送春詩東君歸去無蹤跡  
試問垂楊便可知



春歸

青青結子在梅梢方見春來夏已交認得主人雙燕子  
香泥銜去理新巢

晴天氣淑濃如酒引得狂蜂路亦迷獨立欄干凝望處  
賣花人在畫橋西

閒中

花飛春減燕雛飛葉葉成陰障翠圍裏酒錢消鑠盡  
滿船贏得載詩歸

江頭

漁浦山邊白鷺飛西興渡口夕陽微等閒更上層樓望  
貪看江潮不肖歸

漁溪詩稿卷二

五

口占

園林綠暗又紅稀蜀鳥啼山筍蕨肥春夏一番交篆早  
綿衣脫了著單衣

吟詩

漁溪僻好只吟詩此意還須識者知自古島郊貧徹骨  
詩逢窮處始為奇

社日

今朝社日寒猶力燕子還尋五柳家宰肉不沾吾分薄  
強斟釀酒度年華

喜雨上別大參

爰立為霖仰望深今朝一雨慰蒼生經綸久東君心在

變理還同天道亨愛國慮勤寵玉帶將邊謀遠捍金城

我公勲業難摹寫但見 皇家慶太平

寓京二首

一官濩落笑如初只合空山去讀書不稼不漁無活計  
謾將名氏玷公車

車馬濔濔厭軟紅湖邊秋意屬西風木犀初放荷花老  
買箇船兒學釣翁

春日即事

春入侯家春事深日長庭院又沈沈客中不耐如絲雨  
攪起思家寸寸心

春光滿目是吳頭水碧琉璃拍岸流憶著去年桃葉渡

漁溪詩稿卷二

六

相思無限使人愁

丙午七夕後一日晚抵松江塔下

到得垂虹迫暮煙前村雨暗真行船幸然得與僧人熟  
借得終宵客位眠

客中情況少人知正值鐘聲約束時清坐更無人共語  
挑燈來看菊潭詩

漁溪詩稿卷二

漁溪乙稿

錢塘 俞 桂 晞 邨

江上

江頭雲閣雨柳色與春深船發春風阻誰知客子心

居閒

富貴人所願貧賤不堪憂自有蘭蕙清非比蕭艾羞功名如露草飄瓦若虛舟千載儻相遇臯夔及伊周苟使窮未達一壑營一邱出處謹吾節斯心已細籌

古意

無言情脈脈美人久相隔道阻脩且長春草幾番碧鳳釵冷鬢雲鸞鏡輕雲暮昔爲比翼鳥今作孤飛翮愁絕

漁溪乙稿

寄郎衣腰瘦裁宜窄

春日即事

羲馭舒徐日正遲園林已覺杏花稀半晴半雨春無準燕怯輕寒不耐飛

即事

薄薄輕輕寒露雨微微颯颯早秋風小舟辦了松江去占取三高作釣翁

賞月

天淨無一雲地淨無一塵十六月圓滿皎皎白玉輪古今同此月照破世閒人夜久方浴出露坐風滿襟清影入窗戶聊足慰我心所欠一樽酒所乏一張琴如此好

月色惜乎在海濱癡兒官事了空自疲精神不得賞新月酬酢相與頻今宵詩興動狂吟漁溪民獨對猶復爾況逢親共賓

採蓮曲

畫艇將歸笑語頻鴛鴦對對起還沈妾心先自懷郎苦怕嚼蓮心苦轉深

靈隱

回首得兩年曾入靈隱去一路看不足衣霑松上露白雲來相迎湖泉飛瀑素此景天下無遠勝廬山路

種竹

門前槐已長庭內草自生所欠園中竹多種渠幾莖此

漁溪乙稿

君真可愛非猶王猷情有時吟詠暇入園得閒行所幸

荀萌出次第陰可成頓使神宇爽漸覺眼界清最是秋雨夜風來□□□

春暮寄友人

日煖梨花雪風吹楊柳絲春踰三月半夢憶十年前詩借鶯聲和書無雁字傳東君還似舊吾鬢歎皤然

即事

吹落楊花春事了小池新綠雨添痕青蠶時節寒猶在村落人家半掩門

初夏

薔薇花已謝芍藥擬下坡午陰有嘉樹景序猶清和日



得詩篇詠門無俗客過  
符胎今歲少荷葉小池多  
春去餘旬日夏雲已嵯峨  
吾年嗟老矣身事笑蹉跎  
但欲臥白石幽巖捫青蘿  
已與心料理不必問如何

次下竺僧韻

朝市軟紅塵山林氣味深  
放懷隨野鶴過耳任春禽  
石澗鳴泉玉松釵墜日陰  
隱居無箇事存養讀書心

江上

小雨纔收日漸斜酒旗插處兩三家  
江頭妝點秋來景半是蘆花半蓼花

秋日

芙蓉未折桂香浮落日西風雁過樓  
一雨空塔深夜滴

漁溪乙稿

三

十分秋是十分愁

偶成

吹來一葉報秋知玉露金風正及時  
戴了涼巾披野服桂花香裏看唐詩

秋行吟

西風緊兮葉脫枝寒露灑兮菊遶籬  
蘆花白兮蓼滿湄雁聲急兮蛩轉悲  
樂吾浙兮殊興思況東淮兮落遠陲  
朝氣肅兮夜漏遲暮雲黯兮山色衰  
紛紛眯目黃埃吹艱關千里徒驅馳  
弱援投林任所之膏梁諸公那得知  
從今休被微官縛未若琴歌詩酒樂  
豈無手足懷我情當念行人多寂寞

習氣

習氣於詩卻未除儘教人笑治生疏  
功夫若到窮吟地雖是居貧富不如

卽事

暑赫練襟汗欲流倩誰喚得一天秋  
無人共訂吟邊句獨有蟬聲叫樹頭

平湖

平湖一景堪圖畫舟子煙波去復歸  
舊日元真無覓處西山長見鷺鷥飛

半塘

因訪雲巖過半塘清明時候野花香  
小舟趁雨衝風去

漁溪乙稿

四

不及尋僧到上方

送人至松江

西風蕭瑟入船窗送客離愁酒滿缸  
要記此時分袂處暮煙細雨過松江

雨後

雨後新晴日轉西桑閒猶有拙鳩啼  
十分愁意無人管紅蓼黃蘆水滿溪

紀愁

可笑無詩紀四愁強將歡伯解吾憂  
夜長明月紗窗冷分得寒蛩一半秋

和樂天初夏韻

雨脚來山岫溪痕漲岸沙插旗多酒戶挂網盡漁家地  
出綳兒笱圓收菜子花春歸鶯囀癩風急燕飛斜盃瀉  
青荷葉歐煎白玉茶孤村流水晚數點有歸鴉

述已

落落功名鬢久斑重遊京國又何顏早知寸祿榮家晚  
悔不當初便入山

釣臺

不愛三公漢祿榮一絲風月許多清只將節義高千古  
豈釣人間利其名

七夕有懷

擘釵情緒思悠悠月下穿鍼嬾傍樓非獨雙星苦離別

漁溪乙稿

五

人閒天上一般愁

秋夜

月華如水淨無塵千里相思總一心絡緯籬邊吟不徹  
做成秋意十分深

麻宋雪巖韻

詩與梅花一樣清江湖久矣熟知名未容便理趨朝計  
行見相留入幙榮照座精神澄玉宇當官才刃壓金城  
星郎況是曾知己刮目英游濠鏡明

南踰踰上人之平江

青浦相逢恰二年今宵再會亦前緣詩囊和月橫挑去  
穩泛楓橋夜半船

夏日遣懷

老大今無用吟詩了白頭百年如電影萬事付沙鷗性  
淡偏宜靜居貧動是愁人情難似舊門外水長流

寓歸

水激長江浪風傳遠寺鐘宦情秋意薄歸興客愁濃捲  
箔迎新雁喧籬厭舊蛩何時旋故里載酒插芙蓉

性拙

性拙難爲巧年來險屢經身閒詩謾賦心靜夢能靈富  
貴如朝露英雄幾曉星尋思世閒事日影過中庭

秋日卽事

宿有騷人興休教世俗知郊墟聊晚眺風月入秋宜愁

漁溪乙稿

六

極惟憑酒囊空卻剩詩更長人不睡燈火可親時

論詩

大道本無體何在文字閒易從先天畫詩自聖人刪流  
風傳益遠後作莫可攀推敲誰氏子一字不可閒

漁溪乙稿



漁溪詩稿補遺

採蓮曲

朝露溼妾衣暮霞耀妾囑一葉小如瓜去住無拘束兀  
棹歌採菱襲襲薰風足蘆葉映港清捉對鴛鴦浴蓮日  
有苦心欲折手還曲折蓮恐傷藕藕斷絲難續

又

平湖淼淼蓮風清花開映日紅妝明一雙鷓鴣忽飛去  
為驚花底蘭橈鳴蘭橈蕩漾誰家女雲安髻鬟黛眉嫵  
采采荷花滿袖香荷深忘卻歸時路

又

西湖西畔荷花多扣舷女兒嬌唱歌道旁駿馬金叵羅  
漁溪詩稿補遺

欲住不住橫秋波放船卻入花深處臨流照妝噤不語  
南山起雲北山雨折得荷花不歸去弄波驚起鴛鴦雙  
水珠濺溼芙蓉裳恨無飛羽致汝旁迴迴從之雲路長

又

西風引袂涼雲起鴛鴦扶船浮綠水露沁花脂齒粉香  
滿柄鋒芒刺蔥指紅綃半妥金釧明堤上六郎闕唱聲  
湘中暮雨歡期失各自東西空日成船蕩波心煙漠漠  
歸路花從唱邊落綠豔紅妖江水深水底靈均應不覺

又

女伴歌採蓮清聲度流水無意驚鴛鴦鴛鴦自飛起

又

荷葉籠頭學道情花妝那似妾妝清雙雙頭白猶交頸  
翻笑鴛鴦不老成

又

拗落圓房響釧金背人細數子藏深不嫌到手多尖刺  
祇怕傷人有苦心

提幹漁溪

不涉驚濤心自穩柳陰陰處著孤舟的知世路多機筭  
一綫閒名付直鉤

右詩六首見江湖後集

次下天竺

山僧留客意殷勤把酒山亭對夕曛披徑餽藤留石樹  
漁溪詩稿補遺

摩崖蒼蘚迥秋雲月中桂子隨風落洞口猿聲靜夜聞  
老去野心偏向逸竹窗禪榻漫平分

右詩一首見杭州府志

石

屏

詩

集





重刊石屏集序

吾郡戴石屏以詩鳴於南宋之末江湖派衍隸關惡深不無悲感之詞惟以忠孝爲上想其一身飄泊千里漫游冰雪滌其胸襟江山助其氣勢詩是吾家之事長撚吟髭身無人國之謀但知蒿目殘山賸水中原之收復何時戛石鏗金處士之吟聲益壯蓋瓣香於杜老親炙於放翁用能成一家之言垂千秋之業以視流連風月掇拾珠玑祭獺求工刻覓矜肖者相去未可以道里計也而或訾其風格疑其急微抑亦過刻之談矣集爲明宏治間石屏裔孫學正錄所刻余於鄞天一閣見其本

石屏集

序

臨海宋氏重梓

匆促未及借鈔丙子秋仲長塘鮑生正字以鈔本見寄遂付梓人惜三豎之尚訛艱一鷗之別借亦曰訂台山之詩派此爲大宗廣藝苑之流傳聊存變雅云爾時嘉慶丁丑秋七月文林郎知陝西鳳翔府扶風縣事臨海蔡世榮撰



重刊石屏先生詩叙

詩不讀三百篇不足以言詩然多雜出於里巷男女歌謠之辭未必皆詩人作也詩不盡作於詩人而天下後世舍三百篇則無以爲法者宜必有其故哉詩一降而爲楚爲漢再降而爲魏爲晉宋下至陳隋則氣象萎備辭語靡麗風雅之變於是乎極矣至唐杜子美獨能會衆作以上繼三百篇之遺意自是以來雖有作者不特過焉宋三百篇以詩名家者豈少其以然果有能入少陵之室者乎當宋季世有戴石屏先生者慨遺音之不作惡蠅聲之盡聽乃力學以追古人而成一家之言先生生于黃巖之南塘負奇尚氣慷慨不羈南遊甌閩北窺吳越上會稽絕重江浮彭蠡汎洞庭望匡廬五老九疑諸峯然後放于淮泗以歸

石屏集

原序

臨海宋氏重梓

老子委羽之下顧其遊歷地廣聞見益多而其爲學益高深而真器故其爲詩如逝波之魚走壙之獸搏風之鷗其機括妙運殆不可以言喻者矣然其大要悉本於杜而未嘗有一辭蹈襲之者嗚呼此其所以爲善學者乎至於音韻格律之升降則與時爲盛衰有非人力所能爲者矣今其詩傳世已久而又有一君子爲之論者予生也晚於先生復何言哉先生之諸孫又續知所好尚校舊本以圖新刻益廣其傳垂之永久可謂能世其家者予過天台文讀間以序來謁遂不敢以後學辭而書之首簡先生諱復古字式之石屏其自號云 至正戊戌孟冬地望宣城貢師奉序



重刊石屏詩集序

宋之南渡吾台文獻實稱東南上郡而詩人亦多有聲  
江湖間若石屏先生戴公式之其一也然當其時台之  
人以科第發身致顯融者何限而石屏獨工於詩以窮  
豈詩固能窮人哉蓋天之於富貴往往在所不惜而於  
斯文之權恒若有所靳而不易以予人何也斯文天地  
英精之氣必間世而後得富貴倘來之物趙孟之所能  
賤者也故一代之興起而為將相者比肩接踵而文章  
之士或不能以一二數幸而得之必困折其身拂鬱其  
志俾之窮極而後已若漢之蘇李唐之李杜宋之蘇黃  
其於詩也皆出於顛沛放逐之餘而後得以享大名於  
後世夫豈易而予之哉雖然其視富貴之極而泯泯無  
聞者則不啻霄壤矣是以古之君子寧為麟蹄無為鴟  
鳴寧為玉碎無為瓦全實亦有見乎天之意其所重者  
固在此而不在彼也於乎亦豈獨石屏一詩人然哉三  
代以降以道致窮雖上聖大賢如孔孟者亦所不免則

石屏集

原序

二

臨海宋氏  
重梓

據上海涵芬樓景印

常熟瞿氏鐵琴銅

劍樓藏明弘治刊本補入

夫石屏之以詩窮亦何足怪哉石屏之詩當宋紹定中  
樓攻媿鑰吳荆溪子良諸公嘗序之以行於世矣宏治  
初其裔孫廣東叅政豪將重刊之未就而卒今廬之六  
安學正鏞叅政從父也將畢叅政之志而未能以告于  
其守貳宋君克明馬君汝礪二君素重斯文而樂于義  
舉者乃不閱月而功以告成焉於乎石屏之沒幾三百  
年而詩又大行於世石屏于是乎不窮矣彼之營營以  
富貴為達者誠惡足以知之

宏治十年丁巳夏四月十有九日賜進士朝列大夫南  
京國子祭酒前翰林侍□□國史經筵官致仕邑人  
石屏集

原序

三

臨海宋氏  
重梓

謝鐸序

石屏詩序

戴石屏之詩有樓攻媿先生之序文諸名公鉅賢之品  
題不患不傳遠也趙嬾庵為選其尤者別為小集乃命  
僕為此序無乃以非人為贅耶嬾庵於詩少許可韋陶  
之外雖朝州柳州集猶有所擇今於石屏詩取至百三  
十首非其機有契於者乎夫詩之傳非以能多也以能  
精也精者不可多唐詩數百家精者纔十數人就十數  
人中選其精者纔數十篇而已惟少陵謫仙能多而能  
精故為唐詩人巨擘也蓋藝之難精者文也文之難精



者詩也運奇於斧鑿者少從容之態受成於材具者希  
汲取之功豪逸者欠雋永慘淡者乏膾炙取妍耳目者  
興未必高遠寄吟性情者詞多至流宕凡是者皆詩之  
瑜而瑕者也石屏之詩平而尚理工不求異雕鏤而氣  
全英拔而味遠玩之流麗而情不肆卽之冲淡而語多  
警嬾庵之選其旨深矣雖然石屏自謂幼孤失學胸中  
無千百字書強課吟筆如爲商賈者乏資本終不能致  
奇貨也又言作詩不可計遲速每一得句或經年而成  
篇僕曩在贛見嬾庵論作詩亦然二公契合之機豈  
不□□乎石屏其所居山也卽之爲號其名復古字式

石屏集

原序

四

臨海宋氏  
重梓

之天台人其姓字不待人拈出也

紹定二年三月浚儀趙汝騰序

石屏詩後集序

石屏戴式之以詩鳴海內餘四十年所蒐獵點勘自周  
漢至今大編短什詭刻秘文遺事度說凡可資以爲詩  
者何啻數百千家所游歷登覽東吳浙西襄漢北淮南  
越凡喬嶽巨浸靈洞珍苑空迴絕特之觀荒怪古僻之  
蹤可以拓詩之景助詩之奇者周遭何啻數千萬里所  
躋倡論訂或道義之師或文詞之宗或勳庸之傑或表  
著郡邑之英或山林泝巷之秀或耕釣酒俠之遺凡以

詩爲師友者何啻數十百人是故其詩清苦而不困於  
瘦豐融而不褻於俗豪健而不役於奮閒放而不流於  
漫古澹而不死於枯工巧而不露於斲聞而爭傳讀而  
亟賞者何啻數百千篇蓋嘗論詩之意義貴雅正氣象  
貴和平標韻貴高逸趣味貴深遠才力貴雄渾音節貴  
婉暢若石屏者庶乎兼之矣豈非其搜攬於古今者博  
耶豈非其附寫於山水者奇耶豈非其磨礪於師友者  
熟耶雖然此舊日石屏也今則不類行年七十七矣焚  
香觀化付斷簡於埃塵隱几閉關等一樓於宇宙離羣  
絕侶對獨形爲賓朋而時發於詩曠達而益工不勞思

石屏集

原序

五

臨海宋氏  
重梓

而彌中的然則詩固自性情發石屏所造詣有在言語  
之外者非世俗所能測也淳祐三年六月日荆溪吳子  
良序

唐人以詩名家者衆近時文士多而詩人少文猶可以  
發身詩雖甚工反成屠龍之技苟非深得其趣誰能好  
之黃巖戴君敏才獨能以詩自適號東臯子不肯作舉  
子業終窮而不悔且死一子方襁褓中語親友曰吾之  
病革矣而子甚幼詩遂無傳乎爲之太息語不及他與  
世異好乃如此子旣長名曰復古字式之或告以遺言  
收拾殘編僅存一二深切痛之遂篤意古律雪巢林監



廟景思竹隱徐直院淵子皆丹邱名士俱從之游講明句法又登三山陸放翁之門而詩益進一日攜大編訪予且言吾以此傳父業然亦以此而窮求一語以書其志余答之曰夫詩能窮人哉謂惟窮然後工笠澤之論李長吉玉谿□□甚悲也子惟能固窮則詩愈昌矣余之言固何足爲軒輊邪嘗聞戴安道善琴二子勃顛並受琴於父沒所傳之聲不忍復奏乃各造新弄廣陵止息之流皆與世異其孝固可稱然似稍過果爾則琴亦當廢矣式之豈其苗裔邪而能以詩承先志殆異於此東臯子其不死矣嘉定三年歲未盡三日四明樓鑰

石屏集

原序

六 臨海宋氏  
重梓

書於玫瑰齋

石屏以詩鳴東南半天下其格律風韻之高處見諸當世名公之所品題者不可以有加矣况予他日未嘗學詩又安能措一詞第嘗私竊評之古詩主乎理而石屏自理中得古詩尚乎志而石屏自志中來古詩貴乎真而石屏自真中發此三者皆其源流之深遠有非他人之所及者理備於經經明則理明嘗聞有語石屏以本朝詩不及唐者石屏謂不然本朝詩出於經此人所未識而石屏獨心知之故其爲詩正大醇雅多與理契志之所至詩亦至焉石屏痛念其先君子平生不肯作舉

子業而顛以詩自適臨終以子在襁褓而慮詩或遂無傳石屏長而有聞深切疚心求以傳父業顯父名是其志也實繼父志也故其爲詩感慨激發多與志應陶靖節言此中有真意欲辨已忘言故讀書不求甚解黃太史稱杜詩無一字無來處然杜無意用事直意至而事自至耳黃有意用事未免少與杜異不知四詩三百篇用何古人事若語哉石屏自謂少孤失學胸中無千百字書予謂其非無書也殆不滯於書與不多用故事耳有靖節之意焉果無古書則有真詩故其爲詩自胸中流出多與真會三者備矣其源流不甚深遠矣乎故詩

石屏集

原序

七 臨海宋氏  
重梓

有近體有古體以他人則近易工而不及古在石屏則古尤工而過於近以此視彼其有效晚唐體如刻楮剪繪粧點粘綴僅得一葉一花之近似而自耀以爲奇者予懼其猶黃鍾之於瓦釜也此予所私竊自評者亦未始爲石屏道今敢以是質之請石屏自剖決予也奚敢妄爲若是決淳祐壬寅孟夏四日盱江包恢書于赤城皇華館恢以卧疾未能自書不免令朋友代札伏乞尊照恢皇恐申稟

戴石屏詩備衆體採本朝前輩理致而守唐人格律其用工深矣是豈一旦崛起而能哉集首東臯子二詩雖



斑駁不完而思致風骨槩可想見此其源流也少陵之詩是因天授神助而發源實自於審言審言之詩至少陵而工石屏本之東臯又祖少陵雖欲不傳不得而不傳少陵所謂詩是吾家事人傳世上名者是也石屏與游皆當世鴻儒鉅公精筆妙墨極力摹寫曾不盡其妙又假僕輩以爲置郵何邪若僕輩正有託於石屏者也端平甲午十月既望東平趙以夫書

式之與蹈中弟齊年而又俱喜爲詩式之謂蹈中有高鑒盡出其平生所作使之擇焉得百餘首此編是也余讀之竟見式之才果清放弟識亦甚精到皆非朽拙所

石屏集

原序

八

重梓 薛海宋氏

能逮者然式之老益窮奔走衣食四方猶未得歸休于家而蹈中則下世踰年矣自古文士往往困躓其稍幸稱遂者天輒不假之年蓋存歿俱可哀也余暇復論詩哉姑命錄藏而歸其本式之且題其後以致余歎惜云甲申歲夏浚儀趙汝談

戴君詩句高處不減孟浩然予叨金鑿夜直顧不能邀入殿廬中使一見天子予之媿多矣嘉定甲戌月日建安真德秀書

近世以詩鳴者多學晚唐致思婉巧起人耳目然終乏實用所謂言之者無罪聞之者足以戒要不專在風雲

月露間也式之獨知之長篇短章隱然有江湖廊廟之憂雖詆時忌忤達官弗顧也猶每以不讀書爲恨予曰平生不識字把筆學吟詩非韋蘇州之言乎蘇州與寄冲逸遠追陶謝顧不識字邪蘇州且不識字式之亦何必讀書哉端平甲午良月初吉潛齋王埜子文

作詩難選詩尤難多愛則泛過遴則遺逸嬾庵爲石屏戴式之摘取百餘篇兼備衆體精矣章泉所拈出則其尤精而汰者也然染指知鼂美窺管識豹斑愛式之詩者讀此足矣式之方盡屏世學坐進此道發其英華見於章什必當方駕李杜架入陶柳得天之趣伴神之工

石屏集

原序

九

重梓 薛海宋氏

回視舊編遂成組織余未老尚及見之壽峯倪祖義書于西江談笑堂

學詩者莫不以杜爲師然能如師者鮮矣句或有似之而篇之全似者絕難得陳後山寄外舅郭大夫巴蜀通歸使妻孥且定居深知報消息不忍問何如身健何妨遠情親未肯疎功名欺老病淚盡數行書此陳之全篇似杜者也戴式之亦有思家用陳韻云湖海三年客妻孥四壁居飢寒應不免疾病又何如日夜思歸切平生作計疎愁來仍酒醒不忍讀家書此式之全篇似陳者也蹈中所選乃不在數何耶趙蕃



詩盛於唐極盛於開元天寶間昭僖以後則氣索矣世  
變使然可與識者道也式之詩天然不費斧鑿處大似  
高三十五輩使生遇少陵亦將有佳句法如何之問晚  
唐諸子當讓一頭紹定六年三月廿四日剡姚鏞  
石屏南歸過僕於渝江尉舍出示雪蓬姚公所選四稟  
下卷僕承歌不足併入梓以全其璧端平丙申九月十  
日月洲李賈友山敬識

乾道間東皋子以詩鳴式之幼孤壯乃能承其家余頃  
于都中嘗見江西胡都司楊監丞皆甚稱其詩蓋二公  
導誠齋宗派不輕許與別去踰三年矣一日忽見過於

石屏集

原序

十

臨海宋氏  
重梓

武川村舍袖出近作一編歎論終日余爲之廢睡挑燈  
熟讀仍爲摘句猶未能盡大抵唐律尤工務新奇而就  
帖妥道路江湖間尤多語意之合讀之使人不厭余益  
老矣不復能進矣倘未委土壤尚及見君凌厲斯世捫  
參歷井橫翔而傑出也東坡云詩非甚習不能工余謂  
如登羊腸之坂中間無地駐足進卽退雖有過人之  
才可不勉哉嘉定七年正月甲戌栗齋輩豐

陶元亮責子不好紙筆杜子美喜其子新知句律詩人  
眷眷於傳業如此式之再世昌其詩東皋子可無憾矣  
甲戌冬孟眉山楊汝明書于道山堂

式之以詩鳴江湖間垂五十年多識前輩晚乃與余爲  
忘年友余旣流放式之由閩嶠度梅嶺涉西江弔余於  
衡嶽之陽此意古矣觀近作一編其於朋友故舊之情  
每惓惓不能忘至於傷時憂國耿耿寸心甚矣其似少  
陵也忠義根於天資學問培於諸老故其發見非直爲  
言句而已式之復俾銓次不敢辭得六十篇爲第四稟  
下且効李友山摘奇左方端平三年歲在丙申五月丁  
卯剡人姚鏞

戴式之嘗見夕照映山峯密重疊得句云夕陽山外山  
自以爲奇欲以塵世夢中夢對之而不愜意後行村中

石屏集

原序

十一

臨海宋氏  
重梓

春雨方霽行潦縱橫得春水渡傍渡之句以對上下始  
相稱然須實歷此境方見其奇妙 歸田詩話

復古之作如曲沼方塘鷓鴣鸚鵡徊翔出沒亦足賞者  
松石軒詩評

題式之詩卷後 南豐曾極景建

鸞江江上路尚記昔年游久客誰青眼苦吟君白頭塵  
沙投馬箠風雪敝貂裘百首詩精揀親逢趙倚樓

月洲李賈友山

矯首天地間淒其望終古前輩久零落斯文日榛莽  
君天台秀忽向南方來老氣橫九州胸次何崔嵬藻口



晚更奇崩騰豁高趣疑是赤城霞飄飄墮章句白首一  
孤劍誰人薦子虛有時杯酒問高論傾淮湖既有四海  
名何慚萬鍾樂君看榮與賤千載俱冥漠

豫章李義山

老氣稜稜未易攀詎襟凜凜可廉頑瘦筇只在江湖上  
詩卷旁行天地間社雨風花春正好酒壚山屐夢相關  
夔州已後口繩削今度編成不要刪

方里趙希邁

曩從嬾庵游輒道手擇戴式之詩百篇嬾庵仙去  
今四年式之忽持所擇詩來過時余卧疾展轉甦

石屏集

原序

三 臨海宋氏  
重梓

醒果知嬾庵筆削不輕而式之負名不虛也因賦  
鄙語一章以贈

怕得公卿知姓名扁舟棹月過湖城卧聽蘆葉頭添白  
吟到梅花語更清拋却石田甘遠客愛看山色每分程  
如何亦肯敲寒屋松火煎茶共短檠

同邑無逸林璧

少年曾讀石屏詩老去江湖幸見之百倍尋常真足惜  
十存八九實堪悲蛙鳴蟬噪人爭羨天巧神功彼自知  
我欲流傳天下去爲求完本補亡誰

嬾庵趙蹈中寺丞作湘漕時爲僕選此詩凡一百三十

首觀者疑焉謂嬾庵古詩得曹謝韋陶之體律則步驟  
杜工部其議論高絕一世極斬於許可今所取此編何  
其泛也復古議論斯語使有五字可傳如崔信明楓落  
吳江冷一句十字可存如杜荀鶴風暖鳥聲碎日高花  
影重一聯足矣果何以多爲嘉定癸未二月朔日復古  
書

復古以朋友從史收拾散藁得四百餘篇三山趙茂實  
金華王元敬爲刪去其半各以入其意者分爲兩帙江  
東繡衣袁蒙齋又就其中摘取百首俾附於石屏小集  
之後明珠純玉萬口稱好無可揀擇是爲至寶凡物之

石屏集

原序

三 臨海宋氏  
重梓

可上可下隨人好惡而爲之去取者斷非奇貨紹定壬  
辰仲夏復古自書

書戴式之詩卷

石屏游諸老間早得詩名又早諸老凋謝獨石屏歸  
然魯靈光耳予生後三十二年纔此一識秋風別去  
因書數語集中

七十行年戴石屏同時諸老各凋零扁舟歸去自漁舍  
冷骨秋來更鶴形天地無情頭盡白江山有分眼終青  
剡溪定有人乘興月下柴門不用扃

右詩見方岳秋崖小稿嘉慶七年知不足齋補錄



東皋子詩

黃巖今隸太平戴 敏敏才著

小園

小園無事日徘徊  
頻報家人送酒來  
惜樹不磨修月斧  
愛花須築避風臺  
引些渠水添池滿  
移箇柴門傍竹開  
多謝有情雙白鷺  
暫時飛去又飛回

屏上晚眺

不能騎馬趁朝班  
自跨黃牛扣竹關  
無德可稱徒富貴  
有錢難買是清閒  
人行躑躅紅邊路  
日落秭歸啼處山  
遙望蓬萊在何許  
扶桑東畔白雲間

石屏集

原序

古臨海宋氏

重梓

約黃董二親與桂堂諸姪避暑

世間無處避炎蒸  
欲叫西風叫不膺  
恨乏白檀除熱惱  
心思赤腳躑躅層  
冰醉游河朔誰同往  
表借明光愧不能  
聞有山林最深處  
清涼境界着高僧

樓上

終朝役役晚來閒  
識破浮生一夢間  
挈榼去沽深巷酒  
倚樓貪看夕陽山  
月臨江館人橫笛  
風摺蘆花雁度關  
堪羨漁翁無檢束  
扁舟占斷白雲灣

西溪陳居士家

來訪西巖老家居  
水竹村柴鱗游鏡  
曲黃犢卧雲根自

惜好賓客相傳到  
子孫不行亭下路  
護筍別開門

後浦園廬

卜築成佳致  
幽棲樂聖時  
何如謝公墅  
畧似習家池  
地暖梅開早  
天寒酒熟遲  
催租人去後  
續得夜來詩

鄭公家

門墻多古意  
耕釣作生涯  
菰米散魚子  
蓮根拔虎牙  
弄係時擲果  
留客旋煎茶  
頗動詩人興  
滿園蕎麥花

海上

萬頃鯨波朝日赤  
滄洲四望無窮極  
海山何處是蓬萊  
遍問漁翁都不識

石屏集

原序

古臨海宋氏

重梓

觀梅

三杯暖寒酒  
一榻竹亭前  
為愛梅花月  
終宵不肯眠

趙十朋夫人挽章

縫掖先生游汗漫  
夫人高節獨青青  
臨行抖擻空書笥  
分付諸郎各一經

此詩有五絕吟  
葉零落十朋先生黃巖前輩行誼  
甚高嘗有詩云  
數枚豚犬粗知書  
二頃良田樂有餘  
社酒三杯棊一局  
客來渾不問親疎  
梅溪先生尊敬之  
有社酒三杯棊一局  
王十朋如趙十朋之句



右先人十詩先人諱敏字敏才號東皋子平生酷好吟身後遺藁不存徐直院淵子竹隱先生常誦其小園一篇及日落種歸啼處山一聯續加搜訪共得此十篇復古孤幼無知使先人篇章零落名亦不顯不孝之罪不可贖也謹錄於石屏詩藁之前庶幾使人獲見一斑復古忍泣敬書

石屏戴叟以詩行四方名人鉅公皆樂與之游者有忠益而無諂求有謙和而無誕傲所至怡怡如也歲紹定之己丑叟來閩中携其先人遺藁僅一篇一聯耳俾子題其後子已竊敬其事後十三年叟以書來則又得十

石屏集

原序

六 臨海宋氏  
重梓

餘首與叟近詩合爲卷矣嗟乎叟於其先人之片言隻字訪求甚苦老而益切惟恐失墜其心將見之何哉唐杜氏世爲詩至子美一飯不忘君可謂忠矣若叟之一語不敢忘其父可謂孝矣是皆出於天性且不負其所學子故表之以爲知本者勸讀其詩者當有取於斯淳祐四年甲辰歲九月癸卯永嘉陳昉書于都官郎舍物以忘爲適腰適於帶足適於屨忘故也東皋子一生嗜詩工造妙境而吟藁不存贈炙而傳者僅十首是真能忘於詩而適其所適者也則其人之蕭散洒落可想像見豈比夫世之刻削嚼齧於一聯半句間沾沾自喜

期以術能誇富者哉石屏以篇章零落不顯爲恨人子之情然耳似非東皋子志也淳祐甲辰中夏望日東平趙以夫跋

詩和則歡適雄則偉麗新則清拔遠則閒暇東皋子詩云小園無事日徘徊頻報家人送酒來歡適也惜樹不磨修月斧愛花須築避風臺偉麗也引些渠水添池滿移箇柴門傍竹開清拔也多謝有情雙白鷺暫時飛去又飛回閒暇也備是四體一篇足矣况鶴鳴子和清曠徹九皋邪寶慶丁亥長至前二日吳興倪祖義書

石屏集

原序

七 臨海宋氏  
重梓



石屏詩集目錄

天台戴復古式之詩

浚儀趙汝鑑蹈中

剡中姚 鏞希聲

四明袁 甫廣微

小山蕭泰來學易

昭武李 賈友山選

陽城宋 鑑克明重刊

西充馬 金汝礪重編

近古體九十首

石屏集

目錄

六臨海宋氏  
重梓

五言律四百十首

七言律二百十首

絕句一百三十首

詞二十五首

共八百九十首

卷第一

近古體

求先人墨蹟

飲馬長城窟

羅敷詞

夢中亦役役

白苧歌

題陳毅甫家壁

答婦詞

桐廬舟中

所館小樓見山

和山谷古風見朝士

大熱五首

題鄭玉軒詩卷

和高常簿暮春

送吳伯成歸建昌二首

題蘇野塘畫

靈壁石歌為方巖作

石屏集

目錄

五臨海宋氏  
重梓

都中書懷呈滕秘監

湖北上吳勝之運使

客行河水東

題棠和尚送青軒

園亭卽事十首

許以秋蘭一盆為供

和鄭提舉見寄

謝包宏父三首

烏鹽角行

章泉二老歌

五

京口喜雨樓落成

栗齋以元結文集為贈

阿奇晬日

畫水呈王使君

送來賓宰

出閩

玉華洞

管仲登飲萬貢堂

鳳鳴有吉凶

江南新體

和婦答夫二首

杜甫祠

琵琶行

南嶽

題四祖山榮老月窟

賦雲山燕居

祝二嚴

急口令寄朝士

婕妤詞

感寓四首

五

和鄭提舉見寄

謝包宏父三首

烏鹽角行

章泉二老歌

和婦答夫二首

杜甫祠

琵琶行

南嶽

題四祖山榮老月窟

賦雲山燕居

寄章泉趙昌父

頻酌淮河水

元宵雨

小孤山阻風寄西山

松江舟中四首

趙郎中示四老飲圖

宋正甫湖山清隱

會稽山中

高九萬示落星長句

李伯時村田樂圖

見真舍人奏疏有感

春郊牧養圖二首

鄂州南樓

題飛龍飲秣圖

儒衣陳贈畫

黃州棲霞樓卽景

題上虞縣信芳堂

跋衡山何道士詩

徐通判晚歲得子

寄報恩長老

石屏集

目錄

三 臨海宋氏

織婦歎

刈麥行

鄂渚送別

詰燕

寄趙鼎臣

畫龍

漁父詞二首

卷第二

五言律

秋懷

晚春次韻

元日二首呈劉叔治

宿農家

湘中

水陸寺

題分宜縣呈石子和

清明感傷

都中書懷二首

歲暮呈真翰林

游天竺

盧申之正字小酌

鳳凰臺

山中卽事二首

題徐京伯北征詩卷

江上

賢女祠

春盡日

寄鞏仲至

次韻史景望雪夜

春日懷家

寄沈莊可

山行

題南康縣劉清老園

淮上春日

麻城道中

望花山張老家

春日

石屏集

目錄

三 臨海宋氏

聞李全至建康

江漲

上喬右司

贈郭道人

送趙蹈中移憲江東

立春後二首

寄韓仲止

題張簽判園林

哭趙紫芝

何宏甫載酒過清江

新歲呈王監簿

訪楊伯子監丞

慧力寺避暑

秋夜旅中

舟行往弔故人

擬峴臺

無策

題萍鄉何叔萬雲山

訪許介之途中卽景

建昌道上



訪嚴坦叔

杜仲高下儀真

見趙知道運使

趙叔厚山堂安下

黃道士出交

陳伯可山亭

趙昌甫遷居章泉

題永州思范堂

舟中病起登覽

合江亭分韻

見湖南憲陳益甫

南臺寺長老

真西山帥長沙禱雨

游大自在亭

客中寄家書

舟中夜坐

淮東趙漕宴客

沈莊可號菊花山人

別章泉定庵二老人

雪中簡段知縣

石屏集

目錄

三

臨海朱氏  
重梓

烹犢延客

萍鄉縣圃

書事

同趙鼎臣游清虛庵

同曾景建金陵登覽

遇淮人問蘄黃之變

寄姚楚州

許介之約過清溪

送張子孟

南豐縣南臺

長沙道上

萍鄉客舍

無爲軍遇趙尉

譚俊明雪中見訪

新喻縣蘇晉叔相會

訪陳與機縣尉三首

訪曾魯叔僧設小供

觀靜江山水二首

題嶼篁隱居圖

過三衢訪鄭監丞

題趙庶可山臺

叔宏伯厚載酒送別

贈張季治

姪淑遠游不得書

寄梅屋趙季防

雨後有感

歸來二首

歸後問訊敷文四首

夢中得一聯足成

酬姪仲晦

一笑

寄趙茂實大著

送彭司戶之官三山

送姪孫汝白往東嘉

寄南昌故人

送趙安仁之官上虞

秋日

訪豈潛見鶴換翎

倚樓

戊戌冬

石屏集

目錄

三

臨海朱氏  
重梓

題豈潛家平遠圖

夏日續題

寄故人兼簡王帥

舟中

送夏肯甫入京

辛丑歲暮三首

小睦

有感

次韻叔強見寄二首

一冬無雨雪有雷

卷第三

歲旦族黨會拜

寄節齋陳寺丞

姪孫子淵新居落成

子淵送牡丹

寄山臺趙庶可

晚春

賀姪孫景文得男

屏上懷伯高兄弟

已亥早庚子麥熟六首 歲不聊生

庚子荐饑六首 歲且謝送酒

東池隱居小集 次韻君玉春日

寄韓右司趙寺簿三首 月夜懷董叔宏

題林逢吉軒壁 題姪孫子直西閣

與諸姪孫登白峯觀 羅漢寺省王總幹墓

解后樂清姜主簿 雁山總題二首

會心 大龍湫

靈峯靈巖 淨明

題胡立方思齋 張子明索賦永齋詩

石屏集 目錄 西 臨海宋氏 重梓

謝項子宜帥幹遣饋 題曷姪東楚農歌

覽鏡有感 歲暮書懷三首

壬寅除夜 癸卯歲旦

新年晴色可喜 讀三學上書論事二首

守江 送王仲彞宰瀏陽二首

送黎明府二首 訪西山王深道二首

讀王子文詩文有感 挽丁竹坡

廣東漕李實夫四首 求安

秋日早行 何季皋司理

石洲遇陳季申話舊 廣州所見

書事 別李司直蕭小山

峽山二首 舟行和許季如詩

重陽舟中 陳秘書家有感二首

問時事 送簞劉使君

懷江村何宏甫 投江西曾憲二首

臨江小泊 寄鄭潤甫提幹

趙丞話舊 謝蕭和伯見訪

廬陵城外 董侍郎蒙泉書院

叔震書堂 別董叔宏兄弟

聞邊事 宜春東湖呈趙使君

石屏集 目錄 圭 臨海宋氏 重梓

次韻叔宏山中有感 訪蒼山曾子實

事機 所聞二首

盜賊梗道二首 張端義謫曲江二首

聞杜儀甫出臺 朱行甫方巨山相訪

行甫送別烹鹿薦酒 題宋安撫月中香

訪方子萬使君 諸詩人會吳門

別邵武諸故人 老儒爲貴人燒丹而

夜坐懷儀卿友山 工上

簡曾才叔 舟中

題史賢良錦江詩卷 賢良和五篇不可及



彭時甫玉峯樓話舊

所聞

訪徐益夫

緣陰亭九日燕集

題蕭氏園亭三首

新朝士多故人

題何宏甫江村

卷第四

夜吟呈趙東巖

陳萬卿著本草折衷

九月七日江上阻風

和前詩隣舟皆鹽商

有感

春陵山中作

夏日雨後登樓

見飛蝶

寄永嘉趙茂實二首

題蜀中山水障

石屏集

目錄

三

臨海宋氏  
重梓

次韻萬杉長老

借韻書懷

登快閣和韻

客中歲晚呈何宏甫

浣樓大卿作字

淮岸阻風

李丈解后游江上園

南康縣劉隱居

江皋

都下書懷

艤舟登滕王閣

湖口

從子淵借茉莉一盆

吳門訪舊

哭澗泉韓仲止二首

瑯琊山中廢寺

鄂州戎治靜韻亭

江上

游虎邱留題

光孝長老共談時事

杜仲高高九萬相會

衡陽寫懷

懷趙德行

上封

九日

春陵道上

化成巖

喜聞平峒寇

郭伯秀約春游不去

訪陳復齋於私弟

泉南

代人送別

度淮

厲使君七夕祈雨

廬州界上寄豐帥

贈孤峯長老

吳子似

世事

冬日移舟入峽避風

湖上

石屏集

目錄

三

臨海宋氏  
重梓

廬陵城外

讀改元詔口號三首

罪言

李深道得蘇養直詩

秋興有感

謝王使君送旅費

舟中小酌

途中見人家賣酒

長汀寄李使君

光澤溪土

約游西墅病不能法

趙敬賢送荔枝

回泉南主僕俱病

寄趙漳州話病

王莖使君平寇二首

新年自唱自和二首

聞嚴坦叔入朝二首

吾派衰落有感

王深道奏名而歸

朱仲實官滿送行二首

次李君坊見寄二首 感寓二首

新歲書懷四首 小園

為石雲悼鶴 挽丞相杜公

送飛卿兼簡秋壑二首 晚望懷長沙故人

寄虛齋趙侍郎二首 謝深父作石屏記五首

寄趙用父侍郎二首 亦龍野亭五首

寄鎮江王子文總卿 又送行二首

送包使君入朝二首 送季明府赴太平四首

得古梅兩枝 為何宏甫作

題徐子英小園 登祝融峰

石屏集

目錄

天 臨海宋氏 重梓

長沙有感 山中少憩

真州上官漕勸農 豫章東湖避暑二首

見江東繡衣袁廣微 洪大卿同登遠碧樓

濠州春日呈趙教授 訪古田劉無競

淮上回九江 送陳幼度運幹二首

燕 斲口阻風務官點稅

卷第五

郭外翁 鄭南夫雲林隱居

夢用父子文叔方相會 戲呈趙明府

訪會雲巢 冬暖

許提幹湖上下築 見名園荒廢有感

題黃仲文雙清亭 孟運管招客話舊

買粥 天竺訪明上座

度夏借東驛安下 挽趙縣尉

挽張統制 挽趙縣丞

挽項居士二首 挽姚祥叔

挽林詠道 挽黎顯謨開國三首

悼孫子神童三首 孫季蕃葬西湖上

櫻桃 題清江臺

夏旱得雨呈王監簿二首 懷何宏甫

石屏集

目錄

天 臨海宋氏 重梓

題董侍郎山園 蕭仲有遺經堂

讀嚴粲詩 春陵山中

淮上寄趙茂實 金山

焦山 梅花

赤壁 會雲巢

醉吟 次韻胡公權

同子順訪茅庵道人 羅立之酒邊舉數首

為客 彭繡使平叛卒三首

會李擇之 道傍館

山中夜歸 題春山李基道小園



東軒

宿農家

寄耒陽令嚴坦叔

所聞

胡侔送羊烹以會客

寄清流王令君

生朝對雪

卷第六

七言律

江濱曉步

鄂渚烟波亭

寄尋梅

元旦上樓叅政

春日二首呈王子邁

釣臺

寄湖州楊伯子監丞

飲中達觀

石屏集

目錄

三十一 臨海宋氏  
重梓

梅

清涼寺有懷

覺慈寺

寄復齋陳寺丞二首

黃州偶成

題泉州王梅溪祠堂

無爲山中鄭老家

南康縣用東坡韻

李季允侍郎舟中

湖南見真帥

潘仁叔再約觀梅

廬山四首

豫章東湖感舊

僮約

同鄭子野訪王隱居

夜宿田家

送蒙齋游天台二首

豫章巨浸呈陳提幹

訪趙東野

題方孚若淮南小山

漪嵐堂呈趙明府

春風亭分韻得塵字

送滕審言歸長沙

張仁仲水壺亭燕客

別後舟中用前韻

海月星天之觀

回杜子野贈詩

久雨得晴呈楊監丞

提刑彭仲節平叛卒

中秋李漕水壺燕集

李計使領客

菊坡叅政平叛卒

題處士黃公山居

題何季湧江亭

別鍾子洪

再賦惜別呈運使

蕭學易何季舉作別

靈洲

和送別韻

王使君領客湛泉

石屏集

目錄

三十一 臨海宋氏  
重梓

題鄒震甫江山偉觀

曾幼卿同游鳳山二首

撫州謝樓宗丞見訪

平江呈吳毅夫侍郎

見趙南仲侍郎

鎮江別總領吳道夫

董侍郎山園燕樓宗丞

聶侍郎飲中示書畫

思歸二首

送趙提舉入朝

長沙呈趙運使

山中見梅寄曾無疑

余惠叔訪舊

張丈相訪舞劍

朱淵出示廷對策

裘司直見訪留款

訪張元德

滕審言相遇話舊

孟參明子同游麻姑山

興國軍晚春

朱司戶登滕王閣

元宵獻汪守二首

袁州化成巖

友松亭代松語

京口別石龜翁際可

讀放翁劔南詩草

古田行覽呈劉無競

諸葛丞極貧

萬安江上

過昭武訪李友山

李友山諸丈留日久

飲中

陪徐淵子登白雪樓

酬靜齋張舍人

客游

都下書懷

新安寒食

烏聊山登覽

癖習

田園吟

石屏集

目錄

三

臨海宋氏  
重梓

九日登裴公亭

訪趙升卿

括蒼石門瀑布

杜門自遣

登快閣和山谷韻

滕王閣次韻劉允叔

竹洲諸姪小集

游雲溪二首

和高與權

懷姚希聲使君二首

豫章東湖酌別

懷徐淵子直院

人日

送劉鎮入京

會丁巖仲新樓

次韻杜運使見贈

訪漳州趙用父使君

見曾提刑兼安撫

思歸三首

登黃南恩南樓二首

山行遇秀痴翁

石亭野老家

讀王幼學上殿劄子

謝史石窓送酒并茶

閱舊稿見喬相詩跋

衡陽度歲

遇張韓伯說邊事

有議袁蒙齋者

醉吟

慈雲避暑

久客還鄉

聞時事

寄趙德行

到鄂渚

熾棹清江

萬安縣芙蓉峯

汪見可約游青原

除夜

黎明府約尋梅

宗齋求竹山詩二首

石屏集

目錄

三

臨海宋氏  
重梓

春日風雨中

寄吳明輔秘丞二首

靈洲梅花

寄廣西漕陳魯叟

王宣子上巳日會客

李革夫飲客西湘

李玉澗不赴召

寄撫州樓使君

江上

京口遇薛野鶴

題邵武熙春臺

秋日病餘

次韻王子文小園詠春

李華入閩討賊二首

海上魚西寺

甘窮

詠梅投所知

黃州竹樓呈謝國正

漢陽登覽呈王使君

簡陳叔方問病



鍾春伯園林

清明前夢得花字

題王制機池巖

訪慧林寺僧

陳清西園賞海棠

王和甫卜地葬親

喜梅雨既晴

李司直會客

一相識無辜獲罪

送黃教授之官章貢

家居復有江湖之興

題亡室真像

題趙忠定雪錦樓詩

陪厲寺丞賞芍藥

次王應求韻

郡圃寒食

杜仲高相遇約李尉

題蕭宰堂亭

陪虞使君登岳陽樓

贈洞霄道士

石屏集

目錄

三

臨海宋氏  
重梓

閱世二首

少筭

南康六老堂

韓張亭

處世

送別朱兼僉

題王制機新樓

呈姚顯叔

題姚顯叔南嶼書院

寄朱仲是兼僉

寄宜甫兼簡韓右司

閱四家詩卷

謝吳秘丞序石屏集

有感

湘中

九日櫺洲舟中

會景建得罪道州聽讀

朱行父留度歲

梅花

金陵游覽用子明韻

呈趙園令

吉州堆勝樓

九高亭小景

泉州紫極宮古檜

都中次韻申季山

上官節推同到浮光

贛州呈雪蓬姚使君

蕭節推衙字一新

汪教授鳳山酌別

李伯高送鹽蠟子魚

癸巳端午呈李伯高

跋蘇養直深字韻

與姪南隱等賡和

續祖妣題句

卷第七

絕句

臘梅二首

汀州道上

石屏集

目錄

三

臨海宋氏  
重梓

題周仁甫古香堂二首

寄興二首

贈秀痴翁二首

江村晚眺二首

見山居可喜

初夏

桂

江陰浮遠堂

淮村兵後

盱眙北望

訪友人家卽事

晚春

揚州端午呈趙帥

次韻郭子秀曉行

山村

題吳熙仲雲萍錄

湘中遇翁靈舒

客中秋晚

都中冬日

湖上

冬至

釣臺

端午豐提舉送酒

同上官節推登增勝樓

次韻梅花

醉醺

次韻盧申之野興

題謝深道國正山庵

題鄭子壽野趣

山中見梅

湘西寺觀瀾軒

道鄉臺

定王臺

陶侃柏

東池

寧鄉道上遇張伯聲

初夏游張園

鄂渚解纜

別許季如

船過桐江懷郭聖與

石屏集

目錄

三五 臨海宋氏  
重梓

篙子請占脾戲成

書事

綠陰亭四絕

次鄭東子見寄六首

寄後村劉潛夫三首

李漕石洲冰壺宴賞

登樓四首

寄上趙樞密二首

初夏

覓芍藥代簡豈潛

思歸

謝趙葦江携吟卷見過

得早梅一枝

巾子山翠微閣

贈饒叔虎

招山二首

李革夫被召二首

清明感傷

次韻李伯高

嶽市勝業寺悅亭

訪舊

代簡答夏肯夫

寄劉潛夫

周子益年八十赴殿

觀捕黃雀

九日

雪中觀梅

鄭子壽野趣

東湖看花呈宋原父

上清道院呈趙雪篷

無題

到西昌呈原父諸丈

入閩道中

儀卿友山與權酌別

李敷文酌別口占

李友山索詩卷

題牛圖

別黃希聲

林伯仁話別二絕

題陳景明梅廬二首

石屏集

目錄

三五 臨海宋氏  
重梓

題蔡中卿青在堂二首

劉子及贈瑞桂

寄玉溪林逢吉六首

重陽

題梅嶺雲封四絕

戲題詩藁

論詩十絕

卷第八

詞

錦帳春

醉落魄

柳梢青

行香子

木蘭花慢

鷓鴣天

浣溪沙

臨江仙



祝英臺

鵲橋仙二首

大江西上曲

減字木蘭花三首

清平樂二首

醉太平

望江南七首

卷第九

附錄

戴東埜詩

莫悲秋

次黃叔粲茶隱

雜言三首

游屏山分得水字

秋過屏山庵二首

夏肯甫曉山亭

右屏集

目錄

三  
臨海宋氏  
重梓

侍屏翁游晉原集句

戲用李涉體四章

孤桐行

逐瘡鬼

書初考

辛亥九日宿荒驛

納涼卽事

侍屏翁游雪山

偕兄侍屏翁探梅

豈潛弟平遠圖

謝趙山臺見訪

臘前見蘭花

安居

次韻屏翁詠梅

次韻屏翁觀梅

項宜父涉趣園

小酌會芳分得陰字

玉峯登眺得初字

小樓扁山海圖次韻

次韻屏翁新秋

己亥十月晦大雷雨

次韻屏翁冬日

自武林還家

次韻屏翁新元聚

次韻君玉弟春事

次韻晚春二首

春晚卽事

次韻屏翁初夏小

夏初郊行

僻居

亦龍弟野亭二首

秋晚

屏翁領諸孫小集

次韻鄭安道臨別見贈

夏曼卿新樓

金陵懷古

幽棲

此生

自況

書房

右屏集

目錄

三  
臨海宋氏  
重梓

移古梅已有生意

再得古梅次韻

初游方巖山

觀敗棋者戲作

牡丹

喜有秋

次君玉聞新雁

次韻東渠兄觀梅

閒居幽事

甘窮

送彭希聖赴三山民曹

九日屏翁有詩次韻

秋日獨倚東樓

次韻屏翁九日再題

初冬梅花

石屏後集錄梓

四月卽景

次韻鄭安道懷君玉

贈日者張異手

代簡寄謝友人

春事

如京至西興阻風雨

賞茶

夜過鑑湖

喜小兒學步

效宮詞體

讀陳九龍傳

嚴子陵

竹林避暑

夏晝小雨

漁舟差防江有感

天台道上早行

五禽言

靜閒軒

同黃次夔游釣臺

梳頭自歎

上立齋先生十首

江濱晚霽

十日取野菊泛酒

山家小憩

石屏集

目錄

翠

臨海宋氏  
重梓

從板橋買舟上青陽

池州

答永嘉薛雲屋

次韻酬方叔材

立春前五日得雪

七夕感興二首

泊齊函

次劉叔子夜坐感秋韻

代簡約諸同官探梅

燒燈夕次宋明府韻

秋暮出關卽事

有妄論宋唐詩者

次趙倅喜雪詩韻

次韻黃次夔思家

送陳竹屋提幹東歸

歸途過麻姑山

方巖山懷仙雜詠十首

五松山太白祠堂

歸途過銅官山

卷第十

附錄

戴漁村詩

賀杜清獻入相二首

戴秋泉詩

自嘆

都下送盧白雲

行住坐卧

戴充庵詩

題姪昇仲悟非軒卷

送汪憲副歸江西

題舜舉所畫梅花卷

石屏集

目錄

翠

臨海宋氏  
重梓

戴樗巢詩

別姪元明兵馬

戴介軒詩

元明書來詩以答之

次韻答舍弟文信

題錢舜舉畫梅

別弟文益往蜀

又送文益兼懷文信

賦來青樓

賦雲浦

陳楚賓邀登南閣

發澄江述事言懷

留別胡叔輝先生

留別壽幙吳仲素

賦西村耕隱

題存耕舊隱圖

玉成諸公邀餞留別



賦竹坡

贈別鄉友

別柯伯庸

送別陳嘉惠

美秦巡檢禱雨有感

題潘氏禱雨詩卷

臨安道中別文美三首

歲凶到家記事

高陽窺園有感二絕

夜宿水館

立秋雜興三首

嘗稻有懷舍弟一首

秋夜述懷二首

寄衣無便

一秋無舍弟手書

過青楓嶺王貞女廟

經天姥嶺

夜經吳江

過維揚

次荆山

石屏集

目錄

望

臨海宋氏  
重梓

元日試筆

壬子春雜賦

中立歸得舍弟手書

移寓後述懷

越中有述

歸田雜詠

次台城南郊寄示故園

京城有述

淮安贈葉敬先

舟中述事

投贈州守夏侯君

雨窗述事

寄示故人

戴竹巖詩

題曹娥廟

戴魯齋詩

戲友不識硯

戴修齋詩

送趙侯之任

戴雨耕詩

送趙侯之任

戴雲庵詩

題九五菊

戴竹洲詩

次屏翁韻

戴菊軒詩

石屏集

目錄

望

臨海宋氏  
重梓

次屏翁韻

戴南隱詩

次屏翁韻

戴桂庭詩

送留雲上人住翠屏澄照寺

戴宓齋詩

寓杭次族人催歸詩韻

戴浦雲詩

客武林送林貴章還家

戴本庵詩

題飛鳴宿食蘆雁

戴架閣詩

題錢舜舉畫梅

戴海門詩

雨窗寄友

戴碧泉詩

至後偶成

戴怡泉詩

送友

戴松石詩

石屏集

目錄

圖

臨海宋氏  
重梓

寄此山雲

春日懷東白

戴吏部詩

送陳南賓赴京

題趙氏來青樓

題趙仲淵家藏巨然山居舊隱圖

戴閒懶詩

游澄照寺

戴松澗詩

題畫菜

自述松澗

西澗松聲爲李梅塢賦

戴恬隱詩

避喧庵自詠

憶子會試無家書

戴潛勉詩

次韻謝世懋見寄二絕

采蓮婦

織婦詞

送崔冢宰致仕還鄉

次陳石齋留別韻

石屏集

目錄

圖

臨海宋氏  
重梓



石屏詩集卷第一

近古體

太平舊錄戴復古式之

求先人墨蹟呈表兄黃季文

我翁本詩仙游戲滄海上引手掣鯨鯢失腳墮塵網身窮道則腴年高氣彌壯平生無長物飲盡千斛釀傳家古錦囊自作金玉想篇章久零落人間渺餘響搜求二十年痛淚溼黃壤君家圖書府墨色照青嶂我翁有遺蹟數紙古田樣髯鍾王體吟句更豪放把玩竹林間寒風凜悽愴昂昂野鶴姿愧無中散狀兒孤襁褓中家

石屏集

卷之一

臨海朱氏重梓

風隨掃蕩於茲見筆法可想翁無恙幽居寂寞鄉風月共來往眾醜成獨妍羣瘖怪孤唱一生既蹉跎人琴遂俱喪託君名不朽斯文豈天相舊作忽新傳識者動慨賞嗟予忝厥嗣朝夕愧俯仰敢墜顯揚思幽光發草莽假此見諸公丐銘松柏壙君其啟惠心慰彼九泉望

夢中亦役役

半夜羣動息五更有夢殘天雞啼一聲萬枕不遑安一日一百刻能得幾刻閒當其閒睡時作夢更多端窮者夢富貴達者夢神仙夢中亦役役人生良鮮歡

飲馬長城窟

朔風凜高秋黑霧翳白日漢兵來伐胡飲馬長城窟古來長城窟中有戰士骨骨久化為泉馬來喫不得聞說華山陽水甘春草長

白苧歌

雪為緯玉為經一織三滌手織成一片冰清如夷齊夷齊可以為衣陟彼西山于以采薇

黃玉林云趙嬾菴為戴石屏選詩百餘篇南塘稱其識精到其間白苧歌最古雅語簡意深今世難得所謂一不為少

羅敷詞

石屏集

卷之一

臨海朱氏重梓

妾本秦氏女今春嫁王郎夫家重蠶事出採陌上桑低枝採易殘高枝手難攀踟躕竹梯登樹杪心思蠶多苦葉少舉頭桑枝挂鬢脣轉身桑枝勾破裙辛苦事蠶桑實為良家人使君奚所見為妾駐車輪使君口有言羅敷耳無聞蠶飢蠶飢采葉急歸

題陳毅甫家壁了翁之後也

朱門金叵羅九醞葡萄酒春酌貴不酌賤酌富不酌貧君家破茅屋飄搖河水濱中有一樽渌醉盡天下人

答婦詞

舊嘗和顧彥先婦答夫二首故復賦此篇



江山阻且長，矯首鄉關隔。空閨泣幼婦，顛顛失顏色。隱  
聞鸚鵡篇，寄彼西飛翼。剝封覽情素，既喜復悽惻。別時  
梅始花，傷今食梅實。覽古帝王州，結交游俠窟。千金沽  
美酒，一飲連十日。春風吹酒醒，始知身是客。杜宇啼一  
聲，行人淚橫臆。衣破誰與紉，髮垢孰與櫛。勿謂游子心  
而不念家室，新交握臂行。肝膽猶楚越，醜婦隔江山。千  
里情弗絕，慙慙揮報章。歸計何時決，今夕知何夕。覩此  
纖纖月，此月再圓時。門前候歸車，一作轍

都中書懷呈滕仁伯祕監

北風朝暮寒，園林日蕭條。自非松柏姿，何葉不飄搖。儒

石屏集

卷之一

三

臨海宋氏  
重梓

衣歷多難陋，巷困簞瓢無。地可躬耕無，才仕王朝一。飢  
驅我來騎，驢吟灞橋通。名丞相府數月，不見招欲登五  
侯門。非皓齒細腰，索米長安街。滿口讀詩騷，時人試靜  
聽。霜枝轉寒，朔倘可悅人耳。安望如簫韶。

桐廬舟中

吳山青未了，桐江綠相迎。扁舟問何之，往訪嚴子陵。高  
風凜千古，卧蹴萬乘主。富貴直浮雲，羊裘釣烟雨。

湖北上吳勝之運使有感而言非詩也

蒼生積弊久，天欲盡殺之。干戈殺不盡，繼以大旱饑。田  
野萎餓，芋道路紛流離。衆人識天意，不敢加扶持。公懷

佛子性逆天，救民命擅移。太倉粟衆拂，生塵甑全活。十  
萬家九州，詠仁政逆天。天弗怒鬼神，胡不怒白玉尚。道  
取青蠅工，點素秋風動。尊鱸公亦思歸去，問公歸去公  
來。一作蒼生誰怙恃，怙恃一作怙

所館小樓見山可喜

茲樓非我有，久居如主人。雖無往來客，青山當佳賓。君  
看樓下路，三尺軟紅塵。失脚踰此塵，汨沒多終身。

客行河水東

客行河水東，客行河水西。客行河水南，客行河水北。行  
行無已時，朱顏變老色。至人棲一方，庭戶羅八極。保心

石屏集

卷之一

四

臨海宋氏  
重梓

如止水不受萬物役，有道肥其軀。故能適所息。

和山谷上東坡古風二首見一朝士今取一篇

自鷲非奇貨，強鳴非好聲。法當老山林，松根斷一作茯苓。  
苓竭來長安，道霜鬢追衰。窮吟無知音，祇覺太瘦生。  
公詩妙一世，風雅見根蒂。比興千萬篇，一作已作不朽  
計窮達雖不同，嗜好迥相似。

題古源棠和尚送青軒

南山色射窓，北山光照戶。道人處其中，冰玉爲肺腑。茲  
山自開闢，荒翳幾年所。一朝得主人，荆榛化庭宇。手披  
風月藏，目極烟霞趣。居然獲奇觀，人境贊相遇。道人詩



更高不作蔬筍語朝對北山吟暮對南山賦聞說玉堂  
仙擊節賞佳句

大熱五首

天地一大甕陽炭烹六月萬物此陶鎔人何怨炎熱君  
看百穀秋亦自暑中結田水沸如湯背汗溼如潑農夫  
方夏耘安坐吾敢食

左手遮赤日右手招清風揮汗不能已扇笠競要功南  
山龍吐雲騰騰滿虛空一雨變清涼萬物隨疏通向人  
無德色大哉造化功

大渴遇甘井汲多井欲竭入喉化爲汗不救胃中熱吾

石屏集

卷之一

五

臨海宋氏  
重梓

聞三危露迴與衆水別其色瑩琉璃其冷勝冰雪安得  
一杯來爲我解此渴

吾家老茅屋破漏尚可住門前五巨樟枝葉龍蛇舞半  
空隔天日六月不知暑西照坐東偏南薰開北戶胡爲  
舍是居受此烙炎苦

天噴吾面白曬作鐵色深天能黑我面豈能黑我心我  
心有冰雪不受暑氣侵推去北窓枕思鼓南風琴千古  
叫虞舜遺我以一作好音

久寓泉南待一故人消息桂影諸葛如晦謂客舍  
不可住借一園亭安下卽事凡有十首

寄跡小園中自笑容異鄉東家送檳榔西家送檳榔  
嚼唇齒赤亦能醉我腸南人敬愛客以此當茶湯殷  
謝其來此意不可忘

寄跡小園中豈不勝旅舍俗事無交加客身自閒暇隣  
家有酒沽杯盤亦可借吟侶適相遇新詩堪膾炙足以  
慰我懷畱連日至夜

寄跡小園中數椽亦瀟灑主人既相知此地可久假縣  
官送月糧鄰翁供菜把咫尺是屠門亦有賣鮮者里巷  
通往來欲結雞豚社

寄跡小園中餘春接初夏問木木成陰問花花已謝黃

石屏集

卷之一

六

臨海宋氏  
重梓

鷗出幽谷杜鵑叫長夜把酒酌園婆遠客此稅駕有時  
吟聲高鬼神莫驚怕

寄跡小園中一心安淡薄每坐竹間亭不知近城郭昨  
日看花開今日見花落靜中觀物化妙處在一覺委身  
以順命無憂亦無樂

寄跡小園中第一薪水便逐一炊黃梁兼得魚鰕賤飽  
飯日無營遮眼有書卷時逢好客來應接不知倦最苦  
風雨時有人招夜宴逐一疑  
作逐日

寄跡小園中新晴風日麗好鳥竹間鳴野鶴空中唳悠  
然動詩興行吟撫松桂久客若忘歸此身笑匏繫五月



倘未行尚及食丹荔

寄跡小園中頗欲闔形影誰為饒舌者太守忽相請閑  
心論時務細語及詩境坐中有蠻客狂言事馳騁明日  
酒來醒熟思令人瘦闕一作關

寄跡小園中忽有烏衣至手中執圓封州府特遣饋羅  
列滿吾前禮數頗周綴四隣來聚觀若有流涎意呼童  
急開樽四隣同一醉

寄跡小園中倒指五十日既得故人書南游吾事畢再  
拜謝主翁奉還此一室雲萍聚復散欲住住不得折柳  
當馬鞭明朝有行色

石屏集

卷之十

七

臨海宋氏  
重梓

題鄭寧夫玉軒詩卷

良玉假雕琢好詩費吟哦詩句果如玉沈謝不足多玉  
聲貴清越玉色愛純粹作詩亦如之要在工夫至辨玉  
先辨石論詩先論格詩家體固多文章有正脈細觀玉  
軒吟一生良苦心雕琢復雕琢片玉萬黃金

許以秋蘭一盆為供

吾兒來侍側供我以秋蘭蕭條出塵姿能禁風露寒移  
根自巖壑歸我几案間養之以水石副之以小山儼如  
對益友朝夕共盤桓清香可呼吸薰我老肺肝不過十  
數根當作九畹看

和高常簿暮春

世變日以薄無從見雍熙閉門讀古書聊以道自怡桃  
李春益益風雨秋淒淒於春何足喜於秋何用悲人生  
一世間所忌立志卑終身有不遇千載皆明時我生無  
所解肥遯滄海沂一朝遇名勝朽腐生光輝斂衽贊明  
德非公誰與歸

和鄭潤甫提舉見寄

出門欲求仁取友必勝已寥寥雲海鄉所幸有君爾胸  
蟠三萬卷智先三十里相與定詩盟誰能執牛耳  
長身如病鶴吟苦如蟋蟀顧此憔悴姿癡生年八秩舉

石屏集

卷之一

八

臨海宋氏  
重梓

世皆好竿老夫方鼓瑟梅花莫笑人茅簷多朝日

送吳伯成歸建昌二首

此是包宏齋倅  
台時作癸卯夏

老夫脚病瘡閉門作僧夏麥麩不療飢冬衣猶未卸喜  
讀吳融詩窮愁退三舍無因暗投壁有味倒餼蔗冥搜  
琢肺肝苦吟忘晝夜工夫到深處非王亦非霸

吾友嚴華谷實為君里人多年入詩社錦囊貯清新昨

者袁蒙齋招為入幕賓千里有遇合隔牆不見親君歸  
訪其家說我老病身別有千萬意付之六六鱗

謝東倅包宏父三首癸卯夏

詩文雖兩途理義歸乎一風騷凡幾變晚唐諸子出本



朝師古學六經爲世用諸公相羽翼文章還正統臨  
講道餘高吟復超絕巽巖許其詩鳳凰飛處別

君家名父子爲晦翁嫡傳嘗見黃勉齋極口稱其賢師  
友相琢磨南軒惜無年翁之與汝翁文字相周旋溟渤  
深見底泰華高及天宏齋有鳳髓可續欲斷弦

平生不識字把筆學吟詩舊說韋蘇州於余今見之每  
遭飢寒厄出吐辛酸辭候蟲鳴屋壁風蟬轉枯枝但有  
可憐聲入耳終無奇宏齋誤題品恐貽識者譏

題姚雪蓬使君所藏蘇野塘畫

高者爲山坳者爲壑爲烟爲雲渺渺漠漠水鳥樹林人  
石屏集 卷之一 九 臨海宋氏 重梓

家聚落騎者何之舟者未泊三尺紙上萬象交錯天機  
自然神驚鬼愕嗚呼此吾故人野塘蘇元龍之墨蹟中  
有石屏老淚痕又與野塘添一筆

烏鹽角行

鳳簫鼉鼓龍鬚笛夜宴華堂醉春色豔歌妙舞蕩人心  
但有歡娛別無益何如村落捲桐吹能使時人知稼穡  
村南村北聲相續青郊雨後耕黃犢一聲催得大麥黃  
一聲喚得新秧綠人言此角只兒戲孰識古人吹角意  
田家作勞多怨咨故假聲音召和氣吹此角起東作  
此角田家樂此角上與鄒子之律同宮商合鐘呂形

朴聲甚古一吹寒谷生禾黍

靈壁石歌爲方巖王侍郎作

靈壁一峯天下奇體勢雄偉身巍巍巨靈怒拘天柱擲  
平地蒼龍驤首尾兩片黑雲腰夾之聲如青銅色碧玉  
秀潤四時嵐翠溼乾坤所寶落世間鬼神上訴天公泣  
謂有非常人致此非常物可磨斫賊劍可倚擊姦笏可  
祝不老年可比至剛德自從突兀在眼前溪山日夜生  
顏色君不見杭州風流白使君雅愛天竺雙雲根又不  
見奇章公家太湖碧高下品題分甲乙二公名與石不  
磨今到方巖有靈壁我來欲作靈壁歌擊石一唱三摩  
石屏集 卷之一 十 臨海宋氏 重梓

章泉二老歌

在昔商山傳四皓又聞香山圖九老異鄉異姓適同時  
爭如章泉一家兄弟登耆頤章泉之上兩山下有地可  
宮田可稼伯也早休官季也相約歸林泉各動京口耕  
谷口山中有詩天下傳一生得閒兼得壽皓首龐眉世  
稀竹隱先生八十三定庵居士七十九客從遠方來  
亦是六十叟手把一枝梅奉勸兩翁酒問公何以致還



齡請翁細說吾細聽不燒丹不學仙五行有常數天所  
稟賦焉人生一氣統四體衆人駢喪吾能全要知養生  
無他術日多喫飯夜獨眠承翁見教謝翁去兩翁殷勤  
留我住是夜醉眠苦竹軒夢見山靈向我言翁之所說  
皆不然兩翁盛德合乎天天與遐齡五百年

京口喜雨樓落成呈史固叔侍郎

京口畫樓三百所第一新樓名喜雨大鵬展翼到中天  
化作簷楹不飛去一日登臨天下奇華燈照夜萬琉璃  
上與星辰共羅列下映十里蓮花池泰山爲翹海爲釀  
手挈五湖爲甕盎銀槽香沸碧瑤春歌舞當壚多麗人

石屏集

卷之一

十一

臨海宋氏  
重梓

觀陸士龍作顧彥先婦答夫二首有感韻

北風吹歲暮空閨獨棲止夙興淚盈掬夕息夢千里妾  
生胡不辰失身從浪子嚼蘗苦我心餐冰噤我齒離異  
何足愁險澀可勝紀寄書西飛雁反覆話終始鼠璞竊  
美名冠玉假外觀良人誇意氣下妾愁歲晏念君始行  
邁雪嶺梅初粲春風桃已紅光陰等飛彈相思果如何  
金環寬玉腕昔爲連理枝今作搏沙散惜哉牛與女脈

脈阻河漢特棲良獨難守堅祇自讚雙劍幾時合奇聲  
問華煥勿聽五羊歌富貴忘貧賤

栗齋輩仲至以元結文集爲贈

尋常被酒時歸到急投枕爲愛次山文今夜醉忘寢偉  
哉浯溪碑千載氣凜凜春陵賊退篇少陵猶斂衽文章  
自一家其意則古甚太羹遺五味純素薄文錦聲牙不  
同俗斯人異所稟君君望堯舜人人欲倉廩古道不可  
行時對空樽飲

杜甫祠

嗚呼杜少陵醉卧春江漲文章萬丈光不隨枯骨葬平

石屏集

卷之一

十二

臨海宋氏  
重梓

生稷契心致君堯舜上時兮弗我與屹然抱微尚干戈  
奔走蹤道路飢寒狀草中辨君臣筆端誅將相高吟比  
興體力救風雅喪如史數十篇才氣一何壯到今五百  
年知公尚無恙麒麟守高阡貂蟬入畫像一死不幾時  
聲迹兩塵莽何如耒陽江頭三尺荒草墳名如日月光  
天壤

阿奇辟日

窮居少生涯養子如種穀十苗方在手想像秋禾熟吾  
兒天所惠骨相頗豐碩娟娟懷抱中一歲至週日願汝  
無災害長大庶可必十歲聰明開二十蚤奮發朋蟠三



萬卷手... 色筆... 字場致君以儒術不然學孫  
吳... 人敵為國... 中原關地... 北他年汝成就  
為我頭已白光華照老眼甘旨不可缺為子必純孝為  
人必正直以我期望心一日必一祝勿為癡小兒茫然  
無所識胎教尚有間斯期一作言豈無益

琵琶行

尋陽江頭秋月明黃蘆葉底秋風聲銀籠行酒送歸客  
丈夫不為兒女情隔船琵琶自愁思何預江州司馬事  
為渠感激作歌行一寫六百六十字白樂天白樂天平  
生多為達者語到此胡為不釋然弗堪謫宦一作便歸

石屏集

卷之一

臨海宋氏

三廬山政接柴桑路不尋黃菊伴淵明忍泣青衫對商

毗陵太口寺畫水呈王君保使君

畫龍篇  
在後

筆端有許力捲來一片瀟湘碧摩挲老眼看不真  
浮見層波湧虛壁天慶觀中雙黑龍物色雖殊妙處同  
能將此水畜彼壑方知畫手有神通龍兮水兮終會遇  
天下蒼生待霖雨

南嶽

縹緲連蒼穹七十二峰朝祝融凌空棟宇赤帝宅  
修羅翼生寒風朝家遣使嚴祀典御香當設開宸封

願口四海扶九重千戈永息年屢豐五嶽今惟見南嶽  
北望乾坤雙淚落

送來賓宰

君作來賓宰聽我說來賓蠻俗無王化當為行化人有  
民無租賦租賦出商旅逐利遭重徵商旅亦良苦能放  
一分寬可減十分怨不受資囊橐但愛了支遣民窮賴  
撫摩官貧俸不多但得百姓安俸薄其奈何勿謂朝廷  
違官職易遷轉律已貴廉勤御事要明斷自縣辟為州  
指日為太守須知早歸來瘴鄉不可久

題四祖山榮老月窟

道號  
雲野

石屏集

卷之一

臨海宋氏

一室虛生白中作滿月形山中三萬戶玉斧新修成時  
人指為月雲卧亦強名似月有圓相不西成東升浮雲  
不能蔽又無虧與盈是為大圓鏡由師心地明一圓走  
無礙光芒照八紘可以破諸暗可以續祖燈明透雙峯  
頂輝映慧雲亭此鏡實無臺請師問老能

出關

千山萬山關中路六尺枯藤雨芒屨去歲梅花迎我來  
今歲梅花送我去梅花豈解管送迎白髮胡為又南征  
天荒地老終無情歸去歸兮老石屏

劉折父為吳子才索賦雲山燕居



燕居適所息非懷傲世心白雲自舒卷青山無古今中  
有動靜機杳眇諧素襟以時爲出處懷人撫瑤琴平生  
披短褐時來或華簪世論倘不合矢口不如瘖避影長  
松下洗耳清溪潄慎勿出雲外黃塵三尺深

玉華洞

憶昨游桂林巖洞甲天下奇奇怪怪生妙不可摹寫玉  
華東西巖具體而微者神功巧穿鑿石壁生孔罅玲瓏  
透風月宜冬復宜夏中有補陀僊坐斷此瀟灑空中茅  
葦區無地可稅駕舉目忽此逢心駭見希詫題詩媿不  
能行人亦無暇

石屏集

卷之一

五

臨海宋氏  
重梓

視二巖

僕本山野人漁樵共居處少年學父詩用心亦良苦搜  
索空虛腹綴緝艱辛語餬口走四方白頭無伴侶前年  
得巖漿今年得巖羽我自得二巖牛鐸諧鐘呂粲也苦  
吟身束之以簪組遍參百家體終乃師杜甫羽也天姿  
高不肯事科舉風雅與騷些歷歷在肺腑持論傷太高  
與世或齟齬長歌激古風自立一門戶二巖我所敬二  
巖亦我與我老歸故山殘年能幾許平生五百篇無人  
爲之主零落天地間未必是塵土再拜祝二巖爲我收  
拾取

市舶提舉管仲登飲萬貢堂

七十老翁頭雪白落在江湖賣詩冊平生知己管夷吾  
猶爲萬貢堂前客嘲吟有罪遭天厄謀歸未辦資身策  
雞林莫有買詩人明日煩公問番舶

嬾不作書急口令寄朝士

老病嬾作書行藏詩上見一心不相忘千里如對面我  
已八十翁此身寧久絆諸君才傑出玉石自有辨隨才  
供任使小大皆衆選明君用良弼治道方一變與之致  
太平朝廷還舊觀老夫眼尚明細把諸君看試將草草  
書用寫區區願一願善調燮二願強加飯三願保太平

石屏集

卷之一

六

臨海宋氏  
重梓

官職日九轉

鳳鳴有吉凶

鵲噪令人喜鴉噪令人憎人心自分別吉凶屬禽聲舜  
時有鳳鳴文王時亦鳴漢時鳳亦鳴六朝時亦鳴鳳鳴  
有吉凶人不仔細聽

婕妤詞

丹霞張誠子作此詞出以  
示僕僕疑其太文因作此

統扇六月時似妾君恩重避暑南薰殿清風隨扇動妾  
時侍君王常得沾餘涼秋風颯庭樹團團無用處妾亦  
寵顧衰栖栖度朝暮扇爲無情物用舍不知郵妾有深  
宮怨無情不如扇



江南新體王建有此體別張諷子

郎船江下泊妾家樓上住朝朝暮暮間上下兩相顧相顧不相親風波愁殺人

感寓四首

采薇人固高飲露蟬遂清謀茲一粒粟舉世共營營營亦多塗中有虧與盈陋巷一簞食朱門九鼎烹窮達各有命繫誰主權衡吾生未可必秋風白髮生  
蛛網羅虛簷一飽羅羣飛寒蠶習枯桑一身終繭絲物物巧生理我生拙奚爲貂裘日以敝石田歲長饑一貧已到骨一氣儻未衰舉目送飛鴻悠悠知我誰

石屏集

卷之一

七 臨海宋氏重梓

夜雨披西風撼撼庭樹浮生堪幾秋青鬢忽已素鈿刀割九牛策蹇望長路所操莽無奇自好徒自誤改絃調新聲履道易故步收功在桑榆其敢怨遲莫  
紅紫委路塵綠樹有嘉色刳心晚聞道玩物若有得青春坐銷歇方茲見眞實人生到中年胡不保明德秋風墮庭梧棲鳳去無跡矯首碧雲端一語三歎息

寄章泉先生趙昌父

靈鳳鳴朝陽神龍不泥蟠時兮不可爲昌父乃在山思君二十年見君良獨難時於邸報上要見得祠官祠官祿不多一貧其奈何采芝亦可食當作采芝歌近者李

即直言遣逐去人皆謂其政君獨有詩句君爲山中  
人世事安得聞入山恐未深更入幾重雲時悅齋李侍郎去國章泉詩送其行

頻酌淮河水

有客游濠梁頻酌淮河水東南水多鹹不如此水美春風吹綠波箭檣中原氣莫向北岸汲中有英雄淚

元宵

窮人不謀歡元夜如常時晴雨均寂寞蚤與一睡期朱門繁燈火歌舞臨酒池酒闌歡不足九街恣游嬉前呵驚市人簫鼓逐後隨片雲頭上黑翻得失意歸

石屏集

卷之一

六 臨海宋氏重梓

小孤山阻風因成小詩適舟中有浦城人寫寄眞西山  
羣山勢如奔欲渡長江去孤峯拔地起毅然能遏住屹立大江干仍能障狂瀾人不知此山有功天地間

松江舟中四首荷葉浦時有不測未句故及之  
夜聽楓橋鐘曉汲松江水客行信匆匆少住亦可喜且食鱖魚肥莫問鱸魚美行一作有

垂虹五百步太湖三萬頃除却岳陽樓天下無此景范蠡挾西施功名付煙艇

秋風吹客衣歸興浩難寫寒林噪晚鴉紅日墮平野

高



師解人意簾棹酒旗下

扁舟乃官差舟子吾語汝汝爲我作勞吾亦不汝負好  
向上塘行莫過荷葉浦

趙遵道郎中出示唐畫四老飲圖滕賢良有詩亦

使野人着句

采芝南山秦四皓象戲橋中爲四老我疑此畫卽其人  
有時以酒陶天真丹青不知誰好手作此飲態妙入神  
摩挲半世江湖眼古錦軸中舒復卷細將物色辨人物  
迺是昔時劉畢與陶阮一琴無絃橫膝上一琴團團明  
月樣一人持杓坐甕邊一人手攜詩一編是中必寫酒

石屏集

卷之一

九

編海宋氏  
重梓

德篇諸君傷時強自遣麴生風味况不淺五胡妖氣蔽  
神州誓江不救中原亂新亭舉目愁山河萬事何如一  
樽滿一杯一杯醉復醉天地陶陶盡和氣道術相忘禮  
法疎形骸懶散無機事此畫流傳知幾載生綃剥落精  
神在何人爲我更作杜陵飲中八仙歌將與冰壺主人  
爲此對

伏龍山民宋正甫湖山清隱迺唐詩人陳陶故園

會景建作記俾僕賦詩

故人昔往金華峯面帶雙溪秋水容故人今住伏龍山  
陳陶故園茅三間千載清風徐孺子門前共此一湖水

百花洲上萬垂楊白鷗羣裏歌滄浪故人心事孺子高  
故人詩句今陳陶短衣飯牛不逢堯何如繡鞍上着宮  
錦袍瓦盆對客酌松醪何如紫霞觴口碧葡萄豆其然  
火度寒宵何如玉堂夜照金蓮膏吟成秃筆寫芭蕉何  
如沉香亭北醉揮毫再三問君君不對目送飛鴻楚天  
外細讀山中招隱篇超然意與烟霞會照影湖邊雙鬢  
皓此計知之悔不早三椽可辦願卜隣荷鍾相隨種瑶  
草

會稽山中

曉風吹斷花梢雨青山白雲無唾處嵐光滿翠溼人衣

石屏集

卷之一

三

臨海宋氏  
重梓

踟碎瓊瑤涉上步人家遠近屋參差半成圖畫半成詩  
若使山中無杜宇登山臨水定忘歸

高九萬見示落星長句賦此答之

天星墮地化爲石老佛占作青蓮宮東來海若獻秋水  
環以碧波千萬重雲根直下數百丈一作時吐光燄驚  
魚龍鳳凰羣飛擁其後對面廬阜之諸峯陰晴風雨多  
態度日日舉目看不同高髯能詩復能畫自說此景難  
形容且好收拾藏胸中養成筆力可扛鼎然後一發妙  
奪造化功一作高髯高髯須貌取萬物昇沉元有數吾  
聞此石三千年復作爲星上天去



題申季山所藏李伯時畫村田樂園

春秧夏苗秋遂獲官賦私逋都了卻雞豚社酒賽豐年  
醉唱村歌舞村樂鼓笛一聲無曲譜布衫顛倒傴僂舞  
欲識太平真氣象試看此畫有佳趣管絃聲按宮商發  
細轉柳腰花十八羅幃繡幙拂香一作春風九醞葡萄金  
盞滑王孫公子巧歡娛勿將富貴笑田夫非渠耕稼飽  
君腹問有黃金可樂無

嘉定甲戌孟秋二十有七日起居舍人兼直學士

院真德秀上殿直前奏邊事不顧忌諱一疏萬言

援引古今鋪陳方略忠誼感激辭章浩瀚誠有補

石屏集

卷之一

主臨海宋氏  
重梓

於國家天台戴復古獲見此疏伏讀再三竊有所

感敬效白樂天體以紀其事錄於野史

禁城雞唱金門開起居舍人攜疏來榻前一奏一萬字

夷甫諸人責未酬志士愁眠劍鋒落天意未回事難舉

嚮來一試成于誤犬羊頻歲自相屠盛衰大抵由天數

昨臣銜命出疆時自期有去必無歸屈膝穹廬當憤死

天相孤忠半道回金山之下長江水擊楫中流舒壯志

東風吹上妙高臺略望江南見形勢形勢從來祇如此

幾年待得天時至朝廷為計保萬全往往忘卻前朝恥

鄂州南樓

臣今未暇論規恢胡虜已亡何懼哉中原曠地無人管

政恐英雄生草萊北方苦饑民骨立萬一東來竊吾粟

邊頭諸州無鐵壁借問誰能備倉卒請朝廷厲精兵擇

良將辦多多策上上更選人材老練通達分守要衝講

明方畧一賢可作萬里城一人可當百萬兵坐令國勢

九鼎重所賴君心一點明長賤奏徹龍顏悅繼言臣愚

進此說言雖甚鄙用甚切宸斷必行天下福勿謂儒生

論迂濶臣之肝膽與人別讀書豈為文章設王師若出

定中原玉堂敢草平羌策

盧申之正字得春郊牧養圖二本有樓攻媿先生

石屏集

卷之一

主臨海宋氏  
重梓

題詩且徵予作

竹弓鳴雁鴨驚飛來別浦無人境春風不搖楊柳影長

頸紛紛占作家半游波面半眠沙或行或立或如舞或

隻或雙或羣聚飲啄浮沉多態度物情閒暇世忘機分

明一片太古一作平時巧偽不作民熙熙

我之居元在野平生慣識牛羊者今見蒲江出此圖半

日不知渠是畫一犍當前轉頭立一犍渡渚毛猶溼中

有一蒼騎以牧拈犁相隨數十足殿後兩枚黃殼鯨分

明如活下前坡路轉南山春草多耳根只欠牧兒歌

鄂州南樓



鄂州州前山頂頭上有飄緲百尺樓大開牕戶納宇宙  
高插闌干侵斗牛我疑脚踏蒼龍背下瞰八方一作荒無  
內外江渚鱗差十萬家淮楚荆湖一都會西風吹盡庾  
公塵秋影滿空動碧雲欲識古今興廢事細看文簡李  
公文

題曾無疑飛龍飲秣圖

雲策示我良馬圖一騎欲來一騎趨竹批雙耳目搖電  
毛色純一骨相殊何人貌此真權奇筆端疑有渥洼池  
駑駘當用驕驕老羸得畫圖人看好盆中飲槽中秣無  
用霜蹄空立鐵何如渴飲長城濠上波饑則飽喫天山  
石屏集 卷之一 臨海宋氏 重梓

禾振首長鳴載猛士龍荒路碎犬羊窠

儒衣陳其姓工於畫牛馬魚一日持六幅爲贈以

換詩

生絹六幅淡墨圖伊人筆端有造化驂驪汗血挺電光  
牯特倦耕眠草下陂塘漠漠烟雨中出水羣魚戲瀟灑  
細看物物有生意不比尋常能畫者請君就此三景中  
揮毫添我作漁翁岸頭孤石持竿坐白鷺同居蒲葦叢  
有時尋詩出游衍欵段徐行山路遠奚奴逐後背錦囊  
木杪斜陽鴉噪晚有時蓑笠過田間農婦農夫相往還  
手放鉏犁吹短笛日暮青郊黃犢閒王孫貴人不識此

此是吾儂佳絕處挂君圖畫讀吾詩令人懶躡長安路

黃州棲霞樓卽景呈謝深道國正

朝來欄檻倚晴空暮來烟雨迷飛鴻白衣蒼狗易改變  
淡粧濃抹難形容蘆洲渺渺去無極數點斷山橫遠碧  
樊山諸峯立一壁非烟非霧籠秋色須臾黑雲如潑墨  
欲雨不雨不可得須臾雲開見落日忽展一機雲錦出  
一態未了二態生愈變愈奇人莫測使君把酒索我詩  
索詩不得呼畫師要知作詩如作畫人力豈能窮造化

題上虞縣信芳堂

河陽種桃彭澤柳歲歲春風誇不朽知君手種一池蓮  
石屏集 卷之一 臨海宋氏 重梓

開向五月六月天紅粧當暑清無汗綠葉染風香不斷  
坐令百里盡清涼天乃贈君雲錦段此花不可無此堂  
主人姓字同芬芳更看堂後參差竹醉倚炎空舞寒綠

衡山何道士有詩聲楊伯子監丞盛稱之以楊所

取之詩求跋其後

道人幽吟巖壑底伴曉猿啼秋鶴唳自陶情性樂天真  
一心不作求名計一朝邂逅揚東山詩聲揚揚滿世間  
東山才與誠齋敵手腕中有萬斛力爲君翻九淵探君  
驪龍珠爲君擘滄海鉤上珊瑚枝豐城地下掘起一作  
龍泉太阿雙寶劍南山霧裏窺見隱豹文章皮是寶欲



藏藏不得總被東山詩拈出道人從此詩價高石麋祝  
融爭翠律君不見彌明石鼎聯句詩千載託名韓退之

徐京伯通判晚歲得二子

竹隱種竹知幾年千竿萬竿長拂天羣飛不敢下棲止  
常有清風凜凜然丹穴飛來兩雛鳳鳳來此竹爲之重  
牙籤玉軸帶芸香家藏萬卷爲渠用人間豚犬不足多  
我來爲作徐卿二子歌手傳竹隱文章印看取他日官  
職高差峩

寄報恩長老恭率翁

報恩千楹歸一炬佛也不能逃劫數寶坊化作瓦礫場

石屏集

卷之一

三

臨海宋氏  
重梓

堪笑月庭來又去率翁修造鳳樓手第一能將無作有  
神工作舍鬼築牆鞭笞木石能飛走風斤月斧日紛然  
行看華屋突兀在眼前好畱一室館在客早晚來參文  
字禪

織婦歎

春蠶成絲復成絹養得夏蠶重剝繭絹未脫軸擬輸官  
絲未落車圖贖典一春一夏爲蠶忙織婦布衣仍布裳  
有布得著猶自可今年無麻愁殺我

刈麥行

腰鎌上隴刈黃雲東家西家麥滿門前村寡婦拾滯穢

館粥有餘炊餅餌我聞淮南麥最多麥田今歲屯干戈  
飽飯不知征戰苦生長此方真樂土

鄂渚張唐卿周嘉仲送別

武昌江頭人送別楊柳秋來不堪折漢陽門外望南樓  
昨日不知今日愁英雄握手新相識人情正好成南北  
酒闌人散最關情一雁西飛楚天碧

詰燕

去年汝來巢我屋梁間汗泥高一尺啄腥拋穢不汝厭  
生長羣雛我護惜家貧惠愛不及人自謂於汝獨有力  
不望汝如靈蛇銜寶珠雀獻金環來報德春風期汝一  
相顧對語茅簷慰岑寂如何今年來於我絕蹤跡一貪  
簾幕畫堂間便視吾廬爲棄物

石屏集

卷之一

三

臨海宋氏  
重梓

寄趙鼎臣

學如劉子政不使校書天祿閣文如李太白不使待詔  
金鑿殿倚樓終日看廬山贏得虛名聞九縣才忌太高  
心忌太清平平穩穩爲公爲卿騏驎可羈乃歸帝閑麟  
鳳莫馴爲瑞人間人間爲瑞徒能好騏驎可羈終遠到  
歲寒心事幾人知手把梅花共一笑

毗陵天慶觀畫龍自題姑蘇羽士李懷仁醉筆詩

呈王君保寺丞使君

姑蘇道士天酒星醉筆寫出雙龍形墨蹟縱橫奪造化  
蜿蜒滿壁令人驚一龍翻身出雲表口吞八極滄溟小  
手弄寶珠珠欲飛握入掌中拳五爪一龍排山山爲開  
頭口與石爭崔嵬波濤怒起接雲去不向九霄行雨來  
萬物焦枯天作旱兩雄壁隱寧非懶真龍不用只畫圖  
猛拍欄干寄三歎

漁父詞四首袁蒙齋元取前二首黃魯庵俾並錄  
之以見其全

漁翁飲不須錢柳枝斜貫錦鱗鮮換酒却歸船

其二

石屏集

卷之十

毛

臨海不氏  
重梓

漁父醉釣竿閒柳下呼兒牢繫船高眠風月天

其三

其四

石屏詩集卷第一終

臨海宋興洲校字



石屏詩集卷第二

五言律

秋懷

紅葉無人掃黃花獨自妍聽談天下事愁到一作對酒樽  
前水澗終非海樓高不到天昔人已懷古况復後千年

晚春次韻

酒醒愁難醒春歸客未歸鶯啼花雨歇燕立柳風微世  
路多殊轍人生貴識機低頭飽一粟仰首愧雲飛

元日二首呈永豐劉叔治知縣

焚香拜元日受歲客他州白髮難遮老新年諱說愁無

石屏集

卷之二

一 臨海宋氏  
重梓

人能訪戴有地足依劉桃李爭春事梅花笑未休  
市近人聲雜窻明雨色開異鄉輕度節同邸重傳杯不  
礙狂夫醉知無賀客來故園歸未得茅屋想蒼苔

宿農家

門巷規模古田園氣味長小桃紅破萼大麥綠銜芒稚  
犬迎來客歸牛帶夕陽儒衣愧飄泊相就說農桑

湘中

荆楚一都會瀟湘八景圖試呼沙鳥問曾識古人無痛  
哭賈太傅行吟屈大夫汀洲芳草歇轉使客情孤

水陸寺

長沙沙上寺突兀古樓臺四面水光合一邊山影來靜  
分僧榻坐晚趁釣船回明日重相約前村訪早梅

題分宜縣呈石子和知縣

古鎮更爲縣封疆半是山賦繁官吏窘土瘠稻梁怪流  
水心何急高山意自閒春風細吹拂桃李滿民間

清明感傷

一笠戴春雨愁來不可遮清明思上冢昨夜夢還家歸  
興隨流水傷心對落花晉原松下淚沾灑楚天涯

都中書懷二首

醉卧長安市思歸東海涯瓶餘殘臘酒梅老隔一作年

石屏集

卷之二

二 臨海宋氏  
重梓

花日與愁爲地時憑夢到家鄉書三兩紙一讀一咨嗟  
雪化晴簷雨鑪烘凍壁春窮猶戀詩酒嬾不正衣巾寂  
寞安吾分奔馳失我真枯桐就煨燼容有賞音人

歲暮呈真翰林

歲事朝朝迫家書字字愁頻沾深巷酒獨倚異鄉樓詩  
骨梅花瘦歸心江水流狂謀渺無際忍看大刀頭

游天竺

好山看不了遂借上方眠酒渴傾花露詩清瀉澗泉生  
無適俗韻老欲結僧緣睡覺鐘聲曉窗騰柏子烟

盧申之正字小酌



清境無塵雜一作夢館 羈懷向此開 主人有風度 知我

不塵埃 倚竹評詩句 拈花泛酒杯 出門見明月 客去又

招回

鳳凰臺

登臨舒老一作望 眼弔古得淒涼 故國自龍虎 高臺無鳳

風 浮雲多改變 喬木見興亡 往事渾休問 鍾山又夕陽

山中即目一作事 二首

巖路穿黃落 人家隱翠微 籠雞為鴨抱 網犬逐鷄飛 竹

好堪延客 溪清欲浣衣 禪扉在何許 僧笠戴雲歸

茅屋七五聚 沙汀八九磬 梯山畦麥秀 囊石障溪湍

石屏集

卷之二

三 臨海宋氏 重梓

父老雞豚社 兒童梨栗盤 幽居有餘樂 奔走愧儒冠

題徐京伯通判北征詩卷

一襟忠誼氣 數首北征詩 不許公卿見 徒為篋笥奇 銜

枚衝雪夜擊 楫誓江時此 志無人共愁 吟兩鬢絲

江上

山東江流急 雲兼霧氣深 輕鷗閒態度 孤雁苦聲音 客

路行無極 風光古又今 梅花出籬落 幽事頗關心

賢女祠

南康縣外二十里有賢女祠昔有劉氏女少而慧父母初以許蔡無故絕蔡而許以許吳亡又以許蔡女日女子身初許蔡奪許人尚何顏而登人之門投身於潭而死

士有敗風節 慙魂埋九京 幽閨持大誼 千載著嘉名

不重然諾 女能輕死生 寒潭墮秋月 心迹兩清明著一作樹

春盡日

撚指過三月 又當春夏交 花殘蜂課蜜 林茂鳥安巢 芳

草生青靄新 篁展綠梢風 騷將斷絕誰有續 弦膠

寄栗齋輩仲至

幾度觀朝報 差除不到君 山林自臺閣 文字即功勳 吟

苦孟東野 潛深揚子雲 官雖偃蹇 千載有知聞

次韻史景望雪夜

雪中寒力壯 病骨瘦難勝 溫酒撥爐火 題詩敲硯冰 驚

石屏集

卷之二

四 臨海宋氏 重梓

心雙白鬢知 我一青燈欲 悟浮生事 思參大小乘

春日懷家

細數平生事 何堪挂齒牙 客游兒廢學 身拙婦持家 開

甕嘗春酒 租山摘早茶 關心此時節 歸興滿天涯

寄沈莊可

無山可種菊 強號菊山人 結得諸公好 吟成五字新 紅

塵時在路 白髮未離貧 吾輩渾如此 天公似不仁

山行

度嶺休騎馬 臨淵看網魚 木根高可坐 巖石細堪書 谷

鳥鳴相答 山雲卷復舒 儒衣人賣酒 疑是馬相如



次韻謝敬之題南康縣劉清老園

劉子隱居地真如李愿盤萬松春不老多竹夏生寒卜  
築世情遠登臨客慮寬題詩疥君壁聊以記游觀

淮上春日

邊寒客衣薄漸喜暖風回社後未聞燕春深方見梅壯  
懷頻撫劍孤憤強銜盃北望山河語一作路天時不再來

麻城道中

三杯成小醉行處總堪詩臨水知魚樂觀山愛馬遲林  
塘飛翡翠籬落帶餘醪問訊一作信邊頭事溪翁總不知

望花山張老家

石屏集

卷之二

五

臨海宋氏  
重梓

元從邊上住來此避兵興麥麩朝充食松明夜當燈蔽  
門麻葦葦護壁石層層老嫗逢人哭吾兒在謝陵一老嫗逢人必大哭云我兒在謝陵不歸也光州有謝陵橋其子與虜戰死於此

春日

淫滯江湖久蹉跎歲月新客愁茅店雨詩思柳橋春秣  
馬尋歸路騎鯨問故人山林與朝市何處著吾身

問李將軍一作全至建康

正馬徑趨府將軍意氣多來依漢日月思復晉山河邊  
將慚尸素朝臣奏凱歌分明御狙詐得失竟如何

江漲見移居者

夏潦連秋漲人家水半門都拋破茅屋移住小山村駱  
駝籠雞犬纍纍帶子孫安居華屋者應覺此身尊

上喬石司

端笏立朝日肺肝傾上前把麾持節處桃李滿淮壩藥  
石箴時病著龜燭事先焦頭與曲突為計孰為賢

贈郭道人詩句皆述其所言

滅性能安樂深居絕是非英雄行險道富貴隱危機紙  
被如綿軟藜羹勝肉肥蒼苔滿山徑最喜客來稀

送湘漕趙蹈中寺丞移憲江東

持節復持節因循霜鬢侵盛衰關大數豪傑負初心宇  
石屏集 卷之二 六 臨海宋氏 重梓

宙虛長算江湖寄短吟番陽秋水濶湘浦未為深

立春後二首

久望春風至還經閏月遲梅花丈人行柳色少年時愛  
酒常無伴吟詩近得師離騷變風雅當效楚臣為

東風吹竹屋無數落梅花凍雀棲簷角飢鳥啄草芽家  
鄉勞夜夢客路又春華莫訝狂夫醉西樓酒可賒

寄韓仲止

何以澗泉號取其清又清天游一邱壑孩視幾公卿杯  
舉卽時酒詩爾後世名黃花秋意足東望憶淵明

題張簽判園林



園圃屋東西從君一杖藜雨寒花蕊瘦春重柳絲低亭  
館常留客軒窗總傍溪摩挲雪色壁安得好詩題

哭趙紫芝

嗚呼趙紫芝其命止于斯東晉時一作朝人物晚唐家數

詩瘦因吟思苦窮為宦情癡憶在藏春圃花邊細話時  
嘗在平江孟侍郎藏春園終日論詩

江村何宏甫載酒過清江

玉筍千峯雨金風十日秋誰能多載酒來此共登樓山  
立閱萬變溪深納眾流故人歸未得我亦為詩留

臨江軍新歲呈王幼學監簿

夢說去年事詩從昨夜吟三杯新歲酒千里故鄉心人  
共梅花老愁連江水深家書忽在眼一紙直千金

訪楊伯子監丞自白沙問路而去

欲訪揚雄宅扁舟過白沙自從山以後直到水之涯風  
節古人物文章老作家相尋有忙事第一問梅花  
朝市風波地乾坤漁獵場生民日憔悴吾道亦淒涼龍  
不為霖出鳳於何處藏羣鴉爭晚噪一意送斜陽

劉興伯黃希宋蘇希亮慧力寺避暑

何處避炎熱相期過寶坊萬松深處坐六月午時涼鐘  
磬山深屋江山界短牆醉來歸興嬾留宿贊公房

石屏集

卷之二

七

臨海宋氏重梓

秋夜旅中

旅食思鄉味砧聲起客愁夜涼風動竹人靜月當樓浮  
世百年夢他鄉幾度秋店翁新酒熟一醉更何求

舟行往弔故人

喬木風聲壯大江天影圓悲秋時把酒愛月夜行船未  
及到河上先愁過竹邊倚篷思往事聞笛為淒然

擬峴臺杜子野主簿寓居

高臺延望眼風物滿前村細讀南豐記頻開北海樽遠  
山如看畫近市不聞喧詩是君家事長城在五言

無策

老覺登樓懶心知涉世疎夢蕉還得鹿緣木可求魚晚  
歲未聞道平生欠讀書行藏兩無策究竟果何如

題萍鄉何叔萬雲山

詩人姚仲同乃胡仲方詩友

拄杖穿雲去一坡仍一坡地高山不峻花少竹還多家  
近登臨使人賢氣味和能詩老姚合朝夕共吟哦

常寧縣訪許介之途中即景

竹徑入茅屋松坡連菜畦深清漚麻水斜豎采桑梯區  
別隣家鴨羣分各線雞行人來少憩假道過東溪闕雜

作一羣各線則別作一羣

建昌道上

此篇誤寫在高九萬集中

石屏集

卷之二

八

臨海宋氏重梓



凜凜北風勁行行西路除人情甘淡薄世事苦參差酒  
易逢知己詩難遇作家林間數點雪錯認是梅花

訪嚴坦叔

麻姑山下泊城郭帶烟霞攜刺投詩社移船一作傍酒  
家沙禽時弄水櫻柳夏飛花小酌未能了西樓日又斜

杜仲高自鄂渚下儀真

鄂渚三千里南樓看月回東園花政好去歲客重來兄  
弟皆名士文章動上台傾城傾國色也用覓良媒

見趙知道運使

飽食武昌魚不如歸故廬盟鷗還海道問雁覓家書又

石屏集

卷之二

九 臨海宋氏

重梓

把鄉人刺來投使者車東園桃與李莫使著花疎

趙叔屋山堂安下其家適有喪事

一徑沿溪入數椽松竹間豈知人事變自覺客身閒采  
菊出尋酒移牀卧看山蒼頭無可作把釣過西溪一作灣

黃道士出爻

林屋何瀟灑權爲羽士家客來多載酒僧至自煎茶試  
墨題新竹攜筇數落花飲中忙過日無暇問丹砂

陳伯可山亭

梯險登霞外乘流過竹西寒溪隨雨漲高閣與雲齊雙  
鶴有時舞孤猿何處啼清吟無盡興白石可留題

玉山草泉本章氏所居趙昌甫遷居於此章泉之  
名遂顯

茲山自開闢有此一泓泉姓自章而立名因趙以傳源  
從番水出地與瑞峯連寄語山中友臨流著數椽欲使

亭於  
泉上

題永州思范堂

太守能延客茲堂爲我開清池照窗戶列嶂帶樓臺別  
薛觀題字披榛欲訪梅城根數一作株石曾識范公來

舟中病起登覽

艤棹病三日登樓舉一觥江山從古在花草逐時生南

石屏集

卷之二

十 臨海宋氏

重梓

浦佳人別西風送客行錦鱗能自躍獻我一杯羹

邵陽趙節齋史君同黃季玉以合江亭三字分韻

萬里清秋景都歸乎此亭光陰幾今古天地一宮廷瀆  
一作水東西白梅山一作花表裏青登臨生酒與欲醉又  
還醒

見湖南繡使陳益甫大著

手攬澄清轡聲名漢范滂一臺振風采列郡正權綱衡  
嶽勢增重文星日有光金門雖藐藐玉節自堂堂

塵節羅羣彥朝廷只數公近民多惠澤望闕負孤忠星  
殞京城震沙移海水通欲知休咎證無路問蒼穹



敢寫散人號來登君子堂論文才力短憂世話頭長老  
不堪行路心思歸故鄉數行詩後語夜夜吐光芒詩為作

南臺寺長老乃福州士人陳其姓語及光拙庵遭  
際寺乃石頭和尚道場

元龍湖海士參得石頭禪卓筆翻千偈住山今十年安  
心一邱壑過眼幾雲烟莫笑拙庵拙聲名動九天

真西山帥長沙禱雨

太守持齋戒精誠動九一作天驕陽變霖雨凶歲轉豐  
年信是經綸手行司造化權唐時相房杜斗米直三錢

石屏集

卷之二

七 臨海宋氏  
重梓

出郭問農事家家笑語聲有田皆足水既雨亦宜晴山  
下溪流急街頭米價平一作明朝聞一作領客相見賀秋成

蘇希亮約客游劉興伯大自在亭

偶爾來江上從君到酒邊雨晴花弄日風定柳凝烟適  
意共一笑浮生無百年明朝大自在誰辦載花船

客中寄家書併簡季道姪

東隱三年別西風一紙書逢人相問訊念我獨勤劬游  
子思吾土先人有敝廬欲歸歸未得妻子定何如

舟中夜坐

獨坐觀星斗一襟秋思長天河司米價太乙照時康月

浦孤帆過風荷一路香持杯問舟子今夜宿誰鄉俗識  
河顯晦卜米  
價之貴賤

淮東趙漕領一作客東園趙世卿贖談近日諸公  
僕謂今日東園之會想像歐蘇風流不可見

今日東園會能為野客期乾坤一南北花木幾興衰亭  
館經行地歐蘇無恙時風流不可見烟雨謾題詩

沈莊可號菊花山人即其所言

老貌非前日清吟似舊時已無藏酒婦幸有讀書兒連  
歲修茅屋三秋繞菊籬寒儒有奇遇太守為刊詩

別章泉定庵二老人

石屏集

卷之二

三 臨海宋氏  
重梓

臘裏春風轉埭簾一氣和勸翁新歲酒唱我老人歌一  
世聲名重四方書問多章泉一泓水思與海同波

太湖縣雪中簡段子克知縣

臘雪隨風下蹇驢行路難匆匆投邸舍草草共一作杯  
盤喜見豐年瑞渾忘昨夜寒兒童不解事卻作柳花看

有烹犢延客者食之有感

田家繭栗犢小小可憐生未試一犁力俄遭五鼎烹朝  
來占食指妙絕此杯羹口腹為人累終懷不忍情

萍鄉縣圃

趙南夫作縣是日縣佐生  
日諸妓筵會撥借雙鬢

亭榭八九所一筇隨往還四橋朱檻外三徑綠陰間鑿



淺通流水禿高見遠山琴堂判風月一笑得雙鬢

書事

兩揆新當國三邊未解兵吾君極勤儉天下望昇平  
春雨隨時下福星連夜明寒儒卜天意對酒百憂輕

同趙鼎臣游皇甫真人清虛庵

昨聞曹兩府河上遇游仙駐蹕錢塘後結庵廬阜邊  
焚香觀御帖洗盞酌神泉雁足傳書日傷心已百年

同曾景建金陵登覽

興廢從誰問雲烟過眼空吁嗟六朝事想像半山翁  
百景饒君詠三杯許我同登臨無限意多在夕陽中

石屏集

卷之二

臨海宋氏重梓

過淮人問斬黃之變哽噎淚下不能語許俊不解  
圍乃提兵過武昌

偶逢淮上客急急問斬黃未語心先噎低頭淚已滂  
五關人失守殘虜勢非強聞說許都統提兵過武昌

寄姚楚州

人材當世用緩急敢辭難身挾天威重名驚賊膽寒  
臨機一著妙入境眾心安聞已誅元惡仍須問禍端  
庸將幾誤國流民亦弄兵康時仗豪傑了事是功名  
車馬長淮路豨貅細柳營山陽還舊觀并使虜塵清

許介之約過清溪道上有成

行盡白雲際乘槎過水西稻田秋後雀茅舍午時雞  
野飯白不惡村醪亦可攜聞鐘欲投宿何處是招提

送張子孟桂陽有鬼神哭山

君為郴桂客聽說道途難不過神愁須經鬼哭山  
心平無險路酒賤有歡顏早作還鄉計高堂鶴髮斑

南豐縣南臺包敏道趙伯成同游

笑傲南臺上東風吹鬢絲眼明花在處春好雨晴時  
樓閣多臨水溪山可賦詩留連無盡意故遣酒行遲

長沙道上

石屏集

卷之二

臨海宋氏重梓

詩情滿天地客夢繞瀟湘何處桂花發秋風昨夜香  
登山猶矍鑠照水見昂藏未了一生事難禁兩鬢霜

萍鄉客舍

草罷惜春賦持盃亦鮮歡簷楹雙燕語風雨百花殘  
小閣無聊坐征衣不耐寒地爐燒石炭強把故書看

無為軍界上遇太湖趙尉制府稟議

解后風塵底周旋鞍馬間三杯送行色一笑強開顏  
夜宿暖湯市長吹冷水關軍前獻籌策第一守光山

譚俊明雪中見訪從而乞米

今日病方起君來喜可知地爐燒榾柮瓦釜煮犁祈  
門



外雪三尺窗前梅數枝野夫飢欲死誰與辦晨炊

新喻縣蘇晉叔相會

偶作榆溪客還逢橋井仙多才出人上笑我老吟邊買錦囊詩卷典衣供酒錢竹林青眼叔常說仲容賢

訪陳與機縣尉於湘潭下攝市

清淡守風節當官若隱居自稱為漫尉人道是迂儒俸外無炊米公餘但讀書王門多貴戚道眼視如無

買得南坡景創成西尉司宅幽連一作寺觀地廣帶亭

池能事事易了役民民不知題詩記顛末政不假人碑

吾里不識面他鄉喜見君數朝相款曲杯酒接殷勤清

石屏集

卷之二

五 臨海宋氏 重梓

挹湘江水笑開衡嶽雲歸心逐回雁轉首歎離羣

訪曾魯叔有少嫌先從金仙假榻長老作筍供

俗物敗佳興余非後汝期既來遲一見政恐錯相疑同訪金仙老因參玉版師樽前有餘暇細讀放翁詩

觀靜江山水呈陳魯叟漕使

桂林佳絕處人道勝匡廬山好石骨露洞多巖腹虛崢嶸勢相敵温厚氣無餘可惜登臨地春風草木疎

昨者登梅嶺茲來入桂林相從萬里外不負一生心湖

上千峯立樽前十客吟譏評到泉石吾敢望知音

昭武劉圻甫以嵬篁隱居圖求詩

相對兩山碧春風搖綠篁一巢雲建造三澗水宮商谷

口躬耕稼盤中歌壽昌桃花認行路他日訪劉郎

過三衢尋鄉僧適遇愛山徐叔高同訪鄭監丞其

家梅園甚佳選百家詩

暫作三衢客尋僧出郭遲適逢徐孺子同訪鄭當時詩集百家富梅花幾樹奇匆匆又行役不見爛柯棊

題趙庶可山臺

層臺高幾許此卽會稽圖一目空秦望千峯壓鏡湖雲烟分境界城郭限廉隅他日傳佳話蘭亭與此俱

天造此一景超然闔闔間坐分臺上石看盡越中山松

石屏集

卷之二

六 臨海宋氏 重梓

月照今古樵風送往還只愁軒冕出閒卻白雲關

董叔宏黃伯厚載酒黃塘送別

愁酌開懷酒涼生破暑風論交談灑灑告別恨匆匆十里黃塘路扁舟白髮翁多情今夜月爲我照吟篷

贈張季治

秋扇交情薄儒衣行路難縱懷千里志也要一枝安夢繞梅花帳愁生苜蓿盤從來食肉相千萬強加餐

姪叔遠游不得書

客夢江湖遠窮居骨肉離尺書無寄處中夜不眠時念爾衣裘薄滿懷風露悲狂游斷消息深負竹林期



寄梅屋趙季防縣尉

疇昔交游密睽違歲月多石屏今老矣梅屋病如何世  
路生荆棘家山足薜蘿共尋深處隱此計莫蹉跎

雨後有感

逐日愁聞雨今朝喜遇晴雲開山獻狀月出海生明天  
地有常理古今無限情靜中觀世變安得見河清

歸來二首兒子創小樓以安老者

老去知無用歸來得自如幾年眠客舍今日愛吾廬處  
世無長策閒時讀故書但能營一飽渾莫問其餘  
破屋不可住如何著老身喜於喬木下見此小樓新山

石屏集

卷之二

七

臨海宋氏  
重梓

好如佳客吾歸作主人摩挲雙腳底無復踏紅塵

歸後遣書問訊李敷文

華字實夫

繡斧離章貢旋聞一作轅門帥壽沙先生方易節客子已還

家別後仙凡隔歸來道路賒秋風兩行字也勝寄梅花  
身退謀家易時危致主難才能今管樂人物舊張韓吾  
國日以小邊疆風正寒平生倚天劍終待斬樓蘭

問說營新第無從賀落成門庭山水色樓閣管絃聲海

內二三傑胸中一作百萬兵寧為一區計不使九州平

憶作南州客歸來東海濱尚懷憂世志忍說在家貧老

作山林計夢隨車馬塵鬱孤臺上月無復照詩人後夜

臺上月更從何處照  
詩人敷文送行詩也

醉眠夢中得夏閏得秋早雨多宜歲豐一聯起來

西風悲人且聞邊事

夏閏得秋早雨多宜歲豐今朝上東閣昨夜已西風田  
野一飽外乾坤萬感中傳聞招戰士人尚說和戎

姪孫仲晦亦龍和前詩甚佳其家有林塘之勝兄

弟和睦日以奉親為樂用此韻以美之

有毋身長健無營家自豐林塘孝子宅詩禮古人風壠

鹵穠成後弟兄和氣中時聞有佳話常欲訪王戎

一笑

石屏集

卷之二

六

臨海宋氏  
重梓

海曲荒涼地吟邊踰躄身時危法當隱年老慣居貧俗

客苦戀坐小孫癡弄人等閒成一笑不覺把杯頻

寄趙茂實大著二首

久坐圖書府方登著作庭人知才可敬公以德為馨議  
論參諸老文章本六經省中相別後夜夜望奎星  
詞臣工筆墨亦足致功勳細草平戎策兼為諭蜀文一

言關治亂千載有知聞應笑垂綸叟愁吟對海雲

送彭司戶之官三山

祭酒家風重民曹官職卑公勤為己任清白取人知臘

月三山雪梅花一路詩舊時來往處今有夢相隨



送姪孫汝白往東嘉問訊陳叔方諸父

子去尋名勝何慚著布衣出門知所鄉在旅亦如歸道  
誼無窮達文章有是非寄聲陳與趙相賞莫相違

寄南昌故人黃存之宋謙甫二首

謙甫多才思存之重誼襟一書愁話別千里夢相尋南  
浦扁舟上東湖萬柳陰舊時行樂處何事不關心  
久客歸來後家如舊日貧青山何處隱白髮也愁人歛  
畝一生事乾坤百病身時無嵇呂駕相憶莫相親

送趙安仁之官上虞二首

表表魁梧相面如田字方早宜朝玉陛猶自綰銅章上  
石屏集 卷之二 臨海宋氏 重梓

挹葉丞相近瞻商侍郎風流接前輩偃室有輝光

遠庵家學在持此去為官冰雪吾身白風霜吏膽寒一  
心毋妄用百姓自相安賢者妙為政誰言宰劇難

秋日

秋風梧葉雨袞袞送秋涼一氣四時轉幾人雙鬢蒼舊  
游如說夢久客乍還鄉欲作安居計生涯尚渺茫

君玉同訪豈潛飲問君度曼卿不約而至鶴方換  
翎羽出舞於桂花之下不可無語

秋來常日雨雨霽忽秋深鶴換一身雪花開滿樹金三  
杯動情性一笑付園林莫怪先歸去衰翁薄被一作疾侵

倚樓

賢愚不同道用舍要知機涉世有臧否倚樓無是非鴉  
分枯樹立雁逐斷雲飛朝暮尋常事何須歎落暉

戊戌冬

造化人難測寒時暖似春蛟龍冬不蟄雷電夜驚人四  
海瘡痍甚三邊戰伐頻靜中觀氣數愁殺草茅臣

題姪孫豈潛家山平遠圖

好山橫遠碧平野帶林塘四望耕桑地幾年雲水鄉海  
天龍上下秋日鶴翱翔觀物忽有感無心住草堂

夏日續題

石屏集 卷之二 臨海宋氏 重梓

海近朝曦赫山明宿霧消紫雲縈碧落白鷺點青苗避  
暑軒亭爽凭虛眼界遙時來一登眺初不待招邀

因風再寄南昌故人兼簡王帥子文

寄聲黃與宋書去望書還別後交情在年來世路艱吾  
思踏東海君合隱西山詩卷勤收拾畱名天地間

江湖歸亦好朋友恨相疎條作三年別纔通一紙書詩  
盟誰是主世道正愁予若見王都督煩君問起居

舟中

艤棹河梁畔推篷得句新雲為山態度水借月精神密  
樹藏飛翮平波見躍鱗饑年村落底也有醉歸人



送曉山夏肯甫入京

歲月頻看鏡功名一據鞍勿言行路惡有志戀家難芳  
草客程遠落花春夜寒江湖舊時夢相逐到長安

辛丑歲暮

日月易流轉一年仍一年身從憂患老事逐歲時遷白  
首未聞道清貧不愧天寒林松柏瘦花柳又春妍  
臘盡無多日吾生有幾年老於人事嬾貧覺世情偏獨  
枕江湖夢閉門風雪天三杯動詩興得句落梅邊  
意氣久凋落形模老可憎能扶雙病腳賴有一枯藤世  
味淡如水吾心達似僧明朝今日事一任運騰騰

石屏集

卷之二

三

臨海宋氏  
重梓

小畦

小畦尋丈許鑿壁置柴扉雨後菜蟲死秋來花蝶稀插  
籬新種菊抱甕已忘機俗客忽相訪妨人洗衣

有感

浩浩氣風勁滔滔河水渾古人皆去世喬木自當門族  
黨諸孫盛吾宗一綫存興衰知有數心事與誰論

次韻陳叔強見寄

識面者無數論交要有緣未聞蒼玉佩先在碧雲篇彩  
鳳騰詩筆持螯泛酒船山陰或乘興何待菊花天  
窮通元有命富貴奈無緣對此黃梅雨歌君白雪篇風

生三尺劍夢逐五湖船白首成何事歸來敢問天

一冬無雨雪而有雷

萬物久如渴三冬一向晴時無臘雪下夜有瑞雷鳴休  
咎占天意悲歡見物情山禽何所感爛熳作春聲

石屏集

卷之二

三

臨海宋氏  
重梓

石屏集卷第二終

臨海盧壽南校字



石屏詩集卷第三

五言律

歲旦族黨會拜

衣冠拜元日樽俎對芳辰上下二百位尊卑五世人排  
門喬木古照水早梅春寒事將銷歇風光又一新

寄節齋陳叔方寺丞

今時古君子玉立衆人間再世黃叔度三生元魯山把  
麾渾細事憂國欲愁顏恨不頻相見空書謾往還

姪孫子淵新居落成二首

結屋鄰蒼一作海開門面翠屏堂前萱草綠壽母鬢絲

石屏集

卷之三

臨海宋氏  
重梓

青禮樂陳樽俎詩書立戶庭一時勤卜築百世享康寧

一區揚子宅中有讀書堂早覺儒風好兼看野趣長藩

籬帶花竹里巷接農桑安得茅三架爲鄰住汝旁

子淵送牡丹

有酒何孤我因花賦惱公可憐秋鬢白羞見牡丹紅海  
上盟鷗客人間失馬翁不知衰病後禁得幾春風

寄山臺趙庶可二首

天族文章士會稽山水州地靈鍾秀異人物信風流要  
自用卿法如何與婦謀功名須早計莫爲海雲留

頃上山臺謁臨行辱贈詩相思寸心在莫訝尺書遲好

月登樓夜清秋落木時見君華萼集夢到謝公池

晚春

春來涉一作幾日又到落花時老面羞看鏡愁懷強作

詩雨墻蝸篆古風樹鳥巢危有客適相過樽前一局棋

姪孫景文多女賀其得雄

陰極一陽轉君家氣數回試看庭竹上新一作有鳳雛  
來端的傳書種分明是福胎三朝食牛氣端不類嬰孩

屏上懷黃伯高兄弟

扁舟到溪上移杖卽行吟問麥雨多少探梅春淺深古  
屏今日景修竹舊時陰疇昔同游者遺蹤何處尋

石屏集

卷之三

臨海宋氏  
重梓

嘉熙己亥大旱荒庚子夏麥熟

四野蕭條甚百年無此荒旱禾遭夏早晚稻被蟲傷富

室無儲粟農家已絕糧逢人相告語生理尚茫茫

旱潦并爲虐三農哭歲饑當秋穀價貴出廣米船稀救

死知吾拙謀生恐計非固窮君子事辦采北山薇

餓塚編生事空言不療飢誰知歲豐歉實係國安危世

變到極處人心無藉時客來談盜賊相對各愁眉

瑣瑣饑年事駸駸穀價高人將委溝壑誰肯發倉厥涸

沼魚枯死荒村犬餓號與人同一飽安得米千艘

瀕海數千一作里飢民及一作萬家雨多憂壞麥春好



忍看花鑿淺疏田水占晴視晚霞老農如鬼瘦不佳作  
生涯

積雨喜新霽山禽亦好音白雲開曠野紅日照高林歎  
歲地惜寶惠民天用心君看大麥熟顆顆是黃金

人不聊生梅柳早有春意人一作歲

歲歉家家窘時危事事難出門如有礙對酒亦無歡楊  
柳含春思梅花耐歲寒少須天意轉穀熟萬民安

庚子荐饑

正月彗星出連年早魃興自應多變故何可望豐登孰  
有回天力誰懷濟世能發居不郵緯憂國瘳峻嶒

右屏集 卷之三 三 臨海宋氏 重梓

連歲遭饑饉民間氣索然十家九不爨一作飽升米百餘

錢凜凜飢寒地蕭蕭風雪天人無告急處閉戶抱愁眠  
餓走拋家舍縱橫死路歧有天不雨粟無地可埋尸劫

數慘如此吾曹忍見之官司行賑卹不過是文移  
乘時皆閉糴有穀貴如金寒士糟糠腹豪民鐵石心可

憐飢欲死那更病相侵到處聞愁歎傷時淚滿襟  
柞臼成虛設蛛絲網釜鬻啼飢食草木嘯聚斫山林人

語無生意鳥啼空好音休言穀價貴菜亦貴如金

去歲未爲歉今年始是凶穀高三倍價人到十分窮險  
浙矛頭菜一作米愁聞飯後鐘新來慰心處隴麥早芄芃

壬寅歲旦景明子淵君玉攜酒與詩爲壽次韻

捨我白纓椀把君金屈卮判爲元日醉共賦早春詩冰  
泮魚龍起花開蜂蝶知爲予扶病腳賴有古藤枝

花朝姪孫子固家小集見其後園一池甚廣因思  
唐戴簡隱居長沙東池柳子厚有記吾子固雖富

而不驕有禮文足以飾身鄉里稱其善馬少游之  
流也余以東池隱居稱之不爲過况此乃吾家故

事特欠柳柳州作記爾

今勸當社日明日是花朝佳節唯宜飲東池適見招綠  
深楊柳重紅透海棠嬌自笑鬢邊雪多年不肯消

右屏集 卷之三 四 臨海宋氏 重梓

次韻君玉春日

風雨不相貸繁華能幾時纔歌喜晴賦又作惜春詩歷  
架餘醪老翻階芍藥遲無花何足筭有酒且相期

代書寄韓履善右司趙度可寺簿

嬾不修書札將詩問起居升沉元自異故舊忍相疎學  
術有餘用班行不次除功名付公等世道莫愁子

涉世幾三折行年近八旬江湖倦游客天地苦吟身白  
髮可憐老青雲多故人東風雖有力朽木不逢春

閉戶生涯薄憂時念慮長老猶思汗漫貧一作膏已在  
盲弱柳饒春色幽蘭抱國香窮通安我命一笑且持觴



月夜懷董叔宏聞其入京未得信

酒醒與未已詩成吟不休一涼風滿座半夜月明樓老  
驥思千里飛鴻閱九州故人何處在誰作置書郵

夢中題林逢吉軒壁覺來全篇可讀天明忘了落

句

露塵不到眼瀟灑似僧家風月三千首圖書四十車綠  
垂當戶柳紅映透一作隔墻花好讀天台賦登樓詠落一作

綺霞

姪孫子直家有西閣吾有東樓相望秋來景物甚  
佳

石屏集

卷之三

五

臨海宋氏  
重梓

偏仄人間世思從造物游君方倚西閣吾一作亦上東

樓挹彼千峯秀森然萬象秋相看成二老更有幾年留

諸姪孫登白峯觀海上一景

自有此山在無人作此游氣吞雲海浪笑撼玉峯秋開

闕幾百載登臨第一籌諸郎莫高興刻石記風流

雁山羅漢寺省王總幹之墓待和甫主簿之來

山鳥怪儒衣游山我亦癡叫雲雲不應問水水相知俗

物刺人眼春風發我詩噪鴉鴉喜主簿有來期一作

解后樂清主簿姜昌齡一見如平生歡同宿能仁

雁去蕩猶在龍居山亦靈高峯穿碧落虛谷吸滄溟愁

見發頭白喜逢君眼青燈前聞妙語字字摘天星

雁山總題此山本朝方顯

此地占無聞誰封萬石君山林纔整整來往早紛紛兩

派龍湫水千峯雁蕩雲東西十八寺紀載欠碑文

幾山兼幾水更有幾烟霞不立仙人宅都為釋氏家賓

秋多少雁報曉一雙鴉有此山林勝如何在海涯

會心

我本江湖客來觀雁蕩奇脚穿靈運履一作口誦貫休

詩景物與心會山靈莫我知白雲迷去路臨水坐多時

大龍湫

石屏集

卷之三

六

臨海宋氏  
重梓

百丈雲巖上神龍噴水飛四時作風雨萬斛瀉珠璣不

可形容處無窮造化機非他瀑布比對此欲忘歸

靈峯靈巖有天柱石屏之勝自昔號二靈

駭見二靈景山林體勢豪插空天柱壯障日石屏高覽

勝苦不足登危不可一作憚勞白雲飛動處絕壁走猿猴

淨明

林巖相掩映巖谷獨瓊瓏下置維摩室上通龍伯宮靈

珠四時雨秋水一簾風甚欲觀新月山高脚力窮新在

上高不  
可登

題胡立方思齋



勞事可思過參之以古今唯求合天理毋妄用吾心  
氣生琴室清風動竹林所居雖近市不許市

石屏集

卷之三

七

臨海宋氏  
重梓

風雨無憀中覽鏡有感作小詩未有斷句適雨姪  
孫攜詩卷來

攬鏡忽有感誰能寫我真峻嶒忍飢面踰踰苦吟身風  
葉飄零夜雨花狼藉春相過慰牢落吾族有詩人

姪孫槃字子淵服字豈潛各攜詩卷來相與在酒  
邊細細讀之足以起予醉石眠花影吟廊步薛紋

春水綠平野夕陽紅半山一樽溪上別孤棹雨中  
行此槃之作也一燈深夜雨幾處不眠人一草亦  
關春造化衆星能表月精神此服之作也如此等  
語不可枚數摘其一二以識之當自有識者爲其  
賞音

歲暮一作旦書懷寄林玉溪

吾年幾八十暮景不勝斜老鶴猶能語枯梅強作花一  
心爲死計無意問生涯有酒時相過東隣八九家  
笑共梅花語窮難與命爭人皆居煥館我獨墮寒坑假  
合非吾道幽棲了此生門墻元自靜羣小莫從橫

石屏集

卷之三

八

臨海宋氏  
重梓

袞袞日不暇看看歲又徂一生賦茅屋幾度換桃符天  
肯容吾老人皆笑我迂玉溪何所見時復問詩癯  
壬寅除夜

今夕知何夕滿堂燈燭光杜陵分歲了賈島祭詩忙橫  
笛梅花老傳杯柏葉香明朝賀元日政恐雨相妨  
癸卯歲旦

淳祐第三載正朝把一杯老夫真是病賀客不須來擇  
日修茅屋當春覓柳栽新年莫多事且放好懷開

新年多雨一日晴色可喜  
一晴良可喜始覺好新年綠漲春前水青開雨後天看



花吾老矣把酒興悠然病脚妨行樂三杯歸醉眼

讀三學士人論事三書

邦計傷虛耗邊民苦亂離諸公事緘默三學論安危災  
異天垂戒修爲國可醫傳聞上元夜絕似太平時

黃屋見聞遠朱門富貴忙屠沽思報國樵牧解談王能  
轉禍爲福毋令聖作狂草茅垂白叟尚擬見時康

六月日聞王鑑除殿前都虞候益夔路策應大使  
時制司籍定漁船守江甚急

聞說北風凜其然其不然新除策應使急點守江船設  
險渾無地扶危賴有天吾皇自神武北伐美周宣

石屏集

卷之三

九 臨海朱氏  
重梓

送王仲彛制機宰瀏陽

一身供世用六月赴官忙當此炎天熱知君心地涼吏  
能師卓魯縣界接瀟湘試飲瀏陽水清清滋味長

瀏陽誰謂小桑柘萬家春遠宦逢知已推心在惠民速  
宜還縣債聞早綴朝紳說與諸公道方巖後有人

送黎明府

黃巖萬家縣山海界民居百里蜀中秀一廉天下無財  
多能辦否官滿賦歸歟已作青雲料猶驚急急符

縣債三年了鄉心萬里飛一身如許瘦百姓不妨肥買  
宅憑誰辦抱琴何處歸諸公競推轂穩去著朝衣

訪西澗山一作王深道

諸王居處僻古屋滿山坡傳到宋淳祐來從晉永和詩  
書歷年久名勝結交多一澗流芳潤滔滔秋水波

諸老傷凋謝淒涼屬此時相從一夜語忍讀四哀詩世  
事生愁緒秋風吹鬢絲黃花香晚節說與秀巖知吳荆溪四

哀詩語  
一作話

東谷王子文死讀其詩文有感

東谷今何在騎鯨去渺茫荆花半零落巖桂自芬芳議  
論波瀾濶文章氣脈一作長遺編猶可考何必計存亡

挽溫嶺丁竹坡

石屏集

卷之三

十 臨海朱氏  
重梓

瀟灑復瀟灑是爲丁竹坡生涯渾草草詩句自多多恨  
不識是叟悲哉作此歌數編遺稿在不共葬烟蘿

廣東漕李實夫四首

乾坤雖廣大人不能多議論還諸老文章自一科從  
橫負才略緩急任干戈不有濟時傑其如世事何

志士規模遠非時展布難莫言南地暖須念北風寒楮  
賤傷財力兵驕稔禍端盛衰關氣數天下幾時安

千里長城手如何在廣州共談天下事莫上斗南樓瘞  
一作 露封侯骨忠懷報國愁丁寧北來雁邊信怕沈浮

忘家甘旅食憂國屢愁顏有客佩金印何人守玉關風



霜晚秋後天地夕陽間痛灑傷時淚別公歸故山

求安

愁來須強遣老去只求安酒熟思招客詩成勝得官梅  
花天下白雪片夜深寒衲被蒙頭睡儵然百慮寬

秋日早行

雁叫秋容老烏飛曙色分晨炊何草草宿酒尚醺醺野  
曠連滄海山長帶白雲馬行沙上路驚起白鷗羣

何季皋司理故人也作詩見相勉意二首

梅花庾嶺外別是一山川那使民無訟須知獄有冤心  
常存正直法不尚平反于氏緣何事陰功到子孫

石屏集

卷之三

十一

臨海宋氏  
重梓

南州通外國濁海涵清波人以廉稱少官從辟奏多持  
身宜潔白事上莫依阿話別無他語留心政事科

石洲遇陳季申話舊

綠樹挂烏帽清波照白頭合隨秋燕去那作賈胡留紅  
吐檳榔唾香薰茉莉樽前話疇昔一笑不能休

廣州所見

風波行險道萬里絕人烟幾個下番客經年渡海船人  
皆貪船貨我獨惜青錢

留心禁漏川

書事

喜作羊城客忘為鶴髮翁問天求酒量翻海洗詩窮已

過西南道適遭東北風扁舟載明月枉作賣油公西南道乃

廣州一稅場

前李約作漕時請游藥湖出新寵佐尊一意顧盼無  
暇與賓客語僕有詩云手拍錦囊空得句眼看檀板  
遇知音漕大怒謂舟中有麻油不投稅拘留其船

別李司直蕭小山

老作五羊客時從二妙游文星照南斗吾道欲東周合  
作金閨彥那為玉帳留嚴徐聞有召吾亦辦歸舟

峽山二首

山近江如束林深路欲迷平沙印虎跡絕壁聽猿啼綠  
石屏集

卷之三

十二

臨海宋氏  
重梓

水人誰一作難釣黃茅地可畬幽居堪避世何必武陵谿  
欲訪飛來殿維舟上峽山有溪流屋下無路入雲間犀  
解捐金索猿能記玉環無從徵往事有地足躋攀

舟行英德江上和許季如詩

跌坐篷窗底客身無事時閒觀曲江帖因和許渾詩舟  
楫聊乘興溪山若獻奇數峯英石美天巧豈人為

重陽舟中

扁舟何寂寞絕不見人家無處沽村酒何從問菊花溪  
山澹相對節序謾云嘉年裏烏紗帽西風日又斜

故人陳秘書家有感



晚春風雨後花絮落無聲綠泛新荷出青鋪細草生  
蛙爲誰噪老丈伴人行舊日狂賓客樽前笑不成  
林塘劫火後更作兩家分笋坼頭搶地松高氣拂雲老  
夫來訪舊稚子解談文自是麒麟種那隨雁鷺羣

聞時事

雁豈關兵氣魚常被火災御軍先擇將立國可無財濟  
世須人物忠言是福媒西山今已往更待鶴山來

口號送椰心簞劉使君

適有椰心席殷勤持贈君來從三嶼國織作五花文凉  
暖宜冬夏清光隔垢氛桃笙與蘄簞優劣迥然分

石屏集

卷之三

三

臨海宋氏  
重梓

懷江村何宏甫自贛上寄林檎

人好物亦好交深誼轉深他鄉如對面異體實同心未  
得平安報相思長短吟無從回去馬有便寄來禽

投江西曾憲二首

樞星居紫極遙映使星明天下推名德君家好弟兄一  
臺振綱紀列郡想風聲不試褰帷手官曹未

湖尊白髮土苴視黃金野客無邊幅相看話此心

吟江

廬陵城外

郭外人烟好行行過北阡迎船分社肉汲井種春田綠

石屏集

卷之三

四

臨海宋氏  
重梓

樹前村路黃梅細雨天客游鄒土別景物只同然一作前

董侍郎蒙泉書院

一室可忘老四窗宜讀書但教樽有酒莫問食無魚客  
子家何在明朝歲又除思歸徒自苦安處卽吾廬

董叔震書堂

數椽深巷底朝夕自委疑書卷劍詩書日下惟占  
碑遊素壁破硯浴清池燈火疑酒未第席

別董叔宏只

年老疑家切交深話別難扁舟行且止尊酒強相寬客  
路歸來晚人情去後看西風吹過雁千萬寄平安



閩邊事

昨日聞邊報持杯不忍斟壯懷看寶劍孤憤裂寒衾風  
雨愁人夜草茅憂國心因思古豪傑韓信在淮陰

宜春東湖呈趙使君

東園有佳趣五馬共登臨介石見古意月臺延賞心雖  
然近城郭元不遠山林能使一州潤秀江秋水深

次韻董叔宏山中有感

山中行樂處百感上心來宿霧掃不去好風吹自開  
花新得句野水莫添杯不盡登臨興扁舟棹月回

訪蒼山曾子實

故人子曾子居處近金精福地佳山水詩家老弟兄十  
年重會面一笑最關情萬象亭前月今宵為我明

石屏集 卷之三 臨海朱氏 重梓

事機

天下事機別朝廷局面新臺官遷不定年號改何頻  
勝由明主安危仗老臣祖宗成憲在卽此是經綸

所聞二首 中使入廣詔宣崔右相賊起梗道

屢遣和戎使三邊未解兵武夫權漸重口口望何輕天  
下思豪傑君王用老成時無渭濱叟白首致功名  
右席須賢久丹書幾度催賊驚中使轉人望相公來問  
政曲江宅調羹庾嶺梅莫因多病後虛出應三台

歸舟已具李憲樓倉有約盜賊梗道見避亂者可憐

憐

歲律又云暮臨風賦式微兩臺方有約一棹未成歸夜  
宿三家市天寒百衲衣豺狼當道路鷗鷺亦驚飛

倉猝拋家舍遑遑走道途依山結茅广屋一作摘草當園

疏老稚朝朝哭生涯物物無避軍兼避寇何日得安居

張端義應詔上書讀曲江正月一日贛州相遇

憂世心何切謀身計甚疎樽前話不盡天下事何如漢

武求言詔賈生流涕書龍顏那可犯謫向曲江居

正朝送遷客好去看梅花此嶺幾人過念君雙鬢華直

石屏集 卷之三 臨海朱氏 重梓

言知爲國遠地莫思家韶石叫虞舜傷哉古道賒

聞杜儀甫出臺 與知宗趙山甫甚厚善

臺官關繫重用舍一何輕諸老多慚德斯人有直聲儻

來視軒冕歸去卽功名莫拜寬堂墓傷心隔死生

揚州道宮安下制幹朱行甫撫幹方巨山聯騎相

訪

道院羣仙集高軒二妙來文章清氣足談笑老懷開落

木三秋晚黃花九日催何當陪勝踐一作共把蟹螯杯

宋行甫和前韻送別烹鹿薦酒

此別真成別從今去不來佳人難再得惡抱向誰開客



路一歸晚家書幾度催殷勤見君意烹鹿薦離杯

題宋安撫月中香

移根廣寒殿栽近讀書堂良夜月中影秋風天上香此  
花真異種萬木莫同芳他日五枝秀何慚竇十郎

訪方子萬使君宅有園林之勝

使君居處好在郭却如村屋帶園林勝門無市井喧蟄  
龍將變化雛鳳亦騰鶩客裏苦無暇相從聽雅言

諸詩人會於吳門翁際可通判席上高菊礪有詩

僕有客星聚吳會詩派落松江之句方子萬使君

喜之遂足成篇

石屏集

卷之三

七

臨海宋氏  
重梓

客星聚吳會詩派落松江老眼洞千古曠懷開八窗風

流談奪席歌笑酒盈缸楊陸不再作何人可受降

別邵武諸故人

白髮亂紛紛鄉心逐海雲此行堪一哭無復見諸君老  
馬尋歸路孤鴻戀舊羣酒闌何處笛今夜不堪聞

一老儒為貴人燒丹丹垂成而走因此失所

道途多險阻此老欲何之命薄丹砂走天寒白髮悲從

激達官罵忍受小兒欺月夜雙烏鵲飛鳴繞樹枝

江上夜坐懷嚴儀卿李友山

江清天影動樓近角聲雄楊柳枝枝月芭蕉葉葉風佳

人難再得良夜與誰同別後知何處吟詩句句工

江上

扁舟泊江渚喜近酒家門出網魚蝦活投林鳥雀喧無  
橋通竹處有路到桃源一見南塘字凄然憶故園僕所居之

名地

簡曾才叔

虛庭貯明月酒醒獨登樓偶逐一笑樂遂成三夕留烏  
鴉工報曉蟋蟀早吟秋欲赴東溪約一作煩君具小舟

舟中

扁舟何處泊沙渚夕陽邊遠浦橫魚網高山起曉烟客

石屏集

卷之三

六

臨海宋氏  
重梓

行今老矣秋思益凄然且復開懷抱囊中有酒錢

史賢良入蜀有錦江詩卷陳誼甚高

學道世情薄論交誼氣深謾懷三獻玉肯受四知金萬  
里銅梁道千篇錦水吟一芹供匕著聊寓野人心

賢良一和五篇不可及

世路從他險輪君酒盞深立談雙白壁一諾百黃金志  
大不少屈詩工非苦吟相隨萬里去老鶴豈無心

永新彭時甫館僕於玉峯樓龍子崇來話舊

皆巖溪頭棹來敲月下門江湖十年別故舊幾人存聽

雨夜同榻論心酒一樽不須談世事萬慮滿乾坤



所聞

北風如許急亦使客心寒近得襄陽報仍聞蜀道難三  
杯中夜酒一枕幾時安江上兩都督何人上將壇

訪徐益夫

仲蔚蓬蒿宅終朝只閉關無心與時競未老得身閒綠  
繞巡除水青橫隔岸山客來新酒熟相對一酡顏

渝江綠陰亭九日宴集

佳節重有感人間行道難登高苦無地把酒一凭欄山  
迴暮烟合江空秋水寒沙頭有鷗鷺莫作鴛鴦看

九日江亭上誰憐老孟嘉要人看白髮不用整烏紗寄

石屏集

卷之三

九臨海宋氏  
重梓

興題桐葉長歌醉菊花歸心徒自苦猶在楚天涯

題渝江蕭氏園亭

體仁體信伯仲佳士也二區同居不出戶庭而  
得溪山之勝自昔有秀江亭山谷先生嘗留題

云澄波古木使人得意於塵垢之外蓋人間景

幽兩奇絕耳所題之壁猶存一作體仁體信佳

鄉里稱善石屏見  
而喜之為題三詩

相識雖云晚相知蓋有年同門好兄弟華屋帶林泉嘯

傲一尊酒登臨九月天客懷秋思豁萬象在吟邊

三徑逐高低旁通桃李蹊一作勝彼芙蓉涼臺無六月

釣石俯雙溪醉欲眠花下吟來過竹西風流黃太史古  
壁有留題

近市塵囂遠幽居古意存詩人常下榻俗子莫登門日  
坐圖書府時開風月樽野夫因到此忘却海雲村

新朝士多故人愁吟寄之

野鹿自由性孤鴻不就羣飄零生白髮故舊半青雲憂  
國家何有愁吟天不聞北風吹漢水胡騎政紛紛

題新淦何宏甫江村

近郭畏囂塵移居在水濱江山千古意松竹四時春賓  
客門無禁詩書筆有神何郎好心事鷗鷺亦相親

石屏集

卷之三

九臨海宋氏  
重梓

石屏詩集卷第三終

臨海宋 銳校字



石屏詩集卷第四

五言律

夜吟呈趙東巖

汲井漱殘酒行吟到夜分一軒清似洗萬籟寂無聞風  
送迎秋雨天收翳月雲雞鳴庭戶白人事又紛紛

吾鄉陳萬卿儒者能醫見宜春趙守盛稱其醫藥  
之妙著本草折衷可傳

木草有折衷儒醫功用深何須九折臂費盡一生心藥  
物辨真偽方書通古今有時能起死一作一劑直千金

九月七日江上阻風

石屏集

卷之四

一 臨海宋氏

艤棹依喬木扶筇涉淺沙雲山多態度水月兩光華白

首吟詩客青帘賣酒家明朝風不定來此醉黃花

自和前詩隣舟皆鹽商

總被利名役機心欲算沙舟行阻風色客夢負年華洲  
渚四五曲漁樵八九家江村無限好滿眼是蘆花

有感

皺眉觀世事把酒讀離騷天下無公論胸中有古刀徒  
然成耿耿何以制滔滔不逐羣飛轉孤鴻畢竟高

春陵山中作寫寄孔海翁

昨日分離後回頭望竹關相親惟白水所見但青山雲

近人家遠蒼生石徑斑聞鐘知有寺又在渺茫間

夏日雨後登樓

夏日不苦熱病軀能少康數峯樓上景六月雨餘涼今  
古兩虛氣乾坤百戲場人生如寄爾聊以醉為鄉

偶見飛蝶追思舊游錄之

早被春情誤渾身著粉衣最宜花上見解向夢中飛蜂  
騰為游伴蛛絲設禍機滕王小圖畫一一造精微嘗見

蝶圖百十為  
羣真有飛動意

寄永嘉太守趙茂實

龔黃古賢守政事見於今疾惡風霜手活人天地心躬

石屏集

卷之四

二 臨海宋氏

行循吏傳時作謝池吟我欲依劉表常憂老病侵

身為吟詩瘦家因好誼貧如何賢太守不念可憐人橘

井誰知處桃源莫問津秋風吹白□□□□□□

王應求出示蜀中山水障氣勢甚雄偉李巽巖題

其後論其畫筆之源流二百餘字

妙甚丹青手能移造化工三川山水國半幅畫圖中玉

局人何在銅梁路可通巽巖打鼎筆文與畫爭雄

萬杉長老秀癡翁見示五言次韻

了得宗門事何憂常具貧聽師林下話是我眼中人昆

渚三秋月廬山萬古春昭陵御書在歲久莫生塵



借韻書懷

虛氣撐枯腹長身到老貧高吟常駭俗爛醉若驕人京  
洛繁華夢江湖浩蕩春布衣如雪白不受庾公塵

飲蕭和伯家醉登快閣和楊伯子題分明觀韻

醉歸蕭史宅快閣倚西東山歛過雲雨江無起浪風月

行銀漢上人在玉壺中天眼照塵世應憐鶴髮翁

客中歲晚呈何宏甫

歲事費料理三杯意適然與其愁度日曷若醉忘年桑

落冬前酒梅花雪後天不知身是客多謝主人賢

先人東臯子小園七言人多喜之浼秋房樓大卿

石屏集

卷之四

三 臨海宋氏  
重梓

作大字刻石

父歿名隨混詩存世莫傳敢求大手筆為寫小園篇詞

翰成雙美光華照九泉托公垂不朽鐫刻到千年

淮岸阻風

艤棹楓林外平沙步晚晴秋深紅鶴至波動白鷗驚荻

浦留三日江州計幾程夜來風色好行不待天明

蕲春李丈解后游江上園勸游人不可折花木禁

漁弋者不捕禽魚酒邊談論可聽乃中洲先生之

後葉水心嘗與往來

坐斷此江干池亭百畝寬禽魚全性命花竹報平安有

道行其志非時做甚官丰神更閒雅野服竹皮冠

南康縣劉隱居

秋風送紈扇終日御瑤琴祗可自為樂不求人賞音無

心問軒冕此地即山林堪笑紅塵客飄零雪滿簪

江臯

江臯有閒客獨立對秋風白鳥來無數青林望不窮斜

陽方照晚新月早騰空得句從誰語傾心酒椀中

都下書懷

半月不把鏡羞看兩鬢塵讀書增意氣搗刺減精神道

路誰推轂江湖賦采蘋從來麋鹿性那作帝鄉人

石屏集

卷之四

四 臨海宋氏  
重梓

艤舟登滕王閣

散步登城郭維舟古樹旁澄江浮野色虛閣貯秋光卻

洒淋衣溼搓橙滿袖香西風吹白髮猶逐少年狂

湖口

水落山增峻江空石出奇倚篷看不足解纜放教遲沙

上雁初到樽前蟹可持中秋能幾日又是菊花時

夏日從子淵姪借茉莉一盆

舉眼驚如許衰懷強自安愛涼臨水坐遣病借花看物

物同天地人人各肺肝從來涇與渭混作一流難

吳門訪舊

孟良夫侍郎  
有藏春園



去此十三秋重來雪滿頭鏡顏加老醜詩骨帶窮愁鳥  
語新晴樹人尋舊倚樓藏春門下客一半落山邱

哭澗泉韓仲止二首選後篇欲記其  
臨終一節故併錄

雅志不同俗休官二十年隱居溪上宅清酌澗中泉

慨傷時事淒涼絕筆篇三篇遺稿在當並史書傳聞時  
事驚

心得疾而死作所以桃源人所以商山  
人所以鹿門人三詩此絕筆之詩也

忍貧長傲世風節似君稀死後女方嫁峽中兒未歸門

人集詩稿故卒服麻衣澗上梅花發吟魂何處飛

瑯琊山中廢寺

欲訪山中寺沿堦石甃長寶坊兵後廢御帖窖中藏故

石屏集

卷之四

五 臨海宋氏  
重梓

址生秋草寒窗帶夕陽孤僧出迎客滿口話淒涼

鄂州戎治靜憩亭

幽亭何處尋巖樹碧森森獨坐生雲石少安經世心伴

人雙鶴立多事一蟬吟提劍翻然起中原秋草深

江上

江上維舟穩人間行路難數朝花雨細一夜社風寒燕

語能留客蛙鳴豈為官苦吟成底事贏得瘦團樂

趙端行杜子野游虎邱有詩僕因思舊與趙子野

同宿倡和留題

出城十里許有此一山門邱在虎無蹟池清劍有痕孤

松冠石頂萬竹繞雲根借問東軒壁舊題存不存

海陵光孝長老驥無稱山谷後也共談時事且說

黃巖柑橘之美

俗子避形影僧家共往還高談犯時忌妙語發天慳霜

後思新橘夢中歸故山何時免奔走終老白雲關

杜仲高高九萬相會

杜癖詩無敵高髯畫絕倫笑談能不朽富貴或成塵今

古多奇事乾坤幾怪民相逢不容易一醉楚江濱

衡陽寫懷簡王景大趙俊卿

夢覺他鄉枕寒生半夜衾客程湖外遠秋意雨中深老

石屏集

卷之四

八 臨海宋氏  
重梓

馬尋歸路羈鴉憶故林家書連數紙難寫此時心

懷趙德行學慈湖從  
趙元道游

所學源流遠澹交滋味長看來渾易與別去自難忘獨

客夢千里佳人天一方細觀賓退錄亦足慰淒涼

上封

樓臺逼霄漢窗戶納雲霓回顧千巖路如登萬仞梯泉

從山頂出雪壓樹頭低高絕無人境非僧不可棲

九日

今日知何日他鄉憶故鄉黃花一杯酒白髮幾重陽

晚鴉爭宿天寒雁叫霜客中無此醉何以敵淒涼



春陵道上

雲際尋行路時逢一兩家山川開世界耕釣小生涯病竹長新笋寒芒播落花溪翁解延客連煮數杯茶

化成巖

城郭器塵外江山勝槩中鏗然一灘水和以萬松風夾徑森奇石危亭納太空蒼巖不能語曾識贊皇公

喜聞平峒寇

峒寇都平了官軍唱凱歌千山通道路一雨洗干戈天地和風轉江湖春水多蜀中無近報西賊定如何

郭伯秀約聯騎春游不去有詩

石屏集

卷之四

七

臨海宋氏

心老尋春嬾年衰跨馬難便能相強去未必有真歡獨酌三杯妙高眠一枕安好花如可折覓取數枝看

訪陳復齋寺丞于私第

以時爲出處真有古人風奉母易爲孝事君難盡忠閒居非傲世直氣尚摩空語及朝廷事乾坤萬感中

泉南

南地無冰雪常疑暖作災晝昏山霧合寒變海風來壠麥銜芒早梅花帶葉開客中歸未得歲事漸相催

代人送別

南浦春波碧東風送客船別君楊柳外揮淚杏花前粉

壁題詩句金釵當酒錢一聲離岸櫓心碎楚江邊

度淮

一雨足秋意孤吟寫客懷人情容易變身事苦難諧每日思歸浙今朝卻度淮此生煩造物畧畧爲安排

蘄州厲使君七夕祈雨

樽俎忘佳節衣冠肅廣庭爲民祈一雨何暇賞雙星五馬無慙德三龍合效靈前山好雲氣早已動雷霆

廬州界上寄豐都

身健心先老時危事愈乖無成攜短劍有恨滿長淮村酒時時醉山肴日日齋功名非我有何處問生涯

石屏集

卷之四

八

臨海宋氏

贈孤峯長老

孤峯何處住惠遠舊林泉日用無非道心安卽是禪幽棲雲壑底夢寐雪篷邊何日山陰道同尋訪戴船

吳子似

酒櫻桃熟柳樹陰青山去人遠黃鳥語春深薄俗非吾道虛名媿此心休言今不古又恐不如今

世事

世事真如夢人生不肯閒利名雙轉轂今古一凭欄春水渡旁渡夕陽山外山吟邊思小范共把此詩看

冬日移舟入峽避風



棹入黃蘆浦驚飛白鷺羣霜華濃似雪水氣盛於雲市  
遠炭增價天寒酒策勲同舟有佳士擁被共論文

湖上

久住人情熟湖邊酒可賒來時飛柳絮今日見梅花十  
載身為客幾封書到家斜陽照林屋獨立數棲鴉

讀改元詔口號

伏讀改元詔仍觀拜相麻競傳新政事方見好官家雪  
作豐年瑞梅開近臘花路逢江上客立馬問京華

喜見新除日焚香洗眼看老儒居翰苑正士作臺官有  
道為時用非才處位難寄聲崔與李催一作惟促到長安

石屏集

卷之四

九一作臨海宋氏

國以人為聖人惟德可招九重方厲政諸老盡歸朝盛  
事追三代清風動百僚竊聞天上語歡喜到漁樵

罪言

盜賊干戈後安知有太平眾人皆競利百姓不聊生國  
用何能足官曹未易清漢家政虛耗第一莫言兵

李生道得蘇養直所寫深字韻詩

一作翁景山出  
示故人作序送

行

表出塵埃外濃薰蘭蕙一作班馬香風流晉人物高古漢文

章老眼不多見前程豈易量三杯話胸臆一笑對雲驤

秋興有感

客游江海上幾度見秋風遠浦蘆花白疎林秋實紅人  
情朝暮變景物古今同老眼猶明在從教兩耳聾

謝王使君送旅費

風撼梅花雨霧籠楊柳烟如何殘臘月已似半春天歲  
裏無多日閩中過一年黃堂解留客時送賣詩錢

舟中小酌

獨立秋風裏悵然思故鄉岸頭沽美酒船上作重陽籬  
菊一枝秀溪魚三寸長客中聊爾耳亦可慰淒涼

塗中見人家賣酒

連歲遭饑饉人無糴米錢今秋好行路到處說豐年村  
酒新斲濁溪魚出網鮮黃花留客醉况近竹林邊

石屏集

卷之四

十一作臨海宋氏

長江寄李使君

在處晚禾熟經今瘴霧消山林無賊盜道路有歌謠人  
喜逢豐歲誰知感聖朝溪橋閒寓目魚鳥亦逍遙

光澤溪上

艤棹西巖下舟人語夜闌風林無鳥宿石窟有龍蟠月  
色連沙白灘聲入夢寒曉來新得句寄與故人看

約游曾參政西墅病不能去

骨肉去家遠異鄉童僕親老身渾賴汝久病亦愁人無  
暇游西墅尋醫訪北辰主翁翻作使奔走莫勞神



趙敬賢送荔枝

荔枝固多種色香俱不同新來嘗小綠又勝擘金紅大嚼思千樹分甘僅一籠嘗口蔡公譜夢想到莆中

自漳州回泉南主僕俱病

雅興難忘酒羈懷不耐秋坐窮思賣劍扶病強登樓適有坐中客來從邊上州所談驚老耳身世併成憂

寄趙漳州話病

聽雨無聊賴高眠獨掩扉塞鴻書不到海燕約同歸吾道關通塞人情有是非荆州相別後王粲更誰依

客自邵武來言王埜使君平寇

石屏集

卷之四

十一

臨海宋氏

聞說賊來日君能判死生扁舟載母去倚劍到天明百姓各逃命四旁無援兵王尊豈非勇獨自守孤城太守自監軍片膽大如身立馬斬數賊犒軍捐萬緡威行千里外手活一城民孰謂書生怯書生中有人

新年自唱自和

聖朝開寶歷淳祐四年春自生前丁亥今逢兩甲辰處喧如處寂求舊不求新笑問長河水誰為不老人江山一夜雨花柳九州春過節喜無事謀懼要及辰年仍歲歲故復新新把酒有餘恨無從見故人聞嚴坦叔入朝再用前韻

淒涼風雨日強把甕頭春獨守空虛室那逢耗磨辰荆

楚歲時記正月十日為耗磨辰詩家青眼舊世路白頭新每誦梅花句一心思故人嚴公有詩云過卻海棠渾未醒

我本江湖客歸來二月春居多閉門日未卜賞花辰繞

樹鵲聲喜隔簾鶯語新可憐垂白叟卻羨躡青人

吾族兩派而下吾之一派衰落殆盡諸孫一兩人而已其勢不絕如綫彼之一派富盛一日出門有感

門外長河水有時鳴不平河邊古樟樹亦各有枯榮人事關時數春風莫世情賢哉滄海月夜夜一般明

石屏集 卷之四 十一 臨海宋氏

石屏集

卷之四

十一

臨海宋氏

王深道奏名而歸

忠言犯時忌決不中高科一日成名了諸公屬望多還家寧久坐經世欲如何西澗一泓水行通滄海波

朱仲實少府到官無幾日即入僉幕官滿送行二首

首

才智人難及上官能用賢梅仙無一事蓮幕坐三年政譽傾千里歸途仰二天辟書聞早上松菊莫留連

孝友平生事守廉天下難居官一口俸闔室幾人餐病骨何妨瘦吟肩不肯寒功名未須問且奉版輿安

次韻盱江李君昉見寄二首時李在包守郡齋



久作丹邱客疑君去復來高吟闖風雅妙句斲瓊瑰道  
誼心千古文章水一杯荷花時話別後又梅開  
共醉荆溪酒不論杯淺深定交從此日識面早知心久  
缺寒溫問忽聞長短吟玉霄亭下路幾夜夢相尋

感寓三首

古今通一理趨嚮自多門賢士玉成美貪夫金注昏誰  
知身是患人以道爲尊前輩□□死姓名千載存  
誼利不同道盛衰何用疑布衣甘寂寞純袴自矜持勿  
謂人爲巧待觀天定時銅山或一作幾餓死富貴五羊皮  
自覺心無媿何須座右銘人將金作塢吾以石爲屏年

右屏集

卷之四

臨海宋氏

老醫難療天寒酒易醒菊花香到死不肯就飄零

新歲書懷四首

衰年百病身淳祐五年春塵世自多事風光又一新鄉  
人方拜相野客自垂綸說與烟波侶海濱非渭濱  
七十九歲叟時吟感寓詩年高胡不死身健欲何爲細  
柳綠垂地小桃紅滿枝春風不到處枯蔓挂疎籬  
老病從人笑兒童識我誰窮愁無地著心事有天知  
噪綠何喜蛙鳴豈爲私如何得懷抱長似醉眠時  
正月復二月百年如一年世間人易老天下事難全生  
計麥十斛傳家詩幾篇眼前雖不足心地自超然一作村翁

不識字白  
屋貯青錢

小園

小園春欲半老子作兒嬉政喜花開蚤還愁客到遲詩  
當得意處酒到半酣時蜂蝶來無數無知卻有知

爲石雲悼鶴

瘞鶴有故事花邊結小坐不登千歲壽無復九臯鳴問  
汝緣何死主翁無限情最令人憶處側耳聽松聲

挽立齋杜丞相

邪正不兩立國家當再興有時須有命稱德不稱能方  
喜千年遇如何一旦薨世間無哭處吾欲哭昭陵

右屏集

卷之四

臨海宋氏

蕭飛卿將使赴湖北戎幕詩送其行兼簡秋壑賈

總侍二首

文章蕭穎士一劍去從軍遠望西關路愁看南浦雲九  
霄騰意氣萬里取功勳馬上一杯酒須斟滿十分  
鄂渚三千里遙遙望使星江湖今寂寞桃李半凋零世  
有一秋壑時無兩石屏平生不相遇老眼向誰青

晚望懷長沙故人

卻扇清風起樓頭坐晚涼青山連遠水綠樹帶斜陽客  
路傷離別人情果在亡定應今夜夢隨月到瀟湘

寄虛齋趙侍郎



老眼開還闔愁懷醉不醒乾坤多變故人物曉天星藥  
石匡時切著龜見事靈得公十數輩亦足壯朝廷  
災異天垂戒安危事可知細將黃雨證請問白雲口對  
客論孤憤傷時賦五噫醉中忘萬慮安得酒如池

斗山子王深父作石屏記爲老夫書其文甚佳采  
記中語作五詩致謝

細讀石屏記臨風覺厚顏如何一片石欲比衆名山浪  
跡江湖上歸身巖壑間漁樵爭半席人笑老癡頑  
細讀石屏記尋幽到水涯老人相問答屬意在巖花江  
海浮天澗山林去國賒草茅最深處認作野人家

石屏集

卷之四

五 臨海宋氏

細讀石屏記堪嗟老病身誰知飢欲死曷取壽長貧  
片豐年瑞梅花臘月春今朝一杯酒誰道是生辰  
細讀石屏記多君才思清南山數峯碧北斗七星明風  
土鍾奇秀文章到老成待看黃鵠舉唾手取功名

寄建康留守制使趙用父都丞侍郎

蠻貊聞名姓當今有此人片心天共廣一笑物爲春花  
滿金陵路風清玉塞塵九重方簡注四海望經綸  
燕許文章筆片言輕萬金先人十詩序孝子一生心入  
手方爲寶三年等到今九泉應有望取璧照山林

姪孫亦龍作亭於小山之上余以野亭名之得詩

五首

平地變邱壑安排若自然爲山移白石鑿沼時清泉粟  
里有松竹蘭亭無管絃軒裳非我事在野不妨賢  
口外有餘地登臨作此亭心如喬木古眼共遠山青社  
酒誰同醉村歌自可聽有時來夜坐收拾讀書螢

詩禮家聲重田園活計饒自甘爲野客不願仕王朝時  
爲花開眼誰因米折腰此心安出處何日不逍遙

勿謂此亭小歸然氣不羣靜中觀變化閒處立功勳水  
細通巖竇亭高壓海雲隱居行素志不負聖明君

田間四五月此景看來稀翼翼青苗上雙雙白鳥飛茅

石屏集

卷之四

六 臨海宋氏

重梓

茨林下住蓑笠雨中歸拍岸瓜藤水不須憂歲饑

寄鎮江王子文總卿

一代文章手官如水樣清三軍皆飽德諸將共談兵鐵  
甕橫天立金山壓浪平北人向南望□□月分明

又送行二首

荏苒歲云暮雪霜天正寒取程毋太急御下放教寬朝  
夕去家遠關山行路難邊頭辦功業恐不在儒冠

荆門在何許鄂渚小躊躇宿處好看劍客中宜讀書交  
游天作合江漢景何如窗戶半天上南樓好寓居

送包使君入朝除左曹郎二首



宏齋儒者政賞罰自宜民世欲無公論天知有正人側  
身觀宇宙平步履星辰試把安危事從頭問化鈞  
金門行入奏何以告君王請下求賢詔兼陳活國方解  
紛□□□救弊細思量若見高常簿言予病在牀

送季明府赴太平倅

黃巖號難治能者治何難桃李民心悅風霜吏膽寒公  
行無不可私請莫相干三尺兒童輩皆知好長官  
人說陳胡蔡合君爲四賢一廉官似水三載吏無權政  
自詩書出民從教化遷神明判事筆一出萬人傳  
庭閣定省外都是坐廳時盡日身無倦對天心不欺縣

石屏集

卷之四

七一臨海宋氏

重梓

花潘岳賦池草惠連詩磨取九峯石刊成德政碑  
通守太平州金陵在上頭風寒當一面江□□千艘此  
日要人物九天寬顧憂詩書用處別滌統換封侯

得古梅兩枝

一作雪劉家古梅

老榦百年久從教花事遲一作有此老梅似枯元不死  
因病反成竒玉破一作雪點稀疎蕊苦封古怪枝誰能知我  
意相對歲寒時一作連朝看不足政要看花遲

貧作負恩人爲何宏甫作

九陌塵中事三生石上身狂爲好詩客貧作負恩人十  
載江村別扁舟淦水濱音書久不至得夢往來頻

題徐子英小園

奉親營小圃僻在水之濱霜露蔡公賦假山慈竹詩人  
皆稱壽母我獨喜佳兒八行家風在三遷憶舊時

登祝融峰

秋風吹拄杖直到祝融巔目擊三千界肩摩尺五天扶  
桑陽谷畔青草洞庭邊雲氣無遮障分明在眼前

長沙有感

自飲長沙酒春風幾醉醒江波隨意綠山色爲誰青好  
鳥因人好靈龜已不靈江蘿與杜若何幸入騷經

山中少憩

石屏集

卷之四

六八臨海宋氏

重梓

地僻人稀到山寒水欲冰聞鐘知有寺見犬不逢僧斷  
壠森一作生喬木頽簷挂古藤斜陽照孤影詩骨瘦峻嶒  
真州上官漕勸農

小隊出行春旌旗帶野雲草成平寇檄翻作勸農人暮  
府多奇事詩書策夜勳請將邊上事一一奏明君

豫章東湖避暑

行坐自徜徉吟聲繞屋梁曉烟滋柳色晨露發荷香以  
我一心靜參他六月涼淵明知此意高卧到羲皇  
徧訪諸亭滿蒼苔掩舊蹤十年如昨日萬象又秋容闕  
世存喬木公堤倚瘦筇何人殺風景斫盡木芙蓉



見江東繡衣袁廣微

宇宙歸微數安危委大臣金門一回首玉節久臨民雅志思行古清風不受塵絜齋家學舊用處日如新

洪子中大卿同登遠碧樓歸來有詩

角中華屋下邱壑在其旁寄與中山遠憂時白髮長無心當世用袖手看人忙善自爲身計須傳活國方

濠州春日呈趙教授

體國

柳似眠初起梅雖老可觀冰開春水活風暖雪泥乾得酒忘爲客談詩不論官無人知此意一笑對黃冠

訪古田劉無競

潛夫宰建陽有聲人言自有建陽無此宰

九一臨海宋氏

石屏集

卷之四

重刊

前說建陽宰古田今似之難兄與難弟能政更能詩文字定交久江湖識面遲人傳花萼集俱口水心知

淮上回九江

江水接淮水扁舟去復回客程官路柳心事故園梅活計魚千里空言水一杯石屏有茅屋朝夕望歸來

送陳切度運幹

臺幕三年最雲霄萬里程西山餞行色南浦棹新晴骨秀荆山璞胸涵元氣英更攜扛鼎筆祇合上蓬瀛

君是青雲料吾當白髮年駑駘傍驥驥魚鳥各天淵他日難忘處寒宵不忍眠挑燈雪窗下共讀雁奴篇

燕

聞說烏衣國低連海上村春來避霜雪秋去長兒孫華屋語如詠故巢多不存雙飛惱幽獨紅袖有啼痕

蕪口阻風務官點稅

舊有一相識爲務官

江漲行無路西風又打頭頗聞商婦怨自作賈胡愁

石屏集

卷之四

三

臨海宋氏

石屏詩集卷第四終

臨海周翼乾度字



石屏詩集卷第五

五言律

郭外翁

郭外生涯少城中，糴米歸種花無處。  
賣挑菜入籃，稀風撼傾欹屋寒。  
生藍縷衣此翁，何所樂談笑傲輕肥。

鄭南夫雲林隱居

一來陪勝踐一作再到惜蹉跎，記得山中景行尋竹外。  
坡天寒梅信早，海近雁聲多。烟渚蒲洲外，時聞欵乃歌。

夢與趙用父王子文陳叔方相會甚欵

鼎足當州縣，別來音問稀。故人俱顯達，吾道亦光輝。

石屏集

卷之五

臨海宋氏

鳳夢中見孤鴻，天外飛應憐。江海客白首，未成歸。

戲呈趙明府

堂堂附郭縣，深遠半如村。能共斯民樂，渾忘太守尊。  
梅花高可折，橫浦撓無渾。欠與詩狂者，清談共一樽。

訪曾雲巢

一老今無恙，諸公昔與儔。隨時難苟合，懷道早歸休。  
苦似陶元亮，全如秦少游。筆端鋒銳口，有待續春秋。

冬暖

天不雨霜雪，朝曦與暮霞。江梅遲臘蕊，巖桂更冬花。  
地暖宜為客，時難重憶家。楚山當晚眺，歸興逐棲鴉。

芝提幹湖上下策

才氣有如許，功名不可無。樂從閒歲月，養就大規模。  
雅志難諧俗，幽居喜並湖。君看蓮下藕，不與葉同枯。

見名園荒廢有感

喬木無留影，殘花尚假妍。荒池蛙叫噪，殘屋燕周旋。  
富貴偏多事，風流得幾年。墻東有寒舍，書種世相傳。

題黃仲文雙清亭

亭下新池好，亭中古意存。欲通溪上路，遂闢竹邊門。  
自昔好賓客，相傳到子孫。會看司命鶴，時到種瓜園。

靜寄孟運管，招客皆藏春。侍郎故人因與花翁孫。

石屏集

卷之五

臨海宋氏

季蕃話舊有感

來訪藏春閣，因登靜寄堂。異香薰寶鼎，清樂送瑤觴。  
穿竹過花所，尋梅見海棠。白頭思往事，無語立斜陽。

莆中遇方口口邀出城買鱸而飲一僧同行

出郭斷虹雨，倚樓新雁天。三杯古榕下，一笑菊花前。  
入市子魚貴，堆盤牡蠣鮮。山僧慣蔬食，清坐莫流涎。

天竺訪明上座

顧影良堪笑，胡爲八尺長。蒼顏抗塵土，餓喙說與亡。  
一丈竹雨先秋爽，松風生夜涼。愛尋湖上寺，留宿贊公房。

隆興度夏借東湖驛安下



面對一池荷四旁揚柳坡樹陰遮日少屋敞受風多疑  
是清涼國暫爲安樂窩人人爭避暑老子自婆婆

挽趙縣尉自號十竹極貧不肯爲官

十竹相依住一官真漫爲狂來裂軒冕窮不顧妻兒疾  
世吟孤憤傷時賦五噫高名應不朽自作墓中碑

張統制之子爲父求詩蘄州城破正馬打圍而出  
能知數謂時不可爲

夜半金城破身隨鐵馬飛橫揮三尺劍突出萬人圍勇  
銳資神力功名與願違自能占氣數終老著農衣

挽趙縣丞好古好怪人以緩急告雖千金不吝家爲之窮

石屏集

卷之五

三 臨海宋氏

雅志思行古幽居不愛官傾家爲義舉竭力奉親歡閱  
世開天鏡藏身作瓦棺聞知捐館日有夢跨金鞍

挽沙溪項公苔湖居士

讀書不成事何恨老山林處世有容德與人無諍心友  
于兄弟樂惠彼里間深細把豐碑讀懷賢淚滿襟  
一曲苔湖上深居萬竹間自尋三徑樂早得一身閒  
灑灑除水林林夾屋山傷心白雲際遺跡尚班班

挽大溪姚祥叔卽南

慶門今獨盛舊族有光華日坐不欺室天與積善家山  
林娛晚境書史是生涯手種堂前桂君看身後花

挽唐吉林詠道

博雅林夫子隱居城市巾家貧書甚富學苦字尤工四  
海交名勝諸文辨異同阿戎談更好端不負家風

黎明府見示令叔顯謨開國墓誌求詩爲賦三首

巴蜀何多事賢能見一時纔爲花縣宰早受竹坡知關  
外科民急興元易帥遲預會陳利病人不信著龜

虜橫干戈密官清財富強饑年無餓孍亂後有金湯五  
郡樹佳政諸公交薦章忠言動天聽惜去把麾忙

寄家苔雪上萬里故鄉愁未入金門奏還爲玉局游孤  
忠徒耿耿一病竟休休爲國惜人物凄然老淚流

石屏集

卷之五

四 臨海宋氏

族姪孫子榮之子神童顏老不幸短命而死哭之  
不足三詩以悼之

亘古英靈在顏回有後身年纔十三一作歲才過萬千

人學到由天悟文高見理真再生仍再天無路問鴻鈞  
昨應童科日羣兒立下風丰姿傾衆目文彩動諸公兩

耳能兼聽六經皆暗通相期到楊晏有始奈無終  
汝祖積陰德汝翁多讀書汝生天報施汝死又何如修

短有定數賢愚口問渠冥官聞慟哭還許再來無

神童諱顏老生而秀骨奇姿非凡之比及醉父

漁村狗俗修試兒故事羅書籍玩具果殺於席



顧盼無所取獨拏禮記一帙披卷若讀誦然稍  
長口授以書兩耳兼聽日記數百言七歲能暗  
誦五經舉止應對儼若成人十歲善屬文思如  
湧泉王師幹懋卿試以數題捉筆輒就懋卿稱  
賞不容口嘉熙元年丁卯參政范公嘉其俊異  
舉應神童科第一後省中勅賜免解進士朝廷  
以其能行文永免十三年

跋載神童文稿

余昔訪戴君見顏老容顏豐秀步趨詳雅甚以  
遠器期之因語戴君曰昔楊公億晏公殊皆嘗

石屏集

卷之五

五 臨海宋氏  
重梓

以童科世之過二公之神者亦多矣而或天而  
殤者病於振苗而弗獲實也子宜經史華潤薰  
浸而茂悅之以需其成慎勿以俗世干祿之文  
揉其心扼其膽也去之幾何年今乃徒見其揉  
心扼膽之文而其人則已矣嗚呼九齡與立昔  
賢所痛立可與也齡不可與也雖痛奚益寶祐  
三年乙卯春仲同邑杜範儀夫識

孫季蕃死諸朝士葬之於西湖之上

卜宅西湖上花翁死亦榮詎諧老方朔曠達醉淵明風  
月生前夢歌詩身後名風流不可見腸斷玉簫聲

櫻桃

綠樹帶朱實驅禽費彈丸獨先諸果熟堪奉五侯餐猩  
肉和瓊液蟻珠走玉盤同時得同賞芍藥滿雕欄

題清江臺

是日新打范石  
湖碑表于亭上

秋色無邊際酬之以醉顏亭高俯城郭木闕見江山勝  
踐園林古好詩天地慳范碑生羽翼飛上畫屏間

江西壬辰秋大旱饑臨江守王幼學監簿極力救  
民癸巳夏不雨幾成餓孍監簿禱之甚切終有感  
於天

懇切金章奏精誠玉帝知稻梁民性命豐歉國安危苗

石屏集

卷之五

六 臨海宋氏  
重梓

秀方成實雨來還及時人能合天意天亦順人爲  
天續饑民命神知太守心驕場化霖雨六月借春陰早  
稻先秋熟晚田儲水深去年飢欲死不料到於今

監簿和篇

赤地我民苦寸心天我知元元爭救死凜凜強扶危  
備具先三日憂端彼一時倏然返生意人力豈能爲  
叫得神明力挽回天地心連朝被甘澤旣雨積重陰  
水滿田高下涼生秋淺深老癯幸無死一飽慶垂今  
懷何宏甫

何郎好兄弟愛我往來頻人作交游看情如骨肉親茅



慮思共隱蕙帳暖生春別後長相憶寄書無使人

題董侍郎山園

行盡芙蓉徑尋秋扣竹關樓高納萬象木落見羣山平  
野水雲際畫橋烟雨間紅塵城下路只隔一湖灣

蕭仲有遺經堂

一經傳世寶說與子孫知欲作久長計毋忘禮義為黃  
金生悔吝白璧有瑕疵兼取龐公語圖安不遺危

讀嚴粲詩風撼瀟湘覆江空雪月明喜其一聯穩

葉為對

筆端有神助句法自天成風撼瀟湘覆江空雪月明苦

石屏集

卷之五

七

臨海宋氏  
重梓

吟非草草妙趣若平平李杜詩壇上為君題姓名

春陵山中

地僻民風古雨晴天氣清空山監奇石喬木墮枯薪深  
入千崖路多逢百歲人繁華凋性命寂寞可全真

淮上寄題趙茂實

渺渺長淮路秋風落木悲乾坤限南北胡虜迭興衰志  
士言機會中原入夢思江湖好山色都在夕陽時

金山

水滄孤峯出波深日夜聞重巖成鐵屋雙塔碍行雲天  
地八窗通江淮兩岸分登臨多感慨北雁又成羣

焦山

江接海冥冥山連嶺嶺青似非人境界宜有佛宮庭藏  
壁蟠龍宅潮滄瘞鶴銘西巖更清絕心與酒俱醒

梅花

細把南枝看百花無此奇夜深鍾月魄□□□□古  
樹龍其似寒香蝶不知幽蘭開亦早二妙喜同時

赤壁

千載周公瑾如其在目一作眼前英風揮羽扇烈火破樓

船白馬滄波上黃州赤壁邊長江酌明月更憶老坡仙

曾雲巢年八十聰明不衰小楷寫六經家有小樓

石屏集

卷之五

八

臨海宋氏  
重梓

日登覽不倦諸監司嘗薦遺逸

八十雲巢老諸公舊典刑心情枯井水輩行曉天星身

健登高閣眼明書六經嘗聞薦遺逸何以報朝廷

醉吟

一狂兼一懶窮到白頭年客路偏耽酒詩囊不貯錢吟  
邊忘世故醉裏樂壺天不荅諸公問何如孟浩然

次韻胡公權

日用無非道人心實在平果能行實學何必問虛名草  
木隨時態江山無世情晚來溪雨歇一段夕陽明

同安子順訪茅庵道人鳳凰麒麟不可見道人語



也

道者日高臥清風隔世塵鳳麟不可見猿鳥自相親山  
木輪囷古茶花冷淡春草荒門外路常怕有來人

法曹羅立之酒邊舉數首皆僕故人為我寄聲

佳士欣相識吟邊問姓名官為三語掾詩到五言成野  
客可憐我故人煩寄聲白頭歸故隱秋後會羣英

為客

琴劍長為客詩書欠策勲老來臨鏡嬾愁裏把杯勤北  
雁寒離塞秋鷹健拂雲物情能奮發人不解超羣

彭繡使平叛卒後除經畧小詩陳利害

石屏集

卷之五

九

臨海宋氏  
重梓

廣東經畧使今古幾人賢陛下用一士民間有二天清  
風排瘴雨廉德照貪泉龍節生光彩鸞車奏凱旋

斬蛟移鱗後近水有驚鱗閩外尚多事幕中無一人佩

韋防狷急強飯養精神羅致賢能士仍須藻鑑真

乳虎戀巢穴窮猿失木悲早須思一著先要釋羣疑豪

傑通心腹人民無怨咨御軍明紀律威愛貴兼施

會李擇之其父名丙字南仲著丁未錄丙申錄

吟邊逢李白談笑亦風流相對各青眼安知有白頭兩

家窮活計四海老交游不負雲山約同登百尺樓

道旁館

道旁誰氏館日我坐開樽翁媪出迎客兒童為掃門好  
花生竹所流水浸雲根儻遂卜隣約為農老此村

山中夜歸

落盡一林月山中夜半歸行驚羣犬吠路暗一螢飛舉  
我赤藤杖敲君白板扉興來眠不得吟到曉星稀

題春山李基道小園

瀟湘數椽屋旋營花竹坡心寬忘地窄亭小得山多共  
賞春晴好其如客醉何棲鸞將遠舉寧久盼庭柯

東軒喜鵲飛  
花即景

東軒亦瀟灑春晚雨晴時喜鵲鬪前檻飛花落硯池青

石屏集

卷之五

十

臨海宋氏  
重梓

山解畱客綠竹徧題詩一點歸心動夜來聞子規

宿農家

宿此屋頭閣瓦窗通月明夜深鸚鵡噪人靜桔槔聲村  
落有古意田園關客情儒衣成底事所得是虛名

寄耒陽令嚴坦叔

士元堂上坐千載仰清規百里宜民政數篇懷古詩江  
連杜甫墓水落蔡倫池公暇登臨處寧無憶我時

所聞

今虜既亡後中間消息稀山河誰是主豪傑故乘機喜  
報三京復旋聞二趙歸此行關大義天意忍相違



胡倅送羊烹以會客

烹道會賓客花酒一時來愁逐歌聲散心隨笑口開  
飲疑金盞滿醉到玉山頽借問歡娛地相逢能幾回

寄清流王令君

朴直存吾道一心惟向公知非巧宦者直有古人風  
行志非爲矯潔身能固窮如何有廉吏不入薦書中

生朝對雪張子善有詞爲壽

焚香拜天貺滿眼是瑰琦臘月雪三尺春風梅數枝  
登樓忘老態對酒展愁眉爭唱陽和曲山翁醉不知

石屏集

卷之五

十一

臨海朱氏  
重梓

石屏詩集卷第五終

寧海陳兆鼇校字

石屏詩集卷第六

七言律

江濱曉步

津頭曉步落湖痕行盡蒲根到柳根雁影參差半江月  
雞聲咿喔數家村求魚看下連筒釣乞火聽敲鄰舍門  
料得錦城無此景欲將圖畫寄王孫

鄂渚烟波亭

倚徧南樓更鶴樓小亭瀟灑最宜秋接天烟浪來三峽  
隔岸樓臺又一州豪傑不生機事息古今無盡大江流  
凭欄日暮懷一作思鄉國崔顥詩中舊日愁

石屏集

卷之六

一 臨海宋氏  
重梓

寄尋梅

寄聲說與尋梅者不在山邊卽水涯又恐好枝爲雪壓  
或生幽處被雲遮蜂黃塗額半含蕊鶴膝翹空疎帶花  
此是尋梅端的處折來煩付與詩家

辛未元日上樓參政攻媿齋先生

東風入仗慶雲翔百辟朝元奉玉皇一代安危寄黃髮  
羣生枯瘁轉青陽梅花結果調勳鼎柏葉宜年上壽觴  
宰相黑頭天子聖賴公同與措時康

春日二首呈黃子邁大卿

野人何得以詩鳴落魄騎驢走帝京白髮半頭驚歲月

虛名一日動公卿頗思湖上春風約不奈樓頭夜雨聲

柳外斷雲篩日影試聽幽鳥話新晴

帝里風光二月新西湖幾隊一作對蹋青人杏花時節偏

饒雨楊柳門墻易得春或是或非塵裏事無窮無達醉

中身五陵年少誇豪舉寂寞詩家戴叔倫

釣臺

赤符新領舊乾坤多謝君王問故人暫作客星侵帝座  
終爲漁父老江濱層臺不啻幾一作峩千仞直釣何曾挂  
一鱗莫道羊裘欠圖畫丹青難寫子陵真

寄湖州楊伯子監丞

石屏集

卷之六

二 臨海宋氏  
重梓

宛如公幹臥江濱枕上窮吟過一春遣病每懷詩眷屬  
訪醫因問藥君臣鑽龜小卜占災數覽鏡羸形類別人

寄語雪川賢太守新詩莫厭話愁頻

飲中達觀三首取其

人生安分卽逍遙莫向明時歎不遭赫赫幾時還寂寂  
閒閒到底勝勞勞一心似水惟平好萬事如棋不著高  
王謝功名有遺恨爭如劉阮醉陶陶

梅

孤標粲粲壓羣葩獨占春風管翠華幾樹參差江上路  
數枝裝點野人家冰池照影何須月雪岸聞香不見花



絕似林間隱君子自從幽處作生涯

清涼寺有懷真翰林運使之來

不待來觀德慶碑江山勝概六朝遺興亡了不關吾事  
登覽胡爲作許悲梅爲有香奇似雪酒能無悶妙於詩  
蕭蕭綠竹無人愛畱取雲梢待鳳來

覺慈寺

踏破白雲登上方自嫌塵土黷禪牀千山月色令人醉  
半夜梅花入夢香深谷不妨春到早老僧殊爲客來忙  
山童懶慣勞呼喚自拘枯松煮木湯

寄復齋陳寺丞二首

石屏集

卷之六

三

臨海宋氏  
重梓

豈說一作直道從來用處難出乘五馬看廬山鳳凰覽德下  
千仞虎豹憎人上九關持論太高天動色憂時未老鬢  
先斑平生風節誰其似汲黯朱雲伯仲間

長憶西灣繫小舟野人曾伴使君游夜浮星子邀明月  
雨對廬君說好秋坐擁紅粧磨寶硯醉歌赤壁寫銀鈎

當時一段風流事翻作相思一段愁飲中歌赤壁詞爲作大字書之今刻

石於房山  
羅漢寺

黃州偶成

雁叫淮南欲雪天倚樓無味抱愁眠筭從滄海白雲際  
行到黃州赤壁邊萬事忌於懷壯志一生窮爲聳吟肩

鬢邊白者休教鑷要使天知老可憐

題泉州王梅溪先生祠堂徐竹隱直院謂梅溪古

之遺直渡江以來一人而已

堂堂大節在朝廷名重當時泰華輕乾道君臣千載遇  
先生議論九重驚人歌黃霸思遺愛我頌朱雲有直聲  
一辨清香拜圖像英風凜凜尚如生

無爲山中鄭老家

高談可聽用心幽灼見此翁非俗流蓋馬破家還避世  
田園得地肯封侯開窗修竹無由俗繞屋青山總是秋  
門外短籬看亦好黃金菊間碧牽牛

石屏集

卷之六

四

臨海宋氏  
重梓

南康縣用東坡留題韻

鏡中雙鬢已非雅身在江湖心在家道路飄零如柳絮  
山川迤邐近梅花客行有債頻沽酒老怕無眠戒飲茶  
昨夜夢歸滄海上釣竿橫插雁邊沙

李季允侍郎舟中

憶昨楓橋既語離何期千里又相隨太湖不見鴟夷子  
秋浦同尋杜牧之燈火船窗深夜話江山客路早冬詩  
人間草木空無數除卻梅花莫不知

湖南見真帥

致身雅自文章選今世尤高政事科以若所爲卽伊呂



使其不過亦邱軻長沙口窄儒衣澗明月池乾春水綠  
入以一賢恩一路其如四海九州何

永新宰潘仁叔再約觀梅

去年憶訪潘懷縣樽酒風流主意饒爆竹聲中度殘歲  
華燈影裏醉元宵春風又起觀梅興野客仍煩折簡招  
預想張園尋故事插花秉燭過溪橋

廬山十首取其四

山靈未許到天池又作西林一宿期寺是晉時陶侃宅  
託傳隋代率更碑山椒雲氣易為雨客子情懷多費詩  
暫借蒲團學禪寂茶烟飛繞鬢邊絲

石屏集

卷之六

五 臨海宋氏  
重梓

道人問我看廬山地上爭如閣上看呈露千峯秋落木  
雕鏤萬象客凭欄靜中見得天機妙閒裏回觀世路難

管領風光有微憾桂花香裏酒瓶乾太平宮朱陵閣觀山

擁鼻行吟上下口今宵又宿贊公房松搖半夜風聲壯

桂染中秋月色香白石清泉聞笑語名山大澤出文章

老夫甘作無名者不逐紛紛舉子忙

乘鸞不見李騰空試與尋真訪故宮黃葉堆邊覓行路

紫烟深處望仙蹤眼高天近千山上身共雲棲一壑中

九疊屏風三疊水更無詩句可形容

豫章東湖感舊

憶見堤邊種柳初重來高樹滿東湖交游大半入鬼錄  
歌醉一時逢酒徒夜雨總成流水去春風能免落花無  
經行孺子亭邊路猶有沙鷗識老夫

僮約

汝在何鄉何姓名路途九百愛惺惺衣裳脫著勤收管  
飲食烹飪貴潔馨每遇歇時尋竹所須教宿處近旗亭  
吾家僮約無多事辦取小心供使令

同鄭子野訪王隱居

聯騎來尋失馬翁相期投宿此山中一庭花影三更月  
萬壑松聲半夜風共把酒杯眠不得劇談世事恨無窮

石屏集 卷之六 六 臨海宋氏 重梓

夜宿田家

簷笠相隨走路歧一春不換舊征衣雨行山崦黃泥阪  
夜扣田家白板扉身在亂蛙聲裏睡心從化蝶夢中歸  
新書十寄九不達天北天南雁自飛

送蒙齋兄長游天台二首

方丈逢萊去渺茫天台祇在白雲旁羽衣金策羣仙過  
珠閣瓊樓八桂香采藥有時逢道侶挑包遇夜宿僧房  
寒山拾得如相見指點人間笑幾場去一作自

勝處說天台仙佛多從此地樓司馬八篇通道妙



豐干一語指人迷時逢好酒從容飲莫把新詩取次題  
白日看雲思我否惠連無分共攀躋

豫章巨浸呈陳幼度提幹

乞得新晴賦晚霞出門無路欲乘槎憂風憂雨動經月  
足食足衣能幾家一飯共君烹瓠葉三杯無處看荷花  
自成鼓吹喧朝夕輸與東湖兩部蛙

訪趙東野名時習休官隱居

榻來問訊病維摩花滿溪堂竹滿家髮禿齒危俱老矣  
人高詩古奈窮何四山便是清涼國一室可為安樂窩  
猶有憂時兩行淚臨風揮灑溼藤蘿

石屏集

卷之六

七

臨海宋氏重梓

方孚若真口宅堂前池上作淮南小山題咏者甚  
多見其詩軸次韻

妙手能移造化工壺中幻出九華宮山雖云小能棲鳳  
水不求深貴有龍事紀淮南千古勝記成嘉泰八年冬  
先生不用賦招隱辦了功名話赤松

江州德化縣漪嵐堂盡得廬山之勝醉中作此呈

趙明府

不羨君為花縣宰羨君日坐漪嵐堂有時酒興兼詩興  
無限山光與水光百姓熙熙和教化羣胥凜凜對風霜  
公餘置酒看桃李醉倒花前客自狂

廬州帥李仲詩春風亭會客有塵字韻詩和者甚  
多韻拘無好語

玉關人老鬢絲新千里長城在一身氣使黃金結豪傑

手揮白羽一作扇靜風塵山河四望亭中景桃李一開天

下春嚮日滿城騎戰馬而今四野盡耕民

送滕審言歸長沙別無聊

折柳亭前送客人平沙留得馬蹄痕雲生渡北一作迷  
行路烟起江南認別村恨不與君同上道歸來無伴自  
開樽西樓獨倚黃昏月欲倩飛鴻寄斷魂

張仁仲提幹衡陽冰壺亭宴客

石屏集

卷之六

八

臨海宋氏重梓

大抵吾曹臭味同留歡卜夜莫匆匆一亭雲物冰壺上  
萬里乾坤玉鏡中疎柳無心挂明月敗荷有興倚西風  
吟家舊日張公子千首詩成句句工

別後舟中用前韻

出郭風光便不同轉頭猶恨去匆匆維舟別岸鴉啼裏  
倚柁澄江雁影中向老客懷驚歲月乍寒天氣轉霜風  
冰壺亭上人如玉謾寄詩篇不暇工

海月星天之觀京口普照寺舊有橫陳軒兵總侍改作此觀唐詩云人行中路

月上海鶴語上方星滿天就中摘此四字為名

巍然華屋似凌歊下際滄溟上九霄萬頃波濤浴蟾處



一天星斗轉魁杓征鴻有感人漂泊宿鶴無聲夜寂寥  
誰似風流羊叔子登臨□□□□

杜子野主簿約客賦一詩為贈與僕一聯云生就

石橋羅漢面吟成雪屋閬仙詩

杜陵之後有孫未自守詩家法度嚴秀骨可仙官况薄  
高情追古俗人嫌起看星斗夜推枕為愛江山寒捲簾  
飽喫梅花吟更好錦囊雖富不傷廉

楊伯子監丞雪川久雨得晴為喜

村南村北曬蓑衣好是雲開日出時太守少寬憂世志  
野人為賦喜晴詩兩歧瑞麥黃金實八菡吳蠶白雪絲

石屏集

卷之六

九 臨海宋氏

政軍誰知一作能合天意雨暘還亦順人為

提刑彭仲節平叛卒

千兵喝散黃金盡六月臨戎白刃寒慷慨丈夫為事別

太平人物濟時難誰言江左無王謝今喜軍中有范韓

漢節梅花留不住借君一劍斬樓蘭

中秋李漕冰壺宴集

諸亭環立一作玉湖灣區界無多眼界寬蒼石傳為偽

劉物綠波曾浴葛仙丹兩邊堤樹四時碧一片冰壺六

月寒咫尺雲烟接滄海須知此地有龍蟠

李計使領客游白雲景泰

一作李漕實夫携游觀海上諸山同途至蒲澗

乃鄭安期  
得仙之地

天近罡風吹面寒繡衣六月白雲間滄波萬里海南海  
翠碧幾重山外山自覺登臨無限意誰思富貴不如閒  
前峯若個神仙宅指點烟霞見一斑

菊坡崔參政說平叛卒不得已拜經略之命豈敢

言功

角巾私第自逍遙諸老之中此老高無可奈何懷印綬  
甚非得已用弓刀風生玉帳千兵肅天落金牌一札褒  
緩急驚心護江井生憎兒筆紀功勞

趙處士黃公山居

石屏集

卷之六

十 臨海宋氏

行盡松坡與竹坡沿溪窈窕上巖阿山深每恨客來少  
寺近莫教僧到多但覺洞中人不老不知雲外事如何  
邊頭又報真消息驅使來朝乞講和

題何季湧江亭

勝概何妨近市廛紅塵疎處著三椽數重青嶂橫天末  
一道澄江在眼前海浪浴紅朝出日樹林堆碧晚生烟  
請君分付堤邊石莫使漁翁來繫船

別鍾子洪

識得潮陽鍾子洪今人可想古人風文章有氣吞餘子  
天地無情負此翁問舍求田非細事參禪學佛見新功



欲知別後真消息莫惜頻書寄海鴻

再賦惜別呈李實夫運使

一生漂泊老江湖今日別君歸故廬此去怕無相見日  
因風或有寄來書雲烟過眼時時變草樹驚秋夜夜疎  
人物似公能幾輩不知天下竟何如

蕭學易何季舉和作別詩佳甚再用前韻

少年行脚白頭歸不負平生汗漫期望斷海山雲漠漠  
愁生江路草離離兩篇王粲登樓賦幾首巴陵送別詩  
獨倚篷窗無意緒瓦盆傾酒憶金卮

靈洲

石屏集

卷之六

十一 臨海宋氏  
重梓

一臺中立鬱蒼蒼四面山光接水光潮信往來知氣候  
龍精出沒兆災祥烟生茶竈僧留款風展蒲帆客去忙  
白髮東坡在何許兩行遺墨照琳琅

和韶州許使君令子送別之韻

詩舍吾非沈隱侯五窮相值結為讐方愁度嶺無相識  
卻喜聞韶到此州世道從來三不合客行何止七宜休  
故人知我平生事肯笑蘇秦著敝裘

南安王使君領客湛泉流觴曲水

橫浦堂前舉一卮古榕陰下坐多時連朝好雨千山潤  
昨夜新秋一作清一葉知梅嶺嚮來逢行一作者蘭亭今

日又義之家聲不墜一作傳家尚有風流在如見初寮說好詩

題鄒震甫江山偉觀

八境橫陳淦水濱異鄉誰識倚樓人江山不越一作乾  
坤大烟雨翻成風月新十載經營梅屋趣三間笑兀草  
堂隣題詩未得驚人句從此登臨莫厭頻

去年訪會勿卿通判攜歌舞者同游鳳山僕有歌

舞不容人不醉樽前方見董嬌嬈之句今歲到鳳  
山又關西隅築堤種柳新作數亭且欲建藏書閣  
後堂佳麗皆屏去之矣僕嘉其志又有數語并錄

六

石屏集

卷之六

十三 臨海宋氏  
重梓

一邱一壑自逍遙莫怪山人索價高是處園林可行樂  
同來賓客不須招臨風桃李花狼藉照水樓臺影動搖  
歌舞不容人不醉樽前方見董嬌嬈

別駕常懷物外心黃金屢費買山林後堂不肯著歌舞  
高閣惟思貯古今幾處亭臺新結束一春風雨阻登臨

野夫昨日閒乘興著屐尋詩到柳陰

撫州謝樓宗丞見訪

客裏門庭可設羅使君千騎肯相過心忘貴賤交游重  
論及興衰感慨多諸老逢時起巖壑口邊何日罷干戈  
老夫何預人間事歸去一作滄江事釣蓑



平江呈毅夫侍郎

龍墀射策三千字未抵胸中十萬兵遠大無過為將相  
文章爭似立功名當今天下幾豪傑獨數君家兩弟兄  
世事縱橫人事左未知何以措昇平

見淮東制帥趙南仲侍郎相待厚甚送買山錢又

欲刊石屏詩置於揚州郡齋話別叙謝

如公當向古人求識面何須萬戶侯浪說釣鼈游瀚海  
真成騎鶴上揚州受恩多處難為別宿酒醒時始覺愁  
回首平山堂下路不堪風雨送歸舟

鎮江別總領吳道夫侍郎時愚子琦來迎侍朝夕

石屏集

卷之六

三

臨海宋氏  
重梓

催歸甚切

落魄江湖四十年白頭方辦買山錢老妻懸望占烏鵲  
愚子催歸若杜鵑濟世功名付豪傑野人事業在林泉  
難禁別後相思意或有封書寄雁邊

董侍郎山園宴樓宗丞

旌旗千騎擁春華傾動臨川十萬家皂蓋出郊因問柳  
紫荷領客共看花樽前人唱鶯隨唱堂下吏衙蜂亦衙  
寄語風流賢太守好畱醉墨伴烟霞

聶侍郎領客觀園林之勝飲中出示名賢書畫

丁家風從橐尊時容野客上朱門如登東觀圖書府

又似西巖水竹村自以一閒消日月誰知萬慮滿乾坤  
諸公衮衮成何事不若花前對酒樽

思歸二首

吟詩不換校書郎但欲封侯管醉鄉疎懶無成嵇叔夜  
清狂自遣賀知章安貧不怕黃金盡既老從教白髮長  
百計不如歸去好子孫相對說農桑

老矣歸歟東海村長裾不復上王門肉糜豈勝魚羹飯  
紈袴何如犢鼻褌是處江山如送客故園桐竹已生孫  
分無功業書青史或有詩名身後存

趙用甫提舉夢中得片雲不隔梅花月之句時被

石屏集

卷之六

四

臨海宋氏  
重梓

命入朝雪中送別用其一句補以成章

一時議論動諸公有詔西來玉節東又見清朝更大化  
好趨丹陛奏孤忠片雲不隔梅花月一雪翻成柳絮風  
把酒莫辭今夕醉明朝車馬去匆匆

長沙呈趙東巖運使并簡幕中楊唯叔通判諸丈

日暮遠途行未休白頭又作長沙游湘江一點不容俗  
嶽麓四時皆是秋香草汀洲付騷客紅蓮幕府聚名流  
吟邊萬象寫不得上有風流趙倚樓

山中見梅寄曾無疑

自號雲巢各三  
異臨江軍人

香動寒山寂寞濱直從空谷見佳人樹頭樹底參差雪



枝北枝南次第春有此瑰琦在巖壑其他草樹亦精神  
移根上苑誰能免桃李依然在後陳

余惠叔訪舊

扁舟訪舊入橫塘新柳今如舊柳長室邇人遙春寂寂  
風流雲散事茫茫縱題紅葉隨流水誰弄青梅出短墻  
政是沈郎愁絕處杜鵑不斷叫斜陽

兩山趙仁甫宰臨安有武學生張丈相訪酒邊弄  
刃舞劍甚可觀因成七言縣乃錢王故宮九龍十  
錦皆其地

風流晉宋時人物花縣鳴琴調甚新不厭開樽留劍客  
石屏集 卷之六 圭 臨海宋氏 重校

仍能下榻待詩人九龍池館空陳跡十錦山川自好春  
但見清吟度白日不知佳政最宜民

友人朱淵出示廷對策不顧忌諱讀之使人凜凜  
受淮東制置辟

龍墀射策對明君憂國忠言駭見聞皎皎一心如白日  
寥寥千古再朱雲時危諸老皆求去兵滿三邊未解紛  
要便文臣知武事不妨王粲且從軍

裘司直見訪留款

清風爲我拂塵襟坐聽先生說古今道誼欲灰傷世變  
利名如海溺人深一言可重輕雙壁片善相資直萬金

聞道門墻不多遠明朝脩敬到山陰侯時寓典隆東湖裘居西山下

訪張元德號圭一道學中八

今宵何幸宿書林議論縱橫感慨深黃卷具傳千古意  
青燈照破幾人心狂夫嗜飲夜偷酒汗吏營私晝攫金  
堯舜君民舊風俗凡經幾變到如今

滕審言相遇話舊

憶昨同君訪月林幾年相別到於今江山花草生詩夢  
風雨憂愁長道心久矣無波觀古井悠然得趣聽鳴琴  
一生奔走成何事塵滿征衫雪滿簪

陳孟參陳明子同游麻姑山

麻姑堂上共登臨野客悠然起道心丹井汲泉深百尺  
星杉聳壑到千尋青蓮花白仙蹤遠烏柏葉紅秋意深  
何用金盤擘鱗脯山肴濁酒可同斟

與國軍晚春簡吳提幹  
幾夜林間哭杜鵑東風又作落花天青春不覺過三月  
白髮誰能滿百年日射江波光閃閃天連烟草碧芊芊  
異鄉欲作登樓賦心逐歸鴻到海邊

朱子昂司戶登滕王閣帶鄂州雪酌來飲  
嘯傲不禁秋興長登臨誰復問滕王江湖周折地襟帶  
雲霞燦爛天文章人如野鶴何飄逸日送飛鴻去渺茫



安得雪醅三百斗發君豪氣對吾狂

汪給事守鄂渚元宵代江夏宰吳熙仲獻燈

鄂州新得主人翁今歲元宵便不同燈火夜深回晝日  
管絃聲動起秋風遼天月借三秋白陸地蓮開十丈紅  
妙手信能移造化速宜歸去補蒼穹

一晴收盡四山雲天與黃堂作好春西楚東吳獻風月  
南樓北榭擁星辰扶持入郭觀燈叟歌無攔街醉酒人  
此是太平真氣象今年第一箇良辰

袁州化成巖李衛公謫居之地

一巖端坐挹千峯三兩亭臺勝概中江水驟生連夜雨

石屏集

卷之六

十七

臨海宋氏  
重梓

松聲吹下半年風因思世故吾頭白獨步林皋夕照紅  
欲吐草茅憂國志誰能喚起贊皇公

友松亭代松語

從來巖壑守孤蹤豈料移歸寶籙中幸在交游一人數  
願勤培植百年功朱門縱有三千客青眼毋忘十八公  
根本既深枝葉茂相期直上碧霄中

京口別石龜翁際可

把劍樽前砍地歌有何留戀此蹉跎心期難與俗子道  
世事不如人意多蓮葉已空還有藕菊花雖老不成莎  
扁舟四海五湖上何處不堪披釣蓑

讀放翁先生劍南詩草

茶山衣鉢放翁詩南渡百年無此奇入妙文章本平澹  
等閒言語變瑰琦三春花柳天裁翦歷代興衰世轉移  
李杜陳黃題不盡先生摹寫一無遺

古田縣行覽呈劉無競

客游花縣自逍遙百里風光在兩橋語出桑陰鳩婦喜

石屏集

卷之六

六

臨海宋氏  
重梓

身穿麥秀雉雞驕青山一任雲來去綠水多為風動搖  
上下相安長官好野亭閒坐聽民謠

諸葛仁叟縣丞極貧能保風節有權貴招之不屑

其行

時人誰識老聾丞滿口常談杜少陵俗輩衆多吾輩少  
素交零落利交興權門炙手炎如火詩社投身冷似冰  
堪笑皇天無老眼相知賴有竹林僧

萬安江上

不能成佛不能一作成仙虛度人間六十年鏡裏姿容雖  
老矣酒邊意氣尚飄然安排玉白花紅句趁辦橙黃橘



綠天無奈秋風動歸興明朝問訊下江船

過邵武訪李友山詩社諸人

吟過長亭復短亭喜於溪上訪詩朋彫鏤已被天公怒  
狂狷連遭俗子憎故愁人長夜雨明明照我短檠燈  
休思京口相逢日喜雨樓中賦大鵬

李友山諸丈甚喜得朋留連日久月洲乃友山道

號

此身到處自悠悠一笑非爲越女留風雨不妨雞戒曉  
江湖又見雁橫秋途中有客居巖谷天下何人似月洲  
頗欲相從溪上住諸君許我卜隣不

石屏集

卷之六

洲字韻一作酒徒  
日通來往詩社  
充臨海宋氏  
重梓

時時肯  
俱副

飲中

布衣不換錦官袍刺骨清寒氣自豪腹有別腸能貯酒  
天生左手慣持螯蠅隨驥尾宜千里鶴在雞羣亦九皋  
賢似屈平因獨醒不禁憔悴賦離騷

陪徐淵子使君登白雪樓約各賦一詩必以宋玉

石對莫愁村

幾名白雪因詞勝千古江山春雨餘宋玉遺蹤兩蒼石  
莫愁居處一荒墟風橫烟艇客呼渡水落沙洲人網魚  
浩然於樓上遂在

然亭後人專重浩然改爲孟亭徐使君詩併錄於此  
水落方成放牧坡水生還作浴鷗波春風自共桃花笑  
秀色偏於麥壠多村號莫愁勞想像石名宋玉  
謾摩挲試將有袴無襦曲翻作陽春白雪歌

靜齋張敏則舍人贈詩因用其韻爲酬

胸次詩書一派清學如耕稼到秋成十年閉戶存吾道  
萬事無心逐世情葉落花開關氣數山長水遠是功名  
摩挲老眼新看桂九鼎鴻毛孰重輕

客游

不能鬱鬱窟中藏大笑出門游四方與世周旋持酒盞  
觀人勝敗坐棋坊倒餐甘蔗入佳境畫著錦衣歸故鄉  
此志十年猶未遂倚樓心事楚天長

石屏集

卷之六

臨海宋氏  
重梓

都下書懷

京華作夢十年餘不道南山有敝廬白髮生來美人笑  
黃金散盡故交疎明知弄巧方成拙除卻謀歸總是虛  
出處古人都說盡功名未必勝鱸魚

新安寒食

不撥今年到歙州要知行止豈人謀一百五日客懷惡  
三十六峯春雨愁老矣此身猶道路淒其歸夢繞松楸  
花瓢仙子無由見千里江山負遠游

烏聊山登覽

抖擻塵囂上翠微傍溪路上坐題詩忽聞啼鳥不知處



細看好山無厭時風掃雲烟開遠景人攜香火謁叢祠  
客來千里登臨意說與時人未必知

癖習

平生癖習未全除虛事驚心實事虛為惜落花慵掃地  
每看修竹欲移居逢人共作亡何飲撥冗時觀未見書  
爭奈一貧隨我在思量不若把犁鋤

田園吟

俗諺茶樹發花茶戶大  
家又云樹無梅手無杯

自古田園活計長醉敲牛角取官商催耕啼後新秧綠  
鍛磨鳴時大麥黃桐樹著花茶戶富梅林無實秫田荒  
狂夫本是農家子拋卻一犁游四方

石屏集

卷之六

臨海宋氏  
重梓

九日登裴公亭得無災可避自登山之句何季皋

滕審言為之擊節足以成篇

良辰樂事兩相關不可不求今日閒有酒能賒堪薦菊  
無災可避自登山心懷屈賈千年上身在瀟湘八景間  
好向樽前開笑口人生枉自作愁顏

趙升卿有官不肯為里居有賢聲訪之於深巷中

深居陋巷不妨幽翠竹當門水滿溝每遇事來先覺懶  
欲為官去又還休田園自樂陶元亮鄉里多稱馬少游  
除卻讀書無所好有時閒作北巖游即化或巖也

括蒼石門觀瀑

冰泊石門觀瀑布明知是水卻疑非亂拋雪玉從天下  
散作雲烟到地飛夜聽蕭蕭洗塵夢風吹細細溼人衣  
謝公蠟屐經行處聞有畱題在翠微

杜門自遣

世事茫茫心是灰眾人驚處我驚回閉門不管花開落  
避俗惟通燕往來富貴在天求不得光陰轉地老相催  
平生任達陶元亮千載神交共一杯

登快閣黃明府強使和山谷先生畱題之韻

未登快閣心先快紅日半簷秋雨晴宇宙無邊萬山立  
一作今古如雲烟不動八窗明飛來一鶴天相近  
一作斯一水在

石屏集

卷之六

臨海宋氏  
重梓

萬象山過盡千帆江自橫借問金華老仙伯幾人無忝  
如立入詩盟

滕王閣次韻劉允叔

消遣客懷尋勝事酒杯詩卷得同攜當年傑閣棲龍子  
今日空梁落燕泥斜照浴紅秋水上好山橫碧畫欄西  
幾人登覽皆磨滅唯有前峯壓不低

竹洲諸姪孫小集永嘉蔣子高有詩次韻

美景能兼樂事難愁來惟仗酒遮攔昂藏病鶴兼詩瘦  
料峭春風帶臘寒喬木尚疑前輩在好花應笑老人看  
忽拋明月先歸去輸與諸郎徹夜歡



游雲溪與郡宴用太守韻卽事二首

幾堂久已無人到千騎傳呼五馬來  
流水奔騰砥柱立  
分山呈露晚雲開指揮將士馳驍騎  
管領衰翁弔古梅  
笑問風流羊叔子幾人登覽不塵埃

官府太平無一事凝香座上著衰翁  
飄搖短棹游芳沼  
縹緲高樓倚半空把酒夜深霜落後  
吹簫人在月明中  
使君笑指一作梅花說一作去歲今年事不同去歲臘月十七

至夜寇

和高與權

相逢休說昧平生高適能詩久擅名  
欲課荒蕪來入社

石屏集

卷之六

重梓

臨海宋氏

羞將老醜對傾城近來客裏仍多病  
強向花前舉一觥

樂極自傷頭白早

一作樽前知我夢雲卿

懷姚希聲使君

唐姚梁公作冰壺賦雪蓬有碑

興入疎篷夜雪深是非難辯口如瘡  
一官不幸有奇禍

萬事但求無愧心想像騎牛開畫卷  
丁寧回雁寄來音

傳家一首冰壺賦未信橫舟竟陸沈

百感中來不自禁短長亭下短長吟  
梅花差可強人意

竹葉安能醉我心世事無憑多改變  
仕途相識半升沉

摩挲老眼從頭看只有青山無古今

豫章東湖宋謙父黃存之酌別

湖邊長寄昔年游生怕青波照白頭  
楊柳蕭疎多困雨  
菱荷顛顛早驚秋無功及物談何益  
有酒開懷醉卽休  
江上買舟猶未定明朝尚可爲君留

都中懷竹隱徐淵子直院

手攜漫刺訪朝官爭似滄洲把釣竿  
萬事看從今日別  
九原教起古人難菊花到死猶堪惜  
秋葉雖紅不耐觀  
多謝天公憐客意霜風未忍放深寒

八日

自換端平新歷日眼看日月倍光輝  
南州有雪古來少  
人日不陰今見稀鼓舞萬民觀德化  
轉移一世屬天機

石屏集

卷之六

重梓

臨海宋氏

朝廷有道吾君聖辦作昇平老布衣

送劉鎮叔安入京

請居三山二十餘年真西山奏令自便趙用父使君爲倡餞其

行坐客二十八人分韻賦得君字

二十餘年謫宦身此行便可上青雲  
西山一手爲推轂

南浦幾人爭送君橫水流傳無垢集  
海神驚破老坡文

回頭莫有觀情處別酒須教滿十分

三山林唐傑潘庭堅張農師會於丁巖仲新樓

又攜詩卷到南州塵滿征衫雪滿頭  
桃李春風故園夢

江山落日異鄉愁樽前一笑真奇事  
坐上諸君盡勝流

政倚清談洗胸臆莫教王粲賦登樓



次韻杜運使見贈

飄零敢說是詩人故舊多居要路津窮賤交游誰復記  
江湖蹤跡早成陳無心涉世當歸隱有口逢人肯說貧  
家在翠屏山下住茅廬雖小可容身

訪漳州趙用父使君

幸遇故人爲太守客來不憚路程遙九龍山水連滄海  
五馬聲名動紫霄一意奉行寬大詔多君不負聖明朝  
欲知惠愛及人處聽取街頭賣炭謠

見會提刑兼安撫

端甫侍郎子也

傳家學術用如新風采英英照七閩口按併開都督府

石屏集

卷之六

重梓 臨海宋氏

平反專奉太夫人關河未定心憂國麾節相仍澤在民  
聞說青雲多故舊不應久作外臺臣

思歸

地上皇皇蟻蝨臣著衣與飯亦君恩不能待詔金鑾殿  
常欲獻詩光範門身在草茅憂社稷恨無毛髮補乾坤  
才疎命薄成何事白首歸耕東海村

躬耕海上奈無田乍可經營買釣船未有人供令狐米  
欲從鬼借尉遲錢回頭歸路三千里藉手還鄉五百篇  
幸遇太平時節好白雲深處了殘年

趙克勤會稟卿景壽同登黃南恩南樓

欲從高處賞新秋上盡層坡更上樓天地無窮吾輩老  
江山有恨古人休寧隨狡兔營三窟且跨飛鴻閱九州  
憶著當年杜陵老一生漂泊也風流

鄂州南樓不可到到此南樓眼亦青乾坤日月與高致  
城郭江山無遁形把酒縱談心耿耿倚欄遐眺鬢星星  
世間萬事關愁思莫使秋風吹酒醒

山行遇秀癡翁

新冬行樂賞新晴幾箇江湖舊友朋霜蟬得橙同臭味  
一作是水可臨山可梅花與菊作交承樽前盡是論文  
登竹所有松相映帶 客林下那逢一作好事僧機解到時言語別李翺詩句

石屏集

卷之六

重梓 臨海宋氏

入傳燈

石亭野老家

野老將余到石亭先呼小豹出相迎依憑林谷住家穩  
奔走兒童見客驚牛豕與人爭路徑桑麻繞屋蔽柴荆  
溪邊不合栽桃李猶恐春風惹世情

讀王幼學上殿劄子

才到朝廷被論歸孤忠幸有九重知神醫能識未蘇病  
國手難醫已敗棋四海爭傳長治策諸公如在太平時  
老夫懷抱緣何事未到秋來早自悲

謝史石窗送酒并茶



遺來二物應時需客子行厨用有餘午困政須茶料理  
春愁全仗酒消除不勝歡喜拜嘉惠無限殷勤作謝書  
君既有來何以報一牀新簟兩淮魚

閱舊稿見喬丞相詩跋因成此詩

三十年前舊詩冊兩行鈞翰儼如新自甘白屋爲寒士  
敢說黃扉有故人五兩十風勤變理九州四海費經綸  
年踰八十貂蟬貴不負明君恐負身

衡陽度歲

爲懷賈誼到長沙又過衡雲湘水涯詩酒放懷真是癖  
江湖久客若無家茫茫萬事生春夢草草三杯度歲華

右屏集

卷之六

毛臨海宋氏

重梓

把定東風笑相問忍將桃李換梅花

遇張韓伯說邊事

每上高樓欲斷魂沿江市井幾家存飛鴻歷歷傳邊信  
芳草青青補燒痕北上苦無多世界南來別是一乾坤  
相逢莫說傷心事且把霜螯薦酒樽

有議袁蒙齋者

世上苦無公是非譏評人物信猶疑鏡中妍醜無私照  
棋上高低有誤時懷古尚餘喬木在傷心惟許落花知  
黃金可辦將何用鑄出當年鍾子期

醉吟

草芽無路謁君王白首終爲田舍郎近讀南華資曠澤  
欲師西洛愧荒唐乾坤萬象供詩料風月一樓爲醉鄉  
日晚樓禽歸自樂飛鳴不是怨斜陽

慈雲避暑

相邀避暑到慈雲細聽諸君講見聞六月周宣歌北伐  
五絃虞舜奏南薰不憂冷澹無歡伯自致清涼有此君  
想像當時河朔飲樽前不用著紅裙

久客還鄉

短簷紗帽舊麻衣鐵杖扶衰步履遲老去分爲無用物  
客游誰道有歸時豐年村落家家酒秋日樓臺處處詩

右屏集

卷之六

毛臨海宋氏

重梓

生長此方真樂土江淮百姓政流離

聞時事

昨報西師奏凱還近聞北顧一時寬淮西勳業歸裴度  
江左聲名屬謝安夜雨忽晴看月好春風漸老惜花殘  
事關氣數君知否麥到秋時天又寒

寄趙得行

嘗有說諸公  
進詩之說

平生幸甚識諸公未免歸爲田舍翁詩稿敢求經御覽  
客生自笑坐天窮肯將釣手遮西日獨聳吟肩訴北風  
枉使西山有遺恨不能置我玉堂中

到鄂渚



連宵歌舞醉東樓不信樽前有別愁  
半夜月明何處笛  
長江風送故人舟十年浪跡游淮甸  
一枕高眠到鄂州  
明日擬蘇隄上看當春楊柳政風流

艤棹清江

艤棹江濱訪舊游十年重到戲魚洲  
不知芳樹在何許  
但見落花從此流我醉欲眠因假榻  
客行未定且登樓  
有錢贖買張家酒準備明朝話別愁

萬安縣芙蓉峯

凌空傑閣爲誰開隔岸芙蓉不用栽  
今古相傳彩雲現  
江山曾識大蘇來酒邊歌舞共一笑  
客裏登臨能幾回

右屏集

卷之六

三  
臨海宋氏

翠浪玉虹從此去明朝人在鬱孤臺

汪見可約游青原

來訪青原古釣磯溪流滾滾濯龍奇  
一茶可款從僧話  
數局爭先對客棋雲雨那能敗吾事  
山林政喜得君詩  
石頭路滑籃輿小換得扁舟在水湄

除夜

掃除茅舍滌塵囂一炷清香拜九霄  
萬物迎春送殘臘  
一年結局在今宵生盆火烈轟鳴竹  
守歲筵開聽頌椒  
野客預知農事好三冬瑞雪未全消

黎明赴約尋梅

霽雪園林燦陸離九峯山下探梅時  
三川風月醉中見  
百里襟懷琴上知老樹著花春到早  
長街籠燭夜歸遲  
奚囊一路生光彩中有琴堂倡和詩

葉宗裔爲令叔求竹山詩

愛竹舊稱王子猷今君異世等風流  
山中便是清涼國  
門下合封瀟灑侯有此一堂真可隱  
不妨諸姪與同游  
吟邊想像參差綠許我攜琴一到不

景分明似渭川竹山堂好以人賢蘭  
亭價爲羲之重  
峴首名因叔子傳紫翠數峯長在眼  
琅玕萬箇欲參天  
老夫身墮塵埃底遙挹清風亦灑然

右屏集

卷之六

三  
臨海宋氏

春日風雨中

蕭蕭風雨閉柴門年紀衰頹病著身  
大似梁鴻居海曲  
略如公幹臥漳濱三春晴暖無多日  
一世安閒有幾人  
聞道明朝新醞熟不妨祭竈請比鄰

寄吳明輔秘丞

吾鄉幸有吳夫子星斗網羅文字胸  
百鳥收聲聽鳴鳳  
千山落木秀孤松旁通滄海江山水  
高壓雲城怡憤峯  
每見一斑三歎息白頭未得奉從容

七十七翁猶眼明三台星畔見奎星  
文章有氣吞餘子  
議論無差本六經愧我不能攀逸駕  
得君自足振頽齡



玉溪常與荆溪接分得餘波到石屏

靈洲梅花

穿林傍水幾平章合有春風到草堂自入冬來多是暖  
無尋花處卻聞香枝南枝北一輪月山後山前兩履霜  
直看過年開未了醉吟且放老夫狂

寄廣西漕陳魯叟誥院

四海元龍百尺樓一詩詩酒寄同游好山歷歷在人眼  
流水滔滔任客舟歸雁欲從何處去落花恨不為春留  
錦囊佳句無人問自別君來白盡頭

隨軍轉運司王宣子上巳日會客

石屏集

卷之六

三

臨海宋氏  
重梓

邊頭相遇若相期又見隨軍轉運司憶昨醉君京口酒  
傷今讀我石壕詩蘭亭飲客酬佳節淝水收功定幾時  
準擬看花花較少春風全在綠楊枝

湖廣李漕革夫大卿飲客西湖

一作湘

管領風光此會稀坐中賓客總能詩神仙有洞尋難見  
山水當軒看轉奇春不再生陶侃柏人來多打李邕碑  
因思屈賈傷今古國有忠臣無用時

曾雲巢同相勉李玉澗不赴召

詔書催赴紫宸班九奏君王乞桂冠日暮倒行非我事  
急流勇退有何難地靈不隱金砂勝秋水長流王

一作意

澗寒好把山林寄圖畫試教天下故人看

寄撫州樓使君

夢上江西江上船行隨五馬五峯前臨川太守賢無敵  
攻媿先生學有傳家政可書循吏傳斯民共樂太平年  
不知擬峴臺前眼公暇清吟得幾篇

江山

一作江上

借得茅樓一倚欄見成詩句滿江天歸鴉啼處客投宿  
野鶴飛邊人上船老眼尚嫌隨物轉閒心可惜被貧牽  
平生錯做功名夢金印何如須一作二頃賢一作田

京口遇薛野鶴

石屏集

卷之六

三

臨海宋氏  
重梓

天下江山第一州可能無地著風流黃金不愛買官職  
白髮猶看上酒樓懊恨牡丹遭雨厄叮嚀芍藥為春留  
狂吟有禁風騷歇語燕啼鶯代倡酬

題邵武熙春臺呈王子文使君

步到風烟上上頭恍如造物與同游三千表裏重圍過  
一水中間自在流近郭樓臺隔雲見鄰峯鐘磬出林幽  
風流太守詩無敵有暇登臨共倡酬

秋日病餘

桂子吹香風露深老夫吟了聽蟬吟秋來賸有行山興  
病後全無涉世心詩苦積成雙白鬢酒豪輕用萬黃金



平生意氣今如許獨抱傳家一破琴

次韻郡倅王子文小園詠春

州縣徒勞喜近民間何事不關心誰知風月臺中客  
自是絲綸閣上人萬口綠垂楊柳雨一梢紅破海棠春  
小園暫作風光主朝馬行隨輦路塵

安豐倅李華被旨監軍入閩討賊華身督諸將先

破賊巢穴所嚮輒勝招捕使之成功監軍之力居

多守汀州四年民賴以安有應變壓難之才僕游

汀郡間實知其詳為賦二首

三年壯士起淮濱賈勇從公定七閩在昔鼙鼓中夜嘯

石屏集

卷之六

三

臨海宋氏

而今桃李萬山春臨危性命輕如葉破敵機鋒妙若神

自此南人不復反使君還亦是天人一作口口一年駐

風塵滿懷翰略高口口破敵機鋒妙獨神在昔鼙鼓中夜嘯而今桃李萬山春南人自此不復反北望關河事

新業

英雄疎略書生腐才調如公天下無眼底紛紛付談笑

廟中事事有規模從他要路爭馳轂獨坐扁舟再破符

平寇功成在誰手亂山深處問樵夫

海上魚西寺

北風三月弭行舟登陸因為島寺游自笑奔馳如野馬

本無拘束似沙鷗人誰與語徒緘口山有可觀頻舉頭

小雨疎簾晚來景老僧相對倚鐘樓

甘窮

自甘寂寞坐詩窮何取多牛積穀翁痛飲不孤連夜月  
浮生禁得幾秋風芙蓉媚日紅相對螃蟹著霜黃在中  
白盡鬚毛無可老此身未死抑愁儂

詠梅投所知

潔白無瑕美不嬌炯如珠玉粲林皋獨開殘臘與時背  
奄勝眾芳其格高欲啟月宮休種桂如何仙苑卻栽桃  
不將品質分優劣痛飲花前讀楚騷一作爛

黃州竹樓呈謝國正

石屏集

卷之六

三

臨海宋氏

每日黃堂事了時一心惟恐上樓遲發揮天地讀周易

管領江山歌杜詩切戒吏來呈簿領常邀客至共琴棋

風流太守誰其似半似元之半牧之

漢陽登覽呈王中甫使君

西州城郭雖然小江漢規模壯矣哉大別山頭觀禹跡  
楚波亭上望湖臺蕭蕭修竹鳳不到漠漠平沙雁又來  
五馬相邀共登覽欲酬秋興費詩材

簡陳叔方問病

聞君臥病知何病醫者難從脈上尋自是讀書多損氣  
或緣憂國動君心飽參妙理牀頭易細寫幽懷膝上琴



蛇影無疑自無恙此方何止值千金

鍾春伯園林

西風吹起蓴鱸興八座歸來有此山林麓雨峯亭榭外  
瀟湘一片水雲間天生景物四時好人滿乾坤幾箇閒  
語喚石屏非浪語常思蠟屐共躋攀

清明前夢得花字

白頭那辨老生涯幸有癡兒可主家百歲光陰一場夢  
三春消息幾番花掃松預造清明酒入峽先租穀雨茶  
隨分支吾度時節那求不死煉丹砂

題王制機池上千巖奇觀

右屏集

卷之六

三五

臨海宋氏  
重梓

華堂掩映一池清著此崔巍若畫成胸次瓊瓏具邱壑  
世間髣髴見蓬瀛碧雲堆上千峯立綠水光中萬象生  
欲去河陽種桃李回頭又覺宦情輕

訪慧林寺僧因有詩

故人有約訪鄉僧少坐西林待晚晴雙燕護雛更出入  
羣鴉攪肉鬪飛鳴長溪積水流無盡古木號風訴不平  
一段現成公案在請君剖斷要分明

陳漕領客西園賞海棠

追隨玉節賞仙葩滿座風流客更嘉錦繡有光搖竹影  
珍珠無價買春華猩紅滴滴嬌含蕊雪白紛紛老半花

肯對騷壇輕著語后山詩句已名家

王和甫主簿卜地改葬雙親一夕夢到一處風水

佳甚及到雁蕩羅漢寺後山宛如夢中所見及造

墳泉石之中獨有一穴僅可容雙親孝感如此

仇香竭力奉雙親孝感於天得此墳泉石中藏一抔土

來山對面五峯雲龜鸞遠近參差見龍虎低昂左右分

早見凌雲牡丹現他年朱紫定紛紛旁有龜鸞峯前  
有凌雲巖時有牡丹

現也

喜梅雨既晴

屋角鳴禽弄好音樓頭夏木綠陰陰鑷空白髮愁根在

右屏集

卷之六

美

臨海宋氏  
重梓

熟盡黃梅雨意深苦榻有泥妨客坐稻田足水慰農心  
老夫已作豐年想鼓腹思為擊壤吟

李司直會客吳運幹有詩次韻

使君高會集羣仙也使狂夫坐細氈白璧一雙酬議論  
青春十載棹觥船客愁遇酒退三舍梅信與春開一先  
已辦扁舟明日去幾時重得到花前

一相識無辜獲罪

一宿津亭睡不成愁來物物是離情月輪高挂山河影  
江浪巧為風雨聲志士失塗為鬼笑佳人泣血送君行  
塞翁得馬非為福公論如天久自明



送黃教授日巖之官章貢

久矣聞名不相識江湖還有見君時  
出人意表發公論入我眼中多好詩  
欲對春風開笑口不堪世事尚愁眉  
憑誰寄語一作謝安石莫為蒼生起太遲  
時名崔丞相不出

家居復有江湖之興

寒儒家舍只尋常破紙窗邊折竹牀  
接物罕逢人可一作好語尋春多被雨相妨  
庭垂竹葉因思酒室有蘭花不炷香  
到底閉門非我事白鷗心性五湖旁

題亡室真像

求名求利兩茫茫千里口口賦悼亡  
夢井詩成增悵恨

石屏集

卷之六

毛臨海宋氏重梓

鼓盆歌罷轉淒涼情鍾我輩那容忍  
乳臭諸兒最可傷拂拭丹青呼不醒  
世間誰有返魂香

題趙忠定公雪錦樓詩

斷句云早晚扁舟會東下莫占衡嶽問歸程人以爲

後來請居之識云

九鼎重安國勢牢功名易辦謗難逃  
手扶日月掃雲霧身向江湖直羽毛  
雪錦詩成先識兆金滕書啟見勤勞  
紛紛論定知忠定不負朝廷兩字褒

陪厲寺丞賞芍藥

黃堂開宴領佳賓白鷺青鸞景一新  
寄與江山見名勝折衝樽俎靜風塵  
醪醑壓架垂垂老芍藥翻階楚楚春

從此廬陵作佳話平分風月兩詩人

次王應求韻

逐日輪蹄走四方來來去去爲何忙  
無人肯問山林樂舉世爭趨名利場  
以道自修身是寶無求何用智爲囊  
愛梅栽竹平生語吐出清風六月涼

郡圃寒食

與民同樂一開園佳節何曾禁得烟  
拍岸綠波浮艸艸翻空紅袖打鞦韆  
眼看花柳心如醉身在蓬瀛我亦仙  
明月徐翁墳上約欲求竹帚恐無緣

杜仲高相遇約李尉

石屏集

卷之六

毛臨海宋氏重梓

胸中無地著塵埃有我惟堪把酒杯  
苦恨好山移不得生憎俗客去還來  
秋風吹老東籬菊春信攙開北嶺梅  
管領風光須我輩急吹短笛棹船催

題蕭宰十二詠堂三山兩水之亭

百載園林復故廬收功全在五車書  
一翁二季蘇家樣三水兩山喻曲居  
十二詠成傳不朽三千篇出又何如  
年來事事如人意敢請先生賦遂初

陪虞使君登岳陽樓

片帆飛過洞庭來百尺巍巍水面開  
疑泛靈槎上河漢如從弱水到蓬萊  
鈞天廣樂無聞矣袖斂仙人安在哉



物物盡隨波浪去君山一點獨崔嵬

贈洞霄道士

高枕清流臥白雲靈龜骨相鶴精神凡為九鍊山中客  
定是羣仙數內人馴虎巖前攀逸翠斬蛟亭下濯征塵  
鍊師莫笑狂夫老乞我金丹養病身

閱世

一癩一愚兼一癡從來智士巧能為坦途失腳陰山險  
暗室萌心天地知江水長流無盡意夕陽雖好不多時  
老夫閱徧人間事欲和寒山拾得知

石屏集

卷之六

三  
重梓  
臨海宋氏

不愛贏餘馬少游何須纍纍兼若若終成莫莫與休休  
花前適意三杯酒萬事忘機對白鷗

少筭

吾生落落果何為世事紛紛無了期少筭人皆嘲我拙  
多求我卻笑人癡庭花密密疎疎蕊溪柳長長短短枝  
萬事欲齊齊不得天機政在不齊時

南康六老堂

廬山腳下開亭館奈此千峯百嶂何逸少大書池上壁  
少陵狂作醉時歌碧荷秋老香猶在好月夜深明更多  
五老揖君天上笑把杯相對酌金波

韓張亭

昌黎謫宰臨武張御史宰連山二公相會於此亭

此地會樓雙鳳凰登高懷古北風涼忠規萬乘龍顏紫  
謫遇千山鳥道荒百里隣居天作合兩賢名與日爭光  
幾人緘口貪官職身在朝廷志已忘

處世

風波境界立身難處世規模要放寬萬事盡從忙裏錯  
一心須向靜中安路當平處經行穩人有常情耐久看  
直到一作道始終無悔吝旁生枝葉便多端

送別朱兼僉

恰喜相逢又語離愁於江上送君時清談未了風吹斷  
石屏集

卷之六

三  
重梓  
臨海宋氏

白髮可憐天不知樗木自肥傷竹瘦海棠先放笑梅遲  
黃堂若問痴頑老新有登樓二十詩

題王制機新樓

綠雲圖上新樓負彈壓江山氣勢豪手拍危欄口星斗  
目窮滄海見波濤人間何處望不到天下有樓無此高  
俯視河陽桃李巷清風吹斷市塵囂

呈姚顯叔奉親送死極孝

雁去多年缺寄音扁舟無復到山陰臥牛岡上經過少  
下馬陵前感慨深細讀文公千字誄足知孝子一生心  
無才為足招魂些自有悲風宰樹吟



題姚顯叔南嶼書院

朝夕置身書卷間紛華滿眼幾曾看山林不受塵埃點  
屋宇無多氣象寬立脚怕隨流俗轉留心學到古人難  
漫山桃李爭春色輸與寒梅一點酸

寄朱仲是兼僉

光陰日夜催吾老已作雞皮鶴髮翁萬事裝成百年夢  
五行注定一生窮殘花但有凋零分枯木難沾造化功  
若見黃堂煩寄語何如停我雪樓中

寄項宜甫兼簡韓右司

匆匆不暇去相違草草吟成送別詩千里江山客行遠  
石屏集 卷之六 望 臨海宋氏 重梓

三秋風雨桂開遲安居但欲無公事舉枉終須有直時  
若見右司煩寄語世間公道要扶持

閱四家詩卷翁際可薛沂叔孫季蕃高九萬

閱盡四家詩卷子自然優劣在其中石龜野鶴心相合  
菊欄花翁道不同鳴鳳翱翔上霄漢亂蟬蕭瑟動秋風  
一篇論盡諸家體憶著當年鞏睡翁

謝吳秘丞作石屏後集序

說破當年舊石屏自慚無德又無能嚮來江漢疎狂客  
今作山林老病僧高臥一樓成宇宙冷看獨口當賓朋  
惡詩有誤公題品不是夔州杜少陵

有感

老子生來世法疎白頭思欲把犁鋤摩挲此腹空無物  
僥倖虛名媿有餘憔悴不堪漁父笑寒暄無益貴人書  
詩家幸有嚴華谷襟誼猶能眷眷予

湘中

一棹無情度碧湘行行不脫水雲鄉旗亭少飲春醪酒  
薄舍新炊晚稻香簫鼓遠來朝嶽去包籠爭出趁墟忙  
塗人有媿黃居士十載看經不下堂

九日櫺洲舟中

幾年重九客他州小泊櫺田古渡頭人向飲中言我樂  
石屏集 卷之六 望 臨海宋氏 重梓

誰知笑裏是吾愁黃花可忍拋三徑白髮猶堪耐幾秋  
今日登高無處所一樽攜上枕紅樓

曾景建得罪道州聽讀

聞說烏臺欲勘詩此身幸不墮危機少陵酒後輕嚴武  
太白花前忤貴妃遷客芬芳窮也達故人評論是耶非  
飽參一勺濂溪水帶取光風霽月歸

朱行父留度歲

衡山之下湘江上風月留連去較遲四海弟兄多不遇  
一門父子兩相知梅邊竹外三杯酒歲尾年頭幾局棋  
羈旅宦游俱是客細論心事共題詩



梅花

瀟灑春葩縞壽陽百花惟有此花強月中分外精神出  
雪裏幾多風味長折向書窗疑似玉吟來齒頰亦生香  
年年茅舍江村畔句引詩人費品量

金陵游覽用劉子明韻

英雄割據已焉哉逝水滔滔去不回里巷難尋王謝宅  
江山空對鳳凰臺登臨無伴詩為侶興廢不知梅自開  
同是游人不同樂青樓歌舞待君來

呈趙園令

碧雲屏嶂碧瑤池萬象前陳屬指揮髣髴神仙居處好  
石屏集 卷之六 臨海宋氏

尋常賓客到來稀荷花香裏渾無著棋子聲中卻有機  
別院笙歌促君去野夫自步月明歸

吉州堆勝樓謝景周司理居其上

半天輪奐獨巍峩遙望青原瞰碧螺納納乾坤森萬象  
重重洲渚繞層波詩情雅與江山合酒興偏於故舊多  
靴笏縛君難放浪樽前狂客自高歌

吳子似提幹九高亭小景

前日作詩題大概亭前小景亦堪題綠楊樹下茅三架  
白水田頭菜兩畦似酒新鷺初泛浦如孩黃犢試牽犁  
十分野趣關心事到此令人憶剡谿

泉州紫極宮壽星殿古檜諸葛機宜同賦

浪說陳朝八檜碑何如此檜古而奇靈根據地高千尺  
黛色浮空閱四時人欲棟梁勞想像樹存陵谷有遷移  
壽星賜汝長生訣化作蒼龍守殿墀

都中次韻申季山

車馬喧臨十二門樂從閒處度朝昏詩書豈為功名重  
軒冕何如道誼尊志士不能行所學明君亦或諱忠言  
世間事事如人在未必商山有綺園

蘄州上官節推同到浮光

馬蹄相逐到浮光客裏相寬對舉觴夜暖試鋪新枕簟  
石屏集 卷之六 臨海宋氏

曉寒仍索舊衣裳櫻桃著雨便成腐柳絮隨風如許狂  
連歲經行淮上路憂時贏得鬢毛蒼

贛州呈雪篷姚使君

白旗走報山前事昨日官軍破綠林千里人烟皆接堵  
一村農事最關心不知郊外雨多少試探田間水淺深  
翠玉樓中無限好可無閒暇一登臨

撫州節推蕭學易衙字一新

掇取高科如拾芥愛君才調望君深莫誇書判居蓮幕  
要把文章入禁林華屋修成官滿去好詩改定客來吟  
西窗共對蕭蕭竹不負三杯話此心



汪見可教授約諸丈鳳山酌別

鳳凰洲上鳳凰山草草登臨見一斑不立樊墻天廣大  
賸栽花竹地寬閒白雲四面峯千疊綠柳前頭水一灣  
行色催人詩未就寄情庭院落花間

吉州李伯高會判送鹽蠟子魚比海味之珍者未

免為鱸魚動興

每思鄉味必流涎一物何能到我前怒奮兩螯眸炯炯  
飽吞三印腹便便形模突出鹽池底風味橫生海口邊  
合為蓴魚動歸興久拋東浦釣魚船

癸巳端午呈李伯高

石屏集

卷之六

吳 臨海宋氏 重梓

客裏幾逢端午節看成雪鬢與霜髯救人采得三年艾  
背世翻成六日蟬老境可憐歸未得羈懷常是病相兼  
猛思一醉酬風月笑撚菖花揭酒帘

李深道得蘇養直所為深字韻一首不知題何處

景俾跋其後

唐人詩云欲向愁烟問  
故宮又恐愁烟推白鳥

都來五十有六字寫出山林無限奇當日所題何處景  
祇今但見後湖詩一言一語堪傳世某水某邱仍屬誰  
試向愁烟推白鳥無情白鳥又何知

與姪南隱等賡和

夢回啼鳥話幽樞古篆香烟結畫屏談塵一揮塵事少

離騷纔讀醉魂醒閒居便是人間樂克已何須座右銘  
但了耕桑口門戶我生安分合寧馨

石屏久游湖海祖妣遂題二句於壁云機番白苧

和愁織門掩黃花帶恨吟後石屏歸祖妣已亡矣

續成一律

世罕案此詩係明  
人蒐刻時補入

伊昔天邊望藁砧天邊魚雁幾浮沈機番白苧和愁織  
門掩黃花帶恨吟自古詩人皆浪跡誰知賢婦有關心  
歸來卻抱雙雛哭碑刻雖深恨更深

石屏集

卷之六

吳 臨海宋氏 重梓

石屏詩集卷第六終

太平謝式南校字



石屏詩集卷第七

絕句

臘梅二首

天寒好風日清香透窗紗誰知口脾底有此返魂花  
籬菊抱香死化入歲寒枝依然色尚黃雪中開更奇

汀州道上

宇內何寥落客行雙鬢華千山萬山底老眼付梅花

題周仁甫占香堂二首

一登君子堂滿目是秋光桂是月中桂花非今日香

秋風動窗戶兼聞書傳香種花兼種德富有折桂郎

石屏集

卷之七

臨海朱氏  
重梓

寄興代作

長願如人意一生無別離妾當年少日花似半開時

黃金無足色白璧有微瑕求人不求備妾願老君家

贈萬杉老秀癡翁二首

識得慶雲和尚不癡自號癡翁此老端如五老高出廬

阜諸峯

讀儒書五千卷通禪門八萬條宴坐萬杉林下四旁風

雨蕭蕭

江村晚眺二首

數點歸鴉過別村隔灘漁笛遠相聞菰蒲斷岸潮痕溼

日落空江生白雲

江湖落日照平沙潮退漁舸閣岸斜白鳥一雙臨水立

見人驚起入蘆花

見山居可喜

一溪盤曲到階除四面青山畫不如修竹罩門梅夾路

詩人居處野人居

初夏

紅紫光陰不久長一聲啼鴉靜年芳陰陰綠樹黃鸝語

將與人間作夏涼

桂

石屏集

卷之七

臨海朱氏  
重梓

金谷園林知幾家競栽桃李作春華無人得似天公巧

明月中間種桂花

江陰浮遠堂

橫岡下瞰大江流浮遠堂前萬里愁最苦無山遮望眼

淮南極目盡神州

淮村兵後

小桃無主自開花烟草茫茫帶曉鴉幾處敗垣圍故井

嚮來一一是人家

盱眙北望

北望茫茫渺渺間鳥飛不盡又飛還難禁滿目中原淚

莫上都梁第一山

訪友人家即事

爛茅遮屋竹爲牀口誦詩文鬢已蒼  
妻病無錢供藥物自尋野草試單方

晚春

池塘渴雨蛙聲少庭院無人燕語長  
午枕不成春草夢落花風靜煮茶香

揚州端午呈趙帥

榴花角黍鬪時新今日誰家不酒樽  
堪笑江湖阻風客卻隨蒿艾上朱門

石屏集

卷之七

三

臨海宋氏重梓

次韻郭子秀曉行

脫葉園林帶曉鴉馬蹄步步踏霜華  
山邊水際頻疑顧怕有寒梅昨夜花

山村

山崦誰家綠樹中短墻半露石榴紅  
蕭然門巷無人到兩個孫隨白髮翁

萬竹梢頭雲氣生西風吹雨又吹晴  
題詩未了下山去一路吟聲雜水聲

題吳熙仲雲萍錄

家在蓬萊海上居出身履歷一時無  
姓名羞上雲萍錄

本是烟波一釣徒

湘中遇翁靈舒

天台山與雁山鄰只隔中間一片雲  
一片雲邊不相識三千里外卻逢君

客中秋晚

榴花纔放客辭家客裏因循見菊花  
獨坐西樓對風雨天寒猶自著輕紗

都中冬日

脫卻鷄裘付酒家忍寒圖得醉京華  
一冬天氣如春暖昨日街頭賣杏花

石屏集

卷之七

四

臨海宋氏重梓

湖上

湖上團團三十里若非楊柳卽樓臺  
城門未鎖黃昏月更佳旗亭把一杯

冬至

時光流轉尋常事世故驚心感慨多  
一歲休祥在雲氣今朝雲氣果如何

釣臺

萬事無心一釣竿三公不換此江山  
平生誤識劉文叔惹起虛名滿世間

端午豐宅之提舉送酒



海榴花上雨蕭蕭自切菖蒲泛濁醪今日獨醒無用處  
爲公痛飲讀離騷

同蘄州上官節推登光州增勝樓

增勝樓中共倚欄平原渺渺接青山夕陽明處人烟少  
胡馬曾來闖五關

次韻梅花

百花看徧莫如梅更向羣芳缺際開寒冷怕行門外路  
爲渠踏雪過山來

除曠

東風滿架索春饒三月梁園雪未消賸馥何人炷蘭麝  
石屏集 卷之七 五 臨海宋氏 重梓

柔枝無力帶瓊瑤

次韻盧申之正字野興

芋圃蔬畦接井湄茅簷四面槿籬圍門前盡日無人過  
半渡橫塘野鴨飛

題黃州謝深道國正山庵

就荒山竹重抽笋新種池荷晚著花意象全然似村落  
又添茅屋兩三家

題郭子奇野趣

菜花園圃槿花籬麥滿前坡水滿池野老橫竿攔鴨過  
牧兒攜笛倚牛吹

山中見梅

踏破溪邊一徑苔好山好竹少人來有梅花處惜無酒  
三嗅清香當一杯

湘西寺觀瀾軒

東岸樓臺西岸山瀟湘一片在中間紅塵不到滄波上  
僧與白雲相共閒

道鄉臺

萬里南遷直諫臣世間無地可容身夜衝風雨過湘水  
賴有青山作主人

定王臺

石屏集 卷之七 六 臨海宋氏 重梓

長沙米換長安土築此崔嵬寄遠觀客子登臺千載後  
倚欄亦欲望長安

陶侃栢

四絕堂前栢樹晉人栽植宋人吟無枯無葉無吟處  
聊寓一時懷古心

東池載叔倫隱居之地

來尋吾祖隱居處嫋嫋春風吹酒旗手把梅花寄愁絕  
東池只是舊東池

寧鄉道上遇張伯聲

山禽調舌待春晴江雨收聲開曉晴偶遇故人同杖屨

梅花樹下一詩成

初夏游張園

乳鴨池塘水淺深  
熟梅天氣半晴陰  
東園載酒西園醉  
摘盡枇杷一樹金

鄂渚解纜

日日言歸不得歸  
今朝真箇是歸期  
西樓烟水南樓月  
別後何人更有詩

別許季如

久不相逢喜合簪  
相從未久又分襟  
扁舟自逐便風去  
卻恨無情江水深

石屏集

卷之七

七

臨海宋氏  
重梓

船過桐江懷郭聖與

只言君在桐江住  
及到桐江不見君  
日暮空山獨惆悵  
不知又隔幾重雲

買歸舟篙子請沽牌戲成口號

詐稱官職不如休  
白板無題又可羞  
只寫江湖散人號  
不然書作醉鄉侯

書事

打鼓行船未有期  
恰如江上阻風時  
詩中一段閒公事  
幸不妨人喫荔枝

綠陰亭自唐時有之到今五百年盧肇二三公題

詩之後吟聲寂寂久矣亭前古木不存綠陰之名

殆成虛設今詩人李賈友山作尉於此實居此亭

公事之暇與江山風景應接境因人勝見於吟筆

多矣友人石屏載復古訪之相與周旋於亭上題

四絕句以紀會來

五百年前作此亭亭前古木綠陰清而今古木無存者

賴有新亭繫舊名

慘慘秋風吹客襟  
唐人遺跡宋人吟  
浮雲世事多遷變

不獨此亭無綠陰

遠山橫碧一溪清  
白鳥飛邊落照明  
吏散庭階無一事

石屏集

卷之七

八

臨海宋氏  
重梓

綠陰亭上又詩成

遠一作干

政是國家多事秋  
渝川縣尉亦風流  
吟詩不廢公家事  
坐使孟郊輸一籌

次韻谷口鄭東子見寄

閉門覓句飯牛翁  
囊有新詩不怕窮  
十里梅花生眼底  
九峯山色滿胸中

不管家居四壁空  
琢成佳句有神工  
謫仙會有金鑿召

莫道詩人命不通

相看俱作白頭翁  
出處規模自不同  
我走江湖作狂夢

若能面壁課成功



一生漂泊客途中挾技從人類百工白首歸來入詩社  
猶思渭北與江東

吾鄉自昔詩人少委羽先生後有翁坐客無羶君莫笑  
雲臺有集繼家風鄭谷有雲臺集

自笑詩人多好酒君能不飲任樽空勸君莫倚醒醒眼  
卻笑旁人醉面紅

寄後村劉潛夫

朝廷不召李功甫翰苑不著劉潛夫天下文章無用處  
奎星夜夜照江湖

擁節持麾澤在民仰看臺閣笑無人劉蕡一策傳千古  
石屏集 卷之七 九 臨海宋氏 重梓

何假君王賜出身

客游仙里見君時擁絮庵中共說詩別後故人知我否  
年幾八十病支離

中秋李漕石洲冰壺宴集

把酒冰壺接勝游今年喜不負中秋故人心似中秋月  
肯爲狂夫照白頭

登樓絕句和者甚多又從而用韻擇其可錄者錄之

勞生百計不如閒合把人間比夢間天與老夫供享用

一樓風月兩屏山有前屏後屏

心地清涼日日秋怕沾塵土莫低頭置身不在衆人下  
處處皆成百尺樓

小樓題了又還題一段風流在水西白鳥飛來知嚮背  
青山元自有高低

富貴於人造物慳出門又覺世途艱樓頭適意三杯酒  
木末清風雨後山

寄上趙南仲樞密

貴爲公相不如歸一夕飄然去不知樂在五湖風月底  
扁舟載酒對西施

能爲明哲保身謀富貴功名總罷休早向急流中勇退  
石屏集 卷之七 十 臨海宋氏 重梓

歸來閒伴赤松游

初夏

等閒過了一年春雨後風光夏景新試把櫻桃薦杯酒  
欲將芍藥贈何人

覓芍藥代簡豈潛

照映亭池芍藥春紅紅白白鬪精神與其雨打風吹去  
爭似殷勤折贈人

趙葦江與東嘉詩社諸君游一日攜吟卷見過一

語謝其來

白首無聊老病軀一心惟覓死頭顱時人誤口口花看



今日枝頭雪也無

得早梅一枝攜訪酒家

旗亭沽酒少裴回左手梅花右手杯眼見枝頭開數蕊  
春風自我掌中來

巾子山翠微閣

雙峯直上與天參僧共白雲棲一庵今古詩人吟不盡  
好山無數在江南

贈饒叔虎談易論命多奇中

中年多病早衰翁詩不能工枉受窮郊島五行君識否  
要知我命與渠同

石屏集

卷之七

十一 臨海宋氏

招山乃詩人劉叔擬故居朱清之得其地清之赴

南宮中道而返就招山下築不久亦去世

半路袖回攀桂手一生才遂買山心要知此老風流處  
來向劉郎吟處吟

有錢可買滄浪景無術能還夢幻身一段江山寄愁絕  
百年不見兩詩人

湖南漕李革夫被召乃丐歸

浪說歸朝歸豫章新居萬柳百花旁何如表奏明光殿  
乞取東湖作醉鄉

軒冕難遮兩鬢華官居雖好不如家一心嬾上朝天馬

要趁春風歸種花

清明感傷

客中今日最傷心憶著家山松樹林白石岡頭聞杜宇  
對他人墓亦沾巾

次韻李伯高

蓮幕高吟冰雪篇天才秀發思華年千金買得驚人句  
落在雞林渡海船

嶽市勝業寺悅亭

尋幽攬勝老猶勤但覺吟身瘦幾分淨洗一生塵土眼  
細看七十二峯雲

石屏集

卷之七

十一 臨海宋氏

訪舊

欲尋西舍問東鄰兩巷都非舊住人惟有桑邊石池在  
依然春水碧粼粼

代簡荅夏肯甫

六七十里不為遠百書不如一會面之子相期十日間  
要與梅花併相見

寄劉潛夫

時在建康作制幹唐人詩芳譽香名滿數車

八斗文章用有餘數車聲譽滿江湖今年好獻南郊賦  
幕府文章有暇無

周子益年八十赴殿

所居勝日漁村



七尺漁竿八十翁釣絲輕裊荻花風功名未遂英雄老  
人道磻溪卽箇中

拋卻漁村老釣竿手遮西日上長安青衫著了尋歸路  
莫過羊裘七里灘

觀捕黃雀

披緜爭啄晚禾秋決起森然網扼喉一飽等閒輸性命  
知機萬不及沙鷗

九日

醉來風帽半欹斜幾度他鄉對菊花最苦酒徒星散後  
見人兒女倍思家

石屏集

卷之七

十三

臨海宋氏  
重梓

雪中觀梅鄭子壽畏寒不到

孤負溪橋雪與梅怕寒不肯出門來欲邀鄭老同清賞  
爭得梅花六月開

鄭子壽野趣燒燭醉梅花

古瓶斜插數枝春此卽君家勸酒人移取堂前雙蠟燭  
花邊照出玉精神

東湖看花呈宋原父

團團堤路行無極一株一步楊柳碧佳人反覆看荷花  
自恨鬢邊簪不得

贛州上清道院呈趙雪篷

短牆不礙遠山青無事燒香讀道經時把一杯非好飲  
客懷宜醉不宜醒

無題

憶聞春燕語雕梁又聽秋鴻叫斷腸一縷沉烟飛不過  
兩樓相對立斜陽

到西昌呈宋原父伯仲黃子魯諸丈

一秋無便寄平安新雁聲聲報早寒昨夜檢衣開故篋  
去年家信把來看

扁舟幾度到南昌東望家山道路長醉裏不知身是客  
故人多處亦吾鄉

石屏集

卷之七

十四

臨海宋氏  
重梓

入閩道中

山中寂寞去程賒莫惜頻頻到酒家行李蕭然還不俗  
擔頭顛倒插梅花

嚴儀卿約李友山高與權酌別

江天慘澹日淒涼木未經霜葉未黃今日樓頭一杯酒  
明朝行客在誰鄉

李敷文酌別席上口占

客子明朝早問程樽前今夜苦  
離別不使佳人唱渭城

李友山索詩卷汀州急遞到邵武

清時無事更年豐兩地風光詩詠中可是山前無警報  
旗鈴千里遞詩筒

題牛圖

牡丹花下連宵醉今日閒看黑牡丹得此躬耕東海曲  
一貧無慮百憂寬

既別諸故舊獨黃希聲往曲江稟議未回不及語  
離

別盡諸君不見君客愁多似海南雲一聲何處離羣雁  
那向江村靜處聞

老年懷抱晚秋天欲去思君重黯然聞道歸來有消息

石屏集

卷之七

五

臨海朱氏  
重梓

江頭錯認幾人船

林伯仁話別二絕

別酒三杯醉不知梅花嶺外故人稀片心暗逐白雲去  
日日向君行處飛

茉莉花邊把酒卮枕柳樹下共談詩醉來一枕西窗下  
酒醒方知有別離

題陳景明梅廬

手栽梅核待成林慈母當年屬望深梅未成林人已往  
空酸孝子一生心

思親如海渺無涯觀物驚心感歲華誰見詩人心苦處

年年揮淚看梅花

題蔡中卿青在堂二絕

蕭蕭灑灑屋三間日日開門見好山但使青青長在眼  
一毫塵俗莫相干

幾人富貴不能閒夜運牙籌日跨鞍役役一生忙裏過  
不知屋上有青山

劉子及贈瑞柱

秋光點點明人眼不比尋常巖桂花天與劉郎作嘉瑞  
枝枝金粟間丹砂

寄玉溪林逢吉六首癸卯春

石屏集

卷之七

六

臨海朱氏  
重梓

經年不見玉溪翁百里江山萬里同無計相從話心曲  
時揮一紙寄西風

問君那向城中住賴有清風濯市塵門外數根楊柳樹  
細看別作一家春

心腹相知會面稀一春未有盞簪期西窗風雨愁眠夜  
夢到君家賦小詩

陋巷深深屋數椽以文爲業硯爲田一觴一飯常留客  
知是君家內子賢

老夫時作白頭吟爨下焦桐孰賞音敢望荆溪作詩跋  
自慚敝帚享千金



王建不能憐賈島吟邊懷抱向誰開扶病欲迎新太守  
不知千騎幾時來

重陽

茱萸半紫菊花黃時節催人日夜忙便使老去年滿百  
無過二十二重陽

題梅嶺雲封四絕

東海邊來南海邊長亭三百路三千飄零到此成何事  
結得梅花一笑綠

淮南得道嶺南行嶺上回頭作麼生傳得祖師心印了  
鉢盂何必與人爭

石屏集

卷之七

十七

臨海宋氏  
重梓

鑿破青山兩壁開石頭路上踏成埃梅花自與白雲笑  
幾見夷齊出嶺來

南遷過嶺面無慚前有東坡後澹庵兒童欲知當日事  
青山解語水能談

戲題詩藁

冷澹篇章遇賞難杜陵清瘦孟郊寒黃金作紙珠排字  
未必時人不喜看

邵武太守王子文日與李賈嚴羽共觀前輩一兩  
家詩及晚唐詩因有論詩十絕子文見之謂無甚

高論亦可作詩家小學須知

文章隨世作低昂變盡風騷到晚唐舉世紛紛吟李杜  
時人不識有陳黃

古今習次浩江河才比諸公十倍過時把文章供戲謔  
不知此體誤人多

曾向吟邊問古人詩家氣象貴雄渾彫鏤太過傷於巧  
朴拙惟宜怕近村

意匠如神變化生筆端有力任縱橫須教自我胸中出  
切忌隨人腳後行

陶寫性情為我事留連光景等兒嬉錦囊言語雖奇絕  
不是人間有用詩

石屏集

卷之七

六

臨海宋氏  
重梓

飄零憂國杜陵老感寓傷時陳子昂近日不聞秋鶴唳  
亂蟬無數噪斜陽

欲參詩律似參禪妙趣不由文字傳箇裏稍關心有悟  
發為言句自超然

詩本無形在窈冥網羅天地運吟情有時忽得驚人句  
費盡心機做不成

作詩不與作文比以韻成章怕韻虛押得韻來如砥柱  
動移不得見工夫

草就篇章只等閒作詩容易改詩難玉經彫琢方成器  
句要豐腴字要安

石屏詩集卷第七終



石屏詩集卷第八

詞

錦帳春

淮東陳提舉清明奉  
母夫人游徐仙翁庵

處處逢花家家插柳政寒食清明時候奉版輿行樂使  
星隨後人間稀有 出郭尋仙繡衣春畫馬上列兩行  
紅袖對韶華一笑勸國夫人酒百千長壽

醉落魄

九日吳勝之運  
使黃鶴山登高

龍山行樂何如今日登黃鶴風光政要人酬酢欲賦歸  
來莫是淵明錯 江山登覽長如昨飛鴻影裏秋光薄  
祇有黃花覺牢裏烏紗一任西風作

石屏集

卷之八

臨海宋氏  
重梓

柳梢青

岳陽樓

袖劍飛吟洞庭青草秋水深深萬頃波光岳陽樓上一  
快披襟 不須攜酒登臨問有酒何人共斟變盡人間  
君山一點自古如今

行香子

永州爲魏  
深甫壽

萬石崔嵬二水漣漪此江山天下之奇太平氣象百姓  
熙熙有文章公經綸手把州麾 滿斟壽酒笑撚梅枝  
管年年長見花時佳人休唱淺近歌詞讀浯溪頌愚谷  
記澹巖詩

木蘭花慢

鶯啼啼不盡任燕語語難通這一點閒愁十年不斷

惱亂春風重來故人不見但依然楊柳小樓東記得同

粉壁而今壁破無蹤 蘭皋新漲綠溶溶流恨落花

紅念著破春衫當時送別燈下裁縫相思謾然自苦筭

雲烟過眼總成空落日楚□無際凭欄目送飛鴻

鷓鴣天

題趙次山  
魚樂堂

圍圍洋洋各自由或行或舞或沉浮觀魚未必知魚樂  
政恐清波照白頭 休結網莫垂鉤機心一露使魚愁  
終知不是池中物掉尾江湖汗漫游

浣溪沙

石屏集

卷之八

臨海宋氏  
重梓

病起無聊倚繡牀玉容清瘦嬾梳粧水沉烟冷橘花香

說箇話兒方有味喫些酒子又何妨一聲啼鴉斷人

腸

臨江仙

代作

誤入風塵門戶驅來花月樓臺樽前幾度得徘徊可憐  
容易別不見牡丹開 莫恨銀瓶酒盡但將妾淚添杯  
江頭恰恨北風回再三相祝去千萬寄書來

祝英臺近

別李擇  
之諸丈

泛杭州臨塵水幾日共遊戲歌笑開懷酒醒又還醉奈  
何一旦分攜連宵風雨翦不斷客愁千里 水雲際遙



望一片飛鴻苦是失羣地滿眼春風管甚閒桃李此行  
歸老家山相逢難又但一味相思而已

鵲橋仙

周子俊過南昌問訊  
宋吉甫黃存之兄弟

西山巖壑東湖亭館盡是經行舊路別時相見有荷花  
還又見梅花歲暮 宋家兄弟黃家兄弟一一煩君傳  
語相思不寄一行書元自有不相忘處

又

新荷池沼綠槐庭院簷前雨聲初斷喧喧兩部亂蛙鳴  
怎得似啼鶯睨睨 風光流轉客游汗漫莫問鬢絲長  
短醒時杯酒醉時歌筭省得閒愁一半

石屏集

卷之八

三

臨海宋氏  
重梓

大江西上曲

寄李實夫提刑時  
郊後兩相皆乞歸

大江西上鬱孤臺入境人間圖畫地漏千峯搖翠浪兩  
派玉虹如瀉彈壓江山品題風月四海今王謝風流人  
物如公一世雄也 一片憂國丹心彈絲吹笛未必能  
陶寫西北風塵方瀕洞宰相閒歸綠野月斧爭鳴風斤  
運巧不用修亭榭紫樞黃閣要公整頓天下

減字木蘭花

寄廉州劉  
叔治使君

羊城舊路檀板一聲驚客去不擬重來白髮飄飄上越  
臺 故人居處曲巷深深通竹所問訊桃花欲訪劉郎  
不在家

又寄五羊  
鍾子洪

天台狂客醉裏不知秋髮白應接風光憶在江亭醉幾  
場 吳姬勸酒唱得廉頗能飯否西雨東晴人道無情  
又有情

又

阻風中酒流落江湖成白首歷盡艱關贏得虛名滿世  
問 浩然歸去憶著石屏茅屋趣想見山村樹有交柯  
續有孫

清平樂

興國呈  
司直

今朝欲去忽有留人處說與江湖楊柳樹繫我扁舟且  
住 十分酒興詩腸難禁冷落秋光借取春風一笑狂  
夫到酒尤狂

石屏集

卷之八

四

臨海宋氏  
重梓

又嘲  
人

醉狂痴作誤聽青樓約酒醒梅花吹畫角翻得一場寂  
寞 相如謾賦凌雲琴臺不遇文君江上琵琶舊曲只  
堪分付商人

醉太平

長亭短亭春風酒醒無端惹起離情有黃鸝數聲 芙  
蓉繡榻江上畫屏夢中昨夜分明悔先行一程

望江南

壺山宋謙父寄新刊雅詞內有壺山好三  
十首自說平生僕謂猶有說未盡處為續



曲四

壺山好博古又通今結屋三間藏萬卷揮毫一字直千金四海有知音 門外路咫尺是湖陰萬柳堤邊行處樂百花洲上醉時吟不負一生心

壺山好膽氣不妨麤手奮空拳成活計眼穿故紙下工夫處世未全疎 生涯事近日果何如背錦奚奴能檢點畫眉老婦出交租且喜有贏餘

壺山好文字滿胸中詩律變成長慶體歌詞綽有稼軒風最會說窮通 中年後雖老未成翁兒大相傳書種在客來不放酒樽空相對醉顏紅

石屏集

卷之八

五 臨海宋氏 重梓

壺山好也解憶狂夫轉首便成千里別經年不寄一行書渾似不相疎 催歸曲一唱一愁予有劍賣來沽酒

喫無錢歸去買山居一向作狂徒

壺山有催歸曲贈僕甚妙

又僕既為宋壺山說其自說未盡處壺山必有答語僕自嘲三解

石屏老家住海東雲本是尋常田舍子如何呼喚作詩人無益費精神 千首富不救一生貧賈島形模元自瘳杜陵言語不妨村誰解學西崑

石屏老長憶少年游自謂虎頭須食肉誰知猿臂不封侯身世一虛舟 平生事說著也堪羞四海九州雙腳底千愁萬恨兩眉頭白髮早歸休

石屏老獨不住山林注定一生知有命老來萬事付無心巧語不如瘖 貧亦樂莫負好光陰但願有頭生白髮何愁無地覓黃金遇酒且須斟

石屏集

卷之八

六 臨海宋氏 重梓

石屏詩集卷第八終

臨海陳備三校字



石屏詩集卷第九

附錄

戴東楚詩

莫悲秋

傷春非貞女悲秋非烈士時運自循環我心如止水剝  
固復之機榮乃悴之始未識天地妙胡為浪悲喜鷓鴣蓬  
或數仞鵬口或萬里大小何必齊蒙莊未窮理

次黃叔粲茶隱倡酬之什

美人隱於茶性與茶不異苦澀知餘甘淡薄見真嗜肯  
隨世俱昏寧墮眾所棄靈雨滋山腴迅雷起龍睡草野

石屏集

卷之九

臨海宋氏  
重梓

未敢花春芽早呈瑞口水須占一焙火不落二趣深同  
誰參雋永時自試葱薑勿容口瓜蘆定非類標名寓元  
思微吟寫清致成我君子交從彼俗客恚嚼芳憩泉石  
包貢免郵置遼遼玉川翁千載共風味

雜言

眾芳以春榮萬葉以秋肅造物持其權兒戲恣翻覆亭  
亭山上松蕭蕭澗邊竹超然榮肅中正色閱寒燠  
提壺勸我飲布穀催我耕我酒餅已罄我田草正生荷  
鋤理荒穢及時新雨晴秋來刈吾秫庶得兩遂情  
逸翮凌丹霄潛鱗縱深壑天分安所適翔泳同一樂短

吟五七字薄酒三四酌浩氣與春風相從滿寥廓

侍屏翁游屏山分得水字

攜琴入空山修竹翠相倚一曲千古心冷冷寄流水拂  
雲臥白石冥搜契元理有時采薪人歌聲隔林起

秋日過屏山庵

凄切抱葉蟬間關棲樹禽入山本避喧復愛聆此音微  
颺動夕爽薄雲散秋陰眾籟闐以靜片月生東林  
山泉清且甘漱之冷侵骨拂苔坐石上松風更蕭瑟悠  
悠行空雲何心自出沒六口忽瓊瓏吾計良未失

夏肯甫曉山亭

石屏集

卷之九

臨海宋氏  
重梓

開樞納晨光隱几挹寒翠以我胸中真會彼景外意孰  
因夜息存孰使晝枯累念慮方清明體認貴切至我我  
成九仞進進基一簣曷哉亭中人涵養玉其粹卷書意  
何如顏回坐忘地

春日偕兄弟侍屏翁游晉原分得外字因集句而成

成

春雨晴亦佳杜甫適與賞心會高適初日照高林常建幽泥化  
輕盞韓愈步履隨春風杜甫始覺天宇大劉禹錫牽懷到空山  
韓愈道遙白雲外杜甫青松夾路生陶潛童童狀車蓋杜甫清川  
帶華薄杜甫陰壑生虛籟杜甫性達形蹟忘杜甫傲然脫冠帶



薄暮方來歸 月光搖淺瀨

唐李涉有山中五無可奈何詩戲用其體作秋日  
四章

無奈秋風何怒號震林木著我井上桐一夜失寒綠莫  
作搖落悲妙理在觀復

無奈秋月何鍊魄金氣精炯炯一輪滿天地冰壺清照  
我方寸景表裏同光明

無奈秋山何萬疊淺深碧起來樓上看朝爽浮几席  
稜政自高更養靜壽德

無奈秋水何悠悠盪輕槩上下天一碧顛倒涵萬象願  
石屏集 卷之九 臨海宋氏 重梓

從雙白鷗生涯寄浩蕩

孤桐行

孤桐結根倚崖石俯瞰清溪照虛碧枝葉扶疎朱夏寒  
上有翔鸞舊棲跡風霜冉冉歲月深老柯半朽蒼皮蝕  
其中素抱金玉聲以暗投人人不識人不識多苦心樵  
夫斤斧莫相尋寧教枯死倒澗壑不從爨下求知音

逐瘧鬼

咄哉瘧鬼何冥愚沉魄猶滯江流居孰云胄出高陽氏  
而乃不肖如此歟為妖常闖秋令動作威又竊炎官餘  
今年恣睢逞暴虐十戶九室聞嗟吁人生一歲一寒暑

自有大瘧纏其軀翻手為涼覆手暖笑爾禍福纔須臾

癡兒駭女或汝怖那能嚇我烈丈夫汝不記少陵詩句  
有神語子璋鬪髓血模糊昌黎譴逐更多術灌毒炷艾

揮靈符今來古往共憎疾奈何長惡終不渝胡不學鮫  
人細織冰綃製雲裾胡不從湘君緩移桂權舉芙蓉乃

甘卑潔賈眾怨厭禳唾罵無時無爾來經旬瞰吾室再  
三謝遣猶踟躕吾詩吾酒既不廢汝窮汝技將何如大

江秋色正瀟灑明月皎皎風疎疎便須悟悔速歸去嘯  
儔呼侶相嬉娛夜闌吟徹欲就睡燈花照眼團如珠夢

回病思若然散颯颯風籟生庭梧

書初考

得考雖多幸無功祇自嫌但求官速滿不道老同添卑  
拙翽蓬鷄艱辛上竹鮎黃花寒更好三嗅憶陶潛

辛亥九日被檄視澇遂爽同官飲菊之約夜宿荒

驛風雨達曙

孤負重陽菊愁懷不肯寬郵亭一夜雨客枕五更寒腳  
健從渠老心低到處安獨行誰可語時把古詩看

納涼卽事

炎蒸欣傍晚掃地坐寬涼入竹風逾冷生荷水亦香蟻  
行緣食几螢照落書牀聽得農人語今年稻穗長



待屏翁領客游雪山分得生字

雪峯峯頂寺來此定詩盟山瀑分雲影松風亂雨聲眼  
明春樹綠心惺曉鐘清未好言歸去塵中事又生

借兄侍屏翁探梅屏山分得空字

躡破登山屐來尋傍水叢眼明千樹底春在數花中格  
瘦詩難寫香寒酒易空狂歌歸秉燭驚怪走兒童

豈潛弟平遠圖

卜築占寬閒修篁老樹間八窗開宇宙一室貯雲山野  
曠行人少天遙去鳥還悠然會心處妙語徹元關

謝趙山臺見訪

石屏集 卷之九 五 臨海朱氏 重梓

寂寞海東頭殷勤貴客舟如何經歲約祇作數宵留清  
玩分行篋高吟歷小樓更須謀再會同醉菊花秋

臘前見蘭花

蘭叢纔一幹獨向臘前開托蔭偏宜竹先春不讓梅韻  
從幽處見香自靜中來便欲紉芳佩靈均喚不同

安居

安居元自好春晝更遲遲雪涌煎茶鼎雲生浴硯池栽  
荷填廢沼移竹補疎籬猶有閒光景歆眠續舊詩

次韻屏翁詠梅

芳信基花事東君思亦奇橫枝疎蓓蕾半樹老丰姿心

共寒霜苦香惟夜月知最憐清夢覺疎影竹窗時

次韻屏翁觀梅

曉寒籬落外一見一番新喚覺羣芳夢先鍾萬古春冷  
香宜醉寢真色任烟隣更喜連朝雪飛花為辟塵

項宜父涉趣園

四面山廻合中間百畝畦人門惟見竹繞屋半栽梅果  
熟霜前樹魚肥雨後溪秋來饒景物斟酌費詩材

小酌會芳分得陰字

暇日頻相顧清風舊竹林功名春後夢吟咏老來心世  
事隨流水年芳付綠陰悠然千古意閒理斷紋琴

石屏集 卷之九 六 臨海朱氏 重梓

玉峯登眺得初字

玉峯奇絕處短策步崎嶇海近潮聲壯山空樹影疎吟  
情危眺外飲興薄寒初數點新來雁高飛不羨渠

小樓扁山海圖鄭安道酒邊有詩因次韻

等閒成小集危眺豁幽情四面畫圖出一襟天地清晚  
雲山曉靄夜月海空明自有茲樓景輸君第一評

次韻屏翁新秋

檢點新秋事天公賜已豐秋牀梧葉雨曉袂竹林風闕  
世心先老傷時酒易中誰將和戰議細與問元戎

已亥十月晦大雷雨



舛令頻年見憂時百慮灰入冬常苦雨昨夜又轟雷土  
爛麥難種蟲傷菜失栽兒童不解事喜報海棠開

次韻屏翁冬日

曉起衝寒出霜明日未晞麥豐來歲本梅漏早春機水  
涸魚深隱蜜成蜂倦飛靜中參物理一一見精微

自武林還家道由剡中

一筇雙不借役役又東還野渡淺深水夕陽高下山光  
陰虛我老造物靳人閒高躅思吾祖鳴琴獨閉關

次韻屏翁新元聚拜

履端來聚拜和氣洽昌辰蕃衍如今日栽培豈一人詩  
石屏集

卷之九

七 臨海宋氏  
重梓

書延澤潤忠厚續長春相祝無多語年新德又新

次韻君玉弟春事

海棠紅未了又近牡丹時送日多忙事釅春欠好詩暖  
風催麥早晴晷轉花遲不盡清游興重爲上巳期

次韻晚春二首

襟塵欲滿刮眼得新詩風絮遺春恨烟花隔歲期筍  
抽龜半蝕櫻熟鳥先窺光景渾如此心閒卽好時

田園深有趣已分隱柴局老去情多感春來夢少靈游

絲捲晴日飛絮入空庭預識今年好啼鴉枕上聽

春晚卽事

春郊農務急野岸水痕高蒲渚鳴姑惡桑林轉百勞整  
欄扶芍藥牽網護櫻桃不改窮居樂何妨見二毛

次韻屏翁初夏會芳小集

一觴還一詠竟日醉難成坐石驚雲溼臨池愛水平密  
林宜午蔭啼鳥尚春聲更有櫻桃約明朝且願晴

夏初郊行

晴雨天難測寒暄氣未齊連村多綠樹終日轉黃鸝田  
水衝塍斷山雲著地低偶隨農叟語不覺過橋西

僻居

地僻塵囂遠身閒趣味深清池涵竹色老樹帶藤陰引  
石屏集

卷之九

八 臨海宋氏  
重梓

鶴隨閒步招蟬伴醉吟有時燃古鼎隱几自觀心

亦龍弟覆簣累石作亭其陰屏翁名曰野亭索詩

謾賦二首

幽棲得真趣隙地巧經營花竹有和氣林園無俗情帶  
經休樹影抱甕俯池清我亦甘肥遯相從樂此生

高懷抗塵外林杪著三間綠繞村邊樹青浮海上山日  
窮天變化心靜地寬閒鷗鳥知人樂忘機亦往還

秋晚

西風澄曉氣凝觀愜幽情草潤蛩聲滑松涼鶴夢清吟  
懷依水靜病思得秋輕忽憶登高近循籬看菊英



屏翁領諸孫小集亦龍弟野亭君玉卽席有詩次韻

結屋新亭好登臨雅興長心融八窗白塵隔九衢黃泛菊金英碎嘗粳玉顆香更期梅著蕊來賞小春光

鄭安道終歲相聚臨別以詩見貽次韻爲謝

解把詩言別那無計可留梅花兩心事寒雁五更愁我亦高懸榻君須獨臥樓後回相憶處莫返雪中舟

夏曼卿作新樓扁曰蕭湘片景來求拙畫且索詩有此一樓足悠然萬慮忘拓開風月地壓斷水雲鄉四野畱春色千峯明夕陽眼前無限景何處認蕭湘

石屏集

卷之九

九

臨海宋氏重梓

金陵懷古

尚聞深巷語烏衣無復高臺彩鳳儀棟宇半欹元帝廟香烟爭奉誌公詞六朝興廢千年夢獨客登臨萬感悲莫上鍾山望淮北西風禾黍更離離

幽棲

幽棲頗喜隔羣寰無客柴門盡日關汲水灌花私雨露臨池疊石幻溪山四時有景常能好一世無人放得閒清坐小亭口衆妙數聲黃鳥綠陰間

此生

此生畢竟已蹉跎有酒何妨醉且歌人世盡緣愁得老

春花偏被雨相磨口欺蘭瘦能香否杏笑梅殘奈俗何試上東樓口口景海山無數列青螺

自況

多貲徒作守錢奴伏臘無憂便有餘世路本夷休自險人情太密反成疎非圖報施方爲善豈爲功名始讀書門外良田堪種秫自牽黃犢試犁鉏

書房

書房清曉焚香坐轉覺幽棲趣味真怪石一根雲態度早梅半樹雪精神池魚自樂誰知我林鳥相忘不避人得喪由來天自定莫將閒慮惱閒身

石屏集

卷之九

十

臨海宋氏重梓

移古梅植于貯清之側已有生意喜而賦之

剥盡皮毛真實在幾年孤立小溪潯人來人去誰青眼花落花開自苦心不是野夫同臭味難教君子出山林巡簷日日窺生意一朵先春直萬金

再得古梅小而益怪首蒙屏翁品題因次韻

愛渠怪怪復奇奇冒雪遙憑健步移竹外池邊栽恰好山巔水際夢多時百年死質餘生意一片孤槎帶好枝寄語花神勤守護品題莫負老仙詩

初游方巖山

圖志舊常看紀載杖藜今得徧經行漁翁化石幾年釣



仙客有田何世耕  
千尺枯崖蛻龍骨  
一簾飛瀑撼雷聲  
相傳逸少會來此  
惜不鐫巖記姓名

觀敗碁者戲作

看人出著笑人低  
及至當枰卻自迷  
角子僅全輸了腹  
東邊纔活喪於西  
欲裝劫去多難補  
待筭征來恰又提  
天下未應無妙手  
勸君莫愛墨後猊

牡丹

萬巧千奇費剪裁  
瓊瑤錦繡簇成堆  
世間妖女輪回魄  
天上仙姬降謫胎  
笑臉倚風嬌欲語  
醉顏酣日困難擡  
東君若使先春放  
羞殺羣花不敢開

石屏集

卷之九

十一

臨海宋氏  
重梓

喜有秋

去年已作填溝計  
誰料今年見有秋  
天意乘除元自定  
人生伏臘謾多憂  
滿盆浙玉休論價  
成斛量金不計籌  
最是野夫懽喜處  
春風百甕繞牀頭

次君玉弟聞新雁

霜風颯颯荻花洲  
避北趨南巧自謀  
倦翮飛殘千里月  
寒聲催老一天秋  
乍教騷客驚詩夢  
莫爲征夫寄別愁  
汝度塞垣應未久  
新來烟燧已沉不

次韻東渠兄觀梅

詩眼非梅不可遮  
三葩五蕊更堪嘉  
瘦如飯顆逢工部

老似磻溪臥子牙  
水影月香參衆妙  
弟酬兄侶自成家  
快筭新醞同清賞  
莫待枝頭爛熳花

閒居幽事

閒居幽事屬田園  
何必山林始避喧  
足水早禾分母子  
多年修竹見翁孫  
欣然勝敗無心奕  
兀爾醉醒隨意樽  
昨夜一番雷雨過  
綠波微漲曲池痕

甘窮

自甘窮處更何疑  
坎止流行信所之  
不學昌黎驅五鬼  
肯隨子厚罵三尸  
堂堂白髮欺人出  
耿耿青燈獨已知  
細嚼黃花香滿齒  
清風千古一東籬

石屏集

卷之九

十三

臨海宋氏  
重梓

送彭希聖姊夫赴三山民曹

槐笏綠衫初作吏  
要須立腳自廉勤  
閭疾苦宜加意  
厥層竒贏莫與聞  
少啖荔枝防美疾  
多栽茉莉挹清芬  
公餘覽徧佳山水  
倘有詩篇寄海雲

已亥九日屏翁約諸孫登高西嶼阻風舟行不前  
遂會於吾家山海圖之上酒邊翁有詩畱題因次

韻

良辰樂事兩相關  
喜我樓臺便往還  
不用移舟過西嶼  
只將把酒對南山  
風於破帽如先約  
菊爲新筭欲笑顏  
畱作千年佳話處  
詩翁醉墨照楣間



秋日獨倚東樓

重陽過了秋逾爽自豁樓窗眺晚西野外倒涵天影動  
海雲平壓雁行低興來頻放深杯飲吟到須還大字題  
近喜書房添一寶陶泓買得古端溪

次韻屏翁壬寅九日再題小樓

佳節相過共舉觴為萸菊醉亦何妨須知我輩襟懷事  
不是時人酒肉狂落雁影邊寒水碧歸鴉啼處夕陽黃  
詩翁樽俎風流在老氣橫吞年少場

初冬梅花偷放頗多

清樽纔了黃花債又被梅花惱殺人碎點南枝無數雪

石屏集

卷之九

三

臨海宋氏  
重梓

探回東帝幾分春精神全向疎中足標格端於瘦處真  
徹夜苦吟無好語夢隨雙月步溪澗

石屏後集鈔梓□□屏翁

新刊後稿又千首近日江湖誰有之妙似豫章前集語  
老於夔府後來詩梅深歲月枝逾古菊飽風霜色轉奇  
要洗晚唐還大雅願揚宗旨破羣癡

四月即景

茶歌纔了又田歌節物真成一鳥過蒼竹招風涼意足  
碧梧留雨夜聲多瓜綠茅屋抽長蔓藹過蔬畦出矮荷  
最喜白鷗相狎久對人自在浴清波

次韻鄭安道懷君玉弟游東嘉

好山好水東嘉郡兩月清游樂可知遠想池塘頻夢汝  
還當風雨對眠誰別時菊蕊方宜酒幾日梅花只索詩  
雁影參差霜正冷寄言歸計莫遲遲

贈日者張異手

張兩手合七指因以為號

漫浪江湖等泛萍破囊惟有百中經一吭辯處長三寸  
兩手生來應七星笑汝道途多坎塹說人禍福太分明  
我今已決為農計不解從君較五行

代簡寄謝友人

經年未復寄來書索我形骸莫太疎鮑叔相知應似舊

石屏集

卷之九

古

臨海宋氏  
重梓

嵇康習懶苦難除白頭閱世梅花老青眼看人柳色舒  
春月正圓春水滑何須雪夜扣吾廬

春事

春事關心常早起愛看景物試凭欄戲魚池面微添綠  
啼鳥枝頭尚帶寒斬棘重樊新插柳斟泉頻灌自栽蘭  
年來賸有園林興每恨廬邊地不寬

如京至西興阻風雨

月將圓夜出鄉關纔到西興月又殘老去問名先已懶  
近來行路覺尤難雲烟漠漠具山暗風雨蕭蕭浙水寒  
識破人生真逆旅此身何處不堪安



賞茶

自汲香泉帶落花漫燒石鼎試新茶綠陰天氣閉庭院  
臥聽黃蜂報晚衙

夜過鑑湖

推篷四望水連空一片蒲帆正飽風山際白雲雲際月  
子規聲在白雲中

喜小兒學步

對周尚有六十日舉足已能三五移世路只今巖險甚  
須教步步著平夷

效宮詞體

石屏集

卷之九

五

臨海朱氏  
重梓

楊柳萬絲堆怨緒丁香百結鎖愁腸小桃先得東皇寵  
莫妬東風過海棠

讀陳元龍傳

九州四海沸如湯問舍求田策最良豪氣到頭成底事  
未容口客臥高牀

嚴子陵

赤伏君王訪舊游富春男子只羊裘一竿本為逃名去  
何意虛名上釣鉤

竹林避暑

白抱桃笙過竹林濃陰一片直千金清眠盡晚無人喚

時有風鳴石上琴

夏晝小雨

小牀斲簟展琉璃窗外新篁一尺圍正午雲橋疎雨過  
冬青花上蜜蜂歸

里中小漁舟被差防江有感而賦

著身平地更多憂一棹思為泛宅謀昨夜雨風邊報急  
防江也要釣魚舟

天台道上早行

篋輿輒輒過清溪溪上梅花壓水低月影漸收天半曉  
兩山相對竹雞啼

石屏集

卷之九

五

臨海朱氏  
重梓

五禽言

提葫蘆沽美酒人世光陰春電走一日得醉一日閒綠  
鬢幾會俱白首沽酒沽酒有酒沽生前不飲真愚夫  
不如歸去不如歸去千山萬水家鄉路今年又負故園  
花來歲花開定歸否歸去歸去須早歸近日江湖非舊  
時

泥滑滑泥滑滑客路迢迢雨不歇我僕十步九步蹶我

馬驢力涉驢吐盡如跛鼈泥滑泥滑君莫愁秧爛麥損

尤堪憂

脫卻破袴脫卻破袴蠶熟線成霜雪縷小姑織口未落



機縣家火急催官賦輸了官賦無零落破袴破袴還更著

麥熟鍛磨麥熟鍛磨村南村北聲相和大男小女總欣欣  
欣煮餅蒸糜任渠做鍛磨鍛磨莫等閒去年糠粃無得餐

青陽梅仙舒伯虞為其尊人索靜閒軒詩

人心元至虛天下本無事舉世役於形擾擾誰暫置先  
生自超俗涵養老逾粹妙契無名翁深造靜閒味壺中  
貯日月胸次納天地婆娑閱四序物物見春意林花高  
下紅庭草淺深翠一笑扶瘦筇行吟散微醉

石屏集

卷之九

七

臨海宋氏  
重梓

壬子立夏日同郡博士黃次夔游江祖太白釣臺  
因成古詩併呈偕行諸丈

翰林天酒星謫墮人間世豪氣渺乾坤浪跡寄湖海  
我江祖山片石峙西澗醉狂御風來踞坐高傲睨一絲  
聊戲垂意得在魚外青山畫屏句妙越無塵界至今五  
百年春虹綉晴彩我來訪遺蹤躡屐捫薜荔錦苔剝冰  
霜髣髴題字在屬時春夏交微雨弄輕霽同游俱嘉朋  
笑語洽傾蓋雲木圍畫陰松風奏天籟勝踐心已愜酬  
歌意爾快欲招臺上魂舉爵酌清泚今昔自殊時欣感  
諒一契詩成寫蒼壁存否非所計長嘯下歸舟驚滄送

飛樓

太白秋補詩山祖一片石青交掃畫屏  
題詩留萬古絲字錦苔生即其地也

梳頭自歎

短髮如冬霜一朝白一朝又如深秋柳槁葉迎風凋白  
者不再黑白者不復牢義娥疾馳驥乾坤虛懸瓢人生  
寄其間泛泛波上舸百歲一大夢倏忽已隔宵胡不適  
所適而乃醉溘滔富貴撒眼電榮華過耳騰木散故得  
壽龜靈徒取焦甘拙自安吉役智滋勞切所以柴桑人  
不肯折此腰

上立齋先生十首以有官居鼎鼐無宅起樓臺為  
韻

石屏集

卷之九

六

臨海宋氏  
重梓

形弱能使強脈病能使壽醫和肘後方袖手若無有綠  
野歸晉公洛社閒迂叟此意誰得知可以久則久  
羸牛指為驢鳴臬認為鸞彼欲欺一世自亂耳目官吾  
直不能枉吾方竟誰刊何妨寄楚澤餐菊紉秋蘭  
蔚蔚空明山古號仙人居神秀發虹氣瑞孕真璠璣潔  
白外難染堅剛中不枯勿逐鼠璞價韞匱姑藏諸  
支厦資寸莖涉江寄孤艇弗顧勝弗勝乃誘幸不幸舜  
華朝暮期蒼松歲年迴從渠寶康觚我自有岑鼎  
君子如真金真金剛不改小人如浮雲瞬目多變態隨  
世良獨難殉道乃無悔近日崔菊坡堅臥辭鼎鼐



輩猶不同性涇渭不同趨由來區以別那使強合乎老  
明守道德韓非事刑誅二人共一傳能信千古無

多金建華屋一堂容百客立齋有廳事不覺旋馬窄僻  
於蕭相居隘甚晏子宅鬼神敢高明吉祥止虛白

靈巖一片雲曾爲作雨起風吹還故山松筠澹相倚秋

高霜露寒酒熟鱸魚美少寬憂世懷微醉有妙理

否泰關世運進退非人謀尼父雖皇皇不爲無禮留用

則巨川楫舍則野渡舟行藏兩付之獨倚百尺樓

小草有遠志埋沒同蒿萊風霜坐相欺冉冉成枯荻我

公下白屋意重黃金臺儻借伯樂顧未信終駑駘

石屏集 卷之九 九 臨海宋氏 重梓

江濱晚霽

十里平沙路人行晚霽間水光涵遠樹雲影度空山吹  
浪江豚怒摩霄野鶴閒漁翁醉吹笛小艇泊前灣

十日取野菊泛酒

野徑菊仍好村墟酒亦嘉未應今日蕊便是昔時花心  
在家千里身猶客九華官程難久駐風雨暮山斜

山家小憩印景效藥名體

柴門通草徑茅屋桂枝間修竹連翹木高松續斷山仰  
空青陰密掃石綠花斑傍澗牽牛飲白頭翁自閒

從板橋買舟上青陽

卸馬板橋西扁舟逆上溪水鏤巖骨斷烟截樹頭齊野  
鳴驚人起村雞上樹啼老農頭雪白猶自把鉏犁

池州

一城方九里宛在水中坻額揭顏公字碑傳杜牧詩昔  
年稱上郡今日逼邊陲莫望長江北天寒風正悲

有永嘉薛君自號雲屋來池陽以詩見貽用韻答  
之

清晨聞剥啄喜得薛能詩風月一囊錦江湖兩鬢絲寒  
城吹角夜孤館擁衾時誰會吟心苦梅花是舊知

有方叔材用余和薛雲屋歌見貽次韻奉酬

石屏集 卷之九 十 臨海宋氏 重梓

江湖前輩盡何敢易言詩鼠璞元非玉蛛羅不是絲池  
塘生草處風雪跨驢時此是真吟境從來幾箇知

立春前五日得雪

雪作春前瑞銀城擁萬家太婆頭欲白九子頂先華壓  
麥嘉培本封梅惜損花家童解人意燒鼎問烹茶

七夕感興二首

家豕懽笑迓星期我輩相邀只酒卮矯俗何須標犢鼻  
甘愚不解候蛛絲新秋光彩月來處半夜清涼風起時

一曲玉簫塵外意此音除是鶴仙知

相傳牛女起何時無奈人間事轉癡青鳥蟠桃方士信



金釵鈿合逆胡基一杯記節圖成醉萬感因秋卻易悲  
遺恨古今流不盡銀潢耿耿接天池

抵池陽未入關泊于齊山數日因窮巖壑之勝

翠微亭牧  
之登高處

瘦策相扶上翠微眼驚奇怪足忘疲三十六洞猶昔者  
四百餘年無牧之漲水森瀾春雨後遠山重疊夕陽時  
幾多江北江南恨問著沙鷗總不知

次劉叔子總幹夜坐感秋韻

秋風遠客歎飄零滿鏡吳霜故故明酒盞論心疎舊約  
詩筒到眼快新評短檠伴我夜深靜長笛何人月下橫

右屏集

卷之九

臨海宋氏  
重梓

步繞空庭吟未竟隔林鸚鵡又傳更

代簡約諸同官探梅

信是搏沙放手開渴心空想細論杯等閒不見便逾月  
如此相從能幾回舊雨已孤重九菊新詩宜探小春梅  
騎驢索句真顏面要向清溪洗出來

燒燈夕宋明府自置酒見招席上復賦詩因次韻

定詩盟併致別意

苦用吟心續祖燈得君印證愈分明一聆此日雞窗話  
盡洗前時蚓竅聲颺柳輕風寒忽暖催花小雨溼還晴  
眼前總是詩光景可惜明朝又遠行

秋暮出關前事

俗塵汨汨負清游重出城來已暮秋水洗柳根欲斷岸  
霜摧蘆葉擁荒洲鄉音不到愁來雁野性無拘羨去鷗  
可惜一隄明月好隔關難作夜深留

有妄論宋唐詩體者

不用雕鏤嘔肝肺辭能達意即篇章性情元自無今古  
格律何須辨宋唐人道風筒諧律呂誰知牛鐸有官商  
少陵甘作村夫子不害文光萬丈長

趙倅賦喜雪詩為黃堂賀黃堂和韻傳示僚屬眾

因續貂

右屏集

卷之九

臨海宋氏  
重梓

風滾瑤花撲面寒沾泥點點鹿文斑要呈臘瑞鬪梅好  
肯讓春容傍柳還萬戶闌添沽酒市兩山窮聳索詩肩  
史君寬得憂民念麥隴青青一望間

次韻黃次夔思家

世態從渠炎更涼蕙蘭元不為人香時憑酒挹聖賢味  
閒借茶搜文字賜靴笏豈能拘野性尊鱸終是憶家鄉  
小需歸作天台隱長嘯松風臥石梁

送陳竹屋提幹東歸

生長由來接社枌台山越水偶中分一朝傾蓋便知我  
千里攜家得傍君風厚大鵬培怒翼天寒征雁拆同羣



折梅相送齊山路愁絕江東日暮雲

歸途過麻姑山

山行十里少人家客子貪程怕日斜倦坐松根需足力  
輕風滿面落藤花

方巖山有仙人田項宜父家其下於屋之西偏築

亭疏沼雜蒔花木為娛奉壽母之地即以名之自

著懷仙雜詠百有一首名勝留題亦多未免皆泥

乎神仙之說來徵余吟余謂神仙之事深言之則

似誕今諸賢所賦無復餘蘊使余更下注脚不愈

誕乎且人生一世苟能超然達觀惟適之安斯人

石屏集

卷之九

臨海宋氏重梓

中之仙已豈必十洲三島間之謂哉因即此意賦

十章

築亭疏沼隔塵埃白白朱朱次第栽人面春風俱不老

板輿日日看花來

綠蘿翳翳結高林烟吐霞吞一徑深半夜松涼鶴先睡

滿山明月自橫琴

一澗寒泉九節菖釀泉為酒冽仍香玉卮捧處慈顏喜

眉壽方巖共久長

有時山洞拾荆薪應遇真仙對弈春多少胸中高著處

儘教饒盡世間人

秋池清曉濯元雲鸚眼輝涵紫玉文細字黃庭應寫就

莫將容易博鵝羣

桑竹森森繞屋邊美池清泚浸良田桃源只在桃溪上

不信壺中別有天

晚菘早韭各隨時霜薤青青間露葵甘脆日堪供小摘

不須他覓養神芝

紫錦囊緘五嶽形白書黑紙秘黃庭何如琴几焚香坐

細讀包犧十卷經

自傍青牛種早秔炊來玉雪滿盆香休論服日餐霞事

只此延年第一方

石屏集

卷之九

臨海宋氏重梓

阡陌縱橫尚宛然知他耕耨是何年果然絕粒輕能舉

底事仙人亦有田

五松山太白祠堂

太白讀書之地詩有要道長舞袖盡排五松山即此山也

艤舟來訪寶雲寺快上山頭尋五松捉月仙人呼不醒

一間老屋戰西風

歸途過銅官山

山徑崎嶇落葉黃青松疎處漏斜陽鳴禽無數聲相應

一陣微風野菊香

余效官秋浦公餘弗暇他問獨未能忘情於吟此

得諸山川之登覽景物之感觸賓友之應酬率於



五七寄之雖草根嚶嚶柳梢嚶嚶視鳴高岡唳九  
皋聲韻邈乎不侔而發乎情則一也抖擻破囊凡  
百篇輒忘其醜錄以備或者楓落吳江之間寶祐  
改元癸丑修禊日東莖子戴昂自叙

石屏集

卷之九

五

臨海宋氏  
重梓

石屏詩集卷第九終

臨海宋氏

石屏詩集卷第十

附錄

戴漁村

漁村諱木字子樂水心葉公高弟神童之父所著有漁村集

賀杜清獻入相二首

玉陛傳呼宰相來  
驩騰海內翕如雷  
律身清介祁公操  
佐主謀謨如晦才  
夢弼已知符衆望  
生賢益信應三台  
從容宰席調天紀  
協氣從頭徧九垓

相公出處繫安危  
當務何先諒熟思  
守令近民須選擇  
儉王蠹國亟芟夷  
精蒐邊面三軍帥  
早建皇儲萬世基  
納誨進賢尤素志  
佇看經濟大猷爲

石屏集

卷之十

一 臨海朱氏重梓

林曉庵先生云清獻大拜時戴漁村先生賀以兩詩與世之獻諛者異惜公不久於位而此詩遂爲空談國家無福也哉又嘗跋公類事蒙求後云昉少聞葛元誠兄弟谷口鄭東子漁村戴子榮皆師事水心葉公學有根據稍長見葛鄭詩文爲多戴文特未之見獨見其悼子顏老神童之作并將終自挽之章又聞其彙聚古今奇詞偉論成蒙求一編絕出唐宋類書之右中年與其族子匠監丈希尹少府君方大游訪尋是書咸謂燬於德祐丙子之兵莫有藏者私竊惜

之辛亥冬末偶遇彥綸父于高洋田舍酒邊出

所謂漁村類事蒙求者三十卷於是大慰夙心

閱之通夕信有古人所未到者作而嘆曰先生

以此惠後學博矣抑堅甲利兵林立郊野將而

用之存乎其人榷柎山積而不能構一室非匠

之良者也然則先生之志要有寄於書之外者

豈獨區區於此自衒其所學之富也哉半山後

學林昉百拜敬書

戴秋泉詩

秋泉諱驥孫字萊夫元人

自嘆

石屏集

卷之十

二 臨海朱氏重梓

母病因無藥兒啼爲絕糧壯心雙劍在逸興一琴橫

行住坐臥

一片雲單百念清點塵飛不到疎櫺世間俗眼從教白

天外好山無限青不是道人偏好睡只緣世事不宜醒

無榮卽是長生藥何必松根長茯苓

都下送盧白雲歸黃巖

萬里鶯花送客船自嗤孤鶴尚留燕冬應別後相思處

只在清風明月邊

江北江南漫浪游眉頭不著古今愁錢塘二月春如昨

第五橋邊好賃舟



長笑相逢又一年五雲琴劍忽飄然若逢委羽山人問  
道我疎狂只似先

我笑白雲忒自憂白雲笑我太無憂他年相約結庵處  
只在天台山頂頭

戴充庵詩充庵諱養吾字浩然洪武間任湖廣武昌教諭

題姪昇仲悟非軒卷

悟非軒中悟非子青年意氣誰人似驥子墮地毛骨奇  
一日應須一千里散蹄仍騁康莊步蹇蹶俄投嶮巖裏  
金鞍斷缺青鞵垂顧影猶矜舊髮尾悟非子窮通否泰  
循環理迷途未遠已知復此去平平有如砥茫茫天地

石屏集 卷之十 三 臨海宋氏 重梓

生物多人寓中間一塵耳乘流遇坎無不安奚用區區  
計遐邇悟非子扁舟東來沂江水竹林癡叔江夏師長  
日低頭課經史是夕中秋月正圓尋我庾亮南樓前孤  
懷哽塞不自己頻揮兩淚猶漣漣青燈相對如夢寐身  
外萬事無庸言十年兩度得見爾重為後會知何年悟  
非子爾行勿匆匆繫船鄂渚望南極挂席洞庭須北風  
悟非軒內圖書府悟非軒外松柏叢歸到南寧百無恙  
早寄書來慰老翁

送汪憲副歸江西

為君沽黃鶴樓前酒為君折武昌營外柳君持酒盃插

柳枝聽我長歌為君壽古人重惜生別離臨歧每進酸  
苦詞此日送行談且笑舟子吁怪沙鷗疑江湖歲月驅  
人老百慮無如歸去好我今歸計雖已成尚復多君乞  
身早好風南來川斂霧寧向征夫問前路柏府諸郎上  
馬回口縱不言心竊慕山中老屋苔蒼蒼淨掃東軒置  
竹林客來問訊寒溫外唯呼茗椀傾詩囊君住江西我  
浙東暮年出處偶相同投林倦鳥各斂翅天地迴濶何  
由逢南浦雲西山雨變態陰晴翻覆屢飽乘一味北窗  
涼此樂無庸向人語

題錢舜舉所畫梅花卷

石屏集 卷之十 四 臨海宋氏 重梓

千古懷人費夢思殷勤卷贈歲寒枝錢塘江上花如雪  
不耐東風畫角吹

戴樛巢詩樛巢諱瑜安字文信洪武間登制科進士任監察御史陞四川按察司僉事

別姪元明司馬

十年湖海歎飄蓬邂逅相逢若夢中美汝歸田今有擬  
慚予竊祿本無功竄身幸免投狼虎分手愁看逐燕鴻  
他日夜郎傳放赦竹林還復舊時同

戴介軒詩介軒諱奎字文祥洪武間任齊河縣主簿

舍姪元明書來致當道薦拔意詩以答之

郡國衣冠逐日新老懷深今竹林人客邊風雨十年憂



醉後乾坤萬里春雲路尚淹麟閣遠秋天空薦鴨書頻  
不痴濟叔勞持論今向烟波理釣緝

遷逐甫還次韻答舍弟文信

萬里輿圖新入貢一時故老復遷官祇緣舊國輕周鼎  
徒使仙人泣漢盤斤斧未容遺樸檝階庭誰見長芝蘭  
野夫獨幸歸耕早只恐鄉關路轉難

舊事紛紛成昔夢餘生竄逐誤微官一年道路危三峽  
幾度歌吟繼五盤甄別有恩垂藻鑑芬芳無德播椒蘭  
逢人但說生還喜莫問從前事急難

南冠暫挂終還國野服重裁豈厭官漫有圖書連夜榻

石屏集

卷之十

五

臨海宋氏  
重梓

可無魚鱗薦朝盤歸時涼月侵衣葛別去秋風颯佩蘭  
今又相望冬夜雪撥灰思共竹爐難挂一作

題錢舜舉所畫梅花卷

雪溪畫師名早傳畫梅不作鐵瑣圈湖山入夢旣瀟灑  
粉繪落紙尤清妍巴西故人玉堂老別去幾年音問少  
溪雲山月不堪持一枝寫寄春風早想當盤礴欲寫時  
寓情筆底誰能知心期不負歲寒意貞潔要如冰雪姿  
到今令人歎奇絕我亦見之慚蹇拙從誰交誼重金商  
空慕廣平心似鐵

別弟文益往蜀省按察僉事文信

我家遷居自閩土傳世於今十有五源源始從五季來

子姓咸知立門戶儒賢術業每升堂雲路登躋亦聯武

石屏先生曾叔祖錦繡輪困作肝腑平生蹤蹟半江湖

只把文章傲珪組汝昔嚴君雲錦裳金臺之上長翱翔

雄篇大字照玉署詩名政譽流錢塘邇來書聲雖比屋

愧我弟兄俱碌碌未看庭砌長芝蘭祇見蒼藤翳喬木

唯君伯氏振文風雲夢八九吞其胸春秋與義口剖劂

五傳同異資磨礪射策丹墀始擢桂拜官烏府俄乘駟

去年承恩入西蜀黃麻紫誥相追逐豈唯持斧懾凶邪

要使褰帷問民俗汝今爲弟能念兄萬里行色何熒熒

石屏集

卷之十

六

臨海宋氏  
重梓

律塘無復向時險劔閣試覽前賢銘成都魚肥酒正美

一奏填箎萬里喜世間之樂此最真白璧黃金何足擬

當時勝蹟紛在目想見追游日不足浣花杜老或同吟

市肆君平時就卜武侯勲業誰可續古栢森森見祠屋

地偏莫展王佐才感舊寧無淚盈掬汝兄汝兄我同行

我久衰殘爾何壯泝流不得往相從寄語聊能問無恙

囊衣自昔可全名蕙苴由來足貽謗保茲清白早歸來

鶴髮慈親倚門望

又送文益兼懷文信文善

天寒冀北野草黃騏驎空風吹鴻雁斷相失雲萬重人



生駕天倫所願出處同一朝異南北悵望俄成翁嗟哉  
喬兒與我弟從別邸園今幾載雖知官事正紛如想見  
此身能健在池塘無夢夜如年棣萼逢春愁似海君不  
見楊家椿津義讓敦千古共稱賢弟昆又不見淮南俗  
夫良可鄙尺布之謠汚人耳爾今爲弟孝友聞眼中清  
白賢愚分思兄不憚萬里遠世間骨肉徒紛紛陳爾毅  
酌爾醴取樂何妨艤船待到時二子卽問予臥病祇今  
茅屋底羸軀不解事耕鋤弱子那知習詩禮唯能力疾  
上高邱北望長淮淚如雨

與趙思晏賦來青樓雖作而不與

石屏集

卷之十

七

臨海宋氏  
重梓

存耕道人過我游不減雪中乘興舟浮雲世事口不挂  
語語索賦來青樓樓中之人何舉舉肯使餘生在泥滓  
春風石上鼓瑤琴夜雨燈前列圖史有時凭高一撚髭  
汀烟沙鳥皆吾詩簾鉤曉挂樽桑影釣絲晴罥珊瑚枝  
方壺蓬島誰解識霧散雲收翠如織山勢疑將度海來  
嵐光屢見排簷入問誰於此賦詠頻哦松大筆尤清新  
石門老翁攀桂手湖山處士吟梅人嗟予臥病筆視廢  
欲作歌詩動經歲神游意想一語無幾回虛作凭闌勢  
吾聞仙人好樓居時能御風游六虛爾今凡骨倘未換  
大藥好乞刀圭餘不然買魚仍釀秫樓頭日與賓朋集

坐令青眼客長來不獨來青在山色

賦雲浦

君不見南浦朝飛畫棟雲滕王勝蹟今徒聞又不見洞  
庭之南瀟湘浦雲冥冥兮別離苦何如陳君結屋浦上  
頭臥看雲氣空中浮百年無夢到朝市九夏不暑疑清  
秋我惜於君面未覩卽遣狂言問雲浦旣不慕傳說作  
甘霖又不學西湖載歌舞胡爲寂寞在窮荒閱世悠悠  
任今古應君知爾乃最先褒奇頌美詩滿編南湖暇日  
持示我索賦長句俄經年昨者州司催上道念此逋負  
增惓惓尚冀餘生偈衰病乞身定許仍歸田葺茅亦向

石屏集

卷之十

八

臨海宋氏  
重梓

浦頭住濯足還共雲間眠斯言他日倘可踐長與爾兮  
相周旋

陳楚賓邀登南閣出示諸公所賦詩十又四首索

子繼賦

憶別高堂凡五載今日重邀鬢毛改長老驚爲倒履迎  
林園却似留春待那知憂患餘復見風流在松間舊榻  
下陳蕃席上清樽傾北海是日雲銷天宇澄大開南閣  
邀予登鉤簾晚山萬樹出俯檻晴塢千花明於以勸古  
易寫道經迨然已足怡吾情少長須臾亦星聚歌吟間  
作如韶鳴乃知世間此地卽仙隱樓船萬里何必求蓬



漁主人愛客情益至欲起索歸晚復住呼兒牀頭出錦  
囊示我以詩十有四作者往往皆故人清新首得中郎  
句君家二叔尤老成相隨地下脩文去祇今善餘遺十  
餘喪亂饑饉還何如留題已愧我獨後感念存歿增嗟  
吁何當歲時稔早使貢賦輸釀爾秫饌爾魚奉親之餘  
課子書功名不慕麒麟畫校讐豈羨天祿居鹿門老翁  
且自適顏巷是子何妨愚更須閣上芸編益置三萬軸  
我亦有時與子同卷舒

發澄江述事言懷

憶昔歸隱東海頭矢心不逐羣兒游結屋空山臥深雪

石屏集

卷之十

九

臨海宋氏  
重梓

篝燈永夜吟清秋如此棲遲踰半紀自甘疏糲餘無求  
長竿或從嚴瀨釣短筆肯效班生投海國紛紛擅豪右  
五花驄馬千金裘一朝城邑化焦土肉食竟爲何人謀  
榮悴由來易反手諸君尚喜能包羞州司惜無涇渭辨  
遷逐乃欲窮巖幽嘗予貧病亦在遣矯首上訴嗟何由  
陶令徒知解印早鍾儀奈作南冠囚呼天呼人兩無及  
反躬祇益思愆尤唐君新作吾州守溫詞直欲紓人憂  
爲言今日百政舉詔書每爲徵賢優築臺行從郭隗始  
借箸欲藉張良籌榘楠匠石安肯棄參苓藥籠終俱收  
浮梁側畔艤船待奮去好志無夷猶聞言錯愕惟掉首

智愚今古寧同流吞聲不發出城去澄江萬頃寒悠悠  
縑塵上衣日黥黥飛雨灑面風颼颼迴頭卻語二三子  
故林爲愛藏書樓趨朝乞身幸見許便擬散髮歸丹邱

留別胡叔輝先生

千山起伏如海濤中有萬八千丈天台高故人結屋隱  
其下老氣直與山色爭摩霄平生不慕青紫拾放浪每  
逐真仙遨歌詩有時落城府鏘然遺響如鳴韶嗟予遠  
道廿載久羊腸九曲躋攀勞石梁回望不可躡思君幾  
度心搖搖前年歸耕計始遂石田茶壘甘耜疇望君道  
里尚三百聚首未得相招邀海隅詔令一朝布憧憧去

石屏集

卷之十

十

臨海宋氏  
重梓

躡三吳路趨名初聞只貴豪竄逐旋知及寒素人言珪  
組累我歎儒冠誤親知日去眼何期與君遇皓髮同驚  
亂後看青眼還如向時顧長鬚長鬚君一呼倒囊贈我  
千青蚨金陵春色幾萬斛到時莫惜頻頻沽感茲厚意  
心轉惡但願君今事耕劇後來孫子知讀書勿慕前賢  
學干祿

聞有汴京之行留別壽幕吳仲素

長淮南北知幾州壽陽還在淮西頭昔年此郡屢反覆  
祇憐淮水唯東流版圖一朝歸上國亟爲遺民救顛踣  
掄材誰復歎賢勞入幕况聞優贊畫延陵季子千載名



今君秀拔真雲祜平生操行果何似朱絲絃直冰壺清  
江南遷客多如雨老幼扶攜適茲土開闢來就衽席安  
勞來使忘行役苦就中竄逐誰最貧石屏孫子林泉人  
袖有文章賤如土眼看甌金空生塵秋風一夜振林薄  
毛骨蕭森已非昨千里雖殊驥尾蠅此身却愧雞羣鶴  
扁舟汴水行復沂肝膽崢嶸向君露人生離合不可期  
青眼何時重相顧

賦西村耕隱

斯人好文仍好奇酒酣索賦西村詩解衣爲君揮翰日  
東書正我朝京時嗟吁二人本同里羃羃餘陰接桑梓

石屏集

卷之十

十一 臨海朱氏  
重梓

幾乘蠟屐躡春泥亦棹蘭舟泛秋水君家實住小嶼西  
山田日日催耕犁草廬年來臥不住致身却向黃金臺  
當時青紫能拾取清夢只今成栩栩故國遙遮天姥雲  
謫居同聽長淮雨鳳詔新從天上傳君應早晚能歸田  
種柳重尋元亮宅說稼好誦坡翁篇錦囊多詩總如玉  
更有遺金買黃犢扣角無爲長夜歌挂書莫向旁人讀  
予生有計不能謀硯田禾黍無時收何得西村一相遇  
爛醉白酒黃雞秋

應朋來臨別索題存耕舊隱圖

憶昔百丈巖前游泊船去上湖上樓天清野曠一凝望

錦屏森列當前頭中見蒼崖拔地起絕憐嘉木連雲稠  
窳窳回溪出僧宇參差危壑生懸流人言此地倘歸隱  
布衣便欲輕公侯茅屋春深薜荔長石闕路繞叢篁幽  
長鑿茯苓靜可厠空林柿葉寒仍收回頭世事忽如蠅  
十年誤逐紅塵住不知何日繼追尋每憶此山勞夢寐  
應君示我新畫圖開卷中堂起烟霧摩挲濃墨思舊經  
却似登樓看山處君謂松根卽故廬一榻左右俱圖書  
沙田水足牛力壯歸耕試論今何如先王井田法已墮  
阡陌鉤連屬豪貴前年東家強索租□□□入西家去  
白雲蒼狗在須臾能事只耕方寸地父老同知稼穡難

石屏集

卷之十

十二 臨海朱氏  
重梓

兒孫共獲菑畬利秋風歸帆我獨遲石田草莽耕何時  
君行已得圖中意臨分爲寫存耕詩

謝玉成翁大中潘士湜諸公邀僕與宗性之城西樓登眺久之乃復宴餞南城下因賦詩留別

頻年種菊花繞籬牀頭釀秫復如池看花把酒雖足樂  
風雨每迫登高時今年客居向淮右吟對晴暉數回首  
短髮空吹落帽風濁醪尚負持螯手諸君文采孰可儔  
皎皎玉樹臨素秋相逢欲作開口笑攜我共上城西樓  
平原草深湖水濶此地幾經人戰伐沙頭白骨疑亂槎  
天際青山猶一髮樓前候雁無數飛引領未得同南歸



悲秋豈無宋玉賦灑淚恐溼牛山衣成吟復成吟相看  
鬢成雪况微經濟才奚事承明謁此日華筵爲我張西  
風遠道憐人別堆盤鱸鯉鮮可嘗照眼幽花瘦堪折雙  
瓶欲盡笑語譁接羅倒處舞僂僂但拚酩酊醉於昨莫  
因踰蹙愁如麻八公下淝水涯平明束書上船去別君  
又似初辭家朝廷制作尚有待君須秣馬膏其車我亦  
遲君握手談京華

賦竹坡

旁隣異花多繞屋曼紫妖紅眩人目如澠美酒花下傾  
歌舞朝朝看不足君家美竹綠坡生蕭森却似篔簹谷

石屏集

卷之十

三

臨海朱氏  
重梓

騷人墨客爭欵門好事日題詩一束山陰高致世豈知  
旁隣舉手休揶揄顛風惡雨一夕至芳菲狼藉成嗟吁  
此君節操祗自如雪霜縱遇那能欺幅巾藜杖久可傍  
筆牀茶竈長相隨我記扁舟昔相遇醉向沙頭竹根臥  
君時宦游閩海間竟日孤吟復誰和今同遠客心欲摧  
舊徑蕪沒何時開春雨遙知子孫長秋風不報平安來  
山堂忽聞詔許歸滿飲竹葉歌竹枝到家截取一二管  
請君持送伶倫吹九苞彩鳳當來儀

贈別鄉友陳繼善王宗儒及表兄王友諒同赴京  
議禮

蟄雷初動連月陰臨安客舍春草深披衣起踞木榻坐  
竟日倒掩柴門吟誰能載酒問奇字敢擬乘興來山陰  
諸君扣門忽剥啄何異空谷楚然音嗟予托交舊不薄  
異縣相看客懷惡羈留雖幸一身存問答不知雙淚落  
世間幾度卜非熊兵後何人憐屈蠖耕鋤有夢空涉春  
獎滿多君尚如昨窮簷牢落風雨俱君來復別將焉如  
龍飛九五萬物覩紫泥屢下徵賢書三千禮樂須制作  
奮衣徑謁承明廬我記論文昔分席人品當時似能識  
陳君學術窺天人王子文章振金石吾兄抱才尤絕奇  
如椽大筆千鈞力今同薦剡入雲衢總有天官在胸臆

石屏集

卷之十

四

臨海朱氏  
重梓

人生窮達那自知君能論列須及時漢室仍傳賈董出  
虞廷再覩夔龍趨書成志得未白首錦袍相輝印懸肘  
此時題字倘相投我已滄浪一漁叟

贈別柯伯庸歸省親柯自龍虎來臨安邀予三茅  
山中出示方壺所作東柯谷圖及翰苑諸名公詩  
一帙且曰吾垂白之母在堂將歸省焉請與子別

因賦此贈

東柯谷者蓋  
其家居地也

天台萬八千丈高插天勢與雁蕩天姥諸峯連芒鞋竹  
杖昔尋訪層巒絕壁窮攀緣是時憑高一縱目異境復  
來東柯谷幾灣流水聯玦環數點晴峯刻瑤玉回頭十



載昔未游黃塵撲面雙鬢秋柯君一見與我談舊隱翦  
燭共醉吳山樓示我東柯之圖纔數尺元氣溶溶霧烟  
溼玉堂諸老亦神仙錯落文章列圭璧君言束髮居龍  
虎學仙期與松喬伍生平雖只戀還丹歲久寧無念鄉  
土嗟吁故林歸獨遲相逢異縣兼喜悲細觀詩畫久不  
厭躊躇如在登臨時錢塘五月熟梅雨此日憐君一帆  
舉縮地應無跋涉勞升堂要覩慈顏喜紫霓裳丹霞酒  
拜奉親前爲親壽喜懼雖因鶴髮前踟躕復似斑衣舊  
西風一日秋滿山羣仙有約須君還路經茅君壇下幸  
相報我亦從之放跡蓬瀛間

石屏集

卷之十

五

臨海宋氏  
重梓

送別陳嘉惠

歲丁酉僕以事至顛見嘉惠陳君知其非庸衆  
人也與之盤旋月餘乃復同舟下豫章相從嬉  
游歌詠者又數月旣而君以母老還侍僕亦歸  
吳中邇來音問不聞惟日往來於懷也今年仲  
夏之晦於武林適邂逅見焉且驚且喜卽相告  
以出處事君因愀然曰吾貳邑於永豐三年矣  
以吾能不負於丞俾乃舊職今趣行有期不得  
久盤礴湖山間也宜亟歌詩爲別僕以會見之  
難而索居之易其能已於言哉因賦長句以寫

感歎之意云

我記昔云章貢臺臺前二水相盤迴登臨適與形勝會  
放傲却使羣公猜唯君傾蓋卽相厚結交便擬如陳雷  
江上時同夜月擢花前幾共春風杯移船一向豫章泊  
風物蕭疎歎非昨絡緯愁連孺子亭梧桐秋滿滕王閣  
同游豈無三數君總爲異鄉憐寂寞君時唱和詩最多  
錯落驪珠千百索江城十月霜葉飛君先別我趨庭闈  
臨歧贈言曾未幾東書我亦東吳歸邇來喪亂十五載  
旋視海岱清皇威每見才賢拔茹起祇懷故舊音信稀  
音書不至望欲倦來遠樓頭忽相見兵後雖驚兩鬢霜

石屏集

卷之十

六

臨海宋氏  
重梓

老來尚記當時面握手那知悲喜兼解囊復校詩文徧  
西湖境勝蓮欲紅強擬留君日酣宴君言貳邑居永豐  
斯須敢忘勤與公百里何心厭棲棘三年報政仍哦松  
楊舫明日泝流上復與子別情何窮此行日與簡書畏  
雖欲放浪將□□嗟予屏居猶是客客路聞言轉悽惻  
瑤琴古調且須彈官柳長條折何益我老長同曳尾龜  
君行會展冲霄翮後來雲樹各天涯寄書好慰深相憶  
美巡檢秦君禱雨有感

我昔歸舟泊西浙屢上湖山望東越炎曦赫赫塵暗天  
可憐不雨踰三月吾鄉岸海地勢高連滕想見苗禾焦



豐稷願望苟一失溝壑困辱將焉逃况聞徵賦日夜急  
孰念遺氓久顛踣歸來父老一笑迎啟口却誦秦君德  
秦君世居淮海東壯年脚躡江湖空浩氣不摧萬猛士  
一官猶佩雙珮弓深知警邏職匪小遇早憂心日如擣  
由來剽竊迫飢寒竭虔亟向龍祠禱奔走亦率民庶稠  
坎坎伐鼓羅魚羞丹誠已信齋被久一念遂達神靈幽  
桑林翦爪歎已古魯公焚廄笑何補今看蜥蜴水際浮  
隨覺商羊眼中舞龍蟠忽起牙角呀簸尾陰軸驅雷車  
四山雲氣暗於墨半天雨脚紛如麻槁禾既甦偃伏起  
民食有期方饘餌輸官豈望甌石餘爲生庶緩須臾死  
石屏集 卷之十 七 臨海宋氏 重梓

嗟予聞言喜更驚識君不早徒心傾便欲排雲上霄漢  
大叫聞闔揚君名吾知聖明渴賢久徵君要展爲霖手  
幸令九土樂豐年我獨餓殍何辭骨先朽嗚呼我獨餓  
殍何辭骨先朽

題潘氏禱雨有感詩卷

連歲浮淮去爲客客裏無禾亦無麥盤飧豈欲待豐登  
雨暘猶知望時若今年故鄉早暝多我歸無麥還無禾  
潘君禱龍雨輒應我聞兩脚醉拍船舷歌嗟哉老夫本  
漁叟綠蓑飽臥烟波久中間出處亦偶然豐歉於身果  
何有於今世途蜀道難觸眼倉廩連雲端倘得年豐租

賦足官府我雖愚者身能安潘君潘君藉爾力稼有秋  
兮農有食衆因頌爾能感神我亦重君無德色曉來目  
送南征鴻因之爲寄雙詩筒姓名到眼不相識隔隣好  
問松溪翁

臨安道中別弟文美

拂袖歸來我最先相期耕釣在餘年無端遇著東風惡  
吹上長淮逐客船  
三淮浪急大江迴幾處驚如灩澦堆我正思家行欲到  
汝今那更別家來

酒盡沙頭淚滿裾臨官別去更躊躇都忘我爲儒冠誤

石屏集 卷之十 六 臨海宋氏 重梓

猶囑還家課子書

天旱歲凶到家紀事

歸葺茅茨江上村家貧唯有舊書存解囊欲試癡兒誦  
又報催租吏打門

高陽窺園有感

橘柚連雲手自栽別來誰復爲封培棘籬缺處秋偏早  
時有隣童摘實來  
幾畦蔬甲一長鑿記得年前草自芟今見滿林荆棘長  
令人千里望歸帆

夜宿水館



驚雁相呼秋滿江小軒臨水似舴艋夜闌不寐思兄弟  
風葉蕭蕭正打窗

立秋夜涇川館中雜興兼懷舍弟

薄暮西風生樹頭坐看涼氣近人浮一年今日纔過半  
梧葉蕭蕭已厭秋

山房高與鶴巢隣幾對青燈坐夜分強與兒童說今古  
解通鄉語未通文

厭見啼螿近客窗愁城難藉酒來降島夷又說能深入  
一夜無眠聽吠形

嘗稻有懷舍弟

石屏集

卷之十

十九

臨海宋氏  
重梓

曉起西風忽到門剩炊香雪滿菴盆懷人獨向嘗新處  
含哺移時不忍吞

幾欲因書寄土宜溪雲山靄不堪持力田未足輸官府  
念爾徒搔兩鬢絲

秋夜述懷

霜氣橫秋萬木凋月樞風隔夜蕭蕭在家無限悲秋思  
况爾別家千里遙

欲憑詩句寄西風吟到更分語未工月色如銀庭樹冷  
一絲和露墮青蟲

寄衣無便

秋風昨夜振庭柯欲寄衣裳無便過料汝羈愁如落葉  
蕭騷偏逐晚風多

一秋無舍弟手書

老懷多藉得書寬幾度挑燈入夜看想為昏憊病日  
一秋無字報平安

過青楓嶺王貞女廟

廿載江湖鬢已絲勝游何地不開眉筍輿今日低頭過  
羞看青楓嶺上祠

經天姥嶺

天姥嶺頭花亂開行人何日看花回山堂舊有歸田賦  
石屏集

卷之十

二十

臨海宋氏  
重梓

莫羨黃金正築臺

夜經吳江

長橋跨水影模糊橋上春醪輟權酤明月相看情似密  
伴人終夜下姑蘇

過維揚

英雄已逐風塵老城郭猶存草樹稀月下更無騎鶴過  
觀中空憶看花蹄

次荆山

三獻無階泣卞和相傳遺跡在林阿我來不爲荆山璞  
底事潛然淚轉多



元日試筆

回看客路三千里笑飲春  
定應延頸望歸來

今日故園猿與鶴

王子春雜賦

吳山簇簇越山重幾欲相尋去未通  
祇有夢魂忘路遠  
時時飛繞大江東

中立歸自京得舍弟首卷書

石樓進士錦衣新攜取舊書歸養親  
台弟白雲長在望  
何由同涉故園春

移寓後述懷

石屏集

卷之十

三

臨海朱氏  
重梓

門掩朝暉睡起遲楮衾莞席暖相宜  
吳鄉兄弟夢中見  
如在故園耕釣時

越中有述

越客笑人輕別離朋簪纔盍又何之  
揚舫欲架胥濤上  
杖莞先從禹穴窺拂石舊題看歷歷  
迎風塵袂又披披  
憐今不作金臺夢定擬重來訪墨池

歸田雜詠

西江潮落暮還生兩岸雲連綠樹平  
載月小舟風浪穩  
歸林飛鳥羽毛輕儒冠謾整烏紗舊  
野服新裁白苧明  
絕愛方塘鷗鷺狎向人如訴別離情

次台城南郊寄示故園

城南墟里舊盤旋此日相看倍黯然  
茅店酒醪深夜語  
竹牀風雨小窗眠新愁為隔姜肱被  
舊物空懷子敬壺  
寄語門前五楊柳好畱春色待歸田

京城有述

屏蹟邱園今六載何期世事與心違  
祇緣白屋隣滄海  
却使緇塵染素衣客路鳳凰臺畔過  
寒山蝴蝶夢中歸  
相逢不作新亭泣幾度高歌送落暉

淮安贈葉敬先

揚子江心鼓櫂過買船今復上淮河  
探囊祇惜青錢少

石屏集

卷之十

三

臨海朱氏  
重梓

把鏡俄驚素髮多阮籍途窮唯有淚  
馮驩彈鋏豈無歌  
多君青眼能相顧握手其如感嘆何

舟中述事

推篷今日又何鄉一度歌吟一感傷  
漂母墓前淮水直  
霸王城北楚雲長倚灘舴艋樵蘇集  
□□庖廡草樹荒  
經處不將風土記每因遺俗問漁郎

投贈州守夏侯君

淮水西頭古壽春遠煩賢守牧遺民  
公庭日見文書靜  
里社人懷德化淳接物久知心似  
憂時先覺鬢如銀  
昨聞黃霸終為相莫學淹畱詠白蘋



雨窗述事

問井徒勞念別離  
賜環何日見歸期  
江淮長路一身遠  
風雨孤城萬慮滋  
往事已同槐國夢  
新居孰寄草堂貲  
極知經術今無補  
猶擁遺編不倦披

寄示故人

頻年荷鋤事山田  
逐胡為路幾千故  
宅已荒三徑菊  
愁心空憶五湖船  
兒孫好為青氈惜  
書札終期白雁傳  
鄉邑但敦忠信在  
莫嫌歸計尚茫然

戴竹巖

諱汝白字君玉宋人  
有竹巖詩稿行世

題曹娥廟

石屏集

卷之十

重梓

臨海宋氏

哭得江頭雲氣昏  
淚痕多化作潮痕  
波心萬古團團月  
疑似曹娥一片魂

戴魯齋

諱泰字見大宋咸淳間  
任常州府府學

戲友不識硯

古今天下多奇石  
甲品從來只數端  
千丈留雲潭影涇  
一泓貯水月光寒  
青瞳要辨生鴿眼  
紫色須求死馬肝  
鼠璞易投荆璞價  
請君試買硯箋看

戴脩齋

諱震伯字君省  
宋當塗主簿

送趙侯之任

趙侯東南彥  
遠作西南征  
驪駒向前路  
高秋不留行  
送

以奉林鶴仍吹子  
晉笙淵淵洞庭湖  
古月今猶明流輝  
千萬里何但光連  
城懸知有佳惠終  
始如一心

戴雨耕

送趙侯之任

送君遠作羊荊州  
送君西上黃鶴樓  
漢晉諸公舊游處  
斷磯黃葉風雨秋  
只今麾纛口南斗  
整暇坐列皆公侯  
江湖浩蕩青天流  
清風千古吹棹謳  
專城分符得名杜  
見此文彩珊瑚鈎  
詰因諫議思岳陽  
遂歌羽人仍丹邱  
杜蘅吹香結衣珮  
思與老子同遨遊

戴雲庵

諱曠孫字子雲號  
雲庵宋人精地理

石屏集

卷之十

重梓

臨海宋氏

題五九菊

不向東籬吐正葩  
芳名空竊楚人家  
操難耐冷秋藏色  
怪易趨炎夏著花  
輕蹙絳紗籠畏日  
薄裁紅縠趁殘霞  
樽前未識淵明面  
醉後時還岸幘紗

戴竹洲

諱龜朋字叔獻  
號竹洲宋人

次屏翁韻

走遍江湖早得名  
歸來哦句向幃屏  
故人今雨時相遇  
好酒新春肯獨醒  
未用阮生三語掾  
但遵迂叟四言銘  
高明已悟閒居福  
當見于門發舊聲

戴菊軒

諱溥字伯  
遠號菊軒



次屏翁韻

幾番樽酒過書檮談笑清風起庶屏一世猖狂渾似醉  
此心明白固長醒英雄自昔難虛老鍾鼎他年要刻銘  
若見傍人問消息爲□桂子待秋馨

戴桂庭諱成祖字與正號桂庭

送留雲上人住翠屏澄照寺

雲出於山復戀山至今留住翠屏間片雲旣自留山上  
雲自留山我自還

戴宓齋諱飛字子羣號宓齋宋紹定間任廬江縣尉

寓杭次族人催歸詩韻

石屏集 卷之十 臨海宋氏 重梓

休把詩來只管催也會對菊賦歸來閒雲自笑出山去  
未雨如何便得回

戴浦雲詩諱公孫字文溥號浦雲元末隱居不仕

客武林送林貴章還家

西風挾雨生早寒游子袂薄行當還堂堂別我向何所  
驅車直下天台山天台山高插天子今別去誠可憐  
青雲失路歲月晚黃金散盡今凄然此行不獨于云往  
我亦爲賦歸來篇

戴本庵諱需字君涉號本庵元延祐間任温州路天府北監管勾

題飛鳴宿食蘆雁

飛鳴宿食態爭奇一片瀟湘筆底移有翼不傳千里信  
無聲難訴九秋悲孤眠蘆葦喚不醒繞覓稻梁常苦飢  
野壁黃昏遙望處傷弓幾度悞胡兒

戴架閣諱子璋字文珪元至正間任中書省架閣

題錢舜舉畫梅

故人相憶對南枝寫寄無煩驛使持此日披圖空想像  
猶疑月落酒醒時

戴海門諱應儀字文則至正任海門巡檢

雨窗寄友

拭目時吟望其如景物何過江山色遠入竹雨聲多徑  
石屏集 卷之十 臨海宋氏 重梓

草微通路渠流細入河故人家咫尺乘興肯相過

戴碧泉諱孟節字原成號碧泉介軒長子

至後偶成

寒日初添一線長可憐游子未還鄉梅花偏有留人意  
爲送黃昏一樹香

戴怡泉諱孟姓字原進號怡泉介軒次子

送友

江皋多烈風念子在行役異鄉雖在邇慈幃斷消息草  
枯野空濶鳥歸山欲夕明發不可親無間意增極

戴松石諱宗渙字原怡號



寄此山雲

水清風淡剡溪間一任山雲自往還怕有月明乘興客  
柴門深夜未曾關

春日懷東白

去年今日送君歸已見春花兩度飛別後豈無書可寄  
向來因有事相違笑談每憶春風坐顏色常瞻落月輝  
莫問名園并綠水只今光景舊時非

戴吏部

諱宗瓊字懷玉洪武間任吏部主事

送陳南賓赴京

漢廷曲逆有雲仍喜逐徵書謁帝局謾向雲衢誇逸足

石屏集

卷之十

毛

臨海宋氏重梓

卽看丹穴刷修翎新豐美酒還須醉內苑啼鶯正好聽  
天上故人如有問釣竿今已占楓汀

題趙氏來青樓

倚樓孫子好樓居門外青山畫不如對面烟嵐侵几案  
撲人空翠溼衣裾留情正在雲歸盡覓句偏宜雨過初  
何日登臨遂幽興臨風笑挹玉芙蓉

題趙仲淵家藏巨然山居舊隱圖

趙君平生有畫癖購畫千金無所惜軒窗日久耽晴虹  
鴈蕩雲烟動秋碧山居之圖古無敵巨然乃肯留真蹟  
雄峰峨峨狀廬阜春風喬林翠如織柴門路入花竹深

彷彿茅茨浣花宅漁舟收浦烟江中白石離離弄江色

山人構思固不易造化神機出毫墨摩挲兩眼看厭  
趙君珍藏信奇特愧我無詩如杜陵此畫還君三大息

戴閒懶

諱子英字文曠號閒懶仕至江浙行省

游澄照寺

籃輿春日暖石磴轉縈迴山鳥衝烟去溪雲帶雨來笑  
談忘對奕酪酌醉深盃爲想竹林興□□好一開

戴松澗

諱璿字文璣號松澗博覽羣籍尤精於醫所著有喬雪樵唱集藏於家

題畫菜

鼎肉紛紛飮膾肥丹青摹此意何微年來滿地多蟲蠹

石屏集

卷之十

毛

臨海宋氏重梓

行盡春畦見亦稀

自述松澗

處世無能祇自憐攜書投跡市東偏旋開草徑蒼松下  
更結茅齋碧澗邊宿雨初收鳴雜佩和風微度響疎絃  
餘生果遂棲遲願疏食簞瓢亦晏然

西澗松聲爲李梅塢賦

美人絕塵想結屋青山陬蒼松傍西閣四時風颺颺美  
人愛敬客延我居上頭初聞怒濤撼旋覺虛籟浮宮商  
一以徹餘韻還悠悠涓涓泉出罅混混川漲流秋風吼  
龍虎落月啼猿猴倏來自有處忽去何所留拄頰坐清



曉聽之情獨幽怡然授綠綺一鼓天地秋

戴恬隱名璉字尚重號恬隱所著草蟲集藏于家

避喧庵自詠

結庵龍鳴村地僻遠市喧四山列圖畫兩溪流淵源紅塵隔綺陌綠樹依柴關飛花點石徑幽鳥鳴松軒予生性多癖習懶愛清閒蓑笠烟雨中琴尊風月間詩成自刊竹興至時登山芳沼戲羣鱗空庭舞雙鶴林下見人稀對此成獨樂引泉灌園蔬攜筐採山藥此外復何心所貴全天爵擾擾利名場誰能免羈縛焚香讀古書晴雲鎖窗白

石屏集

卷之十

臨海宋氏

憶子會試無家書

白頭望爾上青雲數月泥金信未聞自卜情多夢難口曉來喜聽鵲聲頻

戴潛勉名通字允儒號潛勉成化丙午鄉貢赴北宏治間任安州知州所著有秋蟲稿藏于家

次韻謝世懋見寄二絕

禾黍擬登場已洗新飯甕有田無力耕長作豐年夢舉目望青天欲破醯雞甕惜乎獨思君夜夜迷途夢

采蓮婦

采蓮復采蓮花雨溼衣裳明朝復出門憑誰定行藏采蓮復采蓮秋風生老態花心有時衰妾心未憔悴

采蓮復采蓮紅漾水中天含情向蓮語顏色知誰妍

織婦詞

蟋蟀動秋吟燈花夜向深辛勤機上織未作妾衣襟

送崔冢宰致仕還鄉

出處堪為世重輕東山曾是慰蒼生兩京台相推先後萬國鈞衡屬老成野渡橫舟春浩蕩金陵見月夜分明始終全德今歸去老圃寒花晚自馨

悲歌

莫對鏡莫對鏡鬢白髮蒼容色病莫食肉莫食肉齒漏牙疎不可觸借問我生年幾何不去日少去日多悠悠

石屏集

卷之十

臨海宋氏

身世成悲歌

次陳石齋留別韻

采蕨當年未說高盛名今日竟難逃爭看彩色來虞鳳獨聽希音變楚騷魚笱有情君欲往雲霞無意我初交桃花寂寞天台洞盡日東瞻海上勞

石屏詩集卷第十終

臨海宋興洲校



書石屏詩集後

天台布衣戴屨翁以詩鳴宋季類多閔時憂國之作同  
時趙蹈中選為石屏小集袁廣微選為續集蕭學易選  
為第三藁李友山姚希聲選為第四藁上下卷輩仲至  
仍為摘句又有欲以其詩進御而刊置郡齋者雖其向  
上功夫未暇深論其詩已為世重而見於板行者又皆  
諸名賢選摘序跋具存可考也今觀陳昉氏跋語謂其  
有忠益而無諂求有謙和而無誕傲希聲謂其忠義根  
於天資學問培於諸老方萬里謂自慶元以來詩人為  
謁客者相率成風干求一二要路之書副以詩篇動獲  
石屏集

卷之十後

臨海宋氏  
重梓

千萬緡往往雌黃士大夫口吻可畏至於望門倒屣石  
屏為人則否廣坐中不談世事縉紳多之則翁之取重  
於世豈直篇什之工哉成化中家君入翰林始得翁詩  
寫本命金手錄每病其訛外未有以正也後十有五年  
金以郎吏倖廬罪戾之餘時誦翁一官不幸有奇禍萬  
事但求無媿心之句以自厲適六安學正鑄出示家藏  
板本并詩抄一帙板本較前寫本頗詳然脫簡尚多字  
或漫滅不可讀者之晦菴先生荅仲至書有云黃巖老  
過訪惠詩一笥甚佳亦見刊行小集冠以誠齋之詩黃  
巖老蓋指翁也小集疑即蹈中所選者夫以投贈大儒

之詩得經題品而集中不載非獨散軼為可恨而竊重  
有感焉蓋自為童子時僅見翁詩一二於他本逮今壯  
歲宦游中外旁搜博訪猶未獲其全集幸而存者又訛  
缺如是嗚呼亦難矣乃於政暇據二本之同異校讐重  
加編次東皋子十詩仍錄集首詩抄乃東塾漁村秋泉  
充菴樛巢介軒諸君所作附載於後東皋翁之父東塾  
以下至學正君皆其裔孫也學正君拳拳於先世文獻  
有足尚者又四年編成凡十卷爰謀太守宋侯刻而傳  
之以成其志因系予所感如此俟嗣有所得續附焉且  
以見台郡人物之盛戴氏詩派之遠而讀其詩者又當  
石屏集

卷之十後

臨海宋氏  
重梓

論其人及其世云

宏治戊午孟夏初吉賜進士奉議大夫直隸廬州府同  
知前刑部員外郎西克馬金汝礪父書於郡之班政亭

癸川

集籀

表勵準署登





甲春康宗校  
子永胡楸鋟

白雲在南山

白雲在南山幽鳥乘風飛鳥飛不能遠雲高邈難依園中亦有菊堂後那無萱游子不得歸銜悲欲何言

綠珠行

蜀絲殷空金作谷珊瑚成林珠百斛彼姝千花萬花簇明月出胎照波綠鏡中飛鸞掌中身夜月春風看不足悲歡倚伏如禍福西里憐蠶東市戮願將舊意奉新人此別它生定難卜君因妾死莫多怨妾死君前君眼見高樓直下如海深璧玉一碎沙中沈平時感君愛妾貌今日令君知妾心

同平父園中卽事

季冬少寒凍霜薄日色明訪我會心友相攜園中行菜甲長疎花梅枝綴初英潛魚戲晴波寒雀暖有聲小步極還覽閒吟暢幽情語言

癖齋小集

接纜總意適體自輕歲華晚更好景趣靜始并俯仰物態閒聊與同春榮

明鏡行

明鏡照形不照影明月照影不照心朱絲委地流水咽寶劍挂壁蛟龍吟二桃畫謀思義絕慘嚴霜飛六月銜石海可填鍊石天可補君非食蓮的安知此心苦

上徐子宜侍郎一絕

當年金屋誤承恩自倚容華託至尊風外游絲難繫日依然青草暗長門

猿臂將軍戰不休當時部曲亦封侯夜涼忽夢燕山月猶幸君恩晚見收

九日懷陳舍人

白髮江湖暗青燈几席涼窮塗幾半百佳節又重陽命也吾何奈天乎孰可量元龍樓百尺猶足慰行藏

蔗境菴一絕

世事多端好備嘗未能悅口勿輕忘結交莫厭初年淡晚節相看味始長

美惡初終自不同新人那念舊人容君知食蔗逢佳境不念人閒有非封

別江陰宰魏元長兼呈王木叔史君

荆山抱璞自遭毀漢漢胡沙埋皓齒咸韶正音或出爨下桐千年憤鐵一日變化成蛟龍人生相歡貴知己心不相知異生死豈不見豫

滄海終可填太行竟能移丈夫殺身為感激有恩不報非男兒意氣磨日月感遇由一時齊威九合諸侯盟黃河倒流五嶽傾楚茅入貢

民冠帶金繩玉檢思告成高臺已荒曲沼既平不見夷吾功但聞鮑叔名

賦賢已錄

癖齋小集

物理因人創神機自古傳揚雄嗟有法孔子歎魯賢勝負存虛實初終謹後先按圖嚴畫井起數象周天百戰期爭道三隅察守邊開基

思漢祖復土想周宣奮勢攻無備沈機救未然勝心游碧落幽思及黃泉

目利魚貪餌乘虛雁落弦紛爭忘父子迷惑到神仙守必防重柝攻須出萬全安與侵伐意私擅殺生權給弄心懷詐包藏智益玄

甘辭韜甲胃險志匿山川諱忌真情露矜誇小數專怯圍潛卻步貪得暗垂涎見逼難思進相持莫敢前蹈危鬚捋虎役志耳鳴蟬意滿

揮忘食神馳更廢眠弱形遺毒手短節不空拳悔誤徒批頰矜高欲比肩禍胎還隱伏陣勢漫懸延詭道非存正羸師合忌堅設心踰咫尺

揚攫子甚烏爲造妙羣心如趨亡眾目憐淺謀徒躁進重地莫輕捐黑白材因見雌黃論豈偏高人真託興遠見始忘筌鑑戒無忘此防

虞蓋有焉請看奕碁句何愧關雞篇

山有狙行

山有狙不可馴山有虎不可親狙詐匪懷德虎飢須噬人死生託良



馬信厚稱端麟野性定難保猛獸終不仁

王察宅

春風佳人命多薄深宮井冷梧桐落江邊百尺斷魂樓未比鴛鴦一枝託漢家待士禮意失黨獄淪胥生鼎鑊南山豆荳苦燒焚鸚鵡洲邊埋一鴛丈夫擇木豈無術何爾依劉燕巢幕君不見平時子房侍帷幄一語不投斃文若登樓此日誠可哀亦恐從軍未為樂

書懷呈鍾君祿吏部

君不見黃河之水能上天白髮一變無由玄人生住世無百年倏忽變化空中煙眼前富貴皆年少悲苦常多少歡笑抽弦趣柱向君彈宛轉淒涼不成調

持心託明月明月照影不照心彈劍發長歌歌長宛轉多苦音海水東西南北流昔日年少今白頭欲對君前歌此曲恐君淚下不能收  
勿除蔓行

蔓草君勿除葉蒂相連牽春風共滋長秋露同衰殘庭前梅花樹一

雜詩小集

種同根生南枝暖北枝寒

讀杜詩斐然有作

正澤久淪決正聲皆雅言百川忽西流青黃雜糞糞經吹死灰明燭日月昏綺麗兆建安淳古遺開元夫子握元氣大音發胚臙明裏失塞芒神儀臨乾坤再變六義彰一日五典博上該周南風下返湘水魂仲尼不容刪餘子何足吞五季兵戈繁朝嘔蟲鳥噎積波既瀾漫新奇倘西崑吻啄生譏評神鬼懷憤寃王蘇發陸襄黃陳窮河源煌煌百年間後學同推尊時時或嘗鼎往往猶戴盆傲摹或錫盤箋釋譎金根顧予小子旃獨受罔極恩神融淚交墮思苦心屢捫相望五百載如接顏色溫爐冶無停工况復忝諸孫斯文誠儻存庶以起九原

紙被一首

疎布裏敗綿破碎錯經緯嚴風過強弩終夜縮如蟬剡溪楮夫子益友吾所畏策勳在覆冒周密罕備象隱然萬里城可卻戎馬氣脈隨

益春温濁酒有醜味直躬免拳踞夜氣益洪教吳宮鳳花錦伐命可獻欲物微用匪薄道在窮不諱短袍可終身狐貉不足貴

陸務觀赴召

四海文章陸放翁百年漁釣兩繩蒙數開天地吾何與老作春秋道未窮李耳守官逾二代張蒼職史到三公坐令嘉泰追周漢此是君王第一功

雜詩小集

雜詩小集

永康胡宗楨據南宋羣賢小集本校錄

宋時潯溪杜氏兄弟五人皆以詩古文詞鳴于時人稱杜氏五高旂  
於行第居次字仲高嘗占湖漕舉首所著有杜詩發禘癡齋集詩婉  
麗而尤工倚聲陳向甫稱其半落半開花有恨一晴一雨春無力令  
人眼動此集履二十首名癡齋小集爲錢塘吳允嘉所輯入江湖小  
集余據以梓行亦譙吉光片羽之意云爾季樵胡宗楙





蘭

泉

集

一


卷



甲寅春月

佩珊朱廷琛

欽松



欽定四庫全書總目卷一百六十五

蘭臯集三卷 浙江鮑士恭家藏本

朱吳錫疇撰錫疇字元倫休甯人廣南西路安撫使倣之從孫處士屋之子也錫疇四歲而孤立志於學慕徐穉茅容之為人咸消閒南康守葉閭聘主白鹿洞書院辭不肖赴蓋篤實潛修之士不欲以聚徒講學鬻競浮名也性喜藝蘭自號曰蘭臯子因以名集殆亦寓無人自芳之意其人品心術可謂超然流俗之外矣集所存詩不多然皆晚年所自刪定簡汰頗嚴其題林逋墓詩清風千載梅花共說著梅花定說君句為呂午所賞春日詩燕未成家寒食雨人如中酒落花風句又為方岳所賞竝見於方岳跋中然集中佳句似此者尙頗不乏岳偶舉其一二耳蓋其刻意清新雖不免偶涉纖巧而視宋季潦倒率易之作則尙能生面別開以繼竹洲集後亦云不愧其家學矣

歸安陸心源宋史翼列傳三十五遺獻二

吳錫疇字元範後更字元倫號蘭臯休甯人自勝先生子也生五歲而孤能自刻志於學居常以不逮事親為恨每展墓攀號不能自已伯氏持家破其產幾盡疇年甫十六或教之訟泣謝曰貧富命也二祖以孝友名世而吾兄弟輒論財產若先訓何聞者賢之貧窶終身不為芥蒂三十即罷去舉子業乃究心家學復不自滿從鄉先生程若庸研覈性命之蹟上探考亭之緒咸消閒有從南康郡庠誦疇講篇者葉侯聞之不勝敬歎特致書幣聘為白鹿洞書院堂長不赴未幾南土軍興羽檄交馳於道疇乃有厭世意慕徐穉茅容之為人所居藝蘭以況嗜為詩丞相程元鳳修撰呂午吏部方岳史君方回皆亟稱之自卜生塋為息阿樂其林谷之勝每以即死歸藏為幸歿於景炎丙子年六十二所著有蘭臯集若干講義若干篇 休甯志



錢塘丁丙善本書室藏書志

蘭皋集二卷

明抄本 怡府藏書

紫陽吳錫疇元倫著

按徽州府志吳錫疇字元倫休甯人屋之子  
研精理學師事程若庸咸淳中南康守葉聞  
聘為白鹿院長不赴所居藝蘭以自況著有  
蘭皋集元倫為基仲之子乃文肅公之從孫  
而宋人諸序中皆稱為竹洲之孫待攷集之  
前後有陸夢發呂午方岳程鳴鳳方回宇文  
十朋羅椅王應麟序跋有太原王氏收藏書

蘭皋集 攷證

一宜·秋 館

畫圖記六觀堂珍玩藏水鏡堂珍藏記有明  
文靖世家圖書天官攷功大夫印明善堂覽  
書畫印記安樂堂藏書記諸印

蘭皋集二卷

小山堂鈔本 汪魚亭藏書

紫陽吳錫疇元倫著

謹按 四庫著錄是書三卷此本作二卷按  
之諸賢舊傳佳句皆在焉或卷有分併與紙  
格有小山堂鈔本五字有汪魚亭藏閱書一  
印

原序

蘭皋吳君元倫以吟編三十首見示予讀之如  
螢光水上下林影月高低鐘瓢自鐘鼎風月卽  
勳名草色迷幽徑禽聲出晚山高峯明落日危  
石響幽泉此五言之佳也輕薄楊花芳草岍淒  
涼杜宇夕陽山以詠晚春幽夢長隨明月去寸  
心難逐片雲通以和友人見寄清風千載梅花  
共說著梅花定說君以題林和靖墓此七言之  
奇也至題友人幽居小檻秋窗九日與漁父聞  
罵等作皆全篇有思致以三十首之詩而句妙

蘭皋集 原序

一宜·秋 館

已如此他可樂見已始予每念竹洲先生以文  
章行義驚動一世豈無有能繼家聲者近歲逢  
原以詩鳴實先生曾孫今蘭皋又先生之孫吳  
氏世不乏季子矣雖然未說因風翻柳絮須看  
和月上梅花非先生雪詩乎人家深蔽樹野水  
闊浮空非先生弋陽道中詩乎其在郡城與客  
夜坐達旦詩曰淡月微雲對倚樓無聲河漢自  
西流高城忽起梅花弄散作晴空萬里秋其以  
烏紗巾餉客詩曰落托烏紗墊角巾已將清泚  
滌京塵請君便漉淵明酒醉後從他雪滿簪詞



意清新而豪氣勃勃不可遏直與坡杜相周旋  
一洗郊島之寒瘦真可畏而可仰也敢爲蘭臯  
誦之清祐九年五月望日竹坡呂午書

予常於何人卷中見左史公稱說着梅花定說  
君之句不知其竹洲後人也意王愷之珊瑚扶  
疎二尺美止此矣比吳君過予厓下出其寶則  
高三四尺者六七株如燕未成家寒食雨人如  
中酒落花風者尙多也子其祕之毋使豆粥韭  
齏爲帳下兒所笑彼愷輩那得與君爭長寶祐  
甲寅十月既望秋厓方岳拜手

蘭臯集原序

二宜秋館

蘭臯稿多奇句信如秋厓翁所謂珊瑚三四尺  
高者六七株然予嘗恨王愷奢華誇一時而爲  
如意所折遂至恍然自失使予爲愷當復碎崇  
所示而出吾穀粟絲麻之富以誇之夫穀粟絲  
麻奇不如珊瑚而吾欲以此誇彼何也此適用  
而彼則玩而已愷能爲此論崇又當恍然自失  
惜愷不足以知此觀蘭臯歷卷擬古深得此意  
而卷中感慨之作又多匪徒珊瑚之玩也苟類  
是以求詩則嘲風弄月無補世教雖奇抑末矣  
君如不信其歸而問諸竹洲咸淳改元正月梧

岡程鳴鳳拜手敬書

晦翁言詩以三百五篇爲根本翁詩爲中興冠  
冕豈劇目鉅心有意於詩哉本深而未茂實大  
而華榮也竹洲亦然節行事業之外詩文超軼  
絕塵宜鳳毛之世美也竹坡摘蘭臯五七言佳  
句而已竹洲吟咏妙處勉其進審言之有子美  
予既見之矣榮陽之有東萊豈直以詩鳴而已  
哉嗣德有繼將不一書咸淳辛未仲秋浚儀王  
應麟題卷後鼎按六行似有脫誤

蘭臯集原序

三宜秋館

自竹洲之客汪柳塘以下二十餘人一時雅集  
不減山陰余生晚學後僅及事竹坡呂公其序  
竹洲諸孫蘭臯君之詩實目擊之私竊謂曰此  
客疊疊逼人俛仰三十年憂患來歸依然倦翼  
故林之喜吳君袖新吟過余鶴立秋清今猶昔  
也讀徹至山居雜言憮然曰浸近平淡矣誠齋  
老子每官每集每集每變每變每進蘭臯嗜詩  
如嗜炙世間利達事不入其心予知君之進于  
詩未艾也他日相逢珊瑚扶疎高三四尺端不  
止如今詩之所觀咸淳七年重九陸夢發書



余年二十餘以詩遊于竹坡秋厓二先生之間  
二先生喜稱道蘭皋吳元倫佳句說着梅花定  
說君坡喜之人如中酒落花風厓喜之坡今仙  
去二十餘年厓亦十餘年而元倫年六十餘亦  
四十七矣細讀摘稿如泉幽影照清者余擊節  
喜之幽淡靚深有賈浪仙之風而人世如無夜  
勞生事更繁亦古人所未道昔者山谷喜宛丘  
漱井掃花之詞誠齋謂後來全集別有天珍恨  
山谷未見余於元倫亦云蓋坡厓所見者元倫  
中年詩而余所見者又有晚年詩元倫進而余  
不進則余之老矣可恥哉咸淳九年中秋前一  
日里人虛谷方回敬書

蘭皋集 原序

四宜 秋 館

蘭皋集卷一

宋紫陽吳錫疇元倫著

春望

春事今如此憑高興未闌半簾疏雨過一院落花閒  
草色迷幽徑禽聲出晚山東風能育物不改鬢毛斑

迂拙

迂拙安吾分炎涼任世情簞瓢自鍾鼎風月即勳名  
春樹重重暗晴雲片片明滄波山閣外浩蕩一鷗輕

晚步

晚日弄晴陰徐行野徑深山寒梅韻峭林杳鶴聲沈

蘭皋集卷一

宜秋館

緩水元無響飛雲豈有心頗知閒最樂天地入清吟

煙波奇觀寫興

層樓一望立斜暉三兩人家出翠微淺瀨欲流山影  
去疏簾不礙月明歸自來樵釣無榮辱到底功名有  
是非識得老天窮我意免教世路踐危機

林和靖墓

遺稟曾無封禪文鶴歸何處但孤墳清風千載梅花  
共說著梅花定說君

春日

韶光大半去忽忽幾許幽情遞不通燕未成家寒食

兩人如中酒落花風一窗草憶濂溪老五畝園思凍  
水翁無賦招魂成獨嘯且排春句答春工

蘭

石畔稜稜翠葉長葳蕤紫葉吐幽芳靈均去後無人  
問林密山深只自香

夕陽

夕陽牛背數家村一笛聲中欲斷魂人世百年雙短  
鬢不知禁得幾黃昏

洲上

藜杖步芳洲風花點碧流時情鳧泛泛心事水悠悠

蘭皋集卷一

宜秋館

有約山長翠無名草自幽聲聲曉布穀夜雨足西疇

寄漫客汪子美兼簡竹膺東美

雁斷無書到筆峯暮雲空自滿江東漫郎一片襟懷  
杳子美三生習氣同身外有賞惟老視竹邊無價是  
清風何時共聽簷花雨小醉微吟夜燭紅

晚春

書策爐熏了日間雨餘庭砌綠迴環一春又是尋常  
過雨鬢誰知容易斑輕薄楊花芳草岸淒涼杜宇夕  
陽山不嫌負有雙飛燕依舊銜泥自往還

新荷



園林春去後幽景屬池塘過雨細猶小吹襟風已香  
莫期包作饋好待集為裳太極翁何在花時愛敢忘

夜坐

蕭蕭下庭葉未晚閉柴門故篋搜詩讀殘鏡喚酒温  
砧鳴深巷月犬吠隔溪村人世如無夜勞生事更繁

聞鶯

湖邊春壓柳絲低雲淡風輕一杖藜伐木詩亡交道  
絕縣蠻空為盡情呢

漁父

客箸儘自了生涯岸尾沙頭卽是家入夜醉歸橫短

蘭集卷一

三宜秋館

笛滿江明月浸蘆花

春日從伯氏領子姪郊行

寒食清明共一時柔紅開徧野棠梨繁禽聲樂風光  
麗弱柳陰濃日脚遲身外生涯何似酒人閒局面只  
如棋行春莫待花飛卻藉草開樽剩賦詩

棣華堂 先大夫國錄 叔大父安撫教授之

地堂前古桂巋然獨存花時踟月徘徊其下

誦 先君舊隱之詩次韻追感

古桂吹香秋月明當年曾聽讀書聲角弓有賦門人  
在邈迤猶須問粹榮

醉吟

一徑碧苔深蕭閒幾醉吟野花開自落春色霽還陰  
涉世謀多拙逢人口欲瘖門前流水淨洗盡利名心

山村問宿

問宿山村裏人煙斷復連高峯明落日危石響幽泉  
世事雙眉上年華兩鬢邊蒼洲森萬玉飛夢月娟娟

郡侯奏請為 先竹洲易名因送逢原入京

一封奏入五雲開哀錄儒先動九垓生意欲回洲上  
竹好風已遞隴頭梅誌銘標揭留幽隧謚法昭彰在  
曲臺去去片帆春水滑捧持飛誥看歸來

蘭集卷一

四宜秋館

友人有約未至

梅破疏英餞歲華尋梅有約過山家短窗昨夜占佳  
晤挑盡寒鐙未肯花

分題牡丹

此花誰實與封王公道東皇有品量宿露低垂蒼玉  
珮喧風輕振紫羅裳精神因為得春久富貴何嫌到  
晚芳醉摘一枝簪帽側從教人笑老夫狂

荷葭塢呈秋崖方工部

怕驚唳鳥推棋罷為愛落花迂展行窈窕綠雲春一  
塢遊絲飛絮弄新晴



晚眺

日未沈西月已東一山秋葉染霜紅鮮明卻勝春花  
好不似春花耐得風

聞雁

暮霞天角正紅酣渺渺飛鳴雁兩三萬里中原消息  
斷賴能帶得過江南

僮諭

小隱生涯無別事護持蓑笠傍鷗沙清泉頻注吟邊  
視活火隨煎飯後茶趁早須來添鶴料便忙也去探  
梅花焚香埽地齊書帙客到鄰牆有酒賒

遇梅初花

隴上無人寄一枝疏花忽見喜生眉巖稜面瘦霜明  
裏瀟灑香寒月上時比姑射仙同調度與林逋老共  
襟期孤芳不競能堅守肯向離騷怨未知

秋日

西風吹雨故將寒斗室盤旋宇宙寬蘆已成花衰鬢  
白楓猶染葉醉容丹人閒歲月幾羊胛身外動名一  
鼠肝領略秋光無限意東籬間掇落英餐

聞笛

乾坤沈萬籟風露香雙清城近更初轉山空月正明

攬裘寒意重看劍壯心驚迢遞誰家笛淒涼此夜情

楊花

爲見春風不久歸顛狂上下弄晴暉只饒天與無拘  
束入幕穿簾任意飛

其二

飛舞隨春去不停空條留得罩郵亭狂心未肯沾泥  
死猶作輕浮水上萍

次韻答吳仲山

聲利驅人萬轍忙何如林下翫幽芳一池草色春不  
盡半樹梅花月也香古錦忽分詩眼巧短箋難寄話

頭長相望正恨相逢晚莫惜來過翦韭黃

舟中

一笑起推蓬煙雲望眼中鷓鴣無調樂帆飽有情風  
山近水偏綠鵲啼花正紅前途足奇觀行色莫忽忽

次韻題純老房竹

有竹更不俗蕭疏三數竿雲深茶竈溼雨過佛鐙寒  
紀壁何年種停經了日看塵勞應可滌幾欲借蒲團

元日

寂寞柴門賀客疏已輪漸後飲屠蘇花情柳思開新  
歲竹籊蒲團只故吾獻楚有誰能辨玉求齊正自不



工等朝來笑挽存風問亦解重青兩鬢無

臨川憶舊

漫浪同為逆旅人倏然離合入思頻清明上已多愁  
雨芍藥荼蘼各殿春不改交情山翠舊漸添老色鬢  
華新近來世念寒煙薄已辦青蓑理釣綸

學蟹

寒蒲就縛失橫行已矣甘從五鼎烹憑恃甲戈名以  
躁貯藏風露敗於清蘆花洲冷霜威健竹葉杯深飲  
興生且與老饕成後賦正須一笑付薑橙

次韻逢原偶興

陶集卷一

七  
宜  
秋  
節

曾共青燈坐夜闌依然故我只儒酸昏眸但覺看山  
易倦足方知行路難捫蝨坐談思傲睨聞雞起舞歎  
衰殘閒中恰續無功記以醉為鄉儘自寬

晚晴

雨脚風收斷斜陽漏晚天徑蕪蛙張主花霽蝶輕儂  
晝思平林外詩情步履邊無山將亦隱底用買山錢

還友人詩卷

壇荒杜陵後何以續詩名千里江山秀一襟風露清  
淡中無淺短豪處有和平細讀松閒集如聞雅奏聲

籠鶴

本是雲霄萬里身樊籠著向綠槐陰雖然祿料曾無  
欠孤卻寬閒自在心

送春

紅襯晴霞一角天小樓重上眺前川莫言春去無蹤  
跡盡在枝頭嫩綠邊

其二

惆悵春歸自不禁日長門巷靜沈沈應知不止為花  
地沃沃桑麻雨露深

其三

新綠迴環暗竹屏靜中物物總天機啼鶯戲蝶渾如

陶集卷一

八  
宜  
秋  
節

舊莫是春風尙未歸

九日集客

佳節欲酬須酌酎東籬不記幾飛觴從教烏帽吹將  
去且對黃花領取香世事設勞三太息人生寬破百  
重陽英雄蓋代今何在戲馬高臺久已荒

聽雨

細細簷花雨青燈耿客魂輕煙騰柏子流水響桐孫  
日月雙車轂乾坤一酒樽蠧柯分已定人自苦追尋

次韻謝元壽

曾被儒冠誤謀生事事疏洲無千樹橘家有五車書

疊石和苔斲移梅帶雪鉏好非人所好習氣未能除

贈寫照陳生 審鑑

燕領鳶肩總屬天幾何人得上凌煙且煩寫在山巖  
裏野服黃冠看瀑泉

山中雜言

小小柴門傍竹開幽深不慣有人來頗嫌老鶴無情  
思啄損庭前一徑苔

其二

老作山翁輩行人素衣曾不化京塵只應猿鶴無驚  
怨從自龍蛇有屈伸

蘭皋集卷一

九 宜秋館

其三

數家雞犬小成村一帶岡巒近入門怕有漁人來問  
訊溪流那得截雲根

其四

草色侵除雨後深天教閒靜在山林無田種秫供桑  
落有地栽蘭當水沈

其五

移春有檻徧京華剩種人閒富貴花誰識山中窮活  
計眼前沃沃只桑麻

其六

得失升沈是與非紛紛世上局如棋白雲谷口橫遮  
斷萬事山中總不知

其七

繆有生涯類蠹魚蕭然四壁一牀書兒曹未信儒冠  
誤猶事青鐙廢耒鉏

次韻題璜原僧舍

魚鼓無聲晝闌沈荒碑漬雨古苔侵忽飛寒雀窺齋  
鉢偶有馴猿聽梵音

寂寂

寂寂閉門坐身閒心太平豆花含雨重梧葉助秋鳴

蘭皋集卷一

十一 宜秋館

道路風波惡山林夢寐清少狂無復在未減是詩情

鴻鵠

滿身文彩謾成愁一曲清池強滯留翹足有時雙睡  
去夢魂依舊繞滄洲

桂花

許多香卻不多花灑氣浮空月滿家明石壇金屑  
富旋收賸馥入龍茶 近作桂  
花茶供

次韻寫興

不學韓公咎斗牛此心無愧許沙鷗陰晴明日自難  
料得失頻年已熟籌癡計空爲千載慮虛名翻誤一



生憂閒中菘韭皆真味絕勝羊腔進膳羞

老境

老境已駸駸功名負壯心昏眸雲霧隔短鬢雪霜侵  
身爲貧長客詩因病懶吟春山歸未得門徑蘚花深

客枕聞鶉

煙新寒食過月皎子規來萬里他鄉恨千年故國哀  
窗深欹枕聽夢短到家回爲爾添愁寂春風不耐催

尋梅

迤邐尋梅過別村歸來新月照黃昏更無可覓春風  
面撚斷冰髭立斷魂

蘭皋集卷一

十一 宜秋館

晚春喜友人至

柳門竹巷靜生苔節序俄驚物物催一雨拉將寒食  
過百花讓與牡丹開若爲繾綣留春日正可淋漓縱  
酒杯呼舞忽聞猿鶴喜兒童忙報故人來

蘭泉集卷二

宋紫陽吳錫疇元倫著

竹洲重葺仁壽堂

抗章當日勇辭榮三詠循陔世念輕  
娛悅高堂仁者壽壅培遺植聖之清  
雲涵翠葆添新蔭秋逼青琅夏舊聲  
故址依然成棟宇水心題扁尙晶明

先文肅建以娛親

雨中過昱嶺

下輿扶杖過山溪雨濺征裾屐濺泥  
正自不禁行路苦一聲何處竹雞啼

湖上聞鶉

蘭泉集卷二

一宜秋館

湧金門外買湖船綠樹陰陰叫杜鵑  
恰莫叫從城裏去有誰人肯辦歸田

獨酌

獨酌悠然醉應無語笑譁百年柯上蠶  
萬事瑣中蛇詩定重刪草鐙挑又作花  
不煩眠遣客長嘯岸烏紗

秋懷

雁聲叫斷一天秋寒氣憑陵季子裘  
莫恨蛾眉偏薄命會知猿臂自難侯  
繞黃花有詩消遣持紫螯兼酒拍浮  
未用淒涼如宋玉月明清思滿前洲

悼鶴

乘化歸遼海雙籠一不開  
墜翎留片雪遺跡印荒苔  
月朗憐孤唳琴閒憶共來  
瘞銘爲琢石雞鶩不須猜

洲上二鶴忽斃其一

次韻孫良夫贈別

第一江山第一程新詩快讀遍  
梅清碧雲不斷飛帆急立盡  
檣竿晚日明

其二

楊子江頭欸乃歌一天星斗絡斜河  
怕無才思堪風月拾入奚囊未必多

次韻葉介夫

蘭泉集卷二

一宜秋館

芳草垂楊浥嫩寒苔痕新過雨斑斑  
一年春付花開落長日庭分燕往還  
世事祇堪頻對酒詩情自可飽看山  
儘窮莫用文爲送郊島曾容季孟閒

秋夜

寂寂虛堂風露涼邊聲驚聽雁南翔  
短筇夢涉秋三徑長笛思乘月一航  
老眼添昏如濁鏡吟懷多感類寒螿  
久知拙不趨時樣肯羨東鄰鬪艷粧

荆溪舟中對月

歷眼旬餘半終宵月在天若將今歲  
看僅有此番圓寒逼鴻洲外光搖蠃  
獲邊家山千里遠應共一蟬娟



十二月  
十五夜

姑蘇晚泊

有味吟邊景無愁醉裏身如何連夜夢只是到家頻

更永遲留月梅寒漏泄春吳王臺下泊訪古待清晨

山行

策蹇又山行看山不識名平林秋後薄疊嶂日邊明

雲近侵衣溼泉幽照影清歸樵饒樂意笛弄兩三聲

醉起

水宿篙師報歇程維舟聊此問旗亭醉來頓覺鄉愁

失苦被霜風吹又醒

蘭泉集卷二

三宜秋館

嚴灘

極目飛鴻外蒼茫一渺然風清垂釣瀨日淡放梅天

展卷評詩句探囊結酒緣舟中無此樂但只閉篷眠

新城

短棹泊新城江寬風易生帆隨湖其上煙接岸俱平

冷蘖江南信孤鴻塞北聲詩成休朗誦怕有老龍驚

晚山

晚山欣靜對杳杳碧無垠病葉明殘照飛鴻帶斷雲

自憐麋鹿性宜入鷺鷥羣世路多殊轍升沈迹已分

夜感

少年未識隄防老不辨坡翁大字書猶有壯心耽萬

卷其如昏目負三餘睡遲祇怕中宵覺交淡從教俗

軌疏暝坐謾搜詩撥遣靈臺一片炯如初

憑欄

劉伯龍如鬼笑何居然幻境螳南柯世閒知止人應

少天下難言事最多梧葉淒涼因節序雁聲依約自

關河憑欄莫起悲秋意老色何妨借酒配

無絃古琴

寥寥誰是識琴心得趣元來不在音可惜伯牙猶未

達絕絃當日恨徒深

蘭泉集卷二

四宜秋館

偶成

酒能成病姑停飲詩怕傷時莫浪吟客又不來春欲

去一簾花影呀鳴禽

其二

釀蜜山蜂初割戶銜泥梁燕已成家春愁漠漠連芳

草閒過東園數落花

多景樓

欄干投北是神州莫怪諸公怯上樓千載潮聲如有

恨猶能含怒到瓜洲

姑蘇臺

歌舞聲消跡已陳危臺今日壓城圍  
遊莫恨終亡國誰把鴟夷載諫臣

三高祠

去越思吳居甫里並祠千載說三高  
到頭杞菊饒餘味不涉人閒富貴勞

旅舟度歲呈范堯臣

柏棧椒盤且罷休呂蒙城下泊孤舟  
昏鏡獨照還鄉夢久客新添別歲愁  
爆竹無聲驚寂寞梅花有意伴淹留  
明朝例是加年事不信公侯不白頭

夏日

蘭皋集卷上

五

宜秋館

雨作年豐計涼爲午睡媒不煩思飲露已可洗飛埃  
延月簾高捲看山牖盡開心閒逢事懶襤襪且休來  
菊邊持螯

奔火狂難改橫戈事已非形模雖可怪風味故應稀  
玉斫雙螯潔金披一殼肥持杯籬菊畔又見醉忘歸

對月有懷

破晴斜月入簾陰鬢影蕭騷老不禁九十日春風與  
雨百千年事後猶今牡丹紅褪殘粧面杜宇聲寒故  
國心眼底交遊期又誤飛鴻杳杳鯉沈沈

哭趙成德

鶴悵東巖夜聲悲不可聞有圖留水月無句管煙雲  
身後空傳稟生前自作墳忍思攜手日潸淚謾紛紛

重午於潛道中

逢人蓼艾知重午謾把青錢問酒杯豈是醉狂慵弔  
古獨醒不禁客愁來

六和塔

直上浮屠最上頭茫茫渺渺入雙眸斜陽斷雁新秋  
意惹起西風一段愁

次韻汪仁甫

斜河炯炯雁飛飛老卻斯人天未知三徑秋光猶在

蘭皋集卷二

六

宜秋館

菊一年心事可無詩歲華迅似離弦箭愁思多於盈  
杼絲寂寂空山明月裏誰拈霜竹倚風吹

結屋

結屋須教坐對山把茅纔此有三間澆花抱甕調停  
懶洗硯裁牋準備閒未問丹砂能蛻骨久知綠酒可  
醜顏江湖浪跡成何事抖擻歸囊句不慳

夜雨

漠漠春陰未肯晴空階點滴到平明應知不入笙歌  
耳來作愁人枕畔聲

客思



淹留爲客久蕭散與心違  
妻病家緣廢奴逃書問稀  
雨荒招鶴徑苔滑釣魚磯  
愧爾汀頭鷺滄波自在飛

藍溪道中

綠窈雨初歇清和日正長  
乳禽穿薄靄弱蔓上頽牆  
村市筍厨美田家甃餌香  
老翁扶杖出小立看移秧

看山

一寒未辦買山貲隨處看山總可詩  
人事無常山換主青山依舊不曾移

秋來

秋來病葉不禁風漸見虛欄墜片紅  
斜日半谿人喚

蘭皋集卷二

七宜秋

渡斷雲千里雁橫空時情得似馴鷗子  
世事徐觀失馬翁欣戚莫將爲我役  
此懷拍拍自春融

九日

九日今朝是風吹帽欲斜愁惟添白髮  
貧莫負黃花蟹上橙初熟秋登酒易賒  
茱萸休把玩且辦醉生涯

江氏靜山堂

一炷清香萬疊山依仁體良寂然間  
油雲自去爲霖雨千古蒼蒼只恁閒

楚東歲暮

樓高霜冷漏聲遲獨立欄干憶別離  
明月一奩磨後

鏡疎星幾點劫殘棋歲寒時節難爲客  
日頭顛儘付詩頗覺淒涼無晤語  
臨風說與凍梅知

重題釣臺

不向雲臺戀故袍清風固自釣臺高  
渭川八十年煙雨豈是漁竿把不牢

除夜

日月跳丸歲又除書生作計太迂疎  
也知窮鬼難驅逐鬱壘神荼莫用渠

其二

守歲兒童語笑頻老翁醉擁地爐春  
欠伸起喚梅花

蘭皋集卷二

八宜秋

說明日平頭五十人

冬日

日薄霜清水見沙水邊偶到野人家  
滿階風葉渾慵掃爲愛深紅似落花

其二

夕陽孤倚立溪頭三兩漁舟遡碧流  
驚起一行新宿雁斜飛又過別汀洲

其三

誰人雅趣似林逋繞屋栽梅入畫圖  
淡日籠晴霜轉暖從頭看過有花無



癸酉元日

一聲竹爆又驚春  
茶壘中間寫此心  
忽忽行年周六甲  
便便癡腹擬三壬  
酒泉郡裏盃甘飲  
飯顛山頭尚苦吟  
強健得聞元是福  
何妨終老住雲林

琴枕

三尺焦桐稱醉眠  
邯鄲底用遇回僊  
夢中髣髴聞流水  
元是山間響瀑泉

別吳仲俊

背人春事水趨東  
淺紫深紅次第空  
宿靄未乾桑葉雨  
薄羅初試棟花風  
詩聯鍛鍊微吟裏  
豪氣施行半

蘭皋集卷二

九

秋情

醉中此去相逢堪  
幾度別懷作惡老  
來同

山居寂寥與世如  
隔是非不到榮辱  
兩忘因憶

秋崖工部嘗教以  
我愛山居好十詩  
追次其

韻聊寫窮山之趣

我愛山居好扶藜  
步晚晴俗醅存古  
意境寂快詩情  
杜老銀絲鱸坡翁  
玉糝羹隨緣清供  
足儘可供餘生

其二

我愛山居好蔬畦  
閒蒔花筓泉歸爨  
舍篝火乞鄰家  
苗嫩貓頭筍焙芳  
雀舌茶野人曾拜  
號何用給黃麻

其三

我愛山居好乾坤  
自在身林泉晞隱  
士風月謚隱人  
村釀添春困庖蔬  
勝鼎珍幾攜蓑笠  
去保社在鷗津

其四

我愛山居好軒窗  
傍水開遊魚吹墮  
絮閒鶴啄荒苔  
有字人誰問無租  
吏不來寂寥門徑  
側數尺長蒿萊

其五

我愛山居好陶然  
與世忘細聽泉漱  
玉那羨珮鳴璫  
乳燕飛聞宇新篁  
出矮牆靜觀機不  
息天地為誰忙

其六

我愛山居好崖雲  
溼爨煙琴橫雙鶴  
舞犁閣一牛眠

蘭皋集卷二

十一

酒熟花開日詩成  
雨霽天逢場聊適  
意總結喜歡緣

其七

我愛山居好粉榆  
老故邱好峰當戶  
立遠水護田流  
鼓響移秧日柳鳴  
穫稻秋年豐身老  
健一飽外無求

其八

我愛山居好蒼磯  
一釣竿白鷗春水  
闊黃犢綠坡寬  
徑菊香秋晚溪梅  
約歲寒人間幽意  
足詩思倚欄干

其九

我愛山居好茶甌  
困解園松邊橫石  
柳下敞漁扉  
細雨唼鴨出斜陽  
殷餽歸交情殊貴  
賤似覺故人非



其十

我愛山居好田園在力耘樵歌風外斷猿嘯月中聞  
舴艋夜招鶴轆轤曉汲雲久慙呼處士未必應星文  
對雪

婆娑舞忽凌空去散漫狂還埽地來幾片飛粘梅樹  
上恍疑昨夜有花開

友人幽居

空谷境常寂幽居趣最真蛙鳴聊當樂花發卽爲春  
白首惟詩酒青山自主賓惜無騷雅筆寫寄市朝人

蘭皋集跋

此集四庫依浙江鮑士恭家知不足齋三卷本  
丁氏有怡府藏明鈔本及汪魚亭藏小山堂鈔  
本皆二卷殆卷有分併歟以小山堂本傳鈔以  
明鈔校勘付刊集中詩皆近體與方秋岳唱酬  
爲多一時名流皆爲序跋其詩之名重一時已  
可想見元倫糸出華胄潛心理學又能以詩自  
鳴則不僅以辭聘白鹿院長謙退爲高矣甲寅  
二月南城後學李之鼎振唐跋





圖  
鑑  
高  
宗

三  
一  
齋

楊  
增  
華  
書



乙卯

仲夏

刊於章

內宜

秋館

欽定四庫全書總目卷一百六十四

西腔集一卷 編修汪如藻家藏本

宋宋伯仁撰伯仁字器之湖州人嘉熙中為鹽運司屬官多與高九萬孫季蕃唱和亦江湖派中人也是編卷首題雪巖吟草下註西腔集又寓西馬腔詩題下註云嘉熙丁酉五月二十一日寓京遭熱僑居西馬腔其曰西腔蓋由於是是雪巖吟草乃全集之總名西腔特集中之一種屬鷓宋詩紀事稱伯仁有雪巖集馬腔藁分為二編已誤又以西腔為馬腔益舛其實矣其

西腔稿 四庫編目

一宜 秋 館

詩有流麗之處亦有淺率之處大致不出四靈餘派自序稱隨口應聲高下精麤狂無節制低昂疾徐因勢而出雖欲強之而不可足知其稱意揮灑本乏研練之功然點綴映媚時亦小小有致蓋思清而才弱者也陳起江湖集中已列其目此其單行之本今亦別著於錄焉

西腔集序

詩如五味所嗜不同宗江西流派者則難聽四靈之音調讀日高花影重之句其視青青河畔草卽路傍苦李心使然也古人以詩陶寫性情隨其所長而已安能一天下之心如一人之心吁此詩門之多事也甚至裂眦怒爭必欲字字浪僂篇篇苟鶴殊未思騷選文章於世何用伯仁學詩出於隨口應心高上精猶狂無節制有如敗草翻風枯荷闌雨低昂疾徐因勢而出雖欲強之而不可稿以隨日而抄豈望廣傳於世兒曹異日知伯仁得詩之頃其一休一戚所寓

西腔稿序

一宜 秋 館

若此姑綴再草云

此序由南宋羣賢小集錄出



傳畧

宋伯仁字器之號雪巖荅川人舉宏詞科歷監淮揚

鹽課案原本云時東坡守揚州以詩文獻賦賦曰有

熙時人豈得與東坡同時此說殊誤

位不顯咸淳以後事已雖為故語多慷慨然能出之

以和易自然流邁而無叫囂之氣自謂隨口應聲如

敗葉翻風枯荷開雨低昂疾徐因勢而出蓋實錄云

烏青文獻

此傳畧由南宋羣賢小集錄出

西腔稿

四十

宋 宋 伯 仁

撰

役役人間世齊頭四十年讀書雖未已作事易徒然  
宦業蕉中鹿生涯葉底蟬願逢時務好一榻醉時眠

寓目

暖風輕撥繡簾開放入雙雙紫燕來燕子似於人有  
舊細銜花片落妝臺

晝景逢春漸漸長博山添蕪半匙香梅花一片嬌無  
力自趁時風過粉牆

久雨

西腔稿

三宜 秋館

晴數春來雨曾無兩日晴樹連山莫辨橋與水俱平  
閉戶惟便嬾逢人且問耕海棠花落盡顛悴幾流鶯

訪高菊圃

可惜吳中不見君短篷空載一溪雲知君已到孤山  
下日日梅花酒半醺

張監稅新居

爲愛灘頭只兩家也來隨分作生涯依山築屋先栽  
柳買地爲園旋種花聊把功名循世態只憑詩酒度  
年華與梅一夜論心事石鼎茶乾月未斜

尋孫花翁

東風吹雨溼西湖未許蘇隄酒膽酷試向花翁問花  
訊不知花似去年無

春雪不止

春來雪意愈遲遲又學飛綿過小樓暖逐東風雖易  
化猛如前月未容休鶯花消息孤詩課蠶麥生涯累  
客愁莫道遠人多凍殺王師亦有在邊頭

無事

日日溪頭看好山塵囂無一可相關梅花未必能如  
我花謝花開未得閒

西腔稿

三宜 秋館

訪林可山

可山無日不吟詩我欲論詩未有期幾日孤山明月  
下手援梅蕊立多時

簡施芸隱

雪後東風作峭寒客懷零亂客眉攢杭州雖近西湖  
月盍似湖州把釣竿

丁家村

不滿十來家門間半以柴日烘蘭入鼻風掠草侵鞦  
土酒融春興行歌放客懷何須高買屋一一近天街  
再會夏石芝



自與君相別駸駸已數年一緘書不寄千里夢徒然  
雨店花新長風櫺月幾圓嶺梅無恙否愁滿鬢絲邊  
舊同官張法曹

熬波同看楚天秋多少艱難說未休今日共依湖柳  
住夢中猶怕踏邊頭

雪後

暖地難爲雪春天易得晴落梅狂客意啼鳥故園聲  
愁樂從他事湖山寄此生願將身與世渾似柳梢輕  
一作一葉  
等相輕

紙鶴

西腔稿

三首 秋 健

弄假如真舞碧空吹噓全在一絲風唯慚尺五天將  
近猶在兒童掌握中

湖上新晴

湖邊膏雨弄晴時桃杏紅爭錦一機楊柳也如新及  
第向人爭舞綠蘿衣

晚春溪行 回文

青山數里一溪橫片片花邊舞燕輕耕過水田新雨  
足晴天晚色柳風清

悶甚

醪醪開已殘窗戶尙輕寒往事多成拙清尊強自寬

對妻憐病久顧影易一作心酸更展淵明集從頭子  
細一再作看

雨中

終日翻盆雨池亭晚更涼對琴思古意醺酒惜韶光  
綠漲便鷗懶殘花笑蝶忙高田皆可插好與報君王

妙智菴

結屋古山巔源流未有年便非真隱者且喜得安然  
一作禪石洞同雲臥茶鐺對客煎我來聊小憩詩滿夕

陽天

嘲不識字

西腔稿

四首 秋 健

難字逢人問村中小兒瑋聲靈易辨亥豕似堪疑

鹵莽原非莽草莽莽字音母謹切耕犁 十二齊犁字別  
字六脂犁字牛 駁文良脂切識丁何足道煮字不充饑

村學糾

八九頑童一草廬土硃勤點七言書晚聽學長吹樵  
笛國子先生殆不如

讀林可山西湖衣鉢

梅花花下月黃昏獨自行歌掩竹門只道梅花全屬  
我不知和靖有仍孫

寄樓雲臥

雲臥西湖又幾年吟藪多在酒鐘邊定知今古皆春  
夢不把功名作去聲宿綠芳草滿汀山帶雨黃梅落地  
水連天相逢未說江南事且問何時理釣船

村姑

翠鬢雙妥未梳頭紡緯車邊坐欲羞幾度采桑歸較  
晚阿娘疑看落花愁

又

底事蹉跎二八年嫁時裝着未周旋年年織得新絲  
絹又被家翁作稅錢

寓西馬塍

西塍稿

五首 秋館

十畝荒林屋數間門通小艇水灣灣一作灣環人行路遠  
多嫌僻我得安居却稱閑尊酒相忘霜後菊一時難  
盡雨中山何年脫下浮名事只與田翁贖往還

羊角埂晚行

葛裙蒲履帽烏紗迤邐乘涼到水涯數寺晚鐘聲未  
歇滿身涼月看荷花

湖上

一泓寒玉浸青山妝點樓臺夕照閒歌管滿船春水  
懶惜無人伴白鷗閒

西湖晚歸

一輪紅日倚青山只見湖光數里閒聽得畫船人說  
到錢塘門外夜深關

宋伯仁字器之茗川人有雪巖集馬塍稿海陵稿

西塍稿

六首 秋館

西塍稿

南城程 藩价伯校



西腔續稿

宋 宋 伯 仁 撰

安居

窮通豈在苦勞神且作安居懶散人買地種花多種  
竹煮茶邀客也邀隣求名豈識書三上得興無過醉  
一巡喜得滿筵收芋栗杜陵應未笑全貧

有感

窗戶清清半掩門小兒指淚立黃昏幾多心事無人  
問獨看梅花月半痕

聽琴

西腔續稿

二宜 秋 館

靜夜聽鳴琴秋風動幽谷何為鍾子期千古無人續

楮先生

先生邂逅龍亭日多少雲仍滿世間千古典謨文獨  
記九流毫髮事相關代庖阿堵名尤重製甲防邊職  
未閒只與道人為鶴帳始能清夢繞湖山

歲旦 己亥嘉熙三年

居閒無賀客早起只如常桃板隨人換梅花隔歲香  
春風回笑語雲氣卜農穰柏酒何勞勸心平壽自長

五老 儒將農漁女

壯年期佐漢中興豈謂蟠螭睡不醒可惜滿牀廷對

稿白頭翻錄道家經 老儒

髀肉豐腴鬢髮疎將軍健飯待何如七禽不了中原  
事羞讀君王問勞書 老將

齒髮俱無背已駝雨耕摩破幾青簑高皇慶壽推恩  
詔暗讀全文忘不多 老農

短髮衰髯一棹船白頭破浪幾掀天兒孫各占蘆花  
住網得鱸魚即酒錢 老漁

著破箱中欲嫁衣翠輦何止只憂葵春來偷摘斑斑  
髮淚涇菱花只自知 老女

遠訪友人不值留集句一絕

西腔續稿

二宜 秋 館

寒食花枝插滿頭范成大長亭搔首晚悠悠鄭毅灞陵

老子無人識王奇別是天涯一段愁 陸游

寄征夫

待君君未歸寄書書不去寄書書可去有意殊難語  
深夜彈琵琶思君在何處知君在何處不禁春事已  
闌珊東風吹起楊花絮東風吹落楊花絮

客樓戲集唐人句

門掩楊枝一夜風杜牧自憐羈客尙飄蓬薛山不堪  
吟罷東回首賴朋鳥傍巖花戲晚紅杜荀鶴

贈僧了性



雖然年紀小胸次已江湖貝葉連宵看梅花一樣臞  
記詩誠敢許戒酒恐應無好向蘇隄上行行搗數珠

醉中登樓

明主何嘗棄浩然杯中有物且隨緣倚樓心事誰消  
遣一點飛禽落釣船

嘲燕

年來乳燕亦堪羞不學楊花得自由飛過幾家門戶  
去直須尋見最高樓

瓶梅

南枝斜插百軍持瘦影參差落硯池莫道人家窗戶

西廡續稿

三宜 秋館

暖等閒忘却隴頭時

春半

春到已多時遊人替衲衣柳眠鶯喚醒花瘦雨添肥  
官事癡能了人情久易非一貧能自守贏得掩柴扉

散愁四首

著意功名四十年柳花空滿鬢絲邊男兒無補朝廷  
事有媿饑餐困即眠

小樓呼酒揖青山翠碧瓏璁一笑間山若有情應問  
我如何猶似野人閒

清貧如水儘無妨只願伊周立廟堂扶起太平千載

脈且隨農父樂耕桑

旋買犁鋤學種田一聲長嘯雪溪邊微茫白水山如  
畫好箇江南萬里天

午睡

午夢驚回筍簟涼坦夷襟度卽瀟湘詩高自與梅花  
好食淡方知菜味長事說萬端多畫虎人無一念不  
亡羊滿頭飛絮春零亂莫笑狂夫老更狂

酒邊

一醉復一醉陶陶醉未休何傷於日月知我者春秋  
萬事難追昔千金不解愁白鷗飛浩蕩此興屬漁舟

西廡續稿

四宜 秋館

小舟晚賞荷花回文

天浮月影水浮天路繞山頭樹繞烟船小小行人意  
適藕花新索酒杯傳

清明插柳

清明是處插垂楊院宇深深綠翠藏心地不爲塵俗  
累不簪楊柳也何妨

晚春

風發殘花滿地紅別離尊俎謾匆匆春光未肯收心  
去一作純收却在茶蘼細影中

綠陰陰裏惜韶華自縛筠梢掃落花可笑游人心未



懶杜鵑啼處撥琵琶

清和

詩債還無足家園亦倦看客遊宜致仕午睡當之官  
舌笑張儀在心憑達麼安清和天氣好應免夾衣寒

久坐

久坐如忘世松窗日未斜營巢鷓鴣噪樹作鞋夢蝶眠  
花易課推三畫醫方錄數家瓶笙聲未絕更點土山  
茶

戲作

青梅黃盡雨無多柳影重重午日過忽聽隔籬人語

上卷續稿

五直利館

笑采蓮船子上新河

玉泉寺金魚

金鱗韜隱已多時寺壁重泥又有詩龍若久懷霖雨  
志不應蟠屈小方池

僻居

居僻恬無事開軒挹晚晴雨耽雲脚重風約燕身輕  
有子爭梨栗無朋問死生每憂人載酒剥啄打門聲

倦吟

競病推敲欲嘔心何如危坐愁桐陰新蟬咽咽知人  
意學我年來抱膝吟

云云

休將閒耳聽云云只作深居耳不聞素志肯隨時節  
改清貧難計利名分忘情蒨屋無飛燕著脚青山獨  
是雲試問急流誰勇退故園同看水欣欣

愁

愁懷難畫亦難詩惟有流鶯暗得知我亦無言鶯不  
語柳邊相看立多時

蓼花

秋到梧桐我未宜蓼花何事已先知朝來數點西風  
雨喜見深紅四五枝

上卷續稿

木直利館

懶

懶懶復懶懶一作懶懶而今懶更疑此身聊復爾萬  
事欲何之尚覺瓢爲贅奚煩鍾自隨客來眼正熟裙  
幅任題詩

書座右

天地一蘧廬吾身自卷舒翁能從失馬子亦豈知魚  
謹獨甘居漏安貧且飯疏昨非今未是寧不賦歸歎

書座右

蠻觸小功名須教一念輕受恩知報飯臨事貴懲羹  
壽域惟仁宅心田以道耕泰然忘物我無使狎鷗驚

涼

不擬西風一頓涼  
看看涼近木犀香  
人家未得征夫信  
螢有社聲怯雁行

荷花六言

綠蓋半篙新雨紅香  
一點清風天賦本根如玉  
濂溪以道心同

扇

師璋今有幾家同名重  
蒲葵價亦穹髹柄但誇千縷  
骨不知曾未掩西風

中秋月

西廡編稿

七首 秋節

只與閒時月一般  
寧知今夕最團圓  
竹邊借柄還如扇  
花下傳杯可當盤  
野兔易忘終夜夢  
林鳥未許一枝安  
人生幾箇中秋節  
那得都將笑眼看

席上有舉東坡集歸去來字成詩十首醉中戲

續一首

傲去欲何求  
歸來已倦遊  
琴詩聊自嘯  
邱壑復相留  
問菊時携酒  
乘風或掉舟  
樂天良有以  
心事老田疇

漁父吟

小舟如雁鷺  
穩穩下波心  
蓑笠幾風雨  
江山無古今  
清歌鳴短棹  
紅葉滿疏林  
一醉不知世  
前村月未沈

秋風

秋風卷秋葉  
秋思滿秋天  
骨立山如削  
聲低雁欲眠  
客愁無暇日  
農事喜豐年  
說著鱸蓴事  
歸心滿釣船

聽雨

凍雨瀟瀟未肯晴  
洒窗聲似煮茶聲  
山童酷得鄰家酒  
炊栗鑪頭獨自傾

村田樂

打稻天如二月天  
滿村和氣樂豐年  
田翁爛醉身如舞  
兩個兒童築上船

問梅

小廡編稿

八首 秋節

西風袞袞送寒來  
竹裏人家總未開  
惟有老巖心事苦  
瘦節敲雪問梅腮

山下

山下六七里  
山前八九家  
家家清到骨  
只賣水仙花

落葉

捲地西風促雨來  
掃除黃菊滿蒼苔  
垂楊蚤有青青眼  
只礙梅花未放開

梅蘭

清標同插古軍持  
清似西山凍餒時  
嚼蕊弄香無說處  
屈平和靖以何之



佳人歌

淡傅粉淺畫眉鬢邊休插桃花枝白面郎君馬如箭  
回頭再盼情依依文君未識相如面朱弦聲裏猶相  
戀風流勝事千古傳寧如文君當時深處深庭院臨  
邛亦免王孫怨佳人佳人休捲簾門外落花春正甜  
繡牀午困語聲寂博山篆暖香頰添佳人噫佳人吁  
今人安得人人思秋胡黃金不認真丈夫

醜女歌

梳風楊柳笑沐雨杏花羞看看三十餘不敢下妝樓  
待媒媒不來對娘娘共哭何時王右軍來坦東牀腹

九  
九

九  
九

君不見西施絕色天下容能使麋鹿走吳宮玉環一  
笑百媚生能使漁陽羯鼓驚玄宗無鹽無鹽形貌惡  
當時一段議論千古生清風美婦未必美所美貌徒  
美醜婦未必醜所醜行不醜醜妻惡妾 壽乃翁何  
須能勸羊羔酒

曹娥謝趙菊坡莊相訪

江程潮汎小沙磧纜行舟挈酒尋詩好披心話客愁  
雲歸山欲暝風急雨如秋可惜相逢處匆匆不少留

值雨

吳陵兩月雨留連來問瓊花落砌邊市酒未銷狂客

恨塞鴻先作嫩寒天只憂松下無三徑不管囊中欠  
一錢揚子江頭風正急未知何日買歸船

寄舊友

男兒未遇總英雄漂飯非憐計已窮鮑叔但能知管  
仲孔明猶必拜龐公秋江萍梗人何處夜月梅花夢  
亦同借問選詩編幾許元暉瀟灑漸唐風

題象山縣樓霞觀應真亭簡住持張羽士

杜鵑聲裏立東風山色應憐鬢已蓬二麥曉寒新雨  
後一年春事落花中醉斟浮蟻遊仙客笑挹飛鷗問  
釣翁簾外萬竿君子竹虛心能得幾人同

九  
九

九  
九

村莊即事

青旗獵獵又村莊仙景還他是故鄉叟有七旬頭未  
白山無重數葉初黃稻畦明月家家酒茆屋清歌處  
處霜晚菊一籬秋欲老客懷牢落愧重陽

別朱冷官

客中奔走易蹉跎學館癡留月又過橙蟹醉斟知已  
重尊鱸鄉話益人多吳陵今夜三更月雲水明朝一  
棹歌船在白蘋亭下過有無傳語晒漁簑

邊頭老馬

解下繮繩便欲眠絕無筋力可勝鞭霜蹄偏識淮南



地夜草猶吞塞北烟怕逐采旗排偃月空思金鏡趁  
朝天華山自有安身處試問將軍在幾年

夜過烏鎮

望極模糊古樹林灣灣溪港似難尋荻蘆花重霜初  
下桑柘陰移月未沈恨別情懷雖戀酒送衣時節怕  
聞砧夜行船上山歌意說盡還家一片心

簡張寄翁秀才

微外琴聲局外棋此心能得幾人知縱橫謾說三千  
字陶寫須吟百一詩秋到蓼花蟬噪後雨敲荷葉釣  
歸時西湖儘著張公子莫把吟筵月共移

西齋續稿

三宜 秋館

呈菊坡先生陳樞使

但知猿鶴伴閒居不覺憂時鬢已疎對客怕言今日  
事挑燈重讀少年書樓迎山色詩堪畫門對梅花月  
共鋤相業累與明主意先生只恐自躊躇

駕鶴林吳尙書赴召隆興

鸞翔芝澗下溪堂醉夢驚回午正涼寵報帝俞催宰  
相宜將州檄召文章蘋花襟袖宮花近詩草簾櫳諫  
草香大化一新多吉士卷阿歷歷告成王

苦風督漕課甚迫

僕僕馳驅夢不安猥哉誰郵買矮官星臺閣住春來

俸雨意翻成夜半寒人可與言能幾輩事難區處更  
多般桃花一日多開盡插滿銅瓶亦倦看

秋雨簡劉主簿

秋到兩涯未雨旬西風無日不霖霖數行新雁千門  
曉十幅輕帆萬里心薄宦只宜聞早去長淮未許作  
狂吟江南誰倚闌干曲丹桂香中酒自斟

呈留耕先生正侍郎

夜雨篝燈夢未還十年殊愧屋頭山喜開鐮腳濤聲  
起不憚吟髭霜樣斑漁釣醉歌人所願功名心事國  
相關辟書笑倒梅邊鶴盡在先生指顧間

西齋續稿

三宜 秋館

寄題臨江王寶齋司戶百花洲

詩囊詩句識花洲何日清江得醉遊百畝故園從此  
見四賢遺像愈風流香浮紅樹春應早雪壓寒梅月  
想留我有烟波漁具了在一作一絲風底願維舟

夜坐

柏香烟裏淪山茶窮似燒丹道士家窗紙暫明寒月  
上一肱清夢入梅花

秋田小立

兩間茅屋是誰家淺水汀洲舞荻花牧笛數聲紅日  
晚自憐身似客天涯



元坐

對坐清清一穗香  
悄無人語日邊長  
硯盤數點梅花片  
暗引遊蜂度粉牆

晚涼

兩兩蟬聲送夕陽  
竹陰移綠上藤牀  
黃昏急雨無多子  
喜得今宵夢亦涼

夏日二首

泓泓圓碧漾新荷  
獵獵斜風顛綠莎  
農事正忙三月後  
野田齊唱插秧歌

其二 西腔續稿

西腔續稿

三

數點沙鷗掠野塘  
雨聲初歇水微茫  
橋邊十里荷花蕩  
輪與漁人卧晚涼

西腔續稿

南城李之軫晉笙校

海陵稿

宋 宋 伯 仁 撰

簡吳荆溪

薄宦從來錯箇容着意求自慙千里夢恐作去聲一番

愁笑我人如昨知心兩未休荆溪清徹底願泊釣漁

舟

學館閑題

據見定時但是足苦思量處便成癡請君打退閑煩

惱噉粥烹茶細和詩

答林巡檢惠詩

海陵稿

一宜 秋 館

客久情懷惡逢人懶說詩不堪秋到後將近雁來時

欹枕皆歸夢同心只舊知淵明籬下菊誰伴傲霜枝

秋花

鳳兒花雜雁來紅更有鷄冠弄紫蕤可笑倚闌人醉

後只將青眼看芙蓉

早秋 回文

秋天一餉晚風涼笑語人傳早稻香樓上醉時簾半

捲愁添客鬢兩蒼蒼

別友人 集唐人句

菊花村晚雁來天曾册同住蘭舟未十年許澤今日

送君須盡醉賈至離人獨上洞庭船李頻

對菊

少有惺惺得到頭此心何苦懶方收五湖烟雨常如

昔一捻功名自不由世事莫將真箇看客程難作舊

時留人間豈少淵明節見着黃花便合羞

累字戲作解愁吟簡舊同寮

愁知不空白頭心事驚秋歸興滿滄洲貂蟬雖出堯

鑿功名有愧黑貂裘夷齊與盜跖總荒邱無非遮蓬

榻榻夢莊周空教笑倒江上烟兩汀鷗一琴一劍一

童一鶴一茶甌自不須苦苦高臥元龍百尺樓着眼

海陵稿

工 宜 秋 館

看翻雲覆雨處豪傑總成愁一作牙旗金甲蹇驢破

帽窮通一任前修五湖千萬頃明月則儘可棹歌橫

釣舟

蘇州有感

秋意滿姑蘇扁舟憶五湖鈴聲邊報急帆影客心孤

野港青如染遙山澹欲無英雄應念我時事滿銀鬚

棋

亂鴉飛鷺勢縱橫對面機心豈易萌一着錯時都是

錯寧無冷眼看輸贏

水邊聞雁 集四靈句



蘆花新有雁徐靈 四面水連天徐靈 清淨非人世趙

靈秀 吾詩詠不全翁靈舒

嘲醉者

李白日斟三百盞醉時豈記脫朝鞵一千八百萬杯酒百歲消磨未是多

村

又是江南割稻天家家兒女笑相牽芙蓉占斷清溪水獨許漁人醉艤船

離維揚

不爲鱸魚憶故鄉只緣心事近重陽鬢絲添得三分

海陵稿

三直 秋館

白空被黃花笑一場

維揚萬花園趙制使經理

細柳營基鎖綠苔萬花新種小亭臺芙蓉喜見江南客故向西風一夜開

雨中遠望

山市濃雲水市天秋容黯淡荻花邊瀟湘八景誰收去留下波心小釣船

勸僧還鄉六言

世事無過爾爾禪心只好休休江上數峰如削西風不礙扁舟

舟中九日

巴得重陽未到家短篷根底憶黃花烏紗不爲西風舞空與同舟說孟嘉

登海陵城

淮楚年年一番秋西風慣識古樵樓金湯城壁休清野玉帳英雄未白頭霜草萬家人冷落凍雲千疊雁網繆中原無計堪修整且對屯兵說近愁

出陸

吳陵咫尺是維揚徒步方知去路長漁屋試霜蘆葦老酒家留客豆花香秋容冷淡人同瘦雁影參差我

海陵稿

四直 秋館

共忙僕子莫嗟行李重擔頭牛舊是詩囊

瓜州阻風

狂風未許放歸船借得僧房半榻眠落雁影收帆腳外怒濤聲到枕頭邊黃蘆葉底秋將老白羽書中病未痊傳語將軍多着力揚州不比舊家年

焦山簡主僧無庵

輕搖風槩過焦山山色相留半日閒萬頃月波秋雨後一簞燈翠夕陽間城依鐵甕公猶壯酒對金峰巒已斑願得淮西來好語吸江亭下且怡顏

瓊花

莫訝重栽聚八仙幾經邊警亦堪憐珠簾十里春狼藉且把天香作舊年

海陵稿

五宜秋館

海陵稿

南城程

藩价伯校



西脞稿續稿海陵稿跋

湖州宋器之理宗時人也有梅花喜神譜二卷四庫未收見阮文達公學經室外集陳起江湖小集曾經收入題為雪巖吟草二卷此傳鈔本為朱述之舊藏六宋人集之一假錄於涇縣洪橋園者也惟與小集頗有異同如西脞稿自村姑下此本多詩四首海陵稿自舟中九日下此本多詩五首小集祇二卷此本分西脞稿一卷西脞續稿一卷海陵稿一卷共為三卷器之詩雖入南宋風調然命意清新措詞伉爽亦一時之翹楚也乙卯季春南城李之鼎識於豫章城

南宜秋館

西脞稿續稿海陵稿跋

二宜秋館

西脞稿校誤表

一葉八行	一字	舊	南宋小集作意
二葉二行		酒贖醅	原作酒贖醅小集改
六行	十七字	麥	原作採據小集改
十五行	十字	零	原作採據小集改
三葉十六行	六字	眉	原作肩據小集改
十八行	四字	現	原作竹據小集改
二十行	十四字	成	原作因據東改
四葉一行		收句十字	原闕據小集補
七行	二字	屋	原作習據小集改
五葉八行	十一字	着	原作看據小集改
十五行	十六字	寺	原闕據小集補
十六行	四字	涼	原作明據小集改
	七字	荷	原作梅據小集改
續稿一葉二十行	十九字	廷	原作庭據小集改
二葉五行	一字	詔	原作語據小集改
	六字	忘	原作志據小集改
十二行	一字	老	原作女據小集改
二十行	五字	了	原作子據小集改

西脞稿校誤表

二宜秋館

四葉十五行	十三字	翠	原作草據小集改
五葉四行	九字	歷	原作摩
十四行	五字	屈	原作二據小集改
六葉十二行		首句	小集與小注同
七葉三行	六字	怯	原作却據小集改
九行	七字	西	原作東據小集改
十四行	十八字	醉	原作雨據小集改
八葉六行	二字	炊	小集作炒
二十行	六字	以	原作亦據康本改
九葉四行	十字	如	原作知 <small>二五</small> 秋節集改
六行		篆	原作漸冷據小集改
十六行		曹娥下	疑遺江字
十葉十六行	十七字	醉	疑酒之譌
一葉十一行	十八字	雁	原作燕據小集改
二葉四行	三字	捻	原作稔據小集改
十六行			小集有注云一本末二句作千年遺迹在過眼只斯須

西脞稿	一行	雪巖吟草序	西脞集序
序	一行	次	欲
西脞稿	六行	八字	西脞稿
西脞稿	一行	西脞稿	雪巖草齋
次行作西脞集下有小注云嘉熙丁酉五月二十一日寓京遺熱僑居西馬脞故曰西脞	二行	宋宋伯仁撰	茗川宋伯仁器之與嘉熙戊戌家馬脞稟
二行	二行	時	晴
二行	二行	又	空格
二行	二行	日	空格
二葉	五行	又	空格
三葉	七行	鳥	馬
四葉	十二行	曉	遍
四葉	十三行	字	晚
四葉	十三行	字	有辨字音韻四小字注字作是辨字空格
四葉	十五行	詩	始不知
五葉	七行	又	李本無
西脞續稿	一行	西脞續稿	嘉熙戊戌馬脞稿
西脞續稿	十行	此行接海陵稿以下四首并識語一行無	





南

南

及

金





指南後錄序

德祐二年四月八日子自海道至溫

皇帝於福州建大元帥府翊戴已定

正子奉書勸進議遂決五月乙未朔登極改元

景炎予以觀文殿侍讀召二十六日抵行都門

除右丞相朝廷草創凡兵財調度樞密使陳宜

中樞密副使張世傑實專之宰相具員也子辭

不拜以樞密使同都督諸路軍馬即日南劍

聚兵號召天下十月趨汀州遣督參趙時賞督

指南後錄卷一序

諮趙孟滌以一軍取道石城復寧都遣督贊吳

浚以一軍屯瑞金復雩都三年正月虜大入汀

關不守子欲據城以拒敵汀守黃去疾聞車駕

航海擁郡兵有異志子移次漳州龍巖縣賞滌







還軍追及之於中途惟浚不至未幾浚銜虜命

來招諭人情洶洶極浚乃定四月鼓行復梅州

斬二大將之跋扈者以釁鼓始出江西頓重兵

守雩都前軍克之開府興國縣七月督謀張汴

監軍率賞滌等咸軍薄頓城下招諭使鄒鳳率



頓諸縣兵搗永豐吉水招撫使黎貴達率吉諸

縣兵攻太和時頓惟存孤城吉八縣復其半

臨洪諸郡豪傑送款無虛日大江以西有席

卷包舉之勢福建斬偽天子黃從淮西兵復黃

州復壽昌軍湖南所在起義兵不可勝數四方

響應皆來聽命孔明有云漢事將成也天未悔

禍相望旬日間頓吉日皆驚潰虜自隆興來適

乘吾弊戰於廬陵方石嶺下我師不利及永豐

空坑軍士解散妻子為虜子收拾餘眾奉老母

指南後錄卷一序

入汀州又轉移循州將請命行朝益兵再舉會

北使劉深自海至虜酋唆都自陸至道路梗塞

朝命斷絕子駐循之南嶺柵險以自全黎貴達

觀望有陰謀事覺伏誅二月進屯海濱訪車駕

所在五月始聞端宗皇帝晏駕于化之礪州今

上即位改明年為祥興已而加予少保封信國

公職任如舊子奉詔泣泣不知所為引兵東下

冀一入覲為張世傑所格不得進循至疾病攻

擊老母 道之將廢豈不明甚有詔一再起



復大眾無所授子不得已流涕拜命潮士民數萬請移府於潮十一月至潮陽殲兇攻逆稍正天討使假以歲月因潮之人心阻山海之險增兵峙糧以立中興根本亦吾國之莒卽墨也適虜帥張弘範以水陸兵奄至子引避山谷行且數日虜輕騎直趨掩我不備於是被執當其被執時求死於鋒鏑不可得仰藥又不得死越七日

指南後錄

卷一序

三

長揖而已或曰柰何不拜子謂吾爲國死爾何拜爾爲虜知不能屈遂以平揖相見蓋歲除前三日也明年正月二日驅子下海舟十月至於厓山虜酋索書諭世傑降子謂我不能救父母反教人背父母可乎有死而已不能從也遂已間日虜帥謂子言國亡矣政使殺身爲忠孝誰復書之子謂商非不亡夷齊自不食周粟人臣各盡其心何論書與不書虜帥爲之改容日監視子惟謹以俟北方生殺之命乃四月一日使

臣還言虜主有誰家無忠臣之歎令善視子以來使子死於兵死於刑則已矣未得死所而萬里行役不得逃焉命也子自海道還國赤手起兵至於今三年江西之役大事幾集英雄無用武之地卒以困敗悲夫或謂子明知其不可爲而爲之柰何曰吾所謂盡心者人人諉天下之責古今世道不屬之人乎是烏可以成敗爲是非哉子在俘囚中多作詩以見志因名曰指南後錄子死無錄矣輒復序其說於右尙庶幾天

指南後錄

卷一序

四

下後世有知子心者子死且不朽祥興初元四月既望文山履善甫序

入獄本末

予己卯歲十月初一日至幽燕初至立馬會同館前館人不受蓋謂館以受投拜人不受罪人也久之引去一小館置予於偏室館人不知次日晚供帳飲食如上賓館人云稟博羅丞相得言語云然初四日張元帥者始至初五日見其用事大臣言予不屈狀至午送予於兵馬司枷頂縛手坐一空室衛防甚嚴所攜衣物錢糧官爲封識日給鈔一錢伍分爲飲食坐十餘日得

指南後錄

卷一序

五

疾十一月初二日疏枷惟繫頸以鐵索得出戶負隨初五日起樞密院院官不及見自是日起院輒空歸至初九日院官始引見院官者博羅丞相張平章有所謂院判簽院者不能識也偃坐召見予入長揖通事曰跪予曰南之揖卽北之跪也吾南人行南禮畢可贊跪乎丞相叱左右曳予於地予坐不起數人者或牽頸或擊手或以足倚予背強作跪狀予動不自由則曰如此是刑法耳安所謂禮通事曰汝有何言予曰

天下有興有廢自古帝王以及將相滅亡誅戮何代無之文天祥今日終於宋氏社稷以至於此乞早作施行通事曰更有何語語止此乎予曰我爲宋相國亡職當死大國拏來法當死又何言丞相云你道有興有廢且道盤古王至今日是幾帝幾王我不理會得爲我逐一說予怒甚曰一部十七史從何處說起我今日非赴神童科非赴博學宏詞科不暇記言丞相媿乃云我知興廢故問及古今帝王且道古時曾有人

指南後錄

卷一序

六

臣將城郭宗廟土地分付與別國了又逃去有此人否予曰丞相謂予前日爲宰相奉國而後去之耶奉國與人是賣國之臣也賣國者有所利爲之必不去去者非賣國者也我前日除丞相不拜奉使伯顏軍前尋被拘執已而有賊臣獻國國亡本當死所以不死者以度宗皇帝二子在浙老母在廣故爲去之之圖爾丞相曰德祐嗣君非爾君耶曰吾君也曰棄爾君別立二王如何是忠臣曰德祐吾君也不幸而失國當



此之時社稷爲重君爲輕吾別立君爲宗廟社稷計所以爲忠臣也從懷愍而北者非忠從元帝爲忠從徽欽而北者非忠從高宗爲忠丞相語塞平章皆笑一人忽出來曰晉元帝宋高宗有來歷二王何所受命張平章曰二人是逃走底人立得不正是篡也予曰景炎皇帝乃度宗皇帝之長子德祐皇帝之親兄也如何是不正登極於德祐已去之後如何是篡陳丞相奉二王出宮具有太皇太后言語如何是無所受命

指南後錄 卷一 序

七

諸人無辭爭以無受爲解予曰天子之人予之雖無傳授之命推戴擁立亦無不可諸人但支離不報予曰仁者見之謂之仁知者見之謂之知各是其是可也丞相云你旣爲宰相若將三官走方是忠臣不然則引兵出城與伯顏相公決勝負方是忠臣予曰此說亦是可以責陳丞相不可以責我我不當國故也又曰你立二王做得甚功勞予曰國家不幸喪亡予立君以存宗廟存一日則盡臣子一日之責何功勞之有

曰旣知做不得何必做予曰人臣事君如子事父父不幸而有疾雖明知其不可爲豈有不下藥之理盡吾心焉耳不可救則天命也今日文天祥至此有死而已何必多言丞相都道不是丞相於是怒見之顏色云你要死我不教你便死禁持你予曰何必如此我以義死禁持何害也丞相愈怒云云通事亦不以轉告予不答遂呼獄吏云將下去別聽言語初十日冬至入臘予意滿假必見殺乃囚在獄中更無消息十二

指南後錄 卷一 序

八

月半後一令史報云丞相與獄官宣差烏馬兒云文丞相猶硬不硬又一日令史報云烏馬兒得博羅言語云遲數日更與丞相說話會歲終釋放諸囚烏馬兒語博羅說獄囚皆以寬放惟文丞相一人在獄博羅云我奏卻來喚你博羅至今重於一喚者憂吾之硬也予誓死決矣此行決死於再說話之頃昔人云薑桂之性到老愈辣予亦云金石之性要終愈硬性可改耶因記入獄一宗本末於此子死矣庶幾有知予心

者

右所記言語大略如此當時泛應尙多不能盡記己卯歲除日書

自古中興之君如少康遺腹之子起於一旅之成宣王承厲王之難匿於召公之家周召二相立以爲王幽王廢宜臼立伯服爲太子犬戎之亂諸侯迎立宜臼是爲平王漢光武起南陽爲帝蜀先主帝巴蜀皆是出推戴何論有無傳授之命如唐肅宗卽位靈武不稟命明皇初類於

指南後錄

卷一序

九

篡然功在社稷天下後世猶無貶焉禹傳益不傳啓天下之人曰啓吾君之子謳歌朝覲獄訟歸焉漢文帝只是平勃諸人所立豈有高祖惠帝呂后之命邪春秋亡公子入爲君者何限齊桓晉文其大者也何謂逃走不當立可惜當時不曾以此一段言語敷陳頗有遺憾耳

羿之於夏莽丕之於漢方是篡德祐亡而景炎立謂之篡何居



指南後錄卷一上

過零丁洋

辛苦遭逢起一經千戈落落四周星  
風飄絮身世漂流雨打萍皇恐灘頭記皇恐零  
丁洋裏歎零丁人生自古誰無死畱取丹心照  
汗青



上巳日張元帥令李 過船請作書招  
諭張少傅投拜遂與之言我自救父母  
不得乃教人背父母可乎書此詩遺之

指南後錄卷一上

十一

李不能強持詩以達張但稱好人好詩  
竟不見逼

元夕

南海觀元夕茲遊古未曾人間大競渡水上小  
燒燈世事爭強弱人情卜廢興孤臣腔血滿死  
不愧廬陵

懷惠州弟

五十年兄弟一朝生別離鴈行長已矣馬足遠  
何之葬骨知無地論心更有誰親喪君自盡猶

子是吾兒

懷趙清逸

匡海知何地驅來坐戰場家人半分合國事決  
存亡一死不足道百憂何可當故人髯似戟起  
舞為君傷

戰場

三年海嶠擁貔貅一日蹉跎白盡頭垓下雌雄  
羞故老長安咫尺泣孤囚魚龍沸海地為泣烟  
雨滿山天亦愁萬死小臣無足憾蕩陰誰共侍

指南後錄卷一上

二

中遊

哭匡山

寶藏如山席六宗樓船千疊水晶宮吳兒進退  
尋常事漢氏存亡頃刻中諸老丹心付流水孤  
臣血淚灑南風早來朝市今何處始悟人間萬  
法空

二月六日海上大戰國事不濟孤臣文天

祥坐北舟中向南慟哭為之詩曰

長平一坑四十萬秦人歡欣趙人怨大風揚沙

水不流爲楚者樂爲漢愁兵家勝負常不一紛  
紛干戈何時畢必有天吏將明威不嗜殺人能  
一之厥角稽首二百州正氣埽地山川羞身爲  
大臣義當死城下師盟愧牛耳閒關歸國洗日  
光白麻重宣不敢當出師三年勞且苦咫尺長  
安不得覩非無虓虎出如林一時不戒爲人擒  
樓船千艘下天角兩雄相遭爭奮搏古來何代  
無戰爭未有鋒銳交滄溟遊兵日來復日往相  
持一月如鵝蚌南人志欲扶崑崙北人志欲黃

指南後錄

卷一上

三

河吞一朝天昏風雨惡砲火雷飛箭星落誰雌  
誰雄勝負分流尸流血海水渾昨朝南船滿厓  
海今朝只有北船在昨夜兩邊桴鼓鳴今夜船  
船駢睡聲北軍去家八千里椎牛釀酒人人喜  
惟有孤臣淚雨垂冥冥不敢向人啼六飛杳靄  
知何處大海茫茫隔煙霧我欲借劍斬佞臣黃  
金橫帶爲何人爲之歌曰  
颶風起兮海水飛噫文武盡兮火德微噫鷹鷂  
欲擊兮靡所施噫鴻鵠欲舉兮將安歸噫權歌

中流兮任所之噫抱春秋兮莫我知噫

言志

九垓化爲魅億醜俘爲虜既不變姓名卒於吳  
又不自髡鉗奴於魯遠隱不如四皓翁高蹈不  
如仲連父冥鴻墮繒繳長鯨陷網罟鷓雀上下  
爭誰何螻蟻等閑相爾汝狼籍山河歲云杪飄  
零海角春重莫百年落落生涯盡萬里遙遙行  
役苦我生不辰逢百罹求仁得仁尙何語一死  
鴻毛或泰山之輕之重觀所處婦女低頭守巾

指南後錄

卷一上

四

咽男兒嚼舌吞刀鋸殺身慷慨猶易勉取義從  
容未輕許仁人志士所植立橫絕地維屹天柱  
以身徇道不苟生道在光明照千古素王不作  
春秋廢獸蹄鳥跡交中土閭位適在三七間禮  
樂終當屬明主李陵衛律罪通天遺臭至今使  
人吐種瓜東陵不可得暴骨匈奴固其所平生  
讀書爲誰事臨難何憂復何懼已矣夫易贊不必  
如曾參結纓猶當效子路

自歎



海濶南風慢天昏北斗斜孤臣傷失國游子歎  
無家客館身如寄征衣鬢欲華越王臺上望幽  
朔在天涯

南涯

竭來南海上人死亂如麻腥浪拍心碎颼風吹  
鬢華一山復一水無國又無家男子千年志吾  
生未有涯

有感

海濶龍深蟄山空鳥雜鳴花隨春共去雲與水

指南後錄

卷一上

五

俱行壯士千年志征夫萬里程夜涼看北斗何  
處是攬槍

張元帥謂子國已亡矣殺身以爲忠誰復

書之于謂商非不亡夷齊自不食周粟

人臣自盡其心豈論書與不書張爲改

容因成一詩

高人名若浼烈士死如歸智滅猶吞炭商亡正  
採薇豈因微後福其肯蹈危機萬古春秋義悠  
悠雙淚揮

登樓

茫茫地老與天荒如此男兒鐵石腸七十日來  
浮海道三千里外望江鄉高鴻尙覺心期濶塞  
馬何堪脚債長獨自登樓時拄頰山川在眼淚  
浪浪

海上

天邊青鳥逝海上白鷗馴王濟非癡叔陶潛豈  
醉人得當須報漢可隱卽逃秦身事蓋棺定挑  
燈看劍頻

指南後錄

卷一上

六

虎頭山

豈不逃秦帝終然陷楚囚故園春草夢舊國夕  
陽愁妾婦生何益男兒死未休虎頭山下路揮  
淚憶虔州

吾以春秋之義不得不死懼斯文之不  
傳而心事之湮沒也惠州教授謝國史  
崔老博雅自好守正不污故以此卷授  
之吾雖死是心表白於當世復何憾哉

指南後錄卷一上終

指南後錄卷一下

出廣州第一宿

越王臺下路搔首歎萍蹤城古都沿水山高易  
得風鼓聲殘雨後塔影莫林中一樣連營火山  
同河不同

英德道中

海近山如沃村深屋半燕乾坤正風雨軒冕總  
泥塗自歎鳶肩薄誰憐鶴影孤少年狂不醒夜  
夜夢伊吾

指南後錄卷一下

晚渡

青山圍萬壑流落此何邦雲靜龍歸海風清馬  
渡江汲灘供茗枕編竹當篷窗一片沙頭月羈  
鴻共影雙

珊瑚陰

南方有珍禽鳴聲天下奇毛羽黑如漆兩臉凝  
瓊脂燕趙佳公子籠檻以自隨童子重丁寧飲  
食必以時將獻上林苑來巢萬年枝待之豈少  
恩不免加縶維珊瑚真珊瑚碎啄良自悲中原

寒氣深風土非所宜

上冢陰

湘人有登科初授武岡尉單車赴官  
名家正擇婿尉本有室隱其實而取焉  
官滿隨婦翁入京自是舍桑梓棄墳墓  
終身不歸後官至侍從其糟糠妻居母  
家不復嫁歲時為夫家上冢婦禮不廢  
鄧中甫作古詩一首曰上冢陰某讀為  
之感慨因更廣其韻賦五言云

指南後錄卷一下

二

子昔從君時堂上拜姑嫜相攜上古冢歲時持  
酒漿姑嫜相繼沒馬鼠不在鄉共君甌孟飯清  
淚流襦裳君貧聊復官有家不得將妾無應門  
兒松價自成行君別不復歸歲月何茫茫長安  
擁朱綬執鴈事侯王豈無一紙書道路阻且長  
年年醉寒食妾心良自傷君家舊巾幘至今襲  
且藏諒君霜露心白首遙相望

生日

客中端二日風雨送牢愁昨歲猶潘母今朝更



楚囚田園荒吉水妻子老幽州莫作長生祝吾  
謀在首邱

和中甫端午韻不依次

黃茅古道外羸馬發南州有客嗤齊虜何人念  
楚囚歲年付流水風雨滿滄洲手把菖蒲 黑  
頭非所求

又呈中齋

風雨羊腸道飄零萬死身牛兒朝共載木客夜  
爲鄰庾子江南夢蘇郎海上貧悠悠看晚渡誰

指南後錄

卷一下

三

是濟川人

又

萬里論心晚相看慰亂離丹成俄已化璧碎尙  
無緇禾黍西京夢川原落日悲斯文今已矣來  
世以爲期

竹

倦來聊歇馬隨分此青山流水竹千箇清風沙  
一灣乾坤醒醉裏身世有無間客 眞希絕浮  
生半日閑

越王臺

登臨我向亂離來落落千年一越臺春事暗隨  
流水去潮聲空逐莫天回煙橫古道人行少月  
墮荒村鬼哭哀莫作楚囚愁絕看舊家歌舞此  
銜杯

南華山

北行近千里迷復忘西東行行至南華忽忽如  
夢中佛化知幾塵患乃與我同有形終歸滅不  
滅惟真空笑看曹溪水門前坐松風

指南後錄

卷一下

四

六祖禪師眞身蓋數百年矣爲亂兵封  
其心肝乃知有患難佛不能免況人乎

南安軍

梅花南北路風雨溼征衣出嶺誰同出歸鄉如  
不歸山河千古在城郭一時非餓死眞吾志夢  
中行採薇

贛州

滿城風雨送淒涼三四年間此戰場遺老猶應  
愧蜂蟻故交久已化豺狼江山不改人心在宇

宙方來事會長翠玉樓前天亦泣南音半夜落  
滄浪

黃金市

閉篷絕粒始南州我過青山欲首邱巡遠應無  
兒女態夷齊肯作稻梁謀人間早見黃金市天  
上猶遲白玉樓先子神遊今二紀夢中揮淚濺  
松楸

萬安縣

青山曲折水天平不是南征是北征舉世更無

指南後錄

卷二下

五

巡遠死當年誰道甫申生遙知嶺外相思處不  
見灘頭皇恐聲傳語故園猿鶴好夢回江路月  
風清

太和

書生曾擁碧油幢恥與羣兒共豎降漢節幾回  
登快閣楚囚今度過澄江丹心不改君臣誼清  
淚難忘父母邦惟恐鄉人知我瘦下帷絕粒坐  
篷窗

蒼然亭

風打船頭繫夕陽亭前老子舊胡牀青牛過去  
關山動白鶴歸來城郭荒忠節風流落塵土英  
雄遺恨滿滄浪故園水月應無恙江上新松幾  
許長

祭墓文

維己卯五月丁未朔越二十有六日壬申孝子  
文某自嶺被執北行至南安軍謹具香幣遣人  
馳告於先考太師革齋墓下嗚呼誰不爲臣而  
我欲盡忠不得爲忠誰不爲子而我欲盡孝不

指南後錄

卷二下

六

得爲孝天乎使我至於此極耶始我起兵赴難  
勤王仲弟將家遁於南荒宗廟不守遷我異疆  
大臣之義國亡與亡靈武興師邂逅歸國再相  
出師身荷憂責江西之役義聲四克謂親拜墓  
以剪荆棘不虞垂集一跌崎嶇妻妾子女六人  
爲俘收拾散亡息於海隅庶幾奮厲以爲後圖  
惡運推亡天所廢棄有母之喪尋失適子哭泣  
未乾敵臨其壘倉皇之間二女天逝翦爲囚虜  
形影獨存仰藥不濟竟北其轅繫足繫頸過我



望門望墓 恨不九京爰指松楸有言若誓  
繼今支子實典祀事有姪曰升我身是嗣興言  
及此淚血如水嗚呼自古危亂之世忠臣義士  
孝子慈孫其事之不能兩全也久矣我生不辰  
逢此百凶求仁得仁抑又何怨幽明死生一理  
也父子祖孫一氣也冥漠有知尚哀鑒之

別里中諸友

青山重回首風雨暗啼猿楊柳溪頭釣梅花石  
上尊故人無復見烈士尚誰言長有歸來夢衣

指南後錄

卷一下

七

冠滿故園

予始至南安卽絕粒爲告祖禱文別諸  
友詩遣孫禮取黃金市登岸馳歸約六  
月二日復命於吉城下予以心事白諸  
幽明卽瞑目長往含笑入地矣乃水盛  
風駛前一日達廬陵孫禮期不至予且  
行忍死以待垂至豐城忽有見孫禮於  
他舟乃悟竟不曾往爲之痛哭流涕暮  
始見主者取孫禮還舟明早已送之豐

城岸縱其自便追之不可及矣予至是  
不食已八日若無事然私念死廬陵不  
失爲首邱今使命不達委身荒江誰知  
之者盍少須臾以就義乎復飲食如初  
昔讀左傳申包胥哭秦庭七日勺飲不  
入口亦不聞有他乃知餓踣西山非一  
朝夕之積也予嘗服腦子二兩不死絕  
食八日又不死竟不曉其何如從者七  
人或逃或死或逐今僅存一人曰劉榮

指南後錄

卷一下

八

楚囚之況宜哉

發吉州

己卯六月初一日蒼然亭下楚囚立山河顛倒  
紛雨泣乙亥七夕此何夕煌煌半斗劍光溼戈  
鋌彗雲雷電擊三百餘年火爲德須臾風雨天  
地黑皇綱解紐地維折妾婦偷生自爲賊英雄  
扼腕怒鬚赤貫日血忠死窮北首陽風流落南  
國正氣未亡人未息青原萬丈光赫赫大江東  
去日夜白

臨江軍

江岸今多嚙城居昔屢焚市人半僮父豎子亦  
將軍蛟泣金洲雨猿啼玉觀雲周郎墳上土回  
首淚成痕

隆興府

半生幾度此登臨流落而今雪滿簪南浦不知  
春已晚西山但覺日初陰誰憐龜鶴千年語空  
負鵬鯤萬里心無限故人簾雨外夜深如有廣  
陵音

指南後錄

卷二下

九

湖口

江湖一都會宇宙幾興亡走馬蘆林外賣魚茅  
舍傍南人撐快槳北客坐危檣江水交岷水東  
流日夜長

安慶府

風雨宜城路重來白髮新長江還有險中國自  
無人梟獍畱蕃種鱸鯨蟄怒鱗泊舟休上岸不  
忍見遺民

池州

五老湖光遠九華山色昏南冠前進士北部舊  
將軍芳草江頭路斜陽郭外村恩恩十年夢故  
國黯消魂

魯港

方誇金塢築豈料玉牀搖國體真三代江流舊  
六朝鞭投能幾日瓦解不崇朝千古燕山恨西  
風捲怒潮

采石

不上蛾眉二十歲重來為墮山河淚今人不見

指南後錄

卷二下

十

虞允文古人曾有樊若水長江闊處平如驛況  
此介然衣帶窄欲從謫仙捉月去安得然犀照  
神物

建康

金陵古會府南渡舊陪京山勢猶盤礴江流已  
變更健兒徙幽土新鬼哭臺城一片清溪月偏  
於客有情

金陵驛

草合離宮轉夕暉孤雲飄泊復何依山河風景



元無異城郭人民半已非滿地蘆花和我老舊  
家燕子傍誰飛從今別卻江南去化作啼鵲帶  
血歸

萬里金甌失壯圖衮衣顛倒落泥途空流杜宇  
聲中血半脫驪龍頷下珠老去秋風吹我惡夢  
回寒月照人孤千年成敗俱塵土消得人間說  
丈夫珠亦作鬚

懷楊忠襄

平生王佐心世運蹈衰末齊虜誰復楚囚詎

指南後錄

卷下

十一

當脫金陵雖懷古尚友在風烈衷忠倭遺廟夫  
子我先達

早秋

隻影飄零天一涯千秋搖落欲何之朝看帶緩  
可憐瘦夜怯衾單始覺衰眼裏遊從驚死別夢  
中兒女慰生離六朝無限江山在搔首斜陽獨  
立時

睡起

空堂孤影起聞雞風送高樓鼓角悲江海無情

遊子倦歲年如夢美人遲平生管葛成何事千  
古夷齊在一時坐久月斜庭木落浮雲滅沒漏  
朝曦

中秋

不教收骨瘴江邊驅向胡沙著去鞭舊奪宮袍  
空獨步新餐官飯飽孤眠客程恰與秋俱半人  
影何如月倍圓猶是江南佳麗地徘徊把酒看  
蒼天

南康軍和東坡醉江月

指南後錄

卷下

三

廬山依舊淒涼處無限江南風物空翠晴嵐浮  
汗漫還障天東半壁鴈過孤峰猿歸老嶂風急  
波翻雪乾坤未歇地靈尚有人傑堪歎飄泊  
孤舟河傾斗落客夢催明發南浦閑雲連草樹  
回首旌旗明滅三十年來十年一過空有星星  
髮夜深愁聽胡笳吹徹寒月

和中齋韻過吉作

功業飄零五丈原如今局促傍誰轅俛眉北去  
明妃淚啼血南飛望帝魂骨肉凋殘惟我在形

容變盡只聲存江流千古英雄恨蘭作行舟柳  
作樊

再和

見說黃沙接五原飄零隻影向南轅江山有恨  
銷人骨風雨無情斷客魂淚似空花千點落鬢  
如碩果數根存肉飛不起真堪歎江水爲籠海  
作樊

和友人

落落南冠過故都近來我意亦忘吾騎來驛馬

指南後錄

卷下

七

身如寄遣去家書字亦無景伯未囚先立後嵇  
康縱死不爲孤江南只有歸來夢休問田園蕪  
不蕪

驛中言別友人

水天空闊恨東風不惜世間英物蜀鳥吳花殘  
照裏忍見荒城頽壁銅雀春晴金人秋淚此恨  
憑誰雪堂堂劔氣斗牛空認奇傑那信江海  
餘生南行萬里扁舟齊發止爲鷗盟畱醉眼細  
看濤生雲滅睨柱吞羸回旗走懿千古衝冠髮

伴人無寐秦淮應是孤月

和

乾坤能大算蛟龍元不是池中物風雨半愁無  
著處那更寒蛩四壁橫槩題詩登樓作賦萬事  
空中雪江流如此方來還有英傑堪笑一葉  
飄零重來淮水正涼風新發鏡裏朱顏都變盡  
只有丹心難滅去去龍沙向江南回首青山如  
髮故人應念杜鵑枝上殘月

懷中甫時中甫以病畱金陵天慶觀

指南後錄

卷下

古

久要何落落末路重依依風雨連兵幕泥塗滿  
客衣人間龍虎變天外燕鴻遲死矣煩公傳北  
方人是非

行宮中齋作

十里宮牆一聚塵天津晚過客愁新花啼杜宇  
歸來血樹掛蒼龍脫去鱗福德倘存終有晉秣  
陵未改已無秦秋風禾黍何南北見說銅駝會  
笑人晉索靖指宮門銅駝曰  
會見汝在荆棘中耳  
怪底秦淮一水長幾多客淚灑斜陽江流本是



限南北地氣何曾減帝王臺沼漸荒基  
落鶯花猶在意淒涼青天畢竟有情否  
舊月東來失女牆城上小牆城上窺人者

早秋

寒魄澹元河商飈慄明發羈人坐環堵壯士衣  
穿褐晉陵誰復新秦陵尙云秣夫君百世心患  
不在飢渴

廣齋謂柳山和王昭儀滿江紅韻惜未見

之爲賦一闕中齋作

指南後錄卷二下

莊

王母仙桃親會醉九重春色誰信道鹿銜花去  
浪翻鰲闕眉鎖嬌蛾山宛轉髻梳墮馬雲欹側  
恨風沙吹透漢宮衣餘香歇霓裳散庭花滅  
斜陽燕應難說想春深銅雀夢殘啼血空有琵琶  
傳出塞更無環珮鳴月又爭知有客夜悲  
歌壺敲缺

和王夫人滿江紅韻以庶幾后山妾薄命

之意

燕子樓中又睚過幾番秋色相思處青年如夢

乘鸞仙闕肌玉暗銷衣帶緩淚珠斜透花鈿側  
最無端蕉影上窗紗青燈歇曲池合高臺滅  
人間事何堪說向南陽阡上滿襟清血世態便  
如翻覆雨妾身元是分明月笑樂昌一段好風  
流菱花缺

代王夫人作

試問琵琶胡沙外怎生風色最苦是姚黃一朵  
移根仙闕王母歡闌瓊宴罷仙人淚滿金盤側  
聽行宮半夜雨淋鈴聲聲歇彩雲散香塵滅

指南後錄卷二下

六

銅駝恨那堪說想男兒慷慨嚼穿齧血回首昭  
陽離落日傷心銅雀迎新月算妾身不願似天  
家金甌缺

王夫人詞

太液芙蓉全不是舊時顏色嘗記得恩承雨露  
玉階金闕名播蘭簪妃后裏暈潮蓮臉君王側  
忽一朝鞞鼓揭天來繁華歇龍虎散風雲滅  
今古恨憑誰說顧山河百二淚流襟血驛館夜  
驚塵土夢宮車曉轉關山月若姮娥於我肯相

容從圓缺

王夫人至燕題驛中云云  
中原傳誦惜未句欠商量

浪淘沙

中齋

疏雨洗天晴  
枕簟涼生井梧一葉  
做秋聲  
誰念客身輕  
似葉千里飄零  
夢斷古臺城  
月淡潮平  
便攜酒訪新亭  
不見當時王謝宅  
烟草青青

東海集序

東海集者友人客海南以來詩也  
海南詩而曰東海集者何魯仲連天下士友人之志也  
友人自爲舉子時已大肆力於詩於諸大家皆嘗登

指南後錄

卷一下

七

其門而涉其流其本贍其養銳故所詣特深到  
余嘗評其詩渾涵有英氣鍛煉如自然美則美  
矣猶未免有意於爲詩也自喪亂後友人挈其  
家避地遊宦嶺海而全家燬於盜孤窮流落困  
頓萬狀然後從予匡山除禮部侍郎且權直學  
士矣會南風不競御舟漂散友人倉卒蹈海者  
再爲北軍所鈞致遂不獲死以至於今凡十數  
年間可驚可愕可悲可憤可痛可悶之事友人  
備嘗無所不至其慘戚感慨之氣結而不信皆

於詩乎發之蓋至是動乎情性自不能不詩杜

子美夔門柳子厚柳州以後文字也予與友人

年相若又同里閭以斯文相好然平生落落不

相及及居楚囚中而友人在行同患難者數月

其自五羊至金陵所賦皆予目擊或相唱和語

予坐金陵驛無所作爲乃取友人諸詩筆之於

書與相關者并附焉後之覽者因詩以見吾二

人之志其必有感慨於斯已卯七月壬申文天

祥敘

指南後錄

卷一下

六

送中齋三首

秋氣晚正烈  
客衣早知寒  
把衣不能別  
更盡此日歡  
出門一萬里  
風沙浩漫漫  
豈無兒女情  
爲君忍沈瀾  
百年有時盡  
千載無餘觀  
明明君臣義  
公獨爲其難  
願持丹一寸  
寫入青琅玕  
會有撫卷人  
孤燈起長歎

又

神龍蕩失水  
馴擾終未得  
威鳳雖在藪  
肯顧鷄鶩食  
所以古之人  
愛變心不易  
毫鼎已遷周  
西



山竟飢瘠豫子身自漆莫弘血成碧何嘗怨廢  
興而或貳心跡堅白不在緇羔衷良自惜此誼  
公素明俗見或未識

又

嗟予抱區區疇昔同里閭過從三十年知心不  
知面零落忽重逢家亡市朝變娉娉蹈海餘踽  
踽南冠殿劇談泥塗際握手鞍馬倦依依斯文  
意若恨十年晚魯仲偶不逢隨世本非願靈胥  
目未扶端欲詣所見及茲萬里別一夕腸百轉

指南後錄

卷一下

十九

余生諒須臾孤感橫九縣庶幾中尉事萬一中  
丞傳

此冊爲指南後錄第一卷下第二卷起  
八月二十四日發建康終歲除有感尙  
有零丁洋諸詩及後錄本在惠州合隸  
第一卷而所恨者指南前錄敘號存而  
詩已不完侍郎弟姑據所存本使本不  
泯於世一聯半句使天下見之識其爲  
人卽吾死無憾矣况篇帙之多乎歲在

庚辰正月二日文山履善甫書

指南後錄

卷一下

二十

指南後錄卷一下終

指南後錄卷二

予後錄詩以廣州至金陵為第一卷今

入淮以後為第二卷云

發建康 八月二十四日

賞心亭下路拍手唱吾歌樓外梁時塔城中秦

氏河江山如夢耳天地奈愁何回首清溪雨長

江一鴈過

江行有感 二十五日

蒲萄肥汗馬荆棘冷銅駝巫峽朝雲溼洞庭秋

指南後錄卷二

七

水波窮愁空突兀清淚自滂沱莫恨吾生悞江

東才俊多

真州驛 二十七日

山川如識我故舊更無人俯仰干戈跡往來車

馬塵英雄遺算晚天地暗愁新北首燕山路淒

涼夜向晨

望揚州

阮籍臨廣武杜甫登吹臺高情發慷慨前人後

人哀江左遭陽運銅駝化飛灰二十四橋月楚

囚今日來

維揚驛

三年別淮水一夕宿揚州南極山川古北風江

海秋昭君愁出塞王粲怕登樓千載英雄淚如

今況楚囚

過邵伯鎮 二十八日

今朝車馬地昔日戰爭場我有揚州鶴誰存邵

伯棠一灣流水小數畝故城荒回首江南路青

山斷夕陽

指南後錄卷二

七

高郵懷舊 二十九日

借問曾遊處高沙第幾山潛行鷹攫道直上虎

當關一命虛空裏三年瞬息問自憐今死晚何

復望生還

發高郵 三十日

初出高沙門輕舫遶城樓一水何曲折百年此

網繆北望渺無際飛鳥翔平疇寒蕪迷荒落日

薄行人愁行行行湖曲萬頃涵清秋大風吹檣

倒如盞彭蠡舟欲寄故鄉淚使入長江流篙人



爲我言此水通淮頭前與黃河合同作滄海漚  
踟躕忽失意拭淚淚不收吳會日已遠回首重  
悠悠馳驅梁趙郊壯士何離憂吾道久已東陸  
沈古神州我今戴南冠何異有北投不能裂肝  
腦直氣摩斗牛但願光岳合休明復商周不使  
殊方魄終爲異物羞

寶應道中

天闊搏南鴈淮肥長北驪甘棠成傳舍細柳作  
康衢田海隨時變山河往日殊征袍共袞繡夜

指南後錄

卷二

三

壁一燈孤

淮安軍 九月一日

楚州城門外白楊吹悲風纍纍死人塚死向鋒  
鏑中豈無匹婦冤定無萬夫雄中原在其北登  
城望何窮

過淮河宿闕石有感

北征垂半年依依只南土今晨渡淮河始覺非  
故宇江鄉已無家三年一羈旅龍朔在何方乃  
吾妻子所昔也無奈何忽已置念慮今行日已

近使我淚如雨我爲綱常謀有身不得願妻兮  
莫望夫子兮莫望父天長與地久此恨極千古  
來生業緣在骨肉當如故

發淮安 九月初二日

九月初二日車馬發淮安行行重行行天地何  
不寬煙火無一家荒草青漫漫恍如泛滄海身  
坐玻瓈盤時時逢北人什伍扶征鞍云我戍江  
南當軍身屬官北人適吳楚所憂地少寒江南  
有遊子風雪上燕山

指南後錄

卷二

四

小青口 初三日

乍見驚胡婦相遙遇楚兵北來鴻鴈密南去駱  
駝輕芳草中原路斜陽故國情明朝五十里錯  
做武陵行

桃源道中 初四日

漠漠地千里垂垂天四圍隔溪胡騎過傍草野  
雞飛風露吹青笠塵沙薄素衣吾家白雲下卻  
伴北人歸

桃源縣

清野百年久中原千里賒人煙新聚落山水舊  
生涯種麥十數畝誅茅千百家我來行正倦何  
處覓桃花

崔鎮驛

萬里中原役北風天正涼黃沙漫道路蒼耳滿  
衣裳野闊人聲小日斜駒影長解鞍身似夢游  
子意茫茫

發崔鎮

高雁空秋興寒蟄破曉眠淡煙白似海野水碧

指南後錄

卷一

五

於天興廢嗟何及行藏信自然南人乍騎馬北  
客半乘船

發宿遷縣

夜夢入星槎曉行隨斗柄衣煖露自乾鬢寒冰  
欲凝將軍戴鐵笠壯士敲金鐙白眼睨青天我  
生不有命

望邳州 初六日

中原行幾日今日纔見山問山在何處云在徐  
泗間邳州山邳州水項籍不還韓信死龍爭虎

鬪不肯止煙草漫漫青萬里古來劉季號英雄  
樊崇至今已千歲

徐州道中 初七日

彭城古官道日中十馬馳咫尺不見人撲面黃  
塵飛向來漢王編素師美人燕罷項羽歸一時  
混戰四十萬天昏地黑睢水湄乃知揚沙大風  
失白晝自是地利非天時漢王倉皇問道西一  
兒一女嘻其危太公呂后去不歸俎上寧有生  
還時未央稱壽太上皇巍然女媧帝中闈終然

指南後錄

卷二

六

富貴自有命造化顛倒真小兒

彭城行 徐州彭城縣

連山四圍合呂梁貫其中河南大都會故有頂  
王宮晉牧連揚豫虎視北方雄唐時燕子樓風  
流張建封西望睢陽城只與汴水通太平黃樓  
賦尙能想遺風爾來百餘年正朔歸江東遺民  
死欲盡莽然狐兔叢我從南方來停驂撫遺踪  
故河蓄潢潦荒城翳秋蓬淒涼戲馬臺憔悴巨  
佛峰滄海變蒼白陵谷代不同朝爲朱門貴暮



作行旅窮乘除信物理感慨係所逢古來賢達人一醉萬慮空如此獨醒何悲風送征鴻

燕子樓

自別張公子嬋娟不下樓遂令樓上燕百歲稱風流我遊彭城門來弔楚王闕問樓在何處城東草如雪蛾眉代不羸埋沒安足論因何張家妾名與山川存自古皆有死忠孝長不沒但傳美人心不說美人色

戲馬臺

指南後錄

卷二

七

九月初九日客遊戲馬臺黃花弄朝露古人化飛埃今人哀昔人後人復今哀世事那可極淚落茱萸杯

發彭城

今朝正重九行人意遲遲回首戲馬臺野花發歲蕤草埋范增墓雲現樊噲旗時節正如此道路將何之我愛陶淵明甲子題新詩白衣送酒來把菊臥東籬

沛歌

山東滕州沛縣初九日

秦世失其鹿豐沛發龍顏王侯與將相不出徐濟間當時數公起四海王氣開至今尙想見虹光照人寰我來千載下弔古淚如潸白雲落荒草隱隱芒碭山黃河天下雄南去不復還乃知盈虛故天道如循環盧王舊封地今日殺函關

歌風臺

長陵有神氣萬歲光如虹有時風雲變魂魄來沛宮壯哉游子鄉一覽萬宇空擊筑戒復隍帝業慎所終重瞳愛梁楚此情豈不同錦衣絢行

指南後錄

卷三

八

晝丈夫何淺中緬懷首邱意自足分雌雄尙惜霸心存慷慨懷勇功不見往 事烹狗與藏弓早知致兩生禮樂三代隆匹夫事已往安用責乃翁我來湯沐邑白楊吹悲風永言三侯章隱隱聞兒童葉落皆歸根飄零獨秋蓬登臺共悵惻目送南飛鴻

固陵道中

九天雲下垂一雨作秋色塵埃化泥途原野轉蕭瑟十里一雙猴狐兔臥荆棘見說數年來中

州乍蘇息

又

茅舍荒涼舊固陵漢王城對楚王城徐州烟火  
連豐沛天下還來屋角爭

又

固城陵下兩龍爭不見齊王來會兵勒取河山  
新分地項王之後到韓彭

發魚臺

晨吹發魚臺碎雨飛擊面團團四野周冥冥萬

指南後錄

卷二

九

象變疑是江南山煙霧昏不見豈知此中原今  
古經百戰英雄化爲土飛霧灑郊甸天寒日欲  
短游子淚如霰

自歎

瑟瑟秋風悲烈烈寒氣騎蒲柳先已零松柏何  
後凋天意重肅殺造物無不銷強弱有異稟憂  
患同一朝惟有南山石千歲一岩堯人苦不自  
足空羨王子喬

遠遊

黃河流活活太行高巍巍十二山以東百二山

以西鄒魯盛文獻燕趙多雄姿右摩泰山牒左

躡函谷泥郊鄜弔周公曲阜拜宣尼或登廣武

歎或上北邙噫平生幾緡屐汗漫以爲期絕交

天下士要爲男子奇吳會偏王業中原隔遺黎

安得與黃鶴比翼天上飛江河異風景擊楫感

且欲陽運遭百六興否俄推移桑田變滄海楚

囚發孔悲我不檻車客爲我解紮維青蠅附天

驥萬里相追隨人生尙行樂矧復新相知周道

指南後錄

卷二

十

思下泉王風懷黍離富貴豈不願憂患那得持  
人生危且淺忽若朝露晞長恐折我軸中道歎  
差池去我父母邦我行且遲遲聽我遠遊曲寄  
我長相思

六歌

有妻有妻出糟糠自少結髮不下堂亂離中道  
逢虎狼鳳飛翩翩失其凰將雛一二去何方豈  
料國破家亦亡不忍舍君羅襦裳天長地久終  
茫茫牛女夜夜遙相望嗚呼一歌兮歌正長悲



風北來起徬徨

有妹有妹家流離良人去後攜諸兒北風吹沙  
塞草萋窮猿慘淡將安歸去年哭母南海湄三  
男一女同巖歎惟汝不在割我肌汝家零落母  
不知母知豈有瞑目時嗚呼再歌兮歌孔悲鶴  
鶴在原我何爲

有女有女婉清揚大者學帖臨鍾王小者讀字  
聲琅琅朔風吹衣白日黃一雙白壁委道傍鴈  
兒啄啄秋無梁隨母北首誰人將嗚呼三歌兮

指南後錄

卷二

七

歌愈傷非爲兒女淚淋浪

有子有子風骨殊釋氏抱送徐卿雛四月八日  
摩尼珠榴花犀錢絡綉襦蘭湯百沸香似酥歛  
隨飛電飄泥途汝兄十三騎鯨魚汝今三歲知  
在無嗚呼四歌兮歌以吁燈前老我明月孤  
有妾有妾今何如大者手將玉蟾蜍次者親抱  
汗血駒晨妝靚服臨西湖英英鴈落飄瓊瑀風  
花飛墜鳥嗚呼金莖沆瀣浮汙渠天摧地裂龍  
鳳俎美人塵土何代無嗚呼五歌兮歌鬱紆爲

爾迎風立斯須

我生我生何不辰孤根不識桃李春天寒日短  
重愁人北風隨我鐵馬塵初憐骨肉鍾奇禍而  
今骨肉相憐我汝在北兮嬰我懷我死誰當收  
我骸人生百年何醜好黃梁得喪俱草草嗚呼  
六歌兮勿復道出門一笑天地老

發潭口 十三日

吹面北風來拂鬢堅冰至軒冕委道途衣繡易  
羶毳百年雜醜好始酬四方志浩歌激浮雲亭

指南後錄

卷二

七

亭復攬轡義馭幾層停誰當埽幽翳

新濟州

借問新濟州徐鄆兄弟國昔爲大河南今爲大  
河北垂雲陰萬里平原望不極百草盡枯死黃  
花自秋色時時見桑樹青青雜阡陌路上無人  
行煙火渺蕭瑟車轍紛縱橫過者臨歧泣積潦  
流交衢霜跡破叢棘江南寒未深銅鑪獸花赤  
馬知行路人鐵冷衣裳溼

汝陽道中

東平路汝陽縣十四日

積雨不肯霽行陸如涉川青瓊繚我後白瓊覆  
我前我欲正衣冠兩手如絳纏飛沫流被面代  
我泣涕漣鴻鴈紛南翔遊子北入燕平楚渺四  
極雪風迷遠天昔聞濟上軍又說汝陽田我今  
履其地弔古愴蒼煙男兒欲了事長虹射寒泉  
葬無主墓碑

風雨中見道傍一碑題云葬無主墓碑  
之記乃大宋戊申所立雨水淋漓字畫  
漫滅惜不得下馬亟讀之也

指南後錄

卷七

七

路逢一石碑亭亭傲風雨停驂髮髯看云是無  
主墓末書戊申歲屈指九十秋是時龍渡江甲  
子恍一周借問葬者誰承平百世祖亦有周餘  
民戰骨委黃土太祖下江南誓不戮一人神孫  
再立國天以報至仁大河流血丹屠毒誰之罪  
關忽不守皇皇依沛蔡螳蜋知捕蟬不知黃  
雀來今古幾興廢爲重生人哀

汝陽館

去歲營船隩今朝館汝陽海空沙漠漠河廣草

茫茫家國哀千古男兒慨四方老槐秋雨暗孤  
影照淋浪

自汝陽至鄆十五日

渺渺中原道勞生歎百非風雨吹打人泥淖飛  
上衣日力去天短心事與時違子昔相魯侵  
疆自齊歸

東平館

憔悴江南客蕭條古鄆州雨聲連五日月色微  
中流萬里山河夢千年宇宙愁欲鞭劉豫骨煙

指南後錄

卷七

七

草暗荒邱

發鄆州喜晴

烈風西北來萬竅號高秋宿雲蔽層空浮潦迷  
中州行人苦沮洳道路阻且修流漸被鞞韜飛  
沫綴衣裘昏鴉接翅落原野慘以愁城郭何蕭  
條閉戶寒颼颼中宵月色滿餘光散衾裯余子  
戒明發飛霧靄郊邱微見扶桑紅隱隱如沈浮  
身遊大荒野海氣吹蜃樓須臾劃當空六合開  
沈幽千年厭顏色蒼翠光欲流大陽經天行大



化不暫留輝光何曾滅晦靄終當收巖霜下百  
草長歌夜悠悠明日東阿道方軌驟驛驪

發東阿 東阿縣十七日

東原深處所時或見人煙秋雨桑麻地春風桃  
李天貪程頻問堠怯馬緩加鞭多少飛檣過噫  
吁是虜船

宿高唐州 博州

早發東阿縣暮宿高唐州哲人達幾微志士懷  
隱憂山河已歷歷天地空悠悠孤館一夜宿北

指南後錄

卷二

十五

風吹白頭

平原 十八日

平原太守顏真卿長安天子不知名一朝漁陽  
動鼙鼓大河以北無堅城公家兄弟奮戈起一  
十七郡連夏盟賊聞失色分兵還不敢長驅入  
咸京明皇父子將西狩由是靈武起義兵唐家  
再造李郭力若論牽制公威靈哀哉常山慘鉤  
舌心歸朝廷氣不懾崎嶇坎何不得志出入四  
朝孝忠節當年幸脫安祿山白首竟陷李希烈

希烈安能遽殺公宰相盧杞欺日月亂臣賊子  
歸何處茫茫煙草中原土公死於今六百年忠  
精赫赫雷行天

獻州道中

三年戎服行五嶺立王會躋攀上岨磴厲揭涉  
湍瀨十步九崎嶇山水何破碎坐令管仲小自  
覺伯夷隘乃今來中州萬里如一槩回望登原  
隰桑麻蔚旆旆驂踏清廓過都真歷塊歷歷  
古戰場俯仰生感慨吾嘗涉重湖東海際南海

指南後錄

卷二

十六

茲游冠平生天宇更宏大心與太虛際目空九  
圍內男兒不出戶婦人坐帷蓋反身以自觀須  
彌納一芥以此處生死超然萬形外

滹沱河二首

過了長江與大河橫流數丈絕滹沱蕭王麥飯  
會倉卒回首中天感慨多  
風沙雖水終亡楚草木公山竟蹙秦始信滹沱  
冰合事世間興廢不由人

河間

夜宿河間恰家則翁寓焉因成三絕

空有丹心貫碧霄泚立國不崇朝小臣萬死  
無遺憾會見天家十八朝

南歸鴈蕩報郎君老子精神健十分不謂瀛洲  
復相見阿戎翻隔萬山雲

江南車蓋走燕山老子旁觀袖手閒見說新詩  
題甲子桃源元只在人間

保州道中

昨夜渡滹沱今朝望太行白雲何渺渺天地何

指南後錄

卷二

十七

茫茫落葉混西風黃塵昏夕陽牛車過不住瓊  
屋行相望小兒倚寒驢壯士駕黃高低葉萬  
頃黑白草千行村落有古風人間無時狀宋遼  
舊界分燕趙古戰場蚩尤亂涿野共工謫幽邦  
郭隗致樂毅荆軻攜舞陽臧盧互反覆安史迭  
披猖山川一今古人物幾興亡江南佔畢人往  
來習羊腸天馬載青蠅電抹馳康莊適從何方  
來如在醉夢鄉感時意踟躕惜往淚淋浪厲階  
起玉環左計由石郎天地行日月萬代垂景光

晝夜果可廢春秋誠荒唐吾生直須臾俯仰際  
八荒來者不可見遠遊賦徬徨

保涿州三詩

趙太祖墓在保州二十九日起至三十

日到

我行保州塞御河直其東山川猶有霧佳氣何  
鬱葱願我巾車四厲風轉秋蓬瓣香欲往拜惆  
悵臨長空

樓桑

故宅近涿縣三十里

指南後錄

卷二

十八

我過梁城門樓桑在其北元德已千年青煙遠  
故宅道傍爲揮淚徘徊秋風客天下臥龍人多  
少空抱膝

涿鹿

我瞻涿鹿野古來戰蚩尤軒轅此立極玉帛朝  
諸侯歷代遷關河鴈風吹寒秋爾來三百年王  
氣行幽州

過梁門

一一金甌在雙雙鐵壁全土花開舊國風絮渡



江前南北分新統江淮號極邊更和天塹失回  
首慘啼鵑

白溝河

昔時張叔夜統兵赴勤王東都一不守羸馬遷  
龍荒適過白溝河裂眦鬚欲張絕粒不遑死仰  
天扼其吭羣臣總奄奄一士垂天光讀史識其  
地撫卷爲淒涼我生何不辰異世忽相望皇圖  
邁陽九天塹漏飛艤引軍詣闕下捧土障瀾狂  
出使義不屈持節還中郎六飛狩南海金鐵將

指南後錄

卷二

九

煌煌武侯空盛心出師驚四方吾屬竟爲虜世  
事吁彼蒼思公有奇節一死何慨慷江淮我分  
地我欲投滄浪滄浪卻不受中原行路長初登  
項籍宮次覽劉季邦涉足河與濟回首嵩與恆  
下車撫梁門上馬指樓桑戴星渡易水慘淡天  
微茫行人爲我言宋遼此分疆懸知公死處爲  
公出涕滂恨不持束芻徘徊官道傍我死還在  
燕烈烈同肝腸今我爲公哀後來誰我傷天地  
垂日月斯人未云亡文武道不墜我輩終堂堂

懷孔明

斜谷事不濟將星殞營中至今出師表讀之淚  
沾胸漢賊明大義赤心貫蒼穹世以成敗論操  
懿眞英雄

懷劉琨

中原昔分蕩壯哉劉越石連踪起幽并隻手扶  
晉室福華天意乖匹磾生鬼域公死百世名天  
下分南北

懷祖遜

指南後錄

卷三

三

平生祖豫州白手起大事東門長嘯兒爲遜一  
頭地何哉戴若思中道奮螳臂豪傑事垂成今  
古長短氣

懷顏杲卿

常山義旗奮范陽鯁喉咽胡雛一狼狽六飛西  
入川哥舒降且拜公舌膏戈鋌人世誰不死公  
死千萬年

懷許遠

起師哭立元義氣震天地百戰奮雄姿樹妾士

揮淚睢陽水東流雙廟垂百世當時令狐潮乃  
為賊遊說

過雪橋琉璃橋

小橋度雪度琉璃更有清霜滑馬蹄遊子衣裳  
和鐵冷殘星荒店亂鳴雞

和夷齊西山歌

西山之歌曰登彼西山兮採其薇矣以  
暴易暴兮不知其非矣神農虞夏忽焉  
沒兮我安適歸矣吁嗟徂兮命之衰矣

指南後錄

卷二

三

後二千餘年某乃倚歌而和之曰

小雅盡廢兮出車採薇矣戎有中國兮人類非  
矣明王不興兮吾誰與歸矣抱春秋以沒世兮  
甚矣吾衰矣

又從而和之曰

彼美人兮西山之薇矣北方之人兮為吾是非  
矣異域長絕兮不復歸矣鳳不至德之衰矣

幽燕獄中

己卯十月一日至燕越五日罹狴犴有

感而賦

一  
拱壁衣冠十六傳更無一士死君前自慚重趙  
非九鼎猶幸延韓更數年孟博囊頭真自愛杲  
卿鈞舌更誰憐人間真有綱常在萬古西山皎  
月懸

二

直弦不似曲如鈞自古聖賢多被囚命有死時  
名不死身無憂處道還憂可憐杜宇空流血誰

指南後錄

卷二

三

願嚴顏便斫頭結束長編猶在此竈門婢子幾  
人羞

三

落落南冠自結纓桁陽臥起影縱橫坐移白日  
知何世夢斷青燈問幾更國破家亡雙淚暗天  
荒地老一身輕黃梁得失真成幻五十年前元  
未生

四

范曄在獄中為士題扇云去白日之皎皎



卽長夜之漫漫

心期耿耿浮雲上身事悠悠落日西千古興亡  
何限錯百年生死本來齊沙邊莫待悲黃鵠雪  
裏何須問牧蕪此處曾埋雙玉劔虹光夜指楚  
天低

五

寥陽殿上步黃金一落顛唯地獄深蘇武窖中  
偏喜臥劉琨囚裏不妨吟生前已見夜叉面死  
去只因菩薩心萬里風沙知己盡誰人會得廣

指南後錄

卷二

三

陵音

六

亦知夏夏楚囚難爭奈天生一寸丹鐵馬行塵  
南地熱猶衣坐擁北庭寒朝餐淡薄神還爽夜  
睡崎嶇夢自安亡國大夫誰爲傳祗饒野史與  
人看

七

風雪重門老楚囚夢回長夜思悠悠熊魚自古  
無雙得鵠雀如何可共謀萬里山河真墮甌一

家妻子任填溝兒時愛讀忠臣傳不謂身當百  
六秋

八

聽著啼鵲淚滿巾國亡家破見忠臣關河厯落  
三生夢風雪飄零萬死身丞相豈能堪獄吏故  
侯安得作園人神農虞夏吾誰適回首西山繼  
絕塵

九

風前舞燈影月下泣霜花鐘信忽然動屋陰俄

指南後錄

卷二

三

又斜闕中聊度歲夢裏尙還家地獄何須問人

問見夜叉

十

風霜陰忽忽天地淡悠悠我自操吾語誰來問  
楚囚寂中惟滅想達處盡忘憂手自韋編在朝  
聞夕死休

十一

吳殺諸葛恪以蘆條裹而棄之

環堵塵如屋粲然一故吾解衣烘稚蠶包鎖救

殘鬚坐處心如忘吟餘眼已枯不應畱滯久何  
日裏蘧條

十二

浩劫風塵暗衣冠痛百罹靜傳方外學晴寫獄  
中詩烈士惟名徇真人與物違世間忙會錯認  
取去來時

十三

儼然楚君子一日造王庭議論探堅白精神入  
汗青無書求出獄有舌到臨刑宋故忠臣墓真

指南後錄

卷二

三

吾五字銘

十四

宰相目我爲愚

兩月縲囚裏一年憂患餘疏因隨事直忠故有  
時愚道在事何拙心安體自舒近來都勘破人  
世只蘧廬

十五

袞衣坐縲絏世事亦堪哀枕外親炊黍鑪邊細  
劃灰無人淚垂血何地骨生苦風雪江南夢夢

中行探梅

十六

我自憐人醜人方笑我愚身生豫讓癩背發范  
增疽已媿功臣傳猶堪烈士書衣冠事至此命  
也欲何如

十七

久已忘榮辱今茲一死生理明心自裕神定氣  
還清欲了男兒事幾無妻子情出門天地闊一  
笑暮雲橫

指南後錄

卷二

三

十八 十二月二十日賦

家國哀千古星霜忽一周黃沙漫故道白骨委  
荒邱許遠死何晚李陵生自羞南來冠不改吾  
且任吾囚

十九

念四日俚語謂之小年夜

壯心負光岳病質落幽燕春節前三日江鄉正  
小年歲時有如水風俗不同天家廟荒苔滑誰  
人燒紙錢



二十

無限斜陽故國愁朔風吹馬上幽州天翻地覆  
三生劫歲晚江空萬里囚烈士喪元端不惜達  
人知命復何憂祇應四十三年化兩度無端見  
土牛

文山遇靈陽子談道繫之以詩

昔我愛泉石長揖離公卿結屋青山下咫尺蓬  
與瀛至人不可見世塵忽相嬰業風吹浩劫蝸  
角爭浮名偶逢大呂公如有夙世盟相從語寥

指南後錄

卷二

五

廓俯仰萬慮輕天地不知老日月交其精人一  
陰陽性本來自長生指點虛無間引我歸圓明  
一針透頂門道骨由天成我如一逆旅久欲躡  
躡行聞師此妙訣蘧廬復何情

歲祝犁單閏月赤奮若日焉逢涪灘遇異  
人指示以大光明正法於是死生脫然  
若遺矣賦五言八句

誰知真患難忽悟大光明日出雲俱靜風消水  
自平功名幾滅性忠孝大勞生天下惟豪傑神

仙立地成

己卯歲除有感

歲除破衣裳夜半刺針線遊子長夜思佳人不  
可見草枯稚驢吼燈暗飢鼠現深室閉星斗輕  
裘臥風霰大化忽旋斡浩劫蕩流轉冠履失其  
位侯王化畸賤弓戈叱奇宇刀鋸摧頽弁至性  
詎可遷微軀不可戀真人坐中漠死生一乘傳  
日月行萬古神光索九縣

右自己卯十月一日至歲除所賦當入

指南後錄

卷二

五

獄時望旦夕死不自意蹉跎至今詩凡  
二十餘首明日為商橫執徐歲不知又  
當賦若干首而後絕筆云己卯除日文  
山履善甫題

指南後錄卷二終

指南後錄卷三

予指南後錄第一卷起正月十二日賦

零丁洋第二卷起八月二十四日發建

康今第三卷蓋自庚辰元日為始文山

履善甫序

元日

鐵馬風塵暗金籠日月新衣冠懷故國鼓角泣  
離人自分流年晚不妨吾道春方來有千載兒  
女任悲辛

指南後錄

卷三

十

新年四十五歲

東風昨夜忽相過天地無情奈老何千載方來  
那有盡百年未半已為多君傳南海長生藥我  
愛西山餓死歌泡影生來隨自在悠悠不管世  
間魔

感興

萬里雲山斷客魂浮雲心事向誰言月侵鄉夢  
夜推枕風送牢愁晝掩門蘇子窖中閑日月石  
郎家裏舊乾坤朝聞夕死吾何恨坐把春秋子

細論

正月十三日

去年今日遁厓山望見龍舟咫尺間海上樓臺  
俄已變河陽車馬莫須還可憐抵乳煙橫塞空  
想鵲啼月掩關人世流光忽如此東風吹雪鬢  
毛斑

上元懷舊

禁門三五金吾夜回首青春忽二毛池上昔隨  
王母宴斗中今直貴人牢風生江海龍遊遠月

指南後錄

卷三

二

滿關山鶴唳高夢到鈞天燈火闌依然彩筆照  
宮袍

讀史

自古英雄士還為薄命人孔明登四十韓信過  
三旬壯志搖龍虎高辭泣鬼神一朝事千古何  
用怨青春

幾傷

家國傷冰泮妻孥歎陸沈半生遭萬劫一落下  
千尋各任汝曹命那知吾輩心人誰無骨肉恨



與海俱深

遣興

一落顛嗔不自由春風相對說牢愁  
穉驢黑月光中吼飢鼠青燈影下遊  
豈料乾坤真墮甌始知身世是虛舟  
遙憐海上今塵土百代風流不肯休

又

東風吹草日高眠試把平生細問天  
燕子愁迷江右月杜鵑聲破洛陽煙  
何從林下尋元亮只

指南後錄

卷三

三

向夢中作魯連莫笑道人空打坐英雄收歛便神仙

四月八日

今朝浴佛舊風流身落山前第一州  
顛上瑤桃俄五稔梅中玉果已三周  
人生聚散真成夢世事懽悲一轉頭  
坐對春風開口笑滿懷耿耿復何求

夜起

夢坐東窗月半明此身雖在只堪驚  
一春花裏

離人淚萬里燈前故國情龍出想應回海島鴈  
飛猶未出江城客愁多似西山雨一任蕭條白  
髮生

五月二日生朝

北風吹滿楚冠塵笑捧蟠桃夢裏春  
幾歲已無籠鶴客去年猶有送羊人  
江山如許非吾土宇宙奈何多此身  
不滅不生何許靜中聊且養吾真

端午感興

指南後錄

卷三

四

千金鑄錯百神愁功與當年禹服侔  
荆棘故宮魑魅走空餘揚子水東流

又

當年忠血墮讒波千古荆人祭汨羅  
風雨天涯芳草夢江山如此故鄉何

又

流涕西來恨未銷魚龍寂寞暗風潮  
楚人猶自負兒戲江上年年奪錦標

見艾有感

過眼驚初夏回頭憶晚春已憐花結子又見艾  
爲人故國丹心老中原白髮新靈脩那解化清  
夢楚江濱

自歎

綠槐雲影弄黃昏月照牢愁半掩門一片心如  
千片碎十分鬢有二分存沙邊鴻鵠長回首江  
上杜鵑空斷魂豎子溷人渾不省紅纓白馬意  
軒軒

自遣

指南後錄

卷三

五

詩餘眠白日館後坐清風萬事乘除裏平生寵  
辱中心無隨境變意自與天通莫笑邯鄲夢惺  
惺更是空

自述

赤鳥登黃道朱旗上紫垣有心扶日月無力報  
乾坤往事飛鴻渺新愁落照昏千年滄海上精  
衛是吾魂

不睡

終夕起推枕五更聞打鐘精神入朱鳥形影落

盧龍弭節蓬萊島揚旗太華峰奔馳竟何事回  
首謝橋松

己卯五月十八日子以楚囚過曹溪宿寺

門下六祖禪師真身頃爲亂兵竅其胸  
探其心肝蓋意其有寶故禍至此予以  
業緣所驅落在劫火不謂真佛亦不免  
焉今年今月今日回首 念賦五十六  
字

去年五月十八日高臥曹溪松下風佛若無身

指南後錄

卷三

六

那見患我因有色故成空忘形萬里黃塵外回  
首一年清夢中夜看月華明似鏡只應心事略  
相同

先太師忌日

太師騎汗漫一紀似跳丸弟妹俱成立家鄉忍  
破殘衣冠晨月暗墳墓夜風寒萬里逢先忌無  
言彈淚彈

七夕

大地風塵惡長天歲月奔憂來渾是 夢破與



誰言緜鶴空回首河牛暗斷魂吾今拙又拙無  
復問天孫

有感

石郎草草割山川一落人手三百年八州風雨  
暗連天三皇五帝如飛煙人人野祭伊水邊春  
秋斷爛不復傳白頭潦倒今魯連夜深危坐日  
晏眠

聞季方至

去年我別旋出嶺今年汝來亦至燕弟兄一囚

指南後錄

卷三

一乘馬同父同母不同天可憐骨肉相聚散人  
生不滿五十年三仁生死各有意悠悠白日橫  
蒼烟

九月七日是爲先母兩國夫人大祥之辰

某爲子不孝南望嗚咽爲哀辭章一首

前年惠州哭母斂去年邳州哭母葬今年飄泊  
在何處燕山獄裏菊花時哀哀玉化如昨日兩  
度周星俄箭疾人間送死一大事生兒富貴不  
得力祗今誰人守墳墓零落瘴鄉一堆土大兒

須須勿復道下有二兒并二女一兒一女亦在  
燕佛廬設供捐金錢一兒一女家下祭病脫麻  
衣日晏眠夜來我夢歸故國忽然海上見顏色  
一聲雞叫淚滿牀化爲清血衣裳溼當年縶  
意謂何親曾撫我夜枕戈古來全忠不全孝世  
事至此甘滂沱夫人開國分齊魏生榮死哀宋  
天地悠悠家破與國亡平生無憾惟此事二郎  
已作門戶謀江南葬母麥滿舟不知何日歸兄  
骨狐死猶應正首邱

指南後錄

卷三

九

重陽

風捲平塵弄曉寒天涯流落寸心丹去年醉與  
茱萸別不把今年作健看

去年十月九日子至北庭今周星不死爲

賦長句

君不見常山太守罵搗奴天津橋上血函胡又  
不見睢陽將軍怒切齒三十六人同日死去年  
長至前一日朔庭呼我又不屈丈夫開口卽見  
膽意謂生死在頃刻赭衣冉冉生蒼苔書雲時

節忽復來鬼影青燈照孤坐  
夢啼花血丹心破  
只今便作渭水囚食粟已是西山羞  
悔不當年跳東海空有魯連心獨在

戊寅臘月二十日行府敗被執於今二年

矣感懷八句

橫磨十萬坐無謀回首蹉跎海上州  
太傅祇圖和藥了將軍便謂斷頭休  
乾坤顛倒真千劫身世畱連復二周一死到今  
佛空窗淡月夜悠悠

指南後錄

卷三

九

除夜

門掩西山黑孤燈伴不眠  
故鄉在何處今夕是窮年  
住世真無繫爲囚已自然  
勞勞空歲月得死似登仙  
歲暮難爲客天涯況是囚  
乾坤還幾大歲月忽如流  
夢過元無夢憂多更不憂  
屠蘇兒女態肯作百年謀

指南後錄卷三終



鄧中齋悼亡詩

雞箔但添

新冤結鹿門那復舊提攜無腸可忍生前痛有耳難聞火後啼悶欲絕來還自醒要收汝骨到江西

半月飢疲更夜行爭信人人俱合死細思箇箇可憐生危塗轉足神難靠冤氣橫空斗失明二十一年如一夢此生懷抱幾時平

指南後錄

鄧中齋悼亡詩

一

前生罪業想河沙誤汝縱橫死海涯歷歷不堪尋往夢紛紛忽似落朝華汝宜依佛先登岸我已為僧未出家他日因緣如未斷共生淨土碧蓮花

右指南錄三卷舊本出於尙寶楊叔簡家鄉兄兵科都給事葉與中見之欲自錄一本借至而有山西之行且不欲瀆於凡手因托於予予於書甚懶然觀

文山之詞而又當惜別之際遂為書此若字畫之闕誤乃仍其舊云景泰壬申四月十八日吳人顧珣識

指南後錄

十

須臾

得

不

癸亥夏  
杜就







欽定四庫全書總目卷六十五

須溪四景詩集四卷 編修汪如藻家藏本



宋劉辰翁撰考晉宋以前無以古人詩句為題者沈約始有江離生幽渚詩以陸機塘上行句為題是齊梁以後例也沿及唐宋科舉始專以古句命題其程試之作唐莫詳於文苑英華宋莫詳於萬寶詩山抵以刻畫為工轉相倣仿辰翁生於宋末故是集各以四時寫景之句命題春景凡六十三題詩七十二首夏景凡三十二題詩三十五首秋景凡四十題詩四十四首冬

四景 提要

一宜 秋備

景十六題詩如題數所作皆氣韻生動無堆排塗飾之習在程試詩中最為高格末附東桂堂賦一篇為劉端伯教子讀書而作此集殆亦授劉之子備科舉之用者歟



須溪先生四景詩集卷一

宋廬陵劉辰翁撰

春景 題六十三 詩七十二

花蓋上蜂鬚

擾擾課生涯蜂脾若似家看來鬚上藥登盡眼前花  
百卉如脩貢千門總釀葩露香沾掩冉風絮入槎牙  
飲硯偷玄去沿簪着鬢斜粉痕驚墜處遠趁上番衙

柳塘春水漫

柳外澹烟光芊綿去路長風花隨世界春水漫池塘  
手種青青許堤回曲曲香綠猶深舊雨流不動斜陽

不置

十一宜 秋館

濠上知魚樂橋邊看燕忙欄干風起晚人影皺羅裳

春來常早起

世事懽娛夢芳心老未灰每常須起早豈獨爲春來  
自與韶光約長應倒載回久無朝馬動漫道曉鴉催  
秧事侵晨理花期昨夜開說合圯上者見謂有心哉

杖藜入春泥

梅聖俞言竹雜泥  
滑滑苦竹岡 原注

步出浣花溪兒童識杖藜逝將隨晚景獨自入春泥  
九節閑堪愛百錢相與携行從竹雞裏徑到子規西  
展弊猶須蠟壺傾可得提暮歸驚倒載笑倒白銅鞮

春草步步綠

何苦懷芳草無情緣又新年年生古道步步是青春  
愁碧連分袂飛紅墮舞茵一筇當秀野萬里亦隨人  
莽蒼成蕪楚烟靄又入秦長安紅紫陌羅襪已生塵

絕域改春華

絕域何堪久悠悠日又斜未能辭客况更自改春華  
故國三千里荒春八九家一聲幽谷鳥滿眼故園花  
漸煖回歸雁餘寒倚暮鴉陌頭看過客歌吹擁羶車

又

絕域魂堪斷風烟不可遮至今疑夢事舉目改春華  
此處吾爲客何言國與家尙存他日淚又看一年花

不置

十一

谷口遷鶯語都城御柳斜茫茫皆漢土無地種秦瓜

寒食月明雨

黠音讓之  
原注

寒食娛清夜飛紅已滿城日慙春又暮月是雨中明  
漢苑傳新燭鄜州憶故京柳稍眉黯黹花上淚縱橫  
人立斜河澹晨占上塚晴綿田烟泣露天老豈無情

落花香滿泥

貴妃死於馬嵬山下有  
得其香囊者 原注

春去如流水落花忙又忙晴泥空滿眼陳迹尙餘香  
無計留枝上愁人香路旁雨餘金谷土風動馬嵬囊  
拾翠遺鴻爪飛紅入燕梁遙憐妝墮馬寸步斷人腸

又



花落秦盧兮紛紛東復西舉頭無霽日滿地是香泥  
紅雨愁如海絮風飄上堤和成文杏壘軟襯錦鞦韆  
妙舞驚飛燕醉歸扶竹雞誰家採桑女陌上自相携

### 空院落花深

酉陽雜俎有土臥見屏中所畫婦人自屏  
而下至其床前踏歌曰長安女兒踏春陽  
何處春陽不斷腸舞袖弓腰渾忘却素娥  
空帶九秋霜其中一人問曰何如弓腰歌  
者又反首髻及地深如規  
士人叱之復上屏 原注

綠沈空院雨依約舊誰家已廢惟芳草尤深是落花  
陰陰迷燕壘籍籍失蜂衙數點埋香玉千枝委雪沙  
樓殘金谷障路合玉鈞斜喚醒弓彎舞天風即海涯

### 四景一

三

### 林花掃更落

花外愁如海持觴爲掃林猶深猶可惜更落更難禁  
片片春將盡三三徑莫尋青苔纔列席紅雨又沾襟  
不是乘風去應如立雪深柳綿欺我老旋拂遍能侵

### 碁聲花院閉

碁聲何處起滿院寂無譁門閉雞鳴午庭空蝶繞花  
靜中時落子高處欲驚鴉枸杞籬根吹棠梨屋角斜  
客迷柯下路人在橘中家此樂商山似休爭着數差

### 禪房花木深

此處少人跡禪房深客心殿廊常寂寂花木自深深

面壁看紅影蒲團對綠陰定回蜂欲逗香在蝶難尋  
棋電驚青子茶烟出半林客來參話久隔屋聽鳴禽

### 新火起新烟

風雨暗綿田春愁百五天故人成故俗新火起新烟  
自用青楓後何如墨突前人問寒食改天上蠟薪傳  
當戶三星出齊州九點連人心思漢德猶望死灰然  
蜀臨邛有火井孔明  
觀之復然 原注

### 漢宮傳蠟燭

寒食誰家燭紅香蠟更鮮晶熒侯邸盛日暮漢宮傳  
永巷花同閉長門柳又眠人間金谷火天上密脾煙

### 四景二

四

食客三千履皇恩四百年回思諸葛井流涕陣圖邊

### 寒食四鄰清

寒食掩柴荆春郊無意行極知三日近并覺四鄰清  
綠暗鴉銜紙晴明笛賣餚朱陳前社遠王謝斷烟橫  
鶴表憐城塚鯖盤冷客卿昭邱茅屋破千載見人情

### 寒食少天色

風雨待晴難人間熟食盤從來天色少偏向暮春寒  
宮女斜偏冷家人火自鑽烟光籠綵索雲影壓欄干  
村落花如紙風流絮作團不能韋杜曲見月憶長安

### 馬上逢寒食



寒食古來同鄉關隔萬重天涯俱是恨馬上又相逢  
雨雪阜蘭道弓刀苜蓿峰滿城看插柳分路入澆松  
繡嶺開門日邠州陷賊蹤年年聞改火雙淚下龍鐘

播間

寒食應無見携樽炙更燔播間迷舊陌陌上乞吾塔  
麟臥新華表鴉啼古墓門施施東郭客處處樂游原  
冷眼看鷲炙傳家自瓦盆若放無麥飯過者更銷魂

介山

念舊情何及逃虛理不還不因求介子安識是何山  
公子何恩怨羈臣自險艱巔崖蒼莽外烟雨有亡間

四景

五

就使身豺虎寧當火蒯菅年年寒食雨天亦爲潺湲

疏簾看奕棋

道院無迎客疏簾紗紗垂未須驚倒屣共看奕殘棋  
日透花陰午風搖竹影漪嘔心誰白黑袖手見安危  
別墅塵難到南風管已窺仙凡終似隔彷彿記來時

碧山晴又濕

山色洗逾碧昏明水墨成相看如許濕政似不曾晴  
翠拂雙蛾起青如老眼橫疑雲才歛態峽雨復多情  
瀑濺香爐紫烟銷石鏡明乾坤翻覆頃蘿月吐洙更

公作送春詩

春與公何厚公嘗惜盛時忍於臨別日不作送行詩  
自覺同遲暮何堪賦別離衰蘭行客道芳草斷腸詞  
明日成愁蝶殘陽又子規少年誰不省問我獨何悲

假日從時飲

晉山簡鎮襄陽常遊習家園池原注

假日故應稀逢春喜可知有懷長似海不飲亦從時  
孺子新年喜公家強告嬉悠悠聊復爾每一中之  
對客無辭罰看花少待遲何因似山簡暮暮習家池

潤物細無聲

何用雨聲轟分明潤物酥豈惟聽不得政自細如無  
九陌塵難起千林澤編敷怪如露草露滴不到蓬壺

四景

六

但覺花沈醉誰知柳索扶老龍空辟歷辛苦救焚枯

春來祇欠花

道是春來也春猶似未來亦知爲日久祇是欠花開  
殘雪依然在東風幾許回空令一杯酒更憶去年梅  
萬里寒如信千林巧莫催詩成天一笑紅綠半爭魁

芳草換野色

何處尋春色園林已斷腸居然憐野草惟此換年芳  
殘燒回春久香泥去路長能令南浦碧未覺五陵芳  
拾翠迷寒食飛紅臥夕陽遙知青塚恨南北兩茫茫

一雨百泉漲

仇池有九十九泉夢到其處原注



故是春晴好冬乾已隔年一番經過雨百道漲新泉  
破屋移偏濕荒陂斷復連浮山通寺驛胥井出湖田  
地脉天能續簷聲石亦穿仇池九十九蠟屐去無緣

鳥散餘花落

風雨欺人後枝頭已自疏鳥啼因散去花落是驚餘  
衝雨知何許流聲已瞥如不應紅顛雨猶似暗沾裾  
青子疑彈雀紅桃借網魚開元宮更遠王母寄誰書

碧草生舊跡

花下同遊迹令人念舊驚如何春草碧盡向客愁生  
南浦隨人色芳洲拾翠情凌波塵渺渺滿地綠菁菁

四景一

七

塚上何堪沒人間總未平池塘新夢破時復下階行

鶯囀謝娘浦

春似謝娘濃晴酣困未鬆鶯從何處轉人比向來慵  
啼得嬌成曲聽餘恨滿胸閑看風柳絮更問繡花茸  
隔屋渠三折倚屏山萬重棋聲驚過鳥敵手不曾逢

詩人命屬花

紅落胭脂井香埋絳縷紗詩人工採藻吾命屬渠花  
心嘔猶堪思山頽尙念餘吟殘錦官里醉倒玉皇家  
愈願償春酒郊迷擇壻車江頭顛欲死已辨鬢生華

村村自花柳

御宿長楊館南山沁水園風塵猶日日花柳自村村  
王謝人家遠朱陳里姓存飄零香澗水搖颺綠柴門  
杜曲風和雨秦人子又孫細腰桃露臉脉脉竟無言

又

亂後新烟少村村白物華周遭溪上柳爛熳路傍花  
獨獨人沽酒行行客賣瓜絮迷三戶曲香蒲四娘家  
清汴龍舟遠玄都燕麥斜琵琶鞍路悄應念浣溪紗

去帆春色隨

春色終然別開帆豈有期飄飄從此去往往與之隨  
漸可孤蓬小能令絕岸移殢人愁碧遠到海落紅癡

四景二

八

風自無回理潮猶有上時離魂難可得飛絮滿天涯

寒盡怕春銷

飛絮新烟外東風託信遙春猶有寒否寒盡怕春銷  
畫閣闌紅獸行鞭裏黑貂便無三月雨也不再花朝  
倚翠還輕扇飛紅共落潮少年宜秉燭莫負可憐宵

山歸萬古春

萬古山如此青青巖巖新自憐看到老未有不歸春  
雲樹曾經別鶯花不棄貧自迎東太乙重作葛天民  
一燒迷千仞三開見幾秦八公花下飲仍是少年人

池塘生春草



浦眼成新趣池塘午夢驚青春何日到芳草滿前生  
穀穀東風起波波兩剪橫翠鈿如可拾仙藥不知名  
轉步玉鈞合幾時珠履行平陂青似海无處認昆明

春風花草香

草之香者爲灑浦花之香者爲昌州原注

高下花成谷烟綿草際空以香爲世界布馥是春風  
駘宕蛛絲外顛狂蝶夢中汀洲仙藥市天地錦薰籠  
灑浦遺余綠昌州絕世紅餘芳猶可籍應恨耿匆匆

閑院綠陰生

花院苔空積遊絲若有情斷無珠履迹閑見綠陰生  
縹緲朱簾悄下東玉漏鳴隔窗梅子落繞屋笋竿成

景一

九

幾日落紅雨數聲深處鶯午雞人睡起郭水看魚行

閨闔開黃道

閨闔祥光起班行好語催青郊隨候應黃道似初開  
夢繞天門去風從震地回東西行白日南北驗清臺  
曉殿分龍角春城轉斗魁中天符四七人物萬方來  
四七二十八也自高祖至光武初起合二百二十八年原注

衣冠拜紫宸

萬古衣冠舊三朝歷數新青皇來遠道紫袖拜嚴宸  
花日明簪冕槐雲舞佩紳昭容當檻曉宰相賀班春  
索合分同列傳呼掖老臣漢儀當日事江漢四朝人

新年賀大平天寶唐玄宗年號時安祿山叛後元漢文帝大平時也原注  
亂向殘年定東風息戰塵大平如可待相見賀從新  
自笑屠蘇我誰吹畫角秦幾人天寶舊重賞後元春  
賣釧猶堪醉簪花不恨貧淵明今印子猶是晉時人

又

相過賀新元干戈且息肩不圖垂老日還見大平年  
灰向昆明盡春從待漏傳衣冠禾黍地簫鼓杏花天  
燈市嬉遺老旗亭臥醉仙山林間好語天下米三錢  
旗亭市樓也原注

明月逐人來

景一

十一

人影光相亂月明燈市開依依隨馬去故故逐人來  
勝賞春三五流光酒一杯爲君分綺席同我上瑤臺  
扶路傾相就分襟逝却回玉山人醉矣徒到莫驚猜

風起春燈亂

故是春風起香塵暖未曾暮寒驚翠袖春影亂華燈  
冷浸朱門月吹成碧冰沙河三五夜火樹幾千層  
金炬開蓮島銀花貼玉繩一聲清蹕遠冷落內前棚

溪壑回春姿

雲擁千溪斷霜溪萬壑衰自從回煖景依舊是春姿  
晴日雲千疊東風雨一池還他新歲好似我少年時



錦水桃千障巫山柳十眉時同天一笑不敢恨衰遲

暗水流花徑

日出習池遊晴簷水不收幾回經草暗一逕帶花流  
汨汨何從至青青自欲浮但疑紅雨漲不似御溝愁  
靜聽鳴金谷行迷失玉鈎凌波羅襪潤天是斷橋頭

小水細通池

過雨山泉潤悠悠小水同未嫌來脉細更與曲池通  
花徑頻違濕苔溝暗入叢却看萍破碧未覺葉流紅  
澗壑干枝曲乾坤一鏡中所嗟瓜地遠不得灌連筒

又

四景

十一

小小回堤水花陰寸步隨細難爲灌圃長是曲通池  
乳竇仍從出雲根觸處滋又添晴滴瀝欲漲碧漣漪  
新綠常如雨流紅未見詩昆明鯨背淺盡日絮溝遲

仰蜂粘落絮

採採香無據遊蜂與絮兼輕吹無影落仰抱有時粘  
欹葉棲難穩垂附採未然花鬢紛更辨柳雪誤相沾  
未礙餐能飽貪看嚙欲甜吟安時失笑往往似吾髯

綠陰生畫寂

深院停春雨庭空鳥不鳴自然清畫寂盡是綠陰生  
滿眼成青幄無人惜絳英輕風低鼎篆遲日上簾旌

遠水明鷓鴣平欄繞杜蘅小窗臨晉帖悞落剪刀聲

燕子家家入

燕子來何晚城春換物華逢人能語語隨意人家  
故宇何堪戀朱簾可得遮王門深巷悄謝野夕陽斜  
是處隨芳草無情似柳花興亡真閱遍盡是主人差

春燕巢林

燕子故依人重來跡已陳主樓空舞地林木自巢春  
無復郊迎乙惟應語訴辛乾坤一枝土風雨畫梁身  
荒草歌塵遠頽松社屋新尋常空巷裏憶着舊家貧

浙江花木深

四景

三

遊子江南老美人浙水陰風光何冉冉花木自深深  
蘋渚藏如怨蘭皋寄屈吟飄香迷去路種子約青林  
遠浦歸帆興芳洲來暮心天寒人倚竹日斷去鴻沈

孤舟亂春華

天地孤舟客東風是處家偶然乘興遠不擬亂春華  
牢落無茶具飄零白釣槎誤將青箬笠撐入碧桃花  
路斷雲相覓溪深柳又斜忽聞雞犬近隨處有桑麻

又

罨畫來兼往孤舟自若耶悠悠信谿路籍籍亂春華  
今古三高客乾坤一葉家泛桃衝雨過穿柳帶烟斜



下水隨飛燕移稍爲惜花日斜歸興急恐或見胡麻

又

晴日孤舟好溪流帶岸斜浮游忘世慮爛熳亂春華  
朝共漁穿港暮隨鷗宿沙却知桃有路惟見柳無涯  
蕘舞村村酒曾歌處處花羣仙驚再見留宿武陵家

又

有客孤舟裏風平日又嘉未須憐歲晚從此亂春華  
自扣舷三版相將水一涯前村隨柳色昨夜宿桃花  
鷗浴波翻錦漁歌影入霞江頭桐杏暗子美四娘家

遊絲白日靜

四景

三

靜似長門裏初晴未暑時悠悠銷白日冉冉上遊絲  
白髮因風起青蟲映戶垂墻陰雙蝶遠花影一簾遲  
新壘乾泥絮晴衙散密脾烏驚梅子落深院客爭棋

柳葉暗金溝

輦路垂垂柳昆明寂寂流近天高翠葉映日暗金溝  
眠起當前殿菱蕤拂御舟鎖成三閣暮流出六宮愁  
桐影題難立場花宕不收至今寒食雨墮淚曲江頭

花飛減却春

老子情知海花無醉後新飛來如許雪減却不多春  
輕薄隨流水顛狂落近鄰猶寒猶未晚半雨半成塵

拾翠危無路殘紅老得人清晨添酒量日日是芳辰

城春草木深

春又不知暮城荒獨至今樓臺花下遠草木雨中深  
寒食無烟綠頽垣有月侵荒苔隨意古落子又成陰  
鄰笛殘兵淚胡琴故國心廢興天不語鐘鼓遍園林

春色在鄰家

春色闌珊去朱門懶夢華悠悠看蝶翅往往在鄰家  
暖日明金谷光風媚浣沙似聞携手笑疑有隔墻花  
望眼穿銀漢香塵透綠紗是誰窺宋玉憔悴一枝斜

吹笛受和風

四景

南直秋節

寒曾欺我倒今日是和風吹雨濃春酒開懷受化工  
未知來暖律政似識糟翁大袖猶堪滿衰顏欲更紅  
鬢如新柳動鼻與暗香通天上知何信千花一笑中

火樹銀花合

臺城三閣臨春結綺望仙原注

星炬亂林鴉火城標赤霞端門開壁月散樹合銀花  
光燄搖千尺扶疏轉九華昭回三閣近擊落萬枝斜  
玉李迷天象金蓮出內家龍光如海蜃猶有誤連車

須溪先生四景詩集卷一



須溪先生四景詩集卷二

宋廬陵劉辰翁撰

夏景 題三十二 詩三十五

薰風自南來

當年唐殿閣何似道人庵  
閑日長如此薰風來自南  
清香吹不斷大暑故如快  
靜見花陰午涼添竹徑三  
客遮前席坐人臥北窗  
酣別墅棋邊急閑將赤壁談

夏雨生眾綠

入夏可曾晴陰陰眾綠成  
但驚春盡去誰信雨中生  
一月須梅潤于林但葉聲  
荷邊蒲猗難桑外笋崢嶸

又

又

芳草非無恨新條各向榮  
秧田禾似浪浦眼幾時平

又

無人嫌夏雨眾木共欣榮  
已辦黃梅熟還將綠葉生  
送春無物色盡日是簷聲  
處處桑麻長陰陰桃李成  
風灑蒲水白烟共草天平  
山色沈冥久朝來雨黛橫

雨過苔花潤

雨過殘春遠晴天半入梅  
草根餘落照花潤只深苔  
山共朱簾捲庭無蠟屐來  
翠錢流地滿珠麝照人開  
寂寂承殘霽青青繞廢臺  
唾茸官壁在殘月照餘哀

既雨晴亦佳

既雨失陰霾天憐萬竈蛙  
是雖猶暑潤亦自覺晴佳

早見瓢翻海今無漏透階  
但能聞晚景盡足慰人懷

山翠光浮玉塗泥軟襯鞋  
一簾花露影醉眼為渠揩

樹濕風涼進

樹晚晴猶濕好風如故長  
倚然林下意進似雨時涼  
坐覺茅容徙來看呂政忙  
飄蕭初似暑浙瀝轉成霜  
倚袖風添翠題秋葉欲黃  
不知兼露下河漢芰荷香

松涼夏健人

松影夏天雲涼開一院新  
若無如此暑可以健於人  
風外潮聲起林間客欠伸  
自憐三伏日重得百年身

又

又

鶴唳如輕舉兒扶更怒噴  
下山逢急雨為洗覆車塵

又

天地若為容涼陰何處逢  
困人惟夏日健我是雲松  
雨立三千丈風生一萬重  
如餐華峰藕不藉葛陂龍  
脫帽蒼虬笑披衣病鶴鬆  
月明天似水歸路踏芙蓉

露頂灑松風

野處闕過逢投巾仰露空  
蕭蕭松下老灑灑頂門風  
暑不容章甫天猶念禿翁  
昂霄潮洶洶落雪鬢蓬蓬  
搔首平生事忘形半醉中  
蓬萊歸去路潦倒笑臣同

清風松下來



狹世清風少清風不受催惟應松下有肯向坐間來  
襟袖元如水山林自少埃遂驚弘景宅不是楚三臺  
柳巷無人掃柴門盡日開是誰前喝道空遣鶴飛回

林風涼不絕

不可居無竹清風動滿林長無如夏日涼不絕予襟  
安得秋如許能令午正陰兩間何疊疊三徑自深深  
簾玉翻如水簷冰語至今故人千萬里明月兩知心

喬木生夏涼

何可無喬木多年雨露成是間涼意別長夏綠陰生  
日度雲旗影風含澗水聲能令霜六月不待月三更

四景二

三

翠幄宜琴枕枯棋就石枰五楸朝又暮故國可勝情

清室夏含霜

一空蘭香滿陰陰夏木成炎光雖自酷霜意自含清  
珮玉傳風馬鈞簾下水精燕臺無六月楚戶忽三更  
冷袖藏冰藕涼蟾滿露莖江湖無雁信詩鬢自先驚

涼引簾先秋

八尺橫斜簾寒光凝不流引教涼到我坐覺意先秋  
溽暑收梅雨清風度竹樓湘紋殊似水班扇未應愁  
冷逼金莖潤温便玉臂柔願哀城市悄斗米換衾稠

盛夏火爲日

日在天無二明明夏盛時到今雖可愛非火孰能爲  
謾把薰絃語難禁坐甌炊未應一杯水能沃九華枝  
玉屋飛猶在崑同事可知未須頻夢龜倏忽看崦嵫

蓮房墜粉紅

蓮欲成房去三三兩兩空摘來中有子墜處粉尤紅  
已鍍冰爲藕誰將翠作蓬半妝搖越棹一水膩秦宮  
濯濯含秋露亭亭立曉風么荷因見憶憔悴感青銅

竹影金瑣碎

竹可淋漓畫難將竹影臨寂寥誰布地瑣碎總如金  
密處開爲徑疏時舞又陰汗青銷作字翡翠屑成林

四景三

四

弄月平分破臨風鑿落料鏘然聲入耳忽認是徵琴

炎赫衣流汗

世說鍾毓鍾會以年少見武帝  
帝問毓何以不汗曰戰戰惶惶汗  
出如漿又問會何以不汗曰  
戰戰慄慄汗不敢出原注

暑綰衣能幾長流汗似疴惶惶何慄慄赫赫復炎炎  
安得三庚度尤如十日兼坐驚慄背浹不是淚襟霑

湯餅何堪試煎茶可更添可人嬌髮玉頻起立風簷

夢回蓮葉雨

萬葉勝花開蓮香雨送來欲知涼可愛政是夢初回  
未擬華胥轉誰將繡戶推棹歌搖別浦裙影濕陽臺  
天上霓裳斷人間羯鼓催酒醒莖露渴狂引碧筒杯



衣冷欲裝綿

老厭人間熱單衣就冷泉不知清到骨故欲轉裝綿  
蘿月滿襟雪松風半臂仙顛疏桃竹瑩擬就柳花眠  
倚倦思燕玉全生願蜀氈温湯無去路搔首聽潺湲

又

石洞元無暑泉聲灑面涼衣疑中夜冷綿欲此時裝  
洒洒驚荷雨披披變葛霜擬將泚澗紉換却薄羅裳  
中道憐班女温言憶楚王驪山在何許我更念温湯

襍子

俗子高門走那知物意嫌婆娑中避暑襍子早趨炎

四

五

楚楚朝衣格裁古帽簷黃緣三伏謁瞻仰上官嚴  
尙說毛寒慄寧辭背汗沾寄言鄉里者貸我北窗眠

清泉潔塵襟

是事不堪聞清泉獨可親翛然携鬢影聊以潔塵襟  
簾瀉千年雨藍拖百尺紳能令肝肺雪更遣芰荷新  
京洛昏沈夢江湖淡蕩身一瓢明月燕併洗脫鞵噴

涉江採芙蓉

夢破芙蓉雨蛾眉瑣綠窗悠悠思遠道采采涉長江  
北渚浮湘水西與渡越邦波穿紅錦亂影轉畫橈雙  
花路迷相聞菱歌遠失腔扣舷驚水鳥晚晚笑吳憇

公子調冰水

盛世佳公子明光避暑曾調冰初入水和冰亦成冰  
鳴佩朝儀鳳揚鞞夕臂鷹汲來金盃晚攬碎玉凌嶒  
一吸風林壑重領雪肺膺瓊姬持袖舉疑飲露盤昇

炎宵惡明燭

畏日纔宵匿誰教燭又添明雖無可惡看得故成炎  
漏永風如禁膏殘飲未厭萬枝何用許一點有人嫌  
蛾命那知惜蟲花嬾復占吳牛應自笑何事畏銀蟾

行雲遞崇高

自不容無雨行雲盡日勞來來方汗漫遞遞看崇高

四

六

一氣埋飛鳥層陰壓戴熬前驅淝水陣後至浙江濤  
羊角天帆席龍身海枯棹鴻蒙驚久別握手重相遭

訟風伯

豈敢訟穹穹何堪敗願豐雲乎難致雨伯也實司風  
長是垂將合吹之使不同不思商怨後但霸楚稱雄  
已脫知臣罪不誅無歲功皇恩懲使悔終念小心全

亭深到芰香

十里荒寒地亭空暑不侵能令塵土外更到芰荷深  
水閣臨風迥蓮舟隔浦尋紅妝風四面翠倚月中心  
此處閑搔首何人泣露襟拍浮宜有酒亂挽碧筒斟



蟬聲集古寺

此寺創何年人間幾變遷山空千萬古聲集兩三蟬  
振木綠餘韻憑風咽斷絃助成騷國晚驚破少林禪  
喧寂聞塵外炎涼落照邊客來悲世事蟲語暮鐘連

綠荷雨跳珠

荷外雨瀟瀟舟如泊斷橋忽驚紅粉亂又見綠珠跳  
萬葉明蒼水輕風問步搖疏疏露羽蓋點點濺鮫綃  
玉露明金掌紅妝濕翠翹珮痕留不得立地使魂銷

扇枕

涼字韻  
原注

千古一黃香庭萱晝日長枕閑非受熱扇舉欲先涼

四景一

七

畏暑侵支髮搖風願滿堂恨無寒水玉琢在碧紗牀  
泉澗心如棘瑤池鬢已霜如何苟奉倩只在玉人傍

雲雨覺虛無

天欲今朝雨雲如滿八區居然同願望如此竟虛無  
鵬運風猶黑龍光電又驅遂成神女夢誤擬阿香呼  
酷吏踰前惜餘民絕望蘇皇心終不測變化屬須臾

高風動秋聲

萬竅忽爭號南風動地豪此聲何處起到地似秋高  
草木波頽靡乾坤暑戰塵有人推戶外無葉下庭皋  
寒扇憐孤影征鞍感二毛豪鷹雙角聳無計剪蓬蒿

清風左右至

風於萬里外飛動故人情如許殷勤至居然左右清  
吹湖成雲色入竹已秋聲珮玉丁丁起臺襟翼翼生  
玉川從此去列子御之行邂逅浮邱老相携上五城

四景一

八  
秋節

須溪先生四景詩集卷二

須溪先生四景詩集卷三

宋廬陵劉辰翁撰

秋景 題四十 詩四十四

乞巧文

能拙吾無比高靈昔有聞不知天下巧乞以世間文  
果列空庭露香浮入漢雲天孫何冉冉柳子蓋云云  
有說能要我無才可贈君絳衣持節後窮達竟何分

曬書

芸香天上宴不到野人居見說星期夕閑將腹曬書  
笑人操犢鼻容我辟蟬魚小勿欺椰子中從著石渠

四景

一宜秋節

從他便是懶乞汝巧相如此日何堪負餘暄獻納疏

牛女年年渡

牛女是誰傳靈橋不待船昔年曾此渡每渡似初年  
此夕須停織何人更服牽星期無了日河水尚依然  
歲晚長疏隔人聞早棄捐絲池人獨處搔首待君還

機絲虛夜月

不見機邊女當時獨月知坐令如此夜虛卻理殘絲  
纒得秋柔繭張成錦字詞弦光空到曉花影不侵帷  
尺寸知何用須臾即別離小窗思婦嬾不是恤周婆

秋空日淩淩

51 (77)

最是秋空惹秋田訴不磨夜占常悄悄日復覺淩淩  
何似春工惻無端地氣騰雙眉望極八翼愈難昇  
其雨今若此如雲亦未曾小心風不上涕泗日沾膺

吹笛月明中

馬融獨臥郿縣平陽郭中聞逆  
旅吹笛者悲而樂之作長笛賦

原注

何處吹長笛千年恨水終關山人去後秋夜月明中  
曠野參差入寒江滉漾通曲終郿縣島怨徹廣寒官  
海外陰晴異天涯慷慨同江南回首處歌罷水流東

清輝玉臂寒

待得清輝滿中秋兩地看丹心空自苦玉臂故應寒

四景

二

銀漢成冰水金波滿露盤西風羅袖薄落月杵聲殘  
身世誰知苦裳衣客最單關山同笛老垂淚憶長安

月滿秋夜長

塵世如天海團圓共月光一輪秋正滿百刻夜偏長  
端正惟之五空明更十方萃臺猶卓午梧井欲飛霜  
箭漏迷青海闌干轉上陽雪痕留得在何用促扶桑

月色醉遠客

明月有佳色客中迷遠遊自應眠不得更似醉時留  
玉屑涼堪吸金波香欲浮頓忘鄉國恨如在酒家樓  
鸞鏡驚相對霓裳卒未休天風扶我起不用典貂裘

43 B



自取天章繡深宮漏不聞弱添今日線閒認舊時紋  
明麗千枝錦蒙茸五色雲忽驚花樣少不爲女工勤  
纓結期千載晴慳暖一分隔窗誰似醉睡冷篆爐薰

梅開不自覺

度度看梅來猶疑早計哉相逢如有待不自覺全開  
每念苔枝雪猶頰玉鏡臺忽能同我笑知復爲誰催  
有語爲春誤何心待月來老夫乘興耳不作剡溪回

疏影

梅影明於畫空階掃不除自然清意別比似衆枝疏  
明艷寒空裏孤梢落葉餘溪橫殘雪久日映碧窗虛  
竹暗愁相並花寒瘦亦如臨流羞白髮惟爾獨華予

四景三

三

梅藥驚眼

又是梅新藥寒凋季子裘撫時驚歲晚滿眼使人愁  
江路春如許闌干淚不收別君從灞水舉目在揚州  
月已成孤影花應怪白頭數聲羌笛異忍見墜珠樓

官梅動詩興

官路行人老梅開客過時徘徊深動興放浪自吟詩  
水驛兼山驛南枝更北枝終然無一句何以寄相思  
歲月題梁在風霜牧笛知北人休繫馬餘恨寄他誰

聊寄一枝春

舊難致借意尊亦如薑耳後漢左慈字元放有神術於善公坐上以銅盤貯水釣得吳江鱸魚操曰恨無蜀中生薑慈曰亦易得也語頃即得薑還原注

閉門感秋風

世路故當窮興亡一轉蓬閉門羞俗子仰屋感秋風  
舊日施行馬如今掩候蟲琤然一葉下從此萬山空  
歲月玄蟬槁乾坤白雁通荒涼今又在吹笛月明中

秋高風怒號

萬里秋風下還驚掃地高不因茅屋怒全向樹梢號  
寥廓歸雲盡荒寒晚吹豪黑摧淝水陣白卷浙江濤  
過耳鳴鶻羽連山掣戴鰲空林無落葉拾得海鳧毛

四景三

四

夜雨更秋風

世事惟孤枕吾生尙轉蓬共誰堪夜雨何意更秋風  
已是霖鈴苦何當刻漏終又聞翻溟滓不是滴梧桐  
衰壑鳴蛩外寒燈落葉中忽明天似水萬里附冥鴻

秋風生桂枝

又勝春風處秋芳字宙清由來天路遠幾許桂枝生  
古道寒雲色空山落葉聲忽看金粟綴如在藥行  
香入銅盤飲根愁玉斧驚小山人倚袖延佇不勝情

疏雨滴梧桐

疏雨兼長夜巴山信未通寥寥深院落滴滴在梧桐



淚與簷相續聽如漏未終寒飄金井上愁入碧階空  
楚水孤蓬暝吳宮落葉紅霖鈴南內曉今古此聲中

風雨近重陽

白髮驚秋晚青雲認故鄉乾坤愁老眼風雨近重陽  
吹得沾衣濕寒添落帽狂未知明日是還憶去年將  
北闕風流遠東籬世故長無人知叔子登覽自憐傷

于今九月至

九月各堪愛西風歲歲深長因思往事忽已至于今  
不謂秋將晚幾如老見侵籬邊成獨往天際起輕陰  
此會知誰健明朝官重尋山高休更上別自有傷心

四

窗空雨聲晚

枕上聞秋雨愁聲萬古同孰知殘夜曉冷浸一窗空  
窈窕閑箏雁交疏結網蟲臥聽千葉雨不似五更風  
渭水人分內巴山客夢中山城清漏斷惟是滴梧桐

悠然見南山

異代羲皇上餘生晉宋間悠然無一事政爾見南山  
西曲風流遠東籬意思閑吹衣涼浩蕩矯首碧孱顏  
雙蝶來何晚白雲相與還是中秦博士相識少相關

寒城菊自花

菊滿荒城道餘生一笑難地非行樂舊花自向人寒

風雨何登覽江山共屈蟠無人簪帽去有蝶繞籬看  
此處尤堪賞明朝已是殘淵明生晉晚不及禊高蘭

十日菊

一年看九九十日見炎涼菊有霜前操人無節後香  
就令無宿酒也不似重陽一夜寒英老多情舊雨黃  
帽如前度錯蝶更幾時忙我不知何夕相收足晚涼

客愁連蟋蟀

梧桐驚客夢去住兩茫然曉覺鷄鳴未愁惟蟋蟀連  
江湖無漢地家世本秦川唧唧月共語涓涓人獨眠  
青燈寒四壁衰鬢織千年唐晉他人有荒涼故殿前

四

蛩響亂秋陰

蛩響何千百人情自不禁餘哀動隣壁最苦亂秋陰  
泣盡相思夢驚殘勸織心露深蟲語語月黑雁沈沈  
壞壁成年遠長門日夜深手摩銅雀雨和汝一長吟

鶴唳清露垂

一葉寒金井惟應獨鶴知空山今夕淚清露滿空垂  
華表歸來後琴心感慨時寥寥天不問湛湛夜何其  
富貴朝田蕤琅玕月地芝人間長似水搔首夢爲誰

門掩候蟲秋

四壁可誰語一年將次休村行落葉晚門掩候蟲秋



影有斜燈吐貧無過客偷虬號殘月冷蛩語故宮愁  
館驛隣機歎關山古戍留幽人推夢起江海有孤舟

又

候蟲鳴寂寂秋老獨何村怨語動行路居人臥掩門  
無誰倚朱戶隨意閉黃昏歲暮已如此蛩聲胡與言  
孤燈銷驛夢殘月落空垣白雁來天地何由見淚痕

天清木葉聞

宋彭城王修東府城得古塚名器祭而莖之號冥漠君原注

天意清如水何曾染世氛秋風何處起木葉竭來聞  
野有牛羊下高無鴻雁羣涼驚枝上墜聲向靜中分  
霜井婢娟淚冰溝冥漠君斷腸題柿濕一半是行雲

四景三

七

出逢危葉落

舉眼秋蕭索乾坤豈不容葉因危後落身是出時逢  
古木猶當道西風小倚筇崢嶸如解羽零亂復寒蛩  
薄似佳人命飄如去國蹤小山留我止香月自重重

又

四顧欲何之逢秋出自悲萬山青未了一葉落何危  
未肯哀窮巷還因立別歧有風驚稿木如鳥墜高枝  
梧柳同如此江湖事可知月明疏影出踏踏露巢欹  
遠客坐長夜

司馬相如客遊梁與諸侯遊梁居數載乃著子虛之賦蓋其未

過時也  
原注

身是秋風客遊梁更賦梁此時家在遠獨坐夜偏長  
歲月黑貂晚江湖白雁霜烏皮人兀兀蟾影海茫茫  
扣角餘三歎聞雞悄四荒爐烟秋伏枕誰念待班行

芙蓉紅岸濕

岸柳似衰容高花忽數重紅光蕩人意清露濕芙蓉  
穠麗秋深見攀翻木末逢便疑江濯錦不是濕遊龍  
寒倚驚裙濺雲歸悄夢蹤霜風多意思殘日掛高春

庭榴剖朱實

榴壓中庭墜冰盤薦玉壺西風吹轉綠嘉實剖來朱  
楠向欄干近安除海外無微醺揜絳袖一笑燦明珠

四景三

八

酸徹隣機齒涼生浴錦膚冷思當日艷血色盛羅襦

雁南歸

天濶雁何之沈雲字字稀明知從北至又說是南歸  
兵氣侵行急河聲背影微江湖霜信遠城郭主人非  
不惜驚弦得惟憂繫帛遺河梁人情別似爾不能飛

鷺子飛

滄洲開晚景莽蒼更依稀有鷺從中起于天盡處飛  
數絲風冉冉一片雪暉暉外路迷鄉國天風起我衣  
遠遊尋鶴侶近不爲魚肥西塞山邊雨漁簑獨自歸

又



鷺閑如可語飛去復何圖但見振兮振不知于此于  
難令公子濁似是列仙癯近逼孤雲小遙看點雪無  
滄洲何爾我白髮自江湖風雨魚歌外玄真近與俱

時菊委嚴霜

論菊何心傲生時失眾芳未須多晚節政似委嚴霜  
北地飛飛擊東籬冉冉黃眉冰和露下薄命有誰當  
客去重陽遠花寒一夜長朝來有佳色未放早梅香

江動月移石

石是龍眠處終無石可扛未應江動月自是月移江  
本似岷山雪今為嶺表瀧是誰驚免杵失却釣魚缸

留墨

九

投渚天為碎蹲礮影忽雙桂輪無側匿眼眼似窺窗

日出籬東水

雨以田為壑疏籬野水中憂天沈到底有日出其東  
或謂扶桑巧誰知夢峽空勿朝蓬海白滿眼菊花紅  
展響初來客墻暄到老翁洗光吾鏡曲一笑弄丸同

夕陽如有意

魯陽公與韓戰日暮援戈而搗之日反二舍原注

又自欲昏黃高高上夕陽殷勤如有意遲暮起相望  
牛背笛三弄桑榆錦一張向人添晚晚容我更疏狂  
過雨天如改穿花日尚長魯陽三舍遠人世未須忙

山園細路高

不是終南經山中取遁逃小園何所有細路未應高  
已恨鋤荒菊何堪彈種桃梯巖那可上鏡雪誤相遭  
石臥當途虎籐穿汲澗猿天機分瀑布應念甕畦勞

石曼卿謫海州山高峻人迹少通了無花卉使人  
襲桃核為彈擲於嶺上二三歲間花發滿山爛如  
錦繡漢陰丈人笑子貢為梓桔之說以為機心藏  
於胸中則純白不倫此云天機又始吾之分槩也  
天機不假人力爾之抱甕畦不亦勞子以梓桔  
對抱甕為可羞以天機對抱甕則抱甕為勞而可  
歎矣原注

四景三

十一宜秋籟

須溪先生四景詩集卷三



須溪先生四景詩集卷四

宋廬陵劉辰翁撰

冬景 題十六 詩十六

冬日可愛

此日荷天公宜須挾纊重一寒偏更老可愛莫如冬  
不恨乘駒隙猶愁閉燭龍身如花正午春人眼偏濃  
有喜融霜鬢何堪借酒容至尊何處在流涕獻無從

賈暄

雖霜晴可愛容我俯前軒縱是圍燕玉何如負趙暄  
自憐給背癢敢負太陽恩已覺曲身直猶勝挾纊温

四景

一宜 秋 館

衰年知潦倒造物足温存尙有葵心在何因獻至尊

地爐煨榾柮

片地爲爐古長鑿斫雪來蒲團容膝坐榾柮向人煨  
鑿破崑山璞方如煖閣開一根深雨露四壁漲烟煤  
光怪浮螭吻雲星撥芋魁朱門香獸擁何意早成灰

舟雪灑寒燈

舟雪那知重驚沙洒未乾暮雲千里合遠客一燈寒  
飛絮漫空起推蓬倚醉看風缸青閃閃水驪白漫漫  
隔岸如漁火無人共釣灘閉門安道夢月黑汴歸難

爐存火似紅

向火火無功爐中本不空尤存尤自冷似有似無紅  
圍共香團獸燒餘焰吐虹寒威侵鑠處光氣吐吞中  
尙覺身成曲惟應笑是烘箇中明點雪萬里不曾融

孤舟蓑笠翁

泛泛水晶宮孤舟凜欲東短蓑并箬笠舉世一漁翁  
大雪三千界輕舸尺八空無衣寒獨速皓首敗天公  
乘雁雙鳧外斜風細雨中羊裘差好事齊固不相同

獨釣寒江雪

一雪寒如此何人立釣砭不知身入畫獨自影臨江  
未必魚吞粒惟應鷺作雙風吹沙皓皓天濶水淙淙

四景

二

歸去村邊路看來纜失椿夜深誰訪舊推月倚蓬窗

深山催短景

曝背無餘地冬晴直萬金是誰催短景政爾礙山深  
鳥道空中小猿啼底處尋清霜經曉濕紅日半天沈  
隱士三竿夢宮人一線心百年渾似此何處惜光陰

至後日初長

至後晴堪定陽來靄未央是雖年已晚最喜日初長  
自報黃鐘動誰將弱線量荒寒無刻漏宿昔已昏黃  
天上開南陸人間入壽鄉魯陽驚昨夢辛苦繫扶桑

繡紋添弱線

又

遠客坐長夜纏綿月色留明知不是醉爲爾更無愁  
玉雪三千界金波十二樓謫仙迷采石小杜在揚州  
雁背如流水蛾眉也白頭一聲長嘯起滿眼故山秋

卿月升仙掌

卿在郎星上瑤臺第一層已如金掌迥又得月華升  
近與公相似清如貴未曾銅仙千尺表玉指一輪冰  
天下名公子秋風老茂陵衰蘭千里道垂淚記觚稜

把釣待秋風

長夏如年日蕭然把釣終欲知臨水意政自待秋風  
豈是羊裘者相從漁社中何心思覓鱸極目望來鴻  
天下無知己溪邊自老翁六鰲閑入手不是學任公

秋風白雲飛

風起秋塵外山空海又圍疏疏黃葉外渺渺白雲飛  
掃地驅殘暑林烟帶落暉空明仙仗過天矯玉龍歸  
中野悲遊子蒼梧迎帝妃回首汾水上不覺淚沾衣

秋風思鱸蓴

秋風已如此游子復何爲蕉鹿空形役蓴鱸繞夢思  
涼天新雁過旅思白鷗知雪色松江鱸銀光笠澤絲  
人生歸去好鄉味寄來遲尙覺薑難致令人憶左慈

故知花可惜聊以贈相思與子別多日先春有一枝  
荒涼逢雁過辛苦折瓊貽北客遙簪雪東風早驛詩  
吾衰如雪白到日是年時若待青青子尋芳計已遲

漢節梅花外

十九年辭漢花如舊日開自持天外節誰寄隴頭梅  
死恨節旄盡生知仗信來春風橫浦驛夜雪滿鄉臺  
挿鬢人空老沈雲雁未回因香入月下照拂雲堆

四景四

四宜秋節

須溪先生四景詩集卷四

南昌魏

珪餘秋校



須溪先生四景詩 依 文津閣庫本補

東桂堂賦

劉君端伯扁其教子讀書之堂曰東桂客有過而問曰東烏捐則應之曰胚暉發於仁氣之深厚事業方乎青春之磨礪物所從始總名曰東豈以出乎震者然後顯發生之鴻蒙然桂烏在堂卽桂之宮入卽桂之叢善根培植莖葉青葱茅荈萬實皆一氣之充散問秀氣之所鍾曰吾之桂不待移栽於八盤之絕頂亦豈遠躡乎五嶺之遐蹤其蔚然於清虛之府者乃密蔭之所同及其一日而來天闕者乃清芬之所從

四景補

十一 宜秋館

詠遊其間啟明發聰暮而屬思膽靈肝通而運筆活兔生風其花也豈有不攜而麗其香也豈有不薰而濃者乎言未旣明輝澄澈乎冰壺之內清影流入乎霞杯之中主人於是指示客曰人以爲山河大地者非也婆娑娑其出也必由析木駕蒼龍浴蒼海之清澗沐暘谷之和融故其延光舒彩薌滿璇穹都生得其一而爲瑞世之詞藻寶氏得其五而爲毓秀之陰功茲乎萃東堂之四而斯所以爲機會之逢是則名之所定也客乃整襟肅容而謝曰君將以主乎性者爲東而以根諸心者爲桂且將梯丹霄乘素魄

以激其芳於二十八宿之心胸君之志誠大矣膏之沃者其光眩根之溉者其齒穠君誠益脩乎人事茲乃大契乎天工然則斯堂也薰兩間之仁氣會合璧之光華夫旣以蜚騰英茂於爾嗣而且流芳垂耀於無窮也猗歟盛哉

四景補

十二 宜秋館

須溪先生四景詩集校記 依 文津閣庫本校

卷一

一葉十八行携原本作隨 二葉三行成作城又作  
路 四葉一行返原作透 五葉十九行城作深  
又廿行無公字 六葉六行弛作施 九葉十五行  
人物萬方來作率土詠康哉 十葉十六行碧原作  
珠 十一葉六行題作細水曲通池 十二葉十三  
行天原作暮庫本同今改天

卷二

二葉六行徙作密 四葉十六行可作何 七葉九  
行題作扇枕涼生字

卷三

一葉七行邀作要 二葉十九行藥宮作金波 三  
葉十六行親冷作遊子 六葉六行晚足作足晚  
七葉六行夢作舍

卷四

二葉六行天公下有小注云寒獨速衰也敗天公笠  
也  
原本闕字甚多均依 庫本增補

跋

此本乃遙錄蔣孟萍君所藏舊鈔微惜中多脫字壬  
戌秋就 文津閣本校補完善須溪先生在宋末文  
章道德為一時之冠此詩殆作於侂際無聊之日雖  
近應制體格然運用典實發揮題蘊有尺幅千里之  
勢其間滄桑之感故國之思每流露於字裏行間良  
足慨也須溪集詩文八卷詩七卷胡漱唐副憲刊入  
豫章叢書詞一卷朱古微侍郎刊入彊村叢書皆近  
年刊本也此詩刊成須溪著作復顯於世矣壬戌九  
月重陽前一日之鼎識於滬上廝廬

四景跋

宜 秋 錄





國子監志

表 勵 準





甲春康宗校  
子永胡榭鋟

學詩初集

續金華叢書

金華王同祖與之撰

絕句

京城元夕以下係兩申作

鼓吹喧喧月色新天街燈火夜通晨玉皇不賜傳柑宴散與千門萬

戶春

湖上

長安三月又三日繡轂絨鞍富貴家笙鼓喧天蘭棹穩賣花聲裏夕

陽斜

偶出城來日未西百花叢底草萋萋遊人過盡歸來晚行遍蘇公十

呈堤

送客

千金難買是心知誰道相親又語違楊柳若知行客恨不教飛絮撲

春衣

學詩初集

太乙官卽事

金殿重重畫不開盤窠蒼柏兩行栽角門東畔瞻宸几仙仗曾迎翠

輦來

綠陰密處著危亭佳氣葱葱王武林一片紅塵飛不入杜鵑啼處白

雲深山後有亭乃武林山

夜步內門

靜夜孤燈人未眠等閒行過內門前一聲唱徹連珠喏皇城夜開碧

月朱欄綠柳邊

時事感懷

壯心如鐵氣填膺萬里中原尙虜塵一枕西風兩行淚封疆誰是死

殺人

羽書昨夜下長安胡騎駭駭犯蜀關愁殺閩中年少婦朝朝空望成

夫還

襄州喋血荆州亂千里金湯孤苑憑未定樊城關羽死漢民何日見

中興

蜀又交侵淮又危江湖風浪湧黃池時江右有寇警連朝雲氣濃於墨想是

英雄血戰時

晚秋

世變無窮客恨長欄干遍倚怕斜陽滿籬黃菊無心看付與游蜂自

在忙

明堂觀禮雜咏十三首

尙書省觀禮誓

中辛既吉建齋壇宰相前期誓百官尊祖敬宗天子孝儀文莫作等

閒看

端門觀習肆赦儀

百官常服拱端門丹鳳銜書下九闈宰相近前宣授了齊班舞蹈謝

君恩

兩邊黃幕護朱簷中黃當頭候捲簾扶起金雞爭搶取要教天表庶

學詩初集

民瞻

車駕宿太廟

金甲重矛兩內臣塔前對立氣英英巡更場內知誰問聽得傳呼宰

相名

車駕回太廟

瑞靄祥雲傍曉開九重法駕太宮迴一聲靜蹕千官肅衛士傳呼御

座來

天街夜步

風不停雲月更清千門繡幕笑歌聲御營巡檢無拘去走馬天街夜

達明

內前

青帷朱簾柳陰旁玉磬金鐘列兩行葦路旋添泥細細雞竿揭處

雲黃

和寧門觀駕



星斗中天夜向晨寸雲不點月華明六飛過盡燈如畫宮漏遲遲報五更

肆赦

九重夙夜畏天威何事晴明一夕非不放明堂大朝賀盡拋坊樂獨行歸朝賀及迎樂

觀景靈宮恭謝

聖皇宗祀懷多福恭謝回來看帶花祝教笙鏞齊合奏舉頭更見日光華時積陰初霽

膳羞進徹靜無譁宰執齋宮坐賜茶不比常朝添覆奏常朝除日覆奏而後出朝

回龍橋望駕

回龍橋上望龍顏毅采英英仰視難須信吾皇自神武何憂中國不尊安

兩行衛士錦宮袍萬歲聲長徹九臯過盡羽旄風細彩雲不動御

學詩初集

爐高

晚秋登樓

獨上危樓望落暉昏鴉歸處遠煙微湖光恍得秋容淨爭奈江南鴈又飛

讀罷黃庭倦倚樓亂雲挾雨過湖頭年來無復登臨思閒撚黃花送

暮秋

觀雨

蕭蕭疎雨逐斜風三兩歸鴉暮靄中看到菊花無可看一年秋事又成空

送劉方石歸盱江

歲云暮矣始成行珍重劉公半月程四海干戈風物改亂離時節別離輕

昨日新聞未忍聽憂時贏得鬢毛星歸休高臥西江上祇恐川原草木腥

與月舟周君話別

明日須知子遂行一燈對話過三更離魂已逐歌聲斷清夢空隨夜雨生

鴨爐燼冷夜窗寒著盡冬衣尚怯單忽憶故人千里別雁齋芳恨度扶欄

霜風

一夜霜風動地寒塞垣火未報平安嫦娥亦帶傷心色為照征人尚抱鞍

夜坐

獨對寒燈客夢孤數聲征雁下平蕪古今多少難言事笑指梅花解語無

坐到中宵未忍眠祇今身世兩茫然悲歡轉眼俱陳迹休對寒燈說舊年

寒夜

市地陰風黯淡天怯寒時候只宜眠麪裘羔酒非吾事自碾新茶和雪煎

風收雲捲月當天獨立中庭思悄然市井不知邊塞事鳴鳴鼓吹樂新年

寄詩人

憶君夜夜看燈花暗數歸期未到家兒女團圓樂生計足還知邊塞走胡沙

胡沙

恰回午枕自華胥忽得周郎一紙書江上春風能幾日莫教門外柳蕭疎

觀錫宴宣勸

中使傳宣內裏來輔臣拜飲九霞杯君王萬歲三邊靜壽域先從塞北開

湖上早行

錢塘門外買湖船霧氣衝雲水接天只有蘇隄金線柳半籠早日半

龍煙

陰夕

恰則晴明天又陰霜風如劍一毛侵淮城夜雪深多少不見擒吳奏捷音

歲晚卽事

矻矻窮年漫逐名不知七日換新正困人天氣濃於酒賴有梅花喚眼醒

元旦以下係丁酉作

一夜東風換斗杓千門曉雪色初消君王已奏平淮雅猶是謙冲免會朝時以邊事免大朝會

雲集衣冠拜紫宸榻前除日報來眞君恩先到宮門柳占得人間第一春

觀宰相早朝

五更三點內門開御路傳呼宰相來天子未明思政理退朝常是過

學詩初藁

五

辰牌用唐人進退格

春社

廉纖霧雨四山昏寂寂茅簷半掩門客裏不知今日社偶過野廟見分膾

雨意

春愁如織雨如麻倦倚吟窗拾落花坐不忍眠心似醉悠悠身世在天涯

曉曉重陰晝不分歸鴉林裏認黃昏人閒春信知多少但覺輕寒入夢魂

夢魂

內前

兩桁垂楊護九重翠眉羞畫舊清官柔條似怕君恩重低拂朱欄舞曉風

麗正門開曉色鮮萬絲綠柳御溝邊禁中恐有題紅怨不放涓流出內前

小立

小立危樓望眼遠晚煙淡處見湖橋梅花落盡寒猶力留得東風候柳條

湖上

湖頭春水干丈碧湖隄柳不盈尺唱歌女兒棹船回驚起沙鷗對對立

廟山道中

蕭蕭疎雨點孤篷舟子招呼語順風小麥青青春卻半一犁江上看田翁

春日雜興

迢迢清夜靜無譁月色千門噪亂鴉與山月明則鴉噪坐久忽驚寒力重不知殘雪在梅花

棠枝粉牆紅杏半離披春滿人閒花自知幽鳥不言如有思等閒飛上海

棠枝

學詩初藁

六

輕寒漠漠雨霏霏春院人閒半掩扉風力不知多幾許出門只見杏花飛

斜陽百花時節燕鶯忙盡日如年懶課香午枕夢回人情悄一聲啼鳥傍

清明過了柳花飛簾外萋萋草正肥喚起惜春情緒處空山殘月杜鵑啼

嚴陵舟中

萬水千山霽色新臨風一葦捷於神羊裘灘下休停棹聞說狂奴解笑人

嚴陵舟中

牧牛童子坐田頭摘草簪花雨兩謳路遠青山山遠澗殘蟬夕照滯於秋

火雲散盡晚風涼曲澗流空草自長蠶箔成絲秧貼水數聲布穀爲誰忙

誰忙

誰忙

誰忙

誰忙



午憲

破午幽禽驚客夢隔窗疎雨喚離愁浮雲得喪知何益早悟莊周蝶  
夢休

獨行

終日長廊獨自行幻身未信一絲輕自家心緒忡忡急枉恨鄰牆搗  
練聲

初秋

晚趁涼颺上小樓忽看梧葉始驚秋悲懷無奈狂風雨數盡歸鴉懶  
轉頭

晚登層樓

以下四首在金陵鎖試作  
西風吹我上層樓千載興亡逝水流數點鴉歸江浦晚一聲鴈過塞  
垣秋

天津橋

橋在行宮前昔人謂山如俗邑水如瀝因而以名之  
行闕千重鎖墓煙山如洛邑水如瀝黃塵障斷中原路忍立橋頭聽  
學詩初集

杜鵑

晚出昇州門  
晚驅羸馬出東城遺盡三岡路卻平村店夜深人語靜隔橋風遞暗  
潮聲

京口

晚風來候過淮舟閉上南徐多景樓落日寒城伴荒草江南人指是  
瓜洲

道間晚景

斷橋流水涵虛碧遠岸空山鎖晚靑勒馬爲看溪畔景森森古木暗  
長汀

題鄭雲谷梅憲

恩恩歲月爲誰忙靜倚梅窻到夕陽老菊不知秋已去晚風時送短  
籬香

籬香

愛梅來訪小春花閒臥雲房避俗諱喚醒昏昏塵世夢旋移石鼎煮

新茶

歲晚雜興  
撥盡寒灰恨轉添不知片雪點疎簾梅花帳冷爐煙歇架上黃庭信  
手拈

時勢危

時勢危基局轉低丈夫有志竟何爲優游輸與田家樂問著朝廷事  
不知

雨雪

雨雪霏霏歲又除鯉庭目斷數行書銷金帳下羊羔酒便學麀人也  
不如

五更

夏日金陵制幕卽事以下係成或以後詩  
五更三點造轅門了卻文書日又昏出入戴星吾豈憚要須一飯不  
忘恩

早來

早來留得氣清明吏捧軍書課日程乘燭攬先書押了聞敲涼枕數  
殘更

荷花池

荷花池畔竹涼林一枕閒消夏日長燦過水沈天正午旋移小艇采  
蓮房

幕府

幕府人才不在多同寅難得是恭和一堂賓主春風裏剩有工夫到  
切磋

入夏

入夏邊烽漸報安不妨拄笏共觀山西風易把江濤湧整暇規模肯  
放閒

郡圃

郡圃觀白蓮  
翠蓋亭亭映玉堂臨風綽約暗飄香六郎正被繁華困不愛濃妝愛  
淡妝

嬌羞

嬌羞處子臨妝後淡淨佳人出浴時無語倚欄如有恨生嫌別岸污  
胭脂

掩盡

掩盡嬌春斂恨濃蓮苞欲實又成空都緣不肯爲雲雨閒落非關一  
夜風

采菱

采菱人散夕陽收冷落西溪風露頭飛入白鷗花一色暗香來處月  
如鉤

泰華根株本一同何分白白與紅紅半池只怕霜風倒輸與蒼顏百丈松

秋日金陵制幕書事

幕府秋來事更多夜深猶自擬諸窠制闈諸案大則曰房小則曰窠蓋倣朝廷之制平安號

火新來急虜騎連宵已渡河  
點盡官軍點到民三千新遣殿司兵流移更講關防策預結強丁戍

列營流民強壯預為未然慮  
哨馬紛紛一水胡渡頭分戍要防姦可憐生計漁舟者官給旗牌禁

往還諸渡遠官戍之以為禁姦之防至於  
元帥謙謙盡下情麟臺垂晚更延賓遇風盡是同舟容肯把秦人視

越人  
明朝王帳過江邊騎卒行營一日先出得公庭天向夜通宵人散起家錢元帥江行騎卒遺幕中

秋閨

西風昨夜到庭梧曉看窻前一葉無秋月照人眠不得等閒拈弄繡工夫

滿目淒涼只自知閒將心事寄琴徽無情梁上雙雙燕帶取秋光一半歸

入秋情思可曾伏深鎖朱扉怯捲簾書几無人塵不掃一鈎蛛網挂

牙籤  
江南賈客去忘歸撲面邊塵自在飛想得那邊寒較早夜來密地翦

征衣  
零露灑懷夜氣浮嫩寒差力五更頭鄰雞啼破交加夢冷浸梧桐月

冬日金陵制幕書事

督制堂堂兩重臣駐師移府夾江濱資糧屢多多辦更有舟車乞  
與鄰時督制兩閣移屯江岸應接淮城東關亦  
官軍間說定廬州破虜功成一滴油智勇功名付元凱王三

錫命到虜侯此詩為合肥作以重兵二十萬圍城者四十餘日制

城中守將方投死陣面將軍已賣降版築紛紛成底事那知靠後是

長江此詩為徐州作圍餘城幾兩月守臣陳廣極力挫之已有

薄晚官軍得勝歸家家戶戶挂旌旗陣前紀律明於日師入城來半

三五同僚出幕遲公餘終日意怡怡歸來又被梅花惱撥兀銅彝插

敢錄姑錄此百篇為初稟非錄詩也錄其事也詩因事而作

事因詩而著不然少作何敢傳哉同祖自髻鬣侍家君宦遊

弱冠入金陵幕府目所觸意所感寓於詩詩不足錄事不可

同祖書於建安郡齋

者也欲速成者也同祖慕聖門學詩之訓將以求益而非敢

蹈欲速之戒遂以學詩名其篇嘉熙庚子月正元日金華王

學詩初稟終

永康胡宗楸据南宋羣賢小集本校錄

學詩初稟終

永康胡宗楸据南宋羣賢小集本校錄



按邑志同祖字與之號花洲宋淳祐中官建康府通判改添差沿江  
制置使機宜文字此集絕句百首皆其少時隨宦金陵所作至作詩  
本旨與標題微義具見與之自跋茲不贅季樵胡宗楙

學詩初集跋

送

西麓繼周集  
西麓訛稿  
日湖漁唱



四明張氏約園開雕

序

陳允平字衡仲一字君衡號西麓祖居仁卽安行先生也諡文懿嘗受知於魏文節公杞生子六輩革彙芾卓阜西麓卓之子也善詩詞與吳夢窗翁處靜齋名生當宋季舉上舍不遇其宦跡所至若餘姚若嚴州其放浪山水閒者以寄居錢塘之日為多德祐時授沿海制置參議祥興元年約蘇劉義謀復宋聯署者自高衡孫以下三十餘人讎者舉發僅以身免自此杜門不出扁其所居山中樓曰萬疊雲元以人才徵至北都不受官放

西麓詩稿 序

一四明叢書 約園刊本

還有西麓詩稿一卷黃俞邵兩宋羣賢小集刊之日湖漁唱一卷補遺續補遺一卷詞學叢書刊之朱古微更依吳伯宛校錄何夢華舊鈔並据江都秦氏本與西麓繼周集一卷同刊入彊村叢書且作校記西麓詩詞傳於世者如此而已鄞志所謂蜩鳴稿者未見也夫以少師之老孫子見全謝山詠西麓詩世綸堂中之阿咸清敏卓世綸堂在梅江見袁陶軒鄞北雜詩家學淵源其來有自故君故國懸胸懷讀其詩詞既悲其遇一唱三歎其志寓之獨惜李杲堂錄甬上耆舊詩於三十卷中未見其選袁陶軒編四明詩

萃及樂府始錄之余得四明詩萃三十卷明以後未見董文覺軒編甬上宋元詩略重錄之吾鄉有西麓其人亦宋之忠義士也張炎拜其墓嘗弔以詞矣余彙而刻其詩詞蓋亦崇其志豈徒重其才哉民國二十七年十月後學張壽鏞

西麓詩稿 序

二四明叢書 約園刊本



鄞縣志本傳

陳允平字衡仲西麓詩案一字君衡號西麓居仁孫宋元學案

四明詩案誤父阜承奉郎樓鑰撰居仁行狀○案錢志

據行狀居仁子六輩革畢蔣傳皆言允平卓弟子也今

帶卓卓則允平當係阜子宋詩淳祐

三年為餘姚令紹興府志罷去詩案○案西麓集中有己酉

去職又案西麓集嚴陵郡舍詩有鼓聲漁市秋畱鶴江詩是淳祐九年已

近旗影訟庭閒之句是允平又嘗官嚴州宋詩放浪山水

存文及翁慈湖書院記德祐時授沿海制置參議官祥興元年學案

允平因素與王姓有讎遂上變言允平為書約都統蘇

劉義案原作蘇都統以九月乘颿下慶元當出兵迎

自高衡孫以下三十餘人皆聯署時張洪範督師南征

命招討使王世強圍捕同官袁洪解之得釋袁梅撰先

自此杜門不出蔣傳扁樓曰萬疊雲山中白雲詞注後以人才徵

至北都不受官放還允平善詩詞與吳文英翁元龍齊

名四明詩案卒後張炎拜其墓弔以詞有歎貞元朝士無多

之句本山中白雲詞

西麓詩案 一四明叢書 約園刊本

西麓詩彙

宋鄞 陳允平衡仲撰

秦鸞曲

盈盈白玉鈿 裊裊黃金縷 拍拍水晶奩 皎皎珊瑚樹 簾前雙燕飛 門外桃花雨 無處說相思 羞對秦鸞舞

登吳山

登高一展眺 宮樹鬱嵯峨 樓閣春風滿 東南王氣多 青天行日月 大地布山河 柳色沙堤路 時聞響玉珂

明皇按樂圖

西麓詩彙

一四明叢書 約園刊本

日日霓裳宴 綵樓三千歌 粉侍宸旒月 明宮殿 雙龍伏 雲擁簫韶九 鳳游翠袖半 籠金約臂 寶釵斜墜 玉搔頭 不知舞到弓彎處 一拍春風一拍愁

鄂王墓

鄂王墓在棲霞嶺 一片忠魂萬古存 鏡裏丹心懸日月 劍邊英氣塞乾坤 蒼苔雨暗龍蛇壁 老樹煙凝虎豹旛 獨倚東風揮客淚 不堪回首望中原

賀伯父大資休致

不戀清時白玉璫 便將身世寄滄浪 三朝元老黃樞閣

四海閑人綠野堂 楚楚菁蘭秋帶雨 蕭蕭寒菊晚宜霜 擬成東甬耆英社 賸樂壺天日月長

送中上人遊天台

師作天台去 長亭復短亭 焚香參祖塔 振錫動山靈 石罅移菖歎 松根刷茯苓 何時白雲下 相與話青冥

寄王尊師

綵雲繚繞七香車 洞裏神仙鍊紫霞 華表鶴歸春寂寂 東風吹盡碧桃花

過田家

西麓詩彙

一四明叢書 約園刊本

村南啼布穀 村北響縑車 隔浦賣魚市 傍橋沽酒家 野花朝日煖 溪柳背風斜 又過東鄰去 東鄰采菊芽

秋暮登太白

飄飄短褐袍 倚杖立金鰲 橋東溪流急 樹增山勢高 白雲連海嶠 黃葉滿亭臯 落月西風惡 塵埃兩鬢毛

雪

樓臺萬瓦玉鱗鱗 遮盡人間富與貧 可笑世情剛道冷 不知片片是陽春

觀弈象碁



陣勢頻分合機鋒互應酬馬飛關塞月礮落寒天秋不  
問知心友翻成敵面仇誰能勞勝負獨立大江流

香奩體

小院薰風滿閨庭白晝長蜻蜓楊柳岸鷓鴣菱荷塘雲  
合朱簷卸山高翠閣涼蔓滋青薜荔芽長紫良薑簾幙  
深深地闌干曲曲廊淡煙瑤草細流水碧桃香幡影重  
門靜苔痕小篆荒螭盤丹鼎雪龍吸露臺琴古翻新  
調笙沈艷舊簧雨聲犀角枕月色象牙牀掌上雙鸚鵡  
屏間兩鳳凰石函藏寶劍金鑰啟瑤箱扇雉團清影奩  
鴛試曉妝霞綃衣窄索雲錦佩玳瑁鬢梳金蟬轟欒橫  
玉燕翔袂飄天水碧裙濺鬱金黃太液簫初遠蓬壺漏  
未央流星飛碧落零雨下銀潢去去人千里迢迢天一  
方斷腸春洛浦殘夢夜瀟湘

侍謝立齋小酌湖樓

風捲珠簾客珮清杜鵑啼老送春聲水浮亭館花間出  
船載笙歌柳外行千里夕陽歸夢遠六橋飛絮馬蹄輕  
欄干倚遍莫天闊煙樹一鉤新月生

題李丹壺壁

西麓詩集

三四明叢書  
約園刊本

閑乘海上槎來訪謫僊家風逆磬聲短日低幡影斜猿  
攀高樹果蜂採半巖花誰在丹臺上三更鍊紫霞

謁烏龍廟

斷碑猶紀唐時事山氣陰沈暗綠苔松木已逾千歲壽  
香煙知化幾盞次廊深無月鬼神過殿古有雲風雨來  
曲曲九溪春水綠子陵灘下復東回

卽事

重重簾幙燕翩翩塵鎖朱樓十四絃榆火漸催寒食節  
海棠花畔縛秋千

西麓詩集

四四明叢書  
約園刊本

春詞

楊柳春風三月三畫橋芳草碧纖纖一雙燕子歸來後  
十二紅樓捲繡簾

江南謠

柳絮飛時話別離梅花開後待郎歸梅花開後無消息  
更待明年柳絮飛

歎鏡詞

憶妾初嫁時金屋藏窈窕忽見洛陽人驚鏡長安道明  
月掌上寒團團復皎皎千金買得歸借之如重寶奩開



雙鳳飛帶結青鸞  
當時照妾顏  
妾顏正年少  
如今照妾顏  
妾顏羞已老  
對鏡頻歎嗟  
掩鏡徒懊惱  
不恨妾嫁遲  
惟恨妾生早  
此恨空懸懸  
天涯滿芳草  
君不見長江逝水無逆流  
歲去年來多白頭

登招寶山

宇宙初開闢  
何神立此山  
中流天柱石  
大地海門關  
浪惡蛟龍怒  
雲深虎豹閑  
潮期與日月  
千古一循環

秋夜遊東墅

雲壓高空雁陣低  
江城歷歷草離離  
樓臺秋淡玉簫遠

西麓詩囊

五四明叢書  
約園刊本

簾幙夜寒銅漏遲  
明月鷺鷥菱葉浦  
西風蟋蟀豆花籬  
一樽酒盡銀河落  
猶有殘鐘出古祠

春遊曲

長安二月東風裏  
千紅陌上香塵起  
都人嗔呼去踏青  
馬如游龍車如水  
兩兩三三爭買花  
青樓酒旗三百家  
長安酒貴人未醉  
岸頭芳草日半斜  
誰家女子嬌似玉  
約莫青春十五六  
鬱金羅帶蘇合香  
琵琶自度相思曲  
相思曲聲斷續  
斷續回文不堪讀  
回文斷續有續時  
離腸寸斷無續期

春閨怨

妾家住在湘江曲  
門枕湘江春水綠  
年年長是暮春時  
兩岸垂楊啼布穀  
自君話別湘江頭  
獨上層樓彈箜篌  
蛾眉不掃遠山碧  
滿堤芳草春正愁  
舉頭不見君但見  
湘江雲江雲散復聚  
妾心空如熏舉頭  
不見君但見湘江  
江水江水去復回  
妾顏爲誰美  
湘江雲湘江水雲  
悠悠何日已  
舉頭望君君未歸  
門前楊柳空依依

野人家

遠江生杜若  
滿地長辛夷  
剪草塗新壁  
寒藤縛舊籬  
瓦

西麓詩囊

六四明叢書  
約園刊本

瓶春貯酒土竈夜  
蒸藜獨步歸來晚  
東臯雨一犁

遊陽明洞天

萬木陰沈鎖石門  
煙霞深處近崑崙  
洞簫聲接玉臺磬  
寶蓋影搖金殿幡  
湘浦有龍雲氣溼  
越山無鶴露華昏  
靈芝採盡歸何處  
溪上白蘋花正繁

哭樓梅麓

白玉樓成去作文  
祇從西棘掛朝冠  
生來病苦相如渴  
沒後人知范叔寒  
野店春閑沽酒榼  
溪堂月冷釣魚竿  
梅花麓上誰彈淚  
歲歲東風吹不乾



宮詞

三十六宮春漏長  
隔簾時送御樓香  
倚籠盡日教鸚鵡  
爲我君前說斷腸

無題

閑拈紅葉欲題詩  
待得詩成又懶題  
心事不隨流水去  
月明人在赤橋西

題胡与山陰屋

蘇公堤上路日日  
課新陰流水行花影  
斜陽臥柳陰斷  
橋春聽樂矮屋夜鳴琴  
皎皎山閒月如君一片心

西麓詩囊

七四明叢書

約園刊本

有所思

憶昔美人初別時  
長亭兩岸柳依依  
今日美人天之涯  
美人美人胡不歸  
憶昔君別妾分破青鸞鏡  
破鏡如破心與妾表相憶  
相憶圖久深憶昔妾別君  
剪斷金鳳釵斷釵如斷腸  
贈君表相思相思圖久長  
一日一日復一日青鏡鸞  
孤釵鳳隻未必君相思  
能如妾相憶寒衣剪就欲寄君  
長安門外無行人雁聲半夜西風惡  
牕前一片梧桐落

觀猿

挂石攀雲日半斜  
亂山深處飽煙霞  
香林月滿僧歸去  
啼落春風幾樹花

失鶴

頂上新成九轉丹  
銜花日日到詩壇  
夜深飛上雲霄去  
華表月明風露寒

宿大慈山悟真觀

終南道士學彈琴  
門外松蘿鎖翠陰  
瀕海八龍朝出洞  
隔山羣鹿夜歸林  
琪花過雨金風澹  
玉樹籠煙璧月沈  
三十六壇鐘鼓寂  
雲璈聲接步虛音

西麓詩囊

八四明叢書

約園刊本

寄翁賓暘

歷歷長涂謁魯侯  
征塵寧復戀貂裘  
江城露冷霜初滑  
海谷冰消水欲流  
夜月觀書徐穉楊  
春風聽樂仲宣樓  
料君頻作西湖夢  
曾憶孤山有舊遊

下第懷樓壽朋

百尺丹梯擬共登  
共登天上最高層  
南山有霧空藏豹  
北海無雲可化鵬  
勳業十年塵裏鏡  
詩書萬卷雨前燈  
桃花開盡不歸去  
又逐春風過武陵

別何橘潭

駐馬赤欄橋餘寒若柳條舟車富陽路風雨浙江潮惜  
別津亭暮思歸故國遙臨行莫惆悵回日定花朝

有感

輭紅塵裏度韶華楊柳橋邊舊酒家燕子不歸春漸老  
東風開盡折桐花

暮春

柳外宮鶯囀曉寒萬花開盡正春殘沈香亭北欄干曲  
獨抱琵琶看牡丹

終日

西麓詩藁

九四明叢書  
約園刊本

終日懷人凭曲闌餘陰未放客衣單祇綠二月風光淡  
別作一般天氣看梅粉有香銷夜雨柳絲無力受春寒  
閒情漠漠難拘管自逐輕鷗下急灘

過釣臺作

雙臺屹屹幾春秋千古高風一釣鉤越嶺有雲山北障  
桐江無浪水東流雪深黃葉埋寒虎煙煖青莎臥白鷗  
漢業已隨宮樹老月明長到客星樓

春閨

寂寞梨花院落閒遠山愁入兩眉鸞黃金絡索珊瑚墜

獨立春風教白鷗

倚樓

金虬熏盡鷓鴣斑獨上層樓倚畫欄滿院梨花香寂寞  
隔簾風雨正春寒

嚴陵郡舍

花飛石上斑水落白雲灣簾卷千重樹窗開四面山鼓  
聲漁市近旗影訟庭閑滿目皆吟思殘陽縹緲間

西興

西興潮半落漁浦日初昏嶽面雲收腳沙頭浪積痕樓

西麓詩藁

十一四明叢書  
約園刊本

鐘鳴野寺船鼓入江村回首長安路歸心幾斷魂

曹娥廟

漢碣嵯峨幾百秋曲墳遺廟越山頭潮聲侵帳鳳屏冷  
雲氣遶臺鸞鏡愁孝節稜稜雙檜立哀魂渺渺一江流  
椒觴載奠靈風起知我懷親送遠舟

梁湖道上

東風酒旆斜浦口第三家谷鳥鳴春樹江鷗起暮沙故  
鄉山漸近曲岸柳初芽客路歸心切孤帆帶落霞

閨情



閒拈花片貼紗窗繡幙斜飛燕子雙細數歸期相次近  
倚樓日日望春江

梅梁堰

廟近雲濤觀山遙翠欲重祇應溪上木便是洞中龍堰  
折潮歸海樓迎浪答鐘斷碑荒蘚合終古載靈蹤

虎丘卽事

西風劍珮輕獨立妙高亭山吐巖頭月江涵水面星石  
奔蒼虎勢樹結老龍形何處吹簫客扁舟過洞庭

青龍渡頭

天闊雁飛飛松江鱸正肥柳風欺客帽松露溼僧衣塔  
影隨潮沒鐘聲隔岸微不堪回首處何日可東歸

仲冬南樓野望

繡幙香温生暮寒淡煙漠漠水漫漫吟殘庾嶺梅千樹  
夢遶湘江竹萬竿風捲亂鷗棲古塔雪迷孤雁落前灘  
一聲玉笛人何所更上南樓獨倚欄

夜泊

停舟野渡頭客路恨悠悠葉落風千樹鐘殘月半樓蘆  
花雙過雁莎草獨眠鷗山鬼燒青火飛來照髑髏

西麓詩彙

十二四明叢書  
約園刊本

梨花

流鶯偷入未央宮望斷昭陽信不通寂寞兩聲寒食夜  
一枝香淚泣東風

賦林景參梅嶼

結廬分得雁山雲嶼上梅花是四鄰水月一天薌世界  
冰霜千古玉精神短檠夜雨西牕夢長鈇秋風北塞塵  
我亦煙波綸釣侶與君同作歲寒人

賦潘鄧屋

洛陽纔解珮過眼忽秋分四海一明月千山共白雲雁  
煙迷曉樹蟲露溼香芹滿紙相思字臨風欲寄君

西麓詩彙

十二四明叢書  
約園刊本

吳江道上

夜半扁舟出洞庭客帆初挂早潮平社風纔起海鷺至  
嵐霧未收江鷓鳴吳岫亂雲擎古塔楚皐寒葉擁荒城  
垂虹橋外天連水無限別離生杜蘅

登西樓懷湯損之

楊柳飄飄春思長綠橋流水遶官牆碧雲望斷空回首  
一半闌干無夕陽

吳山雪霽

九天宮闕春風滿  
陸地樓臺夜月寒  
鐵笛一聲吹雁落  
片雲不到玉闌干

后土廟

塵擁妝臺翡翠翹  
瓊花開盡玉魂銷  
崑崙山上天風落  
二十四橋吹洞簫

湖上

流水斷橋邊  
笙歌擁畫船  
日酣花半醉  
春困柳三眠  
策杖登雲洞  
觀魚上玉泉  
鳳城歸去晚  
山鎖萬重煙

西湖暮春

西麓詩彙

十三四明叢書  
約園刊本

雲山疊疊樹重重  
浙水迢迢客夢中  
啼鴉數聲春去日  
落花滿地夜來風  
松關鶴立吟壇靜  
竹院僧眠丈室空  
明日馬啼何處所  
夕陽芳草畫橋東

山房

軒牕四面開  
風送海雲來  
一陣催花雨  
數聲驚蟄雷  
雷蝸涎明石  
堯蟻陣遶山臺  
此際衣偏溼  
熏籠著麝煤

馬塍道上

閑拖瘦竹筇  
獨步馬塍東  
鳥影青山外  
春愁碧樹中  
麥潮風化蝶  
櫻熟雨生蟲  
莫過谿頭去  
谿頭多落紅

遊僊曲

中秋月正明  
夜半飛紫瓊  
拂袖天上去  
攬衣朝太清  
縹緲黃金闕  
迢迢白玉京  
離離百寶幢  
裊裊九華旌  
簫韶起碧落  
散花飄羣英  
翱翔鸞鶴舞  
清徹雲璈聲  
凌凌九宵寒  
風露薄青冥  
弱水三萬里  
僊路渺蓬瀛  
不赴瑤池宴  
相約董雙成  
吹笙騎鳳皇  
飛上芙蓉城

戍婦

梧桐葉落雁來時  
見說沙場未解圍  
夜夜燈前做鍼線  
倩誰邊上寄寒衣

西麓詩彙

十四四明叢書  
約園刊本

過姚秋江釣磯

莎草離離碧樹閒  
祇疑曾是子陵灘  
槿花籬落蟲聲碎  
蘆葉汀洲雁陣寒  
江上浪平潮正熟  
渡頭人去月初殘  
夜深不管蛟龍睡  
獨對西風把釣竿

己酉秋留鶴江有感

賓鴻幾過澗山湖  
夜夜西風轉轆轤  
首蓓草衰江館靜  
枇杷葉老石泉枯  
曲終明月閒歌扇  
病去寒灰滿藥爐  
客夢不堪千里遠  
故園籬菊正荒蕪

經馮將軍墓



同山伴白雲此地葬將軍香火空遺像朝廷紀舊勳鐵衣懸古塔金鉞鎮荒墳一澗清冷水年年生紫芹

江村

草舍蔬畦遠柴門竹徑通斷雲遮落日細雨濕斜風野艾抽花碧山茄帶葉紅煙深南浦遠難認楚江風

江館野望

江邊雁過秋江上暮雲愁嶺曲山橫轉潮回水逆流亂莎行石蟹殘扶臥沙鷗黯淡三更月何人獨倚樓

暮秋遊虎丘

西麓詩集

十五四明叢書  
約園刊本

寂寞虛廊暗草萊天風繚繞寶華臺江空露冷蛟龍伏殿古雲深鸛鵲來山館老松寒綠蔓石壇芳桂落蒼苔寒鐘敲斷楓橋月半夜禪僧入定回

小樓

寒空漠漠起愁雲玉笛吹殘正斷魂寂寞小樓簾半捲雁煙蛩雨又黃昏

侍趙別駕宴壽樂堂

別駕移尊宴草堂四軒簾幙卷斜陽菱荷香滿鴛鴦宿楊柳陰濃翡翠藏風過水亭秋尚熱月侵山閣夜偏涼

更闌酒盡不知去坐看曉星飛玉潢

留鶴江有感

抱玉歸來淚滿襟世間何許覓知音此生雖有噬臍悔到死終無嘗膽心伏櫪馬思雲路遠避鉤魚隱石潭深故人若問淞江客自採芙蓉學楚吟

送吳松溪過淮

鐵研毛錐未策功又攜琴劍過臨邛荆山有玉鳴朝鳳滄海無珠走夜龍浦口月來僧館榻渡頭霜落客船鐘自君別後知音少空憶鴈山溪上松

西麓詩集

十六四明叢書  
約園刊本

送趙知縣歸天台

自是中朝柱石材西風塵土暗蒿萊河陽縣裏花初放彭澤門前柳未栽準擬鳴珂來鳳詔徘徊抱玉下烏臺明朝琴鶴歸何處三徑故園多綠苔

姑蘇館

楚岫高低接太行吳江渺漠下滄浪秋城霜滿葦花白夜館月寒莎草黃芳苑鹿臺初解珮故宮鸞閣尚鳴璫五湖一葉扁舟去十二樓西幾夕陽

雲間洞天



門掩青松閒綠槐一奩圖畫自天開朝霞鍊藥黃金井  
夜月吹笙白玉臺樹老有枝皆薜荔地閉無處不莓苔  
數聲野鶴驚殘夢疑是神僊出洞來

採桑行

妾本秦羅敷家住曲江曲門前楊柳青春風啼布穀樹  
頭桑初芽家家蠶始浴相呼出採桑採桑如采玉屈曲  
迴高枝攀條剪柔綠朝晴採桑南暮雨採桑北採得桑  
歸遲小姑怨相促陌上綺羅人問妾眉何蹙妾恨妾自  
知問妾何所欲消磨三十春漸喜蠶上簇七日收得繭

西麓詩彙

十七四明叢書  
約園刊本

百斤十日繅成絲兩束一絲一線工織成羅與縠百人  
共辛勤一人衣不足舉頭忽見桑葉黃低頭垂淚羞布  
裳

對燭

忽憶巴山夜西牕風雨寒自憐清影獨誰識寸心丹草  
長花猶在香銷淚不乾海棠貪睡去惆悵五更殘

春曉

曉風獵獵捲芭蕉簾幙深深燕子巢十二畫欄都倚遍  
一雙蝴蝶上花梢

侍趙開府夜燕

賸陪華佩醉蟠桃楊柳飄飄拂午橋夜月樓臺行錦障  
春風簾幙捲紅綃歌傳杏苑黃金縷樂奏梨園紫玉簫  
銀漏滴殘珠履散踏花歸去路迢迢

雷峯小憩

倚塔看明月寒光度玉繩曲堤藏小艇疏柳見孤燈水  
竹映苔石巖花綠澗藤香雲吹散後猿鶴伴高僧

錢塘旅舍

雲山千萬疊身事恨悠悠客鬢秋風急鄉心夜雨愁  
蛩鳴鄰寺壁雁過隔湖樓目送千帆遠長江空自流

西麓詩彙

十八四明叢書  
約園刊本

避暑

避暑入林扃同僧坐竹亭鳥飛晴地影龍挂兩天形掃  
葉鋪椰簟臨流注石瓶更無塵跡到日落夢初醒

山中吟

平生獨愛山日日頻躋攀自得山中趣結廬萬山間山  
西茂林麓中有盤旋谷飄飄雙鳳凰飛立山上玉日出  
華山陽月出廬山崗巫山雲漠漠雁山煙蒼蒼東望泰  
嶽松西望蒼梧竹知心侶漁樵忘情友麋鹿山深春亦



寒野鳥聲懸巖山花隨處發香風吹幽蘭夏日飛火雲  
枕簟訪深僻坐此松竹林冰泉漱寒石西風涼蕭蕭雁  
過秋空高時有巖桂發落葉飛長阜三冬氣凜冽獨立  
千崖雪橫斜溪上梅影落溪橋月身在此山中閒情薄  
太空行歌白雲裏白雲連崆峒朝餐山上霞暮採山下  
藥安得山中人共跨山頭鶴

西麓詩集

十九  
四明叢書  
約園刊本

西麓詩集

西麓繼周集目錄

瑞龍吟

風流子<sub>二</sub>

華胥引

意難忘

宴清都

蘭陵王

瑣窗寒

隔浦蓮近拍

蘇幕遮<sub>缺</sub>

早梅芳<sub>二</sub>

四園竹

驀山溪<sub>缺</sub>

側犯

齊天樂

荔枝香近<sub>二</sub>

水龍吟

西麓繼周集目錄

四明叢書  
約園刊本

六醜

塞垣春

掃花游

夜飛鵲

滿庭芳

花犯

大酺

霜葉飛

法曲獻仙音

渡江雲

應天長

玉樓春<sub>五</sub>

傷情怨

品令

木蘭花

秋蕊香

菩薩蠻

玉團兒<sub>缺</sub>

醜奴兒

感皇恩

宴桃源<sub>二</sub>

月中行

漁家傲<sub>二</sub>

定風波

蝶戀花<sub>五</sub>

紅羅襖

少年游<sub>四</sub>

還京樂

解連環

綺寮怨

玲瓏四犯

丹鳳吟

憶舊游

拜星月慢

倒犯

解語花

西麓繼周集目錄

四明叢書  
約園刊本

過秦樓<sub>二</sub>

解蹀躞

蕙蘭芳引

六么令

紅林擒近<sub>二</sub>

滿路花<sub>二</sub>

氏州第一

尉遲杯

塞翁吟

繞佛閣

慶春宮

滿江紅

丁香結

三部樂<sub>缺</sub>

西河

一寸金

瑞鶴仙

浪淘沙慢



西平樂慢

玉燭新 缺

南鄉子

望江南 二

浣溪沙 十

點絳脣 四

夜遊宮 二

訴衷情 二

一落索

迎春樂 三

虞美人 五

醉桃源 二

鳳來朝

垂絲釣

芳草渡

琴調相思引

西齋雜興 目錄

三 四 明 讀 書 約 圖 刊 本

西麓繼周集

宋鄞 陳允平君衡撰

瑞龍吟

長安路還是燕乳鶯嬌度簾遷樹層樓十二闌干繡簾  
半捲相思處處 漫凭竚因念彩雲初到瑣窗瓊戶梨  
花猶怯春寒翠羞粉怨尊前解語 空有章臺煙柳瘦  
纖仍似宮腰飛舞憔悴暗覺文園雙鬢非故閒拈斷葉  
重託殷勤句頻回首河橋素約津亭歸步恨逐芳塵去  
眩醉眼盡游絲亂緒腸結愁千縷深院靜東風落紅如

西麓繼周集

一四明叢書  
約園刊本

雨畫屏夢繞一簪香絮

風流子

闌干休去倚長亭外煙草帶愁歸正曉陰簾幕綺羅清  
潤西風環佩金玉參差深院悄亂蟬嘶夏木雙燕別春  
泥滿地殘花蝶圓涼夢半亭落葉蛩感秋悲 蘭屏餘  
香在銷魂處憔悴瘦不勝衣誰念鳳樓當日星約雲期  
悵倦理鸞箏朱絃空暗強臨鴛鏡錦帶閒垂別後兩峯  
眉恨千里心知

又

殘夢繞林塘詩添瘦瘦不似東陽正流水蕩紅暗通幽

徑嫩篁翻翠斜映回牆對握寶箏低度曲銷蠟靚新簧

鶯嬾畫長燕閒人倦乍親花簾慵引壺觴 簾櫳深深

地歌塵靜芳草自碧空廂十二畫橋一隄煙樹成行向

杜鵑聲裏綠楊庭院共尋紅豆同結丁香春已無多祇

愁風雨相妨

華胥引

涵空斜照掠水輕嵐滿天紅葉鴈泊平蕪覺依亂荻聲  
啞啞寂寞金井梧桐漸轉轉伊軋明月紗窗夜寒孤枕

西麓繼周集

一四明叢書  
約園刊本

應怯 吟老西風笑衰髯頓疏如鑷錦牋勤重頻剔蘭

鐙自閱多謝征衫初寄尙寶香熏篋愁憶家山夢魂飛

度千疊

意難忘

額粉官黃襯桃花扇底歌送瑤觴裙拖金縷細衫唾碧  
花香瓊佩冷玉肌涼羅韞步滄浪漫共伊心盟意約眼  
觀眉相 連環未結雙雙似桃源誤入初嫁劉郎瓏璵  
仙子誓綽約道家妝千種恨九回腸雲雨夢猶妨誤少  
年紅銷翠減虛度風光



宴清都

聽徹南樓鼓寒宵迴玉壺冰漏遲度重溫錦幄低護青  
氈曲通朱戶巡檐細嚼寒梅歎寂寞孤山伴侶更信有  
鐵石心腸廣平幾度曾賦 寒深試擁羊裘松醪自酌  
誰伴吟苦摩挲醉眼闌干笑拍白鷗驚去梁園勝賞重  
約漸玉樹瓊花處處怕柳條未覺春風青青在否

蘭陵王

古隄直隔水輕陰颺碧東風路還是舞煙眠露年年自  
春色紅塵徧京國畱滯高陽醉客斜陽外千縷翠條彷彿

西麓集

三四明叢書

約園刊本

佛流鶯度金尺 長亭半陳迹記曾繫征鞍頻護歌席  
愔愔江上又寒食回首處應念舊曾攀折依然離恨徧  
四驛倦游向南北 惻惻怨懷積漸楚樹寒收隋苑春  
寂眉顰不盡相思極想人在何處倚樓橫笛聞情似絮  
更那聽夜雨滴

瑣窗寒

禁燭飛煙東風插柳萬家千戶梨花院落數點弄晴纖  
雨傍鞦韆紅雲半溼畫簾燕子商春語數十年南北西  
湖倦客曲江行旅 日暮花深處對修竹彈棋戲評格

五攜尊共約詩酒雲明月侶念舊游九陌香塵倡條冶  
葉還在否踏青歸醉宿蘭舟枕藉黃金俎

隔浦蓮近拍

鉛霜初褪鳳葆碧旆侵雲竊萬綠傷春遠林幽樂多禽  
鳥斜陽隄畔草游魚鬧暗水流萍沼翠鈿小 涼亭醉  
倚接羅巾任敬倒月明庭樹夜半鵲飛驚曉隔岸蕢鄉  
夢漸到吹覺一襟風露塵表

蘇幕遮

西麓集

四四明叢書

約園刊本

早梅芳

柳初妍花漸好可恨行期到落梅香盡澹月朦朧影微  
照風簾銀燭暗露幕金花小縱離歌緩唱殘角又霜曉  
瑣窗前秦吉了促上長安道揚鞭西去幾點稀星尚

雲表去程疑是夢宿酒昏情抱鳳樓空瓊簫聲漸杳

又

鳳釵橫鸞帶繞獨步鸞鴛沼闌干斜倚自打精神對花



笑貼衣瓊佩冷襯鞦韆金蓮小捲香茵縹緲舞袖稱纖妙  
夢初成歡未了明日青門道離雲別雨脈脈無情畫  
堂曉柳邊驕馬去翠閣空凝眺漸春風綠愁江上草

四園竹

昏昏暝色亂葉擁雲扉渚蘭風潤庭桂露涼香動秋幃  
獨向閒亭步月闌干瘦倚此情惟有天知 縱如其黃  
花時節歸來因循已誤心期欲寫相思寄與愁拂鸞牋  
粉淚盈盈先滿紙正寂寞樓南鴈過稀

驀山溪

西齋雜周集

五四明叢書  
約園刊本

側犯

晚涼倦浴素妝薄試鉛華靚凝定似一朵芙蓉汎清鏡  
輕紈笑自撚撲蜨鴛鴦徑嬌嬾金鳳鞦斜敲翠蟬影  
冰肌玉骨襯體紅綃瑩還暗省記青青雙鬢舊潘令夢  
想鸞箏後堂深靜何日西風碧梧金井

齊天樂

客愁都在斜陽外凭闌桂香吹晚亂葉蟬哀寒汀鷺泊  
離緒并刀難翦牙屏半掩漸塵撲冰紈浪收雲簾露入  
征衣滿襟秋思付詩卷 還思前度問酒鳳樓人共倚  
歸興無限鴈影亭皋蛩聲院落雙闕明河光轉田園夢  
遠歎籬菊初黃澗尊堪薦拄笏西風四山煙翠斂

荔枝香近

杜宇聲聲頻喚春漸去暗碧柳色依依湖上迷青霧殘  
香淨洗紅蘭昨夜朱鉛雨金泥帳底雙虬自沈乳 天

西齋雜周集

上六四明叢書  
約園刊本

際漸迤邐片帆南浦一笑薔薇別後酒杯慵舉江上琵琶  
莫遣東風誤鸚鵡淚擁通宵蠟炬

又

臉霞香銷粉薄淚偷泫靨靨金獸沈水微薰入簾綠樹  
春陰慘徑紅英風捲芳草怨碧玉孫漸遠 錦屏夢回  
恍覺雲雨散玉瑟無心理嬾醉瓊花宴寶釵翠滑一縷  
青絲爲君翦別情誰更排遣

水龍吟

曉鶯啼醒春愁粉香獨步千紅地庭閒散綺林空翦雪



鷓鴣鶴避妒月魂淒行雲夢冷溫柔鄉閉漸黃昏院落  
清明時候東風裏無情淚 織翠玲瓏葉底倚闌人玉  
龍休吹殘妝微洗芳心微露昭陽睡起恨結連環舞停  
雙佩水晶如意情蜂媒聘取瓊花細與向尊前比

六醜

自清明過了漸柳底鶯梭慵擲萬紅御風飄飄如附翼  
錦繡陳迹障地香塵暗亂蜂似雨漫冶遊南國蘭襟縹  
緲辭湘澤馬蹟郊原燕泥巷陌傷春爲花深惜歎芳菲  
薄倖容易疏隔 庭閒人寂空餘芳草碧夢裏驚春去  
如瞬息長安市上狂客爲桃源解佩醉濃歡極無心整  
霧襟煙幘驚回處斷雨殘雲倦倚畫闌干側相思恨暗  
度流沙更杜鵑院落黃昏近誰禁受得

寒垣春

草碧鋪橫野帶暝色歸鞍卸煙葭露葦滿汀鷗鷺人在  
圖畫漸一聲鴈過南樓也更細雨時飄灑念微容都銷  
瘦漫將紉素描寫 臨鏡理殘妝依然是京兆柔雅落  
葉感秋聲啼螿歎涼夜對黃花共說憔悴相思夢頓醒  
西窗下兩腕玉挑脫素纈慳半把

西窗雜集

七

西窗雜集

掃花游

蕙風颺暖漸草色分吳柳陰迷楚寸心似縷看鏡簾燕  
妥妒花蝶舞翦翦愁紅萬點輕飄淚雨怕春去問杜宇  
喚春歸去何處 後期重細許倩落絮飛煙障春歸路  
長亭別俎對歌塵舞地暗傷蠻素算得相思比著傷春  
又苦正凭好聽斜陽斷橋簫鼓

夜飛鵲

秋江際天闊風雨淒其雲陰未放晴暉歸鴉亂葉更蕭  
索碓聲幾處寒衣沙頭酒初熟儘籬邊朱槿竹外青旗  
潮期尙晚怕輕離故故遲遲 何似醉中先別容易爲  
分襟獨抱琴歸回首征帆縹緲津亭寂寞衰草煙迷虹  
收霽色漸落霞孤鷺飛齊更何時重與論文渭北剪燭  
窗西

滿庭芳

槐影連陰竹光搏露小荷新綠浮圓簞紋如浪綃帳碧  
籠煙回合溪橋一曲初雨過流水濺濺闌干外沙鷗野  
鳥飛過釣魚船 浮生同幻境眼空四海迹寄三椽但  
隨天休問我後誰前要識淵明琴趣眞眞意都在無絃

西窗雜集

八

西窗雜集



薰風裏綸巾羽扇一枕北窗眠

花犯

報南枝東風試暖蕭蕭甚情味亂瓊雕綴幻姑射精神  
玉蕊佳麗壽陽宴罷妝臺倚眉顰羞鵲喜念誤卻何郎  
歸去清香空翠被 溪松徑竹素知心青青歲寒友甘  
同憔悴漸畫角嚴城上鴈霜驚墜煙江暮佩環未解愁  
不到獨醒人夢裏但恨繞六橋明月孤山雲畔水

大酺

霧幕西山珠簾捲濃霧淒迷華屋蒲萄新綠漲正桃花  
煙浪亂紅翻觸繡閣雨寒羅衣怯潤慵理鳳樓絲竹東  
風垂楊恨鎖朱門深靜粉香初熟念緩酌釵前醉吟孤  
枕頓成清獨 傷心春去速歎美景虛擲如飛轂漫孤  
負鞦韆臺榭拾翠心期誤芳菲怨眉愁目冷透金篝溼  
空展轉畫屏山曲夢不到華胥國閒倚雕檻試采青青  
梅蕊海棠尙堪對燭

霜葉飛

碧天如水新蟾挂修眉初畫雲表半江楓葉自黃昏深  
院礎聲悄漸涼蛙殘花夢曉西風籬落寒蟄小背畫闌

西麓雜周集

九

四明叢書  
約園刊本

依依有數點流螢亂撲扇底微照 凝望渺漠平蕪兼

葭煙遠過鴈還帶愁到拌教日日醉斜陽但素琴橫抱  
記舊譜歸耕未了金徽誰度淒涼調算多少悲秋恨恨  
比秋多比秋猶少

法曲獻仙音

油幕收塵素紈招月一枕鬢香微度枕玉牙牀浣冰金  
斛薰風夜涼窗戶漸睡醒明河暗芭蕉幾聲雨 對誰  
語念徽容已成憔悴心期誤歸計欲成又阻寂寞燕樓  
空想弓彎眉黛慵嫵淚墨愁牋縱回文難寫情素便山  
遙水邈幾度夢魂飛去

西麓雜周集

十

四明叢書  
約園刊本

渡江雲

青青江上草片帆浪暖初泊渡頭沙翠筇便瘦倚問酒  
垂楊影裏那人家東風未許漫媚嫵輕試鉛華飄佩環  
玉波秋瑩雙鬢綠堆鴉 空嗟赤闌橋畔暗約琴心傍  
鞦韆影下夜漸分西窗愁對煙月籠紗離情暗逐春潮  
去南浦恨風葦煙葭腸斷處門前一樹桃花

應天長

流鶯喚夢芳草帶愁東風料峭寒色又見杏漿飭粥家



家禁煙食江湖幾年倦客曾慣識淒涼岑寂苦吟瘦蕭  
索詩腸空懷郊籍 春事正溪山柳霧花塵深映翠蘿  
壁更謝多情雙燕歸來舊庭宅情絲亂游巷陌悵容易  
萬紅陳迹酒旗直綠水橋邊猶記曾識

玉樓春

東風躍馬長安道一樹櫻桃花謝了別來千里夢頻歸  
醉裏五更愁不到 江南兩岸無名草雨偏莓苔生嫩  
葆玉樓人遠綠腰閒簾幕深沈雙燕老

又

西齋雜興

十一 四明叢書

約園刊本

粉銷香滅紅蘭淚總是文君初別意春風織就悶情懷  
夜月砌成愁況未 迢迢歸夢頻東里堪恨洛陽花漸  
已斜陽日日自相思三十六陂芳草地

又

萬花叢底曾擡目澹雅梳妝嬌已足夜來鸚鵡夢中人  
春去琵琶江上曲 雙鸞碧重釵頭玉裙曳湘羅浮淺  
綠東風一醉買娥眉爲拌明珠三萬斛

又

西園鬪結鞦韆了日漾游絲煙外裊小橋楊柳色初濃

別院海棠花正好 粉牆低度鶯聲巧薄薄輕衫宜短  
帽便拌日日醉芳菲未必春風畱玉貌

又

柳絲挽得秋光住腸斷驛亭離別處斜陽一片水邊樓  
紅葉滿天江上路 來鴻去鴈知何數欲問歸期朝復  
暮晚風亭院倚闌干兩岸蘆花飛雪絮

傷情怨

南枝春意正小籬菊都荒了帳底孤燈夜來還獨照  
沙洲煙翠渺渺謝塞鴻頻帶書到笑撚梅花今年開較

西齋雜興

十二 四明叢書

約園刊本

早

品令

玉壺塵靜蟾光透一簾疏影偏愛水月樓臺近畫闌獨  
倚風度寒香陣 猶記曲江煙水恨歎淒涼誰問夜深  
沙觜霜痕印嚼花拌醉枝上春無盡

木蘭花

長江浩渺山明秀宛轉西風驚客袖相逢纔繫柳邊舟  
相別又傾花下酒 怪得新來詩骨瘦都在秋孃相識  
後一天明月照相思蘆荻汀洲霜滿首

秋蕊香

晚酌宜城酒暖玉輭嫩紅潮面醉中窈窕度嬌眼不識  
愁深恨淺 繡窗一縷香絨線繫雙燕海棠滿地夕陽  
遠明月笙歌別院

菩薩蠻

銀城遠枕清江曲汀洲老盡蒹葭綠君上木蘭舟妾愁  
雙鳳樓 角聲何處發月浸溪橋雪獨自倚闌看風飄  
襟袖寒

玉團兒

西麓雜劇

十三

四明叢書

約園刊本

醜奴兒

歲寒時節干林表獨耐風霜妒粉欺黃澹澹衣裳薄薄  
妝 西湖十二闌干曲倚偏寒香白鷺橫塘一片孤山  
幾夕陽

感皇恩

體態玉精神惺惚言語一點靈犀動人處繡香羅帕爲

待別時親付要人長記得相思苦 彩鸞獨跨藍橋歸  
路憔悴東風自蠻素桃葉楊花又向空江欲度任洛陽  
城裏春無數

宴桃源

閒倚瑣窗工繡春困兩眉頻皺獨自下香街攀折畫橋  
煙柳晴晝晴晝偏稱玉樓歌酒

又

何處春風歸路金屋空藏樊素零亂海棠花愁夢欲隨  
春去情緒情緒粉濺兩行冰筋

西麓雜劇

十四

四明叢書

約園刊本

月中行

鬢雲斜插映山紅春重澹香融自攜紈扇出簾櫳意欲  
撲飛蟲 薔薇架下偏宜酒纖纖手自引金鍾倦歌伴  
醉倚東風愁在落花中

漁家傲

日轉花梢春已晝雙蛾曲理遙山秀百草偏輸羞不鬪  
隨人後無情自折金絲柳 秋水盈盈嬌欲溜六么倦  
舞弓彎袖偷摘青梅推病酒徘徊久一雙燕子歸時候

又



自別春風情意惻秦箏不理香塵積去躍青驄游上國  
歸未得何如莫向尊前識 薄倖高陽花酒客迷雲戀  
雨青樓側金屋空閒雙鳳席離懷適銀臺燭淚成行滴

定風波

慵拂妝臺懶畫眉此情惟有落花知流水悠悠春脈脈  
閒倚繡屏猶自立多時 有約莫教鶯解語多愁卻妒  
燕子飛一笑薔薇孤舊約載酒尋歡因甚嬾支持

蝶戀花

謝了梨花寒食後翦翦輕寒曉色侵書牖寂寞幽齋惟

西齋雜劇

十五 四明叢書

約園刊本

酌酒柔條恨結東風手 淺黛嬌黃春色透薄霧輕煙

遠映蘇隄秀目斷章臺愁舉首故人應似青青舊

又

牆外鞦韆花影後環獸金懸暗綠籠朱牖為怯輕寒猶  
帶酒同心共結懷纖手 粉袖盈盈香淚透蹙損雙眉  
嬾畫遙山秀柔弱風條低拂首渭城歌舞春如舊

又

寂寞長亭人別後一把垂絲亂拂閒軒牖三月春光濃  
似酒傳杯莫放纖纖手 金縷依依紅日透舞徹東風

不減蠻腰秀撲鬢楊花如白首少年張緒心如舊

又

落盡櫻桃春去後舞絮飛絲撲簌穿簾牖惜別情懷愁  
對酒翠條折贈勞親手 繡幕深沈寒尙透雨雨晴晴  
妝點西湖秀悵望章臺愁轉首畫闌十二東風舊

又

樓上鐘殘人漸定庭戶沈沈月落梧桐井悶倚瑣窗鐙  
炯炯獸香閒伴銀屏冷 浙瀝西風吹鴈影一曲胡笳  
別後誰堪聽誓海盟山虛話柄憑書問著無言應

西齋雜劇

十六 四明叢書

約園刊本

紅羅襖

別來書漸少家遠夢徒歸念去燕來鴻愁隨秋到舊盟  
新約心與天知 楚江上木落林稀西風尙隔心期水  
闊草離離更皓月照影自傷悲

少年游

蘭屏香暖松醪味滑湖鱉薦香橙鴈字秋高鳳臺人遠  
明月自吹笙 輕寒翦翦生襟袖銀漏漸催更暗憶年  
時桂風庭院笑竝玉肩行

又



斜陽冉冉水邊樓珠箔水晶鉤拍點紅牙簫吹紫玉低  
按小梁州 雙鸞已誤青樓約誰伴月中游倦蝶殘花  
寒螢落葉長是替人愁

又

畫樓深映小屏山簾幕護輕寒比翼香囊合歡羅帕都  
做薄情看 如今已誤梨花約何處殢歸鞍待約青鸞  
彩雲同去飛夢到長安

又

翠羅裙解縷金絲羅扇掩芳姿柳色疑寒花情殢雨生

西齋雜集

十七四明叢書

約園刊本

怕踏青遲 碧紗窗外鶯聲嫩春在海棠枝別後相思

許多憔悴惟有落紅知

還京樂

彩鸞去適怨清和錦瑟誰其理奈春光漸老萬金難買  
榆錢空費岸草煙無際落花滿地芳塵委翠袖裏紅粉  
濺濺東風吹淚 任鴛幃底寶香寒金獸慵熏繡被依  
依離別意味瓊釵暗畫心期情啼鵲爲催行李黯銷魂  
但夢逐巫山情牽渭水待得歸來後鏡前深訴憔悴

解連環

寸心誰託望瀟湘暮碧水遙雲邈自繡帶同翦合歡柰  
鴛枕夢單鳳幃寒薄澹月梨花別後伴情懷蕭索念傷  
春漸懶病酒未收兩愁無藥 魂銷翠蘭紫若任釵沈  
鬢影沁香眉角悵畫閣塵滿妝臺但玉佩依然寶箏閒  
卻舊約無憑誤共賞西園桃萼正天涯數聲杜宇斷腸  
院落

綺寮怨

滿院荼蘼開盡杜鵑啼夢醒記曉月綠水橋邊東風又  
折柳旗亭蒙茸輕煙草色疏簾淨亂織羅帶青對一尊

西齋雜集

十八四明叢書

約園刊本

別酒初斟征衫上點滴香淚盈 幾度恨沈斷雲飛鸞  
何處連環尙結雙瓊一曲琵琶溢江上慣曾聽依依翠  
屏香冷聽夜雨動離情春深小樓無心對錦瑟空涕零

玲瓏四犯

金屋春深似灼灼娉婷真真嬌豔洗淨鉛華依舊曲眉  
豐臉猶記舞歇涼州漸縹緲碧雲繚亂自玉環寶鏡偷  
換別後甚時重見 鸞幃鳳席鴛鴦薦但空餘蕙芳蘭  
倩天涯柳色青青恨不入東風眼惆悵二十四橋任落  
絮飛花亂點奈翠屏一枕雲雨夢誰驚散



丹鳳吟

暗柳煙深何處翡翠簾櫳鴛鴦樓閣芹泥融潤飛燕競  
穿珠幕鞦韆倦倚還思年少鞦韆步塵輕衫裁羅薄陡頓  
芳心暗老強理新妝離思都占眉角 過了幾番花信  
曉來剗地寒意惡可煞東風甚把天桃豔杏故故凌鏢  
傷春憔悴淚灑粉頰香落挑脫金寬雙玉腕怕人猜偷  
握漸芳草恨畫闌休傍著

憶舊游

又眉峯碧聚記得郵亭人別中宵翦燭西窗下聽林梢  
葉墮霧漠煙瀟彩鸞夢逐雲去環佩入扶搖但鏡裂鴛  
匳釵分燕股粉膩香銷 迢迢舊游處向柳下維舟花  
底揚鏹更憶西風裊采芙蓉江上雙槳頻招怨紅一葉  
應到明月赤闌橋漸淚浥瓊頰胭脂澹薄羞嫩桃

拜星月慢

漏閣間籤琴窗倦譜露溼宵螢欲暗鴈咽涼聲寂寞芙蓉  
院畫檐外樹色驚霜漸改澹碧雲疏星爛舊約桐陰  
問何時重見 倚銀屏更憶秋孃面想凌波共立河橋  
畔重念酒污羅襦漸金篝香散翦孤燈伴徇西風館黃

西麓雜劇

十九四明叢書

約園刊本

花夢對發淒涼歎但悵望一水家山被紅塵隔斷

倒犯

百尺鳳皇樓碧天暮雲初掃冰華散縞雙鸞駕鏡懸空  
窈窕娑桂影香滿西風闌干悄漸玉魄金輝飛度千山  
表餌玄霜醉瓊醪 身在九霄獨步丹梯飄飄輕霧寫  
縹緲廣寒殿覺塵世山河小愛十二瓊樓好算誰知消  
息盈虛道任地久天長今古無私照但仙娥不老

解語花

龍峯湖碧貝闕綠雲桂魄寒光射鳳檐鴛瓦星河際縹  
緲繡簾高下笙簫奏雅愛雪柳蛾兒笑把瓊佩搖珠翠  
盈盈迤邐飄蘭麝 陸地金蓮照夜富綺羅妝豔春態  
容冶籠紗鞍帕香塵過禁陌寶車驕馬游人靜也東風  
裏萬紅初謝沈醉歸殘角霜天漸落梅聲罷

過秦樓

倦聽蛩砧初拋紈扇隔浦亂鐘催晚湘蒲簟冷楚竹簾  
稀窗下乍聞裁翦倦柳梳煙枯蓮蘸水芙蓉翠深紅淺  
對半牀燈火虛堂淒寂近書思徧 夜漏永玉宇塵收  
銀河光爛夢斷楚天空遠娑娑月樹縹緲仙香身在廣

西麓雜劇

二十四明叢書

約園刊本



寒宮殿無奈離愁亂織藉酒銷磨倩花排遣漸江空霜  
曉黃蘆漠漠一聲來鴈

又

翠約鬢香綠搏槐陰隔水晚蟬聲斷壺冰避暖釧玉敲  
涼倦暑懶拈歌扇雲浪縹緲魚鱗新月開弦落星沈箭  
恨經年閒闊柔艸空寄夢隨天遠 憔悴損臂薄煙綃  
腰寬霞縷錦瑟暗塵侵染韓香猶在素鏡空圓薄倖舊  
盟俱變虛蠹春華爲誰容改芳徽魂飛嬌倩凭危樓望  
斷江外青山亂點

西麓繼周集

二五 四明叢書

約園刊本

解蹀躞

岸柳飄殘黃葉尙學纖腰舞謝他終日亭前伴驕旅無  
柰歷歷寒蟬爲誰喚老西風伴人吟苦 悶無緒記得  
芙蓉江上蕭爨舊相遇如今憔悴黃花慣風雨把酒東  
望家山醉來一枕閒窗夢隨秋去

蕙蘭芳引

虹雨乍收楚天鷺亂飛秋鷺漸草色衰殘牆外土花暗  
綠故山鶴怨流水自菊籬茅屋日暮詩吟就澹墨閒題  
修竹 更憶飄蓬霜縹風葛幾度涼燠歎歸去來兮何

日甫東一曲黃蘆滿望白雲在目但月明長夜伴人清  
獨

六幺令

授衣時節猶未定寒燠長空雨收雲霽湛碧秋容沐還  
是鱸肥蟹美橡栗郵郵熟不堪追逐龍山夢遠惆悵田  
園自黃菊 醉中還念倦旅觸景傷心目羞破帽把茱  
萸更憶尊前玉愁立梧桐影下月轉回廊曲歸期將卜  
西風吹鴈懶寄斜封但相囑

紅林擒近

西麓繼周集

二五 四明叢書

約園刊本

飛絮迷芳意落梅銷暗香皓鶴唳空碧白鷗避寒塘妨  
它踏青鬪草便放曉日東窗先自懶弄晨妝誰柰靚笙  
簧 望帘尋酒市看釣認漁鄉控持紫燕芹泥未上雕  
梁想梁園謝館羣花較晚但陪玉樹頻舉觴

又

三萬六千頃玉壺天地寒庾嶺封的皜淇園折琅玕漠  
漠梨花爛漫紛紛柳絮飛殘直疑潢潦驚翻斜風沂狂  
瀾 對此頻勝賞一醉飽清歡呼童翦韭和冰先薦春  
盤怕東風吹散畱尊待月倚闌莫惜今夜看



滿路花

離歌泣斷雲別舞愁飛雪鳳皇臺上望瓊簫絕釵分玉  
燕寸寸回腸折碧空歸鴈闊猶有疏梅歲寒獨伴高節  
鮫綃羅帕淚灑胭脂血悠悠江上水天連接朱樓偏  
倚萬里空情切此恨憑誰說天若有情料天須有區別

又

寒輕菊未殘春小梅初破獸鑪閒撥盡松明火青氈錦  
幄四壁新妝裏重暖香篝繡被擁銀屏彩鸞空伴雲臥  
相思何處夢入藍橋左歸期還細數愁眉鎖薄情孤

西齋雜集

三十四 詞 蘇書

約圖刊本

鴈不向樓西過故人應怪我怪我無書有書還倩誰呵

氏州第一

閒倚江樓涼生半臂天高過鴈來小紫茱波寒青蕪煙  
澹南浦雲帆縹緲潮帶離愁去冉冉夕陽空照寂寞東  
籬白衣人遠漸黃花老 見說西湖鷗鷺少孤山路醉  
魂飛繞荻嫩初肥尊鱸更美盡酒懷詩抱待南枝春信  
早巡檐對梅花索笑月落烏啼漸霜天鐘殘夢曉

尉遲杯

長亭路望渭北漠漠春天樹殷勤別酒重斟明日相思

何處晴絲颺暖芳草外斜陽自南浦望歸帆影接天涯  
一江湖帶愁去 回首杜若汀洲歎汎梗飄萍乍散還  
聚滿徑殘紅春歸後猶自有楊花亂舞悵金徽梁塵暗  
鎖算誰是知音堪共語儘天涯夢斷東風衫雲鸞鳳無  
侶

塞翁吟

睡起鸞釵蟬金約鬢影龐腮檐佩冷玉丁東鏡裏對芙  
蓉秦箏倦理梁塵暗惆悵燕子樓空山萬疊水千重一  
葉漫題紅 恩恩從別後殘雲斷雨餘香在鮫綃帳中

西齋雜集

三十四 詞 蘇書

約圖刊本

更懊恨燈花無準寫幽懷錦織回文小字斜封無人為  
託欲倩寶鴻立盡西風

繞佛閣

暮煙半斂雲護澹月斜照樓館春夜偏短一牀耿耿孤  
鏡晃幃幔玉壺漏滿天外漸覺歸鴈聲遠離思淒婉重  
懷執手東風翠鬢岸 料想鳳樓人倦繡回文停綵線  
憔悴淚積香銷嬌粉面歎暗老年光隙駒流箭夢中空  
見漫惹起相思芳意迷亂錦牋重向紗窗展

慶春宮



孤鶩披霞歸鞍卸日晚香菊自寒城虛館燈閒征衫塵  
浣夜深何處碓聲亂蛩催怨月明裏依稀數星雲山迢  
遞猶誤歸期方寸徧縈 秋風燕送鴻迎最憐隄柳白  
露先零倦倚樓高恨隨天遠桂風和夢俱清故人千里  
記翦燭西窗賦成相如憔悴宋玉淒涼酒恨花情

滿江紅

目斷江橫相思字難憑鴈足從別後倦歌慵繡悄無拘  
束煙柳翠迷星眼恨露桃紅沁霞頰肉傍瑣窗終日對  
文枰翻新局 頻暗把期歸卜芳草恨闌干曲謝多情  
西麓繼周集 二五 四明叢書 約園刊本  
海燕伴愁華屋明月自圓雙蝶夢彩雲空伴孤鸞宿任  
畫簾不捲玉鉤閒揚花撲

丁香結

塵擁妝臺翠閒歌扇金井碧梧風隕聽豆蟲聲小伴寂  
寞冷逼莓牆蒼潤料淒涼宋玉悲秋恨此際怎忍蓮塘  
風露漸入粉豔紅衣落盡 句引記舞歇弓彎幾度柳  
圍花陣酒薄愁濃霞頰淚漬月眉香暈空對秦鏡尙缺  
暗結回腸寸念纖腰柔弱都爲相如瘦損

三部樂

形勝地西陵往事重記溶溶王氣滿東南英雄閒起鳳  
游何處古臺空長江縹緲無際 石頭城上試倚吳襟  
楚帶如繫烏衣巷陌幾斜陽燕閒舊壘後庭玉樹委歌

西河

塵淒涼遺恨流水 買花問酒錦繡市醉新亭芳草干  
里夢醒覺非今世對三山半落青天數點白鷺飛來西  
風裏

一寸金

吾愛吾廬雨水東南半邨郭試倚樓極目千山拱翠丹  
橫沙觜江迷城腳水滿蘆風作闌干外夕陽半落荒煙  
暝幾點昏鴉野色青蕪自空廓 浩歎飄蓬春光幾度  
依依柳邊泊念水行雲宿樓遲羈旅鷗盟鷺伴歸來重  
約滿室凝塵澹無心處宦情最薄何時遂釣笠耕蓑靜



觀天地樂

瑞鶴仙

故廬元負郭愛樹色參差湖光渺漠樓危萬山落俯闌  
千十二鞞檐飛角花嬌柳弱映輕黃淺黛依約與沙鷗  
共結新盟伴我醉眠醒酌 蕭散雲根石上瀹茗松泉  
注書芸閣鶯窺燕幕檐外竹圃中藥念耕煙釣雪已成  
活計一任風波自惡但無心萬事由天夢中更樂

浪淘沙慢

暮煙愁鴉歸古樹鴈過空堞南浦牙檣漸發陽關歌盡

西麓繼周集

三七四明叢書  
一編圖刊本

半闕便恨入回腸千萬結長亭柳寸寸攀折望日下長  
安近莫遣鱗鴻成閒絕 淒切去帆浪遠江闊悵頓解  
連環西窗下對燭頻哽咽歎百歲光陰幾度離別翠銷  
粉竭信乍圓易散彩雲明月浙水吳山重重疊流蘇帳  
陽臺夢歇暗塵鎖孤鸞秦鏡缺羞人問怕說相思正滿  
院楊花落盡東風雪

西平樂慢

汎梗飄萍入山登陸迢遞霧迴煙賒漠漠蒹葭依依楊  
柳天涯總是愁遮歎寂寞塵埃滿眼夢逐孤雲縹緲春

湖帶雨鷗迎遠漱鴈別平沙寒食梨花素約腸斷處對  
景暗傷嗟 晚鐘煙寺晨雞月店征謁蕭疏破帽敲斜  
憶幾度微吟馬上長嘯舟中慣踏新豐巷陌舊酒猶香  
憔悴東風自歲華重憶少年櫻桃漸熟松粉初黃短楫  
歡呼日日江南煙邨八九人家

玉燭新

西麓繼周集

三八四明叢書  
一編圖刊本

南鄉子

歸鴈轉西樓薄倖首書日日收舊恨卻憑紅葉去颺颺  
春水多情日夜流 楊柳曲江頭煙裏青青恨不休九  
十韶光風雨半回眸一片花飛一片愁

望江南

嬌滴滴聰雋在秋波六幅香裙拈細縠一鉤塵鞦翦輕  
羅春意動人多 臨寶鑑石黛拂修蛾燕子樓頭蝴蝶

夢桃花扇底竹枝歌楊柳月婆娑

又

煙漠漠湖外綠楊隄滿地落花春雨後一簾飛絮夕陽

西梁燕落香泥 流水恨和淚入桃蹊鸚鵡洲邊鸚鵡

恨杜鵑枝上杜鵑啼歸思越淒淒

浣溪沙

自別蕭郎錦帳寒鳳樓日日望平安杏花枝上露纔乾

眉皺但嫌鈿翠墮臂銷惟覺釧金寬薄情楊柳帶征

鞍

西齋雜集

二十九 四明叢書  
約園刊本

又

一枕華胥夢不成碧筩香潤玉醪傾日長花影過池亭

雪藕臂寒鸚較怯采菱歌發露頻驚白蘋洲上雨初

晴

又

約臂金圓隱絳綰枕痕斜印曲花藤玉肌嬌軟瑩如冰

護日簾櫳迷曉夢舞風瓊佩弄秋聲倦妝鸞鑑不忺

凭

又

寶鏡匣開素月空晚妝慵結繡芙蓉殢人嬌語更慙慙

倦浴金蓮輕襯步捧笙玉筍半當胸枕痕又露一絲

紅

又

雙倚妝樓寶髻垂佩環依約下瑤池鬢邊斜插碧蟬兒

不嫁東風蘇小恨未圓明月柳孌悲舞休愁疊纓金

衣

又

鬪鴨闌干燕子飛一隄春水漾晴暉女郎何處踏青歸

西齋雜集

三十四 四明叢書  
約園刊本

生色鞦兒銷鳳穩碧羅衫子唾花微後期應待牡丹

時

又

六幅蒲帆曉渡平一江星斗漸西傾離家纔是兩三程

浦外野花如喚客樹頭春鳥自呼名五雲深處錦官

城

又

柳底征鞍花底車兩行香淚溼紅襦別來鶯燕已春餘

梳洗樓臺愁獨倚笙歌庭院醉誰扶捲簾閒看玉儲



宵

又

十二珠簾繡帶垂柳煙迷暗楚江涯自攜玉笛凭丹梯  
寫恨鸞牋凝粉淚踏青鴛鞦韆金泥落紅深處亂鶯

啼

又

睡起朦朧小篆香素紉輕度玉肌涼竹深荷淨少炎光

量  
雨過亂蟬嘶古柳日斜雙鷺立閒塘更將心事自商

西齋雜興集

三十四明發書  
約園刊本

點絳脣

眉葉顰愁淚痕紅透蘭襟潤鴈聲將近須帶平安信

獨倚江樓落葉風成陣情懷悶蝶隨蜂趁滿地黃花恨

又

別後長亭翠燕寂寞分襟地鴈書空寄歸夢頻東里

一曲秋風寫盡淵明意凝情際雨襟煙袂都是黃花淚

又

分袂情懷快風一箭輕帆舉暮煙雲浦芳草斜陽路

輸與閒鷗朝暮潮來去空凝竚小橋樊素金屋春深處

又

鶯語愁春海棠風裏胭脂雨酒杯慵舉閒撲亭前絮  
漠漠斜陽截斷愁來路凭闌竚滿懷離苦分付樓南鼓

夜遊宮

愁壓眉峯成斂幾回皺落花鈿點鏡裏芳容自羞見又

黃昏聽南樓度更箭月引桐陰轉珠簾動影搖花亂

鴈過西風楚天遠待歸來把愁眉印印面

又

窄索樓兒傍水漸秋到漁邨橋里薄伴江南倦游子恣

西齋雜興集

三十四明發書  
約園刊本

輕狂戀高陽歌酒市獨自簾兒底香羅帶翠閒金墜

為惱情懷怕拈起對西風搵啼紅印窗紙

訴衷情

綠雲鳳髻不忺盤情味勝思酸曉色露桃煙杏空照臉

霞丹花漸老徑苔閒錦爛斑怨紅一葉流水東風好

去人間

又

嫩寒侵帳弄微霜客淚不成行料得黃花憔悴何日賦

歸裝樓獨倚漏聲長暗傷情淒涼況味一半悲秋一

半思鄉

一落索

澹澹雙蛾疏秀為誰頻皺落花何處不春愁料不是因

花瘦 錦字香牋封久鱗鴻稀有舞腰銷減不禁愁怕

一似章臺柳

又

欲寄相思情苦倩流紅去滿懷寫不盡離愁都化作無

情雨 渺渺暮雲春樹澹煙橫素夕陽西下杜鵑啼怨

截斷春歸處

西麓繼周集

三

四明叢書  
約園刊本

迎春樂

垂陽影下黃金屋東風漸粉香熟恨當年有約驂鸞速

誤一枕紅雲宿 帶眼寬移腰似束怪何事褪紅銷綠

背面立鞦韆羞人問連環玉

又

江湖十載疏狂迹紅塵裏倦游客駐雕鞍問柳東風陌

花底帽任敲側 斗酒百篇呼太白傲人世醉中一息

何日賦歸來水之南雲之北

又

依依一樹多情柳都未識行人手對青青共結同心就

更共飲旗亭酒 褥上芙蓉鋪軟繡香不散彩雲春透

今歲又相逢是燕子歸來後

虞美人

春衫薄薄寒猶戀芳草連天遠嫩紅和露入桃顚柳外

東邊樓閣燕飛來 霓裳一曲憑誰按錯口口重看金

蚪閒暖麝檀煤銀燭替人垂淚共心灰

又

夕陽樓上都凭徧柳下風吹面強攀羅袖倚重門嬾傍

西麓繼周集

三

四明叢書  
約園刊本

玉臺鸞鏡暗塵昏 離情脈脈如飛絮此恨憑誰語一

天明月一江雲雲外月明應照鳳樓人

又

疏林遠帶寒山小月落霜天曉棹歌初發浦煙中自歎

疏狂蹤迹似萍蓬 江邊衰柳迷津埃歸興濃於酒斷

煙流水自寒塘十里蒹葭鷗鷺兩三雙

又

彩雲別後房櫳悄愁立西風曉倚闌無語對黃花惆悵

玉郎應在楚江涯 細箏空貯芳塵滿寂寞朱絃斷夜



來一點帳前燈頻吐銀花雙燼照羅屏

又

玉匳香細流蘇暖寒日花梢短翠羅塵暗縷金銷口口  
東口華屋自藏嬌 當時攜手鴛鴦徑一笑薔薇影如  
今眉黛鎮愁封欲問歸期消息望寶鴻

醉桃源

金閨平帖被青青寶街毬路綾曉風吹枕淚成冰梅梢  
霜露零 金鴨暖寶熏騰晴窗黏凍蠅夢魂空趁斷雲  
行江山千里程

西麓繼周集

三五 四明叢書  
約園刊本

又

青青楊柳拂隄沙溪頭沽酒家吟成醉筆走龍蛇春風  
雙鬢華 歌楚女舞吳娃輕煙籠翠霞倦春嬌困寶釵  
斜綠垂雲鬢鴉

鳳來朝

百媚春風面鳳簫催綠幺舞徧玉鸞釵半潘烏雲亂悄  
疑是夢中見 曲歇弓彎袖斂繡芙蓉香塵未斷買一  
笑千金拌共醉倚畫屏暖

垂絲釣

鶯蟬似羽輕紋低映嬌嫵凭闌看花仰蜂黏絮春未許  
寶箏閒玉柱東風暮 武陵溪上路娉婷婀娜劉郎依  
約曾遇鴛鴦侶重記相逢處雲隔陽臺雨花解語舊  
夢還記否

芳草渡

芳草渡漸迤邐分飛鴛鴦侶灑一枝香淚梨花寂寞  
春雨惜別情思苦恩恩深盟訴翠浪遠六幅蒲帆縹緲  
東去 還顧夕陽冉冉恨逐潮回南浦路漫空念歸來  
燕子雙棲舊庭戶市橋細柳尙不減少年張緒漸瘦損

西麓繼周集

三六 四明叢書  
約園刊本

嬾照秦鸞對舞

琴調相思引

金谷園林錦繡香踏青挑菜又相將鳳臺人遠離思入  
三湘 花著雨添紅粉重柳隨風曳碧絲長薄情鶯燕  
春去怎商量

西麓繼周集

西麓繼周集校記

風流子二對握 秦敦夫刻本 上有相字

華胥引亂荻 頓疏 勤重 秦本亂作荒疏 作已勤作鄭

瑣窗寒商春語 秦本商 作傷

隔浦蓮近拍 黃鄉 何夢華藏鈔 本鄉作鄭

蘇幕遮何本竝調名未 載亦不空行

早梅芳二自打 秦本何本 打竝作撲

驀山溪何本 未載

側犯深靜 秦本靜 作迴

荔枝香近一 青霧 秦本青 作香

六醜亂蜂 秦本亂 作飛

滿庭芳連陰 搏露 秦本陰作 雲搏作團

應天長曾慣識 原本曾字 脫从秦本

玉樓春一雨徧 秦本徧作過 何本作遍

秋蕊香恨淺 秦本恨 作愁

玉團兒何本 未載

宴桃源二愁夢 秦本愁 作有

月中行意欲 架下 落花 秦本意欲作花下 下作底花作紅

西麓繼周集校記 一四明叢書 約園刊本

漁家傲一秋水 原本秋作金 从秦本何本

又二歸未得 原本作得 从吳伯宛校

蝶戀花一曉色 何本曉 作晚 幽齋惟酌酒 秦本作情 懷如中酒 柔條 秦本

柔作 攀

又二粉袖 原本袖作淚 从秦本何本

又三少年 秦本少 作百

又四親手 秦本親 作纖

又五胡笳 秦本胡 作秋

少年游一香橙 笑竝 何本香作 霜竝作凭

又三已誤梨花約 秦本誤作 過約作雨

又四落紅 何本紅 作花

還京樂夢逐 秦本逐 作繞

解連環兩愁 秦本愁 作眉

丹鳳吟珠幕 淚灑 秦本珠作簾 灑 作觸闌作閣

解語花禁陌 秦本禁 作紫

過秦樓元無此韻多此一首 何本注云周美成 紉扇 原本紉 作鸞

解語花如今 原本上行想 字从秦本

紅林擒近一 艷笙簧 羣花 秦本艷作 聽羣作尋

西麓繼周集校記 一四明叢書 約園刊本



滿路花一重暖香篝繡被擁銀屏秦本作稠暖香

尉遲杯原本身字猶自有脫从秦本

繞佛閣秦本錦牋秦本

慶春宮秦本塵浣秦本

三部樂何本

玉燭新何本

望江南秦本滴滴秦本香裙秦本

浣溪沙五雙倚妝樓寶髻垂原本倚妝寶三

又九亂鶯秦本

西麓繼周集校記 三四 四明叢書 約園刊本

又十睡起朦騰原本睡起二字缺从

點絳脣三小橋秦本

又四樓南秦本

訴衷情一徑苔秦本

一落索二情苦秦本滿懷寫不盡離愁秦本春樹秦本澹煙秦本

夕陽西下杜鵑啼秦本怨截斷秦本

江濤作溪夕陽句作截橋飛秦本

琴調相思引何本

西麓繼周集一卷勞異卿傳錄新城羅氏寫本都詞

百二十有三首和美成韻者百二十一首其過秦樓

前一首琴調相思引一首並非周韻吳伯宛疑宋時

周詞別有存此二闕者理或然歟又載蘇幕遮驀山

溪玉團兒三部樂玉燭新五調而缺其詞為何氏夢

華館朱氏結一廬藏兩鈔本所未有集中序次與汲

古閣刻片玉詞麤合惟多在上下卷之前半亦有同

調而未盡和者竊意當時周詞原有此本後經強煥

增輯故較衡仲所和有溢出者然衡仲所見亦未善

本觀於荔枝香拜星月滿路花西平樂諸詞可見也

西麓繼周集校記 四四 四明叢書 約園刊本

先衡仲而和周詞者有方千里楊澤民時人並周詞

哀刻之稱為三英集方楊所據同為周詞分類本此

與迥異然足以見美成舊本面目亦可貴已蓮子居

詞話稱鮑深飲鈔本詞中有繼周集彭文勤知聖道

齋宋元詞目亦有之吾鄉陸氏誦宋樓嘗有汲古影

宋本惜皆無由寓目輒依何朱兩鈔本羅舉同異如

右江都秦氏刻日湖漁唱續補各卷乃從歷代詩餘

輯出頗有臆改不足深據其可兩通者亦附著焉歷

代詩餘采此集至九十餘首之多則康熙時必見繼

周集可知丁氏善本書室藏書志謂乾隆前罕見亦  
未然也丙辰端陽日朱孝臧校畢記

西麓繼周集校記

五  
四明叢書  
約園刊本

西麓繼周集校記



日湖漁唱目錄

慢

摸魚兒

木蘭花慢

絳都春

醉江月

倦尋芳

大酺

永遇樂

月上海棠

疏影

暗香

水龍吟

齊天樂

醉江月

桂枝香

日湖漁唱目錄

一四明叢書  
約園刊本

漢宮春

木蘭花慢

寶鼎見

八寶妝

書錦堂

綺羅香

西湖十詠

探春

秋霽

百字令

掃花游

八聲甘州

鷓山溪

齊天樂

黃鸞兒

渡江雲

婆羅門引

引令

明月引

糖多令

江城子

思佳客<sub>五</sub>

惜分飛

長相思

祝英臺近

戀繡衾

南歌子

戀繡衾

謁金門

菩薩蠻

青玉案

戀繡衾

南歌子

醉桃源

日湖漁唱目錄

二四明叢書  
約園刊本

清平樂

謁金門

浣溪沙

鷓鴣天

謁金門

朝中措

小重山

霜天曉角

糖多令

柳梢青<sub>四</sub>

思佳客

糖多令

壽詞

瑞龍吟

渡江雲

八聲甘州

三犯渡江雲

過秦樓

醉蓬萊

法曲獻仙音

八聲甘州

蘭陵王

木蘭花慢

摸魚兒

漢宮春 二

風入松

西湖明月引

臨江仙

少年游

鷓鴣天

霜天曉角

附錄

瑞鶴仙

垂楊

白湖齋唱目録

三四明叢書  
約園刊本



日湖漁唱

慢

宋鄞 陳允平君衡撰

摸魚兒 西湖送春

倚東風畫闌十二芳陰簾幕低護玉屏翠冷梨花瘦寂寞小樓煙雨腸斷處悵折柳柔情舊別長亭路年華似羽任錦瑟聲寒瓊簫夢遠羞對彩鸞舞 文園賦重憶河橋眉嫵啼痕猶濺紉素丁香共結相思恨空託繡羅金縷春已暮縱燕約鶯盟無計畱春住傷春倦旅趁暗

日湖漁唱

四明叢書  
續園刊本

綠稀紅扁舟短棹載酒送春去

木蘭花慢 賦牡丹

杜鵑聲漸老過花信幾番風愛翠幄籠晴文梭颺暖闌檻青紅新妝步搖未穩捧心嬌乍入館娃宮消得金盞萬朵護風簾幄重重 怱怱少小憶相逢詩鬢已成翁且持杯秉燭天香院落同賞芳穠花應怕春去早儘遲遲待取綠陰濃拌卻花前醉也夢隨蝴蝶西東

絳都春 舊上聲韻今改平聲

鞦韆倦倚正海棠半坼不耐春寒殢雨弄晴飛梭庭院

繡簾閒梅妝欲試芳情嬾翠顰愁入眉彎霧蟬香冷霞綃淚搵恨襲湘蘭 悄悄池臺步晚任紅薰杏靨碧沁苔痕燕子未來東風無語又黃昏琴心不度春雲遠斷腸難託啼鵲夜深猶倚垂楊二十四闌

醉江月 賦水仙

漢江露冷是誰將瑤瑟彈向雲中一曲清冷聲漸杳月高人在珠宮暈額黃輕塗頰粉豔羅帶織青蔥天香吹散佩環猶自丁東 回首杜若汀洲金鈿玉鏡何日得相逢獨立飄飄煙浪遠韞塵羞濺春紅渺渺予懷迢迢

日湖漁唱

四明叢書  
續園刊本

良夜三十六陂風九疑何處斷雲飛度千峯

倦尋芳

杏檐轉午清漏沈沈春夢無據鳳錦龜沙空閉酒塵香霧流水行雲天四遠玉簫聲斷人何處倦尋芳鎮情尖翠壓強拈飛絮 記舊約茶蘼開後屈指心期數了還數誤我凭闌幾度片帆南浦燕懶鶯慵春去也落花猶是東風主正銷凝被愁鵲又啼煙樹

大酺 元夕寓京

漸入融和金蓮放在東風樓閣天香吹輦路淨無雲



一點桂流霜曉雪霽梅飄春柔柳嫩半捲眞珠簾箔迢迢鳴鞘過隘車鈿轡玉暗塵輕掠擁瓊管吹龍朱絃彈鳳柳衢花陌 龍山侵碧落絳綃遠春靄浮鳩鵲民共樂金吾禁靜翠蹕聲閒徧青門盡停魚鑰袂襲寒初覺方怪失繡鴛弓窄誤良夜瑤臺約漸彩霞散雙闕星微煙薄洞天共誰跨鶴

永遇樂 舊上聲韻今移入平聲

玉腕籠寒翠闌凭曉鶯調新簧暗水穿苔游絲度柳人靜芳書長雲南歸鴈樓西飛燕去來慣認炎涼王孫遠

日湖漁唱

二三四明叢書

約園刊本

青青草色幾回望斷柔腸 薔薇舊約尊前一笑等閒孤負年光鬪草庭空拋梭架冷簾外風絮香傷春情緒惜花時候日斜尙未成妝聞嬉笑誰家女伴又還采桑

月上海棠

游絲弄晚捲簾看處燕重來時候正鞦韆亭榭錦窠春透夢回褪浴華清凝溫泉絳綃微皺芳陰底人立東風露華如晝 宜酒啼香淚薄醉玉痕深與春同瘦想當年金谷步帷初繡彩雲影裏徘徊嬌無語夜寒歸後鶯窗曉花閒重攜素手

疏影

疏影暗香白石自度曲也余過宛陵登雙溪疊嶂拊先伯父菊坡先生遺墨有感借韻以賦

千峯翠玉送孤雲伴我羅窗清宿拂曉凭虛春碧生寒衣單瘦倚筇竹東風不解吹愁醒但芳草溪成南北認霧鬢遙鎖脩眉嫵爲誰愁獨 江上輕鷗似識背昭亭兩兩飛破晴渌一片蒼煙隔斷家山夢繞石窗蘿屋相看不厭朝還暮算幾度赤闌干曲待倩詩收拾歸來寫作臥游屏幅

暗香

日湖漁唱

四四明叢書

約園刊本

霽天秋色正倚樓待月誰伴橫笛漲綠浮空閒數河星手堪摘彌望澄光練淨分付與玄暉才筆煙散闕雲遠波平歸鳥趁風席 南國信音寂悵鴈渚渡閒鷺汀沙積蘚碑露泣時拊遺蹤暗嗟憶人事空隨逝水今古但雙流一碧待辦取蓑共笠小舟泛得

水龍吟 奉川實化鳳花

杜鵑啼老春愁淚痕吹作胭脂雨飛花亂點東風枝上紅翔翠翥丹穴鳴初碧梧棲未淒涼山塢悵瓊姬夢遠玉簫聲斷孤鸞影對誰舞 林下風光自許算何必玉



京瑤圃闌干醉倚游塵香散芳菲無主經院僧眠月樓  
鐘靜欲飛還駐待青松化盡蒼龍頭角共乘雲去

齊天樂

澤國樓偶賦

湖光祇在闌干外凭虛遠迷三楚舊柳猶青平蕪自碧  
幾度朝昏煙雨天涯倦旅愛小卻游鞭共揮談塵頓覺  
塵清宦情高下等風絮 芝山蒼翠縹緲黯然仙夢杳  
吟思飛去故國樓臺斜陽巷陌回首白雲何處無心訪  
古對雙塔棲鴉半汀歸鷺立盡荷香月明人笑語

醉江月

白湖漁唱

五四明叢書

約園刊本

霽空虹雨傍啼螿莎草宿鷺汀洲隔岸人家砧杵急微  
寒先到簾鉤步幄塵高征衫酒潤誰暖玉香篝風鐙微  
暗夜長頻換更籌 應是鴈柱調箏鴛梭織錦付與兩  
眉愁不似尊前今夜月幾度同上南樓紅葉無情黃花  
有恨孤負十分秋歸心如醉夢魂飛趁東流

桂枝香

楊山甫席上賦

殘蟬乍歇又亂葉打窗蛩韻淒切寂寞天香院宇露涼  
時節乘鸞扇底婆娑影幻清虛廣寒宮闕小山秋重千  
巖夜悄舉尊邀月 甚賦得仙標道骨倩誰擣玄霜猶

未成屑回首藍橋路迴夢魂飛越雕闌翠翬金英滿灑  
西風非雨非雪惜花心性輸他少年等閒攀折

漢宮春

芍藥

開盡荼蘼正柔雲麥浪天氣如秋南園露梢半坼金粟  
絲頭溫香傍酒儘多嬌不識春愁鶯院悄輕陰弄晚何  
人堪伴清游 偏愛紫蕤黃裊想金壺勝賞依舊揚州  
花前夜闌醉後斜月當樓翻階句好記玄暉此日風流  
雙鬢改一枝帽底如今應爲花羞

木蘭花慢

和李質房題張寄閒家圃韻

白湖漁唱

六四明叢書

約園刊本

愛吟休問瘦爲詩句幾凭闌有可畫亭臺宜春帳箔如  
寄身閒胸中四時勝景小蓬萊幻出五雲閒一掬費香  
暗沼半梢松影虛壇 相看倦羽久知還回首鷺盟寒  
記步屨尋雲呼鐙聽雨越嶺吳巒幽情未應共懶把周  
郎舊曲譜新翻簾外垂楊自舞爲君時按弓彎

寶鼎見

雲巖師書卷夕命賦

六鼇初駕縹緲蓬闥移來洲島還又是梅飄冰泮一夜  
青陽回海表漸媚景傍元宵時候花底餘寒料峭更喜  
報三邊晏靜人樂清平宇宙 畫鼓簇隊行春早擁煙



花粉黛綠繞開洞府桃源路窈戟外東風吹岸柳正翠  
靄映星橋月榭十里紅蓮綻了慶萬家珠簾半捲綽約  
歌裙舞袖 重錦繡幄圍香闥鳳管鸞絲環奏望非煙  
非霧春在壺天易曉早隱隱半空星斗看取收鏡後趁  
鳳書吹入黃扉立馬金門玉漏

八寶妝 秋宵有感

望遠秋平初過雨微茫水滿煙汀亂蕩疏柳猶帶數點  
殘螢待月重簾誰共倚信鴻斷續兩三聲夜如何頓涼  
驟覺紈扇無情 還思驂鸞素約念鳳簫鴈瑟取次塵

白湖瀟唱

七 四明叢書  
約園刊本

生舊日潘郎雙鬢半已星星琴心錦意暗懶又爭奈西  
風吹恨醒屏山冷怕夢魂飛度藍橋不成

畫錦堂 北城韓園卽事

上苑寒收西陸雨歇東風是處花柳步錦籠紗依舊五  
陵臺沼繡簾珠箔金翠真瑣窗雕檻青紅鬪頻回首茶  
竈酒壚春時幾番攜手 知否人漸老嗟眼爲花狂肩  
爲詩瘦喚醒鄉心無奈數聲啼鳥兼燭清游嫌夜短采  
香新意輸年少歸來好飯趁故園池閣綠陰芳草

綺羅香 秋雨

鴈字蒼寒蛩疏翠冷又是淒涼時候小揭珠簾夜潤唾  
花羅皺饒曉鷺獨立衰荷翅歸燕尙棲殘柳想黃花羞  
避東籬斷無新句到重九 孤檠清夢易覺腸斷唐宮  
舊曲聲迷官漏滴入愁心秋似玉樓人瘦煙檻外催落  
梧桐帶西風亂捎鶯鶯記畫檐燈影沈沈共裁春夜韭

西湖十詠

探春 蘇隄春曉

上苑烏啼中洲鷺起疏鐘纔度雲窈篆冷香篝鏡微塵  
幌殘夢猶吟芳草搔首捲簾看認何處六橋煙柳翠燒

白湖瀟唱

八 四明叢書  
約園刊本

纜艤西冷趁取過湖人少 掠水風花繚繞還暗憶年  
時旗亭歌酒隱約春聲鈿車寶勒次第鳳城開了惟有  
踏青心縱早起不嫌寒峭畫闌閒立東風舊紅誰掃

秋霽 平湖秋月

千頃玻璃遠送目斜陽漸下林闌題葉人歸采菱舟散  
望中水天一色碾空桂魄玉繩低轉雲無迹有素鷗閒  
伴夜深呼棹過環碧 相思萬里頓隔嬋媛幾回瓊臺  
同駐鸞翼對西風憑誰問取人閒那得有今夕應笑廣  
寒宮殿窄露冷煙淡還看數點殘星兩行新鴈倚橫橫



笛

百字令 斷橋殘雪

凝雲互曉正。蘼花纔積，荻絮初殘。華表翩躚何處鶴。愛吟人在孤山。凍解苔鋪，冰融沙飜。誰凭玉句闌。茸衫氎帽，冷香吹上吟鞍。將次柳際瓊銷，梅邊粉瘦，添做十分寒。閒踏輕嘶來薦菊，半潭新漲，微瀾水北。峯巒城陰樓觀，畱向月中看。巘雲深處，好風飛下晴湍。

掃花游 雷峯落照

數峯蘸碧，記載酒甘園，柳塘花塢。最堪避暑，愛蓮香送晚翠嬌紅，嫵歛乃菱歌乍起。蘭橈競舉，日斜處望孤鷺斷霞初下，芳杜遙想山寺古，看倒影金輪，逝光朱戶。暝煙帶樹，有投林鷺宿，凭樓僧語。可惜流年，付與朝鐘暮鼓。漫疑步長橋，月明歸去。

八聲甘州 鞠院風荷

放船楊柳下，聽鳴蟬、薰風小。新隄正煙蕩，露蓼飛塵，釀玉第五橋西。遙認青羅蓋底，宮女夜遊池。誰在鴛鴦浦，獨棹玻璃。一片天機雲錦，見凌波碧翠，照日胭脂。是西湖西子，晴抹雨妝，時便相將。無情秋思，向菰蒲深處

落紅衣醺醺裏，半篙香夢，月轉星移。

驀山溪 花港觀魚

春波浮綠，小隱桃溪路。煙雨正林塘，翠不礙錦鱗來去。芹香藻膩，偏愛鯉花肥。檐影下，柳陰中，逐浪吹萍絮。宮溝泉滑，怕有題紅句。鉤餌已忘機，都付與人閒兒女。濠梁興在，鷗鷺笑人癡。三湘夢，五湖心，雲水蒼茫處。

齊天樂 南屏晚鐘

赤闌橋畔斜陽外，臨江暮山凝紫。戲鼓纔停，漁榔乍歇，一片芙蓉秋水。餘霞散綺，正銀鑰停關，畫船催鱖魚板。敲殘數聲初入，萬松裏。坡翁詩夢未老，翠微樓上月。曾共誰倚。御苑煙花，宮斜露草，幾度西風彈指。黃昏盡也，有眠月閒僧，醉香游子。鷺嶺啼猿，喚人吟思起。

黃鶯兒 柳浪聞鶯

六波煙黛浮空遠，南陌嚶嚶喬木初。暈紗窗無眠畫闌，凭曉看竝宿。暗黃深織霧，金梭小，那人攜酒聽時料。把春來詩夢驚覺，飛繞翠接斷橋雲綠。漾新隄草數聲嬌，嚶婉婉如愁調。簧弄歌尖巧，隨燕啣軟塵，低翅安游。絲裊最憐舞絮飛，花喚卻東風老。



渡江雲 三潭印月

三神山路杳六鼇駕浪幻境口西湖水連天四遠翠臺  
如鼎簇簇小浮圖煙沈霧迴怪蜃樓飛入清虛秋夜長  
一輪蟾素漸漸出雲衢 遙看寒光金鏡皓彩明璫正  
人閒三五總輸與鷗眠葑蓼鷺立菰蒲笙歌喚醒魚龍  
睡向貝闕爭取明珠清夢斷西風醉宿冰壺

婆羅門引 兩峯插雲

鬢鬢對聳萬松扶玉上青冥西風共倚煙南水北石荒  
苔老三十六梯平愛翠尖如削天外亭亭 高寒夢驚  
少年游屐幾番登河漢近疑在蓬瀛

日湖漁唱

十一 四明叢書  
約開刊本

右十景先輩寄之歌詠者多矣雪川周公謹以  
所作木蘭花示余約同賦因成時景定癸亥歲  
也

引令

明月引 和白雲趙宗簿自度曲

雨餘芳草碧蕭蕭暗春潮蕩雙橈紫鳳青鸞舊夢帶文  
簫綽約佩環風不定雲欲墮六銖香天外飄 相思為

誰蘭恨銷渺湘魂無處招素紉猶在真真意還倩誰描  
舞鏡空圓羞對月明宵鏡裏心心心裏月君去矣舊東  
風新畫橋

糖多令 吳江道上贈鄭可大

何處是秋風月明霜露中算淒涼未到梧桐曾向垂虹  
橋上看有幾樹水邊楓 客路怕相逢酒濃愁更濃數  
歸期猶是初冬欲寄相思無好句聊折贈鴈來紅

江城子

東風吹恨上眉彎燕初還杏花殘簾裏春深簾外雨聲  
寒拾翠芳期孤負卻空脈脈倚闌干 流蘇香重玉連  
環繞屏山寶箏閒淚薄鮫綃零露溼紅蘭瘦卻舞腰渾  
可事銀牒躩半闌珊

日湖漁唱

十二 四明叢書  
約開刊本

思佳客 用晏小山韻

一曲清歌酒一鍾舞裙搖曳石榴紅寶箏絃盡冰蠶縷  
珠箔香飄水麝風 嬌姬妬笑迎逢合歡羅帶兩心同  
彩雲不覺歸來晚月轉觚稜夜氣中

又

壓鬢釵橫翠鳳頭玉柔春膩粉香流紅酣醉靨花含笑



碧翦顰眉柳弄愁 偏婀娜太溫柔  
水情雲意兩綢繆 佯羞不顧雙飛  
蜨獨背鞦韆傍畫樓

又

錦幄沈沈寶篆殘 惜春無語凭闌干  
庭前芳草空惆悵 簾外飛花自往還  
金屋靜玉簫閒 一尊芳酒駐紅顏  
東風落盡荼蘼雪 滿院清香夜不寒

又

玉轡青馳去不歸 錦中頻織斷腸詩  
窗凭繡日鶯聲婉 簾捲香雲鴈影回  
金縷扇碧羅衣 蜨魂飛度畫闌西

日湖漁唱

十三四明叢書

一約園刊本

花開花落春多少 獨有層樓雙燕知

又

曾約雙瓊品鳳簫 玉臺光映玉嬌嬈  
銀花燭冷飛羅暗 寶屑香融曲篆銷  
簾影亂漏聲迢 佩雲清入楚天遙  
題紅未託相思約 明月空歸第五橋

惜分飛

釧閣桃顚香玉潤 困倚銀牀倦繡  
雙燕歸來後 相思葉底尋紅豆  
碧唾春衫還在否 重理弓彎舞袖  
錦藉芙蓉 嫩翠腰羞對垂楊瘦

長相思

風蕭蕭雨騷騷 風雨蕭蕭 枯葉飄飄  
湘江畔樓 雲迢迢 水遙遙  
雲水迢迢 天盡頭 相思心上秋

祝英臺近

待春來春又到 花底自徘徊  
春淺花遲 攜酒爲春催 可堪碧小紅微  
黃輕紫豔 東風外 妝點池臺 且銜杯  
無柰年少 心情看花能幾回  
春自年年花自爲春開 是他春爲花愁  
花因春瘦 花殘後人未歸來

戀繡衾

日湖漁唱

十四四明叢書

一約園刊本

細桃紅淺柳褪黃 燕初來 宮漏漸長  
任日轉花梢也倚 蘭屏猶未試妝  
秦鸞舊曲無心理 憶年時相傍采桑  
聽綠樹嬌鶯囀 一聲聲都是斷腸

南歌子

茉莉

素質盈盈瘦 嬌姿淡淡妝  
曲句闌畔倚 秋娘一撮風流 都在晚西涼  
綵線串層玉 金篝絡細香  
半鉤新月浸牙牀 猶記東華年少那門相

戀繡衾

銀鴛金鳳畫 暗銷曉簾櫳  
新翠漸交算 多少相思恨 被

東風吹上柳梢 羅窗夜夜梨花瘦  
奈月明香夢易消 便擬倩題紅葉  
趁落花流過謝橋

謁金門

春欲去無計得畱春住  
縱著天涯渾柳絮春歸還有路  
恨煞多情杜宇愁煞無情風雨  
春自悠悠人自苦鶯花誰是主

菩薩蠻

杏花枝上鶯聲嫩  
鳳屏倦倚人初困  
金獸莫添香香濃  
情轉傷 雲沈歸鴈杳  
綠漲江南草獨倚夕陽樓  
雙帆

白湖漁唱

十五

四明叢書  
約園刊本

何處舟

青玉案

采蓮女

涼亭背倚斜陽樹  
過幾陣菰蒲雨  
自棹輕舟穿柳去  
綠裙紅袂與花相似  
撐入花深處  
妾家住在鴛鴦浦  
妾貌如花被花妒  
折得花歸嬌  
斷覩花心多怨  
妾心多恨  
勝似蓮心苦

戀繡衾

多情無語斂黛眉  
寄相思偏仗柳枝待  
折向尊前唱  
奈東風吹做絮飛  
歸來醉抱琵琶睡  
正酒醒香盡漏移

無賴是梨花夢  
被月明偏照帳兒

南歌子

懶傍青鸞鏡  
慵簪翠鳳翹  
玉屏春重寶香銷  
因甚不忺梳洗怕登樓  
載酒垂楊浦  
停橈杜若洲  
傷春情緒寄筵篔  
流水殘陽芳草伴人愁

醉桃源

東風開到坼桐花  
游蜂初報衙  
獸環微掩是誰家  
瑣窗金繡紗  
環佩小  
領巾斜  
綠雲雙鬢鴉  
伴羞無限託琵琶  
笑拈萱草芽

白湖漁唱

十六  
四明叢書  
約園刊本

清平樂

鳳城春淺寒壓花梢  
顛有約不來梁上燕  
十二繡簾空捲  
去年共倚鞦韆  
今年獨倚闌干  
誤了海棠時候  
不成直待花殘

謁金門

春又晚  
枝上綠深紅淺  
燕語呢喃明似翦  
采香人漸遠  
草色池塘碧  
軟絲竹誰家坊院  
拂拂和風初著  
扇蜂情愁不展

浣溪沙



楊柳煙深五鳳樓繡簾風颺玉梭球夜寒誰伴錦香篝

殘月有情圓曉夢落花無語訴春愁寶笙偷按小梁

州

鷓鴣天

誰向瑤臺品鳳簫碧虛浮動桂花秋風從簾幕吹香遠

人在闌干待月高 金粟地蕊珠樓佩雲襟霧玉逍遙

仙娥已有玄霜約便好騎鯨上九霄

謁金門

風不定吹漾一簾波影歸燕無期春正永海棠眠未醒

白湖漁唱

十七四明叢書  
約園刊本

箏鴈別來誰整好夢不堪重省閒看鴛鴦交素頸凭

闌襟袖冷

朝中措

欲晴又雨雨還晴時節又清明紅杏牆頭燕語碧桃枝

上鶯聲 輕衫短帽扁舟小棹幾度旗亭鬪草踏青天

氣買花載酒心情

小重山

岸柳黃深綠漸饒林塘初雨過漲蒲萄嫩纒亭榭彩旗

交鶯聲裏春在杏花梢 慵整翠雲翹眉尖愁雨點倩

誰描斜陽芳草暗魂銷東風遠猶凭赤闌橋

霜天曉角

玄霜絳雪散作秋林纈昨夜西風吹過最好是睡時節

香絕高處折中秋還有月此際人閒天上是兩箇廣

寒闕

糖多令

桂邊偶成

明月可中庭蕭蕭絡緯聲畫闌秋千樹吹香玉宇無塵

涼似水銷不盡許多清 欲醉醉還醒欲吟吟未成燃

金英三嗅微馨應有乘鸞天上女隨風露下青冥

白湖漁唱

十八四明叢書  
約園刊本

柳梢青

和述禪四首

蘚迹苔痕香浮硯席影蘸吟尊雪正商量同雲淡淡微

月昏昏 孤山往事誰論但招得逋仙斷魂客裏相逢

數枝驛路千樹江村

又

沁月凝霜精神好處曾悟花光帶雪煎茶和冰釀酒聊

潤枯腸 看花小立疏廊道是雪如何恁香幾度巡檐

一枝清瘦疑在蓬窗

又



菊謝東籬問梅開未先問南枝兩蕊三花松邊傍石竹  
外臨溪 尊前暗憶年時算笛裏關情是伊何遜風流  
林逋標致一二聯詩

又

片片花飛風前疏樹雪後殘枝剗地多情帶將明月來  
伴書幃 歲寒心事誰知向籬落微斜半敲添得閒愁  
酒將闌處吟未成詩

思佳客

和俞菊坡海棠韻

簇簇紅雲冷欲凝東風特地喚花醒數枝夜色當銀燭

白湖漁唱

十九四明叢書

詞園刊本

一段春嬌入畫屏 如有恨似多情柳邊鶯語十分明  
柳邊鶯語如何說莫笑梅花太瘦生

糖多令

秋暮有感

休去采芙蓉秋江煙水空帶斜陽一片征鴻欲頓閒愁  
無頓處都著在兩眉峯 心事寄題紅畫橋流水東斷  
腸人無奈秋濃回首層樓歸去懶早新月挂梧桐

壽詞

瑞龍吟

壽吳丞相

雙溪墅重見種玉鋤雲采花研露遙知綠野芳濃錦堂

燕子迎門共舞 近前語還問去年山館舊經行處西  
風千里驚鴻水邊上苑梅英乍吐 幾度月昏霜曉望  
馳天北驛傳湘渚冷豔暗香春寒剗地清苦看看翠幄  
青子江頭路纔收盡蠻煙瘴雨初回輕暑便憶南園趣  
喚人況有多情杜宇此計非遲暮都付與和羹功臣歸  
去海榭院落長逢重午

渡江雲

壽蔡泉使

桐花寒食近青門紫陌不禁綠楊煙正長眉仙客來向  
人閒聽鶴語溪泉清和天氣爲栽培種玉心田鴛鴦長

白湖漁唱

二十四明叢書

詞園刊本

一尊芳酒容與看芝山 庭閒東風榆筴夜雨苔痕滿  
地欲流錢愛牆陰成蹊桃李春自無言殷勤曉鵲凭檐  
喜丹鳳下紅藥階前蘭初曉香飄舞袖爛熳

八聲甘州

壽蔡泉憲

兩臺簾對捲燕芹香風花近清明望春瀾柳際流紅水  
暖布穀天晴誰信閒襟似水時憶語溪耕襟抱番江闊  
雲遠波平 靜畫輕揮玉塵見春扉草綠暮冶煙青問  
清華姓字幾度錄虬屏看西湖一汀鴛鴦正曉風殘月  
兩三星早歸來赴花魚宴宮樹聞鶯



三犯渡江雲

舊平聲今改入聲爲竹友謝少保壽

風流三徑遠此君淡薄誰與伴清足歲寒人自得傍石  
鋤雲間裏種蒼玉琅玕翠立愛細雨疏煙初沐春晝長  
秋聲不斷洗紅塵凡俗高獨虛心共許淡節相期幾  
人間棋局堪愛處月明琴院雪晴書屋心盟更許青松  
結笑四時梅馨蘭菊庭砌曉東風旋添新綠

過秦樓

壽建安使君謝右司

穀雨收寒茶煙颺曉又是牡丹時候浮龜碧水聽鶴丹  
山綵屋幔亭依舊和氣縹緲人間滿谷紅雲德星呈秀

白湖漁唱

二三四明叢書  
約園刊本

向東風種就一亭蘭茁玉香初茂遙想曲度嬌鶯舞  
低輕燕二十四簾芳晝清溪九曲上巳風光鷓詠似山  
陰否翠閣凝清正宜滄茗銀鬢髮香金斗看雙鸞飛下  
長生殿裏賜薔薇酒

醉蓬萊

壽越帥謝恕齋

正槐龍欲老影動朱門薰風簾捲竹外人清聽秋聲將  
轉夢草池塘種蘭庭砌爽氣生葵扇香染黃扉律調翠  
簡賞音清宴因念南陽碧幢煙靜綸玉宣頻響絲催  
遣帶錫犀虹寵下甘泉殿笑指蓬萊畫舸東去向五雲

蔥蒨騎竹歡迎賀家湖上綠香紅茜

法曲獻仙音

壽雲谷謝秘撰

風簾晴暄晝桐陰早燕閣新香時度沁月樓臺帶山城  
郭西湖翠嬌紅嫵甚愛此閒中趣尋盟舊鷗鷺共容  
與倚闌干靜看飛絮吟嘯裏簾捲暖煙霽雨向一碧玻  
瓈幾東風呼棹來去秀玉芳蘭伴絲簧庭院笑語漸梅  
霖清潤喜近槐扉初暑

八聲甘州

代蔡泉使壽丁丞相

簾垂鴟尾閣桂花風天香滿黃扉向鬱羅霄漢朝回金

白湖漁唱

二三四明叢書  
約園刊本

闕心運璇璣一點元台初度八表共清輝紫塞煙塵靜  
捷羽東飛此際錢塘江上愛月仍夜色潮正秋期想  
波仙水妹同日宴瑤池報龍樓玉音宣勸賜紫金杯泛  
日中葵慶千秋醉長生酒歌太平詩

蘭陵王

辛酉代壽壑翁丞相母夫人

楚天碧秋晚塵清禁陌朝雞靜班退曉墀回馬金門漏  
猶滴千官佩如織來作黃扉壽客黑頭相玉虹紫貂親  
奉春慈拜南極叢萱燕堂北正靄護犀帷香泛鮫額  
瑤池女伴駐鸞翼擁歌袖籠翠舞鞦韆鋪錦屏開家慶怎



畫得想人在仙宅 今夕是何夕正月滿槐廳涼透標  
席黃花滿地弄寒色喜蚤雨初霽鴈風又息龍樓宣勸  
萬歲裏宴太液

木蘭花慢 丙辰壽葉制相

江南春信早問誰是百花魁過攬桂寒蓉初蘭采菊獨  
許寒梅陽和漸回澗底向水西先放一枝開瀟灑纖瓊  
瘦玉化工月翦雲裁 詩催付與雪襟懷消得暗香來  
算知心惟有青松瘦竹白石蒼苔年年上林勝賞撚清  
芳蘸入紫金杯須信和羹未晚歲寒聊自徘徊

白湖漁唱

三三四明叢書  
約園刊本

摸魚兒

壽葉制相

過重陽晚香猶耐江城風露初峭梅花已索巡檐笑春  
入數枝紅小寒恁早正簾捲蒼雲和氣生芝草金蚪篆  
裊喜人樂豐年波澄瀚海星斗煥牙纛 家山近游冥  
十洲三島石橋詩思頻繞朱顏白髮神仙樣誰信玉關  
人老春漸好望闔闔天低咫尺瞻黃道祥雲縹緲看柳  
色沙隄鶯聲禁輦鳴佩鳳池曉

漢宮春

壽鄉帥范尚書都有蒼雲堂因古柏得名

簾捲蒼雲愛初翔鳳尾忽駕虬枝青青歲寒自保越樣

清奇參天漚雨帶疏苔密蘚芳蕤天賦與凌霜傲雪臞  
然山澤風姿 他年棟梁共許記雪山巫峽曾賦新詩  
庭前可人翠幄蔥蒨煙霏高標勁節有青松綠竹心知  
來試倚摩挲黛色一尊相祝齊眉

又 庚午歲壽谷翁保相

春滿芝田正鶴飛空鸞龜引清漣祥雲滿谷縹緲非霧  
非煙鶯花燕柳占年年三月長安天氣好新聲暖響東  
風十二雕闌 蔥蒨獸鐘香裊映金貂玉佩綠鬢朱顏  
何妨買花載酒日日湖邊煙光萬頃恁清閒纔是神仙

白湖漁唱

三三四明叢書  
約園刊本

芳晝永珠簾靜捲悠然相對南山

風入松

壽恕齋謝待制

西清人住水雲鄉心靜日偏長閒中自樂壺天趣笑紅  
塵誰是羲皇疊嶂雙溪爭似西湖雨色晴光 碧龜巢  
處藕花香波影浸書牀庭前一種紅蘭樹薰風又吹長  
瑤芳竹外椿前舞綵柳邊槐底鳴璫

西湖明月引

壽雲谷謝右司

朝回花底曉星明瑞煙凝暖風輕脩禊溘裙時節又聞  
鶯綽約岸桃隄柳近波萬頃碧琉璃鏡樣平 仙翁佩



襟秋水清渺蓮舟浮翠瀛御樓香近東風裏吹下青冥  
鮫纈圍紅春在牡丹屏日正遲遲人正酒畫簾外一聲  
聲賣放生

臨江仙 壽千入兒

門外湖光清似玉兩桐煙柳扶疏愛閒吾亦愛吾廬鑑  
香心在在杯酒樂如如 有子專城纔四十諸孫顆顆  
明珠傳家衣鉢只詩書一坡存菊意千歲學松臞

少年游 壽雲谷謝右司

光風懷抱玉精神不染世間塵香暖衣篝歌題絲扇清

白湖漁唱

三五四明叢書  
約園刊本

似晉時人 柳邊小駐朝天馬一笑領佳賓簾捲湖山  
花圍尊俎同醉碧桃春

鷓鴣天 壽表兄陳可大

四壁圖書靜不譁裏湖深處隱人家斑衣自鬪百家絲  
烏帽親裁一幅紗 新釀酒旋烹茶半溪霜月正梅花  
前庭手種紅蘭樹看到春風第二芽

霜天曉角 壽疏清陳別駕

月樹風枝孤山兩字詩來到十洲三島香得更十分奇  
陽和遲自遲冰霜欺怎欺且伴歲寒人醉有移種玉

堂詩

附錄

瑞鶴仙

燕歸簾外捲正漏約瓊籤笙調玉瑄蛾眉畫來淺甚春  
衫懶試夜燈慵翦香溫夢暖訴芳心芭蕉未展渺雙波  
望極江空二十四橋凭徧 蔥蒨銀屏彩鳳霧帳金蟬  
舊家坊院煙花弄晚芳草恨斷魂遠對東風無語綠陰  
深處時見飛紅數片算多情尙有黃鸝向人睨睨

垂楊 本意

白湖漁唱

三五四明叢書  
約園刊本

銀屏夢覺漸淺黃嫩綠一聲鶯小細雨輕塵建章初閉  
東風悄依然千樹長安道翠雲鎖玉窗深窈窕斷橋人空  
倚斜陽帶舊愁多少 還是清明過了任煙縷露條碧  
織青裊恨隔天涯幾回惆悵蘇隄曉飛花滿地誰爲掃  
甚薄倖隨波縹緲縱啼鴉不喚春歸人自老

日湖漁唱

日湖漁唱校記

慢

摸魚兒

題原本送春作游春  
从秦敦夫刊本

木蘭花慢

愛吟如寄秦本如  
作好

入寶妝

信鴻秦本信  
作征

畫錦堂

繡簾珠箔 飯趁秦本簾箔二字  
互易飯作政

西湖十詠

探春

縱早起原本縱字  
脫从秦本

秋霽

遠送目 瓊臺秦本遠送作  
送遠瓊作瑤

日湖漁唱校記

百字令

吟鞍秦本鞍  
作鞭

八聲甘州

碧翠秦本作  
翠碧

驀山溪

五湖心原本心作  
去从秦本

齊天樂

啼猿秦本作  
猿啼

引令

江城子

繞屏山原本繞字  
缺从秦本

思佳客

憑闌干 滿院絕妙好詞  
作倚院作地

南歌子

串層玉按申疑  
穿誤

戀繡衾

題紅葉秦本葉  
作句

四明叢書  
約園刊本

又多

帳兒絕妙好詞  
作翠帷

謁金門

春又 蜂情秦本作  
情蜂

鷓鴣天

鳳簫 香遠 襟霧秦本鳳作洞遠  
作透霧作露

糖多令

明干樹吹香秦本與玉字無塵四字互易按  
香字亦叶陽庚通押夢窗詞屢  
見

壽詞

渡江雲

蘭砌曉秦本曉  
作繞

八聲甘州

兩錄虬屏原本錄作  
綠从秦本

過秦樓

觴詠原本詠字  
脫从秦本

日湖漁唱校記

西湖明月引

隄柳原本隄字  
脫从秦本

四明叢書  
約園刊本

日湖漁唱一卷吳伯宛校錄何夢華藏舊鈔本攷阮

文達孳經室外集云千頃堂書目稱二卷或併西麓

繼周集計之江都秦氏本跋稱補遺二十二首與慢

曲西湖十詠引令壽詞通為一卷此蓋前人所為秦

輯續補遺云於諸名家詞中搜得實皆見繼周集中

以補漁唱殊失舊觀惟瑞鶴仙垂楊二首不知据何

本輯入今依伯宛說附此卷後竝据秦本及周公謹

所選諸作校舉如右丙辰五月夏至後二日朱孝臧



跋

日湖漁唱校記

三 四明叢書  
約園刊本

日湖漁唱校記

柳

塘

外

集

二

卷

造培型



甲辰

仲夏

刊茲

心道

衆德

欽定四庫全書總目卷一百六十五

柳塘外集四卷 浙江鮑士恭家藏本

宋釋道璨撰道璨字無文姓陶氏南昌人咸淳間嘗主饒州薦福寺所著別有語錄故此以外集為名釋氏以佛典為內學以儒書為外學也其詩邊幅頗狹未能脫蔬筍之氣而短章絕句能善用其短者亦時有清致如題水墨草蟲陳了翁祠和恕齋濂溪書院諸作未嘗不楚楚可觀沙中金屑固亦不容捐棄矣雜文中送一侍者序一首乃為日本僧作考宋史外國傳所載

柳塘外集 四庫總目

一宜 秋 館

自太宗時奮然入朝後屢有倭僧奉貢迄南渡不復見僅紀其國舟飄至內境數事至嘉泰三年以後遂絕不復書此序作於淳祐戊申稱其去國六年一日東歸計其來日當在淳祐三年殆求法東來非充貢使故文不得而載之非漏略也集凡詩一卷銘記一卷序文疏書一卷塔銘墓誌壙誌祭文一卷宋以來諸家書目皆未著錄

國朝康熙甲寅釋大雷始訪得舊本釋元宏燈位因為校正鈔版書雖晚出而核其格意確為宋

末江湖之體不緣贗造考吳師道禮部詩話已載其題蘇堂竹一首則宋代實有其人疑當時名不甚著僅彼教自相傳錄故閱數百年始見於世云

柳塘外集 四庫總目

二宜 秋 館



原序

馬祖以不世出之才賢應識上蓋化被天下凡草木霜濡之者皆活祖師意後之食毛茹土於斯者如飲鴆毒嬰之則命根斷故中其毒者咳唾掉臂皆能殺人活人發而為語言為文字無不薰天炙地蓋止五百年後即千萬禩而毒氣勃勃不可觸吾於璨翁之手著深有感焉翁之語錄近日始繡梓於海鹽如萬鈞洪鐘裂範出土孽贖未有不立醒者獨外集拾遺四卷藏於新建昌邑養母之室賁上廬山子甲寅避亂讀之於黃岳歸宗入大盧復得昌邑原本校正噫是集也不傳於五百年前乃傳於五百年後翁嘗序高僧傳云發潛德之幽光訪遺才於林壑斷碑草莽奮筆端之銳而表章之以成末世之大典天下豈無人乎此蓋翁之自序也此毒流行命根未斷者當以此為發藥康熙己未春住壽聖後學沙門大雷慶槃譚謹撰

原序

南宋無文燦禪師語錄既行於世不啻明月于江開悟後來不少其柳塘外集不知棄藏何所

柳塘外集 原序

一宜秋館

間見一二章俱最上乘壬寅歲首石兄和尚從

長安來暫息荒山竹爐湯沸之餘即片言長語

皆深相契也居數日乃出此集同盟手焚香讀

之此岱數十年所願見而不可得者今得細玩

其全且有聖壽大雷和尚序其梗槩歡喜無量

爰就石兄請付棗梨噫由宋迄今已歷五百餘

年物之遭毀壞者不知凡幾而斯集復傳播人

間此固大丈夫事業歷久彌光有出於生滅之

外者為識簡端要當與唐貫休諸大老並垂不

朽焉耳雍正癸卯仲秋朔旦住湛真後學井人

柳塘外集 原序

二宜秋館

燈岱和南謹書



柳塘外集卷上

宋江西饒州薦福寺沙門釋道璨無文著

陪山泉登芝山和文正公舊韻

培塿視崔巍眼高如許哉舉頭天在上四面景皆來  
漸老成多病看山又一回盡供詩世界霽色為君開

水月軒

江水清無底江月明如洗開軒挹清明道人清若此  
春風不搖江面波春雲不載江頭雨天地無塵夜未  
央照影軒中惟自許我來風雨夜漫漫水月俱忘無  
表裏笑拍闌干問阿師水在月兮月在

柳塘外集卷上

二宜秋館

題物初蕙蘭

花短秋意長神清顏色少筆端有西風國香來未了

仙巢海棠洞

領客坐花陰飲客酌花露先坐自家春八荒一牖戶  
漭其望前修一枝閱世故鶴車來不來東風吹日暮

野水橫舟

望之一葉輕卽之萬鈞重大風吹不去世波搖不動  
送盡千帆飛濟川已無夢月冷蘋花秋此與白鷗共

月窟

以上三題為徐竹堂吟

鑿開混沌竅豁見天地根舉瓢酌桂漿引足蹈崐崙

湛然一精明身外無乾坤我亦從之遊雲深入無門

蘭溪夜泊

我泛浙西船夜泊蘭溪岸逢窗坐不眠縣鼓鳴夜半  
橋上趁墟人往來徹清旦辨此朝夕勞不博一日飯  
復羶睡正煖閉戶有人嫌夜短

贈觀妙道士

妙處不可觀可觀非是妙杳杳無方所冥冥無朕兆  
我觀三十年力盡不能透及其會心時欣然惟一笑  
碧桃開晚花黃鸝轉春晝大哉眾妙門老子親傳授

題源虛叟廬山行卷

柳塘外集卷上

二宜秋館

胸中有廬山筆下有廬山窗下有廬山眼中有廬山  
別山十七年見山一日閒韻險落鬼膽語妙破天慳  
永懷看山人恨不同躋攀摩挲青石硯負山良厚顏  
天風幾時來乘之欲西還

題於潛西菩兼山閣參寥受業

青山在屋頭易見甚難識如玉有粹氣如土有正色  
平生萬里眼付此千丈壁雲行山欲動雲深山更碧  
動止同一機兼處貴自得心外無青山身外無周易  
安得識上人倚闌論未盡

一本上人  
上山

題會稽孫竹閣望梅亭



梅梁在屋東梅溪在屋西舉頭東西望古意入雙眉  
彼溺猶已溺彼饑猶已饑皇皇聖人心萬世同一機  
誠明與物欲方寸分町畦火然而泉達充擴無邊涯  
禹亦何人哉勉之宜及時

和雨巖吳提刑奉母夫人雨中登魯公亭

白髮照黃花薄晚散幽步何年乘五雲來自三神嶼  
膝下千載人富貴等儒素西風天地秋細雨江城暮  
酒酣拍闌干憂時起愁思懷哉平原公孤忠乃吾與  
重此一臂力日月容易去

喜雨呈梅石趙都大

久旱天地焦酷出秦法外一雨中夜來漢兵起豐沛  
萬物皆吐氣昭蘇脫厄會憂國有天人愛民如子輩  
心香徹九關化爲雲變黓生意一萬里直在方寸內  
老農相與言曉晴坐牛背一本天人  
天作夫

寄題瑞昌簿廳景蘇堂墨竹有序

東坡自黃移汝別穎濱于高安過瑞昌亭子  
山題字石岳點墨竹葉上至今環山之竹葉  
葉有墨點王北麓主瑞昌簿移植廳事扁其  
堂曰景蘇蓋簿廳東坡夜宿地也

一葉復一葉世道幾翻覆一點復一點書脈要接續

親見長公來一節不肯出見竹如見公北麓能不俗  
回首熙豐閒幾人愧此竹翰墨直枝葉點化到草木  
長公有深意此事付北麓

和臥龍招隱吟

孔明臥龍在南陽朱晦菴臥龍在廬山

武侯與晦翁千載兩名流各以一臂力能鎮百世浮  
神遊天地閒或爲山阿留心期有佳人駕言寫幽憂  
水流巖花開山空明月秋桂樹影團團乳鹿鳴呦呦  
薦菊秋盈筐酌茶花滿甌兩翁來不來徘徊駐歸騶

和梅邊汪提幹

一本挾作映獲作覆

我夢稽山陰茂林映脩竹鑑湖八百里眼看不盈掬  
管領天下清此樂梅邊獨幾欲驅車去雲根夜同宿  
山空秋月明安期未可卜蓬萊水清淺褰裳同往復  
徑謁蔡少霞不待青童覆共草新宮銘調高語圓熟

和童敬重

空山木葉下坐觀不二門茶香舌本甘直探天地根  
兩袖江海風眼前見夫君十年戎馬閒未廢詩與文  
逐祿士之常一廉減萬想六經在日用論說漫深廣  
躬行能尺寸光燄長萬丈世波易溺人外此無保障

潛上人求菊山

具郎號菊山秀色已衰朽潛郎號菊山清香滿襟袖

初集卷上

三宜秋館

初集卷上

四宜秋館



天地一東籬萬古一重九絕愛陶淵明攬之不盈手  
後人不識秋多向籬邊守燦燦萬黃金把玩豈長久  
西風容易老回首已如帚因潛憶具郎有淚如苦酒

送愿上人過雪竇兼呈弁山

去年無準死今年癡絕喪二老百世師一去空天壤  
玉磬與天球滿耳皆新響堂堂萬鍾鼎橫列乳峰上  
愿也天台來雙眉擁青嶂要見乳峰人不作行役相  
碧樹明秋花吹香上藤杖長松四十圍懸水一千丈  
到門相見時爲我問無恙一本絕作絕

雪菊并序

柳塘外集卷上

五宜秋館

山泉園中有雪菊盛雪乃開今歲雪止再作  
猶未開也山泉有詩次其韻

大雪凍不死秋風吹不開許大天地閒受得一氣猷  
生意在根本肯趁陽和回要從梅兄遊一笑霜雪堆  
六花已飛舞槁悴如根菱下有返魂香英英死不摧  
老仙造化手妙處能奪胎喚醒萬黃金桃李皆奴儕  
對花酌老仙高致誰能陪東籬有佳人萬些招不來  
坐圓常江天軒聽謀西江示眾語

三洲相接連斷處直如割中洲二十里平沙淨如刷  
雲開天四垂雨晴山一抹綠波三萬頃乞與漁翁撥

納之窗戶閒道人巧點綴我來不忍去倚闌腕欲脫  
草青煙冉冉柳靜浪聒聒天風駕滄海奔突不可遏  
忻然見此翁句險眼能活溯流欲從之水深春岸闊

紀夢

我不識靈溪夢向溪邊去溪遶屋頭流橋通溪上路  
軒窗面水開水清石無數煮茶僧請詩茶香竹當戶  
花箋暈淺紅霜毫脫毛兔引筆信手書波峭含韻度  
置筆喜語客眼明失沈痼夢覺秋滿牀殘月挂庭樹  
病眩二十年萬花舞深霧夢中能楷書以我心念故  
人生孰非夢百年等是寓便欲驅車去傍溪縛茅住

柳塘外集卷上

六宜秋館

但恐秋雨來溪深不可渡

贈明侍者

好詩無音律至文難言說學之無他術先要心路絕  
兀坐送清晝萬事付一拙如是三十年大巧自發越  
萬象赴陶冶百怪乞提挈興來忽運筆妙處無前哲  
古來翰墨士外此別無訣明也江南來俊氣方烈烈  
乘潮窺海門入越探禹穴須從言外參莫向紙上竊  
此方吾所秘爲子輕漏洩慎勿語俗子只可自怡悅  
吳太清有遠役以詩寄別次韻

宇宙入八窗芙蓉製衣裳兩眼挂萬古深柱書傳香



筆端膚寸合要作天下涼餘事亦演雅競弄正未妨  
顛倒走百怪陸離羅眾芳氣餒壓牛斗何止萬丈光  
笑他兒女曹白道空茫茫秋風三尺劍塵土壓下方  
斫卻月中桂及此鬢未蒼我欲援北斗酌以椒桂漿  
文章于此道泰山一毫芒洙泗到伊洛波瀾正泱泱  
多少遡流人褰裳復回翔孰知方寸閒一葦直可航  
勉哉吳夫子此事當毋忘

踏雪下雲居山宿崇壽寄草堂

別山三十年見山雙眼碧山靈喜我來一笑作戲劇  
縱橫萬花舞變亂山顏色圭壁拔地起自在羣玉國

柳塘外集卷上

七宜秋館

去興紛莫留下足深沒膝疎合坡長短石礙路欹側  
躋攀脚未穩失勢落數尺平生江海屐常患天地窄  
立處貴穩實取道貴徑直只要緩步行不在多用力  
祇以到爲期半途肯休息須與到山趾坦途隨意適  
回看行路處倚天立青壁極愛山上雲長年抱幽石  
耐得許多清一夜遙相憶

和郭潛溪

秋氣入我窗秋風吹我裳可人溪上來語妙齒頰香  
餘味徹肝肺散作六月涼苦吟有天知不知正無妨  
譬如藜生藺無人亦自芳明珠遺我把爛爛照乘光

疾風駕滄海世波正茫茫老氣蓋九州老眼隘四方  
黃塵暗長淮蒹葭色蒼蒼醉草馬上檝舉瓢酌天漿  
雲開帝星明妖彗收光芒長江砥樣平鷗鳥水泱泱  
照影東湖濱矯首看橫翔釣竿拂珊瑚涼意滿歸航  
到海得明月寄我毋相忘

送西苑徑上人見深居馮常簿求寺記

一本逸作遺破樣  
作底橫鳥作閒

一本經  
作經

西苑寶峯麓占地寬一弓梵放殷青冥與峰相長雄  
鬼賊何方來包舉歸提封樓鐘不敢鳴僧趨鄰寺鐘  
徑也鐵石姿直欲箋天公天高不可叫虎豹守九重  
六年長安道往來如飛蓬雲開日正杲死草生華風

柳塘外集卷上

八宜秋館

青山復入手盡掃狐兔蹤魚鼓發新響松桂還舊容  
掘地尋泉源鋤荒理菊叢桃李一家春萬古無異宗  
玉色十丈輝秀潤淨磨礪大書付誰氏千載深居翁  
他年來讀碑病眼摩朦朧爲碑三夕留臥聽寒岳松

和蕭泰山韻贈相士李月齋

心明于月過于月廣寒有殿無城闕不須更服九轉  
丹目光射人如月寒凌煙閣上公侯像未必肩如山  
字樣玉川地上蟣蝨臣未必文章非此人口眼分明  
天不夜輸與月齋擅聲價

一本肩如  
如作無

和滄洲尙書送坦上人



貂蟬換卻章甫冠十年出入鴻行開天門九重虎豹  
惡手搗諫疏歸掩關白鷗浩蕩滄波闊冷看諸公治  
三窟庭院無人春日長尙記向來頻往復平生眼裏  
無機雲建安餘子不足吞剔起枝葉見本根滄洲上語  
人將底酬公恩

題饒德操鬪子長紫芝詩軸

一本子作子

郭家墓田土花碧輪菌紫芝大盈尺淋浪雨淚種得  
成不識春風生長力晴雲練練依遙岑霽月炯炯懸  
崖陰苦心實竹誰賞識青山重疊黃泉深兩翁落筆  
九天上發輝潛德光千丈此卷長留天地閒靈芝萬

柳塘外集卷上

九

宜秋館

古常無恙

送誠上人

長安城頭秋日黃長安道上秋風涼遊子念親從定  
起一衲卷雲歸故鄉七月八月吳楚路十里五里東  
南疆遙知子母相見處籬落黃花吹晚香我母今年  
六十四千丈白髮應蒼浪石田茅屋歸未得西山幾  
度明斜陽因送君行發深省天地闊遠愁茫茫他年  
相尋君勿忘楊柳當門水滿塘

題善佐閣

閣前溪水聲潺湲閣外山色空巖峴取之不得舍不

得善住道人如是觀浩蕩春風滿天地飛絮遊絲無  
定處去無所至來無蹤善住道人如是住有所住兮  
成守株魚止濼兮鳥棲蘆無所住兮成漫浪空中迹  
兮鏡中像道人一笑璨琳琅住不住兮吾已忘閒倚  
闌干春晝長眼看白鳥浮滄浪

題和山推蓬看梅圖

沙頭寒聲入蘆葦沙際暝煙溼微雨疏花明在樹梢  
頭吟身臥在船篷底相看一笑大江橫白鳥不飛天  
似水逃禪英骨閻九原楮郎有神呼得起佩強橫枝  
不受屈玲瓏孤標淨如洗春風滿面吹不開冰雪滿

柳塘外集卷上

十

宜秋館

身凍不死歲寒心事誰得知大似和山隱君子我有  
扁舟篋笠盟落在吳頭并楚尾挑燈今夜不成眠免  
得相尋來夢裏

寄題趙山台蓮花方丈

一本趙作趙

四壁縱橫都十尺門對若耶溪水碧畫闌漠漠吹香  
風綠窗練練浮秋色中有詩家白玉顏飲露沐芳度  
朝夕當軒大坐眼波橫只許詩人來入室

和鄭半溪

詞林丈夫安晚氏筆端有口吞餘子阿戎在傍橫點  
頭萬言不直一杯水文詞于道祇毫芒枉勞平生兩



鬢蒼落花植實願自關

賦張寺丞樗寮

樗寮先生千載士草木有誰同臭味外無刀斧斫削  
痕中有冰霜不老氣紅紫紛紛滿上林我自無心趁  
桃李蘇秦張儀自縱橫寵辱不驚魯連氏梁棟栽栽  
入阿閣我自無心爲杞梓杜喬李固自黨錮網羅不  
及徐孺子故家喬木百世陰有此孫枝能蔽芾落去  
英華植本根深培不朽聖賢事犧尊青黃互翻覆眼  
看世事如醒醉願言善保邱壑姿留取清風在天地

樗寮生日

柳塘外集卷上

十二直秋館

長庚流輝千丈強斗南夜氣浮耿光晉唐以前舊人  
物翩然乘風下大荒平生厭官不愛做自歌招隱山  
中住後園明月手自鋤多種山前老梅樹歲寒心事  
梅花清滄浪白髮梅花明有時指花對客道此是吾  
家難弟兄上國春風醉桃李過眼紛紛付流水禁得  
清寒耐後霜幽獨何曾有如許今年枝閒著子無黃  
金作顆應纍纍想見日長庭院靜時時繞枝如哺雛  
摘來不用供調鼎且喚麴生相管領等閒一醉一千  
年莫遣東風吹酒醒

和余山南僉判清溪觀荷

東風已老南風急浪蕊浮花和露泣翠袖盈盈波上  
來相向美人如玉立軒渠一笑俱動容彼此一樣冰  
雪蹤明珠散不論斛斗清溪化作驪龍宮大江以東  
北山北時樣新妝皆失色古心一寸誰得知江上晚  
來數峰碧普天之下率土濱容著不盡胸中春濂溪  
愛花我愛葉難將此意輕語人探尋勝處到深杳兩  
眼眈眈天地小不離枝葉見花實紅白紛紛跡如掃  
膝閒不著無絃琴酒中清濁時自斟興寄超然八荒  
內身在水流香世界綠雲冉冉撥不開樂地可中能  
許大中通外直真絕奇一語能覺千古迷二百年後  
誰傳衣清溪滾滾通濂溪

柳塘外集卷上

十三直秋館

柳塘外集卷上



柳塘外集卷下

宋江西饒州薦福寺沙門釋道璨無文著

和陳東廬提幹

髮白爲憂時思家日念歸涉春問行李隔歲理征衣  
夜雨緜書屋秋風把釣磯丁寧舊童僕拂拭薛痕微

和吳山泉知府

亂來誰訪古杖履竹邊聞小立真堪畫閒談亦自文  
長翁千載語中允百年墳寂寞廬山下幽尋獨有君

和馮叔炎梅桂二首

色香俱第一知已是華光風咏嫌膚淺精神貴斂藏

柳塘外集卷下

二宜秋館

一生雖抱獨千古卻流芳若論調羹事還他一日長  
風露透枝葉團團翠滿坡但教秋思足不必月明多  
騷在誰招隱山空自放歌故家射科手折取莫蹉跎

和致軒送余魁

眉睫功名氣筆端天地春孰知心念苦祇與聖賢親  
味淡有真樂眼高無古人金鑿行夜直坐聽漏聲頻

哭馮深居常簿

泛宅江湖上蕭蕭兩鬢皤祇知衣可典不厭客來多  
文富家安有名高實若何身前身後事令我起悲歌

致軒趙使君領客及妻子人山卽事次韻

戴家湖上宅近市有山林雨足四郊潤雲低盡日陰  
竹疏和翠減松老愛春深留得行窩住樓頭午漏沈

和致軒使君午日讀騷

君王愛不均不信問江濱卻是一江水能知千載人  
仲連寧蹈海百里忍之秦先死依蘭芷還他不二臣

上安晚鄭丞相三首

相國歸來臥舊山功名雖好不如閒向來北望中原  
眼送在滄波白鳥閒

清于獨鶴瘦于梅小袖春衫晉樣裁推出柴車人共  
指前身曾住洛中來

柳塘外集卷下

二宜秋館

日食何曾費萬錢只將苜蓿薦春盤俸餘不用肥奴  
馬留買青山取性看

迎晦靜湯先生

向來九虎守天關已是無心便出山字裏春風閒不  
得又攜桃李種人閒

寄無聞知侍者

手把黃花語後期孤山雪後早梅時春風不管人無  
信又要吹香上北枝

題水墨草蟲

蜻蜓低傍豆花飛絡緯無聲抱竹枝憶得西湖煙雨



裏小園清曉獨行時

過桃花寺懷東叟

主人去後客來過丹竈重重鎖薜蘿滿院碧桃花寂寞春風不似舊時多

疏山問竹

坐對青青仔細看別來且喜尙平安山中歲曉風霜惡不易孤標耐得寒

立秋

碧樹蕭蕭涼氣回一年懷抱此時開槿花籬下占秋事早有牽牛上竹來

柳塘外集卷下

三宜秋館

睡起

青青岸草綠于袍雨後紅流數尺高庭院日長春睡足幽蘭花底讀離騷

秋思

草根無數候蟲鳴月在梧桐樹上明庭院無人過夜半自攜團扇繞階行一本樹作枝

國祥齋中晚坐

鑪香燒罷欲黃昏風雨瀟瀟懶閉門聽得疏鐘林外發上方道士正朝元一本續作夜

過舅氏宅

墻頭楊柳老無枝門外新泥淤舊泥因看兒童騎竹

馬憶曾隨母北歸時

超師房

巖桂花開滿院香青莎葉底有鳴蟬人家只在西林住雞犬聲中又夕陽

悼延慶教僧

燈火青青照夜堂誦經辛苦早年亡白蓮花發秋池上誰住池邊舊日房

送許野鶴子姪過洛陽秋壑制使

柳塘外集卷下

四宜秋館

貴紅葉花開有牧之

和南屏湯司戶望斷南屏眼力窮吟邊不見玉璫瓏日長十二闌干外誰共庭槐一院風

寄題高大清東村

浮花浪蕊易飄零看著桑麻眼便青荷鋤歸來春晝永案頭重讀相牛經

和蔡提幹二首

新吟痛快底能加八月秋風萬里槎海上詩家無行輩分明春雨一池蛙



落盡燈花獨倚闌  
四簷風雨夜漫漫  
也知憂樂先天  
下不是推敲字未安

山泉萬竹亭

風流不減晉諸賢  
冰雪精神已凜然  
歲晚莫教冰雪  
盛聽他明月下青天

一本冰雪精神  
冰雪作枝葉

陳了翁祠

一窗南日照芳祠  
憂國空存兩鬢絲  
更化早知成紹  
述平舟悔不用元龜

和怨齋濂溪書院二首

滿目青山滿面風  
誰云太極在圖中  
晦翁去後僧來

柳塘外集卷下

五宜秋節

少苔滿空堂  
曉日融

洙泗淵源水一溪  
薜花綠徧考亭碑  
白雲散盡青山  
出一卷通書未寫時

和題洪內翰楚航

學海無邊心自謀  
天風滿棹去還留  
慶源以後波瀾  
小老卻湖邊月一舟

一本源  
作元

題趙信國墨梅

大耐冰霜老玉關  
北風滿面不知寒  
無邊生意天難  
泄春色教人紙上看

病起和徐處士並寄致軒二首

臥聞開到碧桃花  
病起情懷屬自家  
報到春風無可  
得呼童洗鼎煮新茶

讀易年深眼易花  
尙餘心力到詩家  
日長更有幽憂  
病臨罷蘭亭品建茶

讀陸雲西志  
供定城墓有感書呈子勉總幹三

首

汲水傷多井水渾  
刈葵放手損葵根  
不能誤國靈歸  
去無愧忠宣直下孫

到家差晚兩眉顰  
直氣輪菌吐未伸  
卻恨青山埋骨  
早不教眼見洛陽人

柳塘外集卷下

六宜秋節

一艇東來公已仙  
午天花柳爲誰妍  
深培根本存生  
意把握春風有阿連

和題淵明祠

一寸歸心酒得知  
門前官道是危機  
道傍也有人歸  
去不似先生真個歸

和慶兄覽鏡

清癯骨相瘦觀流  
詩不能工滿面羞  
鏡裏新愁無一  
點卻因吟事上眉頭

一本觀  
作額

和紅梅

姑射真人笑臉開  
肯將顏色流香腮  
仙游曾向桃源



過引得春風上面來

懷舊業

雲滿空階書滿牀  
開門對面是清江  
多時不看梅花影  
閒卻中庭月一窗

投筆

無心檢點筆頭春  
疏懶從教到十分  
留取半生揮翰手  
巖前無事學耕雲

為鄧子輝賦拙齋一本鄧作鄭

歷盡風波學得歎  
全無伎倆口慵開  
門前不厭頻來客  
要學聰明莫入來

釣臺

柳塘外集卷下

七宜秋館

漢室興亡一聚塵  
山河社稷幾番新  
獨餘七里灘頭水  
只屬嚴家不屬人

西湖除夜

又來上國看新元  
細嚼梅花噉冷泉  
阿母在家年六十  
孤兒為客路三千  
身居東海滄波上  
心在西山落日邊  
碧戶朱門楊柳岸  
不知歸日是何年

送松岡黃提幹

人物如公豈久淹  
極和平處極森嚴  
無心為祿長思去  
直道從人肯避嫌  
學務躬行惟恐失  
貧於未仕不

言廉書邊大有閒  
田地有口從今只學鉗

和恕齋吳提刑秋陽菴居

截斷人閒名利塵  
橫塘深碧護新墳  
昏明不定霜天月  
開合無心竹屋雲  
風雨對牀差可喜  
乾坤萬事不堪聞  
栽松種竹閒功課  
卻為憂時一半分

和鄧講書一本鄧作鄭

楊柳陰陰水一涯  
無邊天地入窗紗  
土階過雨苔生潤  
竹徑無人草自花  
聖處工夫期我立  
吟邊生活賴成家  
夜來夢泛滄浪水  
兩袖天風釣岸沙

賀恕齋除兵部侍郎雜字上補鴛字據秦小峴校補

柳塘外集卷下

八宜秋館

面無老色氣精明  
南海歸來住未成  
不道山中無宰相  
要從恕上做功名  
雲屯萬騎西風急  
月浸三邊夜柝清  
謀國定知有長算  
鴛鴦不樹向南旌

和謝君澤題弋陽桃花寺並弔鄭盤翁

一曲清溪十二闌  
分明常在畫中安  
千年藥竈和雲煖  
五色丹光徹夜寒  
魂夢不來懷好友  
山居能久是蒼官  
葛翁顏色紅如染  
不信桃花樹上看一本微作奪

和楊在軒劑院

箭下曾親中鵠來  
一蓑風雨雪川回  
近詩不逐唐聲變  
燕服多依晉樣裁  
竹屋逢僧閒煮茗  
梅邊領客慣



行杯終當夜直金鑿去要試平生倚馬才

和謝君澤主簿

掉臂紛紛桃李場聲名暴耀急收藏春風未解瞻顏  
色落月常思滿屋梁太學十年心獨苦天門一疏日  
爭光弟兄千載詩書澤染得人閒草木香

和耕道趙制幹與賈秋壑同科

家近芝山傍淡湖城居清似隱人處凌煙閣上同年  
在光範門前一字無信口語言多得忌謀身術數不  
嫌疏人生要是閒中好軒冕何須苦見拘

和騰可趙司戶

柳塘外集卷下

九宜秋館

可人久別喜逢迎分坐南窗曉放晴竹所多時無此  
樂梅兄一笑讓渠清字如晉樣神饒韻詩比唐人語  
更精雋永章編有真味更須分我一杯羹

賀謝君直新除史館檢閱

久矣常我身角冠未應上綴史臣班名高自是難推  
去才大如何愛得閒齋閣不須垂絳帳精神留取上  
蓬山散人夢落滄江外白鳥冥冥去不還

一本江作浪

和山泉喜雪

高下隨風自在吹縱橫萬里急還遲園林頃刻生春  
意天地中間有此奇深入重城垂薄霧不持寸刃令

行時夜來竹外深盈尺凍損梅花人未知

和春谷趙泉使賀端齋趙憲使喜雪

蕊宮仙子下明湖剪水桃花更滴酥潔白十分天下  
瑞光明一片刻溪園園林春到何嫌早闔闔雲開不  
待呼方寸去天纔尺五笑他上界覓元都

一本明湖作晴湖

見和菊隱陳知縣西巷有感

滿地蛩聲夜漏沉山人懷抱可能禁易云太極先成  
象詩到離騷落在吟兩眼分明天下事十年出處月  
中砧吳家兄弟平生愛學處能窺天地心

和南屏湯司戶

柳塘外集卷下

十宜秋館

夜窗燈火共論心喜動眉鬚不自禁嶺海五年雙鬢  
短乾坤萬事一杯深肝腸疾惡言多直懷抱傷時老  
易侵歸路江梅花正發書來定寄短長吟

和雲壑吳衡州

紛紛世事幾昏明作計還山又未成欲學種松消永  
日不從煨芋博虛名雲開衡岳鵬程闊秋入鄱湖雁  
影清也欲摩挲病來眼春風煖處望前旌

和傅處厚

翰墨風流已可人文章不敵五窮靈路當盡處山方  
好花到開時葉自零欺我盡教雙鬢短知心幸有一



燈青柴門莫放閒雲入付與春風自在扇

紀夢

予疇昔之夜夢與樗翁共坐南窗翁出所作  
誇字韻詩索和及覺能記前六句續之成章  
予從翁三十年五帝三王之學二氣五行之  
理古今治亂之端夷夏盛衰之數與到劇談  
亶亶不已而半語未嘗及詩翁仙去逾年矣  
豈以此爲欠事故爲予脩末後供耶予平生  
夢中所作詩文不能追憶一語而此詩能記  
六句吁亦異矣返念夙昔感慨生死泫然書

柳塘外集卷下

二首 依韻


之

輕雲卷雨過簷牙楊柳池塘合亂蛙四壁月華春夜  
永一年風物此時佳詩當澹處工差進心到平時語  
不誇睡眼醒來人不見杏花散影滿窗紗

柳塘外集跋

柳塘集有二本一爲四庫著錄釋大雷所得釋元宏校刊於康熙間四卷本一爲江都張師孔在廬山傳鈔舊本僅錄其詩分爲二卷凡百二首此刻是也此本乃錢塘丁氏所藏一出醉經樓鈔本一係振綺堂所藏舊鈔以兩抄互校聞新昌胡瘦篁侍御有釋大雷刊本走伴寄稿乞勘又得校正十餘字補鈔序二篇灑允假鈔文集劍合延津會當有日先以詩集付諸梓人胡君收藏甚富頗多秘本鼎徵刻南北宋人集曾允相助爲理致足感也甲寅仲夏南城李之鼎振唐謹跋





桐漂詩集

光緒廿二年丙申初夏

句出笈四基畧



泉唐丁氏重梓

橘潭詩稿

春寒

錢塘 何應龍 子翔

博山熏盡鷓鴣斑羅帶同心不忍看  
莫近闌干聽花雨樓高無處著春寒

客懷

客懷處處不宜秋  
秋到梧桐動客愁  
想得故人無字到雁聲遠過夕陽樓

寫情

灑淚題春墨  
暈乾東風無便寄  
郎難青箱再展  
牋雲看盡卻相思  
字不完

寄胡雪江

借得官亭小  
似船六橋風月友  
三賢芙蓉未發  
荷花老一點詩情若箇邊

旅中示同輩

與君同出已多時  
費盡囊金典盡衣  
只待春江煙浪暖  
小舟先趁白鷗歸

清曉

清曉輕泉一信風  
花添紅粉草添茸  
畫樓十二闌十曲  
春在珠簾第幾重

筍

泥中莫怪出頭遲  
歷盡冰霜祇自知  
昨夜震雷應渭畝

請君來看化龍枝

過垂虹

垂虹橋下水連天  
一帶青山落照邊  
三十六陂煙浦冷  
鷺鷥飛上釣魚船

吳蠶

正是吳蠶出火時  
交交聽外一禽啼  
溪西有葉高難采  
遙見青裙上竹梯

效香奩體

雲幕重重雨未收  
嫩寒先到玉簾鉤  
一杯晚酒無人共  
羞帶雙花下小樓

木犀

露粟藏金一半開  
層層碧玉映樓臺  
西風昨夜吹香過  
人在闌干待月來

夏日即事

野土生煙草樹焦  
彤彤日脚火雲燒  
池邊自拗清荷葉  
分付山童蓋藥苗

題駱秀才葺故廬疏

家在西湖合湖橋  
短籬圍得數椽茅  
歸來頗費支撐力  
羞見春風燕子巢

有別

樓上佳人唱渭城  
樓前楊柳識離情  
一聲未是難聽處  
最是難聽第四聲



春詞

玉纖輕揭繡簾開行到花前淚滿腮正爾春心無處託  
一雙蝴蝶忽飛來

有所思

曾倚空屏唱柳枝一聲嬌逐暮雲低重來只見流鶯在  
立盡斜陽不肯啼

小園

池占方方十丈寬已栽花木四時看客來莫笑生涯薄  
窗外新添竹數竿

為客

初秋為客暮秋歸一擔輕囊半是詩試問客情何處悲

桐潭詩稿

三

五更孤店酒醒時

東風

和徹詩篇得暫閒落梅香裏立闌干新裁白紵春衫薄  
猶怯東風一陣寒

有所見

不著畫羅金縷衣尋常打扮最相宜春風燕子樓前過  
飄落梨花雪一枝

曉臆

桃花落盡李花殘女伴相期看牡丹二十四番花信後  
曉臆猶帶幾分寒

居家

居家到底勝居官啼鳥聲中畫掩關待得小園花落盡  
更須移酒對青山

采蓮曲

采蓮時節懶勻妝日到波心撥棹忙莫向荷花深處去  
荷花深處有鴛鴦

盆中四時木犀

一樹婆娑月裏栽是誰移種下天來金英卻似清宵月  
一度圓時一度開

相思

二月春風楊柳青聞郎繫馬到長亭相思情味如中酒  
折盡梨花嗅不醒

桐潭詩稿

四

江上有感

江上秋深客未歸荻花楓葉兩依依傷心最是長橋路  
落日西風一雁飛

見梅

雲遶前岡水遶村忽驚空谷有佳人天寒日莫吹香去  
盡是冰霜不是春

舟中偶成

黃帽招呼急下船天明僅可過涵山朦朧一枕梅花夢  
猶在寒臆紙帳閒

題臨安儂樓

過了燒燈望燕歸春寒剗地勒芳期杏花深巷無人賣

細雨空簾盡日垂

粉蝶

宿粉棲香樂最深暫依芳草避春禽  
晚來風起還無定舞入梨花何處尋

活計

三閒茆屋蓋頭顱除卻吟篇事事無  
擬把十年窮活計一時傾倒向江湖

無愁

世閒惟我最無愁纔是無愁得自由  
午睡覺來門半掩一池春水看魚遊

春陰

橋潭詩稿

五

密雨流酥入翠苔春陰日日鎖樓臺  
女郎未有尋芳約辜負櫻桃一半開

老翁

八十昂藏一老翁得錢長是醉春風  
杏花村酒家家好莫向橋邊問牧童

清明

踏歌搥鼓近清明小雨霏霏欲弄晴  
喚起十年心上事春風樓下賣花聲

杜鵑

君若思歸可便歸故鄉祇在錦江西  
不知何事留君住卻向空山日夜啼

贈友人

我向詩中爲活計君於酒裏作生涯  
世閒樂事惟詩酒各自風流占一家

簾

半窳香波護曲闌綠花紅映玉鉤閒  
曉來幾陣輕風過時見溪南卷畫山

碧桃

玉仙同駕玉鸞飛天上曾攀帶露枝  
一片不知何處落曉來流到湧金池

芍藥

金蕊絲頭茜染成五雲樓映玉盤傾  
謝郎一入中書後二十四橋空月明

橋潭詩稿

六

傷春

荷葉初浮水上錢柳花飄盡岸頭絲  
不知春色歸何處欲向空山問杜鵑

效無題體

玉釵風斷扇雲深砌冷簾空月易沈  
流水落花無處問一年春事一年心

橋潭詩稿






榮

德

集

卷

卷



二



南秋舊校  
城館利  
宜以本

提要

臣等謹案蒙隱集二卷宋陳棣撰棣始末諸書不載惟凌迪知萬姓統譜載陳汝錫字師予紹聖四年進士官至浙東安撫使子棣字鄂父以父任官至通判潭州今考集中知軍劉公挽詞第三首自注稱紹興初先子帥越與汝錫時代官階皆符當即其人惟譜稱通判潭州而集中食枸杞菊詩自序稱僕官桐川又有我今作掾嘗苦

蒙隱提要

一 臣 秋 節

饑稍為不合或初仕為桐川掾後終潭州歟集中有甲子除夕詩甲子為紹興十四年則猶高宗時人也括蒼彙紀載汝錫嘗有閒愁莫浪遣留為痛飲資句為黃庭堅所賞則其家學淵源亦從元祐而來棣詩乃於南渡之初已先導宋季江湖之派蓋其足迹游歷不過數郡無名山大川以豁蕩心胸所與倡和者不過同官丞簿數人相與怨老嗟卑又鮮耆宿碩儒以開拓學識其詩邊幅稍狹比興稍淺固勢使之然

然統各體而觀之雖乏鴻篇實殊偽體大都平易近情不失風旨較以生硬晦澀為奇偉以鄙俚蕪穢為真切者其品固有閒矣宋代遺篇日傳日少錄而存之俾談藝家見所未見亦稽古者所不廢也自明以來選宋詩者皆未及厲鶚作宋詩紀事蒐羅賅博亦不載其姓名則原集之佚已久其卷帙多少不可復考詩惟一篇題甲子其年月先後亦不可知謹從永樂大典所載按體區分釐為上下二卷以略存梗概

蒙隱提要

二

焉乾隆五十年二月恭校上

總纂官 臣 紀昀 臣 陸錫熊 臣 孫士毅

總校官 臣 陸 費 墀



家隱集目錄

卷一

題范烏程松桂堂

題友竹軒

棲軒偶成呈同僚

次韻葛教授新闢柏桐軒

再次韻柏桐軒

次韻蘇伯言題所居鑑止軒

次韻鄭舜舉題簿廳交翠軒

次韻陳季陵記夢

先春賦梅一首

惜梅

次韻葉夢符端午

家隱目

一宜 秋 館

沈德和使君生辰四首

釣瀨漁樵行送嚴守蘇伯業赴闕

次韻陶幾道觀洪積仁詩編

題李杜畫像

鄭倅生辰

古游俠行

傷春詞

食枸杞菊

并序

次韻章堯文梅花

驟雨呈贊夫兄

送李明甫召除奉常簿

鸞鷟歌

題鑑止軒

端午洪積仁召客日占戲東薛仲藏

春日雜興五首

春日偶成三首

再次韻

登韻春日雜興五首

春雨

寒食懷公藻幾道

倦暑

感懷二首

遣興

靜夜

晨起趨府

清晝

獨覺

疎梅

古剎

芳園

挽丞相祁國公三首

挽知軍劉公三首

挽潘右司二首

挽中書舍人葉公三首

挽知錄李元老二首

挽主簿吳宣侯三首

家隱目

二

挽內兄余聘可三首

挽江公三首

挽處士富公二首

挽處士吳德載二首

挽潘夫人

卷二

送鄭舜舉赴闕三首

春來

次韻王有之主簿

次韻葉秀實縣治環翠亭

陪五馬勸農巖山晚會桃花塢

題溫守梁尚書新創富覽亭

次韻陳公藻局中卽事時推排物力不得往來

次韻幾道玉泉小集時公藻以病僕以沿檄不與

諸公見和次韻呈鄭舜舉錄瑞伯仙尉

用韻戲趙貫道買妾并呈鄭舜舉王有之二次

次韻魯堯卿病起二首

代上時相生辰四首 錢使君知原生辰

上梁尚書生辰 陳鎮江生辰

立春日有感

王有之見和復用韻二首

高師魯以詩求鶴鄰杖且有詩壇尋盟之語戲

蒙隱目

三

次其韻

客舍春晚

又次韻馮文度春晚二首

題義烏縣繡川驛

再過繡川驛

永嘉旅中

盛暑宿集福院晚風雨大作

甲子歲除一夕夢與先子論詩有云未能免俗

猶聽識無計爲生只送窮此吾頃年詩也汝亦

得之否某日已在家集中既覺泣書二章

再次韻

庚申日戲題

次李元老柬王令周主簿喜雨

次韻馬仲元推官賀五馬喜雨

次韻喜雨兼簡夔老 次韻喜雨

次韻陶幾道喜雨 次韻陳季陵主簿秋雨

客舍久雨無酒戲東沈泰叔

次韻 次韻陳季陵覓酒二首

次韻劉伯瑞覓酒 謝汪汝平送酒

汝平諸公見和復用韻二首

再用前韻三首

別墅芍藥盛開沈公闢有詩見嘲次韻代柬

次韻艾慎機縣庠蕉花

蒙隱目

四

艾以諸公雌黃其詩意似不平戲用前韻

次韻蘇守金橘 白菊

次韻梅花四首 次韻劉專言新雁

觀曹壽卿上舍詩軸題其後

旅中有感復用前韻 戲德秀幾道

使君饋食戲少蒙教授

還余朝綱雜編 偶書

戲效連珠疊韻體 戲題酒肆

夜雪 挽處士喬公

挽提幹趙君 挽張世英母夫人



戲桂館鄭翁舉戲筆代東

再次韻

次韻徐庭珍春日雜言十首

次韻陳季陵元夕 李倅生辰三首

挽奉議劉公度四首

過馮公嶺

陳公藻覓筍仍許作包子

春晚道中四首

回文四首

蒙隱集目錄

蒙隱目

五

蒙隱集卷一

五言古

題范烏程松桂堂

宋 陳 棣 鄂 父 撰

誰云宰邑難宰邑有真樂但知弦歌趣永謝塵勞縛  
琴堂吏務散晝日垂簾箔燒香對棐几文史資優學  
一洗朱墨昏至味非糟粕范公今循良一日聊笑諠  
回視卓魯輩政可束高閣若溪古侯邦繁庶類京洛  
壯哉萬戶邑何異逢盤錯公來省其俗治劇操至約  
政成日有餘空庭可羅雀西園久棄置疏町走芒屨  
經營四顧間得地平如削築堂號松桂軒檻敞寥廓  
雖無松桂陰胸中自邱壑况逢賢使君成有新詩落  
異時采歌謠待用獻木鐸

題友竹軒

長夏苦炎熱開軒除鬱蒸檐前鳥雀喧朝旭上朱甍  
席間裁函丈詩書治縱橫盤礴環堵間幽獨懷友生  
古人在黃卷千載使我傾出門窺物變草木各鮮榮  
青青牆東竹見汝眼忽明愛玩不能忘移根傍軒楹  
俯仰與竹俱定交見深情不是無朋友此君冰玉清  
風吹萬籟響寒梢韻竽笙我獨哦其間詩作秋蟲鳴

琅玕亦有實期汝向秋成鳳皇何時來颺颺翔我庭

棲軒偶成呈同僚

我本山中人勉強束冠帶欠伸輒有拘似被天工械  
誰令作此來政為窮所賣規彼五斗粟折腰何足怪  
敢希拄頰傲寧免望塵拜平生浩然氣摧落甘伍噲  
茲軒竊可人虛名供眼界得從黃嬾游佳處時一解  
多生作蠹魚復此償書債雖抗塵土容耿耿冰壺在  
同僚多俊遊臺閣鴻輩胸中有雲夢略不見芥蒂  
吏師有龔黃民賊絕蜂蠆而我躡後塵嘉穀雜稊稗  
詩壇欲尋盟恐墮拋博戒翻思石鼎句自取侯郎敗

蒙隱一

終期探理窟一洗荆榛隘得肉姑置之大笑聊發快

次韻葛教授新闢柏桐軒

柏桐有正性梁琴豈其天丹雘自輝耀弦徽漫鏘然  
深慚社旁樑政爾終天年復愧南城柳猶知過飛仙  
廟前今安在爨下亦浪傳何當生學宮廣文貽新篇  
色映醉吟杜陰休眠晝邊端如兩高弟儼立聽誦弦  
又如雙青衣對舞風露前方依植壇杏不羨干雲棟  
日哦二木間妙意遺言詮霜枝半摧剝月影相回旋  
後彫歲寒見始華春意全比德君無愧五柳徒自賢

再次韻柏桐軒



脩垣蔽軒楹如觀坐井天高人爲披豁物趣俱森然  
柏桐伍蒿萊混迹幾成年哦驚俯丹楹况得依臞仙  
佳名一品題好語萬口傳高參溜雨句美並朝陽篇  
掄才稽往牒橫陳棟棟邊論功及乃祖屢薦薰風弦  
謙居髯松下優在良梓前荆徐入貢時曾不數樟榭  
固殊上林木虞衡日量銓且異溫室樹衣冠時繞旋  
此方安靜僻所欲唯生全植物貴遂性憑君較愚賢

次韻蘇伯言題所居鑑止軒

小軒劣容鄙詎敢邀君詩君詩亟借重物趣俱新奇  
檐前列蒼翠檻外瀟漣漪凭闌作癡兀欲靜忘五羶

蒙隱一

三

湛然俯明鏡水定心不馳微風忽披拂巾袂俄變移  
緬思東坡公昔與穎水嬉此樂五十年人間真未知

次韻鄭舜舉題簿廳交翠軒

人生一漚浮何適非暫寄會須脫塵勞談文不談利  
開軒得此君意愜投宿嗜未堪食鳳皇已足巢翡翠  
惜哉小牕櫳此地久何闕想當未闢初靈免簿書累  
高人一披拂便有無窮意紛紛市廛子冠蓋亂如沸  
儻令見清標褫魄復喪氣客如王子猷不速端可致  
嗟予飽憂患久矣無佳思舊學已榛蕪聞一豈知二  
市肆羅無目聊爲將軍地斗酒詩百篇是乃公能事

次韻陳季陵記夢

夜間得安寢方期萬事休那知清夢中螻穴有勝遊  
朝把南柯麾莫獵龜山頭停杯猶未舉俯仰二十秋  
等爲幻緣縛名實或相浮邯鄲囊中枕徑渡竹葉舟  
俄頃失所歷變滅隨東流遊仙豈神交因想理或不  
至人本無夢偶夢非謬悠乃知一念熟寤寐欲何求  
子建賦感甄空貽方策羞何當破諸妄自足消沈憂  
政使對凝人言之亦寡尤

先春賦梅一首

與客到先春哀思覺飛越時當萬卉凋似補羣花闕

蒙隱一

四

始信元化功生意何曾輟却疑鈞天宴羣仙委珮玦  
不數藐姑仙神膚瑩冰雪癯然抱清幽卓爾負奇絕  
生香巧密藏靜艷羞容悅陽萌知獨復歲寒見孤潔  
我來觴其下坐對垂垂發頭白不待催顏頰爲爾設  
因思年少時高枝手攀折林道與何遜妙語誰優劣  
老矣吟事慳人笑心如鐵何當夜深來更看梢頭月

惜梅

朔雪沒寒蕪嚴威等羣木東君惜江梅先與借微煖  
造物逞新奇亭亭付幽獨天然冰雪姿不許鉛華瀆  
疎影浸澄波斜枝度脩竹奇標含春容清致漫山腹



夜月耿扶疎寒風來馥郁素豔等瓊瑤真香笑蘭菊  
昨宵風雨顛遺英滿平陸憑誰問蒼天榮枯何太速  
凌晨眠霜林餘芳猶五六不厭終日看尙可供詩目

次韻葉夢符端午

吾邦重午節興目皆可寓遊人肆喧闐畫舫紛排布  
迴風伐鼙鼓擊楫觀競渡驕豪務相誇水陸爭治具  
醉憂瓶之罄歡迫日云暮朋從喜盍簪謔浪時一遇  
揭來廷尉府官冷知誰顧吻燥無復濡枵腹何時飢  
堂堂匡鼎來解后宵同趣攜家忽過我市飲客旋酤  
遙知分已投更喜首暫聚慚非浴沂人鄙志蒙推與

蒙隱一

五

憐我孤危資極力爲調護高談驚四筵坐使兒女怖  
便當追彥國未肯多文度長篇粲珠玉綺語斥霞鶩  
人生類飄蓬會合寧有數交情論白頭何必論新故

沈德和使君生辰四首

星斗煥靈輝川嶽儲英氣散爲天地祥鍾作人間瑞  
正應五百年乃克見名世長庚夢太白斯文得鼓吹  
崧高生申甫中興資屏衛若人不時出或出豈無謂  
巖廊賴嘉謨民物蒙美利權輿生君道羽翼副六藝  
我公豈其倫稟賦已殊異由來活國手固自有次第  
麟閣仙蓬萊蘭省星纏次瞻之已足榮到者亦未易

惟公名德尊蜚聲從蚤歲青錢中妙選豈止一科第  
果聞超卓姿徧歷清華地青藜照雋書赤管供奏議  
視典昔常遊觀耕嘗入侍熙朝百度新一麾煩卧治  
欲知天眷隆御屏題姓字公豈久外人趣裝宜早計  
桐川古桃州地僻官事少簡靜宜有餘苛刻則煩擾  
公來省其俗好尙已默了碧凝燕寢香青鞵圍扉草  
麥隴雨初勻棠陰風自掃回觀漢循良未足語治道  
豈惟術數多更覺規模小公將宰天下一郡乃戲黜  
便當作吏師詎止爲民表邦人何所祈區區頌難老  
化工有至仁噓爲三月春寧知清淑氣回薄存茲辰

蒙隱一

六

茲辰亦何有璇霄見老人黃堂沸笙簫宴席方橫陳  
寶觴酌流霞艷歌飛梁塵未嘗王母桃敢薦蒙莊椿  
賤子今何幸明時識鳳麟馬曹寧寄傲鼠技屢迷津  
尙容東郭吹敢效西子顰誓將頑鈍質埏埴煩陶鈞

七言古

釣瀨漁樵行送嚴守蘇伯業赴闕

漁樵生長于陵州偶爲城市逍遙遊相逢欲話平生  
事以手加額頻點頭自言家世居村落頗厭吾邦風  
土惡大饑小歉偶一遭棄擲鋤耰弄刀槩二十年前  
事可驚錦襦繡帽爭乘城太平日久人忘戰衣冠荆



棘戈鋌腥去年米貴無餘粟往往驚顧如麋鹿大開  
陳廩貸兼弁却笑鄰邦才食粥只今豐盈天報施餘  
糧棲畝麥兩歧牛牟日落草萊處場圃秋深穰稔時  
父老歌謠童稚笑歡聲萬口如同調向來游手今良  
農今日膏腴昔荒嶠漁樵無事官無逋民不識吏無  
追呼田間第見隨軒鹿道上兼無攫肉烏問云何術  
能臻此盡道吾公才德美文采風流求古人循良事  
業空前史公今去我歸朝天攀轅截鐙何當前願公  
早佩紫荷橐顧我擬續甘棠篇欲碑遺愛傳千古政  
聲未暇從頭數大書特書不一書請載漁樵當日語

蒙隱一

七

次韻陶幾道觀洪積仁詩編

令尹韜潛藏六龜逸韻長愛兒輩知剡藤敲冰琢玉  
版月兔脫穎供毛錐冥搜豈但夢春草招隱昔嘗吟  
桂枝江山駿奔來筆下疑有神助非人爲公餘退食  
醉經史底用紅裙捧玉卮凌雲未讀相如賦解后共  
聽匡衡詩詎容陶令賦歸去且效謫仙歌別離手題  
六紙勿輕示把玩自足娛安期千篇政恐雷電取數  
伎不許門人闕何當築壇拜詩將一看橫槊英雄姿

題李杜畫像

吟詩莫學李太白千百萬言皆酒色吟詩莫學杜拾

道一生抱恨長嗟咨二豪胸中有佳趣詩酒聊以發  
其悟世人有眼誰識真第見詩篇不見人借令置之  
廟堂上事業官道風騷將睥睨連帥奴將軍英風義  
氣高薄雲我今再拜瞻遺像猶疑飯顆相逢樣詩題  
繪事在人間光燄何啻長萬丈

鄭倅生辰

柯山插空天爲鄰飛仙窟宅無纖塵降靈孕秀神所  
相豈但崧高生甫申笑別方壺離紫府道骨清標映  
華組二十八宿羅心胸霽月光風映眉宇書帶家聲  
舊著聞相國邸第南北分人間未有見三絕天上曾

蒙隱一

八

觀瑞五雲箋詩傳禮窮家學豈止談經能折角鼓篋  
來爲璧水遊賢關英俊推先覺雄文大手古無倫安  
知韓柳非前身方期江夏無雙譽只許樊川第五人  
厭直承明祈外補暫擁屏星左銅虎萬口爭歌王海  
沂懸榻已題陳仲舉籍甚聲聞咫尺顏竚聽鋒車趣  
賜環歸持清禁紫荷橐却踏彤墀玉筍班我今幸遇  
縣弧旦敢采民謠書弱翰一言何以祝我公願輔昇  
平到不窮

古游俠行

君不見長安俠少兒臂鷹走狗爭輕肥一朝遭渠國



士知笑跡鼎鑊如冰澌翹關負重俱細事拔山扛鼎  
焉能爲橫行匈奴牌萬騎官以秘計干闕氏朝竊晉  
鄙符暮解邯鄲圍軍中不聞天子詔向來灞上皆兒  
嬉我有黃石書孺子漫多奇我有歐冶劍荆卿何足  
揮運籌折衝衽席上料敵決勝如蒼龜世遭右文歎  
數奇縱有勇略將安施漢皇方受宣室釐干戈不用  
包虎皮使我不得封萬戶恨不生當高祖時

傷春詞

春風兮颺颺春日兮遲遲草木秀兮原野蘭茝芳兮  
水湄美人去兮何所白雪深兮莫窺望極浦兮掩淚

蒙隱一

九

倚危檻兮懷思嘯嘯兮飢語連娟兮蝶飛感微物兮  
靈偶私自憐兮芳時玲瓏兮瓊佩沈寂兮蕙幃對芳  
時兮太息豈獨凜秋兮足悲香消悴兮鸞鏡愁委  
積兮堆蛾眉登山臨水兮有蘭夢斷雁沈魚兮無錦  
詩鷓鴣鳴兮眾芳衰春冉冉兮不可羈人生行樂兮  
將何之王孫王孫兮胡不歸

食枸杞菊并序

僕官桐川廨舍迫于城城多叢杞野菊每歲自春徂  
夏擷以爲菹甘芳之味意珍羞無與比也偶讀陸蘇  
前後杞菊賦成古詩

君不見天隨有宅松江曲屋隙墻陰多杞菊課兒采  
撥入杯盤盤箸芳香勝梁肉又不見坡公昔佩刺史  
符賓客少至無與娛偶餐杞菊作後賦捫腹噎嘔猶  
軒渠散人枯腸真食杞居士戲筆聊爾耳膠西自古  
號侯邦齋厨縱乏靈需此我今作掾長苦饑一區不  
異耕田時太倉紅腐才五斗舉家食粥靈忍炊頽城  
草木迷荒樹綠穎苦茗羅舍下官閒擷取茗春羹未  
棘未莎皆不赦三年享此似無饜二者誰云不可兼  
行趣歸裝耕谷口此物猶堪餽南畝

次韻章堯文梅花

蒙隱一

十

先生讀書常閉戶卒歲優游娛藝圃風雷筆舌待時  
攄錦繡肝腸終日吐鳴騶未驗北山文絳帳且爲東  
道主忽作尋梅得得來南枝未落北枝開攀條弄英  
不能去只恐白日空西頽臨池照影都無伴偶挂幽  
昏不用媒主人生來幾傳癖道耕德獵無遺力形模  
奇古每起予議論縱橫時奪席但喜君橫孔聖編那  
知梅怨桓伊笛正值清霜爛熳晴賓從滿目皆豪英  
未開東閣綠何事要見詩鳴訴不平明日定拚花下  
醉想公不負白鷗盟

驟雨呈質夫兄



屏翳驅馳雲陣疾西山猶銜半輪日迅雷震地窗戶  
搖急雨翻盆溝澮溢紫電燒空天爲低黑風逆浪海  
欲立縱多虐魁未爲殃直使長鯨那暇吸草木號呼  
山鬼驚珠璣亂迸鮫人泣曲畦走水白紛紛稻穗抽  
芒青戢戢童稚休傳晰蜴歌倉箱行貯生民粒樹端  
發翠喜濯枝池面凝漚占戴笠猛省呼晴鳩婦鳴旋  
看突漲魚兒出窗扉共賞一襟涼屋漏俄驚半牀濕  
鷗鷺明邊引望遙芭蕉聲裏催詩急請君速著瑞雨  
頌要上新編華萼集

送李明甫召除奉常簿

蒙隱一

十二

睿主臨軒達四聰皎如麗日明高穹傾葵發蔀燭幽  
隱熙然萬物還春風鼎新百度躋明雍西垣東省羅  
鷄鴻銓車趣召無虛日高陽才子咸登庸古桃小壘  
江之東邇來慶事何其豐使君已秉螭坳筆尺一於  
今召我公我公習路真夔龍劍佩合侍明光宮昇平  
雅樂欲大備暫借筆筦調笙鐘奉常地峻位望隆不  
與列棘監寺同文傳章句羣經外器識錚于衆樂中  
不願封侯食萬鍾不願乘雲遊樊桐羨公此行登仙  
去蜚聲直上徹九重上方更化歸醅醲論思獻納宜  
春容凝旒若訪草茅士餘論無忘來菲葑

鬻婦歎

凶年老弱難相保歸與婦謀謀不蚤啼飢滿耳不忍  
聞待得麥秋人已槁有辭欲說重酸辛欲說未說眉  
再顰就令相視飢餓死何當持汝歸富人朝歸富人  
夕得粟數口尙堪同食粥愁容斂袂哽不言稚子牽  
衣驚且哭蒼云至此奈若何離別孰與性命多他年  
豐稔五穀熟勿吝百金來相贖

題鑑止軒

安身南北皆吾里勿較使行兼尼止心猶泥絮吹不  
起豈有顏甲生微泚方塘淨綠含真理與我娛嬉聊

蒙隱一

十三

爾爾佳處難言還隱几冷煖自知魚飲水

端午洪積仁召客口占戲東薛仲藏

佳節撩人愁欲卧衝門都騎傳呼過想簪榴艾泛菖  
蒲應召鄒枚雜郊賀歌聲端不羨紅兒酒力真堪歎  
白墮自愧雖非趙倚樓何當一效陳驚座

五言律

春日雜興五首

春色遽如許春愁一望賒簾低宜著燕柳暗欲藏鴉  
鳩婦催踈雨蜂臣趁落花只愁清景促無計駐曦車  
地僻近烟蘿門無車馬過林深宜雨急野曠覺春多



草軟遊人醉鶯嬌姪女歌顛狂江上興可奈少陵何  
桃李漫芬芳終然委路旁踏青心欲醉舉白興何長  
夢覺池塘綠詩成草木香懶追時俗好獨立倚蒼茫  
鴨綠前溪漲鵝黃遠柳垂微波卷羅帶細葉展顰眉  
愛酒常歌頌傷春更賦詩東君無限思全在野桃枝  
料峭寒猶薄陰雲帶晚烟雨催驚蟄候風作勒花天  
日永消香篆愁濃逼酒船爲君借餘景收拾賦新篇

春日偶成三首

東君馳驛騎萬里一宵通柳眼凝睛碧桃腮泣露紅  
丙鱗安淺瀨乙羽怯柔風莫向高城望愁生阿堵中

蒙隱一

三

雨後春逾麗平隄漲綠波侵人花氣醞刺眼麥芒多  
舴艋閒蓑笠鞦韆醉綺羅景光難把玩秀句與消磨  
陋巷逢春日生涯亦足誇堆錢聚榆莢積絮撲揚花  
旌旆千行竹笙歌兩部蛙憑誰爲商榷何似五侯家

再次韻

小圃香初足枯池水乍通卷簾延舊燕掃徑襯殘紅  
寂寂梨花雨斜斜柳帶風東君有餘思別在一壺中  
雨過灘聲急無風亦自波花稠春意鬧山遠月明多  
地僻無來轍門閒欲設羅胸中無礪碓詩酒漫揩磨  
老去歡情少逢人強自誇問愁付蕉葉衰鬢恥菱花

倚杖閒捫蝨臨池戲咏蛙深慚詩律細何以世吾家

疊韻春日雜興五首

南陌游人少東城去路賒尋芳閒趁蝶失喜漫占鴉  
著物春猶淺薰人氣自華夜來風雨急驚動阿香車  
幽懷聊自適疎性懶相過塵事偏宜少詩篇不厭多  
三人花下酒一曲醉時歌此外非吾事陶陶奈樂何  
遣興文楸內微吟錦瑟旁泉聲谷口靜月色竹陰長  
酒入肌膚暈茶餘齒頰香望窮却回首此意造微茫  
經春衣帶賸過午食簞垂嫩綠方迷眼輕黃未上眉  
世情無足語節物總堪詩未展搏風翼鷓鴣且一枝

蒙隱一

西

疎鐘餘逸響野燒盡孤烟輕暖花邊日微寒雨後天  
才能拆鞦綫詩思上灘船却意峨嵋老孟停已百篇

春雨

春雨止復作無聊終日閒殷紅悲著地淺綠暗歸山  
雲幕久蒙潤風扉每自關愁端與詩思容易減朱顏

寒食懷公藻幾道

灑落陶彭澤風流陳太邱別來添夕夢歸日負春遊  
已改枯榆火寧汗寒具油不知行樂地能語野人不

倦暑

試作西風想煩襟鬱嫩涼李沈寒玉碧瓜泛淺金黃



羽扇徒揮雪紗厨不貯香白醪雖可樂染指敢先嘗

感懷二首

道義年來勝幽居興倍長望隨愁共遠懶與事相妨  
斜月光生坐脩梧影轉廊是心無起滅世態自炎涼  
已歎東隅失桑榆浩莫收只知心緒懶那覺鬢毛秋  
有酒堪藏緇無門可避愁吾今知此意萬事付悠悠

遣興

早願風雲會那知歲月侵未應忘故步已覺負初心  
蕙帳聊跼伏天閨隔邃深且憑詩遣興往事任瓶沈  
靜夜

蒙隱一

畫

靜夜披黃卷青藜照五行恨無知我鮑空羨起予商  
學業心將棘功名鬢欲霜此生應自斷無復問穹蒼

晨起趨府

五鼓未停搗喧呼趣早衙霜風晨正急望月曉初斜  
興竹衣青蓋籠燈閃絳紗三年胡蝶夢髮散野人家

清晝

庭院閒清晝疎槐轉午陰怕無人過眼卻有事經心  
續夢聊欹枕牽愁擬破琴可憐精衛志欲障海波深

獨覺

檐滴蕭蕭靜微涼午睡宜營黃有餘韻蛩穴不多時

篆燼回風滅花陰晚日移覺來無一事追夢續新詩

疎梅

發興江頭路相將月下臺衝行逢縞袂追視得疎梅  
木偶當三嗅石腸應九回鍾情惟我輩欲去更徘徊

古刹

古刹巖塵外浮圖屋角西踐緇猶贊仰孳羽共依栖  
清影蕪城遠孤稜落照低丹梯儻容躡極目飽雙溪

芳園

勲業尊朝著園池近日光雕闌紅玉列羽蓋碧荷張  
草薶難滋蔓花開窻久長當年金谷地榛棘斷人腸

蒙隱一

六

挽丞相祁國公三首

斧戾求良弼鈞衡得偉人文章昭黼黻勲業見經綸  
化洽編氓阜時調寶厯新方祈永霖雨俄復跨箕辰  
寵極心彌小名尊貌愈恭勛華雙輔翼槐鼎四登庸  
海宇熙春物邊陲罷夕烽了無能致績頌筆漫形容  
強仕登黃閣斑衣袞繡成飛聲迫丙魏有子繼韋平  
舟楫川方濟龍蛇夢倏驚天胡嗇遐壽舉世但哀榮  
挽知軍劉公三首

種學三冬富視身百行兼文章崑玉瑩政事莫邪銛  
才瞻榮登早心休進取廉興刑今已矣遐想淚空澀



屢贊紅蓮幕初分翠竹符五遷恩始浹三已愠曾無  
冠劍空幽壤儀容儼畫圖傳家有餘慶接武看諸孤  
昔我先君子期公泰茹連索文姑作贊拂袖遽言旋  
偉節人難學高風史逸傳豈碑誰秉筆願採入新編  
紹興初先子帥越公自鄉里來訪先子以公名德託  
左史侯君達于時宰侯云宰回聞公願得公所爲文  
公且笑且嘆拂袖  
東還行狀逸不載

挽潘右司二首

南州推望士北闕仰良臣風誼高閭里聲名溢搢紳  
課兒千卷古與友一堂新石折符幽識山頽喪哲人  
再奉祠宮逸三遷省闈榮振衣持從橐回首過佳城

蒙隱一

七

鵬鴉搏方急龍蛇夢忽驚但餘豐碣在凜凜氣猶生

挽中書舍人葉公三首

博學該羣籍蜚聲藹上庠巍科曾躋貫要路遂橫翔  
策府登清選銓曹得望郎九重方簡在一鑑遽云亡  
徧歷清華地辰星紀未周雄文藏鳳閣直筆著螭頭  
聞望高簪紱論思動冕旒從班無跬步底事却回輈  
久厭承明直還宣使驛風乘輅循浙右持斧肅江東  
共待鋒車至俄驚夜壑空傳家宜令子濟物有陰功

挽知錄李元老二首

德齒追前輩聲華擅雋游心期師孔孟文欲比曹劉

丹桂枝高折青雲路未周日駒偷過隙夜壑漫藏舟  
枳棘棲雲翼夫容泛綠波談玄三語足折獄片言多  
未熟黃梁夢俄悲薤露歌陰功付諸子異日踵巍科

挽主簿吳寧侯三首

德行追前輩聲華擅一鄉遊心終藝圃得雋屢文場  
小試栖鸞政連飛薦鸚章傷嗟臺閣地不許暫翱翔  
昔我先君子時稱裁鑒公知君非介紹虛館授兒童  
倒屣迎王粲登門得孔融他年記先友孰不仰清風  
憶昔荆湖日童心惜未開七年勤仰止一字有從來  
模範瞻如在音儀挽不回依歸今已矣些語寫餘哀

蒙隱一

六

挽內兄余聘可三首

中外六兄弟相逢夔角中追隨萬里遠憂樂半生同  
勝韻談霏雪高懷氣吐虹紛紛身外事回首萬緣空  
結髮事鉛槧終身尺寸功矯情多病後飲恨不言中  
戶有三珠秀家愁五盜窮空山埋玉樹腸斷白楊風  
去去松塋路愁聞薤露詩齊眉垂婦約華髮重親悲  
被酒清狂後論文慷慨時傷心棲止地無復見形儀

挽江公三首

彩筆傳家學春華飾妙詞品題風鑑遠論議月評推  
柳岸陰將合濠亭迹半隳治家有遺訓留付寧馨兒



世路方巖險高情與衆殊一官聊戲劇三經肯荒蕪  
富樂身兼有功名累獨無豐碑誰秉筆持此較賢愚  
憶昔羈栖日唯公迹分親呼盧銀燭夜琢句錦囊春  
碁敵爭先勁弓號命中頻向來行樂地無復見斯人

挽處士富公二首

慶厯元臣後勲名泰華高當年遺德澤流裔盡英豪  
繼世誇榮耀唯公隱寂寥潛輝傳野史猶足見清標  
家富倉箱積陶朱伯仲閒視身郭有道教子竇燕山  
錢鋪周貧匱刀圭起病屏縣知公不死學道透玄關

挽處士吳德載二首

蒙隱一

九宜秋館

憶昔知公日東嘉逆旅中遊從三月久談笑一樽同  
卻暑瓜盤綠烹鮮膾筋紅傷心栖止地萬事轉頭空  
范蠡操贏日相如病渴時瓶甕雖屢罄斲劑已難施  
雉露鶴原慘松塋雁序悲更嗟垂白叟泣送寧馨兒

挽潘夫人

園苑花歸後香殘舊綺羅已應隨逝水無復步凌波  
遺訓芬蘭佩慈容想月娥空山埋玉處忍效鼓盆歌

蒙隱集卷二

七言律

宋 陳 棣鄂父撰

送鄭舜舉赴闕三首

書帶傳家飽六經飄飄詞氣海東青英名久合班朝  
列麗藻行觀挾帝庭脩翮搏風上閭闔巨鱗縱壑擊  
滄溟投機會合宜容髮願報除書慰側聆  
束裝西嘯指長安正是新春快活天酒病詩愁應有  
夢烏啼花發正爭妍君空冀北今行矣我滯周南豈  
偶然東閣他時訪遺逸爲言憔悴鶴谿邊

蒙隱二

一宜秋館

籍甚聲名著日邊英辭健筆許誰先寘之華省星曹  
上付以赤墀香案前好向從班光玉筍竚膺密炬照  
金蓮此行何啻登仙去願拜車塵爲執鞭

送疑有闕文鮑本校筆加有此字

暫結桐川刺史章優優布政漢循良鳳銜初下新頒  
詔雞舌仍聞舊賜香前席久虛思見賈璽書增籠果  
徵黃從今定展調元手小試專城見雨暘  
脩員無補見絲毫幸喜爲官似馬曹每許燕音持布  
鼓更容劣技試鉛刀兼收屢賜百金諾借重終期一  
字褒鄙廟他時應有待誓將么麼寄鈞陶

春來

春來底物最先知凍蝶癡蜂便欲飛好雨應時生地  
脈迅雷剖蟄震天威光風艷艷翔空濶和氣駸駸發  
細微解道蒼苔紅藥句令人却憶謝玄暉

次韻王有之主簿

春歸滿目盡桑麻岸柳敷陰荻有芽急景豈容留石  
火餘香何處認空花曲眉持酒真成夢纖手分茶亦  
浪誇欲醉流霞烹瑞雪直須同謁五侯家  
蓬生敢望直如麻才思真同焦穀芽擁被苦吟聲躑  
躑盈編細札眼昏花羨君得意方豪縱顧我無知絕

蒙隱二

二

誕誇輸與能詩王主簿驚人句法自名家

次韻葉秀實縣治環翠亭

亭高望遠破天慳萬疊晴嵐頽仰間著屐行追靈運  
逸垂簾尤愛愷之閒詩豪會見揮銀筆酒聖端能倒  
玉山杖履欲歸聊徙倚樓鴉寒帶暝烟還  
合綴嚴宸玉筍班尙勞小試簿書間溟鯤未擊三千  
里天驥終歸十二閑望氣行看求利劍知音當已識  
高山逼人富貴若寧免未許山陰興盡還  
畏途蹤跡幾間關浩氣空存天地間沉湎恨無千日  
醉浪遊贏得半生閑觀書尙喜眼如月搜句誰憐肩



聳山三逕曉來添逸興柳梢桃色報春還

陪五馬勸農崑山晚會桃花塢

晚參旌騎勸農回賞偏郊原錦繡堆掠面快風吹酒  
去逼人疎雨送詩來鳴鳩乳燕數聲好艷粉天桃一  
笑開欲遣巴詞侑杯酌千鍾萬竿未容陪

題溫守梁尚書新創富覽亭

傑檻雄檐倚碧空玲瓏窗戶濕青紅因山下地心機  
巧望水如天眼力窮千里勝形吟筆內萬家和氣飲  
盃中吏民共指雙旌語今日梁公昔謝公

次韻陳公藻局中即事時推排物力不得往來

家隱二

三

料峭輕寒春寂寥雨餘庭竹靜蕭蕭一池芳草翠欲  
合數點殘梅雪未消寸步思君成瘦悴片文怡我足  
歡謠相過政恐還驚座惡客從來不待招

次韻幾道玉泉小集時公藻以病僕以沿檄不

與

激水聊充一笑嬉扁舟西子想當時應憐波底無雙  
鯉直恐尊前有鸞斯笑我獨將愁醞釀聞君長苦酒  
禁持山中異日尋遺事徒見吾家伯仲詩

諸公見和次韻呈鄭舜舉錄瑞伯仙尉

冠佩追陪倏半生每慚蕭艾倚蘭英開懷共醉酒賢

聖得句寧論詩父兄天賦君才行有用人言我拙坐  
無成登壇已拜風騷將誰敢區區踵孟明

家聲赫奕繼更生草聖縱橫亂伯英鄴下文章惟七  
子穎川人士有諸兄新詩寫物無餘態硬語盤空若  
混成吏隱一官聊戲劇他時勲業看承明

用韻戲貫道買妾并呈鄭舜舉王有之二丈

碧玉雙簪兩髻了滿懷春恨正萌芽停燒空對無情  
水倚檻誰憐解語花蚤與幽閨深領畧毋令狂客浪  
矜誇須知三昧非凡手北苑知名第一家時貫道買  
妾置舟中  
舜舉有就茶  
求見之語

家隱二

四

次韻魯堯卿病起二首

河陽桃李未成陰已覺栽培用意深病起暫同中酒  
味詩來還有惜花心養全浩氣虹千丈瘦減清標玉  
一尋春待吾儕共行樂莫言無暇倦登臨

一區聊寄古牆陰燈火蕭條語夜深強對簡編聊適  
意欲參佛祖問安心青衫有約還輕別白髮無期苦  
見尋咫尺佳時修禊事蘭亭老筆爲君臨

代上時相生辰四首

國論盈庭正尙同惟公英畧與天通一絲不斷千鈞  
重九鼎重安萬世功獨見賢超流俗外先幾端在笑



談中際高極厚知難報願輔熙朝到不窮  
中興事業耀無前明聖相逢運半千盡納有生歸禮  
樂全提鴻化入陶甄八風自轉成天籟五緯更調祚  
有年體物形容勞頌筆浪云無象豈其然  
春光先向隴梅歸正值崧神降嶽時孕秀直疑天地  
相輸忠唯許冕旒知八珍錫燕官厨送百兩傳宣驛  
使馳盛事逃聞千載後魯公綵服效兒嬉  
武定文明過十秋光芒無復見旄頭身更萬變心方  
壯位極千官寵更優賀厦阻趨丞相閣分符假守子  
陵州長生不老何須祝元是丹臺第一流

蒙隱二

五

錢使君知原生辰

天眷中興瑞玉麟果開崧嶽爲生申逢迎聖主千年  
運領畧東君五日春濟世豐功銘鼎鼐傳家清德冠  
簪紳仙風道骨應難老曾向瑤宮侍帝宸  
十載幽居安綠野一麾出守擁朱轡華堂不聽紅兒  
唱淨几唯聞黃嬾言庭下芝蘭方鼎盛胸中梨棗已  
長存梅花欲報和羹信故遣清香到壽尊

上梁尚書生辰

破曉霜晴快活天少微光彩煥臺纏來從紫府飛仙  
窟生作皇家間世賢勲業定應銘鼎鼐儀容端合珥

貂蟬外家舊事今重覩又致昇平五百年  
一麾卧治鎮江邊芳草還應夢惠連十載從班聯玉  
筍六城課最用蒲鞭依劉曾識尚書履借冠難私刺  
史天共歎公歸緣底事嗷嗷四海望陶甄  
上苑春光一夜回和羹消息報江梅促裝舊事追曹  
相折桂新榮付老萊千里頌聲形鼓吹萬家和氣入  
尊魯明年此日趨黃閣待看傳宣押賜來

陳鎮江生辰

協氣盤空兆吉祥挺生英傑輔明昌依乘聖際風雲  
久遊戲人間日月長落落詞華天補黻堂堂儀架國

蒙隱二

六

輝光烟棹破浪來何事敬爲宗盟一瓣香

力致功名上要途忠嘉屢奉玉音俞持荷久侍甘泉  
豪剖竹仍分刺史符撫字雅聞閒燕寢經綸先已定  
規模久虛左轄寧無謂天子疇庸正用儒  
著物薰然一氣和温温眉宇得春多腰黃眼赤渾閒  
事柳綠花紅奈樂何舊事幾經銅狄話佳詞慣聽雪  
兒歌一盃何以爲公壽願借長江萬里波

立春日有感

剪綵漫添懷抱惡簪花空映鬢毛秋流年舊事陳芻  
狗佳節新春報土牛里社浮沈貧可忍身名坎壈老



宜休天高難問平生意已矣冥心任去留

王有之見和復用韻二首

年來慵惰畏多愁怕見羣才得意秋題柱敢期乘駟  
馬隱鄜端欲舍蝸牛既成春服聊歌詠擬賦閒情且  
罷休漫道無心關節物杖藜時爲好山留

小雨冥冥暗市樓無聊一日似三秋窮愁顧我堆千  
斛健筆期君回萬牛語怪未應書咄咄身閒底用賦  
休休曉來春到西窗外喚夢一聲黃栗留

高師魯以詩求鶴郊杖且有詩壇尋盟之語戲

次其韻

蒙隱二

七

莫將好語趁時名寶唾聯篇得我驚酬唱蜂腰徒自  
苦棄捐鶴郊太無情故人何止十年別上座曾同千  
里行散策尋幽江上路何時歸踐白鷗盟  
榮枯寵辱只強名老去無堪只自驚尤物端能亂人  
意羸官安得有詩情暫憑竹杖聊相謔敢對金尊畧  
放行果向詩壇尋舊約心如江水不須盟

客舍春晚

婉晚春歸婺女城輕陰淺綠繞長亭禽聲勸客年年  
恨草色隨人處處青爲米未容陶令去餽糟敢笑屈  
原醒詩成錯莫渾無事滿院楊華晝掩扃

又次韻馮文度春晚二首

花稍疎雨下巫陽酒面新鶯拂嫩黃老去光陰春苦  
短閒中氣味日偏長方塘水滿丙鱗躍故壘泥空乙  
羽忙剩作篇章酬節物忍令相背去堂堂

春到窮檐分外和典衣日日飲無何未陪蠟屐尋幽  
樂已覺詩囊得句多頗喜醉鄉無畔岸從教平地有  
風波脫巾露頂君休問倦客塵冠底用裁

題義烏縣繡川驛

湖漾晴波萬疊秋山攢遠翠兩眉愁一川暝色烟歛  
柳十里寒光月滿洲直恐斷隄橫北固定知絕景冠

蒙隱二

八

東州塵纓欲濯滄浪水愧見沙頭雙白鷗

再過繡川驛

霜林病葉日凋殘更覺平蕪眼界寬天外碧雲山共  
遠塔前明月水爭寒惜惜夜氣侵肌骨戢戢詩愁入  
肺肝欲去自憐心未愜爲君滿意更重看

永嘉旅中

小雨淒風釀早寒行厨蕭索酒壺乾鈔書時自嘒嚅  
語把菊誰同仔細看收拾夢魂歸枕上掃除愁思寄  
毫端家山只在一帆外望隔烟巒漫倚闌

盛暑宿集福院晚風雨大作



火雲燒天天爲高畏日燥地地欲焦舴舻浮江綫溜  
澀招提稅鞅煩襟消風聲聒聒鬧山闕雨脚霏霏轉  
樹梢猛省奔馳竟何事此心寧不愧漁樵

甲子歲除一夕夢與先子論詩有云未能免俗  
猶聽識無計爲生只送窮此吾頃年詩也汝亦  
得之否某曰已在家集中既覺泣書二章

驚風急雪不勝寒葦索桃符歲事殘里巷杯盤喧夜  
半兒童燈火守更闌年催老色歸鬢鬢詩引窮愁入  
肺肝無復斑衣頰椒柏只將血淚洒毫端  
昔年浩氣許誰攀詩禮趨庭侍燕閒但喜新陽更舊

蒙隱二

九

律豈知斑鬢改朱顏時挑短燼傾蕉葉獨擁寒爐炷  
博山不見詩翁送窮處空留膏馥在人間

再次韻

畏途憂患飽相諳煨芋何當問懶殘每覺愁來詩思  
苦更因老去壯心闌年光背我捐雞肋世事甜人嗜  
馬肝撥盡寒爐燼漏永已知春馭到林端  
擾擾膠膠度歲年只應今夕暫休閒又聞玉燭更新  
齋那得金丹駐舊顏是處碧烟聞爆竹誰家紅玉擁  
頽山揮毫不作驚人語句法由來似夢間

庚申日戲題

多情節物苦撩人用事葩華巧闢新老去唯愁添甲  
子年來不獨畏庚申身閒淡淡心機靜夢好齣齣鼻  
息勻政使三彭肆簧舌冰壺貯月本無塵

次韻李元老東王令周主簿喜雨

阿香破早用功深更遣新涼入素襟曝日已通賢令  
意望寬聊慰野人心水添淺瀨征帆穩雲掩殘陽古  
樹陰洗眼看君調爽手一回先已荷商霖  
山色雲容潑墨深隨車甘澍濕衣襟神龍應禱方施  
力虐魃爲殃漫有心洗出貧管無滯暑養成穰穰有  
餘陰他年德政君須記能遣驕陽化作霖

蒙隱二

十一

次韻馬仲元推官賀五馬喜雨

甘澍隨車未足賢商霖小試漲晴川溶溶舊綠低蟬  
柳聒聒新流響露田刈熟腰鎌爭滿載叩門乞粟不  
論錢老農豈但歌襦袴盡道今年勝去年

次韻喜雨兼簡彞老

此身閱世一浮漚無地安巢拙勝鳩擊節聞君歌喜  
雨裹糧知我迫填溝涼宵自足莊生夢豐歲方寬子  
美憂遙想高人禪寂處娟娟竹不勝幽

次韻喜雨

雨氣侵人襟袖涼詩愁惱起沈東陽詰朝秧馬催田



峻昨夜雷車動阿香鳩婦豈知憂旱去商羊聊亦爲  
時忙芙蓉秋水須佳句妙意冥搜到杳茫

次韻陶幾道喜雨

環珮來從十二峯飛廉清道駕豐隆已占月魄離星  
次欲採民謠詠雨濛健筆輪君三峽峻新涼許我一  
樽同豚蹄斗酒無多誚神報鄉人亦已豐

次韻陳季陵王簿秋雨

一雨庭燕便許涼掃除早魃化驕陽微添遠水羅襟  
潤已覺疎苗玉粒香樂歲可期寬吏責謫才無取爲  
詩忙蕭蕭枕簟偏宜睡夢入華胥正渺茫

蒙隱二

客舍久雨無酒戲東沈泰叔

秋來滄溟幾曾乾旅邸盤旋尋丈間擬仗神功擊陽  
石却疑天漏類陰山已甘從事經年別未放管城終  
日閒新詩強消遣客情無賴語還慳

次韻

莫訝經旬笑語乾誰令插手斗筲閒長篇險語懷東  
野俗狀塵容愧北山車馬無堪泥淖滑蛟龍不放水  
雲間翻思九夏無涓滴天意何如向日慳

次韻陳季陵覓酒二首

西風曾未入梧楸已有騷人怨凜秋草賦未爲僮父

語破愁宜召麴生謀君方負笈金陵去我欲乘桴滄

海浮後夜月明應好在一樽能爲輟行不

山遠誰憐眉黛愁水明遙憶眼波秋久拋太白猶閒

事却對短檠真拙謀楚佩紉香塵未暗巫雲賦夢語

多浮屢屢政恐聞人怨曾效當年擁髻不

次韻劉伯瑞覓酒

貧病相仍坐拙方敢將斗酒博西涼自憐里巷栖遲  
久倍覺尊疊氣味長玉笋交飛君有約紅裙共醉我  
何嘗一樽聊慰相如渴要聽歌聲過女牆

謝汪汝平送酒

蒙隱二

塵土侵陵老瓦盆胸中磊塊與誰論閒披黃卷欲敬

枕忽有白衣來叩門和氣醺人紅綠眩濃香破鼻典

型存倒壘徹底清如水不比春江帶雨渾

汝平諸公見和復用韻二首

鷺黃快瀉映金盆白墮湘鄧豈並論醅酌不妨尋醉  
侶鞠躬底事入公門盃觴往往陪嘲謔筆札時時荷  
記存指日看君乘障去好將韜略靖羌渾

新詩敏捷雨翻盆樽酒何時與細論擬把鉛刀侔巨

闕卻慙布鼓過雷門天心月脇形容徧春蚓秋蛇體

勢存但得唱酬爲老伴此生道眼未容渾



再用前韻三首

刺頭底事向膠盆沈酒應從通率論人世百年都是  
夢醉鄉四達總無門顛狂自索形骸外酣適寧知禮  
法存日飲亡何真得計袁絲由此脫全渾  
墮地何勞顧甌盆事同電往不堪論歸休我願白駒  
谷登用君宜金馬門氣習自隨流俗變笑談如見古  
人存詞源清澈如甘井愈汲方知愈不渾  
陶治無心喪與盆等閒妍窳難論年光未易留駒  
隙世事唯堪憶鹿門久客思家華髮滿小儒憂國赤  
心存江山還有新亭歎痛惜伊川化陸渾

蒙隱二

三

別墅芍藥盛開沈公問有詩見嘲次韻代柬

誰爲東君得意忙尙留紅藥殿群芳臉霞得酒生朝  
暈衣翠籠紗弄晚妝臉霞倚風來蝶翅殘膏和露到  
蜂房惜花極力搜佳句瘦損東陽笑沈郎  
翰林憶昔咏孤芳自合移根向玉堂貴客親培天女  
手侍臣應帶御爐香花前未許退之辭江上空嗟子  
美忙一夜殷紅飄落盡不堪寂寞對霞觴

次韻艾慎機縣庠蕉花

蕉心擢秀占文庭潤沃偏宜雨露聲已向杏壇新表  
瑞莫嫌花譜舊無名決科此日先幽識記異他年見

史評况有能詩賢令尹直將美事付羣英

艾以諸公雌黃其詩意似不平戲用前韻

載味君詩字字新方知後實稱先聲文章素號五經  
翁姓氏行添千佛名趙璧有瑕虛指示隋珠無假妄  
譏評官閒聊戲管城穎小草銀鈎亂伯英

次韻蘇守金橘

孤根移植自秋山長養潛私刺史天青女染成金色  
淺馮夷剖出蚌胎圓慚非甘吉曾同傳恥與楊盧議  
並肩况有詞章傳樂府佳名從此入新編

白菊

蒙隱二

三

千芳百卉正凋零喜見東籬粲玉英粉艷真能延月  
妬檀心端不羨梅兄騷紅豈爲黃花作丹鼎應須素  
液成勿訝開遲後佳節白衣猶足向淵明抱朴子云  
生丹法用  
白菊花  
汁煉

次韻梅花四首

得得尋梅已覺遲凭欄空賦惜花詩流傳遠信人干  
里漏洩春工雪一枝照水丰容妃子浴傍山瘦影伯  
夷飢最憐清絕牽情處月落參橫畫角悲  
凍合千林暖未回一枝先見臘前梅寒溪澹月憑誰  
賞冷蕊疎香不自媒賴有此君爲伴侶略無凡卉作



其憂歎危百折江頭路應爲多情得得來

銀玉凝酥苦未勻南枝彷彿露天真橫陳月下無雙

影占斷人間第一春屈子浪紉蘭畹佩韓公羞卜杏

花隣廣平見謂心如鐵翻學高唐草賦人

愛花長苦惱天君政恐因花賦洛神江上風霜方破

臘嶺頭冰雪已回春故人遠信來千里浪蕊凡香隔

一塵天與孤高超世俗官將臍腹乞蜂臣

次韻劉敷言新雁

倦飛聊復下江湖此去衡陽萬里餘陣合魚麗司馬

法字排草聖右軍書隨陽度塞身良苦避繳銜蘆計

已疎一抹參差無亂序似聞衙鼓列羣胥

觀曹壽卿上舍詩軸題其後

君詩字字敵雙南直把驪珠取次探李杜盟寒誰共

主曹劉機淺不須參囊中句好緣多愛天外心歸計

飽諳讀罷長編知雋永自然齒頰帶餘甘

欲觀騷雅繼周南虎子應須虎穴探策蹇衝寒將類

賈避堂舍蓋願同參書能泣鬼世誰信詩解窮人我

自諳但得低頭拜東野此心依約已先甘

旅中有感復用前韻

拋埴憑誰爲指南囊空羞澀不容探年光有限堂堂

去世事無心細細參故舊白頭驚未識比鄰青眼喜  
相諳此生自斷何須問茶苦從今等薺甘

賦德秀幾道

小盞新篁脫籜初依然數軸壁間書已無塵落清聲

外空有香分素手餘古獄寃銷神劍去高唐夢破曉

雲疎圍屏只掩青青草門外應無長者車

使君饋食戲少蒙教授

朝來食指非常動果報兵厨已割烹醇德且多從事

酒珍庖特異小人羹虎頭食肉方灰念半脚蹴蔬應

震驚還遺細君真得計隨緣燈火任卿卿

還余朝綱襍編

胸中渾渾乏新奇虛辱熊羆百萬師較藝昔嘗窮五

技還書今復墮三癡退飛頗愧一爲甚盡銳那知再

愈衰自計拋書無復用緘題重寄仲舒韓

偶書

詩魔大抵解窮人到得窮人句益新筆下自慚無好

語眼前底事最清貧草玄天祿書窗冷滌器臨卽酒

市春自古才高多命薄區區何必論錢神

戲效連珠疊韻體

汭流遲澁順流輕石岸崎嶇沙岸平高樹影藏低樹



影前灘聲掩後灘聲飛禽飛去語禽語歸客歸休行  
客行望斷誰憐魂欲斷詩成轉覺夢難成

戲題酒肆

一氣無私萬物春小兒造化果能神烏啼花發遽如  
許酒病詩狂那厭頻倒著敢期山簡醉典衣誰計少  
陵貧上林五柞他年賦姑作臨邛滌器人

夜雪

書律夜雪耿無眠晨起猶禁曉日寒旋見軟紅生野  
水似看寸碧出遙山詩成已覺風生座飲散俄驚月  
滿鞍夢破小窗依約態渾疑暮雨楚雲還

蒙隱二

七

挽處士喬公

姓字詳聞月旦推典刑尚可一斑窺義高諾重人皆  
仰券失金存自不欺富貴浮雲曾唾去死生幻泡獨  
先知一經教子陰功遠印綬纍纍看異時

挽提幹趙君

識君童稚過成人旋見從師學日新一舉文場收雋  
譽十年仕路固清貧豪添徐邈中賢與瘦減相如病  
渴身好善如顏遜短折傷哉命也重悲辛

挽張世英母夫人

吳鄉萍梗寄生涯朝露俄驚歎落花蒿里歌傳風正

慘萱堂香冷月初斜魂歸故國三千里地下高原一  
萬家明日送車應擊轂不堪閣淚聽邊笳

七言絕句

嚴桂餉鄭舜舉戲筆代東

天香薰透辟寒金拂拂鵝黃漢額深多謝西風喚幽  
夢徑隨秋蝶到疎林

折得天葩滿袖香小窗寂寂伴淒涼何如乞與文園  
客瑤髻斜簪試晚妝

再次韻

翠葆低籠衣鏤金惱人風味在秋深不緣月窟移仙

蒙隱二

六

種安得塵寰有桂林

天恐花神漏洩香故教醞釀待新涼丹鉛不御丰容  
淡一洗塵凡時世妝

次韻徐庭珍春日雜言十首

溪風嫋嫋素濤翻兀坐書帷怯悄寒老去見春惟夢  
寐此心底足倩人安

身如不繫一虛舟入眼江山總舊遊視昔視今俱勿  
論且憑從事到青州

燕雀經營競短檐未容蝶夢到花前吾生幾閱春榮  
謝自歎如蠶已再眠



擾擾膠膠且罷休  
會栽奴橘滿汀洲  
但教方寸無餘事  
不必林泉學枕流

輕陰醞釀勒花天  
節物撩人接禁烟  
沂上未成曾點服  
杖頭聊挂阮生錢

沈酣蠶簡不知春  
庭設雀羅誰扣門  
柱頰看山無限意  
陰晴變態異朝昏

卉木爭供衆妙薰  
春工試手爲栽成  
紛紛落蕊鶯邊雨  
寂寂游絲燕外晴

幽花野蔓竟誰栽  
傍水盈盈一笑開  
既許遠攜吟筆去  
未應空掉酒船回

家隱二

五

冶葉倡條過女牆  
依然還作故園香  
雄蜂雌蝶無聊賴  
盡日顛狂有底忙

小兒造化本無心  
孰爲芳時作主人  
唯有丹青留得住  
好令昌輩寫花真

次韻陳季陵元夕

山城燈火發黃昏  
濕雨疎梅暗小園  
回首武林行樂地  
太平風物似開元

歸休無賴曲眠肱  
掃盡繁華只一燈  
冷淡生涯吾舊物  
前身疑是上乘僧

顧我每爲警座客  
如君真是謫仙人  
相逢不作尋常

語一笑同酬慘澹春

李侔生辰三首

伯陽飛御上層天  
繼世雲仍盡謫仙  
炯炯方瞳真壽相  
不勞公祝自長年

心覽冲虛厭物波  
樽前肯聽雪兒歌  
能捐伐性婢娟斧  
不必移技號養和

文章浩浩若江河  
錦囊嘲吟得句多  
政恐絲綸須大手  
竚看三俊在鑿坡

挽奉議劉公度四首

英譽當年藹上庠  
談詩肯羨解頤匡  
才高不第空嗟惜  
一命聊爲末路光

家隱二

三

平生學術在斯民  
蘊積淵源百未伸  
邊障掾曹聊小試  
一城惠愛已如春

風鑑高明世少雙  
袞榮撻辱擅雌黃  
須知柱下書言手  
元是東床坦腹郎

挂冠神武賦歸興  
旋捧恩綸賜佩魚  
誰謂桑榆將暮景  
駢來慶事萃門閭

過馮公嶺

整促籃輿破曉晴  
嵐光滴翠夾衣輕  
日窺青嶂坳中

出身在白雲深處行

陳公藻覓筍仍許作包子

玉版禪師來應供錦綉稚子散分珍弁包更藉枕柳  
屑風味懸知定可人

晚春道中四首

簿書叢裏掣歸身萬樹參參淺綠勻試向小園尋落  
蕊殷勤拂拭覓餘春  
歸途檢點物華非黛色隨風上柳枝撲撲晴香戀芳  
草却疑春去未多時  
纖濃掃盡換清陰便有南風欲薦琴漫道仙葩歸闥  
苑小兒造化本無心

蒙隱二

三

芍藥無香燕有雛綿蠻猶苦勸提壺直須強作留春  
計爛醉黃公舊酒壚

回文四首

春晚落花飛藉草月明驚鵲墮棲枝人歸望澗江天  
暮夢斷愁深夜漏遲  
遲漏夜深愁斷夢暮天江澗望歸人枝棲墮鵲驚明  
月草藉飛花落晚春  
衣霑暗淚香凝怨錦織新詩遠寄愁圍減帶銷紅玉  
瘦粉慵妝淺翠蛾羞  
羞蛾翠淺妝慵粉瘦玉紅消帶減圍愁寄遠詩新織

錦怨凝香淚暗霑衣

總校官編修臣吳裕德

檢討臣徐鑑

校對生員臣梁寶繩

蒙隱二

三

蒙隱集卷二

宛平劉家立劍白覆校

南城程湘楚泉初校



跋

陳鄂父生當南宋以父帥越家世實出華胄而制行廉介服官強就冠帶居解至餐杞菊其兀傲嶽嵴之氣往往於詩篇見之此傳鈔丁氏八千卷樓本也庚架未刊春間至滬假蔣孟萃所藏長塘鮑氏知不足齋以文自書校本校過是正不少始臻完善時辛酉孟冬振唐識

家隱版

一宜秋館